



BIBLIOTECA NAZ.
Vittorio Emanuele III

XXIII

F

4

NAPOLI





ETHICA
CHRISTIANA
SEU
ORTHODOXA
JURIS NATURALIS & GENTIUM
PRUDENTIA.

OPUS SINGULARE

*Cunctis tam Theologis & Juris utriusque Studiosis, quàm cæteris sive in
foro versantibus, aut negotia publica tractantibus; sive privatim
genuinam veritatem & morum bonestatem
indagantibus, longè utilissimum.*

CONTRA
Heterodoxos Moralistas & Pseudo-politicos modernos laboriosè
elucubratum, & in duos Libros digestum

AB

Admodum Reverendo & Eximio Patre Magistro

ANTONIO HOCHKIRCHEN

AQUENSI

*Ordinis FP. Eremitarum S. P. AUGUSTINI, S. Theologie Doctore, ejusdemque,
nec non Juris Pontificii Professore absoluto, Provincie Colonienfis Definitor.*

PARS SECUNDA.

TRAJECTI AD MOSAM,
Typis JACOBI LEKENS, propè RR. PP. Prædicatores.

Cum Approbatione & Privilegio S. Cæsareæ Majestatis.







LIBER II.

DE

JURE GENTIUM

CAPUT PRIMUM

DE

Existencia, Quidditate, Divisione
& Objecto Juris Gentium.

SUMMARIUM.

1



Socialitas naturæ humanæ postulat jus quoddam commune, quod rectè Jus Gentium nuncupatur.

2


Hobbesius, Puffendorfius, Thomasius & alii ejusdem facis De-

clamatores, malè confundunt Jus Gentium cum Jure Naturali; proinde perperam & inofficiose carpunt magnum suum Hugonem Grotium, ed qudd is Jus Gentium aliud statuerit necessarium, aliud voluntarium.

A 2

3.

- 3 *Varium adfertur discrimen inter Jus Naturæ & Gentium propriè dictum.*
- 4 *Plura recensentur Antagonistarum argumenta, quæ identitatem Juris Naturæ & Gentium evincere nituntur.*
- 5 *Diluuntur Argumenta isthæc.*
- 6 *Jus Gentium, licet differat à Jure Naturali, cum eo tamen magnam affinitatem habet.*
- 7 *Rigoriùs differt Jus Gentium à Jure Civili.*
- 8 *Qua de causa, jus Gentium introductum sit?*
- 9 *Grotiana adfertur juris Gentium descriptio.*
- 10 *Triplici respectu, homo considerari potest.*
- 11 *Alii paulò aliter jus Gentium definiunt:*
- 12 *P. Ignatius Schwartz immeritò velut exoletam & infundatam rejicit divisionem juris Gentium, in primævum & secundarium.*
- 13 *Idem Author male quoque putat, expungendam esse divisionem juris Gentium, in universale & particulare.*
- 14 *Rectè tamen rejicit divisionem hujus juris, in scriptum & non scriptum.*
- 15 *Ab omnibus recepta est divisio juris Gentium in affirmativum, negativum & permissivum.*
- 16 *Quodnam sit objectum, seu materia circa quam versatur jus Gentium.*
- 17 *Undenam probetur aliquid esse juris Gentium?*

1  Um homo sit animal sociabile, Gentes pleræque, ut ut longa intercapedine ab invicem distantes, quandam, tum ob necessitatem, tum mutuam utilitatem, inter se societatem inivisse, compertum est, ut autem hæc societas ritè colatur & conservetur, opus est normâ, quæ in commerciis, negotiis & actionibus publicis, mutuo observetur, hæc autem norma non est jus merè naturale, cum multa inter gentes usu recepta sint, quæ à jure naturali directè saltem non prosuunt: sed nec est jus civile, aut positivum particulare; ergo est jus quoddam commune, quod *Gentium* est nuncupandum.

2. Tametsi autem multa inter Gentes sint recepta, quæ juris sunt naturalis, malè tamen cum *Hobbeso*, *Puffendorfo*, *Thomasio* & aliis ejusdem facis Declamatoribus, dixeris: jus Gentium non discrepare specie etiam subalternâ, à jure naturæ, sed solum penes subjecta, & applicationem extrinsecam distingui: quasi verò idem jus prospectu singulorum hominum, *jus naturale* dicatur, intuitu verò integrarum Gentium, *jus Gentium* auiat. Profectò alia est ratio legum naturalium; alia legum, Gentium moribus introductarum: leges enim naturales, sunt veluti media ad felicitatem humanæ naturæ propriam simpliciter necessaria, Gentium verò leges prioribus superadditæ, pro-

prospiciunt humanæ societati, non in omni-
modè necessariis, sed in iis, quæ *mora-*
liter necessaria sunt, seu: ut melius, com-
modiusve subsistere queat. Discrimen ita-
que faciendum inter ea, quæ conformia
sunt rationi naturali, & ea, quæ jure natu-
rali præcepta. Patet enim multa, hoc
jure minimè præcepta, attamen eidem
non dissona, juris esse arbitrarii & huma-
ni. Proinde, licet ejusmodi capita sint
conformia juri naturali, quia tamen vel
quò ad substantiam, vel saltem quò ad mo-
dum, aut determinationem, non sunt præ-
cisè à jure isto præscripta, sed arbitrio
humano relicta; ideo *juri Gentium vo-*
luntario natales suos debent. Quamobrè
immeritò *Thomasius*, in *notis ad Puffen-*
dorf. De Officio Hominis & Civis. cap. 4.
§. 13. *Grotium* vocat: *Juris Gentium vo-*
luntarii, magno nisu vanum Fabricatorem.
Siquidem in hoc, nullatenus erravit *Gro-*
tius, quòd aliud statuerit jus Gentium
necessarium, quod videlicet absque homi-
num voluntate, ex Dei, tanquam Autho-
ris naturæ, providentia, vim legis æter-
næ habet, aliud verò posuerit jus Gen-
tium *voluntarium*, quod videlicet ex ta-
cito pacto illos duntaxat ligat, qui con-
sensu, approbatione ac usu, illud rece-
perunt. Confer, quæ diximus in *Prolego-*
menis. lib. 1. n. 47.

3. Igitur Jus Naturæ & Gentium pro-
priè dictum, multipliciter differunt. Si-
quidem 1. Causa efficiens juris naturæ,
est Deus, ut Author naturæ: juris Gen-
tium verò voluntas populorum. 2. Jus
naturæ est constitutum, seu nobis con-
natum, propter honestatem aut turpitudinem
in actibus relucens; jus Gentium verò
propter communem necessitatem *moralem*,
magnæve utilitatem. 3. Jus naturæ prin-
cipaliter respicit felicitatem homini *sub-*
stantialiter propriam, id est *internam*,
etiam ultra fata, extensam, dirigendo

hominem ad seipsum & Deum. Et licet
etiam dirigat hominem, ut socium, seu in
societate humana existentem, haud tamen
aliter dirigit, quàm in iis, quæ in ordine
ad communem & publicam felicitatem
sunt *simpliciter necessaria*: Econtra jus
Gentium pro fine formali & adæquato,
respicit utilitatem Gentium, seu felicitatem
societatis humanæ merè *externam* hu-
jus vitæ, eamque non fundatam in *absol-*
uta naturæ necessitate, sed fundatam in
necessitate quadam *morali*, quæ *melius esse*
solum importat. Cum enim Gens nulla
sibi adeò sufficiat, rerumque diversitate
abundet, quin ad melius esse, majorémve
utilitatem, imò sæpe ob *moralem* neces-
sitatem, mutuo auxilio, societate & com-
municatione indigeat; ideo adinveniri &
statui debuit jus, quo Gentes eatenus di-
rigerentur & uterentur. 4. Jus Naturæ
respicit objecta fundata in absoluta neces-
sitate, fluitque ex evidētia naturali, vel
per principia per se nota; vel saltem per
conclusiones ex illis principiis deductas.
Quod secus se habet in jure Gentium.

5. Jus Naturæ est prorsus *immutabile*,
Jus verò Gentium, utpote ex hominum
consensu vel arbitraria consuetudine de-
pendens, absolutè mutari potest, aut po-
tius obligare definit, quando cessat ratio
communis utilitatis aut necessitatis. Quo-
circa, belli tempore, quia nobis non est
utile, ut hostis per territorium nostrum
transeat, vel commercia in eo & per il-
lud exerceat, ideo jus Gentium eatenus
nos non obligat. 6. Jus Naturale est *uni-*
versale singulos in particulari, & cunctas
omnino Gentes semper obligans, ita, ut
non nisi per errorem, possit alicubi non
obervari: econtra jus Gentium non ita
stringit omnes, nec in particulari nec in
communi, sed solum à plerisque, puta mo-
ratoribus nationibus, observatur, ut abs-
que errore alicubi possit non vigere. 7.

Jus

Jus Naturæ nedum bona præcipit, sed & mala ita absolute vetat; ut nulli det delinquendi facultatem aut impunitatem: contra, Gentium jure, quædam in se mala tolerantur & impunita relinquuntur. Sic non solum jure Civili, sed & Gentium, ob necessitatem provenientem ex fragilitate & indole hominum, quibusdam in Regionibus calidioribus, permittuntur meretrices & lupanaria; ac passim in contractibus, leves permittuntur deceptiones. Confer Paulum Voët. in libro singulari *De Statutis eorundemque concursu* cap. 2. *sect. 1. n. 1.*

4. Qui jus Gentium cum jure naturæ identificant, sic cum Puffendorffii Apologeis arguunt: imò. Societas inter Gentes est juris naturæ, Teste Seneca Epist. 95. Ubi homines vocat, membra corporis magni, quos natura ediderit cognatos. En ejus verba: *Omne hoc* (inquit ibid.) *quod vides, unum est; membra sumus corporis magni: natura nos cognatos edidit, eum ex iisdem & in eadem gigneret. Hæc amorem indidit mutuum & sociabilem.* Ergo & Gentium leges, quæ hæc societas subsistit & fovetur, sunt juris naturæ. 2dò. Si Gentium jus foret merè humanum, esset ideo; quia ortum esset ex Gentium pacto seu consensu expresso aut saltem tacito: at neutrum dici potest: non primum; quia nunquam & nusquam celebrata, aut à Gentibus indicta fuerunt Comitia generalia, in quibus expresso pacto definita fuerint capita seu placita, à Gentibus mutuo observanda. Quinimò, si gratis admitteretur hujusmodi pactum explicitum; obligatio inde resultans, juris foret naturalis. Sed nec secundum dici potest; tum quia de pacto aut consensu tacito, certa non reperiuntur indicia: tum quia nec omnium voluntas unquam explorata, nec præsumendus est unanimitas mortalium consensus, maxime, cum scia-

mus diversissimas Nationes, inclinatione & genio plurimum discrepare. Tum denique; quia quarundam tantum Gentium conspiratio non sufficeret ad inducendum jus universale, neque populi antecessores potuerunt obligare successores. 3. Quia, ut loquitur Puffendorf. de J. N. & G. lib. 2. cap. 3. §. 23. ea, quæ passim juri Gentium attribuantur, verius roducuntur ad jus naturæ.

5. Ad 1mum Resp. Dist. Anteced. Societas inter Gentes est juris naturæ concessivi & originaliter, quatenus natura inclinat ad socialitatem C. Est juris naturæ Præceptivi & formaliter, quasi natura ad socialitatem obligaret N. Similiter distinguui potest Conseq. Ergo & Gentium leges &c. sunt juris naturæ, si sint media ad felicitatem naturæ humanæ propriam simpliciter necessaria C. Si tantum sint media necessaria ad melius esse, ut sunt Gentium leges aut consuetudines, ad commune commodum, introductæ N.

Ad 2dum. Resp. Neg. Mi. Ejsusque secundam probationis partem. Porro tacitus Gentium consensus, satis colligitur, ut bene observat Grotius lib. 1. cap. 1. §. 14. ex usu continuo moratorium Gentium, & testimonio peritorum. Moratorium (inquam) Gentium. Nationes enim prorsus barbaræ & effræ, ne Gentis humanæ nomen merentur, adeoque earum actiones, convictui humano adversantes, juri Gentium præjudicare nequeunt. Quocirca ad jus Gentium universale, in sensu accommo constituendum, sufficit uniformis moratorium Gentium usus & consuetudo, qua etiam tenentur populi successores, eo quod in hominum æstimatione, maneant iidem. Siquidem Cives in demortuorum locum succedentes, repræsentant prædecessores, & in æstimatione morali, eundem faciunt populum.

Ad 3. Resp. Neg. Assumptum. Non enim

enim ad jus naturæ propriè tale, alia spectant capita seu dictata, quàm quæ sunt *absolutæ necessitatis*, sive, quæ *simpliciter, in se & determinatè* conducunt ad finem à natura intentum. Quæ verò sunt utilitatis vel commoditatis intuitu, solum necessaria *moraliter*, seu *ad melius esse*, ad jus naturæ propriè non spectant, nisi naturæ præcepta in infinitum multiplicare, & jus ipsum naturale, cum jure arbitrario & humano, confundere velis. Igitur, ut supra dictum; multum diversa sunt: *esse naturæ conforme, consonum aut consentaneum*, &: *esse à natura præceptum, aut necessariò faciendum*.

6. Hoc damus, quòd licet à *Puffendorffii Paraphrasis*, malè confundatur jus Gentium cum ipso jure naturali, nihilominus cum eo magnam habeat affinitatem, & ideo ab illo non differat tanquam species diametraliter opposita, sed velut species *subalterna*. Affinitas hujus juris cum jure naturali, colligitur tum ex eo, quòd utrumque sit Gentibus commune; tum, quòd utrumque respiciat publicam Societatis humanæ felicitatem; & denique fundetur in convenientia cum ratione humana, ut proinde ferè ortum cum genere humano: ac per usum aut imitationem, vel per populorum conventiones, inditum propagatumve noscatur.

7. Cæterum, propriè & rigorosè, jus Gentium discrepat à jure Civili. Tum quia jus Civile natales suos debet voluntati legislatoris humani: Jus Gentium verò, non ab uno supremo Civitatis aut Reipublicæ moderatore, sed ab usu, & moribus populorum constitutum. Tum quia jus Civile *privatas*; Gentium verò *communes* spectat necessitates vel utilitates, neque in una duntaxat Civitate, Regno aut Republica, sed apud plerasque Gentes observatur. Ex dictis

8. RESULTAT, Jus Gentium ortum

esse tum ex indole naturæ humanæ socialis, tum ex amore, quem etiam extraneis impendere convenit, in iis, quæ ipsis moraliter necessaria, seu valde utilia sunt. Etsi enim factà terrarum divisione, discreti quoque fuerint populi; non cessavit tamen affectus societatis, aut moralis seu politici mortalium conjunctio; & cum nulla Gens sibi usquequaque sufficiat; ut, sive ad commodiorem vitam, seu ad sui defensionem & tutamen, alienis haud cgeat suppetiis; inde est; quòd ipsa naturæ humanæ conditio, pellexerit Gentes ad statuenda aut observanda placita communiter omnibus hinc inde proficua.

9. Differendo de Quidditate juris Gentium, non displicet *Grotii* descriptio, quæ hoc jus dicit *conventionem tacitam, vigore cujus Gentes ut tales, obligatione mutua consociantur in ordine ad illa, quæ ad communem ipsarum felicitatem pertinent*. Ubi per *conventionem tacitam* indigitatur forma intrinseca hujus juris, & differentia à jure naturæ, quod vim legis propriè dictæ habet, cum écontra, pacta inter Gentes superiorem non agnoscences, naturam legis induere nequeant, sed in finibus conventionis consistant.

10. Dictum: *Vigore cujus Gentes, ut tales*. Homines enim tripliciter considerari possunt, scilicet vel tanquam creaturæ rationales, vel tanquam membra generis humani in diversas Gentes dispersi; vel tanquam membra singularia Civitatis aut Reipublicæ. Priore respectu, dirigitur jure naturæ; secundo, jure Gentium; tertio, jure Civili.

11. Alii cum *Vitriario Inst. J. N. & G. cap. 1. n. 21*. Jus Gentium definiunt esse: Ordinationem rationis, diuturnis Gentium moribus ad communem utilitatem Gentium quæ talium constitutam. Utraque definitio satis naturam hujus juris

ris exponit, & parum ad rem facit, utrum dicamus, illud *formaliter* constitui per conventionem tacitam, an per usum & consuetudinem; quia ipsemet usus longævus aut supponit tacitam conventionem, aut illam constituit.

12. Jus Gentium dividitur passim in primævum, quod ratio naturalis inter homines constituit, & de quo egimus in *Prolegomenis. lib. 1. ac secundarium*, quod videlicet usu, & necessitatibus exigentibus, introductum est. Neque hæc divisio tanquam exoltra aut infundata ideo expungenda est, ut putat P. Ignatius Schwartz, quasi niteretur falso supposito *Justiniani*, de duplici jure naturæ; utpote qui jus Gentium cum jure naturali confuderit. Non enim *Justinianus* statuit duplex jus naturæ, dum de jure Gentium disse-ruit, sed solum insinuavit; jus Gentium, naturali ratione, ob necessitatem vel utilitatem, introductum esse, & à populis moratoribus peræque observari; quod utique aliud est, quam jus Gentium confundere cum jure naturali propriè & rigorosè accepto. Retinenda igitur est allata divisio, quæ coincidit cum illa, quam in *Prolegomenis n. 48.* ex communi Doctorum sententia, adduximus. Verissimum enim est, quod aliud sit jus Gentium toti humano generi commune; quod est ipsum jus naturæ, & ideo vocatur jus Gentium *Primævum ac necessarium*, aliud verò jus Gentium *voluntarium*, seu *secundarium*, & propriè dictum. Neque in hoc passu reprehendi meretur *Grotius* dum asserit: jure Gentium scilicet *voluntario*, non omnes omnino Gentes stringi & obligari, eò quod ultra jus naturale & divinum novum, defacto non sit reperibile jus, omnibus omnino Gentibus commune; ex quo contingere potest: ut, quod in una orbis parte juris Gentium censetur, alibi aliter reputetur.

Consonat *Paulus Voet. loc. cit. n. 2.* ubi plures alios citat auctores.

13. Ob rationem præactam, Pater Schwartz immeritò rejicit divisionem juris Gentium in *universale*, quod nobis, jus naturæ audit, & *particulare*, id est *minus universale*, quo videlicet moratores Gentes utuntur. Neque hac ratione confunditur jus Gentium cum jure Civili, quod alium habet authorem, aliūque finem spectat, ut supra dictum. n. 7. Falsum verò est, quod finis juris Gentium, sit omnium omnino Gentium communis felicitas, seu utilitas: constat enim multas dari Gentes adeo barbaras & efferas, quæ suo corrupto genio indulgentes, nullam cum moratoribus colunt societatem.

14. Non inciamur tamen, divisionem juris Gentium in *scriptum & non scriptum*, videri superfluum; eò quod jus scriptum, seu expresso Gentium consensu, stabilitum, potius sapiat fœdus, & jus quoddam particulare; quàm id, quod meretur appellari, Gentibus, ratione & moribus utentibus, *commune*.

15. Ab omnibus recepta est divisio juris Gentium in *affirmativum*, *negativum* & *permisivum*. Primum est, quo aliquid fieri præcipitur, non tamen in *actu secundo*, pro semper obligat. Secundum est, quo aliquid fieri prohibetur, idque stringit semper & pro semper. Tertium est, quo nihil determinatè præcipitur aut vetatur, sed *negativè* se habet, vel tolerando actum, si sit *Adiaphorus*, vel non puniendo palam, si sit malus.

16. Cum fundamentum juris Gentium, sit communis populorum necessitas & utilitas, liquet; quod ejus objectum, seu *materia circa quam*, sint ea omnia, quæ ad convenientem communicationem & inde resultantem utilitatem communem, conferre nata sunt, quorum referuntur

1. Rerum & populorum divisio. 2. Negotiandi facultas. 3. Bellum & exinde servitus. 4. Pax 5. Repressaliæ. 6. Legatorum immunitas. 7. Fœdera. 8. Jus transitus, seu commigrandi. 9. Usus Monetæ, ejusque cudendæ jus. &c. de quibus suis locis agemus. Ad jus Gentium verò primævum spectant illa omnia, quæ juri naturali directè adscribuntur, cujusmodi sunt Matrimonium, liberorum educatio; defensio sui ipsius, Religio naturalis, amor patriæ atque parentum. *Vœt loc. cit. n. 3.*


17. Jus Gentium inquit *Grotius lib. 1. De J. B. & P. cap. 1. §. 14. n. 2.* probatur pari modo, quo jus non scriptum Civile, usu scilicet & testimonio peritorum, est enim hoc jus *reperitum temporis & usus.* Unde in eam rem, perutiles nobis illustres annalium conditores. Promptius tamen evincitur, aliquid esse juris Gentium; si contineat communem utilitatem vel necessitatem inter omnes aut saltem moratiores Gentes.

C A P U T II.

D E

Statu Hominis adventitio.

S U M M A R I U M.

- 1  *Status Hominum quid & quotuplex?*
- 2 *Status hominum Adventitius non reperitur extra Societatem.*
- 3 *Pro varietate statûs, variant & jura atque officia.*
- 4 *Omnium Societatum prima est conjugalis.*
- 5 *Quid sit hæc Societas, spectato jure naturæ?*
- 6 *Status conjugalis à Deo institutus, quàm maximè est licitus.*
- 7 *Status iste, quatenus sit jure Naturæ præceptus?*
- 8 *Hic status, ab incunabulis suis, jure Divino, importavit vinculi perpetuitatem.*
- 9 *De Divina dispensatione cum Judæis, & de restauratione primævi præcepti per Christum.*
- 10 *Plures volunt, conjugium suapte naturâ, importare statûs perpetuitatem.*
- 11 *Verius tamen est, hanc perpetuitatem non competere Matrimonio*

A. Hochkirchen, Eticha Christ, Pars II.

B

etiam

- etiam consummato, nisi ex lege Divina positiva.
- 12 Absolutè loquendo; primario Matrimonii fini non repugnat vinculi solubilitas mutuo consensu facienda.
- 13 Confirmatur hæc sententia.
- 14 Dirimitur scrupulus injectus.
- 15 Indissolubilitas vinculi conjugalis, est valde consona rationi naturali.
- 16 Et ideo apud moratiores Gentes usu recepta.
- 17 De Polygamia olim permissa & nunc abrogata remissivè.
- 18 Multi nedum Catholici, sed & Protestantes contendunt, Polygamiam fore, & fuisse semper jure naturæ vetitam.
- 19 Contrarium verius esse evincitur.
- 20 De Polyandria communiter convenit inter Doctores, quoddam juri naturæ prorsus adversetur.
- 21 Proponuntur & diluuntur objectiones.
- 22 Reprehenditur Sanchez, qui opinatus fuit, Deo dispensante, Polyandriam posse esse licitam.
- 23 Stoici & Spartani, turpissimè dicuntur admisisse uxorum communionem.
- 24 Polygamia per accidens, occasione nimiae uxorum multitudinis, & nimis effusæ libidinis, potest esse juri naturæ dissona.
- 25 Dispensatio Divina Patriarchis & populo Hebræo olim facta, circa pluralitatem uxorum, probabiliter ante Christi adventum, jam cessaverat.
- 26 Quo tempore, tamen Polygamia Hebræis erat permissa, juxta D. P. Augustinum, non erat Gentibus prohibita.
- 27 Vigente Divinè dispensatione, non erat definitus uxorum numerus.
- 28 Abrogatà per Christum Polygamia, nedum fidelibus, sed & Paganis, uxorum pluralitas prorsus est interdicta.
- 29 An & quousque Consanguinitas, jure naturæ, Nuptias dirimat?
- 30 Dirimit certè in primo gradu lineæ rectæ.
- 31 Jus naturale non est metiendum ab indole quorundam brutorum aut hominum, qui moribus obbrutuerunt.
- 32 Moratiores Gentes, ab hujusmodi nuptiis semper abhorruerunt.
- 33 Occurritur Objectionibus.
- 34 Consanguinitas in linea recta, jure naturæ, verosimilius dirimit Matrimonium in infinitum.
- 35 Evertitur Argumentum P. Ignatii Schwartz.
- 36 Probatur, debilem esse instantiam nostri Basilii Pontii.
- 37 In linea obliqua, ne primus quidem gradus, obest de jure naturæ, nuptiarum valori.
- 38 Probatur hæc Assertio.
- 39 Enervatur fundamentum oppositæ sententiæ.
- 40 Aliæ Objectiones refutantur.
- 41 Impotentia cœundi antecedens & perpetua, non finit nuptias validè contrahi.

- 42 *Exponitur & probatur isthæc conclusio.* Hi: aut propriè dicti; aut impropriè tales.
- 43 *Impotentia hujusmodi superveniens Matrimonio contracto etiam non consummato, non potest illud rumpi facere accedente etiam Papæ auctoritate.* 56 *Solus error conditionis servilis propriè dictæ, facit; quod minus valeat jure naturæ Matrimonium liberi cum ancilla; aut liberæ cum servo.*
- 44 *Cur Professio Religiosa rumpat Matrimonii rati vinculum?* 57 *Noster Basilii Pontius, hac in parte, non malè distinguit.*
- 45 *Impotentia coeundi, ut substantia- liter vitiet Matrimonium, qualis esse debeat?* 58 *Et si disparitas cultûs faciat illicitè nuptias contrahi, non tamen naturæ jure, illas irritat.*
- 46 *Sterilitas sola, non obest Matrimonii valori.* 59 *Quinimò ex sacris Litteris, efficaciter probari nequit, quod jure Divino positivo, cultûs disparitas induxerit nullitatem nuptiarum.*
- 47 *Aliud dicendum: si sit antecedens, conjuncta cum impotentia coeundi.* 60 *Matrimonium baptizati cum, Pagana, non habet Sacramenti rationem, licet Ecclesia tales nuptias non irritasset.*
- 48 *Eunuchi, Spadones, seu Castrati, utroque testiculo carentes, jure naturæ, ad nuptias sunt inepti.* 61 *Exponitur textus D. Pauli 1. Corinth. 7. Sanctificatus est vir infidelis, propter uxorem fidelem.*
- 49 *Quid de Hermaphroditis, de utroque sexu æqualiter, vel inæqualiter participantibus?* 62 *Matrimonium Catholici cum Hæretici, aliòquin ritè contractum, nedum jure naturali & Divino; sed & Ecclesiastico, validum est.*
- 50 *Error circa Nuptias, est quadruplex.* 63 *Regulariter tamen illicitum ac prohibitum.*
- 51 *Solus error circa personæ individuum substantiam, reddit Matrimonium jure naturæ, nullum.* 64 *Exceptio ab ista regula.*
- 52 *Error igitur circa personæ qualitatem, aut fortunam, non evacuat Matrimonii valorem. Præcedens doctrina limitatur. ibid.* 65 *Vix licita est consuetudo, ut Catholici cum hæreticis connubia celebrent, etiam in locis, ubi mixtim vivunt.*
- 53 *Quandònam error qualitatis, redundet in personam?* 66 *Minus verò [nisi fortè in singularissimo casu] tolerari potest, ut nuptiæ eo pacto contrahantur; ut*
- 54 *Error conditionis, non ita jure Naturæ officit nuptiarum valori, sicut jure, tum Civili, tum Canonico.*
- 55 *Homines, alii liberi, alii servi. Isti aut. Ingenui sunt, aut Libertini.* B 2 masculi,

- masculi, Patris Religionem, sœmellæ, Matris sectam sequantur.*
- 67 *Vis compulsiva, & metus etiam gravissimus, non dirimit jure naturæ, Matrimonium. Quod secus de jure Ecclesiastico.*
- 68 *Quæ requirantur, ut metus jure Ecclesiastico, nuptias dirimat?*
- 69 *Metus gravis, facit, Matrimonium, jure naturæ, rescindi posse.*
- 70 *In statu merè naturali, si deficeret superior, ipsemet, qui ex gravi metu contraxit, Matrimonium rumpere posset.*
- 71 *Occurritur scrupulo.*
- 72 *Matrimonium inter fideles valdè contractum, nec per Adulterium compatis; nec per malitiosam alterius desertionem; neque per ullum crimen, dissolvi potest.*
- 73 *Detegitur Protestantium error, in hoc puncto.*
- 74 *Jure naturæ, viro competit quædam superioritas & potestas saltem directiva in uxorem.*
- 75 *Respondetur ad opposita.*
- 76 *Post Evæ peccatum, mulier jure Divino, subest marito, quò ad potestatem etiam coactivam.*
- 77 *Quæ tamen non est despotica, sed domestica & civilis.*
- 78 *Natura præcipuam potestatem in liberos, & familiam regendam, dedit Patri.*
- 79 *Exercitium tamen hujus potestatis, ex speciali pacto, posset competere Matri.*
- 80 *Cæteroquin præferendum est patris imperium.*
- 81 *Hobbesius, ex cerebrinis rationibus, Matri præcipuam, de jure naturæ, adscripsit potestatem in liberos.*
- 82 *Patria potestas, quid importet de jure naturæ?*
- 83 *Quousque se extendat in personas liberorum?*
- 84 *Patri non competit jus vitæ & necis in proles etiam gravissimè delinquentes.*
- 85 *Perimuntur objectiones.*
- 86 *Pater non valens filium alere, eundem alteri oppignorare, imò & vendere potest.*
- 87 *Origo patriæ potestatis, prout de jure naturæ suo modo communis est; desumitur à fine, nempe: ab obligatione liberos debitè educandi.*
- 88 *Status familiæ paternæ quid sit?*
- 89 *Patria potestas, qua ratione sit juris naturæ & Gentium; itidem & juris Civilis?*
- 90 *Plurimi effectus, quos jus Civile patriæ potestati attribuit, fundantur in jure naturali.*
- 91 *Quid sit status herilis?*
- 92 *Servitus, alia pactitia, alia legalis, seu coacta.*
- 93 *Origo & causa servitutis propriè dictæ.*
- 94 *Servitutis pactitiæ occasio & causa proxima.*
- 95 *Status herilis, est juris naturalis permixti.*
- 96 *Quid verus possit vel non, in servos tum pactitos, tum coactos?*



Er Statum hominum in genere intelligimus certam hominum conditionem, seu vivendi rationem; quæ, si à sola natura ac independentè à factò aliquo libertatis congenitæ restrictivo proficiscatur; vocatur *Status naturalis*: Si verò homini ex factò quoque sive proprio sive alieno, libertatis nativæ limitativo, proveniat; *Status adventitius* nuncupatur. Sic homo dicitur esse in Statu naturali constitutus, si sibi soli viveret, nec alteri, præterquam soli Deo, ut auctori naturæ subjectus esset: si verò sive sua sponte, per factum aliquod proprium, sese alteri dedat, subjiciat, mancipet; sive per alterius factum, ad deditiorem, subjectionem, mancipatūve cogatur; dicitur esse in Statu adventitio, quatenus tali ratione, præpeditam sentit nativam libertatem. Unde Status hominis adventitius bene describitur, quòd sit: *conditio hominis, per factum sive proprium sive alienum, ad certa quædam officia & inde pullulantia jura, determinati.*

2. Ex quo resultat, quòd Status adventitius non reperiatur extra societatem, quæ velut una persona *moralis* consideranda, quatenus plures unanimiter in eundem finem conspirantes, eadem media assumunt, ad finem istum consequendum.

3. Cum autem fines admodum diversi esse possint: patet; societates varias esse posse, sociòsque, ad varia officia & jura obstrictos posse censeri.

4. Cæterum inter varii generis societates, prima conspicitur *conjugalis* seu *domestica*, quæ est *simplex*, ex aliis minoribus non compolita, ad distinctionem

alterius, quæ ex aliis minoribus confurgit, cujusmodi est civitas aut Respublica.

5. Status itaque conjugalis, ordine & dignitate primus, spectato præcise jure naturæ, intelligitur esse *societas simplex* personarum diversæ sexûs, sobolis ritè procreandæ educandæque causâ, inita.

6. Hunc Statum esse à Deo tanquam Authore naturæ institutum, adeoque jure naturali, quàm maximè licitum, nemo Christianorum dubitare potest, & ratio sana dicat, speciem humanam propagari haud debuisse per vagos dissolutòsque concubitus, sed per legitimam maris & fœminæ conjunctionem, sine qua, nec societas domestica, nec Status familiæ subsistere potest.

7. Statum conjugalem non quidem singulis omnino hominibus, multiplicato sat humano genere, sed universitati tantum hominum, esse jure naturæ præceptum; Theologi concorditer tradunt cum *D. Thoma 2. 2. quæst. 152. art. 2. ad 1.* ubi sic scribit: *Præceptum Genes: multiplicamini &c. non respicit singulos, sed multitudinem hominum, quam necessarium est, non solum multiplicari corporaliter, sed etiam proficere spiritualiter. Quocirca satis providetur humane multitudini, si quidam generationi carnali operam dent, quidam contemplationi Divinorum vacent, ad totius humani generis pulchritudinem ac salutem.*

8. Quòd, spectato jure Divino, Status conjugalis, à mundi incunabulis, importaverit pactum, seu vinculum perpetuum, respectu omnium hominum etiam paganorum, adeoque contractus temporarius, nunquam fuerit verè matrimonialis, sive licitus sive validus, colligitur ex *Genes. 2. v. 24. Relinquit homo patrem & matrem & adhærebit uxori suæ, & erunt duo*

in carne una. & Matth. 19. v. 8. *Ab initio autem non fuit sic. Quod Deus coniunxit, homo non separet.* Unde Concilium Tridentinum, sess. 24. De Matrim. dicit: Matrimonii perpetuum indissolubilémque nexum, primus humani generis parens, Divini Spiritus instinctu pronuntiavit, cum dixit: *hoc nunc os &c.*

9. Qua ratione Deus, propter duritiam cordis, in hoc præcepto, per Moysen olim dispensaverit cum Judæis, ut uxoris suis dare possent libellum repudii, & qualiter Christus hanc repudiandi licentiam abrogarit, matrimoniumque primæ suæ indissolubilitati restituerit, expositum in *Prolegomenis*, n. 38. Alibiquoque dictum, quod Matrimonium consummatum, quod apud Christianos, Sacramenti rationem habet, nullo casu, nisi mortis, apud ipsos sit dissolubile.

10. Quæstio tamen superest, num Status conjugalıs, inspecto præcisè jure naturæ, importet vinculum perpetuum ac indissolubile? *Affirmant* nedum magni nominis Theologi & Canonistæ, sed & ex Protestantium scholis, ipse *Puffendorf. De Officio hominis & civis lib. 2. cap. 2. §. 6.* item *lib. 6. De jure N. & G. cap. 1. & Heineccius in Elem. lib. 2. cap. 2. §. 449.* cum *Kemmerichio in Element. lib. 2. cap. 2. §. 4.* Rationem dant: quod Status conjugalıs, spectato etiam solo jure naturæ, fulciri debeat contractu non qualicumque, sed, qui de se conducat ad Status istius finem tum primarium, tum secundarium: jam verò contractus temporarius & mutuo consensu dissolubilıs, ad neutrum istius status finem de se conducit; non quidem ad *primarium*; qui non solum est generatio, sed congrua educatio prolis, non per aliquod tempus, sed per totum ejus vitam, à parentibus fieri debita, ut tradit *D. Thomas in 4. Dist. 33. q. 2. art. 1. in Corpore.* ubi insuper

dicit, de lege naturæ esse: *quod parentes filiis thesaurizent, & filii parentum heredes sint.* Quomodo enim finis iste obtineri posset, si fœmina nunc uni, nunc alteri nubere, aut vir, mox uni, mox alteri se jungere posset uxori. Quomodo inquam sat certa proles? quis etiam amor parentum erga liberos? & quo pacto, hujusmodi conjugia differrent à vago concubitu, qui etiam non respuit omnem conventionem? sed nec finis *secundarius*, qui consistit in mutuo subsidio, solatio atque auxilio in rebus domesticis, obtineri posset, si conjuges pro lubitu ab invicem discedere possent, aut ad certum solum tempus, nuptias contrahere valerent.

11. Ob præactam rationem, Classici Authores tradiderunt: Matrimonium consummatum, esse prorsus jure Naturali indissolubile: quia tamen hanc quæstionem cum *Sanchezio* penitiùs & limatiùs considerârunt, tandem concludere & fateri debuerunt, quod omnimoda indissolubilitas non competat Matrimonio consummato, ex jure naturæ, sed ex lege Divina *positiva*, quam Christus innovavit, elevando insuper Matrimonium ad rationem Sacramenti, & statuendo: ut repræsenteret indissolubilem sui cum Ecclesia unionem. Unde quando *D. Thomas in 4. Dist. 33. q. 2. art. 1. & alibi*, quandam, de jure naturæ, tribuunt indissolubilitatem Matrimonio; non est intelligendus de jure naturæ, *in sensu rigorofo*, sed de convenientia magna cum ratione naturali. Quomodo enim cæteroquin in veteri lege, dispensatum fuisset cum Judæis, ut repudiare potuissent uxores, & alias superinducere, cum in jure naturæ propriè dicto, nulla dari possit dispensatio? *Adde*: quod & in nova lege, unus infidelium conjugum converforum, possit ad alia vota transire, seu novas nuptias

ptias contrahere, si alter nolit ex infidelitate converti, nec converso cohabitare absque contumelia Creatoris: quòd fieri non possit; si Matrimonium, de jure naturæ, foret penitus indissolubile. Ad hoc Argumentum quidem alias respondimus, quòd in concursu duorum præceptorum naturalium, ubi nempe utrumque servari non potest, illud præponderare & observari debeat, quod magis stringit & fortius obligat, quale est illud, de non toleranda contumelia Creatoris & Salvatoris, deque non subeundo periculo perversionis; nihilominus, si Matrimonii vinculum, jure solo naturæ, foret prorsus indissolubile, potius dici deberet: quòd in casu posito, solùm absolveretur neò conversus ab obligatione cohabitandi alteri nolenti converti, aut Salvatorem blasphemanti; aut: quòd manente vinculo prioris Matrimonii, dispensetur cum converso, ut possit esse *bigamus*.

12. Quidquid sit; *absolutè* loquendo, non videtur Matrimonii *primario* & *essentiali* fini repugnare solubilitas, mutuo consensu, faciendâ. Si enim v.g. ad decem annos, nuptiæ contraherentur, aut: post viginti annos, mutuo consensu dissolverentur; prolibusque interea natis & bene educatis, utrimque convenienter prospiceretur; quid ob stare posset fini primario Matrimonii, qui est prolis generatio & debita educatio? Quinimò (verba sunt Card. Bellarmini lib. 1. de Matrim. cap. 4.) *Si consideremus Matrimonium, ut est officium naturæ, ad propagandam sobolem; agrè potest reddi ratio; cur ob sterilitatem conjugii, non liceat eam dimittere & aliam ducere? Si Matrimonium consideres, ut est remedium fornicationis; cur non poteris uxor, perpetuo morbo laborans, dimitti? aut, cur sobole ritè educatâ, non poteris alia duci?* Videtur quidem Doctor Angelicus loco supra cit. curam parentum, circa

prolium educationem; extendere ad totam earundem vitam; ast id de naturali & stricta obligatione intelligi nequit, cum proles ad pubertatem & ultra, educatæ, sibi prospicere possint; & de jure Civili, proles emancipatæ, sui juris reputentur, nec subsint Patriæ potestati. Porro, licet mutuam subsidium, solatiûque ex cohabitatione perpetua resultare natum, arguat, naturali rationi consentaneum esse, ut vinculum Matrimonii sit perpetuum; attamen non probat absolutam necessitatem naturæ Matrimonii simpliciter propriam, de qua hic sermo.

Huc facit, quòd, sicut dictum, *Divus P. Augustinus, Doctor Angelicus, & alii Doctores Classici, Matrimonii indissolubilitatem perpetuò referant ad unionem Christi cum Ecclesia. Audiamus Augustinum! Hujus* (inquit lib. 1. De nupt. cap. 10) *Procul dubio Sacramenti res est, ut mas & femina connubio copulati, quamdiu vivunt, inseparabiliter perseverent.* Unde Innocentius III. cap. *Quanto. De divortiis.* Matrimonium fidei, indissolubile dicit, quia est Sacramentum, non item infidelium; quia non est ratum, seu Sacramentum. Ergo supponunt SS. Patres & Doctores; quòd Matrimonium de jure naturæ, seu in ratione contractûs merè naturalis, tam arctam non importet indissolubilitatem, Præterquàm, quòd & Matrimonium fidei, ratum, etsi sit Sacramentum; equidem per Professionem religiosam, vinculo tenus dissolvatur; ut testatur Ecclesiæ traditio, & juris Canonici dispositio.

13. Profectò; si contractûs Matrimonialis ex natura sua, seu naturali jure, foret perpetuus, præstantissimi juris Consulti; Paulus, Cæus & alii, haud existimassent; licitè servatis servandis, posse repudiari uxores. Confer I. 1. 2. & fin. ff. De divortiis. Neque idem arbitrati fuissent: Plato, Cato, Cicero & alii, de quibus

bis meminit *Divus P. Augustinus lib. de bono Conjugii. cap. 18.* Quin etiam Christo indissolubilitatem Matrimonii restaurante, dicendo : *Qui aliam duxerit, mœchatur*, haud scandalizati fuissent Judæi; quasi de re nova & inaudita, regerentes : *Si ita est, non expedit nubere*. Si enim jure Naturæ, id fuisset notum; non fuissent per Christi Sermonem scandalizati, seu admirati.

14. Nec attendi meretur, quòd concessâ licentiâ, mutuo consensu nuptias dissolvendi, familiæ perturbentur, & in Republica nascatur confusio. Non enim hic consideramus societatem conjugalem, prout reperitur in statu Civili, & bonam respicit civitatis politiam; sed, prout is Status se habet, *secundum se*, præscindendo à legibus civilibus & politicis : hoc autem modo consideratus, non importat vinculum indispensabiliter perpetuum, cum per vinculum etiam mere temporale & simpliciter solubile, sufficienter tamen accommodatum educationi prolis, satis præcaveri possit fini primario & essentiali Matrimonii.

15. Solùm ergo evincitur, quòd indissolubilitas vinculi conjugalis, sit valde consentanea rationi naturali, quia non apparet medium aptius coercendi vagam libidinem, veram fovendi amicitiam, salutemque liberorum promovendi; quàm conjugium ad dies vitæ initum; quæ tamen omnia, jure naturæ *Præceptivum* non evincunt, cum non omne, quod est rationi consonum, sit juris naturæ *præceptivi*, ut patet in cœlibatu, & operibus consilii.

16. Ob hanc tamen majorem convenientiam cum ratione naturali, ad societatem bene ordinatam inclinante, pleræque Gentes saltem *moratiores*, Matrimonii contractum consueverunt esse perpetuum, saltem ita, ut privatâ autoritate, & ob quamvis causam, pro libitu, illum rumpere non fuerit concessum.

17. Quod jure Divino, à mundi primordiis, status conjugalis respectu omnium hominum etiam Gentilium, importaverit vinculum duòrum, exclusivum omnis *polygamie*, sive *licite* sive *valide*; quòdque Deus ad multiplicandum populum fidelem, post Diluvium, dispensaverit cum Patriarchis, ut simul plures habere possent uxores; alibi pluries probatum. Nemo etiam ignorat, quòd Christus in nova lege, Polygamiam abrogaverit, ut meritò Concilium *Tridentinum* anathematizaverit eos, qui dixerint: licere Christiano plures habere uxores, neque id lege Divinâ fore prohibitum.

18. Disputatur tamen, an *Polygamia* sit ipsomet jure naturæ prohibita? Id quod nedum multi ex Catholicis, tum Canonistis, tum Theologis contendunt, & ex *Protestantibus*, *Heineccius* & *Vitriarius* probare nituntur, contra *Lutherum* & *Anabaptistas*. Fundamentum ipsorum est; quòd pluralitas uxorum, videatur officere generationi prolis, viro fecunditatem suam enervante, dum pluribus adhæret uxoribus: videatur etiam obesse debitæ prolis educationi; dum sic affectus patris, divideretur in filios diversarum matrum plus vel minus dilectarum: Videatur porro etiam repugnare mutuæ traditioni corporum, quæ debet utrimque fieri *in solidum*: id quod stante uxorum pluralitate, fieri non posset; etsi enim quælibet uxor totum corpus suum traderet marito, non hic tamen reciprocè traderet uxoribus, ut patet. Quò facit; quòd tale conjugium, non esset remedium concupiscentiæ respectu plurium uxorum, quarum quælibet simul, voto suo potiri non posset. Præterquam; quòd ex diversarum mulierum indole, vix sperari possit pacifica familiæ gubernatio, multò minus mutuum subsidium & solatium, ut liquet exemplis sacræ Scripturæ, de *Agar* & *Sara*, de *Rachele* & *Lia*.

19. Verosimilius tamen est, *Polygamiam* spectato solo naturæ jure, nec esse, neque fuisse vetitam; & ita post *Durandum*, *Gerfonium*, *Cajetanum*, *Abulensem*, *Medinam*, *Scotum* & alios, quos citat *Sanchez lib. 7. de Matrimonio. Disp. 80. n. 8.* novissimè *P. Ignatius Schwartz Instit. juris publici. part. 2. tit. 1. pag. mibi. 8.*

Nec plenè probat contrarium, discursus præmissus. Nam generationi & educationi prolis tantum abest, ut repugnet uxorum pluralitas; ut per se loquendo, generis humani propagationi etiam aptior videri posset, cum vir unus teste *D. Thoma in 4. Dist. 33. q. 1. art. 1.* sufficiat pluribus uxoribus sæcundandis & educandis filiis, ex eis, natis. Nisi enim ad id sufficeret vir unus, Deus post diluvium non dispensasset cum Patriarchis circa *Polygamiam*. Quòd si reprehendatur *Salomon* ob uxorum pluralitatem; non reprehenditur ob aliam rationem; quàm, quia nimium indulsit libidini, assumendo nimiam scæminarum alienigenarum & idololatriæ addictarum, multitudinem. Cæterum, licet reciprocum & utrumque æquale pactum conjugale de tradendo usu corporis in solidum, primario fini Matrimonii maximè conveniat; non tamen probatur, esse simpliciter necessarium; cum pactum inæquale respectu conjugis, absolute sufficiat ad generationem prolis certam, ejusque debitam educationem. Si enim uxor eatenus possit juri suo cedere, ut cum ejus consensu, maritus possit amplecti professionem religiosam, & vovere castitatem; cur non poterit, juri suo cedere ex parte, permittendo; ut maritus superinducat concubinam, aut uxorem alteram, id quod *Rachel* & *Lia*, *Jacobo* persuaserunt. *Genes. 30. v. 3. & 9.* Quinimò, si attendatur finis etiam primarius, docente *D. Thoma. loc. cit. art. 1. ad 6.* Vir non tenetur debitum reddere uxori.

A Hochkirchen, Esch. Cbrist. Pars II.

quotiescunque petit, sed quantum sufficit ad concipiendum. Et licet uxor, in casu, quo consortes habuerit, non possit pro libitu, uti concupiscentiæ remedio; sufficit tamen, quòd interdum, quantum vires mariti ferunt, & occasio permittit, illo remedio frui possit. Denique uxorum pluralitas non officit tranquillæ conjugum cohabitationi per se, sed solum per accidens, ex malitia conjugum. Neque gubernationi domesticæ, per se incommodat, cum hæc principaliter dependeat à viro, cujus est officia inter uxores distribuere, ut omnia ordinatè gerantur. Unde Teste *Beilarmino lib. 1. de Matrim. cap. 11.* Hebræi & Gentiles, duo genera uxorum habebant; quædam enim ductæ erant & ad procreandos liberos, & ad totius domûs gubernationem, quæ uxorum nomine honorabantur, & quarum filii, hæreditatem Patris consequerentur: aliæ autem ad solos liberos procreandos assumebantur, & concubinæ vocitabantur, qua de re, noster *Basilius Pontius. lib. 7. De Matrim. cap. 28.* præcipuis legi meretur.

20. Aliud, communi calculo, statuunt Doctores, tam *Protestantes*, quàm *Romano-Catholici*, de *Polyandria*, seu virorum pluralitate simultanea, respectu unius scæminæ; siquidem per *Polyandriam* seu *Polyviriam*, regulariter intendi aut promoveri nequit propagatio generis humani: tum quia mulier non nisi semel quot annis parere potest, uno viro ad hujusmodi sæcunditatem sufficiente; tum quia per virorum pluralitatem, potiùs impeditur generatio prolis & hebetatur mulieris sæcunditas, ut patet in meretricibus: Tum denique, quia ex congressu plurium virorum cum una muliere, proles redditur incerta ex parte patris, & educatio ejus consequenter negligi nata est. Quibus incommodis accedit, quòd divi-

fo plurium maritorum imperio, uxor in bivio hæreret, cui maritorum obsecundare deberet.

21. Quid (inquires) si primus maritus impotens aut sterilis foret? Quid, si per pactum speciale, Matrimonii usus non esset concessus, nisi succedisset in annos singulos? Quid denique, si non nisi una in mundo superstes foret fœmina viro sterili juncta?

Ad 1^{um} *Resp.* Impotentiam coëundi antecedentem, seu perpetuam, jure naturæ dirimere Matrimonium; adeoque mulierem, probatâ viri impotentia, alteri nubere posse, quod secus est de sterilitate non conjuncta cum coëundi impotentia. Vide prælaudatum nostrum *Pontium lib. 7. cap. 49. & 50. per tot.* Ad 2^{um} *Resp.* Quod posito hujusmodi pacto, nec certitudini prolis, neque ejus educationi satis prospectum esset, nec etiam alia cessarent incommoda societati conjugali repugnantia. Ad 3^{ium} *Resp.* Tali casu, præsumi debere mundi interitum, proinde & cessare obligationem propagandi generis humani; aut saltem sterilitatem mariti, fore impedimentum *dirimens*, bono, conservandi generis humani, prævalente.

22. Unde sat enormiter hallucinatus est Sanchez, dum *loc. supra cit. n. 15.* censuit Polyandriam, saltem Deo dispensante, posse esse licitam. Cum enim sanæ adversetur rationi, & primis repugnet naturæ principiis; patulum est, Deum hac in re dispensare non posse.

23. Quod, si *Stoici* unâ cum *Platone* dicantur uxorum admisisse communionem, càmque *Sophis* propriam judicaverint; quatenus hoc pacto, omnes *Patrum instar*, æquâ charitate sobolem amarent, tollerentque mulierum Zelotypiam: si etiam *Spartani* cum *Lycurgo* & *Solone*, in eam rem consenserint; certè id admi-

serunt & statuerunt, quod patentissimâ sapit turpitudinem & morum corruptelam, prout ingenuè hoc in passu, fatetur *Puffendorf. De offic. hom. & civis. lib. 2. cap. 2. §. 6. & lib. 6. De J. N. & G. cap. 1.*

24. Ex dictis COLLIGES, quòd, licet *Polygamia* secundùm se, non sit juri naturæ adversa; ipsa tamen uxorum pluralitas, solius libidinis causâ, aut ultra vires generationi necessarias, item ultra facultatem educandi & alendi proles, semper fuerit illicita & juri naturæ dissona. Dum enim Sancti Patres exculpant veteres Patriarchas, qui pluralitatem uxorum usi sunt; ajunt; hos non libidinis, sed multiplicandæ sobolis ratione, & quidem Deo in primævo præcepto suo dispensante, inductos fuisse.

25. Quinimò *Bellarminus lib. 1. de Matrim. cap. 4. sub finem*, probabile censet, dispensationem hanc, ante Christi adventum, jam cessasse; tum quia pro tunc cessabat *causa finalis* dispensationis, paucitas scilicet hominum, cui argumento est, quòd *S. Zacharias* sterilem habens uxorem, hoc remedio nequaquam fuerit usus, ut liquet ex *cap. 1. Lucae*. Tum quia sub Christi adventum, tam Romani, quàm Judæi, à Polygamia abstinebant, sicut nec modo inter Gentes, quæ fidem Christi non colunt, amplius frequentatur, si spurcissimos Mahumetanos exceperis. Unde Doctores etiam Acatolici cum *Puffendorfo* fateantur, *Monogamiam* esse jure Gentium probatam.

26. Si *Petrus*: Num dispensatio divinitus indulta Patriarchis & Hebræis, ad alios Gentiles & infideles veteris legis, prorogata fuerit? *Resp.* Et si multi velint respectu infidelium, perseverasse primævum Dei præceptum, verosimilius tamen censuit *S. P. Augustinus lib. 16. De Civit. Dei cap. 38. & lib. 3. De doctrina Christiana. cap. 12. item: lib. 22. Contra Faustum*

Paulum. cap. 47. Dei dispensationem, ad ipsos infideles fuisse prorogatam, idque ex eadem ratione propagandi generis humani. *Divus P. Augustinus, locis citatis,* sententiam suam inde probat: quòd in terra, ubi *Jacob* quatuor duxit uxores, inculpabilis consuetudo fuerit plures habendi uxores: terra autem illa non Judæorum, sed Gentilium erat. Unde cum nullibi in Sacra Scriptura; Gentiles ob pluralitatem uxorum, reprehendantur; rectè intulit *Augustinus,* illo tempore, nullam existisse legem prohibentem, & generatim dixit: *quando mos erat* (scilicet habendi plures uxores) *crimen non erat.*

27. Hic incidenter QUÆRI posset; num Hebræis in veteri lege, definitus fuisset uxorum numerus? Ita volunt Judæorum *Rabbini* apud Abulensem, in *lib. 3. Reg. cap. 12.* ubi *quæst. 5.* refert: Hebræos credere, Regibus ipsorum licuisse, tantum octodecim habere uxores, exemplo *Davidis,* qui tot tantum habuit, & contrario *Salomonis* exemplo, qui *3. Reg. cap. 11.* ob nimiam uxorum multitudinem, reprehensus legitur, siquidem *Deuterom. cap. 17.* ibi: *Rex non habebit uxores plurimas.* Verius tamen est, Hebræis aut respectivè Gentilibus, nullum præscriptum fuisse uxorum numerum, sive per legem, sive per consuetudinem, prout colligitur ex *2. Paralip. 11.* ubi non reprehenditur *Roboam,* quòd præter uxores decem & octo, habuerit concubinas sexaginta, ut observat ibidem *Abulensis, quæst. 24. & 25.* Unde textus *Deuteronomii* capiendus est de uxoribus alienigenis, aut de tanta uxorum pluralitate, ut cæteris non relinqueretur occasio uxores accipiendi. Peccatum igitur *Salomonis* non in eò positum erat, quòd plurimas uxores adamaverit; sed quòd alienæ religionis sceminis, nempe superstitioni & idololatriæ deditis, contra legem Di-

vinam Hebræis datam, junctus fuerit; ut post *Pinedam, lib. 7. De rebus Salomonis. cap. 4. n. 6.* docet noster *Pontius De Matrim. lib. 7. cap. 17. n. 5.*

28. Porro, cum Christus abrogatâ Polygamiâ, Matrimonium reduxerit ad Statum primævum; certum est, quòd nedum fidelibus, sed & infidelibus, Polygamia modò sit prorsus prohibita, ut meritò *Abulensis & Ferracruzius,* (qui docuerunt, etiamnum infidelibus Polygamiam fore permissam) à *Vasquezio,* erroris arguantur. Quamquam enim Polygamiam, juri naturali haud absolute adversam dixerimus; innegabile tamen est, quòd in veteri legis primitivo Statu, jure Divino fuerit prohibita, & prohibitio isthæc, per Filium Dei incarnatum, restaurata sit, adeoque cunctis mortalibus vetita dignoscatur. Hic libet examinare: quænam sint impedimenta jure *naturæ,* adeoque & *Gentium,* nuptias dirimentia, de iis enim, quæ jure duntaxat Ecclesiastico, nullitatem, vel prohibitionem important; Theologis agendum relinquimus.

29. Prima hic *Quæstio* occurrit de Consanguinitate, & indagandum: An, & quousque, in linea tum *recta* tum *obliqua,* sanguinis propinquitas, jure *naturæ,* nuptias dirimat? Loquendo in primis de linea *recta;* video; Doctores etiam probè Catholicos, in diversis ivisse sententias. *Dominicus Soto* enim in *4. dist. 40. art. 3.* cenfet; primo & secundo duntaxat gradu, nuptias, naturali jure, fore irritas. *Angelus vero Verb. Matrimonii impedimenta.* cum aliis, ultra quartum quidem gradum hoc impedimentum prorogat; non tamen ultra vigesimum. *Covarruvias* longius illud extendit ad decimum nempe gradum. Noster *Basilus Pontius, de Matrim. lib. 7. cap. 31. n. 3.* existimat nullam posse solidam afferri rationem, cur ad decem aut viginti gradus, aut in infinitum, hoc

impedimentum extendatur, cum ultra septimum gradum, imò multò antea, non agnoscat parentela, ut ideo Concilia impedimentum isthoc ad septimum tantum gradum extenderint. Pro resolutione

30. Dico imò. Matrimonium, in primo consanguinitatis gradu lineæ rectæ, puta Patris cum filia, aut filii cum matre, est jure naturæ, nedum illicitum, sed & irritum. Ita Theologi & Canonistæ ad unum omnes, quibus consonant juris civilis interpretes, contra infaniam *Thomasi*, qui in sua, ita dicta *jurisprudencia Divina. lib. 3. cap. 2. n. 246.* Vult Matrimonium Patris cum filia, aut Matris cum filio, juri naturæ haud repugnare, adeoque illo jure, fore *validum*, imò, *licitum*.

Ratio asserti nostri est 1. Quia ut ait *Alexander Alenfis. 3. p. quæst. 36. n. 6.* confunderetur ordo naturæ; cum principia generationis, fierent generationis comites. 2. Quia, ut bene arguit *Grotius, de J. B. & P. lib. 2. cap. 5. §. 12. n. 2.* Nec maritus, qui superior est lege Matrimonii, eam reverentiam potest præstare Matri, quam natura exigit, nec patri filia, quæ licet inferior maneret in matrimonio, inde tamen talem contraheret societatem, quæ illius necessitudinis reverentiam excluderet. Unde *Paulus Jurisconsultus, cum in l. Adoptivus. 14. §. Serviles. 3. ff. de Ritu Nupt.* dixisset: in nuptiis contrahendis, naturale jus & pudorem inspicendum esse; subjunxit: contra pudorem esse; ut quis filiam suam, ducat uxorem. Talia igitur conjugia indubitanter, nedum illicita, sed & insuper irrita sunt; quia vitium perpetuò effectui adhæret.

Declaratur utraque hæc ratio. Familiaritas conjugalis in matrimonio Patris cum Filia, elidit auctoritatem patris & observantiam filia; pudor quoque actus conjugalis, repugnat reverentiæ liberorum er-

ga parentes: & cum mater jure naturæ, æqualem, aut saltem non multò inferioriorem habeat potestatem in liberos ac pater; utique in conjugio matris cum filio, ordo ille subjectionis, quem natura induxit, subverteretur: siquidem, mater fieret subdita filio marito, tanquam capiti. Adde: quod natus ex filia, esset filius & nepos respectu matris; respectu Patris verò, filius & simul frater. Unde in tali conjugio confunderentur jura, obligationes, ac officia, uxoris & matris; patris & mariti; patris & fratris; matris & sororis.

31. Nec attendi meretur *Diogenis & Chrysippi* argumentum à Gallis gallinaceis, aliisque mutis animantibus petitum, quo probare volebant, teste *Grotio*, quod commixtiones tales non essent contra jus naturæ. Non enim jus naturale hominibus proprium, metiendum est ex indole bruti alicujus animalis.

Nec etiam obest, quod attestante *D. P. Augustino. quæst. 61. in Levit. & D. Hieronymo lib. 2. contra Jovinianum.* Indi, Æthiopes, Medi, item Persæ & & Parthi, cuiusmodi nuptiis sese conspurcaverint, siquidem *naturale rectè dicitur*. Interprete *Michaele Ephejo. ad Nicomachia. quod apud plerosque; non corruptos, sed naturæ convenienter se habentes, obtinet.* Proinde, quod ad hoc, Gentēs illæ, pro maxime barbaris & inhumanis, habitæ fuerunt; ita, ut *Hippodamus Pythagoricus*, hujusmodi nuptias, immoderatas, & à natura alienas cupiditates, effrenes impetus, nefariasque voluptates, dixerit. Atque inde [inquit *Grotius loc. cit.*] mirari libet *Socratis* commentum apud *Xenophontem*, qui in conjugibus talibus, nihil culpandum invenit, præter ætatis disparitatem; unde, aut sterilitatem ait sequi, aut male conformatam sobolem. Si enim hæc sola ratio tali conjugio obstatet, non ma-

gis esset illicitum & irritum, quàm inter alias personas, quarum ætas tot annis distat, quot annis, parentes liberos solent præcedere; inter quas tamen non habitâ ætatis differentiâ, nuptiæ nedum validè, sed &, per se loquendo, licitè ineuntur.

32. Igitur omnes Gentes, quæ non prorsus obbrutuerunt, ab hujusmodi connubiis abstinuere: & *Aristoteles. lib. 2. politic.* reprehendit conjunctionem parentum & liberorum, tanquam naturæ ordini repugnantem, cum & nonnullæ belluæ, ab hujusmodi congressu, abhorreant, prout ipse de Camelis & equis, refert. *lib. 9. Historiæ animalium. cap. 46. & Plinius lib. 8. Natural. Histor. cap. 42.* ut merito *D. Ambrosius. Epist. 66.* dixerit: Matrimonium parentis cum filia, repugnare legi naturæ, scriptæ in cordibus hominum, omnibusque horribilem & turpem videri congressum illum. Quò facit communis sensus & usus sophorum etiam gentilium; & quòd in hujusmodi conjugio, nunquam fuerit dispensatum, etiam cum Barbaris, ad lumen evangelicæ veritatis, conversis.

33. DICES imò. Pater & filia sunt diversa supposita, habentque à natura, sui corporis potestatem, & sunt ad generandum idonei: ergo non prohibentur à natura nuptias contrahere. *Resp. Dist. 1. in part. Antecedentis.* Sunt diversa supposita, in sensu physico. C. in sensu morali, seu Ethicè loquendo. N. Morali-ter enim loquendo (cum filia sit pars patris, ex ejus lumbis quasi extracta) censetur esse eadem persona cum Patre. Similiter *Dist. 2. partem.* Habent à natura, sui corporis potestatem respectu cujus-que N. respectu illorum, in quibus non obstat naturalis pudor, & ratio principii & principii C. Ad 3. p. quoque *Resp. Dist.* sunt ad generandum idonei physice & ad instar animalis irrationalis.

C. Morali-ter & spectatis principiis moralitatis, ac ad instar animalis rationalis. N. Ratio enim naturalis homini indita, horrorem talis concubitus ingerit.

DICES adh. Potest maritus, Rex, Princeps, aut quis alia dignitate fulgens, ducere plebejam, contrahendo Matrimonium ad *Morgenatiam*, ea scilicet conditione, ut mulier sit contenta certâ bonorum portione, & abstineat à titulo dignitatis marito competentis, nec prolibus ejus sit idem jus, quod alioquin filiisfamilias competit; & nihilominus, non obstante vilitate conditionis & subjectionis ex parte uxoris, valet Matrimonium. Ergo etiam non obstante subjectione & reverentiâ, in filia respectu patris, valet connubium inter ipsos. *Resp. Neg. conseq.* Disparitas est: quòd in priore casu, subjectio & reverentia sit merè accidentalis, extrinseca & extraordinaria, adeoque jure naturæ haud attendenda, & remissibilis aliunde, quantum ad usum conjugii, qui privatim exercetur, econtra autem, subjectio & reverentia filiæ respectu patris, sit substantialis, intrinseca, ordinaria & irremissibilis.

REPLICABIS. Potest filia esse æqualis Patri in contractu emptionis-venditionis. Ergo etiam in contractu matrimonii. *Resp. Neg. conseq.* Disparitas est: quòd prior contractus non obliget contrahentes ad actionem, à qua natura abhorret, sicut obligat posterior.

URGEBIS. Si solus superstes foret pater cum filia, vel mater cum filio, tunc tale matrimonium jure naturæ, nedum validum sed & licitum, imò obligatorium foret, ob bonum conservandi generis humani, quod tali casu fortissime obligaret. Ergo & extra hunc casum, saltem validum erit jure naturæ; aut saltem hujusmodi conjunctio, non ita reputari debet intrinsecè mala, ut nullo fine, honesta red-

reddi posset. Quamvis enim turpis sit, occurrere tamen posset præceptum urgentius & efficacius, quo absque ulla dispensatione, cesset obligatio non contrahendi ea conjugia, ut: si deficeret genus humanum, ut contigit in primi ævi Matrimonii: quæ existimatio, licet tempore illo non sit prudens, peccatum filiarum *Loth* aliquantulum excusavit: crediderunt enim perire genus humanum, atque ideo licere sibi à Parente posteritatem accipere. Ita discurret noster *Basilii Pontius loc. cit. n. 5.* ubi subiungit, se non invenire firmum aliquod argumentum, quod ostendat hanc conjunctionem, jure naturali, fore nullam, cum non opponatur ita clarè fini matrimonii, quod esset necessarium ad inducendam nullitatem. Verùm *Resp.* In tali hypothefi *metaphysica*, aut supponi debere, quòd Deus velit instare finem mundi, adeoque cessare obligationem propagandi genus humanum, aut in tali necessitatis casu, communi generis humani bono, cedere debere pudorem alioquin naturalcm, qui talem conjunctionem vetat, adeoque tale matrimonium considerari tunc debere ad instar primi, quod Adam iniit Deo jubente cum Eva, quæ ad instar filiæ, de costa ejus formata erat. Hac ratione, filiæ *Loth*, in opinione sua inculpabiliter errantes, ab incestu excusari possunt, à quo cæteroquin illas non excusat *Divus P. Augustinus*. Cæterum, non bene se reflexit noster *Pontius*, dum arbitratus fuit, nullum inveniri posse argumentum solidum, quo probetur nullitas hujusmodi inordinatissimæ conjunctionis, à qua, nativo instinctu etiam quædam bruta abhorrent, prout ipsemet supra retulerat ex Aristotele & Plinio.

34 Dico 2dò. Consanguinitas in linea recta, probabilissimè dirimit matrimonium in infinitum, adeò, ut, si Adam &

Eva adhuc viverent, nulli descendantium nubere possent. Est contra *Sanchez lib. 7. Disp. 51. n. 19.* Item contra nostrum *Pontium loc. cit. n. 6.* Putarunt enim hi Doctores cum multis aliis, impedimentum consanguinitatis non dirimere matrimonium jure naturæ ultra primum gradum, consequenter *Papam* dispensare posse, ut Avus neptem suam ducat in uxorem. Horum opinionem recentissimè secutus est *P. Ignatius Schwartz in suis institutionibus juris publici universalis. part. 2. tit. 1. pag. mibi 16.*

Probatur nostra conclusio, quam cum *Scoto in 4. dist. 4. §. De secundo.* tenent nedom *Scotiste*, sed & plurimi *Augustiniano-Thomiste*. Probatur inquam ex hac ratione: quòd in omnibus lineæ rectæ ascendentibus & descendantibus, quantumvis remotis, reperitur ratio principii & principiat, verèque sint & censcantur parentes & liberi, quorum hi, istis reverentiam debent & subjectionem, quæ inter conjuges, suo modo pares, locum habere non potest. Unde *L. ult. ff. de Ritu Nupt.* dicuntur jure Gentium (per quod *Jcti.* jus naturæ intelligunt) incestum committere, qui in gradu ascendentium vel descendantium uxorem duxerint. & *L. Nuptias. eod. tit.* dicuntur nuptiæ non posse consistere inter eas personas, quæ in numero parentum liberorumque sunt, sive proximi (scilicet gradus) sive ulterius sint, usque in infinitum. Quò facit, quòd nunquam legantur Pontifices, in ullo gradu lineæ rectæ, dispensasse, licet sæpe occurrerint casus, quibus avus v. g. ex filio vel filia, neptem, pro stirpis conservatione ducere optasset.

35 OBJICIES cum *P. Ignatio Schwartz.* Participatio sanguinis, seu ratio consanguinitatis, per plures & plures generationes, semper redditur debilior, sensimque deficit: Dein Avus respectu neptis ex

filio vel filia, non habet rationem genitoris, sed rationem causæ applicantis genitorem, adeoque non est principium neptis, *per se*, sed merè *per accidentem*, cum hujus genitor potuerit à Deo creari, sicut *Adam*. Ergo natura non impedit tale conjugium. *Resp.* Quotocunque gradu ab invicem distent ascendentes & descendentes, semper adesse respectum *parentelæ*, seu rationem *principii & principiatii*. Neque attendi meretur, an *per se* vel *per accidentem* *Petrus* v. g. sit avus *Catharinae*, semper enim verum est, quòd *Catharina* à *Petro* mediâtè sanguinem participaverit eique reverentiam debeat. Alioquin, cum etiam *per accidentem* sit, quòd *Catharina* sit filia *Sempronii* (poruisset enim à Deo creari) posset juxta adversarios, Patri *Sempronio* conjungi matrimonialiter, quod nemo dixerit. Itaque, licet in linea collateralis, ob remotiorem graduum distantiam, vix observetur sanguinis conjunctio, & ideo, jure etiam Ecclesiastico, ultra quartum gradum, non extendatur impedimentum nuptias dirimens, aliud tamen est in linea recta, ubi perpetuò adest respectus parentelæ, pudor, verecundia, imò horror innatus inter propinquos.

36. INSTABIS cum nostro *Pontio*. Olim impedimentum consanguinitatis non extendebatur ultra *septimum* gradum, & jam, jure novo, non egreditur gradum *quartum*; ergo signum est, quòd saltem in ulteriori gradu, consanguinitas non ponat impedimentum juris naturæ. *Resp.* *Dist.* jure novo, non egreditur quartum gradum in linea *transversa*. *Conc.* in linea *recta*. *Neg.* Licet autem jus Pontificium, ulterioris gradus, in linea recta, non meminerit; inde tamen haud inferre licet, quòd parificaverit lineam rectam cum obliqua, quasi non major esset prohibitio nuptiarum inter af- & descenden-

tes, ac collaterales; sed sensus est: quòd, sicut hiæce temporibus, regulariter nemo ex genitoribus, ultra quartam vivit progeniem, ita superfluum sit, pro ulteriori gradu, exprimere nuptiarum prohibitionem inter ascendentes & descendentes.

37. DICO 3110. Consanguinitas in nullo gradu lineæ collateralis seu transversæ, jure naturæ, ponit impedimentum nuptias dirimens, adeo, ut hoc jure, inter fratres & sorores, Matrimonium consistere posset. Est contra *Lessium*, *Gonet* & alios tum Thomistas, tum Scotistas, qui omnes moventur textu in *cap. Gaudemus. 8. de Divortiiis*. ubi Pontifex decrevit, quòd infideles conversi ad fidem, separari non debeant, si in secundo & ulteriori consanguinitatis gradu existentes, antea matrimonio juncti fuerint, quia infideles legibus Ecclesiasticis non arctantur. Ex quo interunt: quòd ideo in primo gradu conjuncti, sint separandi; eò quòd talis gradus, jure naturæ, nuptias dirimat. Hanc opinionem suam exinde confirmant, quòd *Concilium Tridentinum sess. 24. De reformat. Matrim. cap. 5.* statuatur: *in secundo gradu consanguinitatis*, adhuc dispensari posse cum Principibus ad insignibus personis. Ex quo rursus colligitur, ideo non posse dispensari in primo gradu, eò quòd hujusmodi propinquitas, jure naturæ, impedimentum ponat. Præterea [inquit cum *Reiffenstuel ad tit. Decretalium. de Consanguinit. & Affinit. §. 1. n. 29.*] inter fratres & sorores, est innatus quidam pudor & reverentia naturalis, cui valde adversetur ætus conjugalis, adeò, ut omnes etiam infideles nationes bene instructæ, solius naturæ ductu, ab hujusmodi nuptiis abstinerint, & non abstinentes, inter Gentes omnino barbaras relati sint. Sed

38. CONTRA Probatur Assertio nostra. Quanquam enim inter fratrem & sororem,

rem, sit maxima propinquitas sanguinis, non tamen est illa, quæ fundetur in respectu *Parentele*, seu ratione principii & principiat, aut superioris ad inferiorem. Proinde, licet inter fratrem & sororem, sit arcta amicitia, orta ex sanguinis nexu, non tamen sibi invicem debent reverentiam, neque unus alteri, naturali jure, subijcitur. Adeoque nihil invenitur, quod obstat societati conjugali aut fini sive *primario* Matrimonii, qui consistit in procreanda & educanda sobole, sive *secundario*, qui consistit in remedio concupiscentiæ, mutuo adjutorio, solatio &c. Neque ex tali conjunctione confunditur ordo naturæ, aut jus familiæ paternæ. Ergo &c. Præterea, non est credibile, auctorem naturæ, mox à principio naturæ conditæ, voluisse transgredi naturæ limites, propagando genus humanum per conjunctionem fratrum & sororum, si hoc propagationis remedium foret de se illicitum & naturaliter turpe; potius enim aliquas personas creâset, sicut creavit *Adamum*, & per ipsas, genus humanum crescere & multiplicari fecisset.

30. Nec vim habet in contrarium, id quod supra positum argumentum; quia ad hoc, ut Pontifex in primo gradu dispensare nequeat, & infideles ad fidem conversi separari debeant, si in isto gradu constituti, nuptias contraxerint; sufficit: quod talis conjunctio repugnet præcepto divino, quale datum fuisse Scriptura docet *Levit. 18.* postquam natura humana satis erat multiplicata.

40. DICES 1. *Abraham* putavit se sat occultare Matrimonium suum cum *Sara*, dicendo: quod soror sua esset. Ergo signum est, quod hujusmodi Matrimonium fuerit irritum jure naturæ. *Resp. Negand. consequ.* Quia sufficiebat, quod fuerit prohibitum jure Divino, & quod jure naturæ, non fuerit sat deceptus. Præstat enim

amorem in extraneos diffundere, quàm illum, intra cancellos naturalis conjunctionis, coarctare. Cæterum, *Sara* non fuit germana Soror *Abrahæ*, sed neptis ex fratre ejus, ut post *Josephum Flavium lib. 1. Antiquit. Judaic. cap. 12.* docet *D. P. Augustinus lib. 2. Contra Faustum. cap. 35.* inquires: more S. Scripturæ, consanguineos & consanguineas sæpe vocari fratres & sorores, prout & consanguinei Christi, vocantur *fratres Domini*; & *Isaac*, *Rebeccam* vocat sororem suam, licet ejus fuerit neptis ex *Patruclæ Genes. 26.*

Quomodo (INQUIS) *Abraham* de *Sara* potuit dicere *Genes. 20. Verè soror mea est filia patris mei, & non filia matris meæ, & duxi eam in uxorem.* si eadem *Sara* fuerit neptis ejus ex fratre? RESP. Quod *Sara* fuerit filia *Aram*, qui erat frater *Abrahami*. Quia autem *Aram* jam obierat, quando *Abrahamus Saram* tenebat uxorem, Avus autem *Sara* adhuc vivebat, ipsique loco patris erat, ideo *Abraham* dixit *Saram* esse filiam Patris sui, non autem filiam matris suæ, quia *Aram* non erat ejus frater *uterinus* seu ex eadem matre, sed solùm *consanguineus*, seu ex eodem patre. Vide nostrum *Pontium. loc. cit. cap. 32.*

DICES 2^{da}. Si nuptiæ inter fratres & sorores non essent jure naturæ, vetitiæ & irritæ; Divus *P. Augustinus dist. lib. 2. contra Faustum cap. 33.* cum aliis Sanctis Patribus, ejusmodi Matrimonia haud diceret *abominanda*, neque Gentes mortificationes ab iis abhorrenter. RESP. *Neg. Illatum.* Quia Sanctus Pater *ibidem* tantum innuere voluit, nuptias ejusmodi, fore lege Divinâ prohibitas, neque multiplicato sat genere humano, fore sat decentes. Audiamus quid Divus Pater scribat *lib. 15. De Civit. Dei cap. 16. Quantò antiquius est* (inquit) *ut viri sorores suas,*
con-

conjuges acciperent, compellente necessitate, *satis factum est postea damnabilius, Religione prohibente.* Id est lege tum Divinâ, tum Ecclesiasticâ vetante. Porro, cur Gentes passim abstinere ab hujusmodi nuptiis, ratio est: quod nisi ejusmodi connubia vetita essent legibus tum civilibus tum Gentium communibus; ob continuam fratrum & sororum cohabitationem, maximum periculum foret, ne invicem sub spe conjugii pangendi, cœdē conversarentur, & præcoci libidinis æstu, eandem familiam prolibus auferent, & facultatibus exhaurirent. Unde Authores nostræ sententiæ, dicunt: quod, licet *Abraham* sciverit, nuptias cum sorore, non fore juri naturali prorsus adversas; equidem; quia non ignorabat, illas tunc temporis, fuisse jure Divino vetitas, & admodum raras, utpote nec inter Gentes, iniri solitas; ideo, inquam, dicunt: *Abrahamum*, suspicionem conjugii satis evitasse: dicendo: *Saram* fore sororem suam.

Dices 3tio. Ejusmodi fratrum & sororum conjugia non minus apud *Hebræos* morte punita fuere, quam adulteria & sodomitica scelera. *Levit. cap. 20.* Atqui Adulteria & Sodomitica scelera, juri naturæ adversantur. Ergo &c. Rēsp. Ideo conjugia ista morte punita fuisse; quia legi Divinæ adversabantur, & sub ea poena prohibita noscebantur. Ideo autem severius in hujusmodi conjuges animadverti oportuit; ut fratres & sorores, poenæ metu, à carnalibus commerciis detererentur; spe conjugii haud suppetente. Licet autem fratres & sorores, ob nuptias hujusmodi, mortis luere debuerint supplicium; inde non sequitur; quòdeorum connubium, ejusdem fuerit turpitudinis & culpæ, cujus est adulterium & Sodomia. Nam & violatores Sabbathi, per collectionem lignorum, morte puniri *A Hochkirchen, Estic, Christi. Pars. II.*

jubebantur *Numer. 15. §. 35.* & tamen nemo dixerit: peccatum hoc, crimini Sodomitico parificandum fore. Ex his

Deducēs. Præter gradus linear rectæ *ascendentium* scilicet & *descendentium*, nullam consanguinitatem vel affinitatem dirimere Matrimonium jure naturæ, etsi ob majorem decentiam, aliòque fines societati humanæ magis congruos, nedum jure Divino & humano Ecclesiastico, sed & Gentium moribus, conjugia in propinquioribus gradibus prohibeantur, & nuptiæ in gradibus prohibitis contractæ, incestuosæ dicantur.

Licet autem dixerimus: jure naturæ validum esse Matrimonium fratres inter & sorores; sustinere tamen non possumus, cum nostro *Pontio*, quod summus Pontifex ex justa causa in illo dispensare posset. Sufficit enim ad negandam hanc dispensandi facultatem; quod conjugium istud sit jure Divino prohibitum, & genere humano sat multiplicato, indecens, probrosum, & rationi societatique humanæ minimè congruum sit ejusmodi connubium. Igitur, licet Rex *Hispaniæ* v. g. non posset invenire uxorem tantâ Majestate dignam, aut illa, quæ alioquin digna reperiri posset, esset hæretica, ex qua periculum esset Regis aut Regni pervertendi (quod est exemplum *Pontii*, & casus, in quo putat Pontificem dispensare posse) equidem nullatenus concedi posset, ut Rex duceret sororem suam, sive *consanguineam* ex eodem solū patre, sive *uterinam tantum*, ex eadem scilicet matre.

41. Alterum impedimentum, jure naturæ, Matrimonium dirimens; est *impotentia antecedens* & perpetua coeundi Ubi

OBSERVANDUM imò. Impotentiam coeundi aliam esse *naturalem* seu *intrinsicam*, aliam *accidentalem* seu *extrinsicam*. Illa est, quæ ex ipsius naturæ defectu oritur, ut nimia arctitudo in vase scemi,

D

neo-

neo, aut nimia frigiditas vel caliditas in viro, licet, ut observat *Divus Thomas* in 4. dist. 43. q. unic. art. 2. in corpore. hæc impotentia ex caliditate rarissime reperitur in viris. *Hæc* seu *accidentalis* & *extrinseca* est; quæ non ex naturæ defectu, sed ex maleficio, vel hominis facto, oritur; puta; ex incantatione vel castratione &c.

OBSERVANDUM 2dò. Impotentiam aliam esse *perpetuam*, aliam *temporalem*. *Perpetua* est, quæ absque mortis periculo, nec per media licita, naturalia vel spiritalia, puta: confuetos Ecclesiæ exorcismos, preces &c. tolli potest, etsi per miraculum vel per media illicita, aut non sine mortis periculo, per media etiam naturalia & licita, auferri possit. *Temporalis* est, quæ operâ vel arte naturali, licitâ, vel per confuetos Ecclesiæ exorcismos, aliâve spiritalia remedia, removeri potest. DIXI: *Operâ vel arte licitâ*. Si enim non nisi per aliud maleficium vel peccatum, tolli potest, verè reputabitur impotentia *perpetua*. Siquidem de jure, tantum id possibile & fieri posse censetur, quod licitè & absque piaculo fieri potest.

OBSERVANDUM 3iò. Impotentiam coëundi aliam esse *absolutam*, aliam *respectivam*. *Absoluta* est, quæ respectu omnium alterius sexûs personarum se tenet, ita, ut quis cum nulla persona copulam carnalem perfectè exercere possit. *Respectiva* est, quæ tantum intuitu unius vel plurium certarum personarum, non tamen respectu omnium se habet, ita, ut licet quis coïre non possit cum hac vel illa persona, possit tamen cum alia. Talis recte experientiâ non raro contingit ex maleficio, quo ita afficitur persona, ut cum una vel altera persona nullatenus coïre valeat, etsi cum altera carnaliter congruendi, absque difficultate, possit. Talis etiam interdum reperitur in iis, qui respectivè

membra genitalia habent nimis improporcionata. His observatis

42. Assertio nostra communis procedit de omni & sola impotentia perpetua Matrimonium antecedente, de impotentia [inquam habendi copulam perfectam] non attendendo nec distinguendo, an huiusmodi impotentia sit intrinseca; item, an absoluta vel respectiva; dummodò sit perpetua & antecedens. *Ratio* est: quia de essentia & intrinseca ratione Matrimonii est traditio corporis ad copulam carnalem, & obligatio debitum illud reddendi, si rationabiliter exigatur. Jam autem perpetuò impotens ad copulam, ita corpus suum alteri tradere, aut illam obligationem in se nequit suscipere (*impossibile enim nulla obligatio*. l. 185. ff. De R. J.) Ergo &c.

43. DIXI: *Dummodò sit perpetua & antecedens*. Si enim impotentia etiam perpetua Matrimonio contracto, licet non consummato superveniat; verius est, illam de jure naturali, dirimere connubium, quod ea intentione contractum, ut perpetuam habeat & importet vitæ societatem, quæ ex casu superveniente dissolvi non debet. An autem Papa in Matrimonio legitimo infidelium, vel rato fidelium necdum consummato, dispensare possit? inter Theologos & Canonistas etiamnum disputatur, & non desunt, qui dicunt: Papam ob superveniens impotentia impedimentum, nedum dispensare posse in Matrimonio rato, sed & dispensasse defesso. Confer *Abbatem Panormitanum*. Ad cap. Ex litteris. 3. De frigid. & maleficiat. Mihi tamen semper verosimilius visum fuit, Papalem dispensationem hac in parte nihil operari posse; si enim dicamus Matrimonium legitimum infidelium, & ratum Christianorum, esse solo jure Divino positivo, sive insuper jure naturali (quod valde probabile est) indissolubile;

sem-

semper verum est, Papæ auctoritatem se-
coulque non extendere, præsertim, quia
plures Doctores cum P. Gonet contra P.
Franciscum Henno & alios, probabilius
docent: Matrimonium sive *ratum* sive
consummatum, prout est in officio *natu-
ræ*, fore suapte naturâ indissolubile; cum
Adam necdum consummato cum Eva
matrimonio, instinctu rectæ rationis, ejus
indissolubilitatem pronuntiaverit, dicens:
*Quamobrem relinquet homo patrem & ma-
trem & adhaerebit uxori suæ.* Ex quo sic
argui potest: Firmius est vinculum Ma-
trimonii inter virum & uxorem, quam
inter patrem & filium; sed hoc est *natu-
rale*; ergo & prius.

Nec contra facit: quòd Matrimonium
consummatum, majorem importet indis-
solubilitatem, eò quòd fieret injuria ne-
dum uxori jam defloratæ, sed etiam proli
nascituræ vel jam natæ; inde enim non
sequitur, Matrimonium *ratum* non fore
absolutè & de se perpetuum.

44. Nec in contrarium urget: quòd
Matrimonium *ratum* inter fideles, Sacra-
menti rationem habens, per Professionem
solemnem in Religione ab Ecclesia ap-
probata, dissolvatur, prout definiit
Concilium Trident. sess. 24. can. 6. & habetur
in cap. *Ex parte tua. De convers. conjug.*
ibi: *Ex Sacri eloquii interpretatione &
divina revelatione, in Ecclesia Christi, sem-
per fuit custoditum, ut ratum Matrimonium,
per Professionem solemnem dissolveretur.*
Non inquam hoc in contrarium urget,
quia Professio solemnisi, id est ea, quæ
importat votum perpetuum, tam ex parte
superioris votum acceptantis, quam ex
parte voventis, facit Profitentem *Civiliter*
mori, adeoque Professio hujusmodi,
ex divina revelatione, dissolvit Matrimo-
nium *ratum*, quod est contractus *civilis*,
qui licet ad Sacramenti dignitatem à
Christo sit elevatus, tamen non eam im-

portat perpetuitatem, qualem inducit
Matrimonium *consummatum*, quod est
vinculum, non solum *animorum*, sed &
conjunctio *corporum*, cum conjuges per
illud quadantenus facti sint una caro, ut
propterea illud non nisi morte *carnali* dis-
solvatur.

Igitur ratio, cur Professio Religiosa
dirimat Matrimonium *ratum*, non est po-
nenda in perfectione Status melioris;
alias quoque dissolvi deberet Matrimo-
nium *consummatum*, & ob identitatem
rationis, per susceptionem Ordinis Sacri,
vel Episcopatus, rumpetur Matrimo-
nium saltem *ratum*, quod omnes negant.
Porro, licet Matrimonium *ratum* & con-
summatum sint ejusdem speciei, perfecti-
us tamen per consummationem est
translatum dominium, & conjunctio red-
dita est strictior, unde & Matrimonium
consummatum, propriè significat spiri-
tuale conjunctionem Christi cum Ec-
clesia.

Quid juris, si dubitetur: an impoten-
tia fuerit *antecedens*, & sit *perpetua*? item
quid stante dubio, liceat conjugibus?
Tradunt & decidunt Theologi & Cano-
nisti, & hac de re videri poterunt *San-
chez. lib. 7. disp. 103. n. 10. Gutierrez De
Matrim. cap. 116. n. 2. Nolter Pontius
l. 7. cap. 65. Pirhing. ad tit. Decretal. De
Frigid. & Malef. n. 16. Mascardus de Pro-
bationib. concl. 816. n. 19. & concl. 1027.
n. 3. Mennohii de Præsumpt. lib. 1. Præ-
sumpt. 14. n. 3.*

45. Dictum supra, assertionem nostram
intelligendam esse de impotentia habendi
copulam perfectam, qualis illa esse cen-
setur, quæ nequidem vir intra vas mulieb-
re feminat. Verum enim alioquin esset im-
potentiæ impedimentum, si vir sive ex
proprio, sive ex mulieris defectu, vel
omnino non, vel non intra vas feminae,
feminare posset, et si alioquin vas feminae

utcumque penetrare valeret. *Ratio* est: quia de substantia Matrimonii, est traditio corporis ad copulam conjugalem; ast non reputatur copula conjugalis, ubi semper semen deficit. Coitus enim & copula est tantum via ad actum conjugalem perficiendum. Sufficit tamen, si vir seminare possit, etsi foemina nequeat seminare, eò quòd juxta naturalistas, semen foeminae, non sit necessarium ad generationem prolis, licet ad eam multum conferat. Confer *Sanchez lib. 7. disp. 64. n. 17. & 21. item lib. 2. disp. 21. n. 10.* ubi id docet ex *D. Thoma 3. p. q. 31. art. 5. ad 3.* Similiter sufficit, si vir semen suum intra vas muliebrem effundere valeat, etsi mulier illud retinere nequeat. *Sanchez lib. 7. disp. 92. n. 11.* *Ratio* est; tum quia tunc jam habetur copula conjugalis; tum quia ex eo, quòd semen retinere nequeat, tantum sequitur, illam esse sterilem, quòd valori Matrimonii non obest. Siquidem

46 Sterilitas seu impotentia generandi, quæ non sit conjuncta cum impotentia seminandi, non ponit impedimentum dirimens, prout communiter tradunt Doctores contra *Felinum in cap. Cum sit. 6. De foro compet. n. 15.* *Ratio* est: quia steriles, ut supponitur, possunt perficere copulam carnalem. Dein; etsi steriles non possint frui primario fine Matrimonii, qui est prolis generatio; possunt tamen assequi finem secundarium, qui est remedium concupiscentiæ & solatium humanitatis, ut dicitur in *can. Nuptiarum. 41. canf. 27. q. 1.* adeò, ut steriles in remedium concupiscentiæ, æquè licitè copulam exercere possint ac foecundi. Quòd facit; quòd sterilitas successu temporis, sæpe corrigatur, prout constat variis exemplis, tum ex sacra, tum profana historia. Unde universali praxi & Ecclesiæ consuetudine, etiam senes & decrepiti, nedum in matrimonio vivere; sed illud

etiam contrahere permittuntur, licet tales ordinariè noscantur esse steriles. Merito igitur *Justinianus Imperator l. Sancimus. 27. C. De Nuptiis.* correxerat veteris juris dispositionem, qua per legem *Papiam & Juliam*, Matrimonium contrahere prohibitum erat viris annum sexagesimum excedentibus, & foeminis, post annum quinquagesimum.

47. Fatendum tamen est cum *Sanchez dict. lib. 7. disp. 92. n. 14. Pirbing. loc. cit. Barbosa. ad tit. De Frigid. & Malef. n. 6. Engel ibid. n. 3. Gutierrez de Matrim. cop. 112. n. 12. & seq.* quòd si in senibus & decrepitis tanta esset virium debilitas, ut nullo modo, puta nec medicamentis aut aliis licitis mediis juvari possent, ad perficiendam copulam conjugalem; Matrimonium ipsorum foret nullum, hoc est nulliter celebraretur, supposita hujusmodi coeundi impotentia, Quod secus est in illo, qui alioquin potens, per accidens, vi morbi, copulam exercere non posset, & in articulo mortis, vel ad legitimandam prolem, aut aliam ob causam, cum persona sibi dilecta, Matrimonium contrahere vellet. Nisi reverà constaret, quòd per morbi qualitatem, vis & potentia seminandi, seu cum effectu coeundi, penitus destructa esset, tunc enim Matrimonium nulliter iniretur, ut bene observat *Palao. De Sponsalib. disp. 4. punct. 14. §. 2. n. 6.* Impotentia enim perpetua, undecumque proveniat; verè ponit impedimentum, jure naturæ, dirimens. Ex dictis

48. COLLIGITUR imò. Eunuchos, Spadones seu Castratos utroque testiculo carentes, jure naturæ, fore ad contrahendum Matrimonium ineptos, eò quòd non possint emittere verum semen, quòd tamen requiritur ad coeundum cum effectu. DIXI: Utrouque testiculo &c. Si enim uno tantum carerent; non est dubium, quia

quin & validè & licitè nuptias contrahere possint. Et hoc sensu capiendus est textus in *l. Si serva. 39. §. Si Spadoni. ff. De jure dot.*

49. COLLIGITUR 2do. Hermaphroditos, id est de utroque sexu participantes; in sexu prævalente, posse validè & licitè Matrimonium inire; ita, ut tanquam mas, possit ducere foemina, si prævaleat in ipso sexus virilis, vel tanquam foemina, nubere possit viro; si natura foemineae potentior reperiatur. Cum enim à potentiore desumenda sit denominatio, sexus prævalens, aut viri aut foeminae denominationem & qualitatem tribuit, juxta *l. Queritur. 10. De Statu hominum. ibi: Queritur Hermaphroditum, cui comparemus? & magis puto, ejus sexus existimandum, qui in eo prævaleat.*

Sed quid, Si neuter sexus prævaleat, sed uterque æqualiter se habere videatur? Resp. Tunc Androgynum, seu utroque sexu æqualiter valentem, posse pro libitu, vel, ut virum, vel, ut foemina, nuptias contrahere, prout cum Sanchez loc. cit. Gutierrez loc. cit. Sylvestro V. Hermaphroditus. in fin. docent communiter Theologi & Canonistæ ad tit. de Frigid. & Malef. Necessum tamen est, ad licitè contrahendum, ut alteri sexui, coram judice Ecclesiastico, perpetuò & quidem juratò renuntiet, quamquàm, si mortua comparte, sexum alterum amplecteretur, & in altero sexu conjugem duceret, validè adhuc ageret, licet fieret perjurus, quia, ne jure quidem humano, teste Sanchez, tale Matrimonium irritatum invenitur.

Quinimò, si unus sexus prævaleret quidem, in altero tamen sexu, quis posset copulam perfectam exercere; posset teste Pontio lib. 7. cap. 65. n. 8. saltem validè in sexu debiliore Matrimonium contrahere. Dico: Saltem validè; quia talis,

naturâ non prohibetur neque exstat textus in alterutro jure, qui tale Matrimonium declaret aut decernat nullum. Equidem non assentior nostro Pontio ibid. assenti: quod Androgynus etiam licitè posset nuptias contrahere in sexu debiliore; hoc enim sana prohibet ratio, & leges veterae censentur, dum Hermaphroditum illi sexui adscribunt, qui prævalere dignoscitur. De impotentia impedimento, pro nostro instituto, satis. Qui reliquos casus & quæstiones eatenus occurrentes examinare desiderat, adeat nostrum Basilium, Pontium loc. cit. & Sanchez ubi supra. Hi enim præ cæteris, exactiùs hanc materiam pertractarunt. His ex recentioribus, adjungi potest Anacletus Reiffensuel, qui singulari studio, ex probatis authoribus, singula ad tit. De Frigid. & Malef. collegit, quæ in quæstionem venire possunt.

Tertium impedimentum jure naturæ nuptias perimens, est error substantialis circa personam, quam quis ducere intendit. Ubi

50. NOTANDUM. Quadruplicem distingui errorem in hac materia, scilicet personæ, conditionis, qualitatis, & fortunæ. Error personæ est, quando quis errat circa personam, quam intendit ducere, prout contigit Jacob, qui putans se contrahere cum Rachaele, contraxit cum Lia, loco ejus supposita. Genes. 19. Error conditionis est, quando quis putat se contrahere cum libera, quæ reverà est serva. Error qualitatis est: qui versatur circa personæ qualitates, veluti: dum quis putat se contrahere cum pulchra, nobili, virgine &c. & contrahit cum deformi, ignobili, corrupta. Error fortunæ (qui reverà etiam est error qualitatis) speciatim dicitur: quando quis putans se contrahere cum divite, aut possidente multa bona immobilia, reapse contrahit cum paupere, aut exigua, vel nulla bona possidente.

§1. Ex his erroribus, solus ille, qui circa personæ substantiam seu individua-lem rationem versatur, reddit Matrimonium, jure naturæ, nullum, prout inconfesso est apud omnes, ex clara ratione; quod errantis circa substantiam, nullus sit consensus, & absque consensu, non possit consistere Matrimonium, cum nuptias, non concubitus, sed consensus faciat. *l. Nuptias 20. ff. De R. j.*

§2. Igitur Matrimonium contractum ex errore circa qualitatem aut fortunam, licet quis ex dolo vel simulatione alterius deceptus sit, jure naturæ, imo & humano jure, validum censetur, ex ratione: tum quia talis error non est circa substantiam, corpus nempe conjugis, quod mutuo consensu vicissim traditur; sed tantum circa accidentia, quæ in ordine ad valorem, haud attenduntur. Unde *caus. 29. quest. 2.* dicitur: *Non omnis error consensum evacuat . . . qui ducit uxorem meretricem vel corruptam, quam putat esse castam aut virginem; non potest eam dimittere & aliam ducere.* Tum quia: si error circa qualitatem vitaret seu annullaret Matrimonium, ex sexcentis vix unum subsisteret, vel saltem pleraque impugnarentur, & nullitatis arguerentur, cum maximo damno tam prolium, quam conjugum, imò totius Reipublicæ, quæ ex dissolutione aut impugnatione infinitorum conjugiorum, perturbari summopere deberet.

Dicta equidem limitanda sunt 1^{mo}. Si error qualitatis, etiam redundet in personam; aut; si 2^{do}. qualitas aliqua actualiter vel virtualiter, internè vel externè, sit in conditionem deducta; puta: si quis internè ita cogitaret; aut externè diceret: *Si es virgo, filia consulis, nobilis, aut dives &c. volo, seu intendo te ducere, & duco te, alias nolo, neque te duco.* Quia tunc error circa qualitatem, Matrimo-

nium invalidaret juxta omnes, teste Sanchez lib. 7. disp. 18. n. 21. Ratio est: quia omnis contractus, sub conditione honesta de præsentis, initus, conditione deficiente, nullus est. *l. Cum ad præsens. 37. ff. De reb. creditis. & l. Cum in secundo. 16. princ. ff. De injust. rupto & irrit. jact. testam.*

Et quamvis in foro externo dicenti: quod sub tali conditione animo concepta contraxerit, non credatur; nisi dictum suum probet, nihilominus in foro interno, reapse invalidum erit tale Matrimonium, si desiderata illa qualitas abfuerit, ut proinde à copula abstinere debeat ac discedere possit, nisi velit consensu absoluto, Matrimonium revalidare, prout in multis casibus, tenetur; si nempe absque gravi præjudicio conjugis aut prolium jam susceptarum, discedere nequit; maxime, si conjunx desiderata qualitate carens, dolum non commiserit.

§3. Quandonam [inquis] error qualitatis redundat in personam? *Resp.* Tunc, quando error vel versatur circa personæ aliàs ignotæ talem qualitatem, quæ sit omnino singularis certum individuum denotans; ut: si quis velit præcisè ducere primogenitam, & ipsi obrudatur secundò genita. Vel: cum qualitas aliqua principaliter & unice intenditur, ita; ut Matrimonium unice assumatur ad obtinendam illam qualitatem. v. g. Si quis ideo præcisè ducat Catharinam, quia est filia talis Opificis, aut Patricia talis civitatis, ut mediante tali qualitate, possit ad Tribunal opificum recipi, vel consequi jus civitatis. Deficiente enim tali qualitate personæ, deficeret quoque consensus in ipsam personam, ut de se patet.

§4. Cæterum, error conditionis personæ, licet juxta legem Civilem Novell. De Nuptiis. 22. §. Si verò ab initio. & Ecclesiæ definitionem, cap. 2. & fin. De con-

conjug. Servor. inducat Matrimonii nullitatem; verius tamen illud non irritat, jure naturali inspecto, cum absolute & simpliciter non excludat consensum in determinatam personam, licet involuntarium sit adjunctum, ratione qualitatis, quod non facit deficere *voluntarium simpliciter*. Quò facit, quòd servitus alterutrius, non impediat semper & absolute Matrimonii usum, licet servus sub Domini potestate constitutus, non possit juxta votum suum, semper debitum reddere aut petere. *Zoëf. ad Decret. tit. De conjugio servorum. Sanchez lib. 7. disp. 19. n. 16. & Doctores communiter contra Scotum in 4. dist. 30. q. 1. & novissimè contra Reiffenstuel ad cit. tit.*

Assertio posita intelligitur de servo aut ancilla propriè talibus, non verò de *originariis* vel *adscriptitiis*. Pro quo

NOVERIS. Homines alios esse liberos, alios servos. *Liberi* homines vocantur, quibus est naturalis facultas ejus, quod cuique facere lubet, nisi quid vi aut jure prohibeatur. §. *Et Libertas. Inst. De jure personar.* Atque ex his, alii sunt Ingenui, alii Libertini. *Ingenui* dicuntur illi, qui sunt in plena libertate, atque in hac nati fuerunt. §. 1. *Inst. De ingenuis.* Econtra *Libertini* seu *Liberti* appellantur, qui ante hac fuerunt servi, & postea sunt manumissi. §. 1. *Inst. De Libertinis.* Servi in jure vocantur illi, qui domino alieno contra naturam (id est contra jus naturæ permissivum) juris constitutione subjiciuntur. Theologi & Publicistæ, triplex distinguunt servorum genus. Alii enim sunt servi *propriè dicti*, alii *Adscriptitii*, alii demum *Originarii*. Servi propriè dicti (qui & *Mancipia* audiunt) ita Dominio alterius subsunt, ut ab illo vendi possint. §. *Servi. Inst. De jure personar. & can. Fugitivum. caus. 12 q. 2.* & quidquid acquirunt, domino suo acquirant. *1. Ac-*

quiritur nobis. ff. De acquir. rer. dominio. Atque circa conditionem talium servorum nullum est discrimen, siue facti sint tales captivitate, siue nativitate aut venditione. Servi *Adscriptitii* dicuntur illi, qui glebæ seu prædio colendo sunt perpetuo addicti, ita ut inde sine consensu dominorum suorum discedere nequeant. *Originarii* tandem sunt; qui ex *Adscriptitiis* sunt nati.

De servis inquam propriè dictis, quæri poterat, an scilicet Matrimonium sit jure naturæ nullum, si liber cum Ancilla, aut libera cum servo, ignorata servili conditione, contraxerit? Servi enim *Adscriptitii* & *Originarii*, licet operis & laboribus in utilitatem domini obstricti sint, quò ad personas tamen suas, liberis hominibus potius accensendi sunt. *Arg. 1. De finibus. 13. C. De Agriculis Et censitis.* Et tales hodie reputantur homines illi, quos *proprios* vocamus, quibus *Moravia* & *Bohemia* redundat. Cum his igitur Matrimonia contracta, licet eorum conditio fuerit ignorata, quin jure naturæ saltem valeant, non videtur dubitandum.

57. Noster *Basilius Pontius* circa valorem Matrimonii, quod liber cum Ancilla, aut libera cum servo contraxit, sic pro reconcilianda sententia opposita distinguendum putat. Aut enim error servitutis est *antecedens* & dat causam *contractui*, ita: ut quis ideo præcisè ducat hanc personam, quia putat eam esse liberam, & nullo modo duceret, si sciret eam labere servitutis affectam esse; & tunc existimat *Pontius* errorem Status servilis, jure naturæ, dirimere Matrimonium, eò quòd sit error qualitatis redundantis in substantiam personæ: aut error servitutis est merè *concomitans* aut *incidens in contractum*, consensum verò fertur in personam præsentem, nil cogitando de servitute aut libertate, & tunc jure quidem

naturæ subsistet matrimonium, & solum erit irritum, jure Ecclesiastico. Hanc distinctionem, supra positis assertionibus nostris non adversantem, amplectimur, & sub hujus distinctionis sensu, accipimus textum in *cap. 2. & fin. De conjug. serv. juncto canone. Si quis. 4. caus. 29. q. 2. ibi: Si quis ingenuus homo, uxorem Ancillam alterius acceperit, & existimat, quod ingenua sit, si ipsa femina postea in servitute fuerit detecta, si voluerit, aliam accipiat, si autem ancillam illam scierat, legitimam eam habeat: similiter & mulier ingenua de servo alterius facere debet.*

Hic Quæri posset: an *cultus disparitas* jure naturæ, Matrimonii contractum dirimat? Ubi

NOTA: Per *Cultus disparitatem* intelligi differentiam in fide aut Religione Christiana; qualis est inter Baptizatum & non Baptizatum, puta: Judæum, Turcam, Paganum.

§8. Ad QUÆSITUM *Resp. negativè*, Esti enim Matrimonium fidelis cum infideli, propter periculum perversionis & alias rationes, sit jure naturæ illicitum; non est tamen fundamentum reperibile, cur illud omnino irritum dicamus. Cum omnia, quæ jure naturæ, ad Matrimonii substantiam requiruntur, in illa inveniantur, ut patet examinanti. Unde in veteri lege, non invenitur irritum habitum fuisse Matrimonium, quod Esther contraxit cum *Affuero* infideli, Nec in nova lege, invalidum ab ullo judicatum fuit Matrimonium, quod *S. Mater Monica* inierat cum *Patritio* viro infideli, de quo *Divus P. Augustinus lib. 9. Confess. cap. 9.* & quod *Clotildis* Christiana inivit cum *Clodoveo Francorum Rege*, dum adhuc Ethnicus erat, teste *Gregorio Turonensi lib. 2. cap. 28.*

§9. Quinimò nec efficaciter probari potest hujusmodi Matrimonium in veteri

lege fuisse irritum, *jure divino positivo*, ut ut enim hujusmodi nuptiæ, ob perversionis pericula, sæpe reprehendantur, non tamen de se invalide evincuntur.

Nec OBEST, quod *Esdras* quosdam Ægyptias separaverit à viris suis. *Esdr. 1. cap. 9.* Hoc enim factum est ideo; quia mulieres illæ, quæ bonâ fortè intentione ductæ fuerant, postea defecerunt ad idola, cæque rursus adoraverunt, nec absque injuria Creatoris, viris suis cohabitare voluerunt, ut proinde absque peccato retineri non potuerint. Igitur, quia cultus disparitas non pugnat cum individua vitæ societate (cùm fieri possit, ut dissensiones ob fidei diversitatem aut planè nunquam aut rard oriuntur) aliunde etiam proles, à conjugè Christiano, decenter educari possint; non est ratio, cur ob cultus disparitatem, jure naturali vel divino, dicamus Matrimonium fidelis cum infideli, esse nullum, præcipuè, cùm fidelis ea intentione possit ducere infidelem, ut illum ab infidelitate abstrahat & cælo lucrifaciat. Porro, quod jure Ecclesiastico, hujusmodi Matrimonium sit irritum; in confesso est apud omnes orthodoxos, & latè probat noster *Pontius lib. 7. cap. 47. à n. 5.* Si

60. Hic incidenter PETAS: An Matrimonium Christiani cum infideli, v. g. Turca, præcindendo ab Ecclesiæ prohibitionem, sit Sacramentum? *Resp. Negativè* cum nostro *Pontio loc. cit. n. 8.* Ex ratione; quod non possit claudicare ratio Sacramenti, cujus infidelis incapax est. Igitur, cùm Matrimonium sit unicum numero Sacramentum, & utriusque consensus, corpora item & verba component unicam indivisibilem formam & materiam, sequitur, quod, si ex parte unius desit principium seu fundamentum, cui inniti debet ratio Sacramenti, consequenter Sacramentum hoc constitui ac subsistere non

non possit. Jam autem ex parte unius deest Baptismus, qui est janua Sacramentorum suscipiendorum. Ergo

61. Nec contra facit illud *Pauli 1. Corinth. 7. Sanctificatus est vir infidelis propter uxorem fidelem*. Nomine enim sanctificationis non intelligitur sanctitas Sacramenti, quasi fidelis contrahens cum infideli, perciperet Sacramentum, sed Divus *Paulus* ibi agit de his, qui in infidelitate Matrimonium contraxerunt, quorum alter ad fidem conversus, non debet subito alterum infidelem expellere, cum bonis exemplis allici & conversionis gratiam consequi possit. Confer *Pontium loc. cit.* ubi contra *Scotum*, multos adducit Auctores nostræ sententiæ faventes.

62. Porro, cum Matrimonium fidelis seu baptizati, valeat de jure naturæ cum infideli, à fortiori valebit cum Hæretico. Quinimò Doctores Orthodoxi cum *D. Thoma* & Doctore *Seraphico* in 4. *Dist. 39. q. 1. art. 1.* communiter docent: Matrimonium Catholicum cum Hæretica, aut e contra, debitè & ritu Catholico contractum, viribus subsistere nec jure Pontificio irritari. *Arg. cap. Decrevit. De Hæreticis* in 6. ubi supponitur, Matrimonium Catholicum cum Hæretica, valere; eò quòd ibidem mulieres scienter nubentes Hæreticis, solummodo priventur dote, nequaquam verò jubeantur separari à viris Hæreticis.

63. Cæterum, licet Matrimonium Catholicum cum Hæretica, de jure etiam Pontificio, validum reputetur, si illo ritu sit celebratum, qui illo jure, ad substantiam requiritur, nihilominus eodem isto jure, regulariter prohibitum & illicitum est, ex ratione; quòd plerumque & ordinariè, varia scandala, damna & pericula spiritalia, ex hujusmodi conjugii emergant vel ipsi conjugii Catholico, vel liberis inde natis, prout tristis quotidie, hæc in partibus, experientia docet.

A. Hochkirchen, Etica Christi. Pars II.

64. Dixi: Regulariter prohibitum esse Matrimonium Catholicum cum Hæretica, aut Hæretici cum Catholica: à qua regula Doctores communiter exceptionem faciunt in casu, quo Hæreticus verè promittit, quòd post contractum Matrimonium, Catholicam fidem velit amplecti, si rationabilis sub sit causa, professionem fidei, & respectivè absolutionem ab Hæresi, differendi. Atque hunc casum, ipsa jura Canonica expressè eximunt. Ut liquet ex *Can. Non oportet. 26. caus. 28. q. 1. ibi: Si se profiteantur futuros Christianos & Catholicos*. In tali enim casu, cum cesset omne periculum perversionis aut alterius peccati, & adsit lucrum animæ, non est, cur nuptiæ dicantur prohibitiæ, vel illicitæ. Equidem rectè additum: *si justa sub sit causa professionem fidei differendi*, qualis justa causa posset esse; si alioquin impediendum esset Matrimonium, aut amittenda pinguis hæreditas. Quamvis in tali etiam casu, absque ullius præjudicii periculo, conversio secretè præmitti posset, quòd semper faciendum suaderem. Si enim Hæreticus, absque gravissima causa, conversionem suam differret, & primum, post contractum Matrimonium, professionem fidei promitteret se emissurum; fallacem potius, quàm seriam videretur habere intentionem. Igitur, vera debet esse promissio, & non sufficit sola spes ad hoc, ut jure Ecclesiastico, licitè Matrimonium citius celebretur, quàm alter ab hæresi convertatur. Confer *Bosco. De Impedimentis Matrim. Disp. 12. Sect. 11. concl. 3. n. 134.*

65. Putant aliqui in Germaniæ partibus ubi Hæreticis permittitur mixtum inter Catholicos vivere, ex recepta & tolerata consuetudine, licitè etiam contrahi Matrimonia Catholicos inter & Hæreticos, dummodò Catholici in sua fide liberè vivere permittantur, & omne absit perversionis & scandali periculum. Nam juri

E

humana-

humano Ecclesiastico derogare potest consuetudo, pro communi pace & tranquillitate Reipublicæ introducta.

Hæc limitatio, licet ob adductam rationem, videatur Theoricè sat probabilis; nihilominus in praxi vix locum habere potest, eò quòd conditio apposita: *dummodo Catholici in sua fide liberè vivere permittantur &c.* Vix unquam verificetur, sed contrarium eveniat etiam in locis, ubi Hæretici cum Catholicis permixti stabiliter habitant, cùm teste experientiâ, conjuges Catholici ab Hæreticis plerumque vel pervertantur, vel ad plura peccata, signanter contra Ecclesiæ præcepta, inducantur, prolèsque aut in Hæresi, aut saltem minus Catholicè educentur, quæ etsi non pugnent contra jus naturæ absolutum, pugnant tamen contra jus Divinum positivum.

66. Hoc à fortiori dicendum, si Matrimonium Catholici cum Hæretica, tacito vel expresso pacto, initum fuerit; ut, vel omnes, vel aliquæ proles, v. g. masculæ in vera patris Religione Catholica, foemellæ verò in Secta Hæreticæ matris, aut vice versâ educentur. Tali pacto enim vel conditione, Matrimonium initum vix à gravissimo peccato contra jus Divinum excusari potest, quia quivis parentum, de jure Divino, tenetur ex pietate curare, ut proles in vera fide educentur, & acquirant necessaria media ad salutem, id quod non faciunt, si alteruter stipuletur, ut vel omnes, vel aliquæ proles, in Secta Hæretica educari debeant. Dixi: *vix* à gravissimo peccato tale connubium excusari. Posset enim esse casus, in quo hujusmodi pactum culpâ vacaret; ut, si in aliquo Regno penitus perire deberet Catholica Religio, nisi saltem tali viâ conservaretur, præstat enim aliquos in vera Religione educari, quàm perverti omnes.

67. Uterius in quæstionem venire po-

test, an vis & metus scilicet gravis, *tandens in virum constantem*, jure naturæ irritet Matrimonium? Ubi NOTANDUM: quòd non sit quæstio de vi *absoluta*, quæ scilicet facit abesse animum patientis, & est *majoris rei impetus, cui resisti non potest*; seu: *cujus principium est ab extrinseco, passo non concurrente*. Non enim est dubium, quòd talis vis, utpote auferens consensum, de jure naturæ, obstat Matrimonii valori. Sed sermo est de vi *conditionali tantum & compulsiva*, qualis invenitur in metum passo. Hoc prænotato; ad quæsitum RESP. Hujusmodi vim aut metum, non obesse valori Matrimonii de jure naturæ, licet jure humano Ecclesiastico dirimat Matrimonium.

Ratio prima partis est; quia vis seu coactio *conditionalis* cum metu coincidens, non excludit consensum voluntarium *absolutè & simpliciter*, licet causet involuntarium *secundum quid*, ut loquuntur Theologi. Nam, si quis metu mortis compellitur v. g. idolis sacrificare, licet contra voluntatem suam id facere dicatur; eò quòd non spontè & motu proprio feratur in hujusmodi impietatem; adhuc tamen simpliciter vult sacrificare; quia vult vivere; & hac ratione (licet non absque piaculo) vitam conservare, prout in simili arguit D. P. Augustinus, *relatus in can. merit. caus. 15. q. 1.* Quinimò, quod per metum etiam gravissimum fit, magis censetur, & est voluntarium, quàm involuntarium. Est enim *simpliciter* voluntarium, quatenus principium ejus est *ad intra*, & liberè hic & nunc assumitur, veluti medium impeditivum majoris mali, quod timetur, ut patet in projiciente merces in mare, ad alleviendam navem, ne tempore tempestatis pereat: involuntarium autem est *secundum quid*, prout consideratur extra peculiarem circumstantiam, adeoque est involuntarium, sub conditione duotaxat; si videlicet

cet

eet tale periculum vel circumstantia abesse. Ex quo natum est illud Jurisconsultorum axioma: *Coacta voluntas, est voluntas*. Argumento *can. merito*. Et amplius declarat *Glossa ibid. Verb. vult*.

Ratio 2dæ Partis est: quia, ut loquitur *Tridentinum, sess. 24.* Matrimonium debet plenâ libertate gaudere, scilicet propter statûs perpetuitatem seu indissolubilitatem. *Arg. cap. cum locum. Et cap. veniens. De Sponsal. & Matrimon.*

Quod jus naturæ attinet, parum refert, an metus gravis proveniret ab intrinseco vel ab extrinseco? à causa itidem libera vel necessaria? an quoque jure, vel per injuriam fuerit incussus? an denique directè in finem extorquendi consensûs in Matrimonio, an ob aliam causam?

68. Theologi tamen cum *D. Thoma in 4. Disp. 29. q. unic. art. 3.* Et Canonistis *ad tit. De Spons. & Matrim.* requirunt ad Matrimonii nullitatem, jure Ecclesiastico indictam, 1. mod. ut metus sit à causa libera, id est, ab homine fit incussus. Si enim à causa naturali, vel ab intrinseco proveniat timor gravis, v. g. mortis, incendii, aut alterius gravissimæ bonorum jacturæ; & eo timore percussus quis Matrimonium contrahat; validum est juxta communem & certam sententiam, ut videre est apud *Sanchez lib. 4. Disp. 12. n. 3.* Ex ratione? quia tunc non impellitur homo ab homine, sed à se ipso, & tunc Matrimonium eligit ad evadendum hujusmodi periculum.

Cæterum, non refert; an timor gravis à altero, qui Matrimonio jungi desiderat; an alio, v. g. ejus patre, fratre, propinquo, vel prorsus extraneo incutiat? Quia jura non tam in odium injustè timorem incutientis, quàm in favorem libertatis Matrimonii, nullitatem illam statuunt. *Arg. cap. cum locum 14. De Spons. & Matrim.* Quæ libertas peræquè læditur, sive à volente nubere, sive à quocunque alio, metus gravis incutiat. Quò

facit: quòd metus, qui sufficit ad rescindendos alios contractus, à fortiori sufficere debeat ad irritandum Matrimonii contractum maximè onerosum & prorsus indissolubilem: jam autem alii contractus rescindi possunt ob gravem metum à quocunque homine incussum. *Arg. 1. Si cum exceptione. 14 §. in hac actione. ff. De eo quod met. caus. & fusiùs docet Sanchez l. 4. Disp. 8. n. 7.* Ergo. Confer *Pirbing. ad tit. de Spons. & Matrim. n. 101.*

Secundò requirunt: ut metus sit incussus in ordine ad extorquendum Matrimonium. Nisi enim in hunc finem metus gravis incutiat, non obstat Matrimonii valori, prout rursum in confesso est apud omnes. *Ratio* est: quia alioquin non censetur quis ab alio cogi, sed moveri à se ipso, occasione metus gravis nali apprehensi.

Tertiò volunt: ut metus sit injustè incussus. Dum enim metus à causa libera, & in ordine ad extorquendum Matrimonium incutitur justè, seu ex causa legitima, v. g. à judice Ecclesiastico excommunicationem alicui minitante, nisi Matrimonium contrahat, cum tali, cui illud reverà promisit, nihil officit valori Matrimonii. *Ratio* est: quòd tunc metus non tam à judice, vel alio homine, quàm ab ipso jure, aut ipsa incutitur lege, volente; ut positus certis circumstantiis, quis sub gravi reatu & poena, nuptias contrahere teneatur. Quo facit: quòd jura haud indistinctè irritent Matrimonia metu iniata, sed tunc duntaxat: quando metu injustè incusso, sunt extorta. Vide *Sanchez lib. 4. Disp. 17. n. 3.* & plenissimè *Bosco part. 5. Disp. 11. sect. 7.* nec non *Anacletum Reiffenhuvel ad tit. de Sponsal & Matrim. §. 9. ubi à n. 333.* An & quatenus Matrimonium metu gravi injustè incusso initum, & consequenter jure Ecclesiastico irritum, validetur per subsequentem copulam vel cohabitationem? Solidè tradit. Ex dictis

69. DEDUCES 1^{mo}. Vim & metum gravem ad contrahendum Matrimonium injustè incussum, etsi absolutè non aufert consensum ad hunc contractum jure naturæ requisitum, equidem id operari, ut propterea rescindi possit, præcipuè, cum ex principiis juris naturæ; præscindendo scilicet à jure Divino positivo, haud evidenter probari possit perpetuitas seu indissolubilitas conjugii, prout supra n. 11. insinuavimus.

70. Sed quis (Ais) in statu merè naturali, ubi nullus agnosceretur superior, ejusmodi nuptias rescinderet? RESP. Dato, quòd in statu naturali, nullus agnosceretur superior, tunc talis contractus rescindi posset ab illo, qui vim aut metum passus est.

71. At (REGENES) Quomodò vim passus, aut quivis alius superior, rescindere, aut irritare potest contractum hunc jure naturæ *validum*, cum nullus mortalium quid possit in jus naturæ? RESP. Neminem mortalium quid posse contra jus naturæ *præceptivum* vel *prohibitivum*, aut potestatem humanam extendi ad ea, quæ sunt juris naturæ *permisivi*, è quorum classe est casus de Matrimonio, metu, contracto. Non enim jus naturæ præcipit, tale Matrimonium debere teneri validum; sed duntaxat permittit, si pars injuriam passa demum acquiescat.

DEDUCES 2^{do}. Quòd, ut ut jure naturali *permisivo* de se subsistat matrimonii, vi aut metu initii, valor, equidem, ob summam æquitatis rationem, Ecclesia illud defecto prorsus nullum & irritum esse statuerit, ita, ut jam Matrimonium taliter extortum, statim ab initio, sit *infirmum* & *invalidum*. Quod idem dicendum de cultus disparitate.

72. DEDUCES 3^{io}. Quòd, etsi non sit omnino expeditum, an de jure naturæ, conjugii vinculum rumpi nequeat prop-

ter adulterium alterutrius, malitiosam itidem defectionem, morum intolerabilitatem, sterilitatem, aut similes causas Matrimonii bona respicientes; certum tamen & fide tenendum sit, quòd Matrimonium inter fideles, *jure divino*, ita perpetuum & indissolubile existat, ut ejus vinculum nec per adulterium, nec per malitiosam alterius defectionem, nec per aliud compartis crimen, rumpi possit.

De Adulterio quidem (ut videre est apud Gratianum. *caus.* 32. q. 1.) olim etiam inter Catholicos dubitatum fuit, num per illud rumpi queat conjugii vinculum? Quinimò Græci etiamnum tenent, Matrimonii vinculum rumpi per compartis adulterium, quod Oratores Venetos, in Synodo Tridentina exposuisse scribit Cardinalis Pallavicinus lib. 22. *Historiæ Concilii Trident.* cap. 4. qui Oratores teste eodem *Purpurato*, petierunt, ut Concilium ad istum Græcorum morem, reflexionem faceret, ne alioquin, propterea perpetuam ab Ecclesia Romana secessionem instituerent in insulis Reipublicæ Venetorum subiectis. Nihilominus sacrosanctum œcumenicum Concilium *sess.* 24. *De Matrim. can.* 7. ita decrevit: *Si quis dixerit, Ecclesiam errare, cum docuit & docet, juxta Evangelicam & Apostolicam doctrinam, propter adulterium alterius conjugum, Matrimonii vinculum non posse dissolvi, & utrumque, vel etiam innocentem, qui causam adulterio non dedit, non posse, altero conjugum vivente, aliud Matrimonium contrahere, mæcharique eum, qui dimissa adultera aliam duxerit, & eam, quæ dimissa adultera, alii nupsierit, anathema sit.* Igitur estatutum Christi: *Quicumque dimiserit uxorem, nisi ob fornicationem &c.* non eam conficit sententiam ab Herodoxis malè fabricatam, quasi ob adulterium compartis, alter innocens, Matrimonii vinculum

rum-

rumpere, & ad nova vota transire posset, sed solum insinuat, quòd innocens, à comparte adultera, secessionem facere possit quòd ad thorum & cohabitationem, de qua secessione loquens D. P. Augustinus lib. 2. De Adulterinis Conjugiis. cap. 5. sic personat: *Licet itaque dimittitur conjux ob causam fornicationis, sed manet vinculum prioris, propter quod sit reus adulterii, qui dimissam duxerit etiam ob causam fornicationis.* Cui consonat Divus Thomas in 4. dist. 35. q. 1. art. 1. ibi: *Domini dimittere uxorem concessit propter fornicationem, in pœnam illius, qui fidem fregit, & in favorem illius, qui servavit: ut non sit adstrictus ad reddendum debitum ei, qui non servavit fidem.* Unde admissio ab uno conjugum adulterio, facta est innocenti potestas in perpetuum, quòd ad thorum divertendi à comparte rea, potèltque sine consensu ejus, vitam religiosam amplecti vel sacros Ordines suscipere, prout decernit in cap. 15. & 16. De convers. conjugat.

53. Facebat igitur cum reliquis Evangelii deformatoribus, Puffendorffus; qui in suo opere de J. N. & G. lib. 6. cap. 1. n. 21. non discernens inter divortium quòd ad thorum, & quòd ad vinculum, in eum lapsus est errorem, ut asseruerit; non solum propter compartis adulterium, sed etiam malitiosam defectionem, innocentem, ad secunda vota, transire posse. Minus audiendus est Puffendorffus Paraphrastes Kemmerichius, qui adulterio tanquam causæ naturaliter [præterse] dirimenti, adjungit inimicitias capitales, sterilitatem aut mores alterius intolerabiles. Alii ejusdem Puffendorffii commentatores, eum Fleischerio latius progrediuntur, effutientes: Matrimonii vinculum etiam rumpi posse, ob alterius relegationem perpetuam, morbum fonticum &c. non vero ob Hæresin, imò nec Atheis-

mus. Omnes illi Pseudo-Moralistæ, errorem suum, hac in parte, hauserunt ex Seldeno, ex quo Puffendorffus loc. cit. §. 23. pag. Mibi 835. jactitat: divortio inter antiquissimos Christianos, ex aliis quoque causis, quàm adulterii, fuisse licita, donec (ò convitium orco dignum) Pontificum superstitione & iniquitate, conjugii vinculum... insolubile declaratum sit.

Postquam de Statu conjugali, non inutilia proposuimus; Quæri adhuc posset; An & qualis potestas, jure naturæ, competat marito in uxorem? item: an major potestas in proles competat Patri, quàm Matri?

Profectò, si vel ipsum jus naturæ, præscindendo à statu naturæ lapsæ, consideremus; mox in animum occurrit, quòd per se loquendo, marito, vi statûs conjugalis, aliqua competat potestas ac superioritas saltem directiva in uxorem; adeoque non sit perfecta æqualitas inter conjuges. Ratio est: quia sana ratio postulat, ut præstantior, firmior, fortiorque sexus, sequiori, infirmiori & imbecilliori præsit: jam autem vir tanquam caput mulieris, est utique individuum perfectius; cum vir creatus non sit propter mulierem, sed mulier propter virum.

75. DICES imò. Mulier ante peccatum, non meruit puniri, & Eva à Deo producta est in adjutorium viri, ut esset ejus focia, non verò, ut esset ipsi subiecta, siquidem postquam Eva seduxerat Adamum, ipsi in pœnam, prius dictum est: *sub viri potestate eris.* Adeoque ante peccatum, Eva fuit æqualis conditionis cum Adamo. RESP. Argumentum solum probare, quòd ante peccatum, Eva non fuerit Adamo subiecta, quòd ad potestatem coactivam, licet ei fuerit subiecta, quòd ad potestatem directivam, hæc enim subiectio non sapit pœnam, sed oritur ex natura sexûs foeminei, masculino imperfectioris,

fectioris, argumentò naturæ Angelicæ, in qua ob majorem vel minorem perfectionem, individuus, à Deo inditum, adstruitur inter Angelos subordinatio Hierarchica.

DICES 2^{da}. Natura fecit omnes æquales & liberos, & major individui perfectio, utpote accidentalis, non confert potestatem in aliud individuum minus perfectum, alioquin etiam unus mas debiliior, alteri fortiori, & naturæ dotibus magis instructo, subiectus esse deberet. RESP. Tametsi naturæ jure *permisso*, omnes nascantur liberi, quia servitus jure Gentium, contra, seu præter naturam, est introducta; nihilominus natura non facit feminas viris, quò ad nativam conditionem æquales per se loquendo; si licet per accidens, hæc vel illa mulier, possit esse, isto vel illo viro, fortior, prudentior & præstantior. Porro, etsi major perfectio, per se non conferat potestatem in alium, confert tamen vi status conjugalis, qui subordinationem postulat inter conjuges. Si enim mulier esset æqualis viro, qua ratione in statu conjugali, perpetuam cohabitationem postulante, concordia diu inter conjuges, conservari posset; præsertim, cum mulieres soleant esse capitosæ & imperiosæ, & sexus sui imbecillitatem non facile agnoscat. Merito igitur dicente S. Chrysostomo in cap. 11. *Epist. 1. ad Corinth. femina viro subicitur, quia æqualitas honoris, pugnam parit.*

76. Si de potestate *coactiva* mariti erga conjugem inquiramus, illa post *Eve* peccatum, adscribenda est juri divino. Dixit enim Deus *Genes. 3. §. 16. Sub viro potestate eris, & ipse dominabitur tui.* Quò respexit Apostolus *Petrus*, dum in *Epistola sua prima cap. 3. §. 1.* hortatus est mulieres, ut sint subditæ viris suis. Unde conclusit *Divus P. Augustinus* in

locum *Genesis citatum*, quòd uxor maritum habere meruerit Dominum, non naturæ, sed culpæ. Ita, ut subordinatio jure naturæ merè *directiva*, transierit in *subjectionem* peccati *panalem*, vigore cujus, uxor etiam reluctans, mariti imperio [dummodo illud juri naturali vel divino non repugnet] obsecundare cogitur. Exinde

Christiani divinam legem non ignorantes, hoc pacto conjugia pangunt, ut uxor viri imperio sese substratam agnoscat, quinimò Gentes pleræque, etsi divini decreti ignaræ, Christianorum mores sequuntur, & parili conditione nuptias contrahunt.

77. Cæterum, potestas mariti in conjugem, nequaquam est *despotica, herilis vel absoluta*, quæ conjuncta sit cum jure vitæ & necis, prout stolidè censet *Friedericus Hornius lib. 1. De civitate. cap. 1. §. 5. n. 16.* Sed *domestica*, intra societatis conjugalis & familiaris ritè regendæ terminos, restricta. *Ratio prioris partis est;* quòd hujusmodi imperium nedum non congruat, sed etiam positivè repugnet societati conjugali, quæ amore fulari & foveri debet. Quòd, si uxor atrocius quid in virum attentaret; in statu *composito* seu civili, judicis officio, puniri, aut in familia *segrega*, spectato naturæ jure, tanquam hostis ejici, & si aliter ejus maleficiis occurrere non posset; quòd antequam jure belli, seu defensionis naturalis, interiri posset. *Ratio posterioris est;* quòd societas conjugalis, aut Matrimonii finis, aliam in marito non postulet superioritatem, nec subjectionem in uxore. Cæterum, potestas *domestica* importat societatem quandam inæqualem, vi cujus uxor tanquam inferior, marito velut superiori & capiti parere tenetur, non quidem *absolute & indistinctè*, sed in causis duntaxat conjugium & familiam

respicientibus. Et hinc est: quod uxor quo ad domiciliū determinationem, cohabitationis modum, familiæ sustentationem &c. mariti arbitrio obtemperare debeat.

Licet autem hac ratione, uxor Marito civiliter subsit; is tamen herilem potestatem citra tyrannidem sibi arrogare non potest in uxorem; neque eam ut *servam*, sed, ut *thori sociam*, tractare debet: talis enim potestas repugnat tum juri naturali, quod libertatem fovet, & servitutem juri Gentium adscribit: tum juri Divino, quod inter conjuges præcipit amorem & honorem, & prohibet amaritudinem. 1. *Petri. cap. 3.* Tum denique juri *Gentium*; siquidem consuetudine populorum magis moratorum, mitius tractantur à viris uxores, quam ab heris *servæ*. Cum quo tamen stat, quod viro moderata correctio mulieris, etiam per verbera, si necessitas ita postulaverit, non sit deneganda.

Ad discernendum, an æqualis potestas Matri ac Patri competat in liberos? non oportet inspicere jus Civile; certum enim est, quod illo jure, patri tanquam familiæ capiti, potior potestas & familiæ regimen attribuitur, prout patet ex *titulis Instit. & Cod. De Patria potestate*; & ex *titulo Digestorum: De his, qui sui vel alien. juris sunt*. Hic indagamus, quid jus naturæ, circa parentes & liberos importet? Et

78. DICENDUM: quod, etsi tam Mater, quam Pater, jure naturæ, habeat potestatem in liberos, & uterque, proles alere & familiam regere teneatur; equidem præcipua potestas in liberos & familiam regendam, competat Patri. Et hæc conclusio fluit ex dictis supra n. 74. ubi probavimus; quod jure naturæ, marito competat potestas *directiva* in ipsam uxorem, adeoque & superioritas in totam

familiam, in qua liberi, primas partes faciunt.

79. Ut ut autem res ita se habeat de jure naturæ; fieri tamen per pacta posset; ut exercitium potestatis & familiæ regimen, *privativè* ad Matrem spectaret. Ratio est: quia jus naturæ nihil aliud postulat, quam prolium educationem, præscindendo: an id fiat per curam principalem Matris, vel patris: modus enim educationis, relictus est parentum arbitrio. Unde apud Babylonios, teste *Petro de Valle*, ex pacto conjugum, Pater in filios, Mater in filias, potestatem exercebat. Quin & *Amazones*, eâ lege dicuntur nupsisse; ut proles in sua potestate forent & suo arbitrio instituèrentur.

80. Hac in parte rectè scripsit *Grotius. lib. 2. De J. B. & P. cap. 5. §. 1.* quod *generatione* utique parentum jus acquiritur in liberos, sed, *si contendant inter se imperia* [id est: aliud pater, aliud mater, circa rem in utramque partem licite fieri possibilem, præcipiat] præferendum sit patris imperium, ob sexûs præstantiam.

81. Paradoxum itaque est, quod scripsit *Hobbesius Traß. De Cive. cap. 9. §. 2.* apud *Puffendorfum lib. 6. de J. N. & G. cap. 2. §. 2.* scilicet Matri competere præcipuam potestatem in liberos, tum propter *præoccupationem* (censet enim jure naturæ, dominium infantis ad eum pertinere, qui eundem primò apprehenderit: jam autem (inquit) mater primò apprehendit infantem. Ergo. [Tum propter certam scientiam, scit enim mater, quia sit pater infantis. Tum denique propter dolores puerperii, majorémque laborem matris in liberorum educatione. Verùm hæ rationes phantastico nituntur fundamento. Non enim Matri ulla potestas in liberos attribuenda ex alio titulo, quam *generationis* quatenus mater cum patre ad fieri.

fieri & esse liberorum concurrit, & quia consequenter proles est pars matris. Alioquin, si propter præoccupationem, matri attribui deberet dominium infantis; sequeretur, quòd plerumque *Obstetrix* matri dominium infantis præpereret. Altera *Hobbesii* ratio ad rem nihil facit, licet enim mater sciat, quis sit pater infantis, hæc tamen scientia non facit, quòd mater, naturà, sit pater. Licet etiam pater jure *Romano*, liberos extra justum Matrimonium natos, in sua non habeat potestate; inde quoque non sequitur, quòd illos alere non teneatur, siquidem leges Romanorum loquuntur de effectibus specialibus patriæ potestatis, quos voluntas legislatoris introduxit, non verò de juribus & effectibus potestatis patriæ à natura profectis. Porro quanquam mater, majores dolores & labores infantis causà, sustineat ante & post partum, quàm pater; inde nihil aliud inferri potest, quam quòd memor esse debeat suæ conditionis, quam post *Eve* peccatum subiit omnis mulier, quæ ex voluntate viri, concepit. Dixit enim *Eve* Deus: *paries in dolore &c.* Igitur ex miseria sexûs feminei, malè arguitur, quòd mater præmineat patri, aut *costa* fiat caput.

82. PETES: Quousque se extendat patriapotesas? Ante Responsionem NOTA: Patriam potestatem consistere in jure ea omnia agendi, sine quibus vita liberorum, ad obtinendum societatis hujus finem, dirigi nequit. Unde importat jus jubendi, prohibendi & debito modo immorigeros castigandi, habità tamen ratione ætatis liberorum. Siquidem, ut bene observat *Grotius lib. 2. de J. B. & P. cap. 5. §. 2. n. 1.* Distinguenda sunt in liberis tria tempora: primum, *imperfecti judicii* seu pueritiæ, dum, ut *Stagyrta* loquitur 1. *Polit. cap. ult.* abest *vis elæctrix*, id est capacitas discernendi inter noxia & uti-

lia. Secundum tempus *perfecti judicii*, quo tamen filius manet pars familiæ parentum. Tertium tempus, *quo filius ex familia parentum excessit*. Nunc ad quæsitum.

83. RESP. In primo tempore, omnes liberorum actiones, sub dominio seu regimine ac directione sunt parentum. Cum enim infantes in hujusmodi tenella ætate, se ipsos regere nequeant, æquum est, ut ab iis regantur, quibus natura educationis officium inunxit. Est tamen eo quoque tempore filius aut filia capax domini *in res*, ex jure gentium; potest enim infantibus donari, quo casu defectus judicii, in acceptione, à parentibus suppletur. Equidem domini exercitium, ob judicii imperfectionem & imbecillitatem, penes parentes est. Quare, ut res omnes liberorum, parentibus acquirantur, non naturale est, sed ex quorundam populorum legibus, quæ & patrem à matre in hac re distinguunt, & filios non emancipatos, ab emancipatis, & *naturales*, puta: nothos, spurios, & extra conjugium susceptos, à *legitimis*. Qua: discrimina jure Romanorum inuenta (vide §. 1. *Instit. Per quas personas cuique acq.*) natura ignorat, exceptà sexûs virilis præ muliebri præstantià, si imperia inter se contendant; id est, si parentes in jubendo dissentiant.

In secundo tempore, seu ætate *media*, dum jam judicium ætate maturuit, sub sunt parentum imperiis non aliæ actiones, quàm, quæ ad familiæ statum aliquid momenti habent. Æquum enim est, ut pars conveniat cum ratione totius. In cæteris autem actionibus, habent liberi facultatem agendi *absolute*, et si ex pietate, observantia & gratitudinis officio, studere semper debeant, ut agant illa, quæ parentibus placent. Ex quo resultat; quòd, et si in pangendis nup-

nuptiis, liberi parentum voluntatem explorare, & illi se accommodare ex pietate & observantia debeant; nuptiæ tamen citra vel contra voluntatem ipsorum contrahæ, viribus subsistant, prout alibi fusiùs dictum.

In tertio tempore, quo nempe liberi extra familiam parentum, per nuptias & separatam œconomiam constituti, ac naturaliter quadantenus emancipati sunt; actionum suarum liberam habent potestatem, & sui juris censentur, remanente tamen semper illo pietatis & observantiæ naturali debito, cujus causa perpetua est. Ex his

COLLIGES 1^{mo}. Patriam potestatem quò ad facultatem castigandi liberos delinquentes, propriè usum habere in primo & secundo tempore, cessare verò in tertio quo scilicet liberi sui juris effecti, extra familiam & curam parentum constituti sunt.

84. COLLIGES 2^{do}. Nec in primo nec secundo tempore, hanc castigationis potestatem spectato jure naturæ, in delictis etiam atrocioribus, porrigi posse ad summum jus vitæ & necis. Tanta enim potestas nec necessaria est ad finem conservandæ familiæ, [siquidem in casu atrocioris delicti, vel incorrigibilitatis, ejjectionis locus esse possit] neque amoris paterno congruit, ut pater in sceleris vindictam, vitam quam dedit filio auferat, & in eum carnificem agat. Quod si filius meritò de familia ejectus, vitæ patris insidiaretur, tunc quæ hostis, jure naturalis defensionis perimi posset.

85. DICES 1^{mo}. Cum *Puffendorfo*, *Hornio*, *Thomasio* & aliis. In veteri testamento suppetunt exempla, ex quibus constat, quòd Pater jus vitæ & necis exercuerit in liberos. Sic de *Juda* legitur *Genes.* 38. v. 14. quòd *Thamarem* Numinum suam occidi mandaverit, dicendo : *A Hochkirchen, Ethic. Christi. Pars. II.*

ducite eam, ut comburatur. Idem exemplum prostat in *Saul* respectu *Jonathæ* filii ejus. Quin & post Christi adventum; *Constantinus* filium suum *Priscum* occidi mandavit, ut de aliis nihil dicam, qui propriis etiam manibus, filios degeneres & facinorosos trucidasse leguntur. Quòd facit; quòd veteres Romanorum leges jus illud Patri expressè asseruerint. **RESP.** Jus illud aut exercitum fuisse à Patrefamiliis, non qua tali, sed quæ supremo imperante & publico legum custode & vindice; aut certè minùs legitimè usurpatum fuisse. Sanè; si patri quæ tali, jure naturæ competere jus vitæ & necis in filios delinquentes; cur saltè defuncto patre, non competere etiam matri? De vetustis Romanorum placitis, non tam ex rationis præscripto, quam truculentia *Martiali* profectis, non est, cur loquamur; cùm sciâmus *Justinianum* Imperatorem, l. unic. Cod. De emendat. propinq. & l. unic. Cod. De his, qui parent. vel liber. occid. hanc sustulisse immanitatem.

DICES 2^{do}. Familia refert figuram Civitatis, Pater personam Principis: atqui Senatus in Civitate, & Princeps in suo principatu, morte plectere potest facinorosos: Ergo & Pater liberos atrociora perpetrantes. **RESP.** Patrem quidem respectu familiæ, referre analogicè personam illius, qui Civitati vel Principatui præest, non tamen univoce & perfectè; potestas enim Civitati aut summo Principi competens, est publica, independens, & perfectæ; potestas verò competens Patri, est privata, subordinata, & imperfecta, si Pater nempe degat in societate composita, seu Civitate, aut sub Principis imperio. Quòd, si extra civitatem, segregatim vivat, & tanquam caput familiæ lux consideretur, ejjectionis, vel alio mitiore remedio, liberorum excessus emendare poterit.

E

86

86 Hic disceptari solet, an Pater filium in necessitate, alteri oppignorare vel placere vendere possit? *RESP.* cum *Grotio loc. cit.* §. 5. Quoddam etsi imperium paternum ita sequatur Patris personam, ut ab eo avelli, inque alium transferti non possit; nihilominus, si alia ratio alendi filium non suppetat, possit ipsum alteri oppignorare; imo & vendere, non quidem, ut detrudatur in propriam dictam servitutem; sed, ut alteri constituatur jus aliquod, simile dominio utili, isque habeat jus utendi servitio filii. *Ratio* est: quia ipsa natura censetur jus dare ad omne illud, sine quo obtineri non potest, quod ipsamet imperat. Jam autem natura imperat Patri, ut filium, alendo, conservet; ergo, si non possit ipsum aliter alere & conservare, quam eundem oppignorando vel vendendo, utique ad hoc, à natura, jus habere censendus est. Atque ex hoc fluit, quoddam Pater multo magis possit filium suum alteri in adoptionem dare. Ex dictis.

87. *HABES 1^{mo}.* Originem patriæ potestatis, prout hæc matri communis est desumi debere à fine, ob quem coaluit status familiæ, nempe ab obligatione educandi liberos. Cum enim natura parentibus imposuerit officium seu obligationem alendi & debitorum, seu honeste, educandi proles; necessario natura iisdem suppeditare debuit medium, ad finem illum assequendum omnino requisitum: medium autem illud est *patriæ*, seu jubendi potestas in parentibus & obsequendi necessitas, in liberis. Ergo.

HABES 2^{do}. Quoddam patria potestas hoc loco, intelligatur esse jus parentum in liberos, quo actiones ipsorum ad vitam honeste & feliciter transigendam diriguntur.

88. *HABES 3^{io}.* Statum familiæ paternæ, esse societatem plurium personarum, quæ unius potestate, per ipsam

naturam, educationis causâ, sociatæ sunt. *Educationis* inquam *causâ*: quo nomine venit sobolis à prima infantia ad maturitatem, tum corporis, tum animi, conveniens perductio: quorundam referuntur omnia auxilia & officia, quæ parentes liberis præstant, tum ad corpus conservandum, tum ad animum formandum & excolendum.

89. *HABES 4^{to}.* Patriam potestatem *absolutè consideratam*: esse juris naturæ & Gentium, & matri quoque competere; licet, ut dictum, non in gradu tam eccellente, quo patri, eò quod jure naturæ, potestas matris, maritali imperio subordinata sit. *Dixi: absolutè consideratam*: relatè enim ad Rempublicam Romanam, est juris civilis, intuitu nempe formæ & effectuum. Unde alii dicunt: *patriam potestatem* juris naturalis esse, *jus* vero *patriæ potestatis peculiare*, juris esse civilis. Ubi

OBSERVANDUM: quoddam plurimi effectus, quod jus civile Patriæ potestati attribuit, fundentur in jure naturali, & ex illo acuitatem suam hauriant. Sic juri naturali valde convenit 1. quoddam Pater filium contumacem & degenerem, conclavi includere, & pro re nata, vinculis constringere possit, absque hoc, quoddam reatum carceris privati incurrat. Ita *Doflores*. ad l. unic. Cod. De carcerib. privat.

11. Quoddam parentes, liberos ab aliis deventos vindicare possint, per *interdictum*. De liberis exhibendis. l. 1. §. 2. D. R. V. 3. Ob injuriam liberis inultam, injuriam actionem intentare. §. 2. *Inf.* De injuriis. & contra liberorum depravatores, utili actione servi corrupti experiri queant. Quinimodò, quoddam pater olim juxta *legem juliam*. De adulteriis. impune potuerit cum adultero, occidere filiam in crimine repertam, & quoddam olim patri datum fuerit jus vitæ & necis in personas liberorum

rum

rum delinquentium, non prorsus deviat à rationis naturalis dictamine, licet prior potestas, potissimum ob animarum peticulum, canonum jure, Patrifamilias sit adempta, per *text. in can. Si quon. verius. 33. q. 2.* & veteris juris civilis rigor mitigatus fuerit, quò ad correctionem liberorum, per *l. 5. ff. Ad l. Pomp. De Parricid.* idque suadente cultiori ætate & Christianâ pietate, quæ insinuat, Patriam potestatem, magis amoris, quàm crudelitati, subnixam esse debere. Similiter 4. valde congruit juri naturali, quodd filiusfamilias (dempto peculio *Castrensi vel quasi-Castrensi*) non sibi, sed Patri acquirat, cedit enim hujusmodi acquisitionis lucrum, in compensationem laborum, curarum & alimentorum, quæ Pater liberis impendit à nativitatis momento.

De Patria potestate & statu familiæ paternæ, hæcenus satis actum; nunc de statu *Herili* pauca subjiciemus.

91. *Herilis status*, pars est *integralis* familiæ *simplicis, completæ ac domesticæ*; hæc enim complectitur societatem conjugalem, paternam & herilem, quia est conjunctio inter parentes, liberos, & servos.

Status herilis bene describitur, quòd sit: *societas inequalis inter dominum & servum, eo sine instituta, ut hic in ejus commodum, debita servitia præstet.*

92. Servitus, quantum ad præsens, alia est *passiva*, alia *legalis*. Prima habetur per contractum voluntarium servi cum domino, & propriè dicitur *famulatus*: & hæc servitus, si pro mercede suscipiatur, vocatur *mercenaria*, potestque esse vel *temporaria vel perpetua*. Secunda seu *legalis*, vel *coacta*, habetur ex institutis Gentium, ac legibus, quæ bello capti mancipabantur, & ideo *mancipatus* audit. De hac Servitutis specie agit Imperator in *tit. Infit. De his, qui sui vel alieni jur. sunt.*

Licet servitus *passiva*, seu *famulitium*, originem remotam habeat ex inæqualitate conditionis humanæ, quatenus unus est naturâ hebes, agrestis & stupidus, alter ingeniosus, politus & agilis; adeoque unus ad serviendum, alter ad dominandum magis idoneus reperitur: hoc tamen de servitute propriè dicta intelligi nequit, quia natura relinquit omnes liberos, seu condidit omnes, quodam libertatem, æquales.

93. Servitus igitur *propriè dicta*, occasione belli, & quidem ex arbitrio victoris, victique consensu coacta, *causaliter* introducta fuit, formamque à jure Gentium accepit. Ingens enim utilitas ex operis servorum resultans, accedente forsitan etiam commiserationis & humanitatis sensu, commovit victores, ut vitam miseram potius victis relinquerent, quàm illos occiderent. Unde servi nomen non magis à *servando* deductum videtur, eò quòd bello capti, occidi cum potuissent, ad servitiæ servati sint, arbitrio victoris, & extorto, metu mortis, assensu illorum, qui victi erant, qua de re plenius infra *cap. 8. sect. 10.*

94. Loquendo de *passiva servitute*, patet, quòd illa pro causa *proxima* habeat paciscentium voluntarium consensum, & ab illo, modum ac formam accipiat. *Occasio* hujus servitutis est, quòd variante fortunâ, alii rebus abundent, alii egeant, & ditiores indigeant aliorum egentium operis & servitiis; hi vcrò locupletiorum subsidii. Inde (inquam) ad pacta devenit est, & egeni, locupletioribus operam addicere, ut ab ipsis alimenta consequerentur. Igitur inæqualitas conditionis, adigit homines ad hujusmodi pacta libertatis nativæ restrictiva. Ex quo

95. Resultat, quòd status herilis non sit juris naturalis *Præceptivi*, sed *merè*

permissi; non enim est *necessitatis absolutæ*, ut sit sed *utilitatis* non repugnantis dictamini rationis, ut esse possit. Quia autem supponit factum libertatis congenitæ limitativum; ideo est status *adventitius*, qui ex hypothesi, quod existat; sive ex voluntario pacto, sive ex consensu, jure captivitatis, extorto; jure naturæ, adtingit servum ad operas domino præstandas. Si

96. SCISCITERIS: Quid herus possit in servos? RESP. Si de spontanea servitute sermo sit, videndum, quo pacto conclusa fuerit? pacta enim dant legem contractibus. Regulariter tamen dominus 1mo. servo injungere potest omnia servitia viribus ejus proportionata, & ad finem intentum conducentia. 2do. Potest dominus percipere omnem utilitatem ex operis servi sui. 3io. Habet juri castigandi fociordiam vel nequitiam servi, promotione delicti, absque tamen crudelitate & nimia sævitia; siquidem & servo *proprie dicto* injuria fieri potest. l. un. Cod. De *omendat. serv.* quod perperam negat *Hobbesius. De cive. cap. 8 §. 9.* Confer §. 2. *Inst. De his qui sui vel alien. jur. sunt.* Ubi sic disponit Imperator: *Hos tempore, nullis hominibus, qui sub imperio nostro sunt, licet sine causa legibus cognita, in servos suos, supra modum, servire. Etc.* Unde Dominus, nec in servum *patitium*, nec in servum *proprie dictum*, jus vitæ & necis habet, prout erroneè tradit *Thomasius, in suis secundis curis.* Ratio prioris est; quia tanta potestas, ad finem intentum, non est necessaria Domino in servum mercenarium, qui summi supplicii loco, è familia ejici propriæque fociordie relinqui potest. Ratio posterioris est: quod in societatis minoribus, cuius privato non sit indulgendum, quod in civitate,

ob commune bonum, Magistratui concessum. 4to. Habet dominus jus imperandi seu demandandi servo *mercenario* operas ipsūque ad illas cogendi etiam per verbera, non tamen vendendi invitum. Tale enim jus non censetur servus ex pacto concessisse domino, voluit enim se trahere huic domino, non cuicunque alteri fortè duriori.

Loquendo de servitute *proprie dicta*, certum est, quod hæc domino longè potentius juri attribuat, quod quadantenus *jus proprietatis* dici potest, vigore cujus non tantum persona *mancipii* alienari potest, sed & omnes ejus res domino obnoxix sunt. Quidquid enim servus acquirat vel habet, domino cedit.


Sicut autem servi, domino justè & rationabiliter præcipienti semper obtemperare, personæ ejus reverentiam exhibere, utilitatique ejus intendere debet, donec servitus ad tempus fortè contracta, temporis lapsu, aut servitus *proprie dicta*, manumissione dissolvatur; ita vicissim domino incumbit, servo mercedem ex contractu persolvere, alimenta aliæque vitæ necessaria suppeditare, iussa & imperata viribus servi attemperare, citra rationem in eum non sævire, multò minùs eundem, ut jumentum tractare; cum eis desiderit esse *liber*, non desiderit tamen esse homo: Ut merito *Justinianus §. 2. Inst. De his, qui sui vel alien. jur. sunt.* Sic statuerit: *Si intolerabilis videatur servitias dominorum, cogantur servos suos, bonis conditionibus vendere, ut pretium dominis daretur & rectè, expedit enim Reipublicæ, ne sua re quis male utatur.* Quinipò, juri naturæ *permissivo* minimè congruit servitus illa barbara & inhumana, qua servi vix in hominum numero, sed planè pro nullis habiti fuere veteri Romanorum jure.

CAPUT III.

DE

Societate composita seu de Civitate.

SUMMARIUM.

- 1  *Civitas unde, & quem in finem, constituatur*
- 2 *Cur homines civilem ambiant Societatem?*
- 3 *Origo Civitatum, Juris Gentium adscribenda, non verò juri naturali præceptiva.*
- 4 *Jus naturale tamen suadet Societatem civilem.*
- 5 *Quæ fuerit causa impulsiva Civitatum condendarum?*
- 6 *Kemmerichii opinio refertur.*
- 7 *Refutatur Kemmerichii discursus.*
- 8 *Quæ sit causa efficiens Civitatis?*
- 9 *Quæ itidem causa materialis & formalis?*
- 10 *Quot homines constituent Civitatem?*
- 11 *Quid sit Civitas?*
- 12 *Inter Catholicos & Protestantes disceptatur; in quo consistat beatitudo seu felicitas civilis.*
- 13 *Impia, hac in parte, Machiavellicæ opinio adoptata à Puffendorffio.*
- 14 *Uterque Pseudopoliticus refellitur.*
- 15 *Quatenus Civitates sint propter Religionem?*
- 16 *Quis sit finis Civitatis, considerato statu hominum merè naturali; & quis itidem finis Reipublicæ Christianæ?*
- 17 *Error Protestantium, Civitatis etiam Christianæ finem collocantium in felicitate merè externa.*
- 18 *Civitas primordiàlter coalescit ex pacto expresso vel tacito familiarum.*
- 19 *Civitates aut sunt Regulares, aut Irregulares.*
- 20 *Quæ sint Civitates Regulares vel Irregulares?*
- 21 *Monarchia quid sit?*
- 22 *Quid Aristocratia?*
- 23 *Quid Democratia?*
- 24 *Quid porro status mixtus?*
- 25 *Imperium Romano Germanicum, hodie est status mixtus.*
- 26 *Quid ratione, Civitates efficiantur irregulares?*
- 27 *Civitas quomodo desinat esse?*

S U M M A R I U M.

- 46 *An & quatenus in statu mixto sit Majestas?*
- 29 Monarchia simplex, per se loquendo, est præstantissima Reipublicæ forma.
- 30 Quod rationibus probatur.
- 31 Nominum tamen genio magis accommodata videtur forma Monarchicæ Aristocratica, quam idcirco Romano Germanicum, adoptavit Imperium.
- 32 Regnum electivum & Successivum quid?
- 33 Regnum Electivum, videtur præferendum Successivo.
- 34 Idque ob varias rationes, quæ adferuntur.
- 35 Recensentur Argumenta illorum, qui Successionem Electioni anteferunt.
- 36 Respondetur ad ista Argumenta.
- 37 An, & quatenus Civibus permisum è Civitate discedere?
- 38 An Princeps sub gravi pœna, putat: confiscationis bonorum, possit subditis prohibere emigrationem?
- 39 Quod, hac in parte, potest Princeps, in statu Monarchico; hoc Optimates possunt in statu Aristocratico, ac populus potest in statu Democratico.
- 40 Mutatio aut interitus Regnorum non potest adscribi certo annorum decursui.
- 41 Nec astrorum influentis.
- 42 Neque Fortunæ, Casui aut Gentilium Fato.
- 43 Quid Philosophis Christianis sit Fortunæ?
- 44 Quid Casus?
- 45 Quid Ethnici per Fortunam intellexerint?
- 46 Quid iidem intellexerint per Fatum?
- 47 Quid Orthodoxis sit Fatum?
- 48 Fatum accipi potest Causaliter vel Formaliter.
- 49 Fatum formaliter sumptum, quid sit?
- 50 Fatum causaliter est unicum, formaliter verò multiplex.
- 51 Deo competere non potest causalitas fortuita vel casualis, bene verò Angelis, tum bonis, tum malis.
- 52 Divinæ providentiæ Regnorum vicissitudines adscribendæ sunt.
- 53 Civitas, quàm diu duret, & quando intereat?
- 54 Potest jus Civitatis amitti, remanentibus hominibus, qui cives fuerant.
- 55 Civitas manet eadem, quamdiu manet forma essentialis regiminis.
- 56 Si Regimen Democraticum migret in Monarchicum; num populi debita extinguantur?
- 57 Quid, si populus per arma extranei Regis victus & subactus fuerit?
- 58 Civitas alteri unita, quatenus maneat eadem?
- 59 Quid, si una Civitas distrabatur in plures?
- 60 An Imperium Romanum, usque modò, remanserit apud Romanum populum? Ubi refertur non spernenda Grotii affirmans opinio, ab ejus Commentatoribus inofficiose explosa.

- 61 *Saltem verosimilius est, quodd translatum in personam Caroli Magni Imperio, necdum penitus extinctum fuerit jus populi Romani.*
- 62 *Rerum publicarum origo est à gemino principio, Divino scilicet & humano.*
- 63 *Unde Respublicæ baurire soleant incrementa?*
- 64 *Territorium quid sit, & quale esse debeat? item: quid jus territoriale habens, possit & debeat facere?*
- 65 *Quid sit superioritas territorialis? Quid illa contineri censeatur? Qua ratione competere possit? Quis illam in Imperio Romano-Germanico concedat?*
- 66 *Respublica, Civitas & Urbs quatenus differant?*
- 67 *Civis, quis & quotupliciter dicatur?*
- 68 *Analogia inter Civitatem bene constitutam & vicum corpus humanum.*
- 69 *Quid sit Pagus?*
- 70 *Quid Metropolis, & quænam ad illam requirantur?*
- 71 *Finem debitum Reipublicæ moderator præ oculis habere debet.*
- 72 *Mythicè loquendo; secundum D. P. Augustinum, non sunt, nisi duæ Civitates; terrena scilicet & cælestis; id est: cætus bonorum & malorum; sive: Prædestinatorum & reprobatorum.*

1.  Triplici statu Societatis simplicis, puta: *Conjugalis, Paternæ & Herilis*, coalescit status Familix, è Familiis verò confluit status magis compositus, scilicet status *Civitatis*, quæ generatim dici potest: quodvis corpus *politicum* in suo genere perfectum, & civilis beatitudinis causâ, in commune coadunatum: sive, ut loquitur *Grotius lib. 1. De J. B. & P. cap. 1. §. 14. n. 1.* *Civitas, est cætus perfectus liberorum hominum, juris fruendi & communis utilitatis causâ sociatus.*

2. Civitatis Originem, plures, quos sequitur *P. Franciscus Schmier, Ordinis S. Benedicti, in sua jurisprudentia publicæ universæ lib. 1. cap. 2. Sect. 4. §. 2. n. 157.* Deducere contendunt, ex jure hominibus congenito. Tum quia homo est [ut loquitur *Doflor Angelicus in 1. Polit. cap. 1. lect. 1.*]

naturaliter animal domesticum & sociale, & quidem Sermone præditum ac ratione instructum, ut sibi de vitæ felicitate perfecta consulere possit, maximè, quia ea est naturæ humanæ conditio, ut tam animi, quàm corporis miseris & necessitatibus pressa, aliorum culturâ, ope atque auxiliis indigeat, ac proinde Societatem aliorum quærere necessum habeat. Tum, quia, cum homo appetat Societatem simpliciter, ut consequatur ea, quibus absolute carere nequit; videtur etiam naturaliter inclinari in Societatem civilem, ut assequatur ea, quæ ad commodius subsistendum conducunt.

3. Rectius tamen sentiunt, qui civitatis originem, Juri Gentium, tacite vel expresse hominum pacto adscribunt. Cui non adversatur, quod etiam Civitatis institutio aliquatenus referenda sit ad jus naturale, si per jus naturale, intelligimus

mus in sensu latiore, inclinationem & appetitum ad omne id, quod rationi quomodocunque convenit. Natura enim indit homini, modo quodam *suasivo* inclinationem ad societatem civilem, velut naturæ rationali valde consentaneam; ast natura nequaquam præcipit societatem istam, tanquam determinatè & simpliciter necessariam: id quod requireretur, si originem civitatis, juri naturæ rigorosè accepto, adscribere vellemus. Identidem igitur recole, quòd jux naturæ propriè dictum, prospiciat homini de necessariis *absolutè & simpliciter*, sine quibus obtineri non posset felicitas creaturæ rationali debita, & ipsa natura foret manca & defectuosa. Proinde licet homo sit animal sociale, quod suapte instinctu, nititur sibi prospicere de alieno subsidio per societatem aliquam, conservandæ vitæ suæ, indispensabiliter necessariam, ac simpliciter sufficientem; inde tamen nequit inferri, quòd pari impetu feratur in societatem civilem, quæ non conducit, nisi ad *abundantiùs, meliùs & commodiùs* subsistendum. In idem recidit, si dixeris: Civitatis originem esse juris naturalis *permissivi* seu *negativi*, non verò *præceptivi* seu *affirmativi*. Item, si dixeris naturam appetere societatem civilem, ductu rationis oportuniora & meliora suadendis, ast non rationis imperio, ad simpliciter necessariam, veluti cogente. Utique naturalis ratio suadet, ut adnitamur assequi utiliora & commodiora; non jubet tamen, nec obligationem inducit tendendi in illa, velut media ad assequendum felicitatem sibi præfixam necessariam. Unde

4. Concludendum; quòd civitatum incunabula attribuenda sint juri naturali non quidem *præcipienti*, sed *concessivo & suadenti* hujusmodi associationem velut naturali hominum *genio magis* accommodam; puta: acquirendis utilitatibus & amovendis incommodis peropportunam.

Dixit: *juri naturali non præcipienti* &c. Nequaquam enim probari potest, quòd civitatum institutio tantæ sit necessitatis, ut humanum genus alioquin subsistere finemque suum assequi non posset, cum ante urbes conditas, quando adhuc familiæ segreges exsistebant, homines sciverint suis consulere necessitatibus. Quò facit, quòd hodie dum multæ dentur Colonix, quæ merces necessitati aut voluptati subservientes, ab exteris petunt, absque hoc, quòd cum iis in unam civitatem coire necessum ducant.

5. Quia tamen observatum fuit, quòd homines in unum cœtum vel corpus congregati, sibi mutua officia & auxilia faciliùs præstare potuerint; & quòd ingravescente improborum malitiâ, vix securius præsidium contra malignantium ausus consequi potuerint, quàm si civitatum munimentis se tutos redderent; ideo bene dicitur: quòd causa *impulsiva* civitatum conditarum, fuerit tum indigentia, majorve utilitas & commoditas: tum metus proborum ab improbis, ob mala scilicet probis, ab improbis, extra civitatem impendentia. Constat enim, quòd in cœtu sic coadunato, habeatur plenior vitæ sufficientia ex mutuis auxiliis majusque tutamen ad pericula quæcunque propulsanda.

6. Kemmerichius, *Passendorffii* Epitomator, ratus fuit; metum pravorum à probis, suppeditasse ansam civitatum condendarum, eò quòd facinorosi homines, primitus civitates exstruxerint & adscitis scelerum sociis, in illas sese abdiderint, quò tutiùs probos spoliare & facultatibus exhaurire possent. Earus Author opinionis suæ fundamentum haurire nititur ex S. Scriptura, quæ memorat primos civitatum conditores, non fuisse pios Patriarchas: *Sethum*, *Noachum* vel *Abrahamum*, sed impios: *Cainum*, ante & *Nim-*

Nimbrodum, post diluvium. Quò facere videtur: quòd testibus sæculorum Fastis, penè omnium Regnorum ortus & incrementa tyrannidi, oppressioni, & violentæ occupationi adscribantur.

7. Hæc tamen opinio, meritò rejicitur. Tametsi enim raptores & latrones ad consequendam scelerum suorum impunitatem, castra, Præsidia, & munimenta suscitaverint; inde tamen concludi nequit quòd primæva & sana ratio urbium condendarum, fuerit malitia improborum: quia præcindendo à facinorosis hominibus; etiam iusti & probi, alienis subsidiis, adjutoris & adminiculis, saltem *ad melius esse*, opus habebant; ut nihil dicam de ipsis improbis, qui etiam in civitate, mutuis egent officiis. Abs ratione igitur Civitatis seu societatis civilis institutum, malitiæ hominum, velut fonti primario attribuitur, quasi civitas, non nisi coagulum fovendæ & roborandæ iniquitatis foret. Cùm enim Civitas, de se sit perfecta Societas & complementum totius sufficientiæ, teste *Stagyrita*. 1. *Polit. cap.* 2. cœtus iste, alio ex capite appetibilis est, quàm, ut sit improbitatis propugnaculum. Ersi etiam plura imperia & Regna, per injustam vim & tyrannidem occupata noscantur; inde tamen argumentum porrigi non potest ad id, quod non corruptæ rationis dictamine fieri aut factum esse decuit. Porro; licet sacra historia narret, civitatem *Hennochiam* fuisse à *Caino* conditam; inde non sequitur; quòd fuerit omnium prima. Et quid! Si à probis & integrioris vitæ hominibus aliene non appetentibus, & sibi propriâ sponte invicem succurrentibus, non fuerit civitas omnium prima, erecta? Anne ideocirco concludendum; quòd Civitatum condendarum causa *originaria* vel impulsiva, sit improbitatis securitas, & illecebra impune grassandi in innocentes ac probos?

A Hochkirchen, Ethic. Christi. Pars II.

8. Si de causa civitatis *efficiente proxima* questio moveatur; coherenter concludendum est; illam haud aliam esse, quàm conventionem expressam vel tacitam eorum, qui animo pangendæ inter se societatis civilis, in unum cœtum seu corpus coivère. Non enim sine voluntaria singulorum inter se conventionem, corpus hujusmodi *morale* coadunari potest, sed potiùs intelligeretur *dissociata multitudo sine lege, sine Rege*. Ad civitatem autem debitè & ordinatè constituendam, necessum est, ut membra non sint paris conditionis, quia teste Philosopho; *Civitas non fit ex similibus*. Unde civitas confurgit ex *disparibus*, imperantibus scilicet & parentibus, ut rectè quis dixerit: ad civitatis felicitatem, tres requiri hominum classes, *Quæstuosam* scilicet, quæ lucris, commerciis & communibus utilitatibus intenta sit; *militarem*, quæ tam bellis intestinis obstat & tumultuantes refrœnet, quàm hostes publicos arceat; ac denique *Senatoriam*, quæ rem communem administret, & jus suum unicuique illæsum præstet. Ex quo ulteriùs

9. RESULTAT: *Causam materiale* proximam civitatis esse, cœtum hominum, in unum corpus *morale* seu *politicum*, mutux pactionis vinculo, consociatum. *Causam remotam* esse familias, ex quibus cœtus iste conflatur: *Causam* porro *formalem*, esse sumum imperium, quod vel est *Monarchicum* vel *Aristocraticum* vel *Democraticum* vel etiam *mixtum*, prout infra dicitur. Si

10. PETAS: Quot homines requirantur ad constituendam Civitatem? *Resp.* Numerum hominum definiri non posse. Rectè igitur dicitur: tantam requiri hominum multitudinem, quanta ad finem felicitatis civilis, tam in promovendis commodis, quàm removendis incommodis necessaria est. Hoc equidem certum est,

est, quòd plures requirantur homines ad Civitatem ad initio constituendam, quàm ad illam ab interitu præservandam. Quare, si pauci superstites se defendere possint contra vim hostilem exterorum; poterunt sibi vindicare imperium, donec in justam multitudinem allectis aliis, excreverint; siquidem jura Collegiorum, possunt etiam conservari in uno.

11. *Supra n. 1.* Generatim descripsi-
mus civitatem; ex dictis autem eruitur:
quòd civitas specialius definienda sit:
*Societas plurium perfecta, consensu singulo-
rum coadunata, & summo imperio instru-
cta in ordine ad felicitatem civilem.* Ubi
Nota: quòd Civitas dicatur *Societas per-
fecta*, comparatione factà ad familias se-
grege, quæ societates sunt debiliores &
minus validæ, non verò eo sensu, quasi
civitas adeò plenam rerum omnium abun-
dantiam, tantàmque securitatem adver-
sus hostium impetus haberet, ut nec alio-
rum populorum subsidiis, sive per com-
mercia, sive per fœdera, opus habeat,
pacisque vel belli tempore, suis consiste-
re possit viribus. *Experientia* enim do-
cuit, notante *Grotio lib. 2. De J. B. &
P. cap. 5. §. 8. & cap. 7. §. 4.* quòd nul-
la sub sole, tam valida substituerit, aut
etiamnum subsistat Civitas vel Respubli-
ca, quæ non aliquando exterorum ope
indigere possit, sive ad commercia, sive
ad propulsandam exterarum Gentium in-
ter se fœderatarum potentiam.

12. Insinuavimus supra, finem civita-
tum fore, felicitatem seu beatitudinem
civilem; sed inter Catholicos & *Prote-
stantes* vehementer disputatum fuit; num
beatitudo ista, veræ felicitatis nomen
mereatur, si duntaxat concluderetur &
arctaretur bonis & commodis temporali-
bus corpus attinentibus, absque respectu
ad felicitatem internam animi, consistentem
in virtute & honestate morum, ordi-

nata ad consequendum finem ultimum
alterius sempiternæ vitæ.

13. Eò impietatis prolapsus est *Ma-
chiavellus*, ut in *Præfat. sue Speræ Ci-
vit.* effutiverit; Statum civilem, sine ul-
la virtute aut Religione, salum subsis-
tere & conservari posse. *Machiavello*
haud sanior est *Puffendorffius*, qui in *libel-
lo: De habitu religionis Christianæ ad vi-
tam civilem.* §. 54. & alibi tradit: Reli-
gionem, respectu statûs civilis, se habe-
re quasi impertinenter, adeò, ut Principis
nihil interlit, quid quisque civium cre-
dat, dummodo civili officio satisfaciat.

14. Falluntur autem, aut enormiter
fallunt Pseudopolitici isti; quia felicitas
externa consistens in temporalium bono-
rum affluentia, securitate & tranquillitate
vitæ, tantum est finis civitatis *materialis*,
inadequatus & secundarius; finis enim
adequatus, formaliter & principaliter im-
portat felicitatem quoque *internam*, sitam
in virtutis & honestatis cultu, Religioni
saltem naturali, conformi. *Ratio* est:
Quia finis civitatis adæquatus, non est
felicitas qualiscunque, sed *humana* seu
hominem decens, & eundem distinguens
à brutis adeoque *primario & formaliter*
importare debet felicitatem consistentem
in virtutis & honestatis cultu, sine quo
homo cum homine, imò nec secum ipso,
diu pacificè & tranquillè vivere nequit.
Merito igitur *Doctor Angelicus* vel alius
quiscunque Author *lib. 1. De Regimine
Principum cap. 15.* ad vitam hominis bea-
tam duo requirit: unum *principale*, quod
est *operatio secundum virtutem*. Virtus
enim est, quæ bene vivitur: aliud *secun-
darium & quasi instrumentale*, quod est
sufficientia vel copia corporalium bonorum,
quorum usus conducit ad actum virtutis
Huic doctrinæ consonat discursus, quem
alibi ducit *S. Doctor* de Republica, di-
cens: finem ejus, non esse: *simpliciter vi-*

vivere, sed vivere secundum virtutem. Non enim (inquit) homines congregantur propter solum vivere alioquin & animalia bruta, forent membra societatis civilis, sed ob bene vivere, quod consequi non posset unusquisque singulariter vivens. Bona autem vita est secundum virtutem: virtuosa igitur vita, est congregatio- nis humane finis. Cæterum [prosequitur S. Doctor] quia homo vivendo secundum virtutem, ad ulteriorem finem ordinatur, qui consistit in fruitione Divina; oportet eundem esse finem multitudinis humane, qui est hominis. Non ergo ultimus finis multitudinis humane, est vivere secundum virtutem; sed per virtuosam vitam pervenire ad fruitionem divinam. Scilicet illam, quæ statui merè naturali quadrat.

15. Dices cum *Puffendorffio*. Civitates non sunt institutæ propter religionem, neque Religio propter civitates, quia antecederent existerent, & independenter à Religione, subsistere possent; cum neque opus sit ad Religionem civitate, nec civitati, Religione Christianâ, utriusque sine longè invicem discrepante. *RESP.* *Dist.* Civitates non sunt institutæ propter Religionem Christianam & supernaturalem. *Transseat.* Non sunt institutæ propter Religionem saltem naturalem. *Neg.* Cum enim idem debeat esse finis multitudinis, qui est hominis, & civitas sit propter beatitudinem non qualemcumque, sed humanam, consistentem in virtutum exercitio ultimatè tendente in fruitionem Dei; hinc Religio saltem naturalis, principaliter intendi debet ab iis, qui in civitate coeunt, maxime, quia sine unius, veræque Religionis vinculo, felicitas, nequidem externa, diu subsistere nequit. Proinde, cum pietas erga Deum, fundamentum sit probitatis morum, & æquitatis inter homines; populus ipse, aut is, qui populo præest, præprimis curare de-

bet, ut verus cultus Dei, à quo bona cuncta procedunt, observetur: adeoque summis imperantibus, non solum incumbit, ut religio saltem naturalis, à civibus probè colatur; sed &, ut in illos, poenarum suppliciis, animadvertatur, qui committunt actus externos Religioni adversantes. Porro; tametsi Religio in se & quò ad professionis exercitium, extra civitatem & societatem hominum summo imperio instructam, subsistere queat; si tamen ipsamet Religio consideretur, prout reperitur in hominum multitudinè, rectè postulat superioris imperium, quo homines in sacris dirigantur, & in unius fidei professione conserventur.

16. Igitur sicut considerato *statu* hominum merè naturali, finis adæquatus civitatis, non est felicitas qualiscunque, sita in *Epictura* quadam quiete & bonorum corporaliū affluentia, sed felicitas humana, consistens, præter prosperitatem temporalium subsidiorum, in honestate vitæ, naturæ legibus, conformi, quâ non modò *quietè*, sed & *probè* cum virtute saltem naturali, & honestate *moralis publicæ* vivatur; ita finis adæquatus Reipublicæ *Christiane*, suppositâ legis novæ institutione, & divini credendorum ac faciendorum revelatione, non est felicitas merè naturalis sed Christiana, sita in sufficientia & honestate vitæ, Divinis legibus conformi; sic, ut non modò *tranquillè*, & etiam *probè*, juxta juris naturalis dictamina, sed insuper *Christianè* vivamus, juxta fidei nostræ leges, quæ non tantum ad felicitatem quandam naturalem, sed etiam supernaturalem nos dirigunt. Ex his

17. Facile colligitur: quantoperè *Protestantici Moralistæ* aberrant, dum pro fine civitatis etiam *Christiane*, felicitatem statuunt merè *externam*, data cuivis libertate *autonomicæ*, excludendo Superioris

Ecclesiastici, jubendi & corrigendi in sacris potestatem, imò statuendo Religionem quodlibeticam.

18. Modus, quo primum coalescit civitas, habetur ex pacto *expresso* vel *tacito* familiarum in unum corpus *morale* coëuntium. Et hoc pactum est duplex: unum, *de consociatione*; alterum, *de debita subordinatione*, seu Regiminis constitutione & administratione. Atque hinc oritur: quòd pro voluntate populi, forma regiminis ac imperii, non sit una seu uniformis in singulis civitatibus, sed imperans, qui populi voluntate nactus est Imperium; legibus fundamentalibus adstrictus sit. *Dico: qui populi voluntate*. Non enim est quæstio de modo, quo quis per potentiam, jure belli, subjugat sibi civitatem, eamque sibi subditam facit. Tali enim eventu, pro voluntate victoris, forma regiminis constituitur.

19. Civitates, aut sunt *regulares*, aut *irregulares*. *Regulares* sunt: quæ naturam, ex primæva institutione acquisitam, salvam & inalteratam retinent. *Irregulares* verò, quæ regularem indolem, ex primæva institutione sibi inditam, salvam & integram non habent.

20. e censu civitatum regularium, sunt istæ, in quibus ab initio, forma regiminis perseverat *Monarchica*, *Aristocratica*, *Democratica*, vel ex his *mixta*. Quæ verò primævâ regiminis formâ alteratâ, factæ sunt *Heriles*, *Patrimoniales*, aut *Systematicæ*: illæ rectè dicuntur *irregulares*.

21. Regimen *Monarchicum* seu *Monarchia* est: cum omne jus in subditos, penes unum est, isque solus ad communem populi utilitatem, Rempublicam administrat.

22. Regimen *Aristocraticum* seu *Aristocratia* est: ubi prudentiores seu *Optimates* aliquot, id est optimi & selecti viri

regunt, bonum publicum curantes. Cui opponitur *Oligarchia*, ubi pauci quidem regunt, sed in *suam*, non *civium* utilitatem,

23. Regimen *Democraticum* seu *Democratia* est; ubi regimen penes universum populum est, & populus in commune consulit, nullum supra se principem agnoscens, licet quosdam eligat, qui communi nomine ad gubernacula sedeant, & usque ad aliam dispositionem, Rempublicam curent: sicut olim mos erat populi Romani, ad tempus consules ferentis, & nunc observatur apud *Helvetios* & *Hollandos*, ubi tamen nuper per *Locumtenentis perpetui* & *Hereditarii* restaurationem, res aliquam subiit mutationem *Democratia* opponitur *Ochlocratia*, quando populus nulla ratione ductus, nec decus nec commodum publicum respiciens, sed suæ tantum libidini serviens, regimen vitiosum instituit. Confer *Schævederum. introd. J. P. part. speciali. sect. 2. cap. 9. §. 10.*

24. Status *mixtus* est, in quo Princeps, Senatus & singuli de populo, saltem *tributus*, seu per *Tribus* & *collegia*, aliquid ad Reipublicæ gubernationem conferunt. Quòd, si Princeps cum Senatu & selectis nobilibus, summam rerum gerat, Respublica dicitur *mixta*, ex Monarchia & Aristocratia. Talis hodie est *Polonorum* Respublica, in qua Rex arbitratur, proprio, nec bellum suscipere, nec cum exteris, fœdera sancire, neque nova civibus tributa imponere potest, idque ex legibus Regni, pro fundamento, stabilitus, juxta quas, sub coronationis solemnibus, Rex jurare debet, nunquam se commisurum, ne haud communicato cum Senatoribus consilio, quidpiam gravioris momenti statuatur.

25. *Mixti* statûs formam, hodie, saltem post Pacificationem *Monasteriensem*, habere Imperium *Romano-Germanicum*,

NON

non est negandum. Cum enim hodie Imperator in Comitibus, nedum *Electorum*, sed & liberarum Imperii civitatum vota exquirere & sequi teneatur; solus omnia non potest, neque solus est imperans, adeoque status Imperii nostri, est ex Monarchia & Aristocratia, quin & suo modo Democratia, compositus in hanc rem juvabit adducere verba articuli 8vi. §. 2. *Instrumenti Pacis Westphalicae* ubi sic habetur: *Gaudeant* (nempe status Imperii) *sine contradictione jure suffragii in omnibus deliberationibus super negotiis Imperii, praesertim, ubi leges ferendae vel interpretandae, bellum decernendum, tributa indicenda &c.* Igitur *Lex Regia*, ex qua *Reinkingius lib. 1. classe 2. cap. 2. §. 54.* statum hodiernum imperii nostri, vult facere purè *Monarchicum*, aut nunquam apud Germanos fuit recepta, aut saltem modo abrogata dignoscitur. Confer *Lampadium De Republ. Rom. Germ. p. 3. c. 14. §. 27. & 27. Limneum Prolog. ad Capitulat. Caesar. sect. 8.* Imò ipsa verba Capitulationum Caesararum, ex quibus liquet, restrictam esse Caesaris potestatem, ita, ut saltem omnia & quidem principaliora, solus non possit perficere.

26. Civitates sunt & efficiuntur *Irregulares* imò. Si exorbitent à fine, qui debet esse utilitas publica & communis civium. Unde Civitates *Heriles*, in quibus imperantes principaliter & ferè unicè, propriis inhiant emolumentis ac despoticè subditos premunt, meritis *irregulares* nuncupantur: quales sunt testibus Historiis, permultae *Asiae & Africæ* civitates. Huc referuntur quoque Civitates *Patrimoniales*, in quibus imperantes liberam sibi vindicant potestatem, esto ex prima institutione, jugum tale, cives non susceperint, sed temporum necessitatibus adacti, jure quasi *fideicommissario*, in summum Principem, eà lege contulerint imperium, ut stirpe ejus extinctà, ad ipsos

imperium reverteretur. Irregularibus, ut verbò dicam, accensentur civitatibus, communitates omnes, quæ alium intendunt scopum, quàm virtutem, honestatem, & justitiam, sed pro fine sibi præfigunt felicitatem merè externam, fallacem, apparentemque, utpote sitam in fluxis & caducis bonis, luxu, voluptatibus & vitiorum illecebris.

2do. Civitates efficiuntur *irregulares*, defectu formæ, puta: si *Monarchia* degeneret in *Tyrannidem*, quæ postposito communi civium bono, imperium geritur ad libidinem & utilitatem unius despoticè regnantis. Si *Aristocratia*, ut dictum, deflectat in *Oligarchiam*, quæ pauci ex optimatibus, suæ potissimum utilitati studentes, in cives dominantur, ut olim *Romæ Triumviri*. Denique, si *Democratia* in *Ochlocratiam* vergat, & pars populi haud in communem utilitatem, sed in suam libidinem, imperium exerceat, ut quondam *Dictatores Romani*. Vel in *Anarchiam* delabatur, in qua scilicet vulgi licentia, ejectis Regibus aut everfis Magistratibus, tumultuariè omnia gerit & exequitur.

3iò. Ex defectu nexûs & perfectæ subordinationis, pro *irregularibus* habentur civitates *Systematicæ*, quæ nempe *ligam* inter se fecerunt, & in unum corpus *morale* coiverunt; ita, ut singulæ quidem summum retineant imperium; belli tamen pacisque negotia, communi consilio tractare debeant, quasi una forent Respublica. Hac ratione *Helvetiæ & Belgii federati* civitates, in unum corpus concesserunt.

27. Quòd si populus in alterius ditionem & imperium concesserit, tunc desinit esse civitas *per se*, aut cœtus perfectus liberorum hominum; & consideratur velut membrum perfectæ alterius civitatis, in cujus ditionem concessit.

28. Disputatum aliquando fuit, an status Civitatis *mixtus*, videlicet ex duplici vel triplici forma temperatus, habeat majestatem sive summum Imperium? Ratio dubitandi erat; quod majestas seu summa imperandi potestas sit *indivisibilis*, adeoque non possit existere in multis subjectis, seu non patiatur conregnatum pluralitatem. Pro resolutione istius dubii, sciendum est; quodd tradente *Grotio lib. 1. de J. B. & P. cap. 3. §. 7. n. 2.* Majestatis subjectum sit duplex; unum scilicet *commune*, seu *essentia*; alterum *proprium*, seu *existentia*. *Commune* majestatis subjectum est ipsa Civitas seu Respublica, quæ est Societas magna ex pluribus minoribus composita. Et sicut Civitas, unius corporis imaginem habet, ita *subjecti communis* habet rationem. Subjectum *proprium* seu *existentia* majestatis, sunt ipsi imperantes, in quibus majestas exiit, & per quos omnia in Civitate disponuntur & summum imperium exercetur proprio ipsorum nomine. Unde, si unus solus imperet, & omnia possit in Civitate, Majestas est *Monarchica*; si plures exercent imperium, Majestas est *Aristocratica*; si omnes simul ad imperii, exercitium concurrant; Majestas dici potest *Democratica*. *Mixtus* verò erit status, si summam imperandi potestatem exercent, vel unus & plures, vel unus & omnes, vel unus, plures, & omnes conjunctim. Etsi igitur Majestas planè & perfectè Monarchica, sit *indivisibilis* & in communicabilis alteri, nec possit existere in pluribus; aliud tamen dicendum de Majestate temperata, quæ subjectari potest in pluribus. Ubi bene Notandum: quòd longè aliud sit status Imperii, vel summa potestas *secundum se*; aliud, *ratio gubernandi* seu *exercendi Imperii*. Sæpe Monarchia unitur consilio Primorum, & ex arbitrio eorum, *absolutam* alioquin *suam* exequitur potestatem. En!

modus imperandi est *Aristocraticus*, absolutum verò imperium *secundum se*. Quòd si *Ordines* non tam consulendi, quàm statuendi, prohibendi scilicet, præcipiendi vè, gaudeant facultate, ita, ut Princeps, eorum votis acquiescere teneatur; non solum modus imperandi, sed & imperium ipsum, *Aristocratiæ* sapiet.

29. Politici indagare solent: quænam ex regularibus, sit præstantior Civitatis forma? Nos cum communiori *Respondemus: Monarchiam simplicem*, per se loquendo esse formam perfectissimam; tum quia Regimen Monarchicum correspondet ordini, quem Deus ipse tenet in regimine totius creaturæ, quémque in rebus creatis constituit. Adeoque, sicut in universo, unus est Deus, in homine cor unum, in familia unus rector: ita decet unam civitatem, unius subesse & parere Imperio. Unde & Christus Ecclesiam suam perfectissimè stabilire volens, ut *Schismatis tolleretur occasio*, regimen ejus constituit *Monarchicum* & uni voluit Pastori universali subesse oves universas, qua de re *Belarminus lib. 1. De Romano Pontif. cap. 2. & 3.* & nos plenè agemus infra *Cap. VII.* Ratio Responsionis est: quòd eò perfectior sit gubernatio, quòd magis est ordinata: jam autem magis est ordinata Monarchia, quàm *Aristocratia* vel *Democratia*; siquidem omnis ordo in hoc consistit, ut alii præsent, alii subsint; non enim inter pares, sed inter superiores & inferiores, ordo dignoscitur: atqui in sola Monarchia, omnes omnino ordinem aliquem habent; cùm omnes excepto uno, qui omnibus præest, subiciantur: in *Aristocratia* autem inter optimates & in *Democratia* inter cives, utpote paris conditionis homines, talis subordinatio non invenitur, adeoque Monarchia *per se loquendo*, aliis simplicibus formis præferenda.

30. Quò facit *imò* Quòd sub uno Principe,

cipe, facilius servetur concordia & consensus animorum. 2dò Quòd robor & potentia Reipublicæ reddatur major, quando vires conjunguntur in uno Principe, cui omnes tributum solvere & subsidium ferre tenentur. 3tò Quòd Regnum reddatur firmius & stabilis, eò quòd uno Principe imperium tenente, regnum non sit divisioni obnoxium. Ex divisione enim regnorum, interitus ipsorum evenire solet, prout ex historiis notum. 4tò Quòd facilius ab uno administretur justitia, quàm à multis, facili corruptibilibus. 5tò Quod etiam expeditius regatur Civitas ab uno, quàm à multis in diversa judicia plerumque abeuntibus, & cunctando altercandove, Rempublicam in discrimen conjicientibus.

Adde: Quòd in regimine *Aristocratico*, admodum difficulter & raro, Optimi seu Optimates seligantur; & quòd inter plures, plerumque aliqui sint perversi, a muli, invidi, imperiosi, capiosi &c. Unde turbæ, dissensiones, bella intestina, infinitaque alia mala, in Rempublicam invehiri nata sunt.

Porrò *Democratia* pluribus incommodis exposita est, quia plerumque populus non ratione, sed impetu; non sano consilio, sed furore, propellitur: plerique enim de populo, sunt rudes, imperiti, illitterati, cupidi, & egentes; adeoque ad regimen nec à natura nec ab arte comparati. Unde in plebe rarus conspicitur ordo; in rebus verò turbidis, mera perplexitas, confusio & inconstantia; temporibus etiam floridis, luxur, intemperies & discordia.

31. Cæterum, si naturæ humanæ fragilitatem, & id quod mortalium genio magis accommodatum est, consideremus; Optima Rerumpublicarum forma, videri esse ea, quæ ex regimine *Monarchico* & *Aristocratico* conflata est; ita, ut Re-

gia valeat potestas, & Senatus seu Ordinum vigeat Authoritas. In hanc Regiminis formam, maximè post introductas Cæsarum *Capitulationes* & Pacem *Hesphalicam*, commigravit Imperium modernum *Romano-Germanicum*, prout bene probat *Vitriarius Instit. Juris publici. lib. 1. tit. 7. n. 6.*

Ratio asserti nostri est; quòd hujusmodi Regimen tam facili non sit tyrannidi obnoxium, ob Senatorum & Ordinum vigilantem curam. Hi enim Principem in suo continere possunt officio, ut contra Patriæ salutem, & contra fas, nil moliri ausit Regimen quoque illud, ob Principis potestatem, non patet ambitioni & factionibus Optimatum, eò quòd *Soli* nil statuere valcant Sicut invito Imperatore, regulariter non possunt Imperii Ordines.

32. Politicorum quoque est quæstio: num Regnum *Electivum*, Successivo sit præstantius? Ubi *NOTA: Electivum* dici Regnum, quod liberis Electorum votis confertur: *Successivum* verò, quod jure Sanguinis atque natalium, hæreditario jure possidetur.

33. Plausibilior & Sanior sententia, Regnum *Electivum* præfert Successivo, maximè, si Regi electo in præmium & recognitionem bene administrandæ Reipublicæ, spes Successionis pro descendentibus ex ipso, appromittatur ab Electoribus.

34. Decidendi rationes conglobatæ sunt. 1. Quòd per Electionem, ad coronam evehi, sit Principi gloriosius. Magis enim honorificum & decorum est, propriâ virtute, ab Electoribus perpensâ, ad Regni fastigium elevari, quàm nativitatis sorte sublimari. Quò collimat illud *Taciti lib. 1. Hist. Optimum quemque demonstrat electio: contra nasci & generari à Principibus gratuitum, nec ultra assimatur. Tacito*, quòd multi sanguine nobiles, à parentum virtutibus delectant, & in perditissimos

tissimos mores prolabantur. 2. Quod viâ electionis, tutius & utiliùs Republicæ prospiciatur. Electio enim maturo consilio & seriâ deliberatione, à primoribus aut selectis populi personis prudentioribus, in virtutes & Genium eligendi Regis inquirantibus, peragitur, qui in hoc mentis suæ aciem inflectunt, ut optimum & præstantissimum Virum, ad Principatum evehant. Quem in finem jurejurando obstricti esse solent, prout per *Bullam auream tit. 2. Sacri Romani Imperii Electores*, obligati sunt. Quod si Electores adhibitâ licet diligenti indagine, errasse contigerit circa electi indolem; puta: si Princeps malignantis animi, profligatâ vitæ. Hæterodoxus, tyrannus, iustitiæ & æqui regiminis evertor, deprehendatur; non decurat leges Regni fundamentales, quibus aut refrænari poterit Principis exorbitantia, aut ipsemet, si incorrigibilis reperiatur, regiâ dignitate exui queat. 3. Quod Princeps à Proceribus electus, cupiens filium habere Regni successorem, & sciens se haud posse potiri desiderio suo, nisi mediantibus Electorum liberis suffragiis, Republicæ commodis studiosius inferuat, continentius agat, fundamentales Regni leges & avitas consuetudines populi moribus probatas, arctius custodiat, libertatēque civium attentius foveat, nihil denique prætermittat, quo subditorum affectum sibi conciliare queat. 4. Quod econtra Regnum Successivum sæpius obedire cogatur infantibus aut eorum Tutoribus, qui durante Tutelâ, bona quæcunque per fas & nefas corrådere, ut plurimum solent, ut finito munere, nihilominus fastuosi & præpotentes subsistere valeant. 6. Quod Regnum Successivum sæpe vitricos imo tyrannos ferre debuerit. 7. Quod Rege sine prolibus, aut, non nisi filiabus relictis, decedente, gravissimis diffidiis, inter agnatos, jactari soleat Im-

perium, prout ex historiis notum. Vide *Limnæum Tom. IV. addis J. P. lib. 2. cap. 1. n. 43. Reinking. De Regim. secul. & Eccles. lib. 1. classe 3. cap. 2. n. 3. Adde Besoldum. De Elect. & Success. Reg. prædrom. per tot.* ubi rationes in utramque sententiam accumulât. Igitur, *per se loquendo*, Regnum electivum præferendum videtur Successivo, præsertim, si in electione, spes detur Regi, ut impostero habenda sit ratio ejus stirpis, in electione novi Principis successuri. Hoc pacto enim, & bene merito Principi, gratia post mortem redditur, & Princeps ipse ad bene merendum stimulat.

35. Qui successionem electioni præferunt, ducti exemplis Regnorum *Angliæ, Galliæ, Hispaniæ* ac aliorum; his utuntur argumentis. 1. Quod Regnum electivum mortuo Rege, sit simile navi sine navarcho. 2. Quod Principes electi magis proprium commodum spectent, quam salutem boni publici; præprimis, si liberos habeant de Successione in Regnum minime securos, quibus tamen Principes Parentes, de regni vivendi facultatibus prospicere cupiunt. 3. Quod sæpius Electores inter se discordent, & loco unius, plura eligant capita, præcipue, quia multi competitores ad falces Regni aspirantes, subornationibus factiosis uti consueverunt ad aucupanda Electorum suffragia: quibus incommodis non patet janua, si successor non sit querendus, sed jam sit natalibus designatus. 4. Quod major sit Principis in Regno Successivo, quam electivo, auctoritas; qui enim aliorum suffragio ad coronam erectus est, multa sæpe aut palam, aut dissimulando, indulgere debet suæ Majestatis autoribus, ut nil dicam de contemptu, quem facile subire potest electus apud eos, quibus antea par aut fortè inferior fuerat. 5. Quod Electores sæpe per errorem, pro bono, elegerint Regem pessimi-

peffimum & Reipublicæ exitialem. 6. Quòd in Regnis electivis, nonnunquam exteri ad Sceptrum vocentur, quod nedum indecorum, sed & periculofum videtur, eò quòd summa rerum iis credatur, qui, ficut linguâ, ita moribus, à fubditorum genio valde difcrepant. Unde [inquit] Regnum *Daniæ* ex *electio*ne, merito factum eft *ſucceſſivum* Anno 1662. regnante *Frederico III.* quod porro *Guffavus de Waſa*, hæreditarium effecit. Similiter Regnum *Hungariæ*, Anno 1687. *Leopoldus* Cæſar *ſucceſſivum*, & Domui *Auftriacæ* hæreditarium reddidit.

36. Hæc argumenta adeò ſolida non ſunt, ut Regnum ſucceſſivum probent præſtare electivo. *Ad 1um* enim *Reſponderi* poteſt, quòd in Regno providè conſtituto & legibus fundamentalibus ſtabilito, Rege mortuo, non fluctuet imperium inſtar navis ſine nauclero. Exemplo ſit Imperium noſtrum *Romano-Germanicum*, in quo tempore interregni, vigore *Bullæ Aurææ*, 5. quoties. Conſtituti ſunt Vicarii Imperii, videlicet Elector *Saxonie* & *Palatinus*. Confer *Goldaſtum in præſatione Conſtit. Imperial.* pag. 291. *Monfr. Du May. Etat de l'Empire, part. 1. pag. 96. Limn. J. P. lib. 3. cap. 12. n. 25.* ubi limites utriuſque Vicaricatus deſcribunt. *Ad 2dum* *Reſp.* Huic periculo prudenter obviari in Regno, ubi adminiſtratio eſt Monarchico-Ariſtocratica, & maximè, ſi poſteritati Regiæ ſpes data ſit ſucceſſionis, per novam electionem. *Ad 3tium* *Reſp.* Regulam ſig. non debere ex iis, quæ in electionibus inordinatis fieri poſſunt; ſed, quæ in legitimis & bene ordinatis, fieri debent. *Ad 4tium* *Reſp.* Nec hoc periculum tantopere attendi debere, quia ex perilluſtribus & bene ominatis familiis, Heroës communiter ad Sceptra vocari ſolent, qui, ſicut proſapiæ nobilitate, ita vitæ integritate & regnandi au-

A. Hochkirchen, Eſtic. Chriſt. Pars II.

thoritate, ſpectabiles ſunt; præcipuè, ſi communi bono promovendo intenti reperiantur. *Ad 5tum. Reſp.* In Regno Electivo, per Principes aut alios Electores faciliùs errore corrigi, & Regis exorbitantiam cohiberi poſſe, quàm in Regno ſucceſſivo, ubi vix ſuperſt remedium. *Ad 6tum* *Reſp.* Omni periculo ſat præcaveri, ſi Princeps electus, prout fieri ſolet, ante coronationem juret: ſe Majorum Statuta, privilegia, leges & conſuetudines patriæ obſervaturum. Quòd ſi etiam Rex ſub tali conditione electus, juramento non attento, ab obligatione ſua deſſectet; ab Ordinibus, officii ſui admoneri, & pro re nata, exauthorari poſſet. Cæterum; pro Imperio *Romano-Germanico* argumentum adductum inutile eſt; ſiquidem pro illo, per *Bullam auream*, expreſſè cautum, ne Princeps alienigena, ſed Germanici ſanguinis, in Regem Romanorum eligatur.

37. Dictum ſupra: civitates eſſe inſtitutas, plurium familiarum conſenſu; ſed licebitne civibus à civitate diſcedere? *Reſp.* Regulariter *aſſirmativè*: qui enim Civitati ſe adiungit, in ſui commodum id feciſſe intelligitur, reſervatà emigrandi libertate, ſi id ſibi magis expedire viſum fuerit. Unde in Imperio *Romano-Germanico*, ſubditi, qui diverſæ, à Domino territorii, ſunt religionis; emigrare, & bona ſua vel vendere, vel per alios adminiſtrare poſſunt. *Dixi: Regulariter.* Pactis enim & legibus fundamentalibus, emigrandi poteſtas poteſt adimi. Dein: non eſt ſemper licitum à civitate diſcedere. Haud enim id permiſſum foret, ſi quis tali tempore vellet diſcedere, quo ſocietatis civilis intereſſet, civem non abire; puta: ſi civitas contraxiſſet magnum æs alienum: niſi paratus ſit civis diſcedere volens, de præſenti, partem ſuam exſolvere. Item: ſi fiducia multitudinis, bellum

H

ſit

sit susceptum; præsertim, si obsidio immineat, nisi civis emigraturus, alium æquè idoneum substituatur, qui Rempublicam defendere possit & velit, Alioquin, cives etiam gregatim discedere possunt, si id ipsis commodum videatur & conservari non possint in tali civitate; propter sui enim conservationem, cum aliis, in civitatem coivere.

38. Non est tamen negandum: quòd Princeps sub gravi pœna, v. g. confiscationis bonorum, prohibere possit, ne cives emigrant, puta: si utilitas vel necessitas civitatis postulet, ne cives discedant. Sic *Meschi*, non impetratà veniâ, è regno abscedere non licet. Idem olim obtinuit apud *Argivos* teste *Ovidio* 11. *Metamorph.* 28. ibi:

-vv-.. Prohibent discedere leges

Pendâque mors posita est patriam mutare volenti.

Ratio dicti nostri est; quòd hujusmodi Principis prohibitio, non sit iniqua, utpote tendens in Reipublicæ conservationem, proinde Regi præcipienti obtemperandum sit. Aliud esset: si Princeps ideo subditos dimittere nollet, ut eos ad Hæresin vel alia peccata induceret. Cum enim Princeps contra jus divinum vel naturale nil mandare valeat; nullatenus cives stringet manendi necessitas, sed quisque fugâ sibi prospicere poterit.

Quod de Principe dictum, pro statu *Monarchico*; id quoque obtinet in Regimine *Aristocratico* in *Optimatis*; & in *Democratico*, in majore parte populi. Optimates enim, & potior populi pars, aliis, emigrandi facultate interdicerere possunt. Quinimò, si cives, incolumes subsistere in civitate possint; pro lubitu, saltem turmatim, discedere nequeunt; id enim si liceret; societatem civilem, ex arbitrio suo dissolvere possent, quod primævæ institutioni & majorum voluntati re-

pugnat. De singulorum discessione aliud est; sicut aliud est de flumine aquam haurire; aliud rivum diducere, seu in alium alveum divertere; quod privatis prohibitum, per l. 1. §. 5. & l. 3. §. 2. ff. *De rivis*. Unde *Cicero* pro *Balbo*, laudat jus illud, ne quis in civitate maneat invitus. Quanquàm, ut supra monitum, hic quoque servanda sit regula æquitatis naturalis, quam Romani in privatis societatibus dirimendis secuti sunt, ut id non liceat, si societatis interfit; semper enim, ut rectè *Proculus* ait in l. *Actione*. §. *Labeo*. ff. *Pro socio*. non id quod unius ex sociis interest, servari solet; sed, quod societati expedit.

40. Pro coronide hujus Capitis, *queri* meretur; ex quibus causis, proficiatur subversio & interitus Civitatum vel Regnorum? Hanc quæstionem ideo institui-mus, ut falsas, imò in fide erroneas opinioniones, notemus & refutemus. Quidam enim cum *Platone*, rerum & regnorum vicissitudines, ortum & interitum, *criticis* quibusdam annorum numeris, seu *Epochis* adscribunt. Quæ opinio ex hoc falsitatis arguitur: quòd *quantitas*, cujus species est *numerus*; nullam vim agendi habeat, ac proinde certus annorum numerus, non possit esse causa ortus vel interitus rerum. Quò facit: quòd errâsse convincantur, qui pro termino *fatali* certam annorum evolutionem assignârunt.

41. Alii Regnorum mutationes, astro-rum influxibus attribuunt, & non minus ac *Platonici* hallucinantur. Cum enim Respublicæ, hominum voluntatibus, consiliis, viribus, bellis, mutantur; astraverò nihil *directè* & *immediatè* possint operari in humanam voluntatem, evidens est, quòd syderum influxus, nequeat esse causa corruptiva vel alterativa Regnorum; quod & inde evincitur: quòd juxta *Mathematicorum* observationes, motus cœ-

lorum

lorum & astrorum sit constans, certus & regularis; mutationes autem Regnorum, sint incertæ; siquidem aliæ Respublicæ, etiam sæculorum ætatem habent, aliæ vix dimidio sæculo floruerunt. Unde *Eclipsium* & *Cometarum* observationes, ad augurandum Reipublicæ ortum vel occasum, plerumque vanæ sunt. Eclipsibus enim quotannis observatis, & notatis Cometis varijs, scimus, plures Respublicas in eodem statu & ordine perdurasse.

42. Porro: cum fides orthodoxa, quin & sana doceat ratio; quod mundus Divinâ providentiâ sapientissimè & ornatissimè gubernetur; impia, & *Epicuri* Atheismus redolens opinio est: quod Regnorum mutationes, *fortunâ*, *casu* vel *fato inevitabili* contingant. Quod, ut perspicue magis dignoscatur.

43. Sciendum est *Fortunam* aliter à Philosophis, & aliter à vulgo accipi. Philosophis *Fortuna* est: *causa efficiens electione in his, quæ raro contingunt*. Ita, ut *Fortuna* dicatur causa, cujus effectui *per se intento*, alius, præter intentionem, *accidentaliter* conjungitur. Vulgus autem *Fortunam* censet effectum ipsum, qui per accidens sequitur. Sic: si fodiens terram agriculturæ gratiâ, inveniat thesaurum; inventio thesauri, vulgo sapit *Fortunam*.

44. Casum Philosophi discernunt à *Fortuna*; quod *Casum* dicant: *causam efficientem per accidens, operantem ex naturali inclinatione, in his quæ raro contingunt*. Unde [ajunt] *Fortuna* non habet locum nisi in agentibus *ex intentione* & electione, ac se in finem moventibus; cum e contra agens *casuale* non agat movendo se in finem præcognitum, sed potius impulsu sibi à natura indito, propellatur. ut descensus lapidis deorsum, ex quo occiditur homo. Ubi

45. NOTA: quod SS. Patres *Fortunam* reprobantes, egerint contra Gentilium

fatuitatem, qui per *Fortunam* intelligebant, Numen quoddam, absque consilio & providentiâ operans. Cujusmodi Numen sine rationis lumine, figmentum est plusquam Chymericum.

De *Fato* agit *D. P. Augustinus lib. 5. De Civit. Dei. cap. 9. & lib. 2. contra Faustum. cap. 5.* ubi *Fatum* à *fando*, seu loquendo, deduci ait, ita: ut ea *fato* fieri dicantur, quæ ab aliquo præloquente fuerint prædicta.

46. Circa *Fati* expositionem, mirum quantum delirarunt Gentiles Philosophi, prout locis citatis exponit *Magnus Pater Augustinus*. Nam *Possidonius* Stoicus, ut refert *Pontanus lib. 1. De Fortuna. cap. 19.* tria principia rerum omnium ponebat, scilicet: *Deum*, *Naturam* & *Fatum*. Ubi *Fatum* arbitrabatur esse causam necessariam & inevitabilem eventuum & revolutionum rerum. Alii *Fatum* dicebant esse quidem ordinem serièmq; rerum; ita tamen, ut ordinem istum collocarent in *orbibus celestibus*, fingentes certas cœli & astrorum imagines ac figuras, sub quibus unusquisque natus esset, iisque figuris, tantam vim & potestatem attribuebant; ut ab iis omnia sublunaria necessario nexu dependere somniaverint. Hoc delirium *Priscilianistæ* hæretici adoptarunt, ut refert *Cassio lib. 7. adversus hereses. Verb. Fatum.* qui consequenter humani corporis membra, in duodecim partes distributa, totidem *Zodiaci* signis subjecerunt, ita ut quælibet *Zodiaci* portio, alicui membro humano prædominaretur, & quidem tantâ vi & necessitate, ut nil in corpore humano dixerint fieri posse, quod in hujusmodi syderibus & figuris non fuerit præordinatum.

Hac ratione, cum alii intelligerent humanam eliminari libertatem; in gravio rem errorem prolapsi sunt, scilicet: ut pro salvanda libertate, nedum *Fatum*, sed

& *Divinam providentiam* negaverint, De horum classe fuit *Cicero*, qui, ut ait *Divus Pater Augustinus*; *homines fecit Scelerigos, ut faceret liberos*. Vide hac de re pulcherrimè ratiocinantem S. Patrem lib. 5. *De Civit. Dei. cap. 9. per tot.*

47. Orthodoxi, tum Philosophi, tum Theologi, per *Fatum* intelligunt connexionem causarum secundarum, ad effectus producendos taliter à Deo dispositam, ut nil omnino evenire possit, quod lateat præordinationem. Ex quo

48. RESULTAT: quodd *Fatum* in sano sensu, bifariam capi possit; scilicet: *causaliter* & *formaliter*. Primo modo, est ipsamet providentia divina Deo intrinseca. 2do modo, est dispositio causarum secundarum à Providentia Divina proveniens: adeoque *Fatum* est *formaliter* in causis creatis, *causaliter* verò in Deo.

49. De Fato *formaliter* sumpto, intelligenda est vulgata *Boëtii* definitio: *Fatum est inherens rebus mobilibus dispositio, per quam providentia, suis quæque necesse ordinibus*. Ubi *Observe*: quod per sâ, *dispositio*. non intelligatur quædam qualitas rebus impressa; siquidem docente *Doctore Angelico* 1. p. q. 116. art. 2. ad 3. *Fatum* dicitur dispositio; non, quia est in genere qualitatis; sed, secundum quod dispositio designat ordinem, qui non est substantia, sed relatio.

Clarius describitur *Fatum*, quodd sit: *præordinatio causarum secundarum ad certos & determinatos effectus, ab æterna Dei providentia facta*. Ex quo

50. Facile percipitur: quodd *Fatum* *causaliter* spectatum, sit unicum; cum eatenus sit ipsamet incommutabilis divina providentia, seu, Deus ipse; *formaliter* verò consideratum sit multiplex, juxta multipliciter causarum secundarum à Deo præordinatarum; quo sensu, obtinet illud *Poëtæ*: *Te tua fata trabunt*.

51. Deo non posse attribui causalitatem *fortuna*, vel *casus*, quivis sensatus primo intuitu dijudicabit; cum omnes effectus ab omniscio Deo, ab æterno prævisi, atque in certum finem præordinati sint. Aliud est de Angelis & Dæmonibus. *Illis* enim bonas cogitationes inspirantibus, fortuitus esse potest pravis ipsarum usus, qui contingit in homine. *His* quoque, scilicet Dæmonibus, fortuitus esse potest, bonus malarum tentationum usus.

52. Igitur, cum fides orthodoxa doceat, mundum hunc divinâ providentiâ sapientissimè gubernari; non nisi impie & stolidè dici potest: quod Regnorum mutationes fortuito, casualiter, vel fatali necessitate eveniant; quanquam verissimum sit: quodd rerum omnium ortus & interitus adscribi debeat *Fato*, in sensu sano, accepto, pro divina scilicet providentia, quæ attingit à fine usque ad finem fortiter, & disponit omnia suaviter, nec unquam in sua dispositione falli potest. Cæterum:

53. Civitas tam diu subsistit, quam diu *spiritus*, sive vitæ civilis consociatio, cum summo imperio, durat. Interit autem civitas & subsistere definit, si vel partes omnes pereant; veluti: si populus mari abripiatur, aut casmate pessumeat; vel: si salvis hominibus, corporis ratio tollatur; puta: si cives v. g. ob pestilentiam aut seditionem, à societate discedant.

54. Contingere etiam potest, ut remanentibus singulis, qui cives fuerant, jus tamen civitatis non subsistat amplius. Veluti: si singuli libertatem personalem amittant, & servi fiant: aut etiam personali libertate retentâ, imperio exuantur; ita, ut nec Senatus, nec plebis consilium, neque Magistratus ullus habeatur amplius, sed sine imperio, hominum duntaxat multitudo, cui Præfectus ab alio datur,

tur, qui jus reddat & cuncta gubernet. Tales sunt populi, in provinciæ formam, redacti: item hi, qui alterius populi imperio subiecti sunt.

§5. Quòd, si solum forma regiminis mutetur; puta: si ex *Monarchia* fiat *Ariftoctatia*, aut *Democratia*, vel *Respublica mixta*; ideo non desinet eadem esse civitas. Ut enim civitas sit *eadem*, sufficit: quòd maneat eadem forma *essentialis*, quæ consistit in ordine imperandi & parendi *in genere*, non attendendo, utrum imperandi facultas subiectetur in uno, vel pluribus, vel omnibus. Sic idem olim erat populus Romanus, sub Regibus, Consulibus, Imperatoribus. Imò, etiam si plenissimo jure regeretur populus; idem erit, qui ante fuit, dum sui juris erat; dummodò Rex ei præsit, ut caput istius populi, & non, ut caput alterius gentis. Nam imperium, quod in Rege est, *ut in capite*; in populo manet, *velut in toto*, cujus pars est caput. Atque ideo defuncto Rege, qui electus est, aut extinctâ Regis hæreditarii familiâ; jus imperandi, ad populum redit. Vide Myler *De Statu Imper.* p. 1. cap. 25. & Grot. *De J. B. & P. lib.* 2. cap. 3. §. 19. n. 3. & cap. 9. §. 1. Igitur mutatâ solum regiminis formâ, accidentia duntaxat variantur, salvâ manente substantiâ.

§6. Hic subintrat *questio*: num debita civitatis extinguantur, si ex regimine v. g. *Democratico*, fiat *Monarchicum*? Respondetur autem *negativè*. Ratio: quia manet idem populus, qui & dominium retinet eorum, quæ populi fuerunt, imò & imperium, quanquàm jam non exercendum à corpore, sed à capite. Et licet imperium sit translatum in aliud subiectum *existentiæ*, non tamen est translatum in alium populum; & ideo, si moriatur Rex, cui ex populi voluntate, regnum fuit delatum, sive per electionem, sive per suc-

cessionem quamcunque, imperium redit in eum statum, in quo fuit ante acquisitionem à defuncto factam.

§7. Devicto per arma populo, aut victor reliquit ipsi imperium & dominium, quanquàm dependens; & rursus populus, absque dubio, solvendis debitis obstrictus manet: aut victor populo ademit omne imperium & dominium, ac omnia sibi arrogavit, puta: ærarium, agros publicos, vectigalia &c. & tunc, si laudem justitiæ amet; & pecunia sit debita iis, qui non sunt hostes; æs alienum solvere tenebitur: sicut enim alia bona, quæ hostium non sunt, si apud hostes reperiantur, non acquiruntur victori, sed sunt restituenda proprietariis; ita & bona incorporalia, seu debita, præstanda sunt creditoribus.

§8. Quid, si una civitas alteri uniatur? manebitne, hoc factò, eadem? *Resp. Affirm.* Si retento imperio & dominio, unio solum contingat per modum ærtioris foederis. Quinimò civitas eadem manebit, licet imperium duarum civitatum confederatarum exerceatur per unum caput. Potest enim eadem persona, sub diverso respectu, considerata, esse caput plurium & distinctorum corporum seu populorum, qui perfectum cœterum singuli constituent: cujus rei certum indicium est, si extinctâ domo regnatrice, imperium ad quemque populum seorsim revertatur.

Cæterùm; si alio modo, unio fiat; puta: si una civitas alteri digniori & potentiori incorporetur, inque ejus accessione veniat, ac veluti appendix ejus fiat, planum est, illam tunc essentialiter mutari, cum non intelligatur propriis amplius vivere legibus, sed subesse imperio civitatis illius, cui accessit.

§9. Fieri potest, ut una civitas, aut consensu mutuo, aut vi bellicâ, distra-

hatur in plures. Hoc si fiat, retento in singulis cœtibus imperio; pro uno, plura existent summa imperia, cum suo jure in singulas partes. Si quid autem commune & indivisum manserit, id aut communiter administrandum; aut pro ratis portionibus dividendum erit. Huc spectat discretio, quæ ex consensu fit in Colonias. Nam sic quoque novus populus, sui juris nascitur, neque tales Colonie, partes parent suæ originis, secus quàm illæ, quæ vel ob militares usus, vel negotiationis & commerciorum gratiâ, alibi stabiuntur sub ea lege, ut mancant pars civitatis matricis, sive ipsius Regni, seu majoris patriæ; exemplo Coloniarum, quas Hispani, Angli, Belgæ, & Galli instituerunt in insulis Americanis. Si hic

60. PETAS: Utrum Imperium Romanum semper & usque modò, apud populum Romanum permanferit; seu: an populus Romanus adhuc hodie idem sit, qui fuerat olim? Affirmat Grotius lib. 2. De J. B. & P. cap. 9. §. 11. n. 1 Ubi sic discutit: Populum Romanum, eundem esse dico, qui olim fuit, quanquàm extraneorum accessione admixtum, & imperium penes eum mansisse tanquam penes corpus, in quo esset & viveret. Nam, quæ olim jure potuit facere populus Romanus, antequam Imperatores regnarent, idem faciendi jus habuit, ut quisque Imperator mortuus erat, alio nondum existente. Imò & Electio Imperatoris, ad populum pertinebat, & aliquoties à populo, per se aut per Senatum facta est: quæ autem à legiōibus, modò his modò illis, fiebant electiones, non erant ratæ ex jure legiōum (nam in vago nomine jus certum esse non poterat) sed ex approbatione populi. Neque cum his pugnat prosequitur Grotius ibid. n. 2. quod Antonini Constitutione (quæ refertur l. 17. ff. De statu hominum) quotquot in Orbe Romano sunt, Cives Romani effecti sunt. Consecuti enim sunt eâ Consti-

tutione subditi Romani Imperii, ea jura, quæ olim habebant Colonie & municipia & provincia togatæ, ut & honorum participes essent, & jure Quiritum uterentur, non, ut in aliis populis, itidem ut in populo urbis Romæ, sors Imperii esset, quod facere, in potestate Imperatorum non fuit, qui habendi Imperii modum ac causam mutare non potuerunt. Nec quid Imperatores postea Constantinopoli, quàm Romæ habitare maluerunt, de jure populi Romani quidquam imminuit: sed tunc quoque electionem factam à parte sui, quæ Constantinopoli habitabat (Unde & Byzantios, Quirites vocat Claudianus) ratam populus totus habuit: jursque sui monumentum non tenuit servavit in urbis sue prerogativa, & in honore Consulatus, aliisque rebus. Quare jus omne quod hi, qui Constantinopoli habitabant, ad eligendum Imperatorem Romanum habere poterant, pendebat à voluntate populi Romani: & cum illi contra mentem & morem populi Romani, famine Irenes subiissent Imperium, ut alias causas omittamus, meritis populus Romanus illam concessionem, sive expressam sive tacitam, revocavit, & per se Imperatorem legit, ac voce primi civis, id est Episcopi sui (quomodo & in Judaica Republica, Rege non existente, prima erat summi Pontificis persona) pronuntiavit. Fuit autem hæc electio personalis in Carolum Magnum & quosdam ejus successores, qui ipsi jus Imperii quod habebant in Francos, ut & in Longobardos, à jure Imperii in Romanos, ut ex nova causa quesito, sollicitè distinxerunt. Postea diviso Francorum populo, in Occidentalem, qui Galliam nunc obtinet, & Orientalem, qui Germaniam sive Alemanniam tenet, placuit populo Romano, quod certius præsidium haberet, Regem non proprium sibi sumere, sed cum, quem Germani fecissent: ita tamen, ut jus sibi aliquod retineret probandæ vel improbandæ elec-

electionis, quantum scilicet ea res ad se pertinebat. Hæc quoque approbatio per Episcopum [summum scilicet Pontificem seu Papam] edici & solemniter testata fieri, peculiari coronatione solebat. Quare ex electione septem Principum, qui Germaniæ corpus referunt, qui electus est, jus habet imperandi Germanis, secundum eorum mores: ex approbatione verò populi Romani, fit idem Rex aut Imperator Romanus, aut, ut Historici sæpe loquuntur, Rex regni Italiæ: atque eo titulo, sub se habet, quæcunque populi Romani fuerunt, neque passionibus, aut derelicti occupatione, aut victoriæ jure, in aliorum populorum Imperium concesserunt. Unde illud quoque intelligi facile potest, quo jure Episcopus Romanus, vacante Imperio, investituræ tribuat Feudorum Imperii Romani; quia scilicet in populo Romano, tali tempore libero, primas obtinet. Solent autem, quæ sunt corporis alicujus, per primam personam, corporis nomine, expediri, ut alibi quoque diximus. Neque verò malè Cynus & Raynerius tradiderunt; si Imperator Romanus, morbo aut captivitate impediretur fungi Imperio; posse ei Vicarium dari ab ipso populo Romano. Hæc Grotius, quem Groenovius & alii ejus Commentatores, ob eam Sententiam, nedum corrigendum volunt, sed & ludibris & diceriis subfannant, eò quod ita scribendo, non tam Papæ, quàm Regi Galliæ blanditus videatur.

61. Nos autem nequaquam putamus ideo Grotium deridendum, aut convitiis onerandum; verissimum enim ex Historiis apparet, quod penes populum Romanum, saltem usque ad tempora Caroli Magni, fuerit summa potestas eligendi Regem seu Imperatorem, etsi hæc potestas turbulentis bellorum aut seditionum temporibus, interdum à legionibus militum, interdum & à populi factiosa parte, usurpata fuerit. Non constat quidem, quod post semel

electum, & à Leone III. Papa coronatum Carolum Magnum, à populo Romano, deinceps electi fuerint Imperatores seu Reges Romanorum; siquidem Carolus Magnus Regna sua divisit inter liberos, quibus, jure sanguinis, alii succedere. Quinimo scimus, quoddam sub Ottonibus dignitas Imperialis Hereditaria fuerit, donec Ottonum stirpe extinctâ, Germaniæ Principes cœperunt sibi eligere Imperatorem, id quod continuatum fuit usque ad tempora Caroli IV. qui demum septem Germaniæ Principibus, jus eligendi Regem Romanorum, cum consensu Procerum Germaniæ, perpetuò adscripsit, prout videre est in Aurea Bulla. Conter hæc de re Vitriarium Illustratum, lib. 1. tit. 4. Instit. juris publ. Ex his tamen non licet formare peremptoriam sequelam, quoddam populus Romanus, in Carolo Magno, vel ejus posteris, omne jus suum amiserit. Etsi enim consentiente populo Romano, Imperium in stirpe Carolina factum fuerit hæreditarium & successivum; extinctâ tamen prosapia Carolinâ, populus Romanus primævum jus suum recuperasse intelligitur. Quidquid sit; si Romanum Imperium non sit amplius etiam habitualiter apud populum Romanum; certè, citius apud eum esse non desit, quàm postquàm Germaniæ Proceres, tacentibus & acquiescentibus Romanis, sibi arrogarunt, & jam ab anno 1356. quo Aurea Bulla condita, firmatum habent jus eligendi Regem Romanorum.

62. Ex dictis hoc & superiore capite, liquet, quoddam ortus Rerumpublicarum seu Regnorum, sit à gemino principio, Divino scilicet & Humano: siquidem Deus pro sapientia sua, omnis boni ordinis author, societate ordinatâ, sub certis jubendi parendique legibus, homines congregat, qui divinæ auræ particulam trahentes, ipsi quoque naturâ, ad hanc ordina-

tam inclinant Societatem. Quoniam igitur *omnis potestas à Deo est. Rom. 13. §. 1.* Et ipse transfert regna & constituit Reges. *Dan. 2. §. 21.* ac per ipsum *Reges regnant. Proverb. 8. §. 15.* mirum non est, quòd Reges & Principes, in sacris etiam Scripturis, vocitentur *Dei vasarii, Imagines divine majestatis, Deorum filii, imò Dii.*

63. Politici (qui videlicet pollent prudenti cognitione de Republica constituenda & intè conservanda) Rerumpublicarum incrementa ad has potissimum referunt causas, scilicet 1. *Ad vicinarum Rerumpublicarum ruinam.* Ex historiis enim tum prisicis, tum recentioribus, constat corruptionem unius, fuisse generationem alterius. Sic *Rome* prima dedit incrementa, vicinæ civitatis *Albe* interitus. Sic etiam ex ruinis Monarchiæ *Babylonice*, surrexit *Persica*: ex *Persicæ* ruinis, *Græca*; ex *Græcæ* ruderibus, *Romana*, quæ ipsa quoque debilitata, *Turcicæ* fatalem ortum progressumque præbuit. 2. *Ad concessionem libertatis.* Quo pacto *Romulus* promulgatâ libertatis concessione, Romanam in imensum auxit Rempubicam. Obtinendæ enim libertatis spe, plurimi ad eam cives confluxere. Quin & etiamnum videmus, eos, qui novas moluntur civitates vel Colonias, promissione immunitatum & privilegiorum, undique exteros allicere. 3. *Ad civium disparitatem;* quæ videlicet non solum in artium liberalium vel mechanicarum, aut commerciorum, sed etiam nationum & linguarum varietate consistat. His enim singulis disparitatum modis, crescunt Respublicæ. 4. *Ad studium armorum.* Siquidem armis, maximè auctas fore Respublicas, exemplo sunt, omnium sæculorum Monarchiæ, Regna & Principatus 5. *Ad Concordiam.* Exploratum enim est, quòd, uti per illam res parvæ crescunt, ita, discordiâ, magnæ dilabantur. 6. *Ad deductionem Coloniarum,* quarum

plures egregiæ & præpotentes, ortæ noscuntur in utraq; India, quas hodie tenent Belgæ, Hispani, Angli, Galli & Lusitani. Hac ratione prodiiit celebris Germaniæ Respublica *Colonia Agrippinensis*, quæ in originis suæ memoriam *Coloniæ* nomen retinuit: *Ubiis* olim ab *Agrippa*, Augusti Imperatoris genero, vel *Agrippina*, nepte *Agrippæ*, ad locum, quem hodie occupant, traductis, ut à *suevis* imposterum tutiores essent. Porro Rerumpublicarum incremento & conservationi maximè obfunt: disciplinæ relaxatio, avaritia, morum pravitas & luxus.

64. Reipublicæ cohæret & subest territorium, quod est: *spatium terre armatum jurisdictione.* Quidam territorium à terrendo vel territando derivatum volunt, eò quòd Magistratus, intra ejus limites, jus terrendi habeat. Ad territorium tria potissimum requiruntur. 1. *ut sit continuum*, alterius Principis vel Magistratûs dominio, non interruptum, quatenus fieri potest. 2. *ut sit excultum frequentibus ædificiis* pagorum, vicorum, castellorum vel etiam urbium. 3. *ut habeat limites* artificio, vel naturâ loci, *munitiones.* Ob territorii continuitatem, Galliæ Regnum felicius est aliis Regnis, interposita dominia aliorum, habentibus. Propter ædificiorum frequentiam & incolarum multitudinem, Germania nostra, omnibus aliis antecellit Europæ partibus. Ob limites verò naturâ loci munitiores, felicissima est Anglia, utpote mari circumdata. Qui jus territoriale habet, illi cedit, quidquid *alluvione* vel fortunâ accedit. Possunt quoque Principes superiorem non recognoscentes, in territoriis suis, si sint ampla & separata, contra vicinum se munire, exstrukctione castellorum vel fortalitorum. Tenentur autem Principes, ad tutandos subditos, malis hominibus territorium expurgare; adcò, ut, si viator, qui telonium, pedagi-

gium vel jus transitus solvit: *Der das geleit bezalt bat*, à Domino territorii, damni refarcitionem petere possit, si à grassatoribus viarum, spoliū vel rapinam passus sit. Confer *Mynfingerum. Gent. §. Obser. v. 17.*

65. Distinguitur territorium in *angustius* & *latius*. Illud est: *Comitatus, Dynastia, Baronatus*. Hoc: *Provincia, Ducatus, Regnum*. Circa territorii materiam, Observandum est imò. *Quodd Superioritas territorialis: Die Landes-fürstliche, oder Landes-hobe-Obrigkeit*. Aptè sic describatur: *jus & exercitium summi imperii, etque annexorum regalium, quod in omnes territorii istius septis, inclusos homines, tanquam subditos, regalis juris præsumptione, competit, donec exemptio, probetur privilegio vel immemorabili tempore, quæstia, ex notoria rei evidentiā, vel testibus aut documentis*. 2. Quod quidquid est in Regno vel Principatu, præsumatur esse, de *jurisdictione* Regis vel Principis illius, nisi contrarium probetur. 3. Quod *jurisdictio* competere possit, vel *jure solius Magistratus*, vel *jure domini realis*. Prima non fundatur in territorio, exemplo *Prætorum, Proconsulum & Præsidum provincialium*, quos *populus Romanus* olim creabat; hi enim non in *suo*, sed *populi* territorio, tanquam ministri, *jurisdictionem* exercebant. Altera verò, non nisi cum territorio exerceri potest, eò quod proprio titulo, & *jure dignitatis Regalis* exerceatur. 4. Quod in Imperio *Romano-Germanico*, *jurisdictio* territorialis non concedatur, nisi à solo Imperatore tanquam fonte omnis dignitatis & *jurisdictionis*, & quidem per modum *Feudalis beneficii & investitura*, sub nomine & qualitate: *Des Landes, oder-boben Ober und Herrlichkeit*. Vide hac de re *Theodorum Reinkingk. lib. 1. Claff. §. cap. 4. n. 50. & seqq.*

66. *Civitatem, Rempublicam, & Urbem, A Hochkirchen, Eshic. Christ. Pars II.*

sæpe pro Synonymis, autores capiunt. Propriè tamen *Civitas* differt à *Republica*, quia *civitas*, est quasi *materia*, in quam *Respublica*, tanquam *forma*, introducitur. Unde *Socrates* dixit: *Rempublicam*, id est: *gubernandi rationem*, puta: vel *Monarchicam* vel *Aristocraticam &c.* fore *civitatis animam*. Ab *urbe* differt *civitas*, quod urbis termini, sint muri; *Civitas* autem non in parietibus aut muris, sed in hominum multitudine posita sit. Unde *cives* esse possunt etiam, qui in urbe non habitant, exemplo plurimorum civium *Romanorum*, qui olim ruri habitabant. *Aristoteles* *Civitatem* descripsit, quod sit, *perfecta Societas secundum naturam, ex pluribus pagis constans, omnibus rebus ad vitam necessariis instructa, bene vivendi causā, instituta*.

67. *Pars civitatis*, est *Civis*, qui videlicet cum sua familia, certæ est adscriptus civitati, cujus fruitur privilegiis. *Civis* propriè dictus, est vel *Originarius* vel *Assumptus*. Ille, *nativitatis jure*, *civis* est, ex patre vel avo *cive* natus. Hic alibi natus, consensu & suffragio *Magistratus*, civitatis *jus* est adeptus. Sunt quoque *cives extranei & honorarii*. Illi *jus civitatis* habent, etsi in ea non habitent. Sic *Genevenses* sunt *cives Bernates*, & vicissim. *Honorarii* *cives* appellantur, quibus honoris causā, *jus civitatis* tributum est. Sic *Rex Galliarum, Helvetiorum & Venetorum* *civis* audit. *Civis Germanicè* vocatur: *Bürger*, à *Burgo*, quo nomine, venit locus, muro vel alio munimento firmatus.

68. Analogiam inter civitatem bene constitutam formatamque, & vivum corpus humanum, per partes eleganter sic exponit *Plutarchus* *Caput* [inquit] est *Magistratus*. *Oculi* sunt viri in Republica boni, quos sequimur *Aures* sunt *cives* subditi, qui imperata faciunt. *Lingua* sunt viri eloquio & eruditione præstantes. *Capilli*

pilli de capite penduli, sunt homines injuriam passi, qui Magistratûs opem implorant. *Manus & brachia*, sunt equites & nobiles, qui hostem reprimunt. *Pedes*, sunt agricolæ, qui omnia sustinent, & victum subministrando, alios sustentant. *Ossa dura*, quæ corpus fulciunt, sunt viri sapientes, quibus nititur Respublica. *Corda* sunt consiliarii. *Collum*, quo caput corpori adhæret, est mutuus amor Magistratûs & subditorum, ex quibus constat civitas.

69. *Civitate* prior est *Pagus*, qui definitur: prima Societas civilis, ex pluribus domibus constituta. Apud historicos tamen Romanos, latiore significatu, *pagus*. Accipitur, videlicet pro multorum vicorum collectione aliquot milliaria comprehendente. Sic temporibus *Julii Cæsaris*, tota *Helvetia* in pagos: *Tigurinum*, *Bernensem* &c. qui hodie *Cantones* vocantur, distributa fuit. Imò, cum *pagus* à verbo Græco *pagy*, quod fontem significat, derivetur; ideo *pagani* olim dicti, qui ex diversis agrorum partibus & prædiis, ad aquam, ex eodem & communi fonte hauriendam, conveniebant.

70. Primaria civitas, quam velut filix matrem respiciunt minores, appellatur *Metropolis*. Germ. *Haupt-Statt*. Gall. *La Capitale*. Ad hanc Politici requirunt 1. Ut in uno Regno, non sit nisi una, repræsentans summi Principis unitatem Majestatis. 2. Ut sit *populosa*, cum ad Majestatem conciliandam, tum ad Magistratum defendendum. 3. Ut sit *Sacrasium juris & Religionis*, ac proinde omnium facultatum peritissimis viris instructa sit, ad quos veluti *Oracula*, in rebus dubiis, confugi possit. 4. Ut sit *splendidis exornata ædificiis*, pro Majestate Principis vel Magistratûs. 5. Ut sit *probe munita* contra vim hostilem & internos quoque motus. 6. Ut sit *custos archivi*, hoc est documentorum publicorum. legum fundamentalium, Actorum

& Historiarum Reipublicæ, quæ Magistratui semper ad manum esse debent.

71. Finis, ut alias diximus, Civitatis aut Reipublicæ, est commodum, securitas & salus civium vel subditorum. Unde tritum illud: *Salus populi, suprema lex esse debet*. Pessimi proinde illi & execrandi, qui in imperio, non nisi imperium cogitant, & ad Rempublicam accedunt velut ad *messam auream*, non nisi propriis commodis inhiantes. Ubi pulcherrima *Ciceronis* observanda est sententia ex lib. 5. *De Republ.* Ut Gubernatori cursus secundus, Medico salus, Imperatori victoria, sic huic moderatori Reipublicæ, beata civium vita, proposita est, ut opibus firma, copiis locuples, gloria ampla, virtute honesta sit Respublica. Cæterum, nos Christiani salutem hanc, non de politica tantum, externa & terrena, sed & de celesti, interna & æterna accipimus & interpretamur.

72. Quod, si cum Divo Patriarcha nostro *Augustino*, mentem altius attollere, & universorum hominum cætum, seu Societatem mysticè considerare velimus; cum ipso fateri debebimus; non esse, nisi duo hominum genera: *unum eorum, qui secundum hominem* (id est carnem) *alterum eorum, qui secundum Deum vivunt*, quas etiam mysticè appellamus civitates duas, hoc est duas Societates hominum: quarum est una, quæ prædestinata est, in æternum regnare cum Deo; altera, supplicium subire cum Diabolo. lib. 15. de Civit. Dei cap. 1. n. 1. Utraque civitas in primo homine, per præscientiam Dei exorta est, docente eodem Patriarcha lib. 12. de Civit. cap. 27. n. 2. ibi: *In primo homine, qui primitus factus est, nondum quidem secundum evidentiam, jam tamen secundum Dei præscientiam exortas fuisse existimamus in genere humano, Societates tanquam civitates duas. Ex illo enim futuri erant homines, alii malis Angelis in supplicio, alii bonis in premio, sociantur*.

ciandi, quamvis occulto Dei judicio, sed tamen iusto. Cum enim scriptum sit: *Universæ viæ Domini misericordia & veritas: nec iniusta ejus gratia, nec crudelis potest esse justitia.* Itaque ex omnibus Gentibus, tanta varietate inter se distinctis, mysticè loquendo, non nisi duæ civitates conflurgunt, teste Magno Doctore & Parente nostro lib. 14. *De Civit. cap. 1.* Ubi sic discurre: ac per hoc factum est, ut cum tot tantæque gentes per terrarum orbem diversis ritibus moribusque viventes multiplici linguarum, armorum, vestium sint varietate di-


stinctæ, non tamen amplius quàm duo quædam genera humana societatis existerent, quas civitates duas, secundum Scripturas nostras, meritiò appellare possumus, una quippe est hominum secundum carnem, altera secundum spiritum scilicet viventium. Et infra cap. 28. princip. *Fecerunt itaque civitates duas, amores duo: terrenam scilicet amor sui, usque ad contemptum Dei; celestem verò amor Dei, usque ad contemptum sui.* Porro perplexæ sunt istæ duæ civitates in hoc seculo, invicemque permixtæ, donec ultimo judicio dirimantur. Supra l. 1. c. 35.

CAPUT IV.

DE

Dominio, & his, quæ hominibus communiter competunt.

SUMMARIUM.

- 1 uid sit Dominium generatim?
- 2 Dominium cadit tam in res incorporales, quàm corporales.
- 3 Diluitur objectio.
- 4 Quomodo Juris Civilis interpretes describant dominium?
- 5 Dominium aliud plenum, aliud minus plenum, idque vel directum vel utile tantum.


- 6 Aliud item est dominium naturale, aliud civile.
- 7 Rursus aliud altum, aliud bassum.
- 8 Qualiter Deus, mox à mundo condito, Generi humano contulerit jus in res sublunares?
- 9 Primævus status communionis bonorum, quâ ratione diutius perdurare potuisset? & quæ ratio inducæ proprietatis ac divisionis bonorum? ibid.

- 10 *Non sola animi cogitatione, sed pacto expresso vel tacito, res in proprietatem venerunt.*
- 11 *Deus concessit homini usum etiam rerum commoditati ac voluptati duntaxat servientium.*
- 12 *Abusus tamen ejusmodi rerum juri naturali adversatur.*
- 13 *Ex dictis inferitur imò Res ab initio quasi in medio positas fuisse. 2dò Falsum esse, quoddam Bœclerus ait, scilicet rerum communionem, ne minimum temporis durare potuisset. 3tò Improbabilem esse Zeigleri & aliorum opinionem: quoddam Deus Adamo ita contulerit dominium totius universi, ut absque ejus consensu, nemo filiorum ejus sibi quidquam appropriare potuerit. 4tò Primarum rerum divisionem juri naturali merè permissivo adscribendam fore.*
- 14 *Respondetur ad objectionem.*
- 15 *Vigente bonorum communione, facultas utendi rebus ad vitæ sustentationem simpliciter necessariis, erat juris naturalis præceptivi, facultas verò utendi rebus ad commodius & delectabilius vivendum comparatis, erat pro tunc juris naturalis merè permissivi.*
- 16 *Ansa disceptationis inter Grotium & Seldenum, super dominio maris.*
- 17 *Requisita ex parte rerum, ut possint fieri alicui propria, & cadere sub dominium.*
- 18 *Mare accipi potest pro vasto Oceano, vel pro sinu, aut lacu ordiore.*
- 19 *Archipelagus integraliter à nullo*
- Monarcha vel populo, hætenus fuit privativè occupatus.*
- 20 *Minora maria, puta: lacus, stagna, freta, jure naturali permissivo, & Gentium positivo; in dominium certi populi venire possunt.*
- 21 *Idem dicendum de vasti maris partibus, quæ littoribus viciniora sunt.*
- 22 *Est moraliter loquendo, Oceani totius vastitas, ab uno populo non sit occupabilis; magnæ tamen ejus portiones occupari, & jure dominii vindicari possunt.*
- 23 *Grotiana Argumenta plus non probant, quàm quoddam vastitas Oceani non cadat sub dominium unius Gentis, neque aliis possit inhiberi innoxius maris usus.*
- 24 *Oceanus quatenus dici possit res interminabilis.*
- 25 *Item; quo sensu, veteribus visus fuerit inoccupabilis?*
- 26 *Mare occupari potest ratione personarum, & ratione territorii.*
- 27 *Populus, qui navigationis tuendæ aut juvandæ causâ, sumptus facit, à navigantibus vœtigal exigere potest.*
- 28 *Potest Gens Genti per pacta se obstringere, ne ultra certam metam navigatum eat.*
- 29 *Proponitur questio; Num Gens una alteri populo libero inhibere queat, ne ad exteras nationes, commercii gratiâ, naviget?*
- 30 *Commercium quid?*
- 31 *Commercium cur introducta?*
- 32 *Quanam commercii libertas jure Gen-*

- Gentium cunctis competat nationibus.*
- 33 *Cessante necessitate vel utilitate mutua, Gens Genti mercatum transiitumve inhibere potest.*
- 34 *Gens una alteri Genti libera regulariter inhibere nequit, ne in exteras plagas pariter liberas, negotiationis causam transfreteret.*
- 35 *Batavi moderni, avitas & veras rationes suas per Grotium deducunt, armis propriis expugnare conati sunt, ac porro ad recentius jus Gentium, imò ad pacta pacis Westphalicæ, in rem suam, provocarunt.*
- 36 *Transitus vel mercium transvectio, non solum armata, sed & inermis, quandoque à territorii domini impediri potest.*
- 37 *Aliud dicendum, de innoxia mercium in plagas liberas transvectione.*
- 38 *Moyse ob denegatum innoxium transitum, justum bellum intulit Amoræis.*
- 39 *Innoxius transitus, quatenus armis vindicari possit?*
- 40 *Metus ex multitudine transeuntium conceptus, an & quando sufficiat ad negandum transitum?*
- 41 *An transitus censeri debeat innoxius, si transitum petens, non nisi lucrum ex mercatu intendat?*
- 42 *An & quæ de causâ, mercibus ratione transitus, vestigal imponi possit.*
- 43 *Mercatores alienigenæ, jura Emporii, Stapulæ, aut Geranei, certis civitatibus competentia observare tenentur.*
- 44 *Quid sit jus Emporii & Stapulæ?*
- & quis illud concedat in Imperio Romano-Germanico?*
- 45 *Stapulæ vocabulum, unde derivatum?*
- 46 *Quid possint, qui jure Stapulæ gaudent?*
- 47 *Quid sint merces vulgò Staffelbargüter; quid Mess-güter?*
- 48 *Quanam Civitates defacto jus Stapulæ habeant? & quid ea de re Constitutionibus Imperialibus dispositum*
- 49 *A Jure Stapulæ quid differat jus Geranii?*
- 50 *Geranium quid?*
- 51 *An, & quo pacto, extraneis pretereuntibus tantisper morandi licentia concedenda?*
- 52 *Num exteris receptum quarentibus indulgenda sit perpetua habitatio?*
- 53 *Solum sterile aut desertum exteris miseratione dignis facillè concedendum, non ab us proprio ausu occupandum.*
- 54 *In necessitate extranei ejici possunt ex urbe.*
- 55 *Num exteri, ad sua in ditione alterius Principis vendenda, liberam habeant facultatem?*
- 56 *An populus undique cinctus territorio alterius Principis, eo invito transire possit ad res suas tam alibi vendendas, tum alias emendas?*
- 57 *An alienigenis competat libertas Matrimonii contrahendi apud vicinas Gentes?*
- 58 *An Gente uni liceat cum alio populo pacisci, ut is certi generis fructus, qui alibi non nascuntur, sibi soli vendat?*

59 Extranei in alieno territorio existentes impediri non possunt ab actibus, sine quibus vita commodè conservari nequit.

60 An & quatenus, certus populus extraneus excludi possit ab exercitio actuum, quos Respublica, aut Princeps aliis passim exercere concessit?

1.  Ominium generatim acceptum, præscindendo ab effectu, quem intuitu aliorum parit, nihil aliud est, quàm naturalis facultas utendi rebus in proprium commodum, ex beneplacito proprio. Vide D. Thomam. 2. 2. q. 66. art. 1. Dominium enim est *jus dominandi*, seu de re ad libitum disponendi. Si relatè ad alios homines, capiatur domini vocabulum; bene definitur, quòd sit: *jus de re liberè disponendi, eamque vindicandi*.

2. DIXI: de re, puta, tam incorporali, quàm corporali. Datur enim verum dominium rerum etiam incorporalium. Si quidem in l. 3. ff. Si usufructus petatur. & l. Semper. 15. §. 8. ff. Quod vi aut clam. Supponitur dari dominium usufructus & servitutum, quæ sunt res incorporales, ob quas conceditur actio in rem & vindicatio. l. In rem. ff. De rei vindic. tot. tit. Si Servitus vindicetur. Adhæc: Dominium est jus de re perfectè disponendi; sed de rebus incorporalibus possumus perfectè disponere. Ergo. Si

3. OBJICIAS: Illarum rerum non datur verum dominium, quarum non datur vera possessio: sed rerum incorporalium non datur vera possessio: ergo neque dominium major probatur; quia dominium rerum, ex naturali possessione cœpit. l. 1. in princ. ff. De acquir. vel amitt. possess. Ergo. Resp. Neg. maj. probationem distinguo. Dominium rerum, ex naturali possessione cœpit, ab initio & inter primos homines C. ex possessio, ita, ut nullum

sit dominium sine possessione N. Alioquin enim legatorum & rerum hæreditarum, proprium dominium, solà agnitione non acquireretur, quinimò nec traditione fisa, quæ fit per clavium vel instrumenti exhibitionem, consignationem & custodis apportionem. Adde; quòd absque traditione, in Ecclesiam transeat dominium rerum legatarum vel oblatarum. L. ut inter 23. §. fin. Cod. de SS. Ecclesiis.

4. Juris civilis interpretes, qui dominium humanis legibus attemperant; illud rigorosè sic describunt: quòd scilicet sit *jus, de re aliqua, plenè & liberè, proprio nomine, disponendi, nisi id jure vel conventionne prohibeatur*. Ubi notandæ sunt particularæ. 1. *Plenè & liberè* Ad differentiam solius possessionis, vel usufructus. Dominus enim non tantum possidere, uti & frui, sed & rem destruere potest. 2. *Proprio nomine*. Nemo siquidem, nomine alieno disponens, dominus est rei. 3. *Nisi jure vel conventionne prohibeatur*. Quia multi, etsi sint domini rerum suarum; nihilominus lege vetante, de iis disponere nequeunt. Ut prodigi juridicè tales, id est: pro talibus, à iudice declarati. Maritus, intuitu fundi dotalis: item pupillus & minor natus. Similiter, cum pacta dent legem contractibus, potest quis per conventionem, sibi restringere facultatem de rebus suis disponendi in certis nempe casibus.

5. Dividitur 1mò dominium in plenum & minus plenum Plenum est jus disponendi tam quò ad proprietatem, quàm quò ad usum-fructum. Minus plenum est: jus disponendi vel tantum de proprietate vel

de

de solo usufructu: adeoque vel *directum* vel *utile* est. *Directum* vocatur, quod competit illi, qui tantum habet nudam rei proprietatem. Germ. *Grund-eygenthumb-gerechtigkeith*. *Utile* dicitur, quod illi competit, qui habet usum & omnem utilitatem ex rei proprietate proveniente. Germ. *das nutzbahre eygenthumb*. Confer *F. Sylvium in 2. d. Thomæ. q. 66. art. 1. §. Queritur 1.*

6. 2^{do} Dividitur dominium in *naturale* & *civile*. *Primum* est: quod quis habet beneficio juris naturalis: cuiusmodi habet mulier in dote, stante Matrimonio. *Secundum* est: quod quis obtinet ex legum civilium dispositione. Sic maritus, stante thoro, habetur pro domino bonorum dotalem, saltem quò ad fructuum perceptionem.

7. 3^{io} Dividitur in *summum* seu *altum*, & in *privatum* seu *bassum*. *Primum* est illud, vi cuius potest Princeps bona civium, in necessitate, convertere in usum publicum. *Secundum* est: quo quisque civis utitur rebus & actionibus suis.

8. Quòd Deus, humano generi generaliter contulerit jus in res huius inferioris naturæ, statim à mundo condito; atque iterum, mundo post diluvium reparato; constat ex sacra Scriptura: *Genes. 1. §. 29. & 30. ac Cap. 9. §. 2.* Quod intellige de facultate appropriandi res ad necessitatem commoditatemve hominum conditas; non enim mox ab orbe condito, dominia, seu rerum proprietates investæ fuerunt; sed omnia communia & indivisa omnibus, cunctis velut unum patrimonium erant, data singulis facultate, suis usibus attribuendi, quod vellet; dummodò id ab alio præoccupatum non esset. Nam quod quisque jam arripuerat, id eripere ei alter, nisi per injuriam, non poterat. *Grotius. lib. 2. de J. B. & P. cap. 2. §. 2.* hoc explicat, similitudine eà, quæ est apud *Ciceronem lib.*

3. *De finib. cap. 20. Theatrum*, cum commune sit; rectè tamen dici potest, ejus esse eum locum, quem quisque occupavit.

Igitur, quia dominium præsupponit factum humanum & plures homines; ideo intelligere oportet, quòd Deus homini solùm concesserit jus seu facultatem res vacuas occupandi, & post multiplicatum genus humanum, dividendi. Priusquam enim plures existerent homines, nil in rigore loquendo, *proprium* vel *commune* fuit; quia *communio* involvit socium possessionis & domini; *proprietas* verò importat exclusionem alterius, à jure ad rem istam, quam quis privatim tenet. Cæterum, multiplicato humano genere, *primum* res quæ immediatè sui usum hominibus præbent, puta: quæ nutriendo, tegendove corpori inserviunt, in proprietatem venerunt; & quod quisque præoccupaverat, & sic privato usui suo destinaverat, ei proprium efficiebatur. *Deinde* res *immobiles artefactæ* immediatè sui usum præbentes, uti: *domus*; ac *tandem* res, per naturam, citra industriam humanam productæ, uti: *agri*, ex usu & necessitate uniuscujusque, occupatæ fuerunt, ut imposterum occupari potuerint, quibus id visum erat.

9. Primævus status communionis bonorum, utique diutius perdurare potuisset, si aut in primitiva simplicitate persistissent homines, aut vixissent inter se, in mutua quadam eximia charitate. Horum alterum, *communione* scilicet, ex magna simplicitate, viguisse diu, in quibusdam *Americæ* populis, qui per multa sæcula, in eo more persistenterunt, ex historiis proditum est: alterum verò, *communione* nimirum ex charitate, exhibuerunt olim teste *Grotio loc. cit. Esseni*, & ab his orti *Pythagoristæ*: deinde *Christiani*, qui *Hierosolymis* primi extiterunt, & nunc quoque innumeri utriusque sexus, vitam religiosam proficientes. Simplicitatis, in qua primi homines

nes sunt conditi, argumentum præbuit *nuditas*. Verùm, in hac simplici & innocente vita, non perstiterunt homines, sed animum applicuerunt ad artes varias, quarum symbolum erat *arbor scientiæ boni & mali*, sive, ut loquitur *Flavius Josephus. Antiquit. Judaicarum. lib. 1. cap. 1. Solertia & intelligentia*. Ac proinde earum rerum, quibus tum bene tum malè, homo uti potest. Quò respiciens *Salomon, Deus* (inquit *Eccles. 7. §. 30. creavit hominem rectum*) id est, *simplicem: sed ipsi quæfiunt sibi cogitationes multas*. Antiquissimas artes, fuisse in primis fratribus, Agriculturam & pasturam, discimus ex libro *Genes. 1. ubi & aliqua colligitur distributio fuisse facta; alter enim agrum frumento, alter pascuum sibi vindicarat: interque primos fratres, ex studiorum diversitate, ne dum æmulatio, sed & cædes nata est: ac tandem, cum boni malorum contubernio contaminarentur, vitæ genus *Giganteum*, id est *Violentum* prodiit. Porro mundo per Diluvium purgato, pro ferina illa vita, successit cupido voluptatis, cui vinum illecebram magnam præbuit. Præcipuè vero concordiam rupit ambitio, cujus signum turris Babylonica *Genes. 10. §. 11. Non perit tamen ubivis mox à diluvio pecorum pascuorumque communio; quia tanta erat, in exiguo hominum numero, latitudo terrarum; ut sine ullo incommodo, multorum usui sufficeret, & ut Virgilius. Georgic. 1. vers. 126. canit:**

Ne signare quidem aut partiri limine campum, fas erat....

Donec aucto, ut hominum, ita pecudum numero, non in *gentes*, ut antea, sed in *familias*, terræ dividi cœperunt. Hoc ex S. Scriptura *Genes. 21. discimus, simulque intelligimus, quæ fuerit causa, ob quam à primæva communione rerum, primò mobilium deinde & immobilium discessum fuerit: nimirum, quia non con-*

tenti homines vesci spontè natis, antra inhabitare, corpore aut nudo, aut corticibus arborum, ferarumve pellibus vestito, incedere, sed exquisitus molliisque vitæ genus elegerant, ob quod industriâ opus fuit, quam singuli rebus singulis, pro suo beneplacito adhiberent. Quò minùs autem fructus in commune conferrentur, primùm obstitit locorum, in quæ homines discesserant, distantia, deinde justitiæ atque charitatis defectus, per quem fiebat, ut nec in labore, nec in consumptione fructuum, æqualitas debita servaretur. Confer *F. Sylvium in 2. 2. D. Thomæ q. 66. art. 2. ubi ex Doctore Angelico probat: in statu naturæ lapsæ, non solum licitam, sed & necessariam fuisse rerum divisionem.*

10. Equidem, non solo animi affectu, res in proprietatem venerunt: neque enim scire alii poterant, quid alii suum esse vellet, ut eo abstinere; & idem velle, plures poterant: sed *pacto* quodam aut *expresso*, ut per divisionem; aut *tacito*, ut per occupationem. Simulatque enim communio displicuit, nec instituta erat divisio, censi debuit inter omnes convenisse; ut, quod quisque occupasset, id sibi proprium haberet. Unde *Quintilianus apud Grotium: Si hæc conditio est, ut quidquid in usum hominis cessit, proprium sit habentis; proscædò, quidquid jure possidetur, injuria auferetur.*

11. Hic QUÆRI potest: an usus creaturarum, non necessarius ad vitæ conservationem, sed duntaxat ad commodum atque voluptatem conducentis, sit homini ab auctore naturæ concessus? v. g. an usus animalium volatilium & terrestrium? Ratio dubitandi est: quòd ex S. Scriptura *Genes. 1. §. 29. & 30. colligi videatur, Deum non dedisse facultatem vescendi carnibus, nisi post diluvium. Resp. tamen: quòd creaturarum, etiam anima-*

lium usus ad vitæ sustentationem haud necessarius, intra metam sobriæ rationis, fuerit homini à Deo absolutè concessus. *Ratio* est; quòd gratiosissimus naturæ author, eam humano generi largitus sit felicitatem, quæ non sit coarctata mediis ad sustentandam vitam simpliciter duntaxat necessariis; sed, quæ etiam prorogetur ad usum rerum vitæ jucunditati ac honestæ voluptati subservientium. Hoc certè colligi videtur ex textu *Genes. 1. Dominamini volatilibus cæli & piscibus maris*. Sanè, si animalibus terrestribus & volatilibus vesci, non fuisset à Deo concessum, increfcent corundem multitudo, orbi potius noxia, quàm utilis foret; cum volatilia & aquatica pleraque, & multa ex terrestribus, nihil prosint, nisi occidantur & manducentur. Unde, etsi primi fortè hominum, ob rationes privatas, esu carniū abstinerint, & simpliciore cibo contenti fuerint; inde tamen evinci non potest, quòd jure naturæ, aut divino positivo, etiam ante diluvium, carniū esus fuerit vetitus. Ac per hoc diluitur dubitandi ratio supra posita.

12. *Dixi: Intra metam sobriæ rationis*. Nam abusus quòd ad modum, intuitu inordinati affectûs, sicut sanæ rationi, ita juri repugnat naturali. Quanquam enim abusus non vergat in injuriam animalium, utpote juris & injuriæ incapacium, cedit tamen in injuriam creatoris, qui animalia non condidit ad pravam, sed rationabilem hominis usum. Ex hæcenus dictis

13. *RESULTAT* imò. Res omnes sublunares, ab autore naturæ, mox ab initio, veluti in medio hominibus expositas fuisse, ita, ut non magis huic, quàm isti, propriæ fuerint, datâ tamen singulis facultate, illas ad illam normam occupandi, prout conditio generis humani, ratio pacis atque felicitatis, pro tunc videbatur exigere. *add.* Falsum esse, quòd talis com-
A Hockkirchen, *Ethic. Christi. Pars. II.*

munio, nequidè minimum temporis, durare potuerit, quasi naturæ rationali contraria, serina & insociabilis, ut blaterat *Bacclerus*, in hoc passu, rectè refutatus à *Puffendorffo. lib. 4. de J. N. cap. 4. §. 14. 35id.* Improbabile quoque esse, quod *Zieglerus*, *Stranctius* & alii effrenes, moderati *Grotii*, Commentatores jactitant; negatâ primævâ bonorum communione, asserentes: hujus universi proprietatem sic à Creatore donatam fuisse *Adamo*; ut vi hujus donationis, fuerit verè dominus totius orbis, & proinde nemo filiorum, citra ejus consensum, donationem vel cessionem, quidquam jure potuerit occupare. *4to.* Primævam rerum partitionem, perinde ac primitivam earundem communionem, juri naturali merè permissivo adscribendam fore, eò quòd nec rerum divisio, nec earundem communio, sit medium determinatè necessarium ad generis humani subsistentiam aut felicitatem. Etsi enim post naturæ lapsum, creverit hominum habendi cupiditas, & proximi amor defecerit; atque exinde rerum divisio, ad fovendam pacem inter homines, videatur moraliter fuisse necessaria; equidem, jure gentium determinari potuisset aliud remedium sopiendis litibus & jurgis opportunum. Huc facit, quod scripsit *D. Thomas 2. 2. q. 66. art. 2. ad 1. ibi: Unde proprietates possessionum, non est contra jus naturale, sed juri naturali superadditur, per adiunctionem rationis humane, nempe ex conditio humano, quod pertinet ad jus positivum, id est: Gentium. Cui consonat Divus Ambrosius lib. 1. De offic. cap. 28. ibi: Natura, omnia omnibus in commune profudit: sic Deus generari omnia jussit, ut pastus omnibus communis esset, & terra foret omnium quædam communis possessio: natura igitur jus commune generavit, usurpatio jus fecit privatum. Unde Theologi cum Divo Thoma*

K

com-

communiter docent: divisionem rerum factam fuisse non *jure naturali*, neque *jure divino positivo*, sed *jure gentium*. Confer *Sylvium loc. cit.*

14. DICES: Si proprietas rerum non esset *juris naturalis*, furtum non esset lege naturali prohibitum. RESP. Non ideo furtum lege naturali prohibitum esse, quia natura fecerit rem uni propriam, sed, quia jubet, rem *nullius* seu communem, ab uno, per occupationem, animo retinendi apprehensam, non debere illi auferri. Igitur *jus naturæ* dicitur quidem non esse rem domino auferendam; aut dominum non facit: planè, sicut idem *jus* præscribit, domino esse parendum; licet unum hominem non constituat dominum alterius, sed omnes pares fecerit. Si

15. PETAS: Cujus *juris*, stante rerum communione, fuerit facultas utendi rebus? RESP. Facultas utendi rebus ad vitæ sustentationem simpliciter necessariis; erat *juris naturalis præceptivæ*, facultas verò utendi rebus ad commodius & delectabilius vivendum conducentibus, erat *juris naturalis merè permissivæ*. Ratio prioris desumitur ex amore, quem sibi quisque naturaliter debet: præcipit enim amor iste, ut quis præprimis, utatur mediis ad sui conservationem absolute necessariis. Unde & in casu extremæ necessitatis, licet quis absumat res obvias, nil obstante alterius dominio, *jure gentium*, quæsito, cui *juri* præponderat *jus naturale*. Ratio posterioris est; quòd ejusmodi rerum usus, nec sit à natura præceptus, nec vetitus ab auctore naturæ, utpote, qui in hominis gratiam, usumque rationabilem, creaturas cæteras produxit & destinavit, id quod Cicero observans lib. 1. de legib. ait: *Ad hominum commoditates & usus, tantam rerum ubertatem natura largita est, ut ea omnes gignantur, donata consilio nobis, non servitute nata videantur.*

16. Hic lubet pertractare *quæstionem celebrem*, an mare cadere possit sub dominium unius Principis, vel nationis? Accerrimè hac super re disputatum fuit superiore sæculo, inter *Hugonem Grotium* & *Seldenum*, quorum primus in favorem *confederati Belgii Statuum* [qui contra *Hispanos*, pro tunc, contendebant, mare, *jure naturæ & gentium*, fore domini incapax, adeoque sibi intercludi non posse navigationem ad *Indos*] insignem scripsit tractatum de *mari libero*, licet sententiam suam primùm indefinitè positam, postea rursus, in gratiam *Batavorum*, alias nationes, à commerciis intra- & ultra-marinis, quò ad certas insulas seu colonias, excludere volentium, valde limitaverit. Alter, natione *Anglus*, & vir subtilis ingenii, in favorem suæ nationis, æmulandi studio, Operi Grotiano opposuit librum de *mari clauso*, & uterque suos habuit Apologetas & Epitomatores. *Baclerus* in dissertatione, cui Epigraphæ: *Minos, maris dominus*. & *Grotio* & *Seldeno* aliquid concessit, ac mediam atque veram elegit viam, quam & nos velut tutiorem ac usum probatam, sectabimur.

17. Ad discernendum, quænam res ex sui indole subire possint proprietatis angustiam, hic prænotasse juvabit; quòd ad istum finem requiratur 1^{mo}. Ut hujusmodi res, mediato vel immediato usui humano, per se, aut per coherentiam cum alia re, subservire queat. Prout lumen v. g. solis subservit ædificio. Ad quid enim res prorsus inutilis acquireretur, ut propria? 2^{do}. Ut res sui naturæ, non sit inexhaustæ, vel inexhaustibilis utilitatis, & de se, citra periculum dissidii rationabilis, cunctis insufficientem usum præbere valeat: ejusmodi est aer ad respirandum; calor solis; aqua fluminis &c. Nam sibi appropriare hujusmodi rem, & alios, ab ejus communione, velle arcere; repugnat

natæ

naret innati amoris principio: quod tibi non vis fieri, alicui ne feceris. 31^o. Ut res saltem mediâte apprehendi, & custodiri possit. Cùm enim proprietatis effectus sit, posse alios ab illa repellere, utique res, ut dici possit uni propria; talis esse debet, ut apprehendi & custodiri queat.

18. Proprius ad propositæ quæstionis resolutionem descendendo, sciendum est: quod mare considerari possit pro *Vasto Oceano* totum terrarum orbem ambiente, & magnis continentibus: Europæ, Africæ, Asiæ & Americæ, terræ itidem Australi & incognitæ interjecto, & quod ad latitudinem, à litoribus remotissimo. Vel pro *Sinu, freto, lacu*, Regnorum litoribus concluso; cujusmodi est mare *Adriaticum*, quod *Venetii* sibi desponsatum volunt.

19. Jam, si mare, pro tota sua vastitate, pro Archipelago, seu Oceano totum terrarum orbem ambiente aut interfecante, capiamus; verissimum est, illud saltem hæcenus à nullo Monarcha, vel populo, fuisse ita occupatum, ut in illius dominium vel proprietatem transferit, & hoc sensu probamus sententiam Grotii. lib. 2. De J. B. & P. cap. 2. §. 3. n. 1. ubi ait: *Mare sumptum, aut sub ratione integri, aut sub ratione præcipuarum partium, in proprium jus abire non posse, quia causa ob quam à communione recessum est, hic cessat; cùm non sit verendum, ne quis tantum ex eo sumat, ut alii fraudentur, atque ita non servetur æqualitas. Est enim tanta maris magnitudo, ut ad quemvis usum omnibus sufficiat populis ad aquam hauriendam, ad piscatum, ad navigationem. Naturalis quoque ratio rectare videtur, ne in tota sua latitudine consideratum, proprium alicujus fiat. Siquidem occupatio non procedit, nisi in re terminata, quæ scilicet fines certos habeat: liquida verò, quia per se non terminantur, teste Stagyrîtâ: lib. 11. De*

generat. cap. 2. occupari nequeunt, nisi ut contenta in re alia, quomodo lacus & stagna occupata sunt, item flumina, quæ ripis tenentur: mare verò, utpote par terræ, aut terrâ majus; terrâ concludi nequit, prout veteres, Apollonius, Philostratus & Sulpitius Apollinaris & alii à Grotio citati arbitrati sunt. Quid inquit Sulpitius Apollinaris apud Gellium, lib. 12. cap. 13. potest dici citra Oceanum esse, cùm undique Oceanus circumscribat omnes terras & ambiat? cùm verò omnes terras omnifariam & undique versum circumfluat, nihil citra eum est, sed undique illius ambitu terris omnibus convallatis, in medio ejus sunt omnia, quæ intra ejus oras inclusa sunt. M. Acilius Consul in oratione ad milites, quam adducit Livius lib. 36. cap. 17. Oceano, [inquit] qui orbem terrarum amplexu finit. & Seneca in Suasoria 1^{ma}. Oceanum dixit, totius orbis vinculum, terrarumque custodiam. Nec fingenda (prosequitur Grotius) divisio: nam, cùm primum terræ divise sunt, incognitum erat mare sui maximâ parte, atque ex eo nullus fingi potest modus, quo gentes aded disset, de divisione convenirent. Unde, quæ communia omnium fuerunt, & in prima divisione distributa non sunt; ea non jam divisione, sed occupatione, transeunt in jus proprium, nec dividuntur, nisi postquam propria esse ceperunt, quod de effusissimi maris tractibus dici non potest?

20. Loquendo de lacubus, fretis, aut magnis aquarum stagnis (quo nomine venit mare internum vulgò dictum) non diffitemur: hujusmodi sinus, aut mariâ minora, jure naturali permissivo & gentium positivo in dominium, seu proprietatem certi Regis vel populi, venire posse, id quod & ipse Grotius loc. cit. cap. 3. §. 8. agnoscit esse verum, dicit enim ad exemplum fluminis, hujusmodi mariâ minora occupari posse ab eo, qui terras ad

rem prorsus interminabilem per terminos alienos & extrinsecos, quales sunt: insulæ, portus, promontoria, sydera & gradus hodie hydrographici, ex quibus modò Oceanus ita demensus est, ac continens seu terra ipsa.

25. COLLIGITUR 2da. Priscis Scriptoribus Oceanum visum fuisse *inoccupabilem*, non quod per partes, aut de se occupari nequeat; sed quia ob nimiam magnitudinem & inaccessibilitatem, ubi-vis ne investigari, minns transvadari potest; id quod per accidens se habet, sicut per accidens est, quòd tellus sub Zonis tum extremè frigidis, tum calidis, non sit habitata; ex quo non sequitur; isthæc terræ spatia, non fore de se occupabilia.

26. COLLIGITUR 3ia. Quòd etsi mare, hominum habitationi non sit adeò idoneum, ac tellus; non tamen in alios usus, minùs sit proprietatis capax ac occupabile; scilicet *ratione personarum & ratione territorii*, ut supra cum Grotio diximus. Sic intuitu territorii maritimi, Princeps aut populus liber, tantùm maris occupasse censetur, quantum ad necessitatem vel utilitatem suam, sibi adscripserit. Hujusmodi liquidum æquoris spatium, quædam nationes ad teli vel tormenti jactum, aliæ etiam ad plura milliaria, sibi proprium effecerunt. Ex quo deinde effectum, quòd multæ nationes, transactionibus publicis, piscatum & navigationem, in certis maris spatiis, sibi privativè arrogaverint; aut non nisi sub certis conditionibus, alteri genti concesserint. Quanquam certum esse, cum Grotio loc. cit. cap. 3. § 12. putemus; etiam, qui mare occupaverit, navigationem impedire non posse inermem & innoxiam, quando nec per terram talis transitus impediri potest, qui & minùs esse solet necessarius & magis noxijs.

27. COLLIGITUR 4da. Nec contra jus naturæ aut gentium agere, qui recepto in se onere tuendæ juvandæque navigationis, per *Ignes nocturnos*, seu *Pbaros*, & *brevium*, seu vadosorum & minùs profundorum locorum signa, vestigal æquum imposuerit navigantibus, quale fuit Romanum vestigal *Erythræum*, ob sumptus exercitus maritimi, adversus piraticas excursiones.

28. COLLIGITUR 5da. Possit gentem genti per pacta sese obligare, quod ultra certum Oceani terminum, navigationem non sit provectura. Præscindendo enim à dominio vel imperio, quod una natio posset prætendere; non potest uni genti esse prohibitum, restringere sibi facultatem, sibi alioquin, jure naturali permisso, cum omnibus communem. Quò faciunt exempla scæderum, quibus unus populus alteri se obstrinxit, ne ultra certum terminum navigaret, prout inter Reges accolæ rubri maris, & Ægyptios convenerat olim, teste *Philostrato* apud *Grotium* loc. cit. §. 15. n. 1. ne Ægyptii in id mare venirent ullâ navi longâ, nec onerariâ plusquàm unâ: & teste *Plutarcho* inter Athenienses & Persas, *Cimonis* ætate placuerat, nequæ navis *Medica* armata, intra *Cyaneas* & *Chelidonia* navigaret.

29. Hic, ob materiæ coherentiam, *Queri* potest: utrum *Gens* una, alteri, jure prohibere possit, ne ad exterarum nationes liberarum, per vastum mare, commercij gratiâ, navigatum eat? Ante resolutionem

30. NOTANDUM 1mo. *Commercii* nomine, venire *mutuam inter homines, mediante permutatione, aut emptione & venditione, communicationem rerum*, quibus *mutuò egent*.

31. NOT. 2da. Cùm non omnis ferat omnia tellus, cessante primavæ rerum communione, & factâ rerum divisione, introductisque dominiis; Gentes, ratio-

nis

nis ductu, instituisse commercia, per quæ mutuis sive necessitatibus, sive commodis succurrerent. Sanè; quia indiga nobis natura ab Opifice Deo tributa est; ideo indigentia nostræ vix aliter, quàm per commercia, seu communionem cum aliis, subveniri potest, ut ideo *Baldus* non immeritò commercia, *quintum Reipublicæ elementum* vocitaverit.

32. Not. 310. Jure Gentium quidem inductam fore commercii libertatem, aut non aliam, quàm illam, quæ sit mutua Gentium necessitati & utilitati, adeoque societati humanæ accommodata. Si enim negotiandi libertas evaderet uni genti noxia, periculosa, vel inutilis, merito illa restringi posset, sicut defecto propter suspicionem insidiarum, periculosos exterorum transitus, intestini mercimonii præjudicia, aliæque Reipublicæ incommoda, nostro ævo, scimus, Lusitanos, Hispanos, Batavos, Gallos & Anglos, sibi invicem, & aliis prohibuisse aditum in novi orbis regiones, in quibus sibi *privativè*, negotiandi facultatem armis etiam vindicarent.

33. Neque una gens alteri transitum vel aditum in peregrinas oras denegans, ideo statim in jus Gentium impegisse dicenda est; si enim cesset finis jure Gentium intentus, videlicet necessitas vel utilitas mutua, & propter promiscuum aliarum nationum mercimonium, uni Genti ingens inferretur incommodum, puta: quia ob mercium aliunde advectorum copiam, suas distrahere non posset; & ideo statûs publici diminutionem pati deberet; jure naturæ, & servatâ charitatis lege, posset conservationem & indemnitàtem statûs proprii, ac bonum proprium anteferre bono & commodo alieno. Igitur, licet ob incommodum unius alteriusve hominis privati, puta ob lucrum cessans, non sit limitanda vel impedienda com-

mercii libertas, aliis nationibus jure naturali *concessivo* & jure Gentium *positivo*, competens; restringi tamen poterit, si alioquin una gens tota, commune, idque intolerabile detrimentum pateretur. Viderentur enim tali casu, aliæ nationes machinari velle interitum unius Gentis vel Reipublicæ, quæ ad sui conservationem, extrema quæque, juri naturali aut divino non repugnantia, attentare potest. His præmissis

34. CONCLUDENDUM; quòd Gens una alteri regulariter prohibere nequeat, ne in externas plagas sibi nullo jure subjectionis, transfretet, inibique commercia colat. Ratio est; quia commercii libertas est juris Gentium, & Vastus Oceanus, nullius Dominio est obnoxius, adeoque ejusmodi negotiatio, sive ratione termini à quo, sive ratione termini ad quem, sive demum ratione *medii* aut transitûs maritimi, ab una Gente, alteri, *jure* nequit interdici. Neque sufficiens fundamentum prohibendi foret præjudicium commercii proprii, nisi exinde tanta sequeretur jactura, ut, prout dictum, una gens perire deberet. Igitur sola cessatio sperati lucri, ad augendas in immensum opes, non posset esse legitimus prætextus inhibendi aliis exteris navigationem commercii gratiâ suscepiam. Atque hoc sensu, verum scripsit *Grotius* in sua *Dissertatione. De mari libero*, ubi cap. 2. contra Hispanos & Lusitanos, vi armatâ, Hollandis navigationem in *Indias* prohibere nitentes ait: Lusitanos non esse earum partium dominos, puta: *Rave, Tabrobane, partem maxime Moluccorum*, ac proinde lusitanis fas non esse prohibendi illic Batavis commercium omnibus gentibus permisum, eò quòd finis commercii, jure Gentium, intentus, non sit utilitas *privata* unius Gentis, sed communis & publica.

35. Quanquam res ita se habeat, & nul-

nulla Gens, solius lucri gratiâ, aliam à memorato commercio excludere jure possit; equidem Batavi, suis armis, proprias rationes olim allegatas oppugnantes, sibi privativè commercium cum liberis Gentibus arrogare pertentârunt, prout notum est ex historia famose caulæ commercii *Ostendani*, ad quod abolendum, Directores Societatis *Hollandicæ* jactitârunt, ut videre est apud *Pastynium* in tract. *De mari libero, ex jure naturæ & gentium asserto.* cap. 3. pag. Mibi 21. & 26. *Que la raison & le droit des Gens d'aujourd'hui, disent: que la navigation & le commerce, qui du temps des anciens, étoient par tous communs, ouverts & libres, sont présentement regardés, comme limités, appropriés & partagés en telle sorte, que l'un doit s'abstenir d'aller dans le district de l'autre... & que le droit de Gens aujourd'hui porte notoirement à présent, qu'on doit s'abstenir de trafiquer dans les terres & places de commerce, qui dans le nouveau Monde appartiennent aux autres.* Verùm, cùm Batavi observarent, novissimas suas præteniones, prioribus suis per *Grotium* deductis oblectari rationibus, & suis sese armis cernebant convictos; ad subvertendum maritimum commercium Belgii *Austriaci*, ad pacta pacis *Westphalicæ*, aliâque conventiones provocârunt dicentes: que la question se réduit à savoir: s'il y a un traité, &c. quasi verò juri Gentium universali, per pactiones particulares, in favorem Hispanorum & consequenter Belgii Hispanici, seu fœderatarum nunc Provinciarum, ab *Austriacis* ultrò renuntiatum fuerit, id quod nec ex pacificatione *Monasteriensis*, nec aliunde hætenus probatum fuit. Confer *Pastynium* loc. cit. Cui junge *Grafwinckelium*, *Grotii* *Apologetam* tract. *De suprem. potest. Statum Hollandicæ.* part. 2. lib. 2. cap. 21. Si

36. SCISCITERIS: Utrum transvectio

mercium in liberis ditiones, à territoriis dominis, per quod, sive curru, sive navi, transeundum est: prohiberi vel impediri jure possit? Ante resolutionem *SUPPONO*: quòd transitus vel transvectio non solum armata, sed etiam inermis, à territoriis domino inhiberi & impediri possit, si sit periculosa, meritis suspecta, vel ob nimiam frequentiam & mercium transportatarum, copiam, statui publico valde sit præjudiciofa. Quia, quivis jurisdictionem territorialem habens, nedum à periculis violentæ oppressionis; sed & ab aliis incommodis, sibi & subditis suis præcavere potest. Hoc præsupposito

37. Dico innoxiam mercium transvectionem in plagas liberis, non posse prohiberi ab eo Principe vel populo, qui terræ, fluminis aut districtus maritimi dominium imperiûve acquisivit. *RATIO* est; quia æquitas naturalis ad hujusmodi officium innoxie utilitatis, omnem hominem obligat. Atque hac in parte valde rationabilis est sententia *Grotii* lib. 2. *De J. B. & P.* cap. 2. n. 1. ubi sic ratiocinatur: *Terræ & flumina, & si qua pars maris in proprietatem populi alicujus venit, patere debet his, qui transitu opus habent ad causas justas; puta: quia suis finibus expulsi, querunt terras vacuas; aut, quia commercium expetunt cum gente seposita; aut etiam; quia quod suum est, justo bello pisunt.* Rationem dat: quia dominium introduci potuit (ego dico: debuit) cum receptione (id est: exceptione) talis usus, qui prodest his, illis non nocet: ideoque dominii authores, id potiùs censendi sunt voluisse; ita ut retineretur in commune, hujusmodi transeundi facultas nemini damnosa, nec illam domino adimere liceret usurpare volentibus.

38. Exemplum habemus insigne (prosequitur *Grotius* loc. cit. n. 2.) in *Moyssis* historia. *Numerorum* 20. & 21. qui cum trans-

transcundum haberet per alienos fines, primum *Iamæo*, deinde *Emoreo* has tulit leges [id est conditiones proposuit] iturum se viâ regiâ, nec deflexurum ad possessiones privatas: siqua re ipsum haberet opus, iustum eis pretium persolaturum. Quæ conditiones cum repudiarentur; iustum eo nomine bellum intulit *Emoreo*. *Innoxius enim transitus denegabatur, qui jure humana societatis æquissimo, patere debebat. Et ideo iusta bella gerebantur à filiis Israel contra Amoræos* inquit *D. P. Augustinus lib. quæst. 44. supra Num. ad cap. 20. Ex quo*

39. INFERTUR: innoxium transitum, quem necessitas postulaverit, etiam vi posse vindicari, si ex innani dissidentia aut animi malignitate denegetur. Monet tamen *Grotius*, citius transitum vindicari non posse, nec armis viam esse querendam; quam si à territorii domino, irrationabiliter denegatus fuerit. De *Agessila* refert *Plutarchus* apud *Grotium*, quod ille ex *Asia* rediens, cum à Rege *Macedonum* transitum postulasset, atque is desuper consultatum se dixisset, reposuerit: *consultet, nos interea transibimus*. Cæterum, quidquid sit, & quidquid potentiorum exemplis tacitatum legatur; sicut omnes credunt, licere sibi transitum ferro & vi aperire; ita nemo dubitat, quin liceat sibi armatorum transitum opposita vi impedire; aded, ut hac in parte, videatur dari posse bellum utrimque *formaliter* [ut dici amat] iustum; & hæc hodie, non tam juris controversia, quam transactionis materia esse videatur. Quod facit, quod multitudo transcuntium, sit iusta metûs causa, in primis armatorum: tutum enim non est: tot hospites in ædes suas admittere, ut ab ipsis quis ejici possit. In quam rem, funesta possent adduci exempla illorum, qui multitudini transitum concedendo, pessimam suæ humani-

tatis mercedem consecuti sunt. Itaque jus tibi quæsitum nullum est, ubi transitus mihi potest esse noxius; vel quia ipse subjugari possum; vel quia hostem tuum, mihi hostem facio, & territorium meum, *theatrum belli* constituere hac ratione facillimè possem.

40. Putat quidem *Grotius loc. cit. n. 4.* metum ex multitudine transcuntium conceptum, non præbere iustam exceptionis seu prohibitionis causam, eò quod sint multæ rationes cavendi, ut: si divisis manibus, puta; si non uno continenti agmine, sed inter singulas legiones aut cohortes servato intervallo, transmittantur copiæ: si inermes, seu sepositis armis, si impensâ transitum petentis; si denique datis obsidibus, aliâve cautione *damni infecti* præstitâ, transitus fiat. Certè, si consideratis considerandis, nullum suboriri posset periculum Principi aut Reipublicæ, per cujus fines transitus ex iusta alioquin causa petitur; contra *Puffendorfium lib. 3. cap. 3. §. 5.* amplectimur opinionem *Grotii*, qui nec eam admittendam vult exceptionem: *quod aliâ possit transiri*. Tantundem enim [inquit] quisvis diceret, atque eo modo, jus transeundi planè interimeretur: sed latis est, si sine dolo malo, transitus postuletur, quâ proximum & commodissimum iter est. Aliud est, si iniustum moveat bellum, qui transire vult; aut: si hostes meos secum ducat; vel: ut dictum, allectis suis hostibus, in ditione mea, *theatrum belli* erigat, regionemque meam devastari faciat. Tali enim casu, iustè transitum negavero, & oppositis armis impedivero.

41. Redeundo ad mercatum & mercium transvectionem; certum putamus, quod Gens una alteri Genti liberæ, ad tertiam gentem pariter liberam mercatus causâ, terrâ marive proficiscenti, regulariter transitum negare nequeat; dummodò,

modò, ut supponitur, transitus ille sit & petatur verè innoxius. An autem transitus ideo uni genti, per cujus imperium terrà maris transitur, debeat censeri noxius, quòd aliæ nationes, in exteris plagas liberas, mercatum gerentes, lucrum reportent; sic distinguendum putamus: Num aliæ nationes sibi exuberans lucrum ad augendam & vicinis metuentiam potentiam suam, privativè vindicent; num verò genti, per cujus fines transeundum est, æquale lucrum faveant, aut ipsi nil, ex mercatu exterarum nationum, metuendum sit? Priore casu admittenda est *Puffendorffii* sententia lib. 3. *De J. N. & G. cap. 3. §. 6.* Secundo verò casu, probamus ratiocinationem *Grotii. loc. cit. n. 5.* ubi sic discurre: *Quò minus Gens quæque, cum quavis gente seposita, commercium colat, impediendi nemini jus est: id enim permitti, intorest societatis humane: nec cuiquam damno id est: nam, si alicui lucrum speratum, sed non debitum, decedat, id damni vice reputari non debet.*

42. Hic subintrat QUÆSTIO; num transeuntibus mercibus terrà aut amne, aut parte aliqua maris, vectigal imponi possit ab eo, qui illic locorum, dominium vel imperium habet? RESP. Cum *Grotio, loc. cit. §. 14. n. 1.* & infra *cap. 3. §. 14.* Quæcunque onera ad illas merces nullum habent respectum, illa mercibus imponi, æquitas haud patitur. Sic capitatio (quæ est: census in capita hominum descriptus) civibus imposita ad sustinenda Reipublicæ onera, ab exteris transeuntibus mercatûs causâ, exigi non potest: Si autem pertineant ad præstandam securitatem mercibus, v. g. ut signa *brevium* ponantur, portus conserventur, naves stationariæ in excubitu sint, ripæ arcibus muniantur, præsidia contra Piratas extruantur &c. ad ea compensanda, vectigal aliquod mercibus imponi potest, dum

A. Hechtkirchen, Ethic. Christi. Pars II.

modò modus causæ non excedatur. Sic: ut *Strabo*, apud *Grotium* narrat: ex fossa, quam ex Rhodano in mare, *Marius* duxerat, ditati *Massilienses*, vectigal exigentes ab iis, qui navibus ascenderent vel descenderent. Sic referente *Tacito lib. 4. Hist. cap. 65. n. 6.* pro Rheni transitu, pretium accipiebant *Romani*. Et hodie nil frequentius videmus, quàm quòd pro transitu rerum venalium, vectigal seu telonium, in singulis ferè pagis ad diversum Dominum spectantibus, solvendum sit.

43. Utrum Mercatores alienigenæ, jura seu Privilegia *Emporii, Stapule*, vel *Geranii* certis Civitatibus concessa, observare teneantur? Hic *Queri* potest? RESP. *Affirmativè*. Qui enim mercatûs causâ, alienum subintrat territorium, ille se legibus, seu juribus realibus loci illius, subjecisse censetur.

44. Est autem jus *Emporii* illud; vi cujus illatæ merces, incolis loci duntaxat, non verò peregrinis, vendi possunt. Vide *Marquardum. De jure Mercaturæ. lib. 1. cap. 6. n. 8.* Jus *stapule* est illud, vigore cujus merces illatæ, primum in loco aliquo, publicè venum exponendæ sunt, antequam aliò iterum evehi possint. Confer hac de re *Lehmannum. Chron. Spirens. lib. 4. cap. 22.* Hoc jus hodie, nulli civitati ab Imperatore conceditur, nisi unanimi omnium Electorum consensu; ita, ut ne unus quidem contradicat. Vide *Rhetium. Instit. Juris publici. lib. 1. Tit. 4. §. 63. & lib. 1. Tit. 6. §. 25.*

45. Dicitur autem *Stapula* à Germanico vocabulo *Staffel*, quo indignantur gradus in tali loco positi ad exportandas & importandas merces. Alii hoc nomen derivatum volunt à vocabulo Gallico: *Estappe*, quod significat forum seu locum, ubi merces exponuntur; & sic forum primum *Aureliæ, Estappe* dicitur, quòd ibi vina stabulentur aliò exportanda.

L

Lim-

Limneus ad Capitulat. Caf. fol. 706. Stapulæ nomen, à *Stappelen* (quod olim Emporiis *Hanseaticis* idem erat, ac merces exponere, iterumque compingere) deductum arbitratur. Quidquid sit de nominis *Ethymo*, per *Stapulam* intelligitur forum seu locus publicus in urbe designatus, ubi merces exonerandæ, & venum exponendæ sunt, antequam aliò devehiri possint.

46. Qui jure seu privilegio *Stapule* gaudent, facultatem habent: *Kauf-hau-, Krane, Schiffer und Kärcher, Kauf-baus-Oberherren, Kranenmeister, und Kauf-baus-Knecht zu halten.* Item: *Das die Kauf-baus-Verordnete über aufgeladene und niedergelegte Staffel-Wahren, ob sie von würden oder nicht? erkennen und richten, und die so unferlig, verwerffen, und den fahrten zu Schiff, und der Ax-ordnung geben.*

47. Hujus privilegii intuitu, merces aliæ vocantur: *Staffelbar-güter*, quæ exonerandæ & exponendæ, ut dictum, veniunt, antequam longiùs avehantur. Aliæ *Mess-güter*, quæ summatim solùm indicantur, nec exponi debent. Vide *Webner. Voc. Staffel-recht junge Lebmännem. De privilegio Spirensum. lib. 4. cap. 22.*

48. *Stapule* ad Rhenum, sunt tres, scilicet *Colonia Agrippina. Moguntia, Spira.* Ad Mosellam, *Treueris.* Ad Danubium, tres: *Ratisbona, Ingolstadtum, Passavium:* ad Visurgim, *Brema:* ad Albim, *Magdeburgum & Hamburgum.* Sunt etiam civitates, quibus jus *Stapule* competit in res, quæ terrestri itinere, curru, vehiculo, vel quadrigis vehuntur. Quinimò alius locus, jus *Stapule* habet ratione vini duntaxat, alius, alius porro, ratione aliarum rerum, ut: *salis, & similium.* Vide *Sprenger. Inst. jur. publ. lib. 3. cap. 33. n. 22. & seqq.* Cæterum, quia prætextu hujus juris, plures de mercibus tributum, teloniumve exigebant in Romano Imperio, qui jus exigendi non habebant, ideo in *Capitulatione*

Caput IV.

Ferdinandi III. art. 20. hac superre dispositio facta, quæ in *Capitulatione Leopoldi, art. 21.* latius exposita legitur.

49. A jure *Stapule* differt jus *Geranii*, quod videlicet respicit principaliter utilitatem vectigalium, aliâque provisiones, adversus fraudes mercatorum vel nautarum: nec hoc *Geranii & mensurationis* vel *ponderationis* jure, impeditur navigatio aut mercium transitus.

50. *Geranium* autem vocatur ingens tympanum versatile, quo circumactò, merces maximi ponderis, è navibus tolluntur, atque in terram dimittuntur. In *Geranii* compendium, libræ prægrandes & machinarie juxta portum, vel in loco vicino, exstrui solent, quarum adminiculo, onera è navibus extracta ponderari & admensurari faciliè possunt. Vid. *Knipschild, lib. 5. cap. 22. De jure & privilegio civit. imp.*

51. Indagant hoc loco *Grotii* Commentatores, utrum, Gentium jure, concedendum sit præterequentibus aut præterequentibus, ut valetudinis, aliavè rationabili causâ, aliquantisper in territorio, portu, littorève alieno, morentur? *RESP.* Prius constare debere, quam faciem turba præterequentium, aut classis navalis præfeterat; hostes, an amicos, vel minus suspectos vehat? An & à contagiosis morbis immunis sit? Perpenfis omnibus, quæ politicæ prudentiæ regula, consideranda suadet, quæque immoxiæ utilitatis norma præscribit; humanitatis est, ut non solum alienigenis concedatur exscendendi, sed & tuguriolorum momentaneorum in littore exstruendorum licentia; dummodò exinde littus non reddatur deterius. Equidem, sicut afflicto non est addenda afflictio, puta: si quis ex naufragio appellat, aut alia causâ miseratione digna, fortè, quia veræ religionis causâ pulsus, receptum quærit; ita, si lucri sui gratiâ, in por-

portum vel littus alienum exscendit; non est inhumanum vel iniquum, si pro compensatione expensarum, vel præstatione securitatis, moderatum quid solvat, prout in quibusdam locis, pro jactis anchoris, quid præstandum, ut observat *Seldenus de Mari clauso. pag. 319.*

52. Gravior est questio, num exteris receptum quærentibus, quia sedibus suis pulsi sunt, aut in nativa regione amplius subsistere nequiverunt, concedenda sit perpetua habitatio? *Grotius loc. cit. §. 16.* liberaliùs affirmat, perpetuam habitationem hujusmodi advenis concedendam fore, dummodò imperium, quod constitutum est, subeant, & alia observent, quæ ad vitandas seditiones, sunt necessaria. Sic [inquit] *Eoles* Colophonios, *Rhodii* Phorbantem ejusque socios, *Cares*, *Milios*, *Lacedæmonii*, *Minyas*, *Cumæi* alios ad se adventantes exceperunt. Neque *Divo Ambrosio, lib. 3. De Officiis cap. 7.* probati fuerunt mores eorum, qui peregrinos urbe prohibuere: quod & ante visum fuit *Ciceroni lib. 3. De Officiis. cap. 11.* ubi reprehendit illos, qui peregrinos urbibus uti prohibent, eosque exterminant. Nam etiam inquit esse pro cive, qui civis non sit, rectum est, non licere, quam legem tulerunt sapientissimi *Coss. Crassus* & *Scaevola*: usu verò urbis prohibere peregrinos, jam inhumanum est. Profectò, hac in parte, magnà opus est circumspectione; siquidem quolibet recipere peregrinos in civitatem, non modò periculosum est; sed nec civitatis cujusque status, id admittit. Hinc misericordia ita est temperanda, ut non ipsi cum aliis fiamus miscrabiles; & probè considerari debet, an ea sit agri nostri fertilitas, ut commodè eos alere possit? perpendi itidem convenit, an proba vel moribus improba; solers, an ignava sit turba, quæ recipi possit? ac demum, an advenæ ita distri-

bui possint & locari, ut nullum civitati periculum immineat?

53. Quòd, si quid intra territorium populi, est deserti & sterilis soli, id quidem, si nihil aliud obstat, advenis postulantibus faciliè concedendum est. Non probamus tamen *Grotii* mentem *loc. cit. §. 17.* ubi dicit: desertum aut sterile solum, rectè ab advenis occupari, eò quòd occupatum censeri non debeat, quod non excolitur. Non inquam hac in parte probamus *Grotii* benevolentiam erga advenas, sed cum *Baclero* judicamus, illos contentos esse debere locis & domiciliis, quæ ipsis, à populo imperium habente, assignantur.

54. Quinimò, si urbem aliquam tanta multitudo peregrinorum impleverit, ut incidente frumenti penurià, aut alias aucto populo, cives cum exteris subsistere nequeant; peregrini semel admissi, rectè ejiciuntur, ne indigenæ pereant, quorum utique causa potior esse debet. Ita rursus arbitramur contra *Grotium loc. cit. §. 19.* ubi inquit: ne in tali quidem necessitate expelli posse admissos semel peregrinos, sed commune malum communiter tolerandum. Pro supplemento hujus capitis

55. PETES I. Num exteri, ad sua in ditione alterius Principis vel Reipublicæ vendenda, liberam & inimpedibilem habeant facultatem? Resp. *Negat.* Cui libet enim liberum est statuere, quid velit acquirere vel non. Ita vinum & alias merces exoticas olim non recipiebant *Belgæ*, prout testatur *Grotius*. Et recentissimè Augustissima Imperatrix, *Hungariæ* & *Bohemiciæ Regina Maria Theresia*, in terras suas hæreditarias, aliunde invehi prohibuit pretiosiores pannum, præcipuè auro vel argento intertextum. Itaque, si quibus domesticis copiis contentus esse velit, alienæ merces obtrudi non poterunt, in primis, si damnum aliquod

civitati exinde oriri possit, puta: si subditorum propriorum industria impidiretur, aut opes ipsorum, luxus gratiâ ad externos transportarentur.

56. PETES 2do. Quid, si populus aliquis undique alterius territorio circumdatus, merce aliqua abundaret, rebus autem aliis ad vitæ sustentationem necessariis, indigeret; an invito Principe, illas in ejus territorio distrahere posset? *Resp.* cum *Bacclero* ad *Grotium* loc. cit. §. 10. Ad minimum tali populo facultatem esse concedendam vendendi res suas per, & ultra territorium; alias, justam adversus prohibentem, bellandam causam habere.

57. PETES 3to. An alienigenis competit libertas Matrimonii ambiendi & contrahendi apud vicinas Gentes? *Grotius* loc. cit. §. 11. indistincte affirmat, "veluti; si virorum populus (id est, ex meris maribus constans) aliunde expulsus, aliò venerit." Nam sine femina ætatem agere, etsi humanæ naturæ nequaquam repugnet, repugnat tamen plerorumque hominum genio. Cœlibatus enim, non nisi excellentibus animis convenit, qui donum habent continentiæ, & æteticam vitam ducere possunt, secundum evangelica consilia. Quare tacitas comparandi uxores admi viris non debet. Quinimò jure belli, injustè negatas nuptias, justè victor auferret *Augustino* judice lib. 2. *De Civit. Dei.* cap. 17. Ita fere *Grotius* loc. cit. Ubi NOTA: quòd loc. cit. *Divus Pater Augustinus* agat de raptu *Sabinarum*, aliisque iniquitatibus, quæ in Civitate *Romana*, etiam laudatis viguere temporibus. Dicit ergo ibi: *justius autem bellum cum ea gente geri potuit, quæ filias suas conregionalibus & consinalibus negasset petitas, quàm cum ea, quæ repetebat ablatas.* Ex infra: *Aliquo fortasse jure belli injustè negatas, justè victor auferret: nullo autem jure pacis, non datas rapuit, & injustum bellum, cum eorum parentibus justè suc-*

consentibus, gessit. Cæterum, non tam *Grotius*, quàm *Divi Patris Augustini* sententia, cum hinc limitationibus capienda est. 1mo Si aliunde copia mulierum, quàm ab iis à quibus petita sunt, haberi non possit. 2do. Si petentes, eandem religionem profiteantur, & scelestum vitæ genus non sequantur. 3to. Si à multitudinem peregrinorum non tot petantur uxores, ut Genti, à qua petuntur, induceretur uxorum raritas.

58. PETES 4to. An Genti uni liceat cum alio populo pacisci, ut is certi generis fructus, qui alibi non nascuntur, sibi soli vendat? *Resp.* Id non videri illicitum, si Gens illa, quæ tali pacto alium populum sibi obstrinxit, aliis eisdem merces æquo pretio vendere parata sit. Nam aliorum non interest, à quo emant: lucrum autem alteri prævertere licitè potest, ut industriæ vigilantique locus sit. Atque hoc maxime obtinet respectu totius populi aut Reipublicæ alicujus, quæ alium populum tali pacto sibi devinctum, in suam tutelam receperit, sumptusque, eo nomine, faciendo habeat. Talis itaque cœemptio, eo quo dictum animo, facta, juri naturæ non repugnat, quanquam ob utilitatem publicam, legibus civilibus [tot. tit. *Cod. De Monopol.*] privatis, prohibita sint *Monopolia*; eò quòd exinde difficilis reddatur rerum communicatio, & aliis civibus præcipiatur lucrando occasio ab homine privato. Est enim *Monopolium*, quando penes unum est vendendi potestas, puta: cum unus solus, vel paucis secum (ut fieri solet) admixtis, exercet aliquod mercaturæ genus, atque statuto, juxta arbitrium suum, pretio, merces distrahit. Unde cum talis augens pretia rerum, lux desertiat avaritiæ, ac aliis noceat omnibus; ideo *Constitutionibus Imperii Monopolia* rigidè sunt prohibita. Vide *Reichspolicey-ordnung. Zu Frankfort.* De anno 1577. tit. 18. sub *Rudolpho II.* Imperatore.

59. PETES 5to. An omnes Gentes jure

na.

naturæ, habeant facultatem, in aliena Republica, exercendi quosdam actus? Resp. Omnes simpliciter & semper habent facultatem ad tales actus, quibus ea comparantur, sine quibus vita commodè duci nequit. Non enim par hic necessitas requiritur, ut in re aliena arripienda, quia hic non agitur de eo, quod fiat invito domino; sed de modo acquirendi, dominis volentibus. Igitur, summa potestas, aut populus, non potest contra societatis humanæ regulam, hujusmodi actibus interdicare extraneas Gentes; quia ut Divus Ambrosius lib. 3. De Officiis cap. 7. ait: hoc esset homines separare à commerciis communis parentis, suos omnibus partus (id est: natos in omnium utilitatem terræ fructus) negare; consortia vivendi averruncare. Id est: funditus tollere. Nam de supervacuis & voluptati mere lubervientibus, aliud dici potest. Unde resolutio nostra procedit de his, quæ vita considerat; qualia sunt alimenta, vestimenta, medicamenta; atque ab hujusmodi rebus acquirendis, extranei, citra societatis humanæ læsionem, arceri nequeunt.

60. Quòd, si Gens aliqua vel Respublica, extraneis promiscuè concesserit facultatem exercendi actus aliquos, alioquin, vi libertatis naturalis permisos, veluti: venari,

piscari, aucupari, ex testamento capere, res vendere aut emere; conjugia contrahere &c. tunc citra injuriam, unus populus determinatè, ab hujusmodi actuum exclusi nequit exercitio; nisi abusu aut peccato, excludi meruerit; qua ratione, Hebræi cæteri, ut narratur Judic. 20. Benjaminitis ademerunt connubiorum facultatem. Exceptio etiam facienda est; si hujusmodi actuum exercendorum facultas, extraneis indulta sit, per modum beneficii, relaxando legem prohibitivam: tunc enim certus populus de novo se insinuans, excludi poterit, eò quod in beneficii denegatione, nemini fiat injuria. Distinguendum quoque est: utrum extraneis per modum pacti, expressè, aut sub titulo oneroso ac obligatione reciproca; an vero precariò & per dissimulationem, talis facultas fuerit concessa. Priore casu, si pacti fides non violetur, & quibusvis extraneis indiscriminatim facultas ista fuerit indulta; nullus populus excludi poterit: secundo autem casu, mutatis rationibus, aut propter immodestiam utentium, aut necessitatem nostræ Reipublicæ, hujusmodi facultas restringi, imò revocari penitus poterit, quia nostræ Reipublicæ salus, primas partes obtinet.




CAPUT V.

D E

Modis Originariis & Naturalibus
acquirendi Dominii, Jure
Gentium probatis.

SUMMARIUM.

- 1  *Liter Grotius & ejus Epitomatores, aliter verò Romani juris interpretes dividunt acquirendi dominii modos.*
- 2 *Occupatio quid & quotuplex?*
- 3 *Venatio describitur.*
- 4 *Quomodo hodie venatio dividatur.*
- 5 *Præscindendo à Principum reservationibus & prohibitionibus, quænam animalia, jure naturali, cedant primò occupanti?*
- 6 *An & quâ ratione, Princeps supremus, jus venandi subditis adimere, & sibi appropriare potuerit?*
- 7 *An subditi saltem feras nocivas in fundo proprio occidere vel ca-*
- pere possint? & ad quid teneatur Princeps prohibens subditis abigere feras, segetes depascentes?*
- 8 *Num subditus feram faciat suam, quam contra Principis prohibitionem cepit?*
- 9 *Vetus & verior sententia non obligat capientem feram, ut eam Principi restituat.*
- 10 *Neque verum est, furtum propriè dictum, committi à feripeta.*
- 11 *Non tamen venationis prohibitio caret omni effectu.*
- 12 *Feripeta non videtur supplicio mortis afficiendus, nisi aliunde graves circumstantiæ concurrant.*
- 13 *Respondetur ad Objectionem.*
- 14 *Verosimilius est, nec furtum committi*

- mitti ab eo, qui feram invito domino ceperit in fundo, cujus fructus in venatione confidunt.*
- 15 *Exceptio, & intellectus. l. 3. §. 14. ff. De acquir. vel amit. possēss.*
- 16 *Quid, si fera vel volucris, certo signo domini, cujus custodiam evasit, notata, ab alio capta fuerit vel occisa?*
- 17 *Ad consequendam feræ proprietatem, requiritur corporalis apprehensio.*
- 18 *Amplectimur distinctionem Imperatoris in §. 13. Instit. De re div. &c. circa feram ab uno vulneratam, & ab alio captam.*
- 19 *Pariter sequimur judicium Imperatoris, de apibus ab alio captis.*
- 20 *Idem: de pavonibus & columbis.*
- 21 *Nec non, de animalibus naturæ mansuetis.*
- 22 *Quænam animalia, naturæ suæ, sint fera, & quæ domestica?*
- 23 *Altera occupationis species, est inventio, quæ describitur.*
- 24 *Præscindendo à Principis interdicto; Gemmæ, Corallia, & cætera, in littore maris, reperta, primò occupantis sunt.*
- 25 *In locis sive privatis, sive publicis inventa, pristino domino [si detegi possit] restituenda; eo verò non reperibili; probabilior, & magis pia sententia vult: rem hujusmodi, ejusve pretium, in causas pias erogari debere; licet probabile etiam sit; quòd inventor, talem rem, titulo fortunæ, sibi retinere queat.*
- 26 *Occurritur Objectioni.*
- 27 *Res, quæ nullius est, solâ visione non acquiritur.*
- 28 *Cur thesaurus, jure naturali permissivo, cedat inventori?*
- 29 *Quid jure Justinianæo dispositum sit, circa thesauri inventionem?*
- 30 *Quid eodem jure obtineat circa thesaurum, in loco sacro vel religioso, repertum?*
- 31 *Hodie thesaurus in Cæmeterio vel Ecclesia repertus, non cedit Fisco, sed Prælato loci.*
- 32 *Quid jus commune disponat de thesauro invento in loco publico?*
- 33 *Quid jure Austriaco peculiariter constitutum circa thesaurum, alicubi, quomodolibet repertum?*
- 34 *Cujus sit thesaurus in fundo Feudali vel Emphyteutico repertus?*
- 35 *Quid de Creditore, in fundo sibi hypothecato, thesaurum inveniente?*
- 36 *Quod pro derelicto habitum, primò occupantis sit.*
- 37 *Quatenus constet, quid pro derelicto habitum?*
- 38 *Res, metu naufragii, in aquas projectæ, nequaquam pro derelictis habendæ; proinde nec occupantibus cedunt.*
- 39 *Quid circa hujusmodi res obtineat, jure Belgico?*
- 40 *Quid, itidem jure Gallicano?*
- 41 *Res è rheda corrente decedentes, pristinis dominis probè inquirendis, absque menytri exactione, reddendæ.*
- 42 *Quandònam tacens, aut nil agens,*
con-

- trem sequatur; ut dominus pecu-
dis parientis, efficiatur quoque
dominus animalis geniti?
- 71 Fructuum nomine, quid veniat?
Item: quotuplices sint fructus?
- 72 Quis bonæ, malæve fidei pos-
sessor dicatur?
- 73 Fructus adscititios, id est: merif-
simè industriales, quivis possessor,
suos facit.
- 74 Non obstante, quod lucrum pro-
cedat occasione rei de se sterilis.
- 75 Aliud dicendum de fructibus ci-
vilibus spontaneis.
- 76 Malæ fidei possessor (exceptis ad-
scititiis) quoscunque fructus, sive
perceptos, sive, absque peccato,
perceptibiles; in utroque foro,
cum re principali, dominio resti-
tuere tenetur.
- 77 An malæ fidei possessor rei alie-
næ, quæ apud ipsum sine nova
culpa perijt, æstimationem, domi-
no, de jure naturali, præstare
teneatur?
- 78 Quatenus malæ fidei possessor,
fructus, illicitè ex re aliena per-
ceptos, domino refundere oblige-
tur.
- 79 Bonæ fidei possessor, nedum fru-
ctus industriales, sed & naturales
perceptos, suos facit.
- 80 Perimitur argumentum oppositum
- 81 Diluitur Replica.
- 82 Possessor bonæ fidei, fructus per-
ceptos & necdum præscriptos, fa-
cit quidem tantisper suos; at non
irrevocabiliter.
- 83 De Jure Civili, solus bonæ fidei
- possessor, labores & expensas in
fructuum productione & percep-
tione factas deducit: verum de
jure naturali, id etiam porrigitur
ad malæ fidei possessorem.
- 84 Præscriptio triennalis, de jure
Civili, adscribit dominium irre-
vocabile fructuum bonæ fidei pos-
sessori.
- 85 Verius est, bonæ fidei possessorem
teneri domino, quatenus ex fru-
ctibus perceptis factus est locuple-
tior.
- 86 Enervatur objectio.
- 87 Bonæ fidei possessor, non facit
suos fructus, post litis contesta-
tionem, perceptos, vel consump-
tos.
- 88 Fructus necdum percepti, sed ad-
huc pendentes, à quocunque pos-
sessore, Domino rem suam evin-
centi debent restitui.
- 89 Domino non repetenti, res sua
restituenda est.
- 90 Errat cum Grotio, Vitriarius cen-
sens; illum, qui ab initio, etiam
malæ fidei, possidere cepit, non
teneri, suis impensis, rem domi-
no restituere; sed tantum teneri,
illam ipsi indicare.
- 91 Bonæ fidei possessor, ad nihil te-
netur domino, qui v.g. à fure,
consecutus est rei suæ æstimationem.
- 92 Præponens, quatenus teneatur
ex facto servi Instititoris?
- 93 Uxor condictionem habet actio-
nem in rem ex pecunia sua mari-
to donata, comparatam.

- 94 *In pupillos, è re ipsis commodata, locupletiores factos, datur utilis commodati actio.*
- 95 *Adferuntur plura Theoremata, ex quibus liquet: b. f. possessorem, ob aequitatis naturalis rationem, restitutioni obnoxium esse, si sit factus locupletior ex re aliena.*
- 96 *An, & quatenus quis rem alienam b. f. emptam possit venditori reddere, ut pretium recuperet?*
- 97 *Accessione industriali, quibus modis, rei alterius dominium acquiri possit?*
- 98 *Specificatio quid sit?*
- 99 *Ex aliena materia, malâ fide speciem faciens, non solum operam perdit; sed & pluribus actionibus, materia domino obstringitur.*
- 100 *Respondetur ad oppositum argumentum.*
- 101 *Ad specificationem non sufficit figura tantum externæ mutatio.*
- 102 *Vinum ex alienis botris factum, sit specificantis.*
- 103 *Nova species, ad pristinum rudis materia statum reducibilis, cedit materia domino.*
- 104 *Cujus sit navis, ex alienis tabulis facta?*
- 105 *Partim ex sua, partim ex aliena materia novam speciem faciens, dominus ejus evadit.*
- 106 *Adjunctione, puta: intexturâ, futurâ &c. qualiter acquiratur rei alienæ dominium?*
- 107 *Quandônam aurum gemmis adjunctum, illis cedat, aut econtra?*
- 108 *Quanam actiones competant contra illum, qui bonâ vel malâ fide, rem alienam, rei suæ jungit?*
- 109 *Occurritur objectiuncula.*
- 110 *Adificatione, qualiter acquiratur dominium?*
- 111 *Ex aliena materia, in suo solo edificans, an & quatenus fiat materia dominus?*
- 112 *Quid juris, si quis ex sua materia in solo alieno, edificaverit?*
- 113 *Et quid, si quis id sciens prudensque fecerit?*
- 114 *M. F. edificans, quid stricto jure, quidve ex aequitate possit, si adificium ab alio vindicetur?*
- 115 *Moribus hodiernis, actio de tigno juncto, quatenus est in duplum, ab usu recessit.*
- 116 *Impensæ quotuplices?*
- 117 *Aliud est: deducere, aliud: tollere impensas.*
- 118 *Impensas necessarias, quisvis etiam m. f. possessor, deducit.*
- 119 *Impensas utiles, b. f. possessor deducere, possessor autem m. f. solum tollere potest.*
- 120 *Possessor b. f. quatenus impensas voluptuarias deducere queat?*
- 121 *Notabile discrimen inter bonæ & malæ fidei possessorem.*
- 122 *Quid sit confusio?*
- 123 *Quid juris circa confusionem?*
- 124 *Commixtio quid, & qualiter per eam, acquiratur dominium?*
- 125 *Resolvitur objectio.*
- 126 *Quid de scriptura & pictura in aliena charta vel tabella?*

127 De accessionis speciebus & modis acquirendi domini, aliter legibus Romanorum statutum, aliter, rationis naturalis ductu, pronuntiandum.

128 Traditione, jure Gentium, acquiritur dominium,

129 Quotupliciter fieri possit traditio?

130 Jure naturali, etiam absque traditione, transferri potest dominium.



Restii sequaces & enucleatores, domini acquirendi modos, alios ajunt esse Originarios [quibus acquirantur res in nullius dominio existentes] alios

derivativos, quæ dominium acquiritur, de uno in alterum transferatur. Non aspernamur hanc loquendi rationem & docendi methodum; clariùs tamen loqui videbimur; si dixerimus: modos domini acquirendi, alios esse naturales, qui videlicet jure naturæ permisso, seclusâ omni lege civili, sunt habiles ad consequendum dominium, cujusmodi sunt: occupatio & accessio. Alios jure Gentium receptos; quo jure, ut insinuat *Can. 9. Dist. 1. & l. 5. ff. De J. & J.* Divisio rerum introducta, distincta dominia, agris termini positi &c. eò quod ob hominum cupiditatem, invidiam & avaritiam, diu societas humana alioquin pacatè subsistere nequivisset. Alios porro civiles, qui ex legum civilium dispositione, idonei sunt reputati ad transferendum dominium, ut: donatio inter vivos, Præscriptio, legatum &c.

2. Incipiamus ab Occupatione, quæ est apprehensio rerum, quæ vel planè nullius sunt, vel illarum, quæ alicujus esse desierunt. Apprehensio hujusmodi rerum animatarum, dicitur Venatio: inanimatarum verò inventio.

3. Venatio describitur: quod sit occupatio feræ bestię in naturali libertate existentis. §. 12. *Instit. de Rer. division. & acquir. &c.* Si sit occupatio ferarum terrestrium,

vocatur Venatio in specie. Volatiliū autem occupatio, dicitur aucupium, & aquatiliū, piscatio.

4. Venatio secundum hodiernum modum loquendi, dividitur in superiorem & inferiorem, seu altam & bassam. *Hobe und niedere Jachs.* Superior, seu alta est: quæ pro objecto habet feras majores: inferior seu bassa, quæ feras minores. Quæ autem sint feræ majores vel minores, usu magis locorum, quàm certâ regulâ aut lege addisci potest. Cæterum, *D. Finsterwald. lib. 3. Observ. 146. n. 7.* ait: vigore dei *N. Oest. Reis-gejays-Ordnung*, illum, cui *banus ferinus superior*, vulgo *Wild-baan*. Competit, non posse alias feras venando capere, als *Hirschen, Wild-bären, und Schweinen*: cæteras verò feras bestias, puta: *Capreas, Capricornos & Rupicapras, item Phasianos, Tardas, Tetraones, Attagines, perdices, Rebe, Steinböck, Gems, Fasanen, Trappen, Auerhanen, Haffel-büner, Reb-büner &c.* pertinere ad venationem bassam. Confer *Vittriarium illustratum. Instit. jur. publ. lib. 3. tit. 18. §. 14. & seqq.*

5. Generatim, & abstrahendo à Principum reservationibus ac prohibitionibus, regula circa venationem est; quod quævis animalia fera, in libertate sua naturali constituta, cedant occupanti. Juxta §. 12. *cit. & l. 3. §. 2. & l. 4. ar. 5. ff. eod. tit.* Animalia (inquam) fera. Nam imò excipiuntur animalia cicurata seu mansueta. Hæc enim animalia, quamdiu retinent consuetudinem abundi, aut facili negotio reduci possunt,

non cedunt occupanti, §. 15. *Instit. eod. tit. 2do*. Multò magis excipiuntur animalia, ex sua indole, *mansueti* seu *domestica*; quæ, si quis lucrandi animo detineat, *furti* tenetur. §. 16. *Instit. eod. tit.* Id quod verum est, licet aliquin perissent, nisi occupans, illa ab interitu liberasset. Veluti; si venator extorqueat *lupo* ovem surreptam, *accipitri* columbam; *vulpi* gallinam. Hæc enim nihilominus priori domino sunt restituenda, prout ex æquitate naturali, decusum, in l. 44. ff. de *Acquir. rer. dominio*. Dictum quoque: *in libertate sua naturali constituta*. Si quidem animalia etiam *fera*, ab aliquo jam occupata; tamdiu manent occupantis, quam diu custodiâ ejus cœrentur. *dist. §. 12. Instit. ibi*: *Quidquid autem eorum ceperis, eo usque tuum esse intelligitur, donec custodiâ tuâ coercetur. Cum verd tuam evaseris custodiâ, & in libertatem naturalem se receperit, tuum esse definit, & rursus occupantis fit. Naturalem autem libertatem recipere intelligitur; cum vel oculos nostros effugerit, vel ita sit in conspectu tuo, ut difficilis sit ejus persecutio*. Consonat l. 3. §. 2. & l. 4. *princ. ff. tit. cit.* Circa venationem plura quæri solent, quæ succinctè hic rimabimur.

6. *Prima* quidem *Quæstio* esse solet; num Princeps, jus venandi subditis suis, *jure* possit adimere & sibi appropriare? *RESP.* Ex communi tam Theologorum, quam jurisperitorum, *affirmativè*. Ratio jam sæpe insinuata est; quia jus naturale non vult *possitivè* & *absolutè*, ut feræ sint & maneant communes, sed solum *negativè* & *permistivè* se habet; adeoque, non prohibitum Principi, *possitivè* aliter desuper disponere & sibi jus venandi reservare: neque per hoc, quempiam privar *jure* quæsito; sed duntaxat tacit, ne jus venandi, sit in incerto. Taceo; quòd Princeps ex justa causa, jus alteri quæsitum auferre possit. Cæterùm, politici, pro ratione; cur summi Principes jus venandi, tanquam *Regale* vin-

dicent, allegant; quòd vaga & promiscua venandi licentia, Reipublicæ foret perniciofa, tum, quia datâ hac licentiâ, homines valde avocarentur à cultura agrorum & aliis necessariis laboribus, quæ civitates conservantur. Tum, quia prætextu venationis, subditi instruerentur armis, quæ & in necem Principis, aut latrocinia & rebelliones convertere faciliè possent. Adde: quòd conditioni Principis valde consentaneum sit, ut venatione, animum curis & sollicitudinibus Reipublicæ causâ susceptis lassatum, relaxet; quod vix fieri possit, indulgâ omnibus venandi libertate, quia vix superesset fera aut volucris, quæ trajici aut capi posset. De *jure venationum & Forestali jurisdictione*. Vid. *Vitriar. loc. cit. §. 8. & seqq.*

7. Non itaque hodie cuipiam ex subditis licet feras bestias, nisi nocivæ sint, ut *Lupi* &c. venari, nequidem in agris aut sylvis propriis. Quòd si tamen Princeps per ferarum multitudinem, subditis notabile damnum inferri permitteret; puta: si feræ fata & fructus depascerent, illasque abigere prohiberet ex agris; utique teneatur ad hujusmodi damni refarcitionem. *Zoëf. ad ff. tit. De A. R. D. n. 14.*

8. Subtilior moveri potest quæstio; num quis teneatur restituere feram, quam contra Principis prohibitionem, cepit? *Zieglerus. De jure Majest. lib. 2. cap. 14. §. 24. & seqq.* Item *ad Grot. lib. 2. cap. 2. §. 5. Puffendorf. lib. 4. cap. 6 §. 11. Hoppius. ad tit. Instit. de Rerum division. &c.* & alii, volunt: quòd contra Principis prohibitionem, feram capiens, non sibi, sed Principi, illam acquirit. *Rationem* dant: quòd per occupationem, quæ facta est per universitatem in elementis, quæ feræ, pisces & aves inhabitant; etiam dominium earum bestiarum, acquisitum sit populo, vel ei, qui jus habet in populum; adcò, ut, si quis contra legem ipsorum, eas capiat, furtum

tum committat. Itaque (ajunt) ipse Princeps feram occisam censetur apprehendere, & lex civilis (ut videtur *Grotio loc. cit. cap. 2. §. 5. in fin.*) non tantum dominium ipsam naturaliter acquirendum antevertit, sed per universalem occupationem, jam acquisitum defendit & tuetur. *Grotii* verba exscripsit ejus Epitomator *Vitruvius in suis institutionibus juris nat. & gentium. lib. 2. cap. 2. §. 20. & cap. 3. §. 6.*

5. Verum antiquæ & saniori adhæremus tum Theologorum tum Jurisperitorum sententiæ, quæ habet, quod venator capiens feram, etiam in loco prohibito, si modò non penitus clauso, faciat suam, jure naturæ & Gentium; ita, ut capiens saltem ante sententiam judicis non teneatur ad restitutionem feræ, etsi aliunde teneri possit ad compensationem injuriæ, ratione ingressus prohibiti, vel damni specialiter illati. Ratio est: quia feræ, quæ super terram gradiuntur, non terræ, cujus non sunt pars (illi enim non cohererent) sed aëris, in quo spirant, conditionem sequuntur; aër esse omnibus communis est, nec talis esse definit Principis prohibitione. Confer *l. 3. ff. De A. R. D.* Itaque, quia feræ in naturali sua libertate positæ, nullius sunt; non apparet; cur non cedant occupanti? Consonat *F. Sylvius in adam 2da D. Thomæ q. 66. art. 2. §. quaritur 3tio per tot.*

10. Unde absque fundamento, authores quidam etiam moderniores contendunt, furtum committi ab eo, qui contra Principis prohibitionem quantumvis pœnalem, cepit feram. Furtum enim est contrafectio rei alienæ §. ult. ff. de furt. Jam autem feræ bestię in Sylvis circumvagantes & nondum captæ, non sunt aliena res, quia nec sunt Principis, neque illius, in cujus fundo vagantur. Ergo. Confer *Harprecht. ad tit. Instit. de rei. divis. &c. n. 375. contra Waizenegger Dissert. §. de venatione. n.*

38. Ubi tradit lege vel consuetudine effici posse, ut fera contra prohibitionem Principis capta, non fiat capientis. Contra Principis inquam prohibitionem. Hoppius enim, & adversæ opinionis fautores, discrimen hocce faciunt inter summi Principis & alterius privati prohibitionem; quodd nempe privati domini prohibitio, feram nullatenus afficere possit, bene verò Principis, eò quodd is sit supra jus naturale permixtum. Verum, etsi multa possit summus Princeps, quæ in privati non sunt potestate, rerum tamen naturam intervertere non potest, neque suum dicere potest, quod natura fecit omnibus commune & occupanti concessum.

11. Non tamen frustranea erit venationis prohibitio; tum quia domino fundi, salva est actio injuriarum adversus eum, qui ipsius fundum ingressus fuerit. Tum quia ferpetæ Principis legem pœnalem transgredientes, pro re nata, præcipuè ob contemptum acriter puniri possunt. Sic præscindendo à particularibus locorum statutis, ferpetæ gradatim puniri solent: imò Multa pecuniaria aut incarceratione, 2da Relegatione. 3tio Condemnatione ad triremes, vel in opus publicum. Si

12. Rorras: Num princeps etiam sub pœna mortis possit prohibere venationem? Resp. Per se loquendo, id negandum videri, cum nulla proportio sit inter feram & vitam hominis. Nec juvat in contrarium, quodd non bestia, sed transgressio prohibitionis, attendenda sit. Nam, si ita tibi placeat arguere; dicere quoque poteris; Principem quoscumque legis suæ transgressores; in materia quacunque levi, & de se etiam adiaphora, posse supplicio mortis afficere, quodd æquitati naturali minimè conveniret. Mandatum enim Principis, materiæ substractæ attemperandum est. Justo igitur rigidior videtur pœna illa, ut ferpeta vivus supra cervum vinculetur. Das ein Wildgräds-

prädts-dieb, lebendig auff ein Hirsch geschmiedet werde.

13. Dices: Ob furtum decem imperia-
lium potest quis affici supplicio suspendii.
Ergo etiam ob feras bestias furtim sublatas.
Resp. *Consequentiam* ad summum concedi
posse; si quis frequenter feras, saltui vel
vivario præsertim inclusas cepisset; non ve-
rò, si in sylva, ubi in nativa libertate va-
gabantur, & consequenter in nullius do-
minio erant. Quò facit, quòd *Carolus V.*
Imperator poenam mortis, pro qualitate
delicti, in omnes fures statuens in *Constitu-
tione sua criminali*, feripetarum non me-
minerit, haud obscure per hoc insinuans,
furtum talè propriè dictum, ab illis non
committi. Conter hac de re *Carpozovium*
Prax. Crim. quæst. 84. n. 27. Junge *Nicol.*
Æverhard. jun. vol. 1. consil. 10. n. 35. *Har-
precht ad tit. Instit. de re divis. &c.* n. 35.
& *Christophorum de Chlingensperg. ibid. quæst.*
26. RATIO est: quòd furtum naturaliter sit
illicitum, & *Decalogi* lege prohibitum; ve-
natio verò naturaliter sit licita. Si quis ta-
men expressè in contemptum Principis, à
venatione desistere nollit, aut aliæ graves
circumstantiæ concurrerent; poena mortis
locum habere posset, præsertim, si admo-
nitio iterata præcessisset. *Autores citati*,
quibus junge *Vuriar. illustratum. loc. cit. §.*
8. in not. lit. b.

14. Quid, si fructus fundi in venatione
constant, & quis fundum illum domino
prohibente ingressus, feram ibi ceperit;
anne tali casu, feram capiens, furtum com-
mitteret, & ad restitutionem teneretur? *As-
firmat Mynsingerus, Cent. 1. Ob. arv.* 30.
cum aliis; sed Resp. cum *Lessio de Just. &
Jure lib. 2. cap. 5. dub. 5.* & Theologis
communiter *Negative*. RATIO: quia & tali
casu, feræ non minùs in naturali sua liber-
tate sunt, neque dominus prohibens fundi
sui ingressum, ipsam feram afficit, aut sibi
devinctam facit: animalia enim non sunt

Caput V.

fructus sylvarum, agrorum, vel fluviorum,
sicut arbores, quæ solo coherent; sed alia
ex aliis procreantur. Proinde, etsi sylva,
ager, vel possessio, talis sit; ut ejus fructus
in venatione constant, ipsæque venatio
etiam sit alteri elocata; nihilominus tamen
animalia sunt domini, conductoris, vel
usumfructum habentis; sed duntaxat *jus*
venandi, & animalia capiendi, habent:
Confer *Lessium loc. cit.*

15. *Distia* limitationem recipiunt, si feræ
etiam bestiæ, à fundi domino anteceden-
ter oclusæ & occupatæ fuissent. Nam pi-
ces in vivario, feræ in roborario, aut syl-
va circumleptæ; Aves in Orinthonibus;
cùm amplius in naturali libertate non sint;
occupanti non cedunt, non obstante l. 3. §.
14. ff. de acquir. possess. Quia lex ista de sta-
gnis majoribus loquitur, & de sylva cir-
cumlepta quidem, sed adeò valla, ut feræ
insequentem facillè eludere, & è conspectu
ejus aufugere possint, adeoque in naturali
sua libertate vagari censeantur.

16. Quid juris, si feræ bestiæ à nobis
occupatæ, custodiam nostram evaserint,
postquam certis signis aut crepundiis no-
tatæ erant, ex quibus colligi possit, quòd
fuerint in nostro dominio? Volunt quidem
Grotius, Kulpifius, Puffendorfus, & alii
Doctores etiam *Theologi Orthodoxi*, hujus-
modi feram, si ex signo internosci possit;
ab alio postea captam, reddendam esse pri-
stino domino; cò quòd tunc cesset præ-
sumpta derelictio, quæ ceteroquin facit do-
minium acquiri à capiente. Verùm; etsi
sciamus, cervos quosdam & accipitres, ex
signis agnitos, pristinis dominis redditos
fuisse; non video tamen, cur reddi debeant,
cùm signum appensum, tanquam *accessori-
um & accidentale quid*, naturam sequatur
feræ, aut volucris nativam libertatem suam
consecutæ? Unde sententiam communem,
tunc duntaxat procedere existimo; si ulla
probabilis sit spes recuperandi feram, hu-
jusmodi

jusmodi signo notatam; puta: si falcones, vel accipitres circumati, aviditate prædæ; *ardeæ*, aut alterius volucris, longius avolaverint; & intra paucos dies, à venatoribus, aut aliis hominibus, capti fuerint. Si enim fera etiam curata, diutius divagata fuerit, & ferinos mores suos rursus induerit; peraquè signum appentum, ac fera ipsa, *pro derelicta*, aut irrecuperabiliter amissa, habendum est. Quis enim dixerit, piscem v.g. *lucium*, è vivario certi domini, in *Rbenum*, ne dicam, *Mare*, prolapsum, & in branchia, annulo distinctivo notatum, ideo reddendum esse priori domino, eò quòd ab ipso, signo quopiam notatus fuerit? Idem est de *cervo*, *accipitre*.

17. Cæterum; ut fera alicujus fiat; requiritur *corporalis* quædam apprehensio, quæ fiat manibus nostris, vel instrumentis aliis, puta: *decipulis*, *retibus*, *laqueis*. Intellige: dummodo, ipsa instrumenta, sint in nostra potestate; deinde, fera ita sit inclusa, ut exire inde nequeat. Quinimò, vulnerâsse feram non sufficiet, ad consequendum ejus dominium, prout in *l. Naturalium*. §. §. 1. ff. de *A. R. D.* contra *Trebatium* placuit. Unde proverbium: *Aliis leporem excidâssi*. Quod cadit in eos, qui lucrum persequendo, id notum faciunt aliis, à quibus præoccupantur, & præveniuntur. Igitur, aliud est, *scire*, ubi res sit; aliud est: *reperire* & *apprehendere*.

18. Quòd, si igitur fera ab uno *vulnerata*, & ab alio *apprehensa* fuerit? Ita naturali ratione distinguit *Imperator* §. 13. *Instit. de Rev. divis. &c.* ut, si fera ita lethaliter sit vulnerata, ut non possit evadere potestatem vulnerantis & persequentis; tunc ipsi cedat, licet ab alio fuerit apprehensa; si verò levius vulnerata, aufugere possit; illi cedat, qui potè apprehenderit. Eodem modo responsum est *l. 55. ff. de acq. rer. domin.* de apro, qui in laqueum inciderat: & eadem distinctione, dirimenda est quæ-

stio de aliis feris, sive terrestribus, sive volucris illaqueatis; ut, si extricare se nequeant; cedant laqueum ponenti, alioquin apprehendenti. *Longobardorum* jure, ut observat *Grotius*. lib. 2. de *J. B. & P. cap. 8. §. 3. in not. lit. F.* qui feram ab alio vulneratam, occidit, aut reperit; aufert *dextrum armum*. *GALL. l'epaule droite. GERM. der förder rechten schenckel*. Unà cum septem costis: in reliqua parte is, qui vulneravit, jus habet, sed non nisi intra 24. horas. Hodie, ex consuetudine plurium locorum; qui feram vulneravit ulque ad sanguinem, *das er schweiss* (ut venatorum more loquar) ut juris consequitur; ut possit eandem persequi, etiamsi in aliud territorium se contulerit, modò sine ulteriore scopeti explosione, sine inflatu corniculi venatorii, & sine incitatione canum, id fiat, prout *præjudiciis* comprobatur *Richter. part. 1. Decis. 16. junge l'itriar. lib. 3. cit §. 19. in not. lit. A.*

19. De *apiibus* consequenter hinc *queri* potest, an fiant capientis? *Resp.* Cùm *Imperator* ex veterum etiam Gentilium Philosophorum judicio, apes referat in classem volucrum, quæ *feræ nature* sunt; non dubitavit eas attribuire occupanti: occupante autem tunc demum censentur, cùm alveo inclusæ sunt. §. *Apium*. 14. *Instit. de rev. divis. &c.* & *l. 5. §. 4. ff. de A. R. D.* Unde; si examen apum ex alveo avolaverit, in eadem causa erit, in qua fera bestia, quæ custodiam evasit capientis; ita ut fiat alterius capientis, licet quis in alieno fundo, & ex aliena arbore, apes exemerit. Poterit equidem, ut supra insinuat, volens ingredi fundum tuum, à te prohiberi, ne ingrediat; & si nihilominus ingressus, incluserit apes (quarum dominus sit) *actione injuriarum* à te conveniri poterit. Interim examen apum, quod ex alveari tuo avolvit, tamdiu manet tuum, donec in conspectu tuo est, nec difficilis redditur ejus *perse-*

persecutio. Atque hæc procedunt de apibus *Sylvestribus*; nam in iis, quæ *cicures* factæ sunt, de quibus loquitur *textus* in l. 8. ff. *Famil. hercis.* atque ex consuetudine & diuturna assuetudine, avolare & revolare solent; idem juris passim est; quod in aliis animalibus *cicuratis*. Confer *Wesembec. ad tit. Instit. De rer. divis. &c. n. 3.* Quid jure *Ausfrisco*, circa apes, dispositum; reperies, *In die Satz und Ordnung. De juribus incorporealis. tit. 9. §. 7. & seq.*

20. Parilis Quæstio agitari potest de *Pavonibus & Columbis*, cui cedant, si capiantur? *Resp.* Tametsi hæc animalia *feræ naturæ* dicantur in §. 15. *Instit. tit. cit.* (feræ namque naturæ, omne dicitur animal, quod Pastoribus custodiri nequit) nihilominus, quia avolare & revolare ex assuetudine solent, & *cicuratis* animalibus, eam ob causam, accensentur; eò usque *nostra* intelliguntur, donec animum revertendi habent; adeò, ut intercepta ab aliquo, aut à revertendi consuetudine, per inescationes, artes, aut fraudes, averfa, vindicari à nobis possint, quin &, in intercipientem *dolosum*, detur *actio furti*, perinde, ac si animal *Mansuetum* abstulisset; testibus & autoribus *Bachovio & Hoppio, ad cit. §. 15.* Quandonam verò hujusmodi volucres consuetudinem redeundi deposuisse censentur; certà regulà definiri non potest; adeoque prudentis judicis arbitratui id relinquendum. Putant tamen *Schneidewinus, ad cit. §. 15. n. 4. Frantz, ad eundem tit. p. 2. §. 3. n. 17.* hujusmodi volucrum, si duabus vel tribus vicibus consequenter, horis consuetis non revertatur; animum revertendi exuisse, eò quod binus vel trinus actus, consuetudinem catenus inducat, Porro; an columbaria sint licita? aliquando disputatum fuit. Quidam cum *Paludano in 4. Dist. 15. q. 2.* ea censuerunt esse illicita

ta, & dominos columbarum obnoxios fecerunt restitutioni damnorum, quæ columbæ tempore messis præsertim, aliis inferunt. Hæc sententia, saltem in foro conscientiæ, vera est de columbariis & dominis; qui lucri gratiâ in maxima copia columbas tenent, nec eas domi alunt, sed ex alienis granis foris sustentant. E quidem, nisi alicubi existeret specialis lex prohibens; in foro fori columbaria non censentur prohibita, eò quod damnum illud quod præterduntur, vel sit nullum, vel adeò exiguum, ut pro nihilo reputetur. Dein; si columbaria usu sint recepta, videtur populus in damnum illud (Si quod sit) consensisse. Alicubi tamen circa usum columbariorum, variæ conditiones statutæ sunt, & pro Belgio videri potest codex *Belgicus. Verb. Jacbt. §. 40. & 41.*

21. Subnecti potest Quæstio de animalibus *naturæ mansuetis*, seu *domesticis*, cui capta cedant? *Resp.* De iis, jure naturali & gentium, hæc obtinet regula: quod ea nostra manere intelligantur, quocunque loco sint, licet conspectum nostrum effugerint. Unde Prudenter dixit *Imperator, in §. 16. Instit. tit. cit. ut si anseres tui, aut gallinæ tuæ, aliquo modo turbati turbatæve evolaverint, licet conspectum tuum effugerint, quocunque tandem loco sint; tui, tuæve esse, intelligantur.* Proinde, si quis lucrandi animo, hujusmodi animal furripiat, detineatve, *furtum* perpetrat, eò quod furtum, ut cum Theologis, sanctiores *7 Cti* tradunt; etiam in re minima, ob malam accipientis intentionem, committatur, haud obstante; quod *actio doli* non detur ob rem minimam. l. 10. & 11. ff. *De dolo.* Siquidem de jure civili, *actio furti* reputatur *ordinaria*, adeoque facilius indulgetur, *actio* verò de *dolo*, *extraordinaria*. Quodcumque ergo juris est in vindicatione rei nostræ

stræ corporalis, id etiam juris est in recuperandis animalibus manifestis. Si

22. PETAS: Cur apes, columbæ & pavones, *feræ* dicantur *maiores*, gallinæ autem & anseres, animalia dicantur *domestica*? RESP. Quia ex regula Physicorum, animalia illa sunt *domestica*, quibus alia ejusdem speciei opposita, sunt *feræ*. Jam verò, ut rectè *Justinianus* in §. 16. *Instit. tit. cit.* ait: *Aliæ quoque gallinæ sunt, quæ feræ, alii anseres, quos feros vocamus.* Cæterum, *¶* Cui pro feris passim illa habent animalia, quæ facillimè avolant aut aufugiunt, ut testatur *Perez* ad eundem *titulum instit.*

23. Altera occupationis species, quæ est modus acquirendi *Originarius*, est *inventio*, quæ versatur circa res *inanimatas*, quæ *nullius* sunt, & habet pro objecto suo, vel res quæ *nullius* unquam fuerunt, vel res, quæ fuerunt quidem alicujus, sed jam esse desierunt. *Illius* generis est inventio lapillorum, Gemmarum, & aliarum rerum, quæ in litore maris reperiuntur. §. 18. *Instit. De rerum divis.* &c. Hujus generis est inventio thesauri & rerum derelictarum. Vide *D. Thomam*

2. 2. q. 66. art. 5. & ibi *Sylvium. concl.* 1. & 2. Nam quo modo *feræ*, eodem & alia *adepota*, id est res hero carentes, *jure naturali*, invenienti & occupanti cedunt. Ex quo tamen perperam colligeretur, quod legibus aut moribus, aliud constitui non posset. Sic, ut refert *Grotius loc. cit.* §. 7. *Plato* super re inventa, Magistratus indicium fieri, voluit, & oraculum consuli: & *Apollonius* thesaurum, *quasi Dei beneficium*, ei adjudicabat, *qui ipsi optimum videbatur*; item apud Hebræos receptum, ut *domino agri*, thesaurus cederet, quod colligi posse videtur ex parabola *Christi Matth.* 13. Cæterum, Romanorum Imperatorum leges, valde hac in parte variarunt, ut ex *Tacito lib.* 16.

A Hochkirchen, Ethic. Christ. Pars II.

Annalium cap. 1. & *Philostrato* de vita *Attici*, demonstrat *Grotius loc. cit.* Germaniæ populi thesauros, uti & alia *adepota* addixerunt Principi, atque id (prosequitur *Grotius*) nunc *jus commune est, & quasi gentium*. Nam & in *Germania*, & *Gallia*, & *Anglia*, & *Hispania* & in *Dania*, id observatur. Cur autem id injuriæ accusari non possit, aut non videatur injustum; ratio est; quia potest *lex* horum dominium, ante occupationem, transkulisse in Principem, aut: ut clariùs loquar, potuit *lex*, sive *jussus* populi vel summi Principis, ita universaliter affectisse res ditionis suæ, ut eæ occultæ & fortuito detegendæ, non cedant privatis, sed populo, vel respectivè summo Principi. Vide *Sylvium loc. cit.* Falluntur ergò, qui Thesauros aut mineralia; puta: auri, argenti, cupri, ferri alteriusve metalli fodinas, in fundo privati detectas, privati juris esse arbitrantur, si lege aliter statutum fuerit. Sunt enim hæc juris naturalis, non *simpliciter*, sed *pro certo rerum statu*, id est, si aliter cautum non sit. Quid circa salinas, & omnis generis metalli pretiosioris fodinas, in Imperio Romano-Germanico per *Auream bullam Caroli IV.* & alios Imperii *Recessus*, statutum sit; tradunt *Limneus* ad *A. B. c.* 9. §. 1. *Frideric. Horn. lib.* 2. *De Civit. cap.* 3. n. 1. *Dn. Seckendorff, Im Teutschen Fürstenthum. p.* 3. cap. 3. n. 1. Quinimò olim Germaniæ populi, cum Principibus & Regibus bona quedam essent assignanda, unde dignitatem suam sustinerent, sapienter existimârunt, ab iis rebus incipiendum, quæ sine damno cujusquam tribui possent, cujusmodi sunt res omnes quæ in dominium nullius privati pervenerunt. Unde *Theoderichus Gothorum Rex*, apud *Affodorum, lib.* 4. cap. 34. dixisse fertur: quòd non sit cupiditas eripere, quæ nullus dominus ingemiscat se amisse,

N

ffist,

fisse, & idem Rex, Fisco suo, sic mandasse dicitur: Depositiones quoque pecunie, que longè vetustate competentes dominos amiserunt, inquisitione tuâ, nostris applicentur erariis, ut quia sua cunctos possidere patimur, aliena nobis debeant libenter offerre: sine damno siquidem inventa perdis, qui propria non amittit. Ratio eadem est, quæ mox adducta; quia, ut fatetur Covarruvias. in cap. Peccatum. part. 2. §. 2. potuit lex etiam ante occupationem harum rerum dominium transferre, cum ad dominium producendum, lex sola sufficiat. Quid jure communi Justinianæo, circa Thesauri inventionem, dispositum sit; infra dicemus.

24. Redeundo ad lapillos, gemmas, corallia, & cætera, quæ in littore maris reperiuntur, indubium est; quod præsciendū à legis vel Principis prohibitione, talia jure naturali permissivo, statim inventoris fiant, cum sint nullius, & ejusdem conditionis cum ipso mari: modo reipsa occupentur & apprehendantur. Inventio enim fit, non oculis, quidquid dicant: Bachovius ad Treutl. vol. 11. Disp. 20. Thef. 2. lit. A. Schambog, ad §. Item lapilli. 18. Instit. de acq. rer. dom. & aliis, sed manus; sive: non visione, sed apprehensione. Confer latè D. Kees. ad §. 18. cit. Consonat Grotius. loc. cit. §. 6. Ubi dicit: quod possessionis initium, sit corporis ad corpus adjunctio, qualis circa res mobiles, maxime sit manibus prehendendo; circa res soli, pedibus; videlicet intrando, aut circumveundo. Scire enim ubi res sit? non est reperire.

25. Dictum: In littore maris Siquidem quæ in privatis locis, vel etiam in plateis aut viis publicis reperiuntur, inventor non cedunt, sed pristino domino per Pætconem inquirendo, reddenda sunt, aliquin furtum committitur. l. Falsus. §. Qui alienam. ff. De furt. Quia: quod

tuum non est, scire debes, ad alium spectare. l. fin. Cod. Unde vi. Cui autem bona depredita sint restituenda, si inquisitione diligenti factâ, verus dominus detegi non possit, etiam inter Theologos & Canonistas controvertitur. Plerique volunt, ea in pauperes eroganda, eò quod pium rationis dictamen jubere videatur, ut, si res vero domino restitui nequeat, tunc in illos erogetur, in quos præsumitur dominus velle erogari: atqui præsumendum est, quod dominus tali casu, velit rem erogari pro salute animæ suæ in pauperes, vel alias pias causas. Ergo. Ita Molina, Abbas, Covarruvias & Theologi communiter, quibus ad stipulatur Hoppius licet acatholicus ad §. fin. Instit. De rer. divis. &c. Contraria tamen sententia, quam post Lessium, Layman & alios, tuctur Paulus Metzger in Theol. Scholast. Tom. III. Traß. 11. disp. 27. art. 3. §. 2. n. 4. & seq. non nihil probabilis habet, eò quod inventio regulariter sit titulus idoneus ad consequendum dominium, nec ullo jure, saltem expressè jubeantur hujusmodi bona pauperibus consignari; adeoque non est planè improbable, quod inventa tali casu, inventor sibi retinere possit prout aliquoties diximus.

26. Nec in contrarium urget, quod Auth. Omnes peregrini. Cod. comm. de Success. statuatur; ut bona peregrini intestati decedentis, per manus Episcopi, aut hæredibus tradantur; aut: si hi reperibiles non sint, in pauperes erogentur. Id inquam non urget; nam mors peregrini, & defectus hæredum, non est iustus titulus occupandi bona, bene verò inventio ad hoc à jure approbata, Contra id, quod supra n. 24. in fine dictum; inventionem scil. non visu, sed corporali apprehensione, perfici.

27. OPPONES. Potest alteri tradi fundus per solam visionem. l. 1. §. pen ff. De ac-

acquir. vel amitt. possess. Ergo à fortiori sic acquiri poterit res, quæ nullius est. **RESP.** Verum quidem esse, quòd traditio, ad sui formam, non requirat de manu ad manum, rei translationem; cum etiam *per manum fidei*, res tradi possit; equidem indispensabiliter exigitur; ut alter, jus quod habet, transferat voluntate suâ in alterum: jam verò, ut rei communis, quæ nullius fuit, acquiratur dominium; debet aliquid intercedere, quo dominium quadantenus transferatur, seu acquiratur, nihil autem aliud hujusmodi esse potest, quàm *corporalis occupatio*. Ergò. Atque hoc, à fortiori, obinet in re, se *ab intrinseco* movente, v. g. ave aut fera visa; quia multa accidere possunt, quò minus quis ea capere possit.

28. De Thesaurò, ut supra insinuavimus n. 23. omnes conveniunt, quòd jure naturali *permissivo*, ubicunque repertus fuerit, cedat primo occupanti, quia verè res nullius est, ex Ratione; quia *Thesaurus*, ut dicitur in *l. unic. Cod. De Thesaur.* & *l. 31. §. 1. ff. De acquir. rer. domin. est vetus depositio pecunie* (vel alterius rei pretiosæ) *cujus non exstat memoria, ut jam dominum non habeat*. Quando enim, tam diu, aliquid delitescit, ut spes omnis evanuerit veniendi in notitiam domini; revertitur res ad statum & communionem quasi naturalem, adeoque nullius esse reputatur.

29. Si ad jus *positivum Justinianæum* reflectamus; refert: num Thesaurus in fundo proprio vel alieno reperitur? Si in fundo proprio, & mediis licitis, constitutum est in §. 36. *Instit. De rer. divis. &c.* & *l. unic. Cod. De Thesaur.* quòd totus cedat inventorì, *Fisco* verò vindicetur, si mediis illicitis detectus fuerit. *dict. l. unic.* Quòd, si in alieno fundo repertus fuerit, dimidium sibi acquirat inventor, pars altera cedit loci domino; intellige; si casu

fortuito, fuerit inventus: nam, si datà operà; totus domino fundi cedit & inventor jus suum amittit, ut coëreatur cupiditas alieno inhiantium, inhibeaturq; occasio subruendi loca occulta. Quòd, si magicis artibus, in fundo itidem alieno, inventus fuerit; dominus fundi dimidium habebit, cum ei non sit auferendum beneficium fortunæ propter delictum inventorìs. *dict. l. unic. Cod. De Thesaur.* **DIXI:** *In fundo alieno*. Quia, mediis illicitis, in proprio fundo inventus, totus cedit Fisco. Ubi nota cum *Lesko. De justit. & jure. lib. 2. cap. 5. dubitatione 3. n. 59.* quòd lex, quò ad restitutionem ab inventore respectivè faciendam Fisco aut Domino loci, sit *pœnalis*, adeoque non obliget ante sententiam judicis.

30. Ast, quid, si in loco sacro, aut religioso, inventus fuerit Thesaurus? **RESP.** *Divus Adrianus* naturalem æquitatem secutus, ei concessit, qui invenit casu fortuito, cujus sententiam §. *Thesaurus.*

39. *Instit. De rer. divis. &c. Justinianus* probat. Sed Divi Fratres, *Severus & Antoninus*, thesauri sic inventi partem, Fisco vindicari constituerunt; fortè ea ratione; quòd cura & defensio locorum Sacrorum, quæ Reipublicæ (hodie Episcopii) autoritate sunt constituta, principaliter ad Principem spectent. Confer *Berlichium part. 2. concl. 66. n. 15.* Intelligenda ergò est *D. Adriani* Constitutio, de locis religiosis privatis, quæ quisque sibi constituit *illatione mortui*: erant enim privata quædam & familiaria sepulchra, in quibus, quod quisque inveniebat, sibi vindicare poterat, tanquam in suo fundo repertum. *Perez ad dict. tit. instit.* Idem est de Thesaurò invento in loco *Sacro*, si ejusmodi locus sacer, intra septa privata, contineatur, & quasi ad nos pertineat. Quantumvis enim hujusmodi locus sit sacer, vel

religiosus; videtur tamen quodammodo ejus esse, in cuius fundo constitutus: ut mirum non sit, quod thesaurus, in hujusmodi hæreditariis sepulchris, vel locis sacris, repertus, inventori fuerit relictus; haud aliter, ac si quis hodie, in propria sua domestica Capella, thesaurum inveniret: quod secus est, si reperiatur in loco religioso *fiscali*, qualia erant, non modo sepulchra Caesarum, sed etiam privatorum, in loco publico constituta. Hac distinctione tollitur apparens antinomia, inter dictum § 30. & l. 3. ff. de jure fisci.

31. Quid igitur, si hodie thesaurus inveniretur in cœmeterio, vel Ecclesiâ? Resp. Dimidiam partem, Ecclesiæ ejusve Prælati, qui pro loci sacri domino habetur, fore adjudicandam. De nostris enim Cœmeteriis & Ecclesiis autoritate Episcopi erectis & consecratis, & Ecclesiasticæ jurisdictioni subjectis, non loquitur Imperator Justinianus; sed, prout olim erant loca civili potestati supposita. Confer Peregrinum. de jure fisci. l. 3. tit. 2. n. 7.

32. Thesaurus in loco publico, calu fortuito, inventus; pro dimidia parte, pertinet ad Fiscum, pro dimidia verò ad inventorem; datâ verò operâ repertus; totus cedit Principi, saltem post sententiam judicis, ut supra ex Lessio bene notatum.

33. Quò ad thesaurum in fundo proprio repertum, concordat jus Austriacum eum jure communi relato; at, si in fundo alieno inventus fuerit, sic statuit Die Neue Nieder Oesterreichische Satz und Ordnung. De juribus incorporalibus § 2. *Wan jemand an eines grund-bodem oder eigenthumb ungefihr, aus sondren glucksfall, einen Schatz gefunden, oder aber denselben mit vorwiss und willen des Grund-innhabers nachgegraben, soll solcher Schatz in drey theil getheilet werden; und der erste dem finder; andere der Grund-Obrigkeit; und der dritte dem Grund-Innhaber zugehören, Wan er aber auff fremden grund*

und boden, ohne einwilligung nach selbden Schatz gesucht und gegraben hat; ist ihm finderen darvon nichts; sondern die helfte der Grund-Obrigkeit, und die helfte dem Grund-Innhaber allein zuständig. Quod, si datâ operâ illicitâ, quis ejusmodi thesaurum repererit: Wan jemand mit zauberey einen Schatz zu eroben sich unterstünde, es geschee gleich auf seinen eigenen, oder frembden grunde; so ist dasjenige was er findet, unser Land-fürstlicher Cammer verfallen, und noch darzu die bestraffung wegen solcher verübter zauberey, dem Land-Gerichts-Herren absonderlich uberlassen. Ita Jus inferioris Austriæ loc. cit. § 3. Quæ tamen constitutio, quatenus pœnalis est, seu quatenus inventori in pœnam delicti, aufert thesaurum; non intrinsecus in conscientia, ante sententiam judicis, prout identidem notavimus. Porro, consuetudine Austriacâ, thesaurus in loco sacro vel religioso repertus, totus cedit Prælati illius loci, prout præjudicio firmat Finsterwald, lib. 3. Observat. 26. n. 2. & decusum refert, in causa Pauli Dunkel, und N. Prior und Convent Prediger-Ordens zu Wien.

34. Præcedenti affinis occurrit *Quæstio*, cujus fiat thesaurus in fundo Feudali vel Emphyteutico repertus? Resp. Pertinere ad inventorem Vasallum, vel Emphyteutam; & quidem in solidum. Ratio peremptoria est; quòd omne damnum, si fortè hiatu terræ, aut alio casu, aliqua pars terræ lædatur aut pereat; pertineat ad Vasallum vel Emphyteutam; adeoque & commodum ad eum pertinere debeat, ex regula: *Qui sentit onus, sentiat & commodum*. Quò facit; quòd Vasallus & Emphyteuta, utiles domini sint; ita, ut omne commodum ad eos pertineat, proinde & thesaurus. Aliud est de usufructuario; hic enim tantum percipere potest, quod est in fructu; in fructu autem thesaurus non est; quia, in fructu est: quod nascitur & renascitur: jam verò Vasallus vel Emphyteuta non capit thesaurum ut fructum,

etum, sed ut loci beneficium, tanquam dominus utilis. Confer *Zoësum* ad tit. ff. de acq. rer. domin. n. 27.

35. Quid tandem, si creditor in fundo sibi hypothecato, thesaurum invenerit? Resp. Is tanquam inventor, jure scilicet inventionis (juxta juris Civilis dispositionem, de qua *supra* n. 29.) mediam partem sibi retinet, alteram partem debitori traditurus. Etiam si autem postea debitum solutum fuerit, non ideo tamen tenebitur totum thesaurum debitori restituere, quia mediam partem, eo jure retinet, quo quisvis alius inventor, qui fortuito & absque malis artibus thesaurum reperit. Sic pariter maritus, pro dimidia parte, thesaurum retinet, quem in fundo dotali reperit, altera parte uxori, velut domine naturali tribuenda. *Zoëf. loc. cit. n. 22. & 29.* Hic incidenter *Quæri* posset, si emptor invenerit thesaurum in re vendita, an venditor habitus ratione thesauri, querulari possit se ultra dimidium fore læsum? Resp. *Negative.* Ratio: quia thesaurus à venditore non censetur possideri, nec in ejus fuisse potestate; adeoque ratione thesauri ab emptore inventi, non potest dici læsus in pretio. Franc. Aretinus in l. si quis cum aliter ff. de V. O. n. 8. Cagnol. in l. 2. Cod. de rescind. vendit. Andreas Fachinus lib. 2. *con- troverf. juris. cap. 20. pag. mibi 244.*

36. Res derelictas, jure naturali cedere primo occupanti, in confesso est apud omnes. Dicuntur autem res derelictæ in §. 46. *Instit. de rer. divis. &c.* quas dominus eo animo abiecit, ut intra numerum rerum suarum, deinceps non essent.

37. At verò, cum ex animo domini pendat quid pro derelicto habere velit; quâ ratione, mihi de illo constare poterit? Resp. cum *Grotio*, lib. 2. de J. B. & P. cap. 4. §. 3. Non quidem congruit naturæ humanæ, nudis animi actibus vim aut efficientiam juris tribuere, quia animus cog-

noscit non potest, nisi ex signis externis: attamen natura humanæ societatis, quæ vult, ut officiorum inter nos & rerum fiat commutatio, etiam non patitur, ut actibus animi sufficienter indicatis, nulla sit efficacia, ne alioquin nullum sit medium hujusmodi negotia expediendi inter homines. Signa autem externa, ex quibus de alterius animo constare possit, sunt: verba vel facta. De verbis domini rem suam abdicantis, res est expedita; dummodò non sint vaga, ambigua, obscura. *Factis* aliquid habetur pro derelicto, quod abjicitur aut deseritur, nisi ea sit circumstantia; ut temporis causa, requirendi aut repetendi animo, quid sit abjectum aut desertum. Unde, si

38. *Rog. s.* An apprehendens res, quæ suborta tempestate, levandæ & exonerandæ navis causâ, in mare projectæ fuerunt, earum velut derelictarum, acquirat dominium? Resp. *Negative*, per text. §. fin. *Instit. de rer. divis. &c.* Siquidem palam est, hujusmodi res non eo animo abjectas fuisse, quasi dominus eas habere noluerit, sed ideo duntaxat, ut evitaretur naufragium. Quamobrèm irrationabilis habetur consuetudo quorundam locorum, per quam res metu naufragii in mare projectæ, ipsis naufragis auferuntur, & domino aut fisco, vel etiam ipsis expiscatoribus attribuuntur. Nam afflictio non est addenda afflictio. l. 1. Cod. de naufrag. *Ausbeut. Navigia. Cod. de furt. Junge Constitutionem Caroli V. art. 218.* Proindeque merito in Camera Imperiali contra ejusmodi spoliantes & raptores, à præcepto inchoari solet, ac decernuntur mandata sine clausula. Vide *Gail. lib. 1. Obs. 18. Junge Struvium. Syntag. Exercit. 20. §. 30. Seldenum in mari clauso. Strachba. Traité de navigati n. 35. Mornac. in Observ. ad l. 9. ff. de lege Rhod. de jactu.* Qui omnes cum *Friderico Horn. de Croit, lib. 2. c. 3. §. ult. in fine.* Tale jus improbant, quod ubi viget, vocatur: *das strand recht.* Vide *Rhetium Instit. J. P. lib. 2. tit. 19. §. 4. pag. 413.*

40. In Gallia, ex *Ludovici XII.* & *Henrici III.* Constitutionibus, non nisi intra duos menses, dominis licet hujusmodi res seu naufragij ubique aut deperditas persequi: ex post autem, rerum extraharum tertia pars urnatoribus, tertia Admiralio, tertia Fisco aut dominis, quorum in finibus extractæ sunt, attribuitur. Quidquid sit de his singularibus statuis.

41. Certum est, quod res ex rheda currente decedentes, non fiant inventoris, sed earum dominium maneat penes priorem dominum. Quin & ejusmodi res inventæ solent & debent publicè aut voce Praeconis aut Concionatoris ex suggestu proclamari & domino compareri restitui; ita, ut inventor *menstrum*, id est inventionis præmium, aut mercedem, absolute & honestè petere nequeat, licet ultro oblatum acceptare queat. l. 43. §. 7. ff. de furt. Confer Georg. Engelbrechts ad ff. tit. de A. R. D. n. 10.

42. Dictum supra n. 37. Ex *verbis & factis* colligi animum domini rem suam derelinentis. Ubi sciscitari posses: an sub factis, etiam comprehendantur *non facta*? Resp. Moraliter, sub factis, venire & non facta, si nempe certæ circumstantiæ, non factum, pro facto haberi suadeant. Sic: qui sciens tacet, quando agitur de commodo ejus, videtur consentire: quando etiam agitur de ipsius præjudicio vel obligatione, tunc demum consentire videtur, si actum impedire potuit, & non fecit. Ita *Grotius lib. 2. de J. B. & P. cap. 4. §. 5. n. 1.* & ejus interpretes ibidem nempe *Zieglerus, Vittrarius* & alii. Quia tamen multis serupulis exposita manet communis ista resolutio; ideo lubet illa hic repetere, quæ olim ad *Regulam 43. Juris in 6. Qui tacet consentire videtur.* Scripsi in *Moravia.*

Sciendum igitur est, in dubio, siue agatur de amittendo rei suæ dominio, siue de quærendo compendio, siue de utilibus, siue præjudicialibus, & tandem, siue agatur de

actu, cujus valor per contradictionem impediri possit, vel non; illum, qui tacet, consentire videri, *dummodo legitima in contrarium non detur conjectura.* Ratio est, quia in dubio, non est facile supponenda conjectura impediens facultatem contradicendi, quia facillimum est unicuique, contradicendo ostendere displicentiam & contrariam suam voluntatem, præcipue, cum nobis naturâ infirmum sit contradicere illis, quæ fieri nolumus, nisi alias impediamur, quod addo; quia sæpe circumstantiæ graves, v. g. metus, concurrere possunt, quò minus quis dissensum manifestare possit. Unde præsumptio consensus, ex taciturnitate cessat, si in contrarium deret legitima fortiorque conjectura. *Argumentò, cap. litterar. 14. & cap. licet causam. De probationib.*

43. Nec obstat l. Si filius fam. 18. ff. Ad Macedon. Ubi textus probat: parrem præsentem ac tacentem, non præsumi consentire in debitum à filio contractum, nisi insuper litteras, in quibus agitur de eo obligando, recipiat absque ulla protestatione contrariæ voluntatis. Nam, licet, dum factum recipientis litteras, cum taciturnitate insimul concurrat, à fortiori præsumatur consensus; nihilominus hujusmodi præsumptio potissimum resultat ex taciturnitate illius, qui, eum posset, non contradixit, ut patet in audiente nuntium & tacente, qui absque ullo facto interveniente, præsumitur consentire.

44. Dicitur: 1^{mo}. Præfens & tacens, stipulanti non obligatur, neque consentire videtur. l. 1. in princip. ff. de Verb. Obligat. 2^{do}. Qui baptizatur, atque loqui potest, non censetur consentire, si taceat ad interrogata. *Can. cum pro parvulis. De consecrat. dist. 4. 3^{io}.* Si præfenti & tacenti res sua furto auferatur, tantum abest, ut consensisse videatur, ut etiam *furti actionem* consequatur, petinde atque si eo invito, res foret sublata. l. penult. ff. de furtis. Ergo fallit, quod tacitur-

citurnitas inducat præsumptionem consensûs. Ad primum. RESP. Quod verba sint de forma *stipulationis*, adeoque mirum non sit, quod ibi taciturnitas nihil operetur, ubi lex verba requirit. Ad secundum RESP. eodem modo, rem se habere in Baptismo adulterum: lex enim & inibi requirit expressa verba, ut constare possit de indubitata mente ejus, qui baptizatur, ne sub prætextu *Christianismi*, Judaicus vel Gentilitius animus in homine latitaret. Quô facit, quod in Baptismo, ubi sit prima fidei confessio; Deum non solum corde & opere, sed & ore confiteri oporteat. Ad tertium RESP. Hoc ideo esse, quia in tali casu, legitima in contrarium datur conjectura, nemo enim censetur violento raptori velle donare res suas. Adde: quod & hoc, odio furum receptum sit, qui, quod tacuerit dominus, regerere, & sic propriam turpitudinem allegare non possunt.

45. Igitur, quanquam facilius consensisse præsumatur *tacens*, quando non agitur de amittendo rei suæ dominio, vel ejus præjudicio, & contra, tacens videatur dissensisse, aut saltem non *positivè* consensisse, si de amittendo rei propriæ dominio, ejusve damno vel gravamine subeundo, tractatur, eò quod in dubio, nemo præsumendus sit ita supinus, ut res suas, quas multis fortè laboribus comparavit, levi brachio velit profunderè; nihilominus ista distinctio non stabilit regulam perpetuam, quam exinde deducit *Glossa ult. in cap. Nonne De præsumpt.* Siquidem, in *l. Si servus communis. 39. sub finem. ff. de donat. inter virum &c.* ex præsentia & taciturnitate, inducitur donatio, pro parte domini, quod dominus habebat in servo. Similiter: in *can. Si servus, dist. 54.* Agitur de dominio servi amittendo, & tamen *tacens* habetur pro consentiente.

46. quamobrem, alii, qui rem limatiùs pendisse putarunt; exploso intellectu istius *Glossæ*, distinxerunt inter actus, quos

tacens poterat contradicendo impedire, & inter illos, qui eo invito & contradicente, validè celebrantur, ut in prioribus, tacens consentire præsumatur, & ita procedat regula: *Qui tacet consentire videtur.* Secus verò in posterioribus. Sed contra est: quia hæc, ut ut communis sententia, non omni ex parte satisfaciit, & plures patitur *infractas*: siquidem, pignoris constitutio, est de illis actibus, quos dominus præsens, poterat contradicendo impedire, quia in re aliena, absque domini consensu, non valet pignoris constitutio. *l. Aliena res. ff. De pignorat. Act. l. Quæ prædium. Cod. Si aliena res pignori &c.* Et tamen, si dominus præsens sit & taceat; non præsumitur consentire, nisi aliud indicium concurrat. Contra verò, rei pignori obligatæ venditio, sicut & venditio rei alienæ, est actus, qui creditore vel domino invito, de rigore juris civilis, valet. *l. Rem alienam 28. ff. De contrab. empt. & tamen si venditio fiat præsentente creditore tacente, consentire præsumitur in liberationem pignoris, cum jus pignoris remisisse censetur. l. 2. Cod. de remiss. pignor. l. Si debitor. 4. §. 1. ff. Quibus mod. pign. &c.* Tamen igitur allata distinctio, an videlicet *tacens* possit contradicendo actum impedire vel non, alicujus sit considerationis; non tamen *per se* sufficit ad fundandam regulam perpetuam, ut tacens semper consentire, vel dissentire præsumatur. Sed semper, & præprimis considerandum est, utrum ex præsentia & taciturnitatis, totiusque rei gestæ circumstantiis, legitima & rationabilis non detur in contrarium conjectura. Prout præclare observavit *Petrus Peckius ad cit. Regul. 43. jur. in 6.*

47. Si nunc ad argumentum nostri propositi revertendo, PETAS: quænam requirantur in silentio, ut valeat ad præsumendam derelictionem? RESP. Hæc duo. 1. Ut sit silentium *scientis*; nam, silentium *nescientis*

entis jure naturæ, caret effectu. 2. Ut sit liberè volentis: si enim alia causa appareat, cessat conjectura consensus.

48. Ex antecedentibus, concomitantibus & subsequentibus circumstantiis rei gestæ, colligi potest, num quis *filendo* consensisse præsumendus sit. Quinimò, verosimilis conjectura scientiæ & voluntatis, ex solo temporis lapsu, colligi potest. In primis enim rarissime continget, ut multo tempore res ad aliquem pertineat, non aliquà viâ ad ejus notitiam perveniat, cum multas ejus occasiones subministraret tempus, ut ait *Grotius loc. cit. cap. 4. §. 6.* Deinde, licet metus semel incussus (ob quem quistacuerit) aliquantisper durare credatur; non tamen continuè, nec perpetuò; cum tempus longum, multas occasiones adversus metum, sibi consulendi, *per se vel per alios* suppeditet, etiam exundo fines ejus, qui metuitur, saltem, ut *protestatio de jure* fiat, aut quod potius est & securius; ad *judices & arbitros* provocetur, sicut multoties à metum passis, & vi majore oppressis, factitatum scimus.

49. An autem ad fundandam derelictionis conjecturam, tantum temporis requiratur *inter præsentem*, quantum *inter absentes*; ideo Quæri potest: quia interpretes ad §. 12. *Instit. De jur. nat. Gent. & Civili.* saltem istum in finem, requirunt *decennium*, in rebus immobilibus, inter præsentem, & duos actus in contrarium gestos, nempe contra illum, qui istius rei olim fuit dominus. Ubi etiam minoris temporis lapsus sufficere ajunt: si complures actus in *judicio contradictorio* obtenti, intervenerint. Inter absentes *verò viginti annorum decursus*, ad præscribendum res immobiles, statuunt. *RESP.* Etiam sepositâ lege civili, de qua memoratum, *inter præsentem*, minus temporis spatium ad derelictionis conjectu-

ram sufficit, quàm *inter absentes*, utpote, qui *minus* rebus & juribus suis invigilare possunt, quàm *præsentem*. In omnibus autem *tempus memoriam hominum excedens*, cujus nempe nemo viventium recordatur, & quod quasi *moraliter infinitum est*, ad rei derelictionis conjecturam, semper sufficere videtur. *Grot. loc. cit. §. 7.* Junge *Reinking. lib. 1. class. §. cap. 11. n. §.* Nisi validissimæ sint in contrarium rationes, ut: si quis propter impotentiam, jus suum sibi vindicare non valens, protestatione factâ palam, illud conservaverit. Si

50. PETAS: Quot anni, faciant tempus memoriam hominum excedens? *RESP.* Quanquàm centum anni non longè abeant à tempore memoriam excedente; quia paucissimi, vitæ suæ metam longius producant: equidem; ut post *Baldum, Covarruviam & Grotium* bene observat *Reinking. dist. lib. 1. class. §. cap. 11. n. 40.* Tempus memoriam excedens, non est planè idem cum centenariò, propter interventum famæ & auditionis à parentibus & avis. Vide *Eruditissimum sabrum in consilio pro ducatu Montis-ferratensi.* Saltem monumenta *scripta*, hac in parte, non videntur attendi debere, nisi forte sint *publica & cum solemnitate, ad perpetuam rei memoriam* consignata; quia alioquin nullum esset tempus memoriam excedens, ut notat *Bæclerus ad Grotium loc. cit. pag. Mibi 119.*

51. DICES. Homines se suâque amantes, non præsumuntur *quod suum est*, jactare, ultrò projicere, ac per lasciviam alienare. Ergo actus *negativi*, seu *sola patientia*, per quam sinunt alium rebus suis frui, non sufficit etiam cum longo temporis spatio, ad rationabilem conjecturam præsumptæ derelictionis. *RESP.* Quia homines se suâque tantopere amare solent; ideo minus credibile esse, quòd quis longiore tempore, nullam planè de

re sua recuperanda vel retinenda, ediderit significationem. Quinimo, ut pro more suo, temperatè loquitur Grotius, Cogitare debemus, bene sperandum de hominibus, ac propterea non putandum, eos hoc esse animo, ut rei caducæ causâ, hominem alterum velint in perpetuo peccato versari, quod fieret, si retinerent animo dominium rei, quam tamen penes alium esse, & ab alio tractari, teneri & proprietatis opinione usurpari, sciunt, ac sine reclamacione, patiuntur. Intercurrentibus itaque actibus negativis, seu, si quis longotempore nihil faciat circa rem suam ab alio possessam, præsumpta derelictio facit, ut possidens, eam usufruiat, seu præscribat. De præscriptione videantur Civilistæ suis locis. Neque hic agere volumus de acquisitione originaria juris in personas, puta: liberorum, subditorum, & servorum; quia hanc materiam satis discussimus supra cap. 2. Sed nec de occupatione bellica, hoc loco differere placet, quia infra cap. 8. sigillatim hac de re agemus.

§ 2. Alterum, supra n. 1. originarium acquirendi modum, diximus esse accessionem, quæ non semper est merè naturalis, quæ videlicet solâ naturæ operatione perficitur, sed & aliquando est artificialis, vel mixta. Artificialis, est modus, quo, mediante solo artificio hominis, dominium alicujus rei acquiritur. Mixta, est modus acquirendi, partim adminiculante naturâ, partim concurrente hominis industriâ.

§ 3. Accessio naturalis, alia est continua, alia discreta. Species accessionis naturalis continuæ, à Jurisperitis quatuor assignantur, videlicet: Alluvio, accretio, insule productio, & alveï derelictio.

§ 4. Alluvio, das Zufluss-recht. vel: Zuwachs-gerechtigkeit. est modus acquirendi dominium terræ, latenter, beneficio fluminis, adjectæ. §. 20. Inst. De rerum divisione & acquir. &c. Ubi alluvio A. Hochkirchen, Ethic. Christi. Pars II.

dicitur incrementum latens, eò quòd ita paulatim prædio nostro impetu fluminis adjiciatur; ut intelligi non possit, quantum, quoquo temporis momento, adjiciatur. Cur hoc modo, dominium terræ adjectæ acquiritur? Ratio est: tum quia accessorium sequitur suum principale, & pars sequitur naturam totius; ita, ut cuius est totum, illius sit & pars, quæ toti, seu principali latenter accedit: tum, quia nescitur, quibus sint detracta, quæ alluvione accreverunt, ut dominis restitui nequeant: tum denique, quia ista res, quam aqua vehit; censetur esse communis, ut meritò is fiat dominus, cujus prædio adjicitur. Manzius apud Perill. D. Kees, ad dist. §. 20. Optima ratio mihi videtur ista: quòd illi, qui circa flumen prædia possident, gravissima sæpè patiantur damna, dum unda, repaci dente, sensim terræ partem abradit, & fundo alieno adjicit; adeoque æquum sit, ut periculum damni, spe lucri compensetur, & decrementum hoc, incremento alluvionis rependatur. Aliter quidem, contra torrentem doctorum, sentit Grotius lib. 2. De J. B. & P. cap. 8. §. 16. sed rationem ejus non invenio fundatam. Unde, cum aliunde hujusmodi incrementa fluvialia redditibus publicis parum momenti adferant, constitutum est, ut concedantur iis, quorum fundis accedunt; ita tamen, ut ex propria cujusque civitatis utilitate & necessitate, privatis iterum denegari, & publico tribui possint, planè, prout devotione, & Thesauri inventionem, dici solet. Confer Puffendorff. lib. 4. c. 7. §. 8. & seqq.

§ 5. Cæterum; alluvio in agris illimitatis, non in limitatis, & autoritate publicâ signatis, locum habet. Nam in limitatis, quod adjicitur à flumine, publici juris esse censetur. l. 16. ff. De acq. rer. dom. puta: si flumen sit publicum, aut

ad populum spectet. *Ratio* est; quia agri *limitati* certa mensurâ constant, adeoque intelligi potest, quantum iis fuerit adjectum.

§6. Porro agri dicuntur *illimitati*, qui nullum alium habent finem, quàm flumen, qui verb alium finem habent, quàm flumen, seu, qui se non extendunt uique ad flumen, vel etiam mensurâ comprehensi sunt; *limitati* audiunt. Tales in dubio præsumuntur agri privatorum, quia hoc privatarum possessionum natura est congruentius, sicut contra in dubio, Imperia ad flumen usq; credenda sunt *illimitata*; quia id territorii naturæ maximè convenit, ad arcendos hostes: nam flumina & alii termini naturales, ut: montes, non ita faciliè transiri possunt. Confer *Grotium*, lib. 2. de J. & P. cap. 13. § 17. n. 8. cap. 8. §. 12. n. 1. Ubi dicit Imperia, in dubio, credenda esse *arcifinia*. Id est; definire penes fluvium, montem &c. Nam ager *arcifinius* est, qui non habet alios terminos, quàm montem vel fluvium, vel sylvam, aut solitudinem, ut notant vocabulæ ex *Varrone*.

§7. Quod, si tamen Princeps aut populus, ex jure, quo ipse occupaverat; alteri privato agrum assignaverit usque ad flumen, privato quoque competet jus *alluvionis* quod, teste *Grotio*, dict. §. 12. n. 2. in *Hollandia*, ante aliquot sæcula, ita judicatum est de agris, ad *Mosam* & *Isalam* sitis, quia nempe in litteris *mancipationum*: in *den Phacht-briefsen*, & in libris *consualibus*. in *den Lands-Zins-Bücheren*, semper dicti erant ad flumen pertingere. Et tales agri, si vendantur, quamvis in contractu emptionis, mensura aliqua nominata fuerit; dummodò tamen vendantur, non ad mensuram, sed suo corporis nomine, naturam, suam & jus *alluvionis* retinent, quod Romanis quoque legibus proditum est: l. 13. §. 4. ff. de action. empt. & vend. & passim usurpat.

§8. Quid, si impetus fluminis notabilem terræ partem alterius agro adjecerit? Resp. Palàm est, illam pristini domini manere;

ex *ratione*; quòd hujusmodi pars notabilis, ut ut ad alterius agrum delata, separata maneat, aut saltem visibiliter discerni possit. Unde pristinus dominus illam vindicare potest, dummodò caveat vicino, de damno infecto. l. 9. §. 2. ff. de damno infecto. Excipit, nisi longiori tempore fundo vicini adhæserit, arborisque, quas secum traxit, in eum fundum radices egerint: ex eo enim tempore, videntur coalitæ & acquisitæ fundo, à quo etiam aluntur: èltque, quod sibi, suæque negligentia impuret dominus, quòd tam diutacuerit, nec partem agri sui vindicaverit. text. in §. Quod si. Infit. de rer. divis. &c. & l. 5. §. 3. ff. de R. V. Itaque arbor tua, quæ impetu fluminis appulla, & in fundum meum translata, cum terra coaluit, mea sit, ita ut postea etiam eruta, non revertatur ad te, tanquam meò terræ alimentò, alia facta. §. 31. Infit. tit. cit. l. 26. §. arbor: ff. de A. R. D.

§9. Dicitis: Habeo pro arbore ita translata & eruta, rei vindicationem l. 5. ff. de R. V. ergo dicta non subsistunt. Resp. Pro arbore sic translata & eruta, competere rei vindicationem, si malà fide, factòque vicini, translata fuerit: secus, si abique factò hominis, impetu fluminis, abrepta fuerit. Hæc de accretione.

60. *Insule productio* est modus acquirendi dominium insulæ in flumine natæ, ratione prædii nostri vicini. §. 22. Infit. de rer. divo: &c. & l. 7. §. 3. ff. de A. R. D.

61. Insula autem, est terra, seu locus undique aquâ circumdatus: cuiusmodi sunt: *Sicilia*, *Sardinia*, *Hibernia* &c. Ad differentiam pen-Insulæ. *Gallicæ*, *Preju' Isle*. *Germ. balbe Insul*. Quæ est locus ex magna parte undis circumvallatus, sed non ex toto. Hujusmodi locum, veteres vocabant *Chersonesum*. In Europa, teste familiari amico meo pie mem: *Carolo Ludovico de Launay*, Excellentissimi D. Comitis de *Caunitz-Rittberg*, in Tractatu seu Congressu *Pacificationis Aquensis, Austriacæ Legationis Secretarii*

part. 2. Operis, cui titulus: *Getreu und gründtlich unterweisende Höffmeyster*, pag. m. 3. Præcipue dantur quatuor; videlicet *Jutlandia*, seu *Cberfonesus Cimbrica* in Germania, *Morea*, seu *Peloponesus* in Græcia; *Cberfonesus Thracica*, intra Archipelagum & *Hellefpontum*; & *Cberfonesus Taurica*, vulgò: *die precopenfische Tartarey*.

62. *Insula*, alia est *naturalis*, quæ videlicet semper exitit, ut *Insula Corfica*, *Sicilia* &c. alia *causalis* sive *accidentalis*, quæ sæpe & frequenter in flumine, in Mari verò, ob nimiam profunditatem & vehementiorem aquarum motum, perrare nascitur. *Hæc* occupanti per se loquendo cedit, si quidem hujusmodi *Insula*, pars Maris censetur: adeoque, sicut Mare & littora ejus, jure naturali permissivo, nullius sunt, & occupanti cedunt; ita quoque *Insula* maritima. De *Insula* in flumine publico nata, jure Civili statutum est; ut in medio fluminis nata, eorum fiat, qui ab utroque latere fluminis, prope ripam, vicina prædia possident, pro modo scilicet latitudinis, id est frontis, seu longitudinis aquam versus. Quod, si *Insula* alteri prædio sit proximior, & non in medio fluminis nata; visum fuit, eorum fieri tantum, qui ex ea parte propè ripam, prædia viciniora possident, idque ex hac ratione; quod de ipsorum agris seu ripis, *Insula* illa decrepta censetur. *Argum.* §. 22. *Instit. de rer. divij. &c.* & l. 2. §. 3. ff. de A. R. D. Confer *Struv. Jurispru. Romano-German. lib. 2. tit. 1. Apborismo 35 pag. m. 67.* ubi ait, etiamnum ferè jus Civile observari in Germania. Refert tamen *Vitriarius*, in suis *Instit. Jur. publici Romano-Germanici. lib. 3 tit. 18 §. 38.* quod, cum de *Insula* in flumine nata, in Camera Imperiali, disputatum fuisset, an ad Dominum Territorii, an verò ad eos, qui propè ripam prædia possiderent, pertinere deberet à Cameralibus, pro Domino pronuntiatum sit, testibus *Gylman* & *Symph. 2. vol. 2. & Nöe Meurer. Vom Wasser-recht p. 2 n. 8. De*

Insulis in Rheno & Rhodano natis, Vid. Klock: de Erario. lib. 2 cap. 63 n. 11 & 14.

63. Si flumen se dividat & agrum cingat quod (*circumluvio* vocatur) fiet quidem *Insula*; manebit tamen ejus, cujus ante erat. Idem esto, si ager alicujus inundatus fuerit. *Ratio*: quia nec circumluvio nec inundatio, speciem agri mutat. *text. in §. 22. X. Quod si: Instit. tit. cit.* maxime; quia inundatio, exiguo tempore durare solet. Aliud foret, si inundatio perpetuò duraret; quia tunc forma agri immutata existeret. *Perez: ad cit. tit. Instit.*

64. *DICES.* Juxta l. pen. & fin. ff. de A. R. D. hujusmodi *Insula*, sit publica, ex ratione hac adjecta: *Quoniam, quod publico innatum aut inædifiatum, publicum esse debet.* *Risp.* Textum illum constringendum esse ad illam speciem *Insulæ*, quæ virgultis sustinetur, & mobilis atque fluviatis est; hæc enim exemplo ædificii in publico positi, conditionem subiecti sui sequitur: adeoque cum flumen publicum sit; ipsa quoque *Insula* fluctuans, publica censenda est. Ita respondet Doctores communiter, ut videre est apud *Gryphand: tract. de Insulis. cap. 10 n. 69.* Putat tamen *Ludw. Insulam*, etiam solo infixam & terræ innixam, loc. cit. dici publicam ratione usus omnibus patentis. Et ita quidem de jure communi *Justiniane.* Scimus enim aliud praticari, & usu receptum esse. Siquidem *Insulæ* non amplius privatis, sed Principi seu Superiori in Republica acquiruntur. Hujus enim, cum hodie flumen sit; per consequens etiam ea, quæ in flumine nascuntur, ejus erunt; prout de *Insulis Rheni*, testatur *Meurer: loc. cit. & im Jacht- und Forst-recht p. 5. pag. 102.* De *Insulis Albis*, quatenus transit Electoratum Saxonie, *Ziegler. in tract. de Jure Majest. lib. 2 cap. 15. §. 27* de *Insulis in Danubio ortis*, *Cblingenspurg. Collegio Instit. lib. 2 tit. 1 quest. 46.*

65. quid; si inter Principem, qui jure populi

populi utitur, & ejus vasallum, qui imperium *summo minus*, ut *Grotius* loquitur *cit. cap. 8. §. 15. n. 1.* acceperit, circa fluvialia incrementa lis oritur? *RESP.* Si quis vasallorum utique nobilium aut saltem spectabilium, *summo minus* à summo Principe, vel populi primoribus, obtinuerit imperium, quod videlicet importet facultatem creandi Magistratus oppidanos, animadvertendi in facinorosos, habendi carceris, &c. Talis inquam eo ipso, non censetur habere jus circa fluvialia incrementa, nisi insimul acceperit agrorum universitatem, sive jus quodammodo regium in universos fundos. Quo casu, dubium non est, quin vasallus idem jus consecutus sit, quod populi vel Principis fuit. Ac sic (inquit *Grotius*) videmus in *Zelandia*, vasallos etiam, qui de civilibus tantum, judices dant (criminalibus scilicet Principi vel Reipublicæ reservatis) pro tota agrorum universitate, tributum pendere, cujus partem à singulis, pro privatarum possessionum modo, ferunt, sive exigunt. Et his, de alluvionibus, non movetur controversia. Sunt (prosequitur ibidem *Grotius*) quibus flumen ipsum datum est, qui proinde Insulas, sive ex limo aggestas, sive factas ex alveo, quem amnis circumfluit, suas rectè dicunt. Sunt alii, in quorum investitura, nec hoc, nec illud, comprehendum est, & horum adversus *Fiscum* mala causa est [siquidem non poterunt probabili titulo hujusmodi incrementa sibi vindicare, neque impedire, quò minus ea *Fiscus* auferat; nisi aut mos regionis, illis faveat; aut longi fati serie temporis possessio, accedentibus, quæ oportet, jus pepererit. Quòd, si non *Imperium*, sed *ager* in Feudum datus sit; videndum, quæ sit agri natura? Nam is, si est *arcifinius*, alluvio feudo comprehensa censetur, non ex jure peculiari Principis, sed ex agri qua-

litate: nam & usufructuario, tali casu alluvio prodesse, per *l. 9. §. 4. ff. De usufructu*.

66. Titulo *accessionis naturalis*, alveus à flumine derelictus, id est: locus, lectus vel fossa, per quam aqua fluxit; illis acquiritur, qui prope ripam, proxima prædia possident; & quidem pro modo latitudinis cujusque agri vel fundi. §. *Quod si. 23. Instit. De rer. divis. Ec. & l. 7. §. 5. ff. De A. R. D. DIXI: à flumine derelictus: puta: in universum. Wan der Kluff einen anderen rinfall genohmen*, prout contigit in Rheno, prope *Rheinbergam*. *Ratio* est: quia alveus iste, ex eorum agris olim factus esse videtur. Cæterum, novus alveus, ejus sit juris, cujus est flumen, adeoque, cum flumen sit publicum, & alveus erit publicus. *Ratio*: quia alveus, utpote lectus, & quasi pars fluminis, conditionem ejus sequitur. Quòd si post aliquod tempus, ad priorem alveum reversum fuerit flumen; dubitatum quidem olim fuit, ut liquet ex textu in *l. 7. §. 5. cit.* an alveus postremo relictus ad pristinum dominum reverti deberet; resolutum tamen ab Imperatore fuit: quòd tali casu, non redeat ad priorem dominum, sed eorum esse incipiat, qui prope ripam, proxima prædia possident. *Æquitas* quidem postulare videtur, ut alveus hujusmodi, pristino fundi domino restitatur; at stricti juris ratio, nil priori domino, in novo alveo concedit. Nam, cum ager totus fuerit immutatus, & alius factus; ob mutatam formam, quæ dat esse rei, ager censetur interiisse. Nec contrarium evincit argumentum ab inundatione petitum. Inundatione enim (dummodò non sit perpetua) forma agri non mutatur, sicut effecto novo alveo, per fluminis cursum. *text. & Doctores ad §. 24. Instit. tit. cit.* Equidem, cum hodie flumina ferè ubique inter *Regalia* reputentur; alveus quoque

que derelictus eo referri, & Fiscalibus bonis annumerari solet, teste *Hoppio* ad *dist. §. 24.*

67. Publicistarum est quaestio; num mutato fluminis cursu, quo alias discriminabantur ditiones; territorium quoque immutetur? Rejuncta *Gronovii* incondita crisi, ex sententia *Grotii lib. 2. de J. B. & P. cap. 3. §. 16. & seq.* RESOLVO & RESP. sub distinctione: Vel enim flumen paulatim cursum mutavit, uni lateri aliquid terrae decerpendo, & alteri adjiciendo; vel uno impetu alium acquisivit alveum. Primo casu, si territorium ad flumen se extendat; mutato paulatim cursu fluminis, mutantur & fines integrales, seu materiales territorii, & quidquid alteri parti adjectum est, sub ejus est imperio, cui adjectum est: quia eo animo uterque populus imperium occupasse primitus creditur, ut flumen sui medietate discriminaret eos, tanquam naturalis terminus: siquidem imperiis distinguendis, nullus limes est aptior, quam qui non facile transiit; veluti flumina & montes. Secundo casu, res aliter se habet. Nam amnis etiam quatenus impetia determinat, non consideratur nudè, quòd aqua est; sed qua aqua, alveo tali fluens, ripisque talibus inclusa: proinde, si veteri alveo deserto, aliò irruperit; non idem erit formaliter fluvius, quantum scilicet ad determinandi rationem, qui fuit ante, secus, quam si latenter & paulatim cursum mutasset. Unde, sicut, si exaruisset flumen, imperii terminus, maneret medietas alvei, qui proximè fuisset; ita mutato alveo, idem observandum. Hæc enim mens populorum fuisse censenda est, ut fluminis interjectu, distinguari voluerint quidem imperia; ita tamen, ut, si flumen quacunque ratione subsistere desineret; tum quisque teneat, quod ante possedisset.

68. Quanquam verò imperia, in dubio, ad medietatem fluminis, vel alvei derelicti utrimque pertingant; fieri tamen potuit, & defacto contigit pluribi, ut flumen totum, uni parti acquisitum censeatur; quia scilicet occupato jam flumine, alter populus seriùs oppositam ripam suo imperio acquisiverit; aut: quia ita passionibus, res definita sit.

69. Hactenus de accessione naturali continua; jam de discreta; quæ est modus acquirendi dominium earum rerum, quæ ex re nostra descendunt. Talis modus est futura, & perceptio fructuum. Quidquid enim ex animalibus dominio nostro subiectis nascitur, nostrum est. §. 19. *Instit. De rer. divis. &c.*

70. Quòd, si pater, seu animal masculum, ad alium pertineat dominium, ad alium verò mater, seu animal foemineum; quæsitum & dubitatum olim fuit, ad quem factus pertineat? Decidum verò scimus jure Romanorum (vide l. 5. §. 2. ff. *De rei vindicat.*) quòd partus ventrem sequi debeat, ac proin dominus pecudis parientis, efficiatur & dominus animantis geniti. An autem id sit juris naturalis, extra casum, quo pater ignoratur, non immerito ambigit *Grotius lib. 2. de J. B. & P. cap. 8. §. 18.* cum, si de patre constet, nulla ratio asserri possit, cur partus, saltem ex parte, non debeat pertinere ad dominium patris; nam & patris partem esse, quod nascitur, certum est; quinimò, an partus plus de patre, quam matre habeat; inter Physicos disputatur. *Plutarchus* apud *Grotium* hac de re ita disserit: *Natura, sexuum corpora miscet, ut ita, de utroque, parte sumptis, confundat, & commune utrisque reddat, quod nascitur, ita, ut neuter possit, quid suum sit, quid alienum, discernere.* Moribus tamen receptum est, ut partus ei adjudicaretur, qui dominus est animalis parientis, licet pa-

pater certus sit. *Ratio* sic decidendi est: quòd pater leviter operà suà defungatur, ac proinde ipsius domino parum aut nihil decedat; mater autem, dum uterum gerit, ad alia ferè inutilis & sollicitè alenda sit. Ob hanc rationem, partus quidem domino animalis parientis tribuitur; eundem, quia naturaliter & originaliter partus ex semine animalis maculi prodiit; ideo æquum est, ut domino illius aliquid præstetur.

71. Differendo de *perceptione fructuum*; Notandum est, 1^{mo}. Quòd fructus generatim, vocetur omne emolumentum, quod ex re, vel occasione rei percipitur. 2^{do}. Quòd fructus alii sint *civiles*, alii *naturales*. *Civiles* sunt; qui non ex ipso rei corpore, sed occasione ejus percipiuntur. l. 121. *De Verb. signif.* cujusmodi sunt: *usuræ, annui redditus, canones, pensiones ædium &c.* *Naturales* sunt: qui ex ipso rei corpore proveniunt & percipiuntur. d. l. 121. Et hi iterum vel *naturales* sunt *in specie*, vel *mixti*, in quibus producendis & percipiendis, hominis industria cooperari debet. *Naturales in specie* dicuntur: qui absque notabili cura, aut cultura hominis, producuntur, sive: qui solius naturæ beneficio percipiuntur, operà humanà vel omnino nihil, aut saltem non nisi parum conferente: cujus generis sunt: *poma, pyra, nuges, glandes &c.* Item: *fatus animalium*, excepto partu ancillæ. Absurdum enim videbatur (inquit Imperator in §. 37. *Instit. De rer. divis. &c.*) hominem in fructu esse, cum omnes fructus, rerum natura, gratià hominis, comparaverit. *Mixti* sunt: qui, ut dictum, non suà sponte proveniunt; sed in quibus curà & notabili hominis industrià opus: cujusmodi sunt: *vinum, oleum, frumentum, legumina &c.* Hæc enim non proveniunt à natura, absque singulari hominis cultura & industria, ita, ut quadam-

tenus plus operari videatur industria, quàm natura, ut ideo sæpe vocitentur fructus *Industriales*. Utrique subdividuntur in *pendentes & perceptos*. Illi sunt; qui quidem jam nati, sed à rei corpore necdum sunt separati. *Hi*, qui à re vel corpore, unde proveniunt, sunt separati. l. 78. ff. *De R. V.* licet nondum in horreum delati. l. 13. ff. *Quib. mod. ususfruct. amit.*

72. Hic utiliter disquiri potest, an & quales fructus, possessor, tam *bonæ*, quàm *malæ fidei*, restituere cogatur? Ante resolutionem *Noveris*; possessorem bonæ fidei, illum dici, qui rem ab eo, quem dominum esse, aut saltem rei alienandæ potestatem habere credidit, legitimè & sine dolo, est consecutus l. 109. ff. *De V. S. Dixi: vel saltem &c.* Ad bonâ fide enim possidendum, sufficit, quòd quis acceperit rem ab illo, quem putabat esse v. g. *Mandatarium, Tutorem, Curatorem* alterius. Malæ fidei possessor est: qui scivit, rem non esse ejus, à quo accepit: sive; qui rei alienæ, aut injustæ possessionis, conscientiam habet. *Dixi: qui scivit*: In dubio enim quis bona fide præsumitur possidere. cap. 47. *De R. J. in 6.* cum quilibet præsumatur bonus donec probeatur malus. Hoc prænotato

73. Dico 1^{mo}. Fructus *adscitios* [quales sunt, quos res suapte indole non adfert, & ad quorum productionem, natura, ne partialiter, *tanquam mater* concurrat, sed ex speciali hominis solertia & industria percipiuntur: v. g. *usuræ*, item lucra omnia, quæ ex negotiatione aliqua, v. g. *vini, olei &c.* percipiuntur] fructus inquam *adscitios*, possessor, sive bonæ, sive malæ fidei, *irrevocabiliter* suos facit. Ita *Giesele Select. quest. p. 2. quest. 19. n. 9.* & post turbam aliorum, *Perillustri D. Kees.* ad §. 35. *Instit. De rer. divis.* Ratio *peremptoria* est; quòd fructus *adscitii*, sint emolumentum non rei

rei alienæ, sed industrie propriæ. Quocirca, si cum pecunia deposita, vel per furtum surrepta, negotiatus esses, lucrum inde perceptum, tuum faceres, perinde, sicut imago tua est, quam alieno penicillo pinxisses. Qua quoque ratione dubitandum non est [inquit Prælaudatus D. Kees. loc. cit.] quin ancilla, quæ non ita pridem acceptis pecuniis culinariis, ex olla fortunæ scyphum argenteum extraxit, domina scyphi evaserit. Nec

74. Contra facit, quod nemo ex re aliena ditescere, aut ex delicto proprio, commodum sentire debeat. Nam meminisse oportet, quod pecunia deposita vel surrepta non concurrat ad lucrum proximè ac formaliter, sed remotè tantum & materialiter. Proximè enim lucrum provenit ex industria hominis rei alienam seu instrumentum assumentis ad faciendum lucrum.

75. Distinguitur in conclusionem: fructus adscititios. Nam ex ratione opposita, aliud dicendum de fructibus civilibus spontaneis, quos res nempe suapte indole, extrinsecus adferre nata est, præbendo occasionem emolumenti capiendi: cuiusmodi sunt: pensio pro usu ædium, navis, equi &c. Domus enim suapte naturâ apta est ad habitandum, navis ad vehendum, consequenter pensio, quæ solvitur pro usu huiusmodi rerum, perinde à bonæ, ac malæ fidei possessore, restituenda venit domino.

76. Dico 2dò. Malæ fidei possessor, reliquos quoscunque fructus, sive extantes, sive consumptos, sive perceptos, sive absque peccato, viâ ordinariâ perceptibiles, quos reverà non percepit, sive etiam ex fructibus factus fuerit ditior sive non, in utroque foro, unâ cum ipsa re principali, restituere tenetur. Ita ad unum omnes tam Theologi, quàm Jurisperiti, ex patula ratione: quia, cum aliena jactura, nemo ex delicto suo, debet

reportare lucrum. NEC OBEST: quod fructus perceptibiles, reapse non percepti, sibi enim imputare debet, quod rei alienæ se immiscens, eam ex fide, non gesserit, id quod verum est, 1mò: Licet dominus ipse fructum ex re sua, puta: per negligentiam vel incuriam, non percepisset. Nam is, utpote rei suæ moderator & arbiter, rem suam destruere, eaque abuti potest, quod malæ fidei possessori haud permissum. 2dò. Licet res ipsa, sine nova culpa auferentis, perierit, cum semper fur, aut malæ fidei possessor, in mora restituendi intelligatur. l. fin. ff. De condit. furtiva. Mora autem sua, cuiuslibet nociva est. Reg. jur. 25. in 6. Ita quidem stricto jure, odio iniqui detentoris statutum; si tamen res periisset eo tempore & modo, quo certo erat peritura apud dominum, æquitas naturalis non postulat, ut eo casu, fur aut alius iniquus detentor, rei peremptæ præstet æstimationem, prout bene tradit Vasquez, in opus. De restitutione. cap. 5. dub. 11. n. 66. Eximius P. Nicolaus Gircken hoc in puncto corrigendus est in tract. De restit. q. 9. dub. 6. pag. 471. & seq.

77. Oppositum quidem insinuare videtur l. cum res. & l. Si Filiofamil. §. Si post. ff. Solutio Matrim. Ubi dicitur: morosum debitorem omne detrimentum præstare debere, licet res ipsa casmate [id est: hiatu & voragine terræ] perierit: quinimò juxta Gaillum De Pignori. Observat. 18. n. 4. & seq. licet casus perinde apud creditorem contigisset. Verum; ne iniquum rei-detentorem injustè gravemus, spectandum est, an Actor vel Creditor sive dominus, rem illam, ante interitum, distracturus fuisset? & hoc casu, debitor, id est, injustus possessor, tenebitur ad rei æstimationem; vel, an distracturus non fuisset? & non tenebitur, ne alioquin Creditor aut dominus

ex

quilibet; talis nimirum, qui rem ex qua fructus percepit, tenet titulo à legibus improposito, uti mulier vel maritus percipiendo fructus ex re donata, qualis titulus inter conjuges ideò est prohibitus, ne conjuges carnali amore furentes, bonis, solito per mortem Matrimonio, aut subsecuto divortio, ad vitæ sustentationem necessariis, sese exhauriant, ut proinde alius b. f. possessor, fructus omnes faciat suos, quos percepit ex re, quam iusto titulo tenet.

81 REPLICABIS, Bonæ fidei possessor, fructus facit suos, pro cultura & cura. §. 35 Instit. de rer. divis. &c. ergo solum industriales. RESP. Diss. antecedens Bonæ fidei possessor fructus facit suos pro cultura & cura, ita, ut hæc sit causa finalis aut principalis. Neg. Ita, ut hæc sit causa solum impulsiva & minus principalis. Conc. Nam finalis & præcipua causa, est bona fides, quæ tantum præstat, quantum veritas. l. 136 ff. De R. J. Atqui verus dominus, fructus etiam naturales facit suos: ergo etiam bonæ fidei possessor. Confer Andreæ Facin. lib. 1. controvers. juris. cap. 57.

82. Dico 4to. Possessor b. f. fructus ex re aliena perceptos non facit suos, IRREVOCABILITER, sed tenetur extantes, sive naturales illi sint, sive industriales; domino rem suam eviamenti restituere, nisi eos triennio præscriperit. Ita Civilistæ omnes, per l. 22. Cod. de rei vindicat. Ubi sic decusum: Certum est male fidei possessores solere omnes fructus cum re ipsa præstare, bonæ fidei vero, extantes; post autem litis contestationem, universos. Ex ratione: quia cessante causâ, cessat effectus: Atqui causâ, cur b. f. professor fructus suos faciat, est bona fides; ergo, dum post litis contestationem, vel etiam citius, cessat bona fides; cessat & ritulus & causa percipiendi.

83. Ubi notandum: quòd bonæ fidei possessor impensas & labores in fructuum productione & collectione factos deducere A Hochkirchen, Ethic. Christi. Pars. II.

possit, quia fructus non intelliguntur, nisi deductis impensis, quod licet de jure civili, non nisi bonæ fidei possessori concessum sit, rectè tamen jure naturali porrigitur & ad malæ fidei possessorem.

84. DICTUM in conclusione: nisi possessor b. f. eos triennio præscriperit. Nam completâ trienniali possessione, ex dispositione juris civilis, per l. 4. §. 10. ff. De usucapion. Plenum & irrevocabile consecutus est dominium fructuum perceptorum. Confer Carpzov. part. 3. constit. 32. Defin. 29. Si

85. PETAS: Num bonæ fidei possessor, si ex fructibus consumptis locupletior factus sit, in tantum teneatur domino fundi, vel alterius rei, in quantum locupletior factus est? Negant Hoppius, Kees, Obbligensperg & alii ad tit. Instit. De rer. divis. Affirmat Zoësius ad ff. de A. R. D. n. 37. & seq. Schambogen ad cit. tit. Instit. pag. 243. Struvius in S. J. C. Exercit. 11. thes. 23. in fine. Et novissime D. Leonardus Carlier in suo Zoëσιο redivivo. lib. 2. Instit. tit. cit. pag. 64. Something ibid. Quiaimò moribus hodiernis, indistinctè receptum tam in iudicio singulari, quàm universali, quòd bonæ fidei possessor teneatur vero domino detecto ante completum scilicet præscriptionis tempus, restituere, in quantum ex re ipsius, factus est locupletior, prout prout latius videre est apud Carpzovium loc. cit. Defin. 28. Ratio: quia bonæ fidei possessor rem alienam consumpsit revocabiliter talem: ergo jure naturæ, ratione rei acceptæ, tenetur domino ad restitutionem. Quò facit, quòd jure positivo, per l. 48. ff. De A. R. D. bonæ fidei possessor jubetur restituere fructus extantes: atqui fructus consumpti, ex quibus quis factus est locupletior, sunt fructus extantes, scilicet in æquivalenti. l. 72. ff. De legat. 2. Accedit: quòd in petitione hæreditatis, possessor teneatur restituere fructus in quantum factus est

P

lo-

locupletior. l. 20. §. 6. ff. *De petit. hæredit.* l. 1. §. 1. *Cod. eod.* Ergo etiam, & à fortiori, in petitione rerum particularium,

86. Dices cum *Cbllingsperg. ad tit. inst. De rer. divif. Et. quæst.* 66. Bonæ fidei possessor dicitur fructus consumptos lucrari in l. 4. §. 2. ff. *fin. regund.* quod utique falsum foret, si teneretur eos restituere quatenus locupletior factus, cum nemo lucrum faciens, non fiat locupletior. Confer *Fachin. lib. 1. cap. 58. Resp.* Hac in controversia vocabulum *lucrum* non ita stricte accipiendum, ut denotet compendium, patrimonium nostrum augens, sed latius, ut sensus sit, quod bonæ fidei possessor non teneatur restituere fructus ita consumptos, si inde non sit factus locupletior. Igitur, quando in l. 22. *Cod. De R. V.* & alibi deciditur, quod *b. f.* possessor, fructuum extantium duntaxat nomine, teneatur; sensus est de fructibus extantibus *in se vel in æquivalenti*; ita, ut tunc solum non sit habenda amplius ratio fructuum consumptorum, quando ex iis nihil amplius, ne æquivalenter quidem, superest. *Somet. loc. cit.* & consonat *Grotius lib. 2. De J. B. & P. cap. 10. §. 2. Et §.* Quod facit quod in ratione naturali fundetur, qualiter *b. f.* possessor fructus suos faciat. §. 35. *Inst. tit. sepe cit.* ibi: *Naturali ratione placuit.* Jam verò de jure naturali, nulla, inter universale & particulare iudicium (quantum ad rei aut fructuum restitutionem) est differentia; prout igitur in universali iudicio, puta: *hæreditatis petitione*, sine dubio, sic pariter in particulari iudicio, puta: *rei vindicatione*, *b. f.* possessor tenebitur de fructibus consumptis, quatenus est locupletior factus, quia æquitas naturalis non patitur, etiam bonæ fidei possessor locupletari cum alterius veri domini iactura. Hoc, ut evidentius pateat; ponamus: quod bonæ fidei posses-

for, heri adhuc habuerit fructus extantes in natura, hodie verò illos vendiderit centum florenis. Nónne æquitas, quæ *b. f.* possessorem adstrinxisset ad restitutionem fructuum, si verus dominus supervenisset heri, eundem hodie adstringit ad restitutionem pretii? Quocirca, *leges* contrarium insinuantes, capiendæ sunt de omnimoda consumptione fructuum, nullo in eorum locum surrogato pretio, aut iis alioquin in æquivalenti non extantibus, quæ omnimoda consumptio per l. 4. §. *Lana. ff. De Usucapionib.* in hoc æquiparatur usucapioni, quod, sicut usucapiens, ita etiam, qui bona fide fructus consumpsit omnimodè scilicet; postea nullà sit actione impetibilis. *Dnus Cartier. in additionibus ad Zoësum tit. Inst. De rer. divif. §. 7. pag. Mibi 65.*

87. Non facit autem bonæ fidei possessor fructus suos quos post litis contestationem percepit, vel consumpsit. *Ratio*: Quia per litis contestationem, in eventum succumbentiæ, constituitur in mala fide, quò ad fructuum perceptionem & præscriptionis interruptionem. Unde *Ulpianus in l. 25. §. 7. ff. De hæredit. petit.* ait: *post litis contestationem, possessores omnes incipere esse male fidei.* Id est: *desinere esse positivè* scilicet, bonæ fidei; quatenus prudens dubium oritur, num res sit propria vel aliena? Ut propterea in casu succumbentiæ, per sententiam iudicis, tempus retrorahatur ad initium cœptæ litis. Ex hæcenus traditis de bonæ & malæ fidei possessore.

88. RESULTAT *imò.* Fructus necdum perceptos, sed adhuc pendentes, domino rem suam evincenti, à quocunque possessore, fore restituendos, cò quod fructus pendentes, sint pars fundi aut rei principalis, adeoque fundum aut rem principalem sequantur.

89. RESULTAT *2dò.* Possessorem rei alie-

alienæ, eam domino restituere debere, licet ipsam non repetat: quia jus naturæ, quod vult, ut unicuique suum tribuatur, rem pro domino repetit, & stimulat conscientiam ejus, qui rescivit se alienum tenere. Unde ridiculum est, quod quidam regeffit: in Decalogo nullum extare præceptum de re restituenda, sed tantum de furto non committendo: siquidem nemo sanæ mentis ambigere potest, quin ex Decalogi divina lege, furtum sit, invito domino rem ejus, lucri faciendi gratiâ, retinere, haud attentò, an is eam petierit nec ne.

90. Errat autem cum *Grotius*, *Zieglerus* & *Vitriarius*, dum opinantur: nec malæ fidei possessorem, qui etiam ab initio occupationis sciverit rem fuisse alienam, non teneri suis impensis rem domino restituere, sed solum obligatum esse ad illam domino indicandam, ut illam recipere queat. Quanquam enim verum sit, quòd, quis, post rem bona fide possessam & nondum præscriptam, suæ satisfaciât conscientiæ, si dominum certiozem reddat de rei suæ existentia; aliud tamen ob vitium occupationis, dicendum de eo, qui mox ab initio culpam commisit & voluntariè se in damnum, quod ex restitutione facienda, sequi potuit, conjecit.

91. RESULTAT 3^{id}. Illum, qui ex re aliena factus est locupletior, pro lucri seu emolumentum ratione, teneri ad restitutionem, modò res aliunde non sit pensata domino. Nam, si tibi v. g. res furto sit subtrahita, quam ego bonâ fide acquisivi & consumpsi, tu verò à fure ejus æstimationem sis consecutus; à me nil amplius petere potes, licet factus sim locupletior, quia non amplius tibi debèri videtur, ex quo nihil tibi abest, & bona fides non patitur, ut idem bis consequaris. Vide *Cajetanum ad Divum Thomam*. 2. 2. quæst. 62. art. 6. Junge l. 20. §. 6. ff. de petit.

hæred. Ratio, cur locupletior ex aliena re factus, eatenus sit restitutioni obnoxius, est: quia, ut sapienter ait *Tullius lib. 3. De offic. cap. 5. contra naturam est, ex hominis incommodo, suum augere commodum*. Vide l. 206. ff. De reg. jur. Ex cujus dicti æquitate, jurisconsulti multa definierunt, quæ non oscitanter prætercunda.

92. Sic decisum 1^{mo} in d. *signis*. 17. §. ff. de *Institoria act.* quòd ex facto servi *Institoris*, qui videlicet tabernæ, negotiis ac mercimoniis domini præpositus est, teneatur dominus præponens, nisi denuntiaverit sufficienter, ne ei crederetur. Quinimò, etiamsi sit facta denuntiatio; si nihilominus servus ex eo contractu peculium habeat, aut id in rem domini verum sit, replicabitur de dolo, id est: contrahens actionem contra servi dominum habebit, quasi dolosè denuntiasset. *Videtur enim* (inquit *Proculus in l. cit.*) *dolum malum facere, qui ex aliena jactura, lucrum querit*. Ubi doli malis vox [ut ingeniosè observat *Grotius lib. 2. De J. B. & P. cap. 10. §. 2. n. 2.*] id omne significat, quod naturali juri & æquitati repugnat.

93. Decisum 2^{do}. In l. *Uxor marito*. 55. ff. De *donat. inter vir. & uxorem*. Quòd uxori, quæ marito pecuniam donavit, quam ex lege posset repetere, ob vetitam donationem inter virum & uxorem, detur *condictio*, aut utilis *vindicatio* in rem ex pecunia comparatam, quia dicente *Ulpiano ibid.* *locupletiozem esse maritum, negari non potest, cum ex re mulieris quid aliud possideat, quod alioquin non haberet*.

94. Rursum in l. 2. ff. *Commodati*. decisum: quòd etsi pupilli non teneantur *commodati*, seu: nequeant conveniri super eo, quod ipsis commodatum est; equidem in illos, utilis actio concedatur, si ex commodato locupletiores evaserint.

97. Theologi quoque & Canonistæ, ex allata æquitatis ratione, plura statuunt theorematà, ex quibus plures casus singulares definiendi veniunt. Sic AJUNT 1^{mo}. Bonæ fidei possessorem non teneri ad ullam restitutionem, si res perierit, quia nec res ipsa apud ipsum est nec lucrum ex ea, ut supponitur; bona autem fides non patitur, ut possessor, hujusmodi rei nomine, vel pœnæ causâ, ad aliquid teneatur, quod ob contrariam rationem, secus est in mala: fidei possessore, qui nedum rei, quæ periit æstimationem, ante omnem judicis sententiam tenetur domino præstare; sed & post sententiam, ulterius ex facto suo, videlicet ob rem malè possessam, pœnæ nomine obstringitur. AJUNT 2^{do}. Bonæ fidei possessorem, detecto vero domino teneri rei consumptæ aut non amplius extantibus, fructus restituere extantes. Id quod de fructibus *naturalibus* dubio caret, qui enim dominus est rei, eo ipsò quoque fructuum naturaliter productorum dominus esse debet. De fructibus *industrialibus* dubitari posset, Grotius enim *loc. cit.* §. 4. putat industriæ fructus, etiamsi sine re non procederent, nec rei, ac proin nec ejus domino deberi. Verius tamen & juri scripto conformius est, restituendos & esse fructus industriales; quia quidquid ex re mea prodiit, meum est, licet industria tua intervenerit, quæ etsi compensanda veniat alio modo; non tamen fructuum ipsorum lucro. Vide l. 22. *Cod. De R. V.* & l. 48. *ff. De A. R. D.* AJUNT 3^{io}. Bonæ fidei possessorem teneri ad restitutionem & rei, & fructuum consumptorum, si modò aliàs quoque tantundem consumpturus fuerat, nam in tantum locupletior censetur: quod secus est si re alienâ non habitâ, ac tibi parciusque vixisset, ac minus sumptuum fecisset, puta: si res aliena fuerit causa, cur liberalius vixerit. AJUNT 4^{to}.

Possessorem *b. f.* (aliud de possessore *m. f.* supra dictum) non teneri ad restituendos fructus, quos percipere neglexit, quia nec rem habet, nec quidquam quod rei loco succedat. AJUNT 5^{to}. Non fore ipsum restitutioni obnoxium, si rem sibi à non domino donatam, rursus alteri donaverit; nisi omnino etiam re illâ non habitâ, tantundem de suo donaturus fuisset: tunc enim lucrum erit, rei suæ pepercisse. AJUNT 6^{to}. Non teneri quoque *b. f.* possessorem, si rem emptam vendiderit; per l. 48. §. ult. *ff. De furtis.* nisi quatenus forte pluri venderit. l. 22. *ff. De petit. heredit.* Quid, si donatam vendiderit, tenebitur ad restituendum pretium l. 23. *ff. De reb. credit.* Quia pretium, cum alterius veri scilicet domini iactura, lucratum est. EXCEPTIONEM ponunt: 1. Nisi forte prodegerit pretium, alias non producturus. 2. Nisi dominus potuerit convenire possessorem, & rem ipsam vindicare. AJUNT 7^{mo}. Rem alienam *b. f.* emptam domino restituendam, etiam sine re petitione pretii erogati. l. 3. & 23. *Cod. De rei vindicat.* l. 17. *Cod. De evictiõib.* Ubi rursus exceptionem statuunt; nisi videlicet dominus rei suæ possessionem recuperare, sine impendio aliquo non potuerit: puta: si res apud piratas fuerit: tunc enim deduci poterit, quantum dominus impensurus libenter fuisset; ipsa enim violenti & improbi facti possessio præsertim recuperatu difficilis, est aliquid æstimabile, & in hoc dominus, post rem amissam, censetur factus locupletior, aut saltem non pati novum detrimentum. Hinc, si dominus possessionem autoritate judicis recuperare facile possit, emptor non poterit pretium repetere, etiamsi eo animo emisset, ut domino restitueret: debuit enim tunc domino solummodò rem indicare, qui eam porro sine omni pretio à possessore vindicare potuisset.

Si

Si DICAS: Nemini officium suum debere esse damnosum. RESP. Nullum (ut supponitur) hic fuisse domino periculum rei non recuperandæ; ut sibi imputare debeat, quod imprudenter rem alienam emerit: poterit tamen venditorem convenire causâ *evictionis*. Igitur tunc (& non alias) rei alienæ emptor, *negotiorum gestorum actione* pretium repetere poterit; si videlicet rem aut plane non, aut non nisi difficulter, nec absque impendio recuperabilem, eo animo emerit; ut illam domino restitueret. *argum. l. Si laboravi. 2. §. Si navis. 3. Ad legem Rhodiam. De jactu. Si*

96. ROGES: Num rei alienæ b. f. emptor, intellecto, quod res aliena sit, eam possit venditori restituere, ut pretium recuperet? RESP. Si venditor sit ignotus, vel fur, latro, aut pirata, qui restituta fugiturus præsumatur, ita ut possessio recuperatu moraliter impossibilia reddatur; nequaquam poterit venditori tali, emptor rem reddere; siquidem ex eo, quo res apud emptorem, bono loco fuerat, tenebatur is eam quantum in ipso erat, domino restituere, quod minime faceret, si eam malevolo venditori redderet. Aliud foret; si nullum foret periculum rei amittendæ respectu domini; tunc enim emptor ad recuperandum pretium, rem venditori reddere posset, & boni viri officio defungetur, si domino indicaverit possessorem rei suæ. Quò facit; quod emptor tali casu videtur fecisse quantum in se est, ut res perveniret ad dominum, id quod suis impensis facere non tenetur. Adde: quod domini non interit; an à possessore, vel ab emptore, rem suam vindicet, multum verò interfit emptoris, ut pretium recipiat.

97. Hactenus sat, ut arbitror, actum de modo acquirendi domini per *accessionem naturalem*; coherenter hic disquirendum, an & quâ ratione, per *accessio-*

nem industrialem vel artificialem, rei alterius dominium acquiri possit? Proinde hic inspiciendum, quo pacto, *specificazione, adjunctione, confusione & commixtione* dominium acquiri valeat? Ut autem distincte procedamus; primo ponderabimus, quid jure Romano ea in re statutum sit; deinde, quid æquitatis naturalis ratio dicat. Non enim omnia civilibus definita legibus, hac in parte, *naturalia sunt jura*, sed placita interdum sunt legislatorum, ad negotia commodius definienda, naturâ tamen non repugnante, quia etiam *lex*, dandi domini vim habet.

98. Incipiamus à *specificatione*, quæ est: *modus acquirendi dominium rei alienæ per introductionem novæ formæ. l. 25. Infit. De rer. divis. &c.* Id quod procedit ex mente Imperatoris: d. §. 25. si res non possit reduci ad pristinam materiam, tunc enim duntaxat, nova species, sit specificantis, ex ratione: quod tunc extincta videatur materia, & forma nova prævalere: modò tamen specificans *imò* suo, non alieno nomine, fecerit speciem. l. 25. ff. De A. R. D. Generale enim est omnibus acquirendi modis, ut cujuscunque nomine aliquid factum, ei etiam acquiratur. l. 27. §. 1. ff. eod. 2dò. Modò fuerit in bona fide, putans materiam esse suam. Per l. 12. §. 3. ff. Ad exhibendum. Quo tamen casu, dominus materiæ, habebit *actionem in factum*, accomodatam *legi Aquiliae*, quâ repetat materiæ pretium. l. 23. §. 5. ff. De rei vindic.

99. Quòd, si quis malâ fide speciem confecerit; non solum operam suam donâsse videtur materiæ domino, sed & ejus nomine fecisse speciem: adeoque hoc casu, quæcunque actiones contra furem dantur; illæ etiam dantur contra malâ fide specificantem; puta: *actio ad exhibendum, rei vindicatio*, nec non; *condictio furtiva*. l. 13. ff. De condict. furt.

100. DICES: Qui rem alienam suæ at-
texit, seu adjungit, dominium ejus ac-
quirit, non obstante malâ fide. §. 26.
Inst. De rer. divis. &c. Ergo à pari &c.
RESP. Neg. conseq. *Disparitas* est; quod
in specificatione, *opera* accedat rei, in
accessione verò *res rei* accedat; adeoque
res, quæ accessit, habeatur pro extincta,
ut proinde dominus rei principalis, eva-
duat etiam accessorii dominus, sive id bonâ,
sive malâ fide fuerit adjunctum. Quan-
quam & hoc casu, materiæ domino con-
sultatur *actio in factum*, ad consequen-
dam materiæ amissionis restitutionem. Id
quod semper obtinet, quoties jura alicui
accessionis titulo dominium addicunt. In-
tellige: si res adjuncta separari non pos-
sit; si enim separari potest; datur *actio ad
exhibendum*, ut ita tandem *per consequen-
tiam* res vindicetur.

101. Præterea; ut specificans fiat materiæ dominus, præcipue requiritur; ut
reapse nova species confecta sit. Nam ve-
teri specie manente, & figurâ tantum ex-
ternâ mutata, res non fit specificans, sed
prioris domini manet, licet ad pristinum
rudis materiæ statum reduci non possit.
Quocirca, si quis lanam alienam, colore
purpureo aliôve tinxerit, aut tingi cura-
verit; nihil suum tacit, sed lana ejus ma-
net, cujus ante fuit: quoniam novum
duntaxat colorem, haud verò novam spe-
ciem lane induxit. l. 26. §. ult. ff. *De A.
R. D.* Exemplum appositè quoque oc-
currit in frumento, quod quis ex alienis
spicis excussit; excutientes enim novam non
conficit speciem, sed eam, quæ jam tum
erat; detexit; ut ideo non ad excutien-
tem, sed ad dominum spicarum, pertine-
re frumentum, rectè decisum sit in l. 7.
§. 7. ff. *cod.* Tametsi verò ex §. 25. *Inst.
De rer. divis. &c.* in quo dicitur: *fru-
mentum ad spicas reverti non posse*, contra-
rium insinuari videatur; supplendus tamen

est iste paragraphus ex citata lege septima,
ut exemplum hic observetur, in quo *In-
stitutiones* interpretationem hauriunt ex
Digestis, prout bene adnotavit Stryck in
præcognit. juris. cap. 2. §. 11. & post ip-
sum Schambogen ad dict. §. 25. ubi dicit:
spicas ibi tantum poni pro exemplo *in-
adequato*, ut sensus sit: quòd, si nova
species non possit reduci ad pristinam ma-
teriam, sicut grana non possunt reduci ad
spicam; tunc specificans fiat dominus.

102. Ex quo juris civilis interpretes
INFERUNT: quòd, cum vinum, oleum,
farina &c. ad pristinam speciem uvæ seu
botri, olivæ, frumenti &c. reduci neque-
ant; specificantis fiant, haud obstante re-
gula: *Quod ex meo fit, meum est.* Siqui-
dem, ut illa procedat; necessum volunt,
ut vel egomet faciam, vel, alius nomine
meo, aut mandato meo; vel; si sine man-
dato; saltem me ratum habente; vel de-
nique; ut alius, malâ fide faciat, prout
dictum.

103. Quòd, si res ad pristinum rudis
materiæ statum reduci possit; tunc tota
res fit ejus jure accessionis, cujus erat ma-
teria; ita controversiam, distinguendo
peremit Imperator in cit. §. 25. & l. 61.
ff. *De rei vindic.* licet & hoc casu, spe-
cificanti concesserit *abienem in factum*
ad pretium operæ consequendum. *argum.*
l. 32. ff. *De R. G.* aut: si adhuc possideat
materiam specificatam, *retentionem* ejus,
ac *exceptionem doli mali*, donec pretium
refundatur. l. 23. §. 4. ff. *De R. V.* Quod
ut ex antedictis liquet, solum procedit,
si in bonâ fide fuerit specificans: si enim
sciverit, materiam esse alienam; sibi im-
putare debet, quòd temerè speciem con-
fecerit. *Argum.* §. 30. *Instit. in fine. De
rer. divis. &c.* Si

104. PETAS: Ad quem spectet navis
ex alienis tabulis facta? RESP. Sistendo
in verbis *spbi 25ti Instit. De rer. divis.
&c.*

Et dicendum foret; fieri facientis; *ast*, ut *spūs* ille reconciliatur *cum l. 61. ff. De rei vindic.* Distinguendum est inter tabulas nondum præparatas, sed adhuc rudes & informes; & inter tabulas ad faciendam navem jam elaboratas. Dicendum inquam: navem è rudibus & informibus tabulis constructam, fieri facientis; quia non potest reduci ad pristinam materiam; secus resolvendum, si materia navis conficiendæ, jam ante fuerit præparata, puta: si tabulæ ad navem faciendam jam fuerint dispositæ; tunc enim, quia navis reduci potest ad pristinam materiam, ideo industria materiam non absorbet, sed remanet prioris domini: atque de tali navi loquitur *citata lex 61.* prout colligitur ex vocabulo *carina*, quippe, quod inferiorem navis partem, & totius structuræ fundamentum, denotat.

105. Quid, si partim ex sua, partim ex aliena materia, quis speciem fecerit? *Hoc casu* [inquit *Imperator in §. 25. §. Quod si. De rer. divisione &c.*] *dubitandum non est, eum esse dominum, qui fecerit.* Subaudi: *bonâ fide.* Ratio: quia tali casu specificans, operam suam impendendo & partem materiæ præstando, dupliciter concurrat ad speciem, adeoque præferendus merito est alterius partialis materiæ domino.

106. *Adjunctione, seu conjunctione* acquiritur dominium rei, quæ nostræ ceu principali connectitur. Quod spectat *intextura, suffutura, aut sutura:* circaquam, hæc de jure civili obtinet regula: quod quicquid rei nostræ, ornamenti velut loco accedit, nobis cedat, licet accessorium sit pretiosius principali. Hæc regula desumitur ex §. 26. *Inst. tit. sepe citato* Itaque, si quis purpuram alienam vestimento suo intexuerit; licet pretiosior sit, equidem hæc vestimento cedit. Nam, si res quæpiam ita sit comparata, ut pro-

priam habeat qualitatem & formam; tunc id, quod ei veluti pars accedit, toti cedit. Sic; si quis statux brachium, poculo an- sam, domui cæmentum adjecerit; quod additum est, cedit toti, eo quod accessorium naturam & conditionem sequatur sui principalis. Concurrit autem quidpiam ut accessorium, dum ab alia re occupatur & quadantenus informatur Nam, quotiescunque una res aliam planè occupat & quasi informat; toties illa pro principali habetur. Quamobrem accessorium & principale, in sensu juris civilis, non considerantur ex valore & pretio rei, sed magis ex voluntate patrisfamilias; ita, ut id accessorium audiat, quicquid *hic* rei perficiendæ aut exornandæ gratiâ, adjecerit. Ex quo

107. *INFERUNT JCti*, quod, si aurum, margaritarum aut geminarum causâ adhibuit sit, ut lapides isti tantò commodius gestari possint; tunc aurum margaritis cedat; at, si e contra, margaritæ & gemmæ adhibitæ sint, ut aurum ornarent; tunc lapides isti cedant auro. Confer *Schambogen ad cit. §. 26. Instit.*

108. Cæterum, si quis malâ fide v. g. purpuram, aut aliam rem, rei suæ intexuerit, competit adversus eum *actio furti* ad pœnam, & *condictio furtiva* ad æstimationem: si verò bonâ fide id fecerit; habebit prior dominus *conditionem sine causa*, quâ non ad rem ipsam, sed ad pretium rei amissæ, agat. Et hæc *condictio* tunc communiter datur, quando quis dominium rei suæ, sine facto suo, amisit, & ab alio, absque legitima causa, possidet. *Manzjus & Schambogen, addit. §. 26.*

109. Dices: Si juxta dictâ, intextens est factus dominus, quâ ratione tenebitur actione furti? *RESP.* Quia furtum tunc commisit, dum purpuram sustulit, adeoque actio furti tunc nata, facto delinquentis, ex post extingui non potest, ne

ne sit in potestate ejus, esse vel non esse obligatum. Huc spectat.

110. *Ædificatio*, vi cujus omne id, quod solo inædificatur, solo cedit. §. 29. *Instit. De rer. divis. &c.* Ædificare autem quis potest vel in suo solo, ex aliena materia; vel in solo alieno, ex sua materia, vel denique in alieno solo, ex aliena materia, atque omnibus his modis, jure Gentium, acquiritur dominium, & quidem, si quis in suo solo ex aliena materia ædificaverit, tunc ipse ædificans intelligitur dominus ædificii, quia omne quod solo inædificatur, solo cedit *dict.* §. 29. Cujus Ratio est, quod accessio cedat principali, & minus majori, pars toti. Id quod in solo privato potissimum procedit, & quamquam ædificium in loco publico exstructum fiat publicum, si tamen quis in loco nullius ædificasset, sibi ædificasset, & ædificium non cederet solo *Dnus Kees ad cit. §. 29.* Si

111. PETAS: An ergo in suo solo, ex aliena materia ædificans, cum dominus sit ædificii, etiam dominus fiat materiæ? *Rdet. Imperator* in sæpe *cit.* §. 29. *¶.* *Nec tamen.* Quod is, qui materiæ dominus fuit, non desinat propterea ejus dominus esse, cum ei invito res sua auferri non debeat, sed *tantisper* (id est, stante ædificio) neque vindicare materiam suam possit, neque ad exhibendum ea de re agere, propter legem *XII. Tabularum*, qua signum (quo nomine venit ferramentum, lapis, trabes, calx &c.) alienis adibus junctum eximi vetat, ne hoc prætextu, ædificia rescindantur & diruantur, & urbis aspectus ruinis deformetur. Equidem, ne dominus materiæ, citra factum suum, re suâ careat invito; lege *XII Tab.* domino materiæ datur actio de signo juncto in duplum, adversus jungentem, sive bonâ, sive malâ fide. *l. ult. ff. De signo juncto.* Quo tamen casu, dominus materiæ non repetet du-

plum à bonæ fidei possessore, ut pœnam; sed, ut pretium tigni, unâ cum eo quod interest, & hoc ideo; quodd invito quasi cogatur rem suam vendere, ita ut propterea majus pretium, quàm, si sponte rem distraheret, recipere possit. Quodd si quis malâ fide, tignum alienum suis adibus junxit; præstito duplo, insuper ad *simpulum*, rei vindicatione, vel actione ad exhibendum cogi potest, puta: si aliqua ex causa dirutum sit ædificium, & tignum remanserit integrum. Confer *Perez. ad tit. inst. De rer. divis. &c.* & ibidem *D. Kees. ad vers. Sed tantisper.*

112. Quod si è diverso, quis ex sua materia, in solo alieno, ædificaverit? *ædet* rursus *Imperator* in §. 30. *eod. tit. tali casu illius fieri domum, cujus & solum est*, quia solum, tanquam principale, ad se trahit materiam, dominio ejus quasi extincto. Secernendus tamen hic est is, qui ædificat bonâ fide, putans suum esse solum, ab eo, qui malâ fide, id est: qui sciens prudensque ædificat in fundo alieno. Nam in possessione constitutus bonæ fidei ædicator, potest soli dominum, si contendat domum suam esse, repellere *exceptione doli mali*, si materiæ æstimationem & expensas in ædificando factas refundere recuset. Quodd, si possidere defuerit; tunc quidem nec *actionem* nec *exceptionem* ad sumptus recuperandos habet; eidem tamen petenti denegandum non est *officium judicis*, quo conlequatur rei suæ æstimationem. *Perez. loc. cit.*

113. Porro, si quis sciens prudensque in alieno fundo, ex sua materia, ædificaverit; indubiè materiæ proprietatem amittit; quia voluntate ejus intelligitur alienata, quin & illam domino fundi donasse præsumitur, adeo, ut diruto etiam ædificio, illam vindicare non possit. Quodd facit Regula juris: *cujus per errorem dati repetitio est, ejus consultò dati, donatio est.* *l.*

l. 53. ff. De R. J. Potestque eidem obijci culpa, quod temerè scilicet ædificaverit in alieno solo: atque ita nec exceptio doli mali, aut retentio ipsi possidenti prodest. *Perez loc. cit. & ibid. D. Keer.* Exceptio tamen facienda 1806. Si quis ex concessione aut indulgentia domini, se crediderit ædificasse. 2dò. Si in solo litigioso, quippe quem sperare potuit sibi mansurum. *Hoppius ad sæpe cit. tit. Inst. De rer. div. 310d.* Si vassallus in fundo feudali, aut maritus in fundo dotali, commoditatis causâ ædificaverit. *D. Fleck. in Bibliotheca juris civil. lib. 2. tit. 2. n. 56.*

114. Stricto jure, malâ fide ædificans, tollere solum potest ea, quæ sine detrimento rei, tolli possunt: spectatâ autem æquitate naturali, repetere posse videtur, quatenus res existit meliorata, ne alter locupletetur cum ædificantis jactura. *Schambogen ad §. 30. cit. cui consonat Hoppius ibid. in usu hodierno.* & sic aliquoties in Curia Provinciali Lipsiensi judicatum fuisse, testatur *Schilter. Exercit. 16. Ad Pandectas. Thes. 57.* Vide omnino *Groenweg. ad cit. §. 30.*

115. Obiervandum hic, quodd hodie in Belgio attestante eodem *Groenweg. De ll. abrogatis. ad §. 28. tit. cit.* ac plerisque foris Germanicis, actio de tigno juncto. quatenus est in duplum, cesset; & loco ejus actio in factum, ad solam tigni æstimationem obtineat, præsertim, si bonâ fide junctum fuerit. *Schilter in Synopsi instit. tit. cit. lit. GG.* unde hodiernis moribus, bonâ fide ædificans, in simpliciter duntaxat videtur condemnandus, nisi singulare interesse probaverit actor. *Struvius in Jurisprudentia Germanica. lib. 2. tit. 1. Aphorismo 48.* Contra malæ fidei possessorem, videtur danda actio furti ad rem, & interesse, Actoris in litem jramento, probandum, & judicis discretionem moderandum. Pœna autem publica, *A Hochkirchen, Ethic. Christ. Pars II.*

hodie arbitraria est. Confer *D. Fleck. loc. cit. tit. 5. n. 55. in fin.*

116. Utilis admodum quæstio est; an & quales impensas, possessor sive bone sive male fidei, deducere possit, dum res aliena domino restituenta. Ante resolutionem operæ pretium est observasse; quodd impensæ aliæ sint fructuum, quæ videlicet fructuum tum percipiendorum, tum perceptorum gratiâ, factæ sunt; aliæ rerum, utpote in rem ipsam factæ, quarum rursus aliæ sunt necessariæ, aliæ utiles, aliæ voluptuariæ. Necessariæ sunt: quibus non factis, res aut periisset aut notabiliter facta fuisset deterior. *l. 79. ff. De V. S. l. 14. ff. De impens. in rem dot. fact.* Utiles sunt, quæ citra necessitatem, ad rei tamen utilitatem majorem factæ; puta: ut res fructuosior evaderet. *d. l. 79. §. 1. Voluptuariæ* porro sunt: quæ quæ nec necessitatis, nec utilitatis causâ, sed præcisè factæ sunt, ut res redderetur ornatio.

117. Præmittendum quoque est, quodd aliud sit deducere, aliud tollere impensas. Deducere namque est: habere potestatem rem tam diu retinendi, donec impensarum nomine satisfiat. Tollere; est: habere potestatem retinendi & amovendi id, quodd impensum, quatenus scilicet sine rei dispendio atque læsione, seu deformatione, tolli potest. His prænotatis: omnes Romani juris interpretes

118. CONCLUDUNT 1806. Quodd impensas necessarias, quivis etiam malæ fidei possessor, deducat, excepto fure, aut violento possessore: Ratio: quia non potest videri donasse, qui necessario impendit, fuisset enim ei negligentia sua, damnosa. Idem esto de impensis fructuum collendorum causâ factis, quas utpote necessarias, & possessor malæ fidei deducit. *Perez. loc. cit.* DICTUM: Excepto fure &c. Hic enim ob delicti atrocitatem, in pœnam,

nam, nequidem impensas deducit necessarias. l. 5. Cod. De rei vind. l. 38. ff. De petit. heredit. puta: summo jure. Nam benignius est etiam in prædonis quoque persona, rationem haberi expensarum necessarium & utilem. d. l. 38.

119. CONCLUDUNT 2dò. Impensas utiles bonæ quidem fidei possessorem deducere, per l. 27. §. 5. & l. 30. ff. De R. V. malæ verò fidei possessorem, solum tollere posse per l. 38. ff. De petit. heredit. Ratio utriusque est; quòd æquitas non ferat, ut cum damno alieno, dominus fiat locupletior, cujus tamen, si tanta foret inopia, ut impensas refundere nequiret, nisi re suâ dividendâ (quia justò gravius fuerit, dominum cogi re suâ carere propter impensas ab alio factas) tantum tollere possessori permittitur, quatenus potest, sine læsione prioris status rei. Cæterum m. f. possessor, rem retinere non potest, ut impensas deducat, quia domino rem suam vindicanti exceptionem opponere non potest, quin hac replicatione repellatur: quòd videlicet temerè & perperam in alieno fundo ædificaverit, cum scire debuerit, solo affixum, cedere solo. Equidem impensas hujusmodi tollere non prohibetur, dummodò id sine læsione rei, facere possit, lucrumque inde sentiat, nec dominus æstimationem lucri offerat. *Gletle select. questionum* p. 2. q. 18 n. 7.

120. CONCLUDUNT 3iò. Bonæ fidei possessorem, impensas voluptuarias deducere posse, quatenus cedunt in domini utilitatem, licet ipse dominus eas non fecisset. Ratio: quia bona fides, quæ possessorem quasi dominum reddiderat, non sinit illum pari damnum, & alterum capere lucrum. DICTUM: quatenus cedunt &c. Nam non cedentes in domini utilitatem, nec b. f. possessor deducere valet, ne alioquin dominus rem sibi inutilem emere cogatur.

Possessor autem malæ fidei, impensas voluptuarias, ob rationem supra intimatam, non deducit, quanquam illas separare posse videatur, quatenus ipsi profuturæ sunt, & res deterior non evadet. *Perez. loc. cit. Zoëfius ad ff. De A. R. D. n. 60.*

121. Porro, inter malæ, & bonæ fidei possessorem, Doctores & hanc observant differentiam; quòd ille non aliter impensas etiam necessarias deducat, quàm, si res extet, in quam impendit, & supersit melior facta, eaque ad dominum perveniat; ita, ut alioquin possessor in damno maneret, & dominus afficeretur lucro illius jacturæ: hic verò, scilicet bonæ fidei possessor, indistinctè impensas impudet, quamvis domus v. g. quam fulsit, combusta sit, aut alia res semel melior facta, perierit. Quod tamen in singulari possessore limitant interpretes. *argum. l. 38. ff. De R. V. Vide Pérez, loc. cit.*

122. Ad accessionem spectat confusio, quæ est materiarum [liquidarum aut liquesfactibilium scilicet] ad diversos pertinentium, inter se, & in unum corpus permixtio, ut vel in aliquam speciem migrent, vel difficilis sit earum separatio. §. Si duorum. 27. Inst. De R. D. & acquirit. &c. veluti: si qui vina sua confuderint, vel massas argenti vel auri conflaverint; si ex vino & melle, mulsum fiat; ex auro & argento electrum. Ubi nota: quòd teste *Plinio* apud *Vinnium* ad mox cit. §. Si duorum. Electrum sit aurum, cujus quinta pars est argentum.

123. Circa confusionem, juris est; quòd, si materiæ ejusdem vel diversi generis, dominorum voluntate confusæ sint; totum id corpus, quod ex confusione resultat, sit commune; ita, ut quisque actione: communi dividundo, partem suam petere possit. Aliud est, si intervenerit voluntas unius tantum: nam tunc species facta non sit communis, sed unius tantum

tum qui fecit. Quòd, si fortuito, & non voluntate dominorum, confusæ fuerint materiæ; *idem juris esse placuit. text. in §. 27. cit.* Id est: totum pariter fit commune. Quòd, si separatio fieri non possit (veluti, dum materiæ sunt ejusdem generis) quisque pro rata suæ portionis, dominus est; ita, ut ratio habeatur excessus. Puta: si cujus materia prævaleat, is amplius ferat ex massa, ne alter alterius jacturâ locupletetur, contra l. 206. ff. De R. J. Confer Schneidevium ad cit. §. 27. & ibidem Schambogen, Perez & alios.

124. Accessionis speciebus accensetur *commixtio*, quæ tunc contingit, quando diversæ materiæ junctæ, speciem novam non faciunt, sed singula corpora in sua substantia durant, ita, ut licet simul sint; tamen inter se non cohereant aliqua unione interveniente, ut: in commixtione frumenti, pecuniæ &c. Quo casu, si voluntate & consensu dominorum mixtura fiat, totum quod mixtum est, fit commune, & actio: *communi dividundo*, non autem *vindicatio* locum habebit. Quòd si fortuito, vel casualiter, frumentum v. g. diversorum misceatur; id non erit commune, sed quilibet pro rata suæ portionis, partem vindicabit. *Ratio*: quia hic non est perfecta confusio, cum singula corpora, id est: grana singula, in sua substantia durent, & undum non ingrediatur quasi aliud, sicut, dum duorum vinorum mixcentur. Sicut autem frumentum non fit commune, ita nec grex intelligitur communis, mixturâ ovium factâ; quia rursus singula capita, in sua manent substantia, nec tua fiunt mea; nec mea, tua. Cæterum, si frumenta aliæve similia commixta fuerint, & dubium sit: quantum & quale cujusque sit; tunc consideratis considerandis, iudex rem determinabit. Schneidev. Perez & alii passim ad §. 28.

Instit. tit. cit. Itaque, licet summo jure, in casu, quo fortuito, diversorum dominorum, ejusdem speciei grana commixta fuerint, cuilibet domino, ex natura rei, detur vindicatio portionis granorum suorum; quia tamen singula grana, quæ cuiusque sunt, accurate discerni nequeunt; ideo iudicis officio incumbit, ut jubeat tantum cuius restitui, quantum prudenter arbitratus fuerit. per text. in l. 5. in princ. ff. De rei vindic. Si

125. OGGERAS: Creditor, cui nummi alieni in solutionem dati sunt, acquirit dominium illorum, si eos suis nummis misceverit. l. Si alieni. 78. De solutionib. Ergo etiam frumentum tuum meo mixtum, meum erit. RESP. *Diffusulato Antecedente Neg. Conseq.* Ratio disparitatis est; quòd in nummis principaliter attendatur valor, sive publica æstimatio, l. 1. ff. De contr. empt. iique intelligantur consumpti, statim ut expenduntur vel commiscantur. Ex quo sequitur: quòd qui nummos alienos sibi solutos, suis miscuit, eorum dominus fiat, non jure commixtionis, de qua loquimur; sed quia intelliguntur consumpti esse respectu prioris domini. Jam vero frumentum, per commixtionem non consumitur; quia naturalis & principalis ipsius usus consistit in hoc, ut eo vescamur, non ut commisceamus. Hillig. in Donell. lib. 4. cap. 22. list. A. in not.

126. Quid de scriptura & pictura? RESP. Quemadmodum ædificia solo, & semina fundo cedunt; ita pari ratione, litteræ quamvis aureæ, chartis membranisque cedere videntur: quidquid enim rei meæ imprimitur, accessionis instar est, & rei meæ cedit, cui ita adjicitur, ut pars ejus fiat. Sed, si ego vindicem chartas illas, neque pretium scripturæ solvere velim; tibi *doli exceptio* datur, sicut in simili supra dictum. Moribus tamen no-

stris, *Accursii* sententia celebratur, & chartam scripturæ cedere, receptum; præsertim, cum & leges civiles, iniquitatem istius intellexerint decisionis, quæ habetur in §. 33. *Instit. De rer. divis. &c.* ut proinde paragraphus iste, testibus *Schneiderwino, Mynsingero, Heppio, Perazio* & aliis, exoleverit. De *Pictura* singulari jure, per modum exceptionis à generali regula, placuit, propter excellentiam artis, tabulam cedere picturæ: ridiculum quippe reputavit Imperator, picturam *Appellis* vel *Parthasii*, in accessionem vilissimæ tabulæ cedere, cum plus sit in manûs, seu artis pretio, quàm in substantia tabulæ.

127. Hactenus de accessionis speciebus, prout de iis ratiocinantur juris Romano-Cæsarei Interpretes: at, si naturalem veritatem respicimus; paulò aliter discurre oporteret. Profectò, sicut confusâ materiâ, communionem induci pro rata ejus, quod quisque habuit, Romanis quoque *JCris* placere debuit; quia res alium exitum naturaliter reperire non poterat, ita, cum res consentent materiâ & formâ tanquam suis partibus; si alterius sit materia, alterius verò forma, sequitur, naturaliter rem communem fieri pro rata ejus, quod uniuscujusque est, quò ad æstimationem: forma enim pars est substantiæ, non substantia tota, ut patet ex physica. Ut autem, qui malâ fide materiam alienam attrahant, operam formamque perdant; est quidem non inique constitutum; sed *pariale*; adeoque non ideo *naturale*: natura enim poenas non determinat, nec ob delictum, per se dominia auferit, quanquàm naturaliter poenâ aliqua digni sint, qui delinquant. Ut verò rei majori acquiratur res minor (quo fundamento nitiur *Connanus* apud *Grotium*; naturale est *facti*, non *juris*. Atque ideo, qui fundi, pro vicesima parte, est dominus,

tam manet dominus, quàm qui partes habet novemdecim. Quare (ut bene tradit *Grotius lib. 2. De J. B. & P. cap. 8. §. 21.*) quod de accessione, ob prævalentiam majoris partis, aut certis in casibus, lex Romana constituit, aut in aliis etiam constitui potest; id *naturale* non est, sed *civile*, ad commodiùs transigenda negotia. Quinimò inficiari non possumus, verum esse, quod *Grotius loc. cit.* observat; scilicet: vix ullam esse juris tractationem, in qua tot discrepantes sint *JCrorum* sententiæ & errores. Nam quis (inquit) concedat, si æs & aurum mixtum fuerit, alterum ab altero deduci non posse, quod scripsit *Ulpianus* in l. *Idem. §. §. 1. ff. De rei vindic.* quia pro illo tempore, necdum inventa erat ars, qua aurum à quocunque metallo separari potest. & quis dixerit *ferruminatione* confusionem verè fieri, puta: si pes aureus, statuz aureæ per *solidationem* jungatur, prout *Paulus* arbitratus est in l. 23. §. *Item. §. eod.* Aut aliam esse *scripturam*, aliam *picturæ* rationem, ut secundum jus civile, de quo supra n. 126. *huic* tabula cedat, illa tabulæ seu chartæ? Plantata quoque & sata, ut solo cedant, similiter est juris merè positivi §. 31. *Instit. De R. D.* quod in hac ratione fundatur; quòd scilicet ista solo alantur. Nam ideo & *JCti* Romani, de arbore distinguunt, an radices egerit: atqui alimentum rei jam existentis partem duntaxat facit, & non totum ipsum; igitur: sicut ex alimento, jus quoddam in rem, soli domino nascitur; ita dominus feminis, plantæ aut arboris, jus suum, quod naturaliter ante habuit, idcirco non amittit, ut proinde præsciindendo à juris civilis dispositione, in istis casibus, communio locum habere debeat, quod & de ædificio in alterius fundo, exstructo, dicendum: quia fundus aut superficies soli, non est totum ædi-

ædificium. Quò facit quod juxta *leg. Titius. 60. De A. R. D.* si mobile sit ædificium, nullum in eo jus habeat soli dominus. Bonæ fidei possessor, ut fructus omnes ex aliena re *jus* faciat, quos percipit; naturalis quoque non dicitur ratio; sed hoc tantum, ut jus habeat impendia in rem facta, & operam utilem imputandi, ac pro iis, deducendi fructus perceptos, aut etiam retinendi extantes, si aliter ei non satisfiat. Quinimò, id ipsum, si lex pœnalis non intercederet, dicendum videretur de malæ fidei possessore. Nam, ut supra dictum, *Paulus Jctus* in *l. Plane. 38. ff. De petit. Hæred. benignius* esse censuit, etiam in prædonis persona, haberi rationem impensarum; non enim debet [inquit] petitor ex aliena jactura, lucrum facere.

128. Per traditionem, jure Gentium, acquiri dominium rei traditæ, docent omnes Civilistæ. Nam nihil tam conveniens naturali æquitati (inquit *Justinianus* in §. *per traditionem. Inst. De R. D. &c.* quàm voluntatem domini intendentis rem suam in alium transferre, ratam haberi. Ad hoc autem, ut traditione dominum transferatur & acquiratur, requiritur 1. *Potestas*; traditione enim nil amplius transferri potest, quàm quod sit in facultate tradentis. *l. Nemo plus. ff. De R. J.* Et idem pupillus, prodigus, non transfert dominium. 2. *Voluntas* ex parte utriusque: nam in omnibus actionibus seu factis domini translativis, consensus seu affectus utriusque contrahentis concurrere debet. *l. 55. ff. De actionib. & obligationib.* & ideo deponens, commodans, non transfert dominium. Adde: quod nuda traditio non transferat rei dominium sed necessum sit, ut concurrat causa ad transferendum dominium idonea. *l. Nunquam. ff. De A. R. D.*

129. Traditio alia est *propria* seu vera,

dum videlicet res mobilis, manibus apprehenditur, aut in rei immobilis possessionem, corporaliter quis introducit; alia *impropria* sive *ficta*; dum eà naturali corporum apprehensione omisâ, aliquid intercedit, quo res pro apprehensa & verè tradita habeatur. Sic traditis emptori instrumentis litterariis, quibus res empti-vendita continetur; censetur res ipsa tradi. Idem est; si claves domus venditæ tradantur emptori. Confer *Schneidew. ad §. Item si quis. Instit. De R. D. &c. n. 2. Sicbard. in rubric. Cod. De peric. & commod. rei venditæ. n. 3.* Porro fictam traditionem introduxit partim *necessitas*, ob qualitatem rerum, quæ propriam traditionem non recipiunt, quales sunt res incorporales, in quibus usus unius & patientia alterius, censetur loco traditionis. *l. Servus. 42. §. Incorporales. ff. De A. R. D. l. Quoties. 20. ff. De servitut.* Partim *commoditas* suavit, ut expeditius, & pluribus modis, res transferretur, ita Civilistæ.

130. Si autem juris naturalis simplicitatem ponderemus; verum quidem est, naturaliter etiam traditione transferri dominium; aut necessum non est ad domini translationem, ut semper intercedat traditio, id quod & *Jcti Romani*, quibusdam in casibus, agnoscere debuerunt; veluti, in re donata, usufructu retento: *l. 28. Cod. De donat. aut in eum collatâ*, qui jam possidebat. *l. 21. §. 1. ff. De A. R. D.* aut commodatam servabat. §. 44. *Inst. De R. D.* item, in jactis missilibus. §. 45. *Inst. eod.* Imò etiam ante adeptam possessionem, de jure civili, quoque transit dominium, ut: *Hæreditatis. l. cum hæredes. 23. ff. De acquir. possess. Legatorum. l. à Titio. ff. De furtis.* Rei donatæ Ecclesiis aut piis locis, vel civitatibus. *l. ut inter. 23. Cod. De SS. Eccles.* Item in causa alimentorum. *l. doceas. 1. Cod. De don. que.*

- babet; cùm Rex secundò, vel
ulteriùs genitum, imò extraneum,
vocare possit ad successionem. Id
11 Probatur ab exemplis.
- 12 Princeps non ligius, sed supremus, de rebus allodialibus, sive inter vivos, sive mortis causà, liberè disponere potest. In Germania, multi Principatus & Comitatus, pro allodiis habentur.
- 13 Quinimò, quædam feuda, ob tenuitatem obligationis & nexûs feudalis, propiùs ad naturam rei allodialis accedunt.
- 14 Ab origine & structura Rerum publicarum, concipi potest iudicium de facultate imperantibus competente.
- 15 Non omnes Gentes, parem Imperantibus potestatem contulerunt. Ubi corrigitur Grotii opinio.
- 16 Ex populi primævo consensu, imperantis auctoritas atque potestas metienda est.
- 17 Sæpe, ne Martis arbitrio decidi potuit dubium, sitne Regnum alicubi patrimoniale, an legitimum? Quid verò rationabiliter hac de re censendum? ibid.
- 18 Hac in parte errdrunt diametraliter sibi oppositi Ludovicus Molina & Michael ab Aguirre.
- 19 Indicium Regni patrimonialis adfertur.
- 20 Europæ Regna, potiùs pro legitimis, quàm patrimonialibus habenda sunt.
- 21 In legitimis Regnis, ordo succedendi, conformis esse debet legibus
fundamentalibus inibi vigentibus
- 22 In Regno patrimoniali, Rex limites juris saltem naturalis, transilire non debet.
- 23 Circa Regni alienationem disponens, præprimis liberè consentire debet.
- 24 Ad validum consensum, requiritur præsuppositivè actus intellectus; & formaliter, actus voluntatis, immunis à vi vel coactione externa.
- 25 Sæpe intellectus per errorem, & voluntas per metum coactionemve externam, propelli potest in actum de jure nullum.
- 26 Plenus & liber testatoris consensus, iis quorum interest, innoscere debet.
- 27 Per Principis testamentum non potest alteri auferri jus quasitum nec quid, juri naturali, vel Divino positivo adversum, statui.
- 28 Quod Princeps etiam in Regno patrimoniali, nil in perniciem populi disponere possit, verius est.
- 29 Neque pro lubitu, jus populi, liberorum, vel agnatorum, ledere valet.
- 30 An filius, aut alius aliquin hæres Regni, ex hæredari possit?
- 31 Princeps nequit testamento disponere de bonis, quibus, per pacta familiarum, modus devolutionis præstitutus est.
- 32 Pacta Confraternitatum inter Illustres Germanorum familias, unde trahant originem? Quid pactis hujusmodi inductum fuerit? ibid.

- 33 Confraternitas, prout importat
jus mutuo succedendi, quatenus
sit valida?
- 34 Enervatur objectio,
- 35 Quatenus Princeps successor, an-
tecessorum suorum pactis aut te-
stamenti teneatur?
- 36 De testamento Caroli II. Hispa-
niarum Regis. Remissivè.
- 37 Imperia alienari possunt ab iis,
in quorum dominio sunt.
- 38 Si pars Regni sit alienanda, an
Regnicolarum istius regionis con-
sensus requiratur?
- 39 Principe, pacis causò, hosti va-
lidiori Provinciam vel Civitatem
cedente, an Provinciales vel Ci-
ves oblucriari possint hosti posses-
sionem capere volenti?
- 40 Perimitur scrupulus objectus.
- 41 Majus jus habet pars ad se tuen-
dum, quàm corpus ad tuendam
partem.
- 42 Respondetur ad Replicam.
- 43 Refellitur Instantia.
- 44 Facilius alienari potest pars ter-
ritorii, quàm populi.
- 45 Num Rex, sine populi consensu,
possit regnum suum alteri offerre
in feudum?
- 46 Pars populi, aut imperii in po-
pulum, sine ejus consensu, nequit
alteri in pignus dari.
- 47 Num Rex, sine consensu populi,
possit aliis jure hæreditario, conce-
dere Ducatus, Marchionatus &c.
- 48 Bona domanialia, Rex, sine po-
puli consensu, alienare nequit.
- 49 Acquisitio derivativa, quæ fit per
legem; aut fit per legem naturæ,
aut Gentium, aut civilem.
- 50 Naturalis justitia commutativa
petit, ut id quod debetur, in spe-
cie præstetur, aut aliud tantidem
valens.
- 51 Ubi judiciorum viget autoritas,
nemo propria autoritate, invito
debitori, creditum vel debitum
extorquere potest.
- 52 Quo casu, quis sibi occulta com-
pensatione consulere possit?
- 53 Jure naturali, parentum hære-
ditas, ab intestato primùm de-
fertur in liberos; quibus iniquè
exhæredatis, datur querela inof-
ficiosi.
- 54 Ratio hujus assertur.
- 55 Dicta procedunt, nisi parentes
ediderint in contrarium, iustæ &
rationabilis voluntatis suæ, in-
dicia.
- 56 Nisi pactis dotilibus, vel alio
modo, aliter dispositum fuerit;
liberi ab intestato, æqualiter suc-
cedunt in bona parentum.
- 57 Pactis conjugum statui potest, ut
quidam liberorum, non sint hæ-
redes, sed certâ portione contenti
esse debeant. Et ille est effectus
Matrimonii, quod Germani vo-
cant: Ad Morgengabica, seu
Morgengaticam. Tale Matrimo-
nium, moribus hodiernis, præ-
sertim inter personas, quarum
una est illuistris, altera ignobilis,
reputatur validum & licitum.
& cur? ibid.
- 58 Liberos hæreditas defertur
pa-

- parentibus seu ascendentibus. Ubi distinctio facienda videtur inter bona, à Patre vel Matre, profecta. Sed de hoc accuratius infra. n. 63 & 66 & seq.*
- 59 Ratio, cur parentes liberis ab intestato succedant?
- 60 Parentibus non superstitibus, defuncti fratres germani, aut eorum liberi, jure representationis, ab intestato succedunt.
- 61 Quid, si solum supersint defuncti fratres duntaxat consanguinei & uterini? An tunc bona paterna consanguineis, materna uterinis obveniant?
- 62 Plenius expenditur, qualiter de jure civili, post descendentes & ascendentes; tertio ordine, ab intestato ad successionem vocentur fratres tum germani, tum consanguinei, aut uterini, eorumve liberi concurrentes?
- 63 Limitius discutitur questio; num in concursu fratrum consanguineorum & uterinorum, obtineat Brocardicon: Paterna paternis, Materna maternis?
- 64 In bonis feudilibus, consanguinei, à fratribus germanis non excluduntur.
- 65 Premortuorum fratrum filii, ultimo avunculo succedunt in capita.
- 66 Fratres germani, alteri germano succedentes simpliciter & absque distinctione bonorum, excludunt fratres tantum consanguineos, vel merè uterinos.
- 67 Non extantibus verò fratribus germanis, A Hochkirchen, Ethic. Christ. Pars II, manis, vel eorum liberis, in alodialibus succedunt fratres consanguinei & uterini, eorumve liberi, pariter, absque discrimine bonorum.
- 68 Non solum germanorum, sed & consanguineorum vel uterinorum fratrum liberi, si soli fuerint, excludunt defuncti patrum, avunculum, materteram aut amitam.
- 69 Fratres legitimi per subsequens Matrimonium, succedunt aequaliter cum aliis legitimis natis.
- 70 Aliud dicendum de legitimis per Rescriptum Principis.
- 71 Quid de fratribus adoptivis vel arrogatis?
- 72 Quid de fratribus naturalibus tantum?
- 73 Statuitur norma succedendi pro remotioribus collateralibus.
- 74 Jus repræsentationis, in linea collateralis, non extenditur ultra fratrum liberos, nec duplicitas vinculi ulteriùs attenditur.
- 75 De successione conjugum remissivè.
- 76 Affinium, nulla inter se, ab intestato, successio.
- 77 Post conjuges, non semper succedit immediate Fiscus.
- 78 Fiscus, quando succedat? Quid jure Albinagii obtineat in Gallia, ibid.
- 79 Quæ de modo & ordine succedendi, jure civili sancita sunt, non eam habent de jure nature necessitatem, quin pactis, legibus & moribus, variari possint.
- 80 Si defunctus voluntatem suam non

- expresserit; censetur id voluisse, quod lex aut mos populi habet.*
- 81 *In Regnorum successionem, distinctio facienda inter Regna pleno jure & modo possessa ab his, quæ modum possessionis à populo acceperunt.*
- 82 *In Regno indivisibili, si aliter non sit dispositum; præfertur mas femina, & natumaximus aliis postea genitis.*
- 83 *Quo casu tamen primogenitus aliis congruam portionem, quæ vulgò Appanagium dicitur, assignare debet. Vide ibid. Quid nominis & rei sit Appanagium, & qui Appanagiati?*
- 84 *Appanagium unde constituendum?*
- 85 *Qua debeat esse quantitas Appanagii?*
- 86 *Principes Appanagiati, an sint Status imperii?*
- 87 *Appanagium, quatenus succedat in locum legitimæ?*
- 88 *An Bastardis etiam sit constituendum Appanagium?*
- 89 *Secundogenitus ex matre illustri, an præferendus primogenito ex matre plebeja?*
- 90 *In successione Regnorum, populus censetur id voluisse, quod maximè expedit Quid maximè expediat? ibid.*
- 91 *An, ad successionem, admittendi sint Adoptivi?*
- 92 *Cur mares in successione, feminis præferantur?*
- 93 *Cur & natumaximus filiorum?*
- 94 *Jus representationis, quod ad successionem Regni, capiendum, salvâ sexûs primum, deinde, ætatis prærogativâ.*
- 95 *An Regnum sit pars hereditatis paternæ?*
- 96 *An primogenitus acceptato Regno, reliquam hereditatem, ob nimium as alienum, repudiare possit?*
- 97 *Populus potuit Regi contulisse potestatem obligandi se, nomine Reipublicæ.*
- 98 *Atque hujusmodi facultatem, quatenus ad imperium ritè gerendum necessaria est, quivis Rex habere censetur.*
- 99 *Principum tamen actiones, non sunt scrupulosè commensurandæ Regula, pro negotiis privatorum, statuta.*
- 100 *Actus in perniciem Reipublicæ gestus, non tam revocari, quàm ab initio nullus fuisse, declarari potest.*
- 101 *An, & quatenus Rex imperio se abdicare possit?*
- 102 *Utrum abdicando Regnum, primogenito vel aliis nocere queat?*
- 103 *Quis super controversia de successione Regni judicabit?*
- 104 *Utrum filius ante adeptionem Regni natus, præferendus sit ei, quæ in regia fortuna ortus est.*
- 105 *Occurritur objectioni.*
- 106 *An nepos ex filio priore, præferendus sit filio Regis posteriori?*



Acquisitione derivativâ aliquid fit nostrum, quando consequimur rem, quæ vel alicujus est, vel fuit, id quod duobus modis fieri po-

test, videlicet: aut *facto hominis*, aut *dispositione legis*, Sylvius in *1^{am} 2^{de} D. Thomæ* 9. 66 art. 2. *quæstio* 4. Siquidem modi derivativi acquirendi domini, sunt illi, quæis proprietas ab uno præhabita, derivatur in alios; hi autem profluunt partim à *facto*, seu voluntate unius dominium transferentis, & alterius acceptantis; veluti in pactis & contractibus contingit; partim à *lege*, seu juris dispositione, vigore cujus quandoque dominium, invito etiam domino, transfertur in alium, prout contingit in successione *ab intestate*, *usucapione* ac *prescriptione*.

2. Generalis & maximè naturalis modus derivativus acquirendi domini, est *Traditio*, de qua superiore capite ideo egimus, quia modus iste, ob sui generalitatem, proximè accedit ad modos originarios. Hoc autem capite, de Traditionis speciebus, sigillatim agemus.

3. Præliminariter autem *Quæri* potest; num modi transferendi domini, signanter in *facto* seu humana voluntate fundati, profluant à jure naturali? *Ratio dubitanda* est: quòd, ut superiori capite *n. 128* teste *Jussiano Imperatore*, regulimus, possit introduci rerum dominia, nihil tam naturale sit, quàm ut domini voluntas rem in alium transferre volentis, rata sit. Confer. *Grot. lib. 1 de J. B. & P. cap. 1 §. 10 n. 4 & lib. 2 cap. 2 §. 2 n. 5* Item: *cap. 6 §. 1 n. 1*.

4. Ante Resolutionem quæstionis, suppono ut certum; quòd Matrimonium in ratione contractus, non quidem singulis individuis, sed humano generi secundum se,

sit jure naturæ præceptum, quia in ordine ad propagationem humani generis, est medium simpliciter & determinatè necessarium, prout bene observat *Casbechimus Romanus, part. 2 cap. 8 ibi: Deus in mundi creatione instituit Matrimonium in officium naturæ*. Cui nihil obstat, quòd post elevationem Matrimonii ad Sacramenti rationem, in lege nova per Christum factam; forma introducta sit jure Ecclesiastico; hæc enim forma nihil præjudicat juri naturæ, cujus fini æque satisfiit, quacunque formâ celebretur. Proinde, sicut ante elevationem, jus naturæ, formam contractus istius, juri *Civili*, ita post elevationem, soli juri *Ecclesiastico* reliquit determinandam. Hoc præsupposito, sit.

5. *Resolutio 1^{ma}* Modi transferendi domini; à *facto* seu hominum voluntate pendentes, sunt quidem juris naturæ, alituntaxat merè *negativi*. *Ratio* est; quia introducta rerum proprietas, dominiorumque translatio, vel potius transferibilitas secundum te considerata, non est juris naturæ *positivi*, *absoluti*, *dispositivi* aut *præceptivi*, sed merè *permisivi* & *negativi*. Nam, ut supra demonstratum, non est determinatè & simpliciter necessaria ad felicitatem naturæ rationali ac societati humanæ propriam; cum hunc in finem, sufficere usus rerum ad vitæ sustentationem requisitus, qui usus haberi potuisset, durante rerum communione, ut proinde nec universalis rerum partitio & proprietas, multò minus modus transferendi domini de uno in alterum, fuerit à naturali jure determinatus vel præceptus.

6. *Resolutio 2^a*. Modi, transferendi domini ex *facto* seu voluntate hominum profecti, remotionè & generatim, juri Gentium natales suos debent, *Ratio*; quia fac-

R 2

cultas transferendi dominiū per pacta & contractus quoscunque, nata est ex dictamine rationis, longævo Gentium usu, firmato ad populorum publicam felicitatem, communi bono societatis humanæ, quin & necessitate id exigente: ita, ut facultas eatenus reciproce pacificendi, generatim ab una Gente abrogari nequeat.

7. **RESOLUTIO 3tia.** Modi transferendi dominiū *in specie & quod ad formam*, proximè orti sunt ex *jure civili*, etsi obligatio inde resultans, verè adscribenda sit *juri naturali propriè dicto*, seu *absoluto*. Ratio est; quia pacta in specie, seu modi pacificendi per *permutationem*, *emptionem venditionem*, *locationem* &c. hac vel illa formulâ, non respiciunt primariò communem Gentium utilitatem, sed privatam potius cujusvis populi necessitatem atque commoditatem: Tamen enim Gentium omnium interfit, ut pactis & conventionibus commercia colere, & de rebus suis disponere possint, nihil tamen interest, num id determinatè hoc vel illo modo, hac vel illa solemnitate aut formâ facere possint; horum enim determinatio, pro locorum, rerum, alienarumq; circumstantiarum exigentia varia, cujusque civitatis aut populi arbitrio, seu juri civili, relicta est. Quod autem obligatio è pactis & contractibus resultans, sit juris naturalis absoluti; & inde clarescit, quodd fides tam publica quàm privata, in pactis & conventionibus *positivè* exigatur ab amore, proximo, debito, & ad felicitatem naturæ rationali propriam, simpliciter necessario: alioquin enim rueret commercium omne inter mortales, cum manifesto societatis humanæ præjudicio ac detrimento, ut rectissime *Ulpianus l. 1 ff. de pactis*. Pro vinculo servandi pacta, æquitatem naturalem assignet. *Quid enim* (inquit) *tam congruum fidei humanæ, quàm ea, quæ inter illos placuerunt, servare?* Ne videlicet sublatâ fide, tollatur omne, quod inter homines intercedere debet, commercium.

8. *Grotius, dum lib. 2 de J. B. & P. capi 6 §. 1.* tractat de acquisitione derivativa, quæ sit *facto hominis*, altius supercilium attollit, & indagat, utrum Imperia, ad instar aliarum rerum privatarum, alienari possint? ut supra hac spinosa quæstione, rationabile judicium ferri possit, præviè observandum: qd quædam Regna sint *Patrimonialia*, quædam *legitima*. In Regno *Patrimoniali* Rex ex populi voluntate, absolutam & illimitatam habet facultatem de illo pro lubitu disponendi, illudque ex toto vel ex parte abalienandi: in Regno verò *legitimo*, populus eam facultatem sibi reservavit. Unde sequitur, diversissimam in utroque esse & testamentorum, & successionum *ab intestato*, rationem. Hanc diversitatem pauci, pro more, attigit *Grotius lib. 2. cap. 7. §. 12.* ubi tradit: Regna *Patrimonialia*, pro lubitu possessoris dividi posse tam inter fœminas, quàm mares, quinimò adoptatos quoque, nothos & cognatos alios, si ita expressè voluerit possessor, ad successionem esse admittendos; non enim hic considerandæ sunt leges civiles, quibus Reges se non alligant, sed naturalia jura ponderanda sunt. Proinde, si Rex, qui Regnum habet in *patrimonio*, voluntatem suam super successionem declaraverit; illi, quatenus juri naturali aut divino positivo non repugnat, obtemperandum & standum est. Quodd, si nihil ea de re declaraverit; id voluisse censendus est, quod saluti & securitati Regni sui quàm maximè reputabitur conveniens. Econtra, in *Regnis legitimis*, populi voluntas, pro cynosura, capiendâ & unice respicienda est: quæ, si per leges *fundamentales* (ut vocant fuerit declarata; inde nullatenus discendi posse, in aprico est. Quod, si populi voluntas explicata non reperitur; id rursus jus factumque erit, quod saluti Regni fuerit conveniens. Ex quo

9. *Sequitur:* quodd, sicut in *regnis patrimonialibus*

monialibus testamenta summorum imperantium, omnino locum habent, ita in *legitimis*, testandi disponendique facultas, à populi voluntate legibúsve fundamentalibus, modum, vim & efficaciam haurire debeat.

10. Quanti momenti sit hæc conclusio, haud difficile intelligitur; cum inde gravissimæ controversiæ, definiendæ veniant. Ubi enim de regno, velut de patrimonio suo, Rex disponere potest, naturali & Gentium jure, per *arrogationem*, *adoptionem*, sibi filium & heredem constituere valet, teste *Grotio* & aliis ab ipso citatis, quibus etiam adscriptur *Carolus Molinaeus, ad Consuetud. Parisi: §. 12 Gloss: 3 n. 11*. Primogenituræ quoque jus, in tali regno, suâ sponte corrui, nec locum sibi vindicare potest, cum nihil obstat, quò minus secundò vel ulterius genitum ex filiis, Rex ad successionem vocare possit. Comprobat hoc calculo suo *Antonius Bagnasacus, in Resp: de Successione Regni Portugall: Pro Sabaudie Duce. n. 41*. Cui suffragatur *Christophorus Besoldus, Politicor. lib. 1. cap. 3. pag. mibi 222*. Appositè ex *Plutarcho* adducens exemplum *Pyrri*, ei, qui ex filiis suis gladium habuisset acutiorem, regnum se relicturnum profuturum: Itémque *Comitis Embitenfis*, ex liberis, heredem dignissimum, nominantis. Neque verò id tantum procedit in iis, qui regio sanguine prognati sunt, sed & peregrinum & humili loco ortum, filiis suis neglectis, designare successorem potest Princeps in regno *patrimoniali*, ut ut aliqui dissentiant, nec à ratione, nec ab exemplis ad rem facientibus, intentionem suam probantes.

11. Non lubet hic subius prosequi omnia illa, quæ ex regnorum *Patrimonialium* & *Legitimorum* discrimine fluunt: exempla tamen, si quis ex veteri pariter ac recentiori historia desideret, is consulat *Vincenium Cabottum, Variar. jur. publ. ac privat. Dissert. lib. 1. cap. 10 pag. 40. & seq. ubi longa*

serie refert exempla successionum in utroque genere regnorum, ac præprimis recenset ea, quæ Reges aut testamento, aut donatione, aut quavis aliâ ratione, absque populi contentu, abalienarunt. Adde *Frid. Wendelinum lib. 2. Institutionum politicar. lib. 2. cap. 30. §. 2. n. 2. pag. mibi 356. & seq. ubi enumerat Regna, Ducatus & Principatus, à Romano Imperio, cum, vel sine legitimo titulo, pro dolo, & avulsâ.*

12. In hoc plerique conveniunt, quòd de rebus *patrimonialibus*, seu: merè *allodialibus*, libera, Principi non ligio, sed respectivè supremo, & à nemine mortalium dependente competat testandi disponendique facultas. Unde, cum in nostro Imperio *Romano-Germanico*, nonnulli Principatus, Marchionatus, Comitatusque, pro *allodiis* reputentur; De iis posse testari Principem, *Limnei lib. 4. c. 8. n. 131. & seq. Myleri de Statu Imperii conclus. 24. n. 7. Grotii de J. B. & P. lib. 1. cap. 3. §. 12. & seq. Reinkingii de Regimin. secular. & Eccles. lib. 1. class. 4. cap. 17.* aliorumque est sententia.

13. Quinimò de feudis non paucis constat, quòd nexus aut obligatio feudalis in Vasallo tam tenuis sit; ut propius ad naturam rei *allodialis*, quàm *feudi* accedere videantur. Qua de re legi meretur *Petrus Gudelius de jure feudorum. part. 3. cap. 1. & seq. cum quo insigni Doctore Lovaniensi*, probè notandum; quòd non omnium feudorum, ubivis, eadem sit conditio; ita, ut non sit univèrsim concludendum; quòd res ita, in singulis individuis casibus, se habeat; sicut in una alteràve *facti specie*, usu aut moribus receptum, vel domini *directi* expressâ voluntate, singulariter constitutum; quanquam in dubio, non extante lege vel consuetudine locorum speciali; ex communi feudorum jure, interpretatio sit bauriendâ. Contingere itaque potest [& contingit plurics] quòd per convèntium Domini *directi*, plura sibi vindicet *vasallus*, quàm

cæteroque ipsi liceat: ex quo haud concludendum; quod id *iure* faciat, aut res *feudalis*, idcirco pro *allodiali* aut *patrimoniali*, sit reputanda.

14. Ut de Regnis & Principatibus, quos quis *jure suo*, non *clientelari* possidet; solidius iudicium ferri possit; sedulo perpendenda est origo Institutorum Rerum publicarum; quia, ex hac consideratione, patet; populum, Rempubicam constituentem (cum saltem sine Imperio Civitatem esse non posse conspiceret) ut suæ securitati consulere; non tantum consensisse in id, ut Imperantes præficerentur; sed definivisse etiam, à quibus, & qua norma, sibi imperari vellet. Siquidem, ut per pacta, ipsæ civitates coaluerunt; ita excogitari nulla alia ratio potest imperii introducti, quam consensus civium, seu pactum inter cives ac ipsos imperantes initum. Quemadmodum verò natura civitatis, bonique regiminis postulat, ut imperans quoscunque deum sit, aut quocunque modo summæ rerum præficiatur, tantà instructus sit potestate; quantà, ad imperium ritè gerendum, requiritur; ita certis limitibus potestatem ejus circumscribere, item unum vel plures, ad illam dignitatem evehere, modumque, quo imperans constitui, imperioque admodum debeat, definire, in libera cuiusque populi positum fuit voluntate. Ex hoc fonte nati sunt diversissimi Gentium mores, aliis electionem successioni; aliis successionem electioni, præferentibus; atque, super succedendi modo, diversis leges, statutibus. Etenim natura civitatis humanique generis salus non postulabat, ut hæc apud omnes populos, eodem modo, se haberent. Unde, quod eatenus cuique Genti placuit; id etiam in hisce capitibus, justum & æquum censi debet.

15. Hinc itaque profectum est, quòd nonnullæ Gentes, omnimodam potestatem, absoluto imperantis arbitrio, contulerint,

id ratum habentes, quidquid ille, circa regnum & regni successionem, decreverit. Unde prodierunt illa regna, quæ *hereditaria* itemque *patrimonialia* in Scholis politicorum vocari solent. *Hugo Grotius cit. lib. 1. cap. 3. §. 11.* ex jure belli, atque absoluta deditione, horum regnorum originem acceperit. *Quidam (inquit) reges pleno jure proprietatis, regnum possident, ut qui justo bello imperium quaesiverunt, aut in quorum ditionem, populus aliquis, majoris mali evitandi causa, ita se dedit, ut nihil exciperetur.* Verum, etsi bellum per sæpe occasionem præbeat, ut populus regnum alicui offerat in patrimonium; non tamen hujus rei, causa adæquata, est bellum; cum solus consensus populi, etiam citra belli occasionem, possit esse causa translativa hujusmodi Imperii *absoluti*. Et quid obstat, quominus populus commodorum quorundam intuitu, pacis tempore, hostem non metuens ullum, tali modo Imperium alicui cōferat?

16. Quocirca cum ex populi consensu atque arbitrio, totum hoc negotium metiendum sit; facile intelligitur; quod potestas Summi Imperantis, quò ad imperii aut regni abalienationem, diversimode circumscribi, & limitari possit. Interdum enim tota res, ita ejus submitti potest arbitrio, ut populi nullæ partes sint, nec ejus aut confirmatio concurrere debeat; sed, ut ratum firmumque sit, quidquid Princeps decreverit. Et ejusmodi regna *proprie* in patrimonio sunt; jureque hereditario in alios transmittuntur. Interdum verò ita regnum, in Principis arbitrium, collatum est, ut successorem quidem designare possit, designatio tamen tum demum vires capiat, & valida censeatur; si accedat consensus aut ratificatio procerum vel populi. Denique, sic quoque succedendi ratio institui & ordinari potest, ut tota quidem à voluntate populi dependeat; Principis tamen designatio aut testamentaria dispositio, vim commen-

ditionis apud populum vel optimates habeat. Hujus generis videtur fuisse testamentaria dispositio *Caroli Magni* (quam exhibet *Melchior Goldastus. Constit. Imper. Tom. 1.*) Voluit enim Imperator ille, à *Francorum optimatibus*, testamentum suum confirmari, prout ex *Adone* observavit *Grotius loc. cit. §. 13. n. 1.*

17. Sæpe *Martis* arbitrio submissum, aut minimè decusum fuit dubium, fuerintne regnum, de quo contendeatur, *Patrimoniale* ac *hereditarium*, an verò *Legitimum*? Non semper enim constat, neque ex monumentis liquidò semper probari potest; an populus Principi ejusve stirpi, regnum conferendo, simul contulerit facultatem illud pro lubitu alienandi, an verò hanc facultatem sibi reservaverit? *Vincentius Cabotius. loc. supra cit. pag. 39.* Suam hac super re sententiam, his formalibus depromit: *Plurimum interest, an aliquis præscriptus sit lege, aut consuetudine usurpatus succedendi ordo. Nam, ubi nullus extiterit, erit Regis libera de regno dispositio, in quem velit liberorum, principatum conferre. Stante verò ejusmodi lege aut consuetudine, non erit: nec poterit Rex ita de regno disponere, ut à legis aut consuetudinis forma recedat. Voluntas siquidem populi duplici ratione manifestatur aut expressè & apertè per leges, aut tacita quadam consensione per consuetudinem; adeoque bene sic argumentamur: Ubique leges de successione latæ sunt, aut consuetudo certum succedendi modum approbavit; ibi à voluntate Regis privativè, successio non pendet, nec potest regnum pro hereditario reputari: ubi verò legibus fundamentalibus hac de re nihil fuit dispositum, sed indefinitè & absque ulla reservatione vel restrictione, regnum dignoscitur à populo vel Optimatibus fuisse collatum in personam Principis unius; ibi regnum patrimoniale censetur; præcipuè, si populus Optimatè,ve, Regi regnum in patrimonio habere*

cupienti, apertè lustrigari fuerint. Profecto, omnia monumenta atque publica, sedulo perpendenda sunt, ut dijudicari queat, an populi voluntate atque consensu, Principi familiæve ejus, hoc vel illo modo, delatum fuerit regnum, ut prudenter dixerit *Cabotius loc. cit. perquam difficile esse, in tanta obscuritate rerum (latent enim omnia fere jura regnorum) constinere, quæ regna ad hoc aut illud genus successionis referenda sint.*

18. Patuli interim erroris convincuntur *Ludovicus Molina, & Michael ab Aguirre* quorum ille *Tom 3 de Justitia & Jure part. prior. De majoratu &c. tract. 2. Disp. 626.* contendit omne regnum, non jure hereditario, sed sanguinis, ad successores deferri, quasi successores in regno, semper & ubivis illud consequerentur, non ab immediato antecessore, neque ex voluntate aut dispositione illius, se ex jure sanguinis, atque ex pacto & providentia Reipublicæ, quæ regnum ipsum instituit, certisque legibus, modum in illo succedendi, determinavit. Id quod quidem in uno alteròve regno obtinere potest, non tamen est perpetuum, nec regulare. Alter econtra in *Resp. de Success. Portugall. regni. part. 1. n. 15.* probare conatur, omnia regna, jure hereditario deferri, argumentò, ex jure Canonico, petirò, ex quo evidènt sit, primogenitum filium, cui jus primogenituræ ex consuetudine defertur, non à genere, sed à patre illud consecui: id est: non iam, quia primogenitus, quàm: quia hæres sit patris. Neutri autem adherere possumus, quia nimis apertè constat experientia, non eandem, in hoc capite, omnium regnorum successivorum, esse conditionem. Qua de re, præmissis videri meretur *Christophorus Besoldus. Politicor. lib. 1. cap. 3. pag. mibi 218.*

19. Illud certum est, ad hoc, ut regnum aliquod intelligatur patrimoniale, sufficere; si princeps aut testamento, aut donatione, aliòve modo, illud abalienare possit, non expe-

expedito populi aut procerum consensu.

20. Ad hodierna & Europæ quidem, quod attinet regna; ea pro *legitimis* potius, quam *patrimonialibus* habenda esse, in apico est; eò quod in ipsis, ratio succedendi, legibus *fundamentalibus* definita, neque facultas pro lubitu, de regno disponendi, concessa sit Regi, Id, quod de *Gallie* regno, præter alios, *Hottomannus lib. 1. de Success. in regno Franc. De regno Angliæ, Eduardus Chamberlainius. In notis. Angliæ. part. 1. cap. 5. & de aliis regnis, puta: Suetiæ, Daniæ, Neapolis &c.* passim testantur politici. Conter *Theatrum Europæum.*

21. In regnis autem *legitimis*, aut nulla prorsus testandi facultas, aut certè non alia, competit Regi, quàm illa, quæ legibus regni *fundamentalibus* conformis sit; proinde, si contra hujusmodi leges, ordinem successorum, præfigentes, testamentum condiderit, deque successore & successione in regnum, disposuerit; *irrita* erit & *invalida* dispositio, nisi consensus populi procerumve expressus accesserit.

22. Loquendo de regnis duntaxat *patrimonialibus*: indubium est, quòd Rex facultatem habeat patrimonium suum in alium *etiam extraneum* transferendi, quòdque eatenus juris *civilis* regulis, ejusque solemnitatibus neutiquam quidem obstrictus sit; nihilominus tamen juris *naturalis* omnes homines indiscriminatus obligantis, trames transilire non possit, si actum validum exercere cogitet. Quæ autem jus hocce naturale, circa testamenta ultimæ voluntatis præscribit, ad tria revocantur capita; videlicet 1.º. Ut testator reverà consentiat, 2.º. Ut de hoc consensu, certò & liquidò illis constet, qui alioquin *ab intestato* successuri erant. 3.º. Denique, ut in res, quas abalienare constituit, nulli mortalium aliunde jus aliquod questum sit.

23. Quid de regno, ex toto vel ex parte disponens, præprimis consentire debeat; ad eò

palmare est, ut ea de re nemo sanæ mentis dubitare possit. Si enim testamentum, juxta omnium jurisperitorum effatum, *est voluntatis nostræ justa sententia de eo, quod quis post mortem suam fieri velit*; nil præter aquè ad testamenti valorem requiri potest, quàm testatoris consensus.

Quod faciunt illa *Jstorum trita Brocardica: Voluntatem testatoris prædominari debere in testamentis, & utramque in illis facere paginam: voluntatem testatoris nos scilari debere: voluntatem itidem testatoris debere esse liberam, non coactam nec importunis sollicitationibus expressam &c.*

24. Cùm autem consensus *præsuppositivè* actum intellectus, & *formaliter* (ut Scholastici loquuntur) actum voluntatis importet; sua sponte sequitur, nec actum intellectus ulla ratione præpeditum, neque actum voluntatis, vi metus extortum fuisse debere. Profectò, ætas decrepita, corporis sensuumque debilitas, mentis error, sæpe consensui obstat possunt, quòd minùs ultima valeat dispositio. In moribundis plerumque mentis vis, sive dolorum vehementia, sive mortis imminutis metu atque terrore, valde imminuitur, ut non tam exactè, quid rebus aut suis, aut aliorum expedit; dispicere peræquè possint, ac si corpore mentèque bene valerent. Hanc quidem ob causam, *Plato lib. 2. de legib.* hujusmodi testamenta, prorsus rejicienda arbitratus est, tanquam profecta ab illis, qui justa deliberatione in rebus magni momenti summopere necessarià, uti haud potuerint. *Solidi* [inquit] *enim & fratres quodammodo animo præditi unus plerique, cum jam morituros nos esse putamus.* Ita inquam sentit *Plato*; legibus tamen *Romanorum*, & moribus receptum est, ut ex eo capite non rejiciantur indiscriminim testamenta; præcipuè, quia plerique ad extremum usque vitæ halitum, sufficiens retinent robur mentis, imò persæpe quàm maximè oculos mentis aperiant,

riunt, dum corporis oculos claudere coguntur.

25. Cæterum, sicut intellectus per errorem, sic voluntas per coactionem atque metum impediri potest, quominus testator ritè consensisse dici queat. Utrumque autem variis modis fieri posse, nemo dubitabit, qui utcumque, hominum aliorum bonis inhiantium, voluntatēq; morientium ad se flectere edocorum mores exploratos habuerit.

Nec obest, quod (ut vulgò in scholis jactari solet) metus non tollat voluntarium, ac proin nec officiat consensui. Ut ut enim id *in thesi* verum sit, omnes tamen assertionem istam limitant in casu, in quo ob metum graviorem, animus ita terrore percellitur ac perturbatur, ut vix obiter penetret, quæ extrinsecus preterit & probat. Quò facit, quòd in testamentis, non qualiscunque consensus sufficiat, qualis fortè cum metu isto consistere posset; sed, quod plenus consensus, liberrimæque voluntas requiratur; id quod Civilis quoque juris Auctores & Interpretes identidem inculcant, dicentes: supremam Voluntatem oportere esse haud coactam, nec importunis sollicitationibus expressam: neque illam pendere debere ex alterius arbitrio &c. Confer *Richter Decis* 27. n.

11. Adde *Mevium Ad jus Lubec. lib. 2. tit. 1. art. 4. n. 28. § seg.*

26. Præterea, plenus & liber testatoris consensus, aliis, quorum interest, innotescere debet: cum enim consensus sit actus *internus* animi; utique eo modo *externè* manifestari debet, ut liquidò constet, testatorem hoc & non aliud voluisse. Romani, ut testamentorum religioni consulerent; varias illi addidèrunt solemnitates. Ne tamen illis hæ Constitutiones fraudi essent, quibus fortè oportum consiliūve non erat, omnes illas solemnitates exactè observare; Ideo legibus quoque Romanis, *Codicillorum* usus introductus est. Codicillorum enim nomine, Jurisperitis, ultima voluntas mi-

A. Hockitschen, Ethic. Christi. Pars II.

nus solemniter venit, de eo, quod quis post mortem suam fieri velit, excepta hæredis institutione.

27. Denique ratio naturalis postulat, ne alterius jus quæsum, per testamentum lædatur. Nemo enim in alterum transferre potest, quod in ejus non fuit facultate. Unde Romani juris Auctores & Interpretes, testamentum definiverunt: voluntatis nostræ *jussam* sententiam, de eo, quod quis post mortem suam fieri velit: & *Justinianus Imperator*, in omnibus quidem voluntatem testatoris præcipuè considerari & prædominari debere, dixit; at id intellexit de voluntate *legitima* seu *justa & legibus conformi*. Legibus inquam, tum *naturalibus*, tum *positivis divinis*, tum porro humanis, si de civibus, seu privatis hominibus sermo sit. Quod, si de summis Imperantibus Agatur, palam est, illos non nisi naturalibus divinisque legibus obstringi, adeoque tunc solum testamentarias aliasque ipsorum dispositiones *nullas & irritas* esse; quando quid æquitati naturali, divinisque legibus adversum statuerint. Quo etiam referri possunt leges regni Imperiive *fundamentales*, quas summus Princeps testamento suo evertere non potest.

28. Sæpe dictum, summum Principem de regno *patrimoniali* liberè disponere posse. Sed quid? si Princeps in testamento suo aliquid disponat, quod salutis gentis, regni, que adversum sit, veluti: si accersat in testamento suo successorem ex gente suis subditis magnoperè invisa, & sub cujus despotico imperio, bella in- & externa, aliæque gravissima mala verosimiliter metuenda sint? Anne hujusmodi testamentum (suppositò, quod cætera requisita, de quibus supra n. 22. adfint) justum validumque est? *RESP.* & Dico: abique dubio, hujusmodi testamentum fore injustum & iniquum, eò quòd generatim sit injustum, quidpiam in damnum, perniciem, aut oppressionem alterius moliri.

moliri. Sed, cùm non omne, quod injustum est, statim etiam sit nullum & irritum; ideo meritò dubitari potest de valore suprafigurati testamenti. Ego ejus nullitatem evinci puto sequenti discursu: Quando populus Principi in regno *patrimoniali* (de hoc enim tantum sermo est, siquidem in *legitimis*, testamenta principum irrita esse, nisi populi consensus accesserit; sæpius jam innuatum) facultatem concessit testamento aut alia ratione regnum abalienandi vel in alium transfereendi, id ea lege, & haud aliter, fecisse censendus est, quam ut Princeps commune regni bonum præ oculis haberet, nec facultate ista, in populi regniq; perniciem abuteretur. Quis enim credat populum adeo dementem, & propriæ salutis incurium fuisse, ut se adeo serviliter Principis imperio subjecerit, ratæque perpetuò habuerit, quæ in sui perniciem non possent non vergere. Nolit ergo Princeps sibi persuasum habere, quod sibi in *infinitum* & *despoticè* dominandi potestas sit à populo alias (ut supponitur libero & armis non devicto) concessa, sed humanius existimet, potestatem sibi traditam, ex fine esse metiendam, finem verò à populo intentum non posse esse alium, quam commune ejus bonum. Quocirca, si quid molitus fuerit Princeps, quod huic fini, puta: salutis populi regniq; incolumitati adversum sit; limites potestatis suæ transgressus, id machinatus est, quod facere neutiquam potuit, adeoque factum hujusmodi, in se & naturâ suâ, irritum erit.

29. Similiter Princeps pro lubitu in extraneum transferendo regnum, nedum jus populi, sed nec aliorum, puta: liberorum aut cognatorum jura qualitercunque lædere potest. Pro quo observandum; quod liberi, agnati, cognative, sibi jus in regnum, bonæ Principis asserere

possint; vel *successione ab intestato*, aut *ex pactis & conventionibus*. In regnis *patrimonialibus* successione *ab intestato*, ex tacita voluntate, præsumptoque consensu defuncti deferri ad liberos proximòve agnatos, certum est, argumentò deductò à *successione intestata* in rebus privatorum. Commune enim & naturale parentum censetur esse votum & desiderium, ut bona ipsorum, ad liberos, agnatòsve deferantur, si aliter testamentò non caverint. In regnis autem *legitimis* rursus ad populi consensum voluntatèque recurrendum est. Quotiescunque enim alicui familiæ regnum deferatur, eâ lege delatum existimatur, ut omnes posteri ex illo sanguine progignendi, eo succedant ordine, quem populus, aut *expressè*, in legibus fundamentalibus, aut *tacitè*, per receptam consuetudinem præscripserit atque firmaverit. Si quem itaque, juxta nascendi conditionem, hic ordo, populi voluntate constitutus, tangat; is hoc ipso consequitur succedendi jus, quod Regis auctoritate aut testamento aliquo neutiquam ipsi est auferendum; cùm, ut sæpius dictum, in regnis *legitimis* nequaquam fas sit Regi, ab isto ordine semel introducto ac stabilito, recedere.

30. Ex hæcenus traditis *resultat*, quid respondendum sit, si quærat; an ex hæredari à Principe, aut filius aut quicumque proximus hæres possit? Siquidem pro cynosura semper observandum est discrimen, quod inter regnorum *patrimonialium* & *legitimorum* indolem, intercedit, prout solide docet *Hugo Grotius. lib. 2. De J. B. & P. cap. 7. §. 25.* In regno namque *patrimoniali*, æquè ac in bonis privatis, rationabili patris voluntate ex hæredari potest filius, regnumque ad alium transferri, immo ob vitia animi aut planè sit inidoneus, aut delictum, adeo gravi pœnâ dignum, commiserit; aliunde, etiam

etiam tali exheredatione, regni populique salus in evidens periculum non adducatur. Profectò, quidquid aliquando factitatum legatur, inhumanum & aequitati naturali repugnans apparet, sine gravi causa filium, proximumve agnatum, aut bonis aut spe successionis privare. Unde & in jure civili, ob iniquam exheredationem descendendum ascendentiùmve, *querela inofficiosi testamenti* conceditur. Cæterum, populi regnique salutem hac in re præprimis ponderandam esse, per se patet. In regnis autem legitimis tota res iterum ad populi voluntatē consensumque redit. Quemadmodum enim filius cæterique agnati & cognati, jus succedendi in ejusmodi regnis, non à voluntate patris, sed ex arbitrio atque consensu populi habent; ita non patris, sed populi judicio, hoc illis adimi potest. Confer *Joan. Frideric. Hornium. in polit. architecton. lib. 2. cap. 9. §. 15.* Proinde non nisi populus eum exheredare, successionēque indignum pronuntiare potest.

31. De pactis & conventionibus, quid sentiendum sit? facile decidi potest ex conclusionibus, quas Theologi & utriusque jurisperiti, de hac materia, passim tradunt. Supposito itaque, quòd pacifices facultate paciscendi fuerint instructi, pactumque naturali saltem jure validum celebraverint (ex pacto enim per se irritò, nullum jus nullaque obligatio nasci potest) indubium est, quin illud per testamentum enervari subvertique nequeat. Quocirca, bona, quibus modus *devolutionis* per pacta familiarum præstitutus est, neutiquam testamentorum dispositioni subjacent, prout civilis quoque juris Doctores uniformiter tradunt. Vide inter cæteros *Nicolaum Betsum. De pactis familiar. Illustrium. cap. 4. & 5.* Huc faciunt *confraternitates* inter illustres Germaniæ familias institutæ, quarum ea vis

est, ut omnium judicio, irritum futurum sit Principis testamentum, quod hujusmodi pactis repugnaret, & rectè quidem, alioquin enim nullus pactorum usus, nullaque conventionum efficacia, inter mortales superesset.

32. Injeci mentionem pacti confraternitatis. Ubi Nota: quod hujusmodi pactorum origo adscribatur istis temporibus, quibus, post *Fridericum II. Imperatorem, jus manuarium (Das faustrecht)* & *Diffinitiones private* in usu erant, de quibus vid. *A. B. tit. 15.* Cum enim turbulentis istis temporibus, quavis impunè alium, etiam armatà manu, invaderet, & viribus fortior, jure quoque ac autoritate potior haberetur, cùmque hac ratione familiæ germanorum illustres penitus everti timerent; ideo nonnullæ illarum, sacramento se obstrinxerunt, quòd junctis viribus illi restituti essent hosti, qui unum alterumve confederatorum invalu-
rus esset. Es stund ein Haufs fur allen, und alle fur eins. Hoc pactum postea extenderunt ad jus succedendi. Vide *Hahn De jure rer. concl. 75. n. 8. sub tit. Pact. Ganerbiatis*. Distinguenda tamen sunt pacta confraternitatis (*Erbverbrüderung*) quatenus mutuam defensionem respiciunt, à pactis pro successionē initis, quæ in jure publico Romano-Germanico, vocantur pacta *Ganerbinatus. Gan-Erbbschaft*. Confraternitas enim mutux defensionis intuitu duntaxat inita, nihil aliud importat, quàm conventionem & inde resultantem obligationem, se suasque facultates contra vim & hostiles incursionē defensionis: Confraternitas verò, prout importat jus succedendi, est pactum, quo id actum, ut alterius stirpe extincta, Principatus, certà successionis lege, ad alteram superstitem familiam devolvatur. Qua de re videri merentur: *Carpzovius De pact. Confraternit. Saxo-Hassiacæ. Limneus lib.*

4. cap. 8. n. 172. *Conringius ad Lampad. part. 3. c. 5. §. 13. Kulpifius ad Monzambanum. p. 1. cap. 2. §. 1. pag. 237.*

33. Confraternitates itaque hoc sensu acceptæ, sunt pacta *gentilitia*, inita inter illustres familias, ut alterius stirpe extinctâ, patrimonium & principatus certâ successione lege, ad alteram superstitem familiam devolvatur. Hæc autem pacta Gentilitia, hodie in Imperio Romano-Germanico, consensu Imperatoris opus habent, alioquin enim Feuda nunquam fierent vacantia in Imperio, si videlicet Principes pro lubitu, ejusmodi pacta inire possent. Vide *Capitulationes Ferdinandi IV. art. 30. & Leopoldi, eod. articulo. Item Josephi 1. art. 30. & 31.* Cæterum, cum *loc. cit.* Cæsares promiserint, se de nullo tali feudo, sine præscitu *Electorum* disposituros; *Electorum* consensus ad prædictorum pactorum confirmationem necessarius esse videtur, qua de re consule *Limnæum J. P. lib. 4. cap. 8. n. 15. Stryck. Examin. Juris Feudal. cap. 16. §. 28.* Quanquam certum sit, ad id non requiri consensum subditorum, cum is in Feudi alienatione non requiratur. Porro, pactum Confraternitatis, aliud est *universale*, quod de omnibus paciscentium bonis, Principatibus ac integro illorum patrimonio intelligitur; aliud *particulare*, quod super certo Principatu, Comitatu vel honorum parte, inquit, vel utrimque & ex utroque latere, quod tum *ambilaterale* pactum audit, vel ex uno tantum latere, quod tunc *unilaterale* vocatur. Vide *Limn. loc. cit. cap. 8. n. 172.*

34. OPPONES. Pacta confraternitatis de mutua successione, subministrant occasionem captandæ mortis, adimunt itera facultatem testandi. Ergo. *Resp.* Præsumptionem non cadere in Principes, quod successione gratiâ, alterius posteritatem, agnatosque exterminaturi sint, ut

hac in parte non debeat attendi juris civilis dispositio, vigore cujus pacta futuræ successione prohibita inveniuntur; loquitur enim jus civile de pactis privatorum, non verò integrarum familiarum. Neque verum est, tali ratione paciscentibus adimi facultatem testandi, cum utique reservata habeant bona, de quibus usque ad mortem liberè disponere queant.

35. De eo gravissima sæpe agitata fuit controversia, num Princeps antecessorum suorum pactis, aut etiam testamentis teneatur? Hac in re *Hugo Grotius lib. 2. De J. B. & P. cap. 14. §. 10. & seq.* cum aliis à *Reinkingio* citatis *lib. 1. classe 3. cap. 10.* recurrit ad discrimen, quod inter regna *patrimonialia* & *legitima* intercedere jam sæpius meminimus. Afferunt inquam Doctores communiter; eum, qui in regno patrimoniali succedit, omnino illis teneri pactis, quæ ipsi regno bonisquæ in quæ succedit, inhærent, quæve *realia* ideo passim audiunt. *Ratio* est; quod in Regno *patrimoniali* succedens, eâ naturaliter subauditâ conditione admittatur, ut onera quoque ei adhærentia, subeat Ut populari judicio, iniquissimus mortalium reputetur; qui duntaxat commodum capere, incommoda verò cum eo connexa subire detrectet. In regnis autem *legitimis*, identidem pro cynosura, respiciendus est populi consensus, quo expressim non existente, habenda est ratio salutis & conservationis regni. Respublica enim & populus, ea rata habere censetur, quæ Princeps aut Imperans agit, dummodò diametraliter ea non adverentur populi saluti, quæ summa lex est. Quamdiu autem in regno *legitimo*, per expressum vel tacitum populi consensum, post obitum prioris, alius Rex substitutus non apparet; tamdiu populus ipse, per se vel Optimates suos, & jura & obligationes non se recipit, cæque porro

trans-

transfert in novum Regem, quem successione ordo tetigerit. Atque hoc est, quod *Grotius*, loc. cit. innuit, inquit: *In regnis patrimonialibus, Regem ex pacto antecessoris sui obligari immediate, in legitimis autem mediate, mediante scilicet populo.* Eadem distinctio adhibenda est ad firmiter judicandum de valore testamentorum à Principibus conditorum. In regnis enim *patrimonialibus*, ordinem succedendi à testatore præfixum & determinatum, successor nequaquam immutare valet, ex ratione; quod per testamentum & beneficium Antecessoris, eâ lege & conditione adeptus sit regnum, ut ejus voluntatem adamussim adimpleret, saltem in ea parte maximè substantiali. Unde, si eatenus à testatore voluntate discesserit, jure regni excidisse, hæreditatēque repudiâsse censetur. Loquendo iterum de regnis *legitimis*, discernendum & ponderandum pariter est; num ad testamentum Principis regnantis, populi optimatūve accesserit consensus, nec ne. Si non accessit, profecto testamentum nullam vim habet, neque successorem obligabit. Si verò accessit, eo, habitâ consensus ratione, *absolutè* vel *conditionatè*, prout populo visum fuerit, successor stare tenebitur. Cæterum, in hujusmodi regno, multò minùs successor, sine consensu populi, testamentum, condere valebit, quo forte antecessoris dispositionem jam populi consensu firmam roboratamque infringere atque labefactare pertentet. Tale utique testamentum pro invalido & omni prorsus effectu carente, *attentato*, ac temerario ausu, reputandum erit. Summatim colligendo; concludendum est; quod successor testamentariam dispositionem Antecessoris, nullo vitio laborantem, sacrosanctè observare & explere teneatur, eâ verò non teneatur; si aut facultate testandi fuerit destitutus; aut eam, ultra

quàm par fuerit, extenderit; aliudve vitium ei adhaeserit.

36. De Testamento *Caroli II.* Hispaniæ Regis, an legitimum validūve fuerit? nolim, ne longius digrediar; in favorem serenissimæ *Austriacæ* profapiae, cui semper devotissimus ero, disquisitionem instituire; quia super hac facti specie, jam alii solidissime scripserunt, & præprimis *Joannes Franciscus Buddeus*, in *selectis juris naturæ & gentium. Exercitatione, De testamentis summorum imperantium. cap. 2. & 3.*

37. Ex hæctenus demonstratis, fuit; quod ad instar aliarum rerum, imperia alienari possint ab eo, in cujus dominio verè sunt; puta: vel à Rege, si imperium in *patrimonio* habeat; vel à populo; si regnum sit *legitimum*, aut *electivum*, quo tamen casu, Regis viventis & regnantis consensus accedere debet, quia is quoque tanquam *fructuarius* jus aliquod habet, quod ei invito auferri non debet.

38. Quid? si pars sit alienanda, v. g. Civitas, Provincia; an & ejus partis consensus requiritur? *RESP. Affirmativè* si de regno *legitimo* loquamur. Nam, qui in civitatē coeunt, contrahunt societatem quaedam perpetuam & immortalem, ita ut velint regi eodem imperio, & intra ejusdem imperii fines degere. Unde quemadmodum singuli jus acquisiverunt, ut non possint invitè à civitate ejici, aut sub alterius imperium tradi, nisi in poenam delicti; ita & ut invitè à corpore abscindi & alii in ditionem tradi non queant.

39. Quodd, si Rex necessitate adactus, cum hoste vadiidior, eâ lege pacem inierit; ut ipsi certam regionem vel civitatem cedat, quæ tamen isti cessione se opponat; Rex quidem sua præsidia inde deducere poterit, & victori permittere, ut, si possit, eam possessionem apprehendat; civitas equidem illa vel regio, nullatenus •

latenus impedita censebitur, quò minùs, si viribus suis confidat; possessionem capere volenti resistat, aut peculiarem deinceps civitatem constituat. Si autem necessitati cogatur cedere, facìle ex silentio consensus intervenisse videbitur. *In omnibus enim ferè gentibus* [inquit *Divus P. Augustinus lib. 18. De Civit. Dei. cap. 2.*] *quodammodo vox naturæ ista personuit, ut subjugari victoribus mallet, quibus contigit vinci, quàm bellicà omnifarià vastatione deleri.*

40. DICES. Pars corporis, quæ toti est nociva vel inutilis, potest abscindi; jam autem, dum Princeps aliter pacem cum hoste inire, reliquumque corpus conservare non potest, quàm hosti cedendo civitatem aut regionem unam, pars ista, si non cederetur, & quadantenus abscinderetur, tali casu nedum inutilis, sed & nociva evaderet. Ergo invitis civibus aut incolis, hosti potest cedi. RESP. Has partes non ita esse sub corpore *moralis*, sicut partes naturales sub corpore *physico* & *animato*, quippe, quæ sine vita totius vivere nequeunt, & ideo in usum totius rectè abscinduntur. Itaque corpus, de quo hic agimus, alterius est generis, voluntate scilicet còcuntium, contractum, ac propterea jus ejus in partes, ex primæva metiendum est voluntate, quæ minimè credi debet talis fuisse, ut jus esset corpori partes abscindendi, & alteri in ditionem dandi. Ex quo

41. Uterius colligitur; cur hac in re, majus sit jus partis, ad se tuendum, quàm corporis in partem: siquidem corpus demum jus consequitur in partem, per consensum ejus in consociationem: partis autem jus, ad se tuendum, est antiquius, ei ante initam consociationem, à Deo & natura, ad sui conservationem, concessum, quod ipsi invitiæ auferri non potest. Si

42. DICAS. Imperium, quod est in to-

to corde seu civitate, importat facultatem alienandi partem. ERGO. RESP. Imperium esse in toto corpore velut in subjecto *adæquato* & *existentiæ*, at non *divisibiliter* in plures partes, verum *indivisibiliter*, ac proinde etiam in quavis parte, quàm diu manet in eadem civitate; planè, sicut anima subjeçtatur indivisibiliter in corporibus perfectis. Igitur [in statu *Democratico* scilicet] majestas & imperium, sicut reperitur in toto populo libero; ita & subjeçtatur in singulis partibus, ut proinde corpus seu civitas, vi imperii, nequeat habere jus alienandi partem animatam civium.

43. Neque *contra* facit; quòd necessitas & utilitas publica interdum exigere possit, ut pars alienetur. Nam, licet in extrema necessitate & innoxia utilitate, jus habeamus etiam in res, alterius dominio subjeçtas; hæc tamen necessitas & utilitas, quæ rem ad jus naturæ reducit, comprehendit tantum usum rei alterius, quæ seposita rerum divisione, & stante bonorum communione, à quolibet apprehendi & consumi potuisset, non autem jus alienandi, quod factò humano, scilicet post dominia distincta introductum est, ac proinde ab humana voluntate mensuram accipit.

44. Aliud est, si de parte regni aut civitatis *inanimata*, puta: parte territorii non habitata aut deserta loquamur. Nihil enim ob stare potest, quò minùs hujusmodi pars à populo libero, aut etiam à Rege, accedente populi consensu, alienari possit. Nam territorium & totum & partes ejus, sunt communia populi liberi, pro *indiviso*, ac proinde sub arbitrio populi. Sed id de parte populi dici non potest, hæc enim animà, ut ita loquar *sentius* informata, liberam habet facultatem & jus contradicendi tam reliquo populo, quàm Regi regnum in patrimonio non

te-

tenenti. Consonat *Grotius loc. cit. cap. 6. §. 7. & ex ipso Vitriarius, ibid. quæst. 12.*

45. Huc spectat *Quæstio*: num Rex sine populi alioquin liberi consensu, possit regnum suum alteri offerre in feudum, & ab eo recognoscere sub onere commissi ex *Felonia*, aut ita; ut deficiente familia suâ, jus imperandi ad illum devolvatur, cui regnum obtulit in feudum? *RESPONDETUR* autem, quod in regno non *patrimoniali*, Rex id facere non possit; quia talis oblatio in feudum, est species alienationis. Quare compertum est à pluribus populis, teste *Cromero* apud *Grotium, loc. cit. §. 9.* irritas habitas fuisse nedum alienationes, sed & infeudationes regnorum, quas populis inconsultis, Reges fecerunt. Populum autem consensisse intelligimus, sive totus *tributum* consenserit, quod olim apud *Germanos & Gallos* fieri solebat; sive per *legatos partium integrantes*; puta: *Ordinum, Civitatum &c.* sufficiente mandato instructos. Quod enim quis per alium facit, per seipsum fecisse censetur.

46. Ex eodem fonte fluit; quod pars populi aut imperii in populum, alteri nequeat in pignus dari, sine consensu populi, & ejus præsertim partis, quæ oppignoranda sit, idque non tantum ea de causa, quod ex pignoris datione, sequi soleat alienatio, & naturalis possessio tantisper sit penes creditorem; sed, quia populus Regem ultrò constituens, ab ipso voluit gubernari, non verò à quolibet alio, proinde præsumitur voluisse in sua integritate conservari, cujus rei gratiâ in societatem civilem coivit. Si

47. *PETAS*: An Rex sine consensu populi, possit aliis jure hæreditario concedere *Ducatus, Marchionatus, Landgraviatus, Comitatus &c.* aut alias jurisdictiones summo imperio minores? *RESP.* Mancendo intra terminos juris naturalis,

id Regem inconsulto populo alioquin libero, & in regno non *patrimoniali*, non posse; quia, sicut in regno *legitimo*, vel *electivo*, imperium ipsius morte finitur; ita concessionibus ab ipso factâ, ulterius prorogari non possunt, neque successores, utpote, qui jus suum imperandi à populo, non ab antecessore accepisse intelligitur, ejusmodi concessionibus, *ratas* habere tenentur. Equidem, sicut populi consensus *expressus*, ita & *tacitus*, consuetudine introductus, talem facultatem Regibus tribuisse potest. Sic in Imperio nostro *Romano-Germanico*, olim Imperatores aliis nedum oppida, sed & totas regiones jure perpetuo tenendas concessere, prout fusè videre licet in *Vitriario illustrato. insit juris publici. lib. 1. tit. 14. & 16.* Si rursum

48. *SCISCITERIS*: Num Rex patrimonium populi, seu bona *domanialia*, *Germ. Cron-güter, Cammer-güter*, *Gall. Domaines*, quæ Regi sunt concessa, ad sustinenda *Reipublicæ* aut regie dignitatis onera, sine consensu populi, in totum vel in partem alienare possit? *RESP.* *Negative* cum *Grotio loc. cit. §. 11. Renato Choppino. De Doman. lib. 3. cap. 18. & Molinæo. De usuris. quæst. 58.* Ratio est, quia in hujusmodi bonis, Rex majus jus non habet, quàm usufructuarius, qui rem in usumfructum habitam, alteri cedendo, nihil agit. Atque hoc verum est, licet res modicum valeat; quia, quod meum non est, ejus nec exiguam partem alienare mihi jus est, quanquàm in rebus modicis potius, quàm in magnis, ex scientia & silentio, facilius populi consensus præsumatur. Deficiente autem consensu expresso vel præsumpto, alienatio est ipso jure *nulla*, ob defectum facultatis. Hujusmodi enim patrimonium, imperii causâ est constitutum, & quamvis Rex sibi fortè ad vitam suam satis prospectum judicet;

dicet, tamen alius post fata ejus præficiendus, qui & pro dignitate sustentari debet, magis egeret posset. Aliud est de fructibus, quos Rex ex bonis Domaniabilibus percepit; hi enim sunt in ejus patrimonio & dominio, ut de iis pro lubitu, tum ultimâ voluntate, tum inter vivos, disponere queat.

49. *Acquisitio derivativa*, quæ fit per legem; aut fit lege naturæ, aut gentium, aut civili. De ea, quæ fit lege civili, cum varia & arbitraria sit; non est nostrum hic agere, quanquam obiter hic notare possimus, quasdam leges civiles esse planè injustas, ut: quæ bona naufragorum, Fisco addicunt. *Auth. Naufragia. Cod. De furtis*. Nulla enim causâ præcedente præbabili, dominium rerum alicui auferre; mera injuria est.

50. *Lege naturæ*, quæ ex ipsa dominii natura ac vi sequitur, primò ex justitia commutativa, loco rei meæ aut mihi debite [cum eam ipsam consequi non possum] aliud tantundem valens, tollere valeo ab eo, qui rem meam detinet, aut debet. Nam justitia commutativa (quam *Grotius expletricem* vocat) quoties ad idem, seu ipsum, quod debetur, non potest pertinere; fertur ad tantundem, ac compensationem postulat, quæ commoda interpretatione, pro ipsa re habetur, ejusque vicem præstat.

51. An ergo propriâ autoritate, invito debitori, quod meum est, aut mihi debitum, auferre possum? *RESP.* Ubi iudicia vigent, jure est experiendum, quia alias frustra esset instituta judiciorum autoritas, & alioquin tumultus in civitate facile excitari posset, ac ordo turbari. Ubi verò iudicia cessant, vel momentanè; puta: si alioquin nunquam tuum recuperare possis, aufugiente fortè debitore; aut continuè; ut in locis, ubi nec iudex nec judicium existit; unusquisque pro-

priâ autoritate, invito debitori auferre potest, quod suum est.

52. Sed quid, si jus quidem certum sit, aut simul etiam moraliter certum sit, per judicem, juris explementum obtineri non posse; puta: quia probatio deficiat; anne tali casu, quis sibi jus dicere valebit? *Grotius lib. 2. De J. B. & P. cap. 7. §. 2. n. 2. in fin.* putat, in tali circumstantia, cessare legem de judiciis, & ad jus naturæ rediri. Theologi quoque, ut alibi retulimus, tali casu, occultam admittunt compensationem: Et hæc verior est sententia, dummodò quis sub prætextu juris, alteri vim non inferat, ne alioquin civitates turbis replentur. Quò facit; quòd violenta ablatio non esset habitura diuturnum effectum. Si enim is, cui vis facta est, adeat judicem & in sua probatione non deficiat; res erit restituenda, imò pluribus in locis, jus crediti amittit, qui id fecitaverit.

53. Secundò & præcipuè, per legem naturæ, fit alienatio, *successione ab intestato*. Si quis enim voluntatis suæ nullam edidit testationem, cum tamen credibile non sit, eum illius mentis fuisse, ut voluerit post mortem, bona sua cuilibet occupanti cedere; ex conjectura voluntatis præsumitur, bona sua voluisse pervenire ad eum, ad quem illa pervenire æquum & honestum est. Hujus præsumptæ voluntatis tanta est vis, ut si quis factò testamento, iniquè & irrationabiliter liberos exheredaverit; jus naturæ etiam, contra hujusmodi testatoris voluntatem, det successionem. *prim. instit. De inoffic. testam.* Unde, licet tali casu, deferatur successio contra voluntatem *inordinatam*; non tamen contra præsumptam voluntatem, si *ordinata* fuisset.

54. Itaque etiam citra auxilium legis civilis, prima bonorum successio, liberis ab intestato defertur: quia parentes creduntur

duntur illis veluti corporis sui partibus, non tantum de necessariis, sed & de his, quæ ad vitam suavius honestiusque transigendam pertinent, quam uberrime voluisse prospicere, ab eo maxime tempore, quo ipsi rebus suis amplius frui non possent. *Ratio naturalis* (inquit Paulus J.C. in l. Cum ratio. 7. ff. De bonis damnator.) quasi lex quedam tacita, liberis parentum hereditatem addicit, velut ad debitam successione eos vocando. Idipsum insinuat *Papinianus* in l. 7. §. 1. ff. Si tabul. testam. ibi: *Non sic parentibus liberorum, ut liberis parentum debetur hereditas. Parentes ad bona liberorum, ratio miserationis admittit: liberos, nature simul & parentum commune votum.* Parentes enim non solum optant liberos post se superstites relinquire, sed & iis creduntur optime prospectum voluisse.

55. Dicta procedunt, si in diversum non adsint indicia voluntatis justæ & rationabilis; si enim manifesta suppetant argumenta oppositæ voluntatis, benigna ista cessabit conjectura, veluti: si filius ob insignem in parentes impietatem aut ingratitude, è familia expulsus & abdicatus, aut exheredatus fuerit. Quo tamen casu, ei, qui peccatis suis mortem meritus non est, alimenta præstanda sunt.

56. *Ab intestato*, nisi parentes aliter disposuerint per pacta dotalia, aut alio modo; omnes liberi *equaliter* succedunt in bona. *Dico: nisi &c.* Non enim est necesse, ut bona æqualiter inter liberos dividantur, sed uni atque alteri, præ cæteris, præcipui aliquid pater assignare potest, vel ob singularia merita, aut præclaram spem, vel etiam ob peculiarem affectum in primis erga familiam ejusque splendorem & conservationem, quæ sæpius labitur ob nimiam & æqualem inter liberos bonorum partitionem.

57. Quinimò, ex pactione evenire potest, ut quidam liberorum excludantur à præcipua hereditate; ita, ut non fiant hæredes, sed certa portione ipsis legatâ vel alimentis, contenti esse debeant.

Conjugium tali pacto initum etiam cum fœmina libera, concubinatum Hebræi vocant, & hujusmodi fuit conjugium *Abrahami* cum *Cethura*, cujus liberi, ut habetur *Genes. 25. dona*, id est: *legata* quedam acceperunt, ad hereditatem autem patrimonii non pervenerunt. Tale matrimonium, apud nos Germanos, vocatur *ad Morgengabiam*, seu, ut alii ajunt, *ad Morgenaticam*, quod describitur: legitima conjunctio, in primis viri illustris cum fœmina inferioris conditionis, eâ lege seu conditione, inita, ut liberi ex isto Matrimonio nascituri, certâ portione assignatâ debeant esse contenti, à reliqua verò hereditate paternâ, dignitatisque ejus ac gentilitiorum insignium participatione, sint exclusi. Tale Matrimonium moribus hodiernis reputatur licitum in utroque foro; quia continet individuum vitæ consuetudinem, sobolis procreandæ gratiâ, licet, ut vulgò dicitur, *sinistrâ manu* talis soleat duci uxor. Confer *Mylerum in Gamalogia Principum. cap. 6. & Bitsch. ad lib. 2. feud. cap. 29.* Rationes, ob quas tale conjugium contrahi solet, sunt: 1. Ut conserventur familiæ in primis illustres, quæ ex bonorum divisione ac immutatione, splendorem suum facillè amittunt. 2. Favor liberorum prioris fortè thori. 3. Ne hujusmodi personæ cogantur vivere in perpetuo peccato concubinatus. Non diffitemur tamen, hujusmodi pactum *antenuptiale*, constante Matrimonio à patre illustri & matre, mutari posse. Quia nihil tam naturale est, quam ut unumquodque eo modo dissolvatur, quo fuit colligatum, dummodo alteri tertio v. g. agnato, in cujus favorem fortè tale pactum factum erat, non sit jus

quæ-

T

quæsitum, hoc enim ipsi invito, nequidem à Principe, nisi in penam atrocis delicti, auferri potest. Vide *Rhet. Inst. jur. publ. lib. 1. tit. 21. pag. 304.* Junge *Grot. loc. cit. cap. 14. §. 7.* Porro Matrimonio ad *Morgengabiam*, similes ferè sunt secundæ in hisce regionibus nuptiæ, siquidem bonorum immobilium proprietates acquisita manet liberis primi thori. Quæ de re vide *Petrum Stockman, in libro. De jure devolutionis* &c.

58. Deficientibus liberis, gradu retrogrado, successio defertur parentibus, licet non pari, ut dictum, ratione. Parentes enim ad bona liberorum, miserationis causa admittit, liberos verò naturæ simul & commune parentum votum, ad hæreditatem vocat. Si à statuario quorundam locorum jure hic, ut decet, præscindere velimus; omnino cum *Grotio* & aliis etiam juris civilis interpretibus, distinctio faciendæ foret inter bona, à liberis sine prole mortuis, relicta. Considerandum (inquam) foret: an bona ipsorum fuerint à patre, lineæve paternæ, an à matre, lineæve maternæ, profecta? sicut jure *Austriaco* observatur. Æquum enim videtur, ut bona eò redeant, unde venerunt, adeoque paternæ paternis, maternæ maternis retrocedant. Quod tamen non ita accipiendum, quasi naturaliter de bonis paternis avitisque testari non liceat, aliquid pro arbitrio relinquendo aliis, quàm unde venerint, sed solum indigitare volumus, quæ in dubio credenda sit voluntas illius, qui testamentum nullum fecit. Sed hac de re limatiùs infra n. 63.

59. Profecud, cum filius post mortem suam nec bonis suis trui, neque dominium illorum retinere possit; omnino censetur noluisse perdere beneficii rependendi materiam vel occasionem; maxime, cum ordo naturalis circa beneficia postulet, ut

potius gratia referatur ei, à quo quis beneficium accepit, quàm, ut alteri cuicumque amico conferatur beneficium. Hoc post *Ciceronem* agnoscens *Divus Ambrosius. De offic. lib. 1. cap. 31.* inquit: *Pulchrum est propensorem haberi ejus rationem, qui tibi aut beneficium aliquod aut munus contulit.... Quid enim tam contra officium, quàm non reddere quod acceperis?* Jam verò liberi, à parentibus, præter nativitatis, alia innumera educationis beneficia consecuti sunt. Nihil ergo æquius est, quàm ut post fata sua, parentibus bona sua reliquere censentur.

60. Parentibus mortuis, hæreditas devolvitur ad eos, qui proximè nobiscum ex iisdem parentibus descendunt, puta: fratres & sorores *Germanos*, id est, eodem patre & eadem matre, natos, aut iis non superstitibus, ad liberos eorum, jure *representationis*. Quæ de re vide *Zoësum ad titulum Inst. De successib. ab intestato. Ad Novellam 118. n. 6.* Nam & hac ratione, gratiam referimus parentibus nostris in eorum liberis, consanguineis nostris, quibus, si viverent genitores, maxime vellent beneficii.

61. Quòd, si tantum supersint fratres *consanguinei* duntaxat, id est; eodem patre, sed alia matre procreati, vel *uterini*, eadem scilicet matre, sed diverso patre nati, *Grotius loc. cit. cap. 7. §. 9. n. 1.* cum aliis etiam juris Civilis interpretibus, valde prudenter putat, respiciendum esse, ex quo veluti fonte, bona ista ad defunctum fuerint devoluta; ita, ut *paterna* paternis, id est: *consanguineis*; *materna* maternis, id est: *uterinis* cedant, bona autem noviter acquisita æqualiter dividantur.

62. Ut hac in parte paulò clariùs loquamur, sciendum est: quòd de jure civili, post descendentes & ascendentes, tertio ordine admittantur ad successionem ab intestato, primò fratres & sorores *Germani*

mani, eorumque liberi, in quibus idem sanguis & eadem radix, qui proinde unilaterales, & reliquos quosunque excludunt. per *Authent. Itaque. Cod. commun. De successione*. Sciendum (inquam) quod non existentibus Germanis eorumve liberis, demum succedant *consanguinei & uterini* & cum his quibusdam vivis, aliorum prædefunctorum liberi *in stirpes*. Dico: quibusdam viris. Si enim soli sint, succedunt *in capita*, sicut fratrum Germanorum liberi. *cit. Novell. 118. cap. 3. & Authent. Post fratres. Cod. De legitim. hered.* Idque sine discrimine bonorum, paterna scilicet sint, an materna. Ratio: quia & hi tunc jure veniunt proprio, non jure representationis. Notandum enim & bene observandum est, quod fratrum filii tunc solum *in stirpes* succedant, quando vocantur cum propriis *ibidem*, id est: patris & avunculis. *cit. Novell. 118. cap. 3.* ut, si soli sint, non succedant beneficio representationis, sed jure proprio, & consequenter *in capita*.

63. Sub incudem voco quæstionem prætractatam, utrum nempe in concursu fratrum uterinorum & consanguineorum, ita instituenda sit successio & bonorum divisio, ut materna *uterinis*, paterna *consanguineis* cedant? *Zoësius loc. cit.* dicit usum fori obtinere, ut in bonis paternis, *consanguinei*, eorumque liberi; in maternis *uterini* & eorum filii passim præferantur, id quod veteri jure obtinebat, nec expressè correctum videtur per *cit. Novellam 118. cap. 3.* quæ ut Author iste putat, consanguineos & uterinos æqualiter vocans, potest intelligi, *salvo jure veteri*, ut habeantur æqualiter vocati ad reliqua bona quæ supererunt post prædefuncta paterna & materna. Hanc sententiam in plerisque locis praxi receptam, ipse *Zoësius* theoricè impugnari posse fatetur; eò quod uterini & consanguinei per sæpe

citatum *Novellam* æqualiter sint vocati ad totam NB. hæreditatem, neque oporteat nos distinguere, ubi lex non distinguit, maximè, quia alias non verificaretur æqualis successio, in casu, quo defunctus non reliquisset, nisi forsitan paterna tantum, vel materna bona. Sequeretur [inquam] fratres *uterinos* quandoque penitus excludi à *consanguineis*, puta: si mera adessent bona paterna, & consanguineos penitus removeri ab *uterinis*, si mera reperirentur bona materna. Licet igitur *D. Kees. ad tit. Instit. De hereditatib. quæ ab intestato defer.* & *ibid. Schamhozen, Harprecht & Pirbing lib. 3. jur. canon. tit. 17. sect. 1. §. 4 n. 22.* communi calculo munitam & praxi Austriacæ firmatam dicant sententiam, quæ *consanguineis* paterna, *uterinis* verò materna decernit. Equidem, cum *Fachinæo lib. 6. controvers. cap. 5. Hunnio Variar. resolut. lib. 3. tract. 1. quæst. 37. Frantz Instit. tit. cit. n. 82.* probabilius mihi videtur, utrumque fratrem, *consanguineum* scilicet & *uterinum* admittendum fore, absque bonorum discrimine, si scilicet de bonis *allodialibus* loquamur. Nam

64. In *feudalibus* non tam attenditur *duplicitas vinculi*, quàm *agnatio*, ac proinde consanguinei à Germanis non excluduntur, sed æqualiter succedunt. *Vultejus. De feudis. lib. 1. cap. 9. n. 122. Gail. lib. 2. Observat. 151. n. 1.*

65. Non est hic oscitanter tractanda prætractata Quæstio, num fratrum præmortuorum filii, si ultimo avunculo vel patruo succedant, soli scilicet, an capiant hæreditatem *in capita*, an *in stirpes*? Super hac quæstione olim acriter disputatum fuit, sed *Carolus V.* in Comitibus, anno 1529. habitis, disputationi finem imposuit, decernendo: quod fratrum filii, si soli sint, succedere debeant *in capita*. Confer *Zoësius loc. cit. §. De tertio ordine succedentium collateralium. n. 6. in fine.*

Ubi insignem notat differentiam inter lineam rectam, in qua *jus condominii* à filiis in nepotes transmissum, facit illos semper succedere in stirpes, & collateralem; in qua *jus condominii* non obtinet.

66. Altera sese hinc offert, aut repetenda est quæstio, num fratres *Germani* excludunt *consanguineos* & *uterinos* simpliciter & sine distinctione bonorum, ita; ut, sive à patre profecta sint, sive à matre, semper potior sit conditio *Germanorum*? RESP. à fratribus *germanis* semper excludi *unilaterales*, sine ulla distinctione bonorum *allodialium* [De feudilibus enim res, ut mox dictum, aliter se habet] Ratio: quia ubi ejusmodi bona à patre vel matre profecta, semel in patrimonium defuncti fratris pervenerunt; absolute *paterna* vel *materna* esse desierunt, & in patrimonium confratrum conversa sunt, adeoque non debet amplius haberi ratio originis bonorum, sed consideranda sunt in præfenti statu, quo reperiuntur, dum de succedendo agitur. Unde *lex 13. Cod. De legitim. hered.* per quam in bonis *paternis*, cum germanis admittendi dicebantur consanguinei, & in *maternis*, uterini, per supra cit. *Novellam* 118. cap. 3. sublata est.

67. Quodd, si nec fratres *germani*, nec eorum existent liberi, existant vero fratres *consanguinei* & *uterini* aut eorum liberi; hi per *Authent. Post fratres. Cod. De legitim. hered.* ad successionem vocantur, nec frater consanguineus excludit uterinum, nec e contra, sunt enim in pari gradu, & hodie omnis differentia agnationis & cognationis sublata est circa bona *allodialia*.

68. Cæterum, non tantum fratrum *germanorum* filii, verum & consanguineorum & uterinorum liberi, si soli fuerint, excludunt defuncti patrum, avunculum, materteram aut amitam. Ratio:

quia licet filius fratris & patruus respectu defuncti, cui succeditur, sint in secundo gradu, secundum computationem canonicam, adeoque æqualiter distent; nihilominus, sicut frater defuncti, excludit patruum; ita etiam filius fratris præmortui, eum excludit, propter *jus representationis*, quo fingitur esse conjunctus defuncto in primo gradu. *Auth. Post fratres. C. De legitim. hered.*

69. Quò ad fratres *legitimatos*, pro Regula statuitur; quodd legitimati per subsequens Matrimonium, succedant eo modo, quo fratres ex justo thoro nati, cum per omnia pro legitimis habeantur. *Novell.* 117. & cap. Tanta. *Qui filii sint legit.*

70. Legitimati per Rescriptum Principis, considerari possunt vel: cum respectu ad se invicem; vel cum respectu ad fratres ex legitimo thoro natos. Primo modo considerati, succedunt ab intestato. *Novell.* 74. cap. 2. Secus considerati secundo modo. *Schneidew. & Manzius* apud *D. Kees tit. Instit. De heredit. quæ ab intestato. n. 57.*

71. Circa fratres *legitimos tantum*, id est: *merè adoptivos*, Regula est: quodd hi sibi invicem non succedant, cum in potestatem adoptantis non transierint. Si tamen sint adoptati ab aliquo ascendente, vel *arrogati*; Regula est; quodd hi non tantum sibi invicem, sed & aliis fratribus consanguineis succedant, quamdiu durat adoptio. Ratio: quia adoptio tantum operatur, quantum unum vinculum. *Dixi: sed & aliis fratribus consanguineis.* Quia adoptio vel arrogatio non porrigitur ad uxorem adoptantis, vel cognatos. *Argum. l. 23. ff. De adoptionib.* Cæterum, hi fratres arrogati, tanquam *unilaterales*, per fratres *germanos* defuncti excluduntur: & adoptati ab ascendente, & sibi invicem, & agnatis cognatisque adoptantis succedunt per *Novell.* 118. cap. 4.

Con-

Confer *Frantz ad cit. tit. Instit. n. 85. & seq.*

72. Circa fratres naturales tantum Regula est; 1ma, quod hi, si ex eadem matre nati; tam matri, quam sibi invicem succedant, non etiam patri. Ratio: quia sibi invicem sunt cognati. Regula 11. Fratres naturales ex patre juncti, nec sibi invicem nec patri succedunt. Ratio: quia jure civili, inter eos nec est cognatio nec agnatio, proinde nulla successio. Regula III. Fratres ex damnato coitu juncti, nec sibi invicem, nec aliis à patre aut matre junctis succedunt, per *Novell. 74. cap. ult. & Novell. 89. in fin.* Non enim merentur nomen liberorum aut fratrum. Vid. *Frantz loc. cit. n. 85.*

73. Tandem pro remotioribus collateralibus Regula est; quod deficientibus fratribus & sororibus, & ex uno latere junctis, eorumque filiis; succedant reliqui cognati collaterales gradu propinquiores, exclusis remotioribus, & quidem non in stirpes, sed in capita, si videlicet plures existant ejusdem gradus, nullo habito discrimine sexus, agnationis vel cognationis, sive ex uno, sive ex utroque latere juncti sint. *Novell. 118. cap. 3. & hæc successio probabilius extenditur in infinitum Arg. l. 2. §. 1. ff. De suis & legit. hered.* Ubi Jctus dicit: agnatorum successionem in infinitum se extendere, adeoque jus successionis non est ad 7mum. vel 10mum gradum restrictum, quod intelligitur: dummodo propinquitas possit doceri, ita cum aliis *Zöfius ad cit. tit. Instit. n. 7. contra Schneiderwinum & Manzium* putantes: hoc jus successionis decem graduum limitibus concludendum esse, eò quod in §. fin. *Instit. De successione cognat.* decimi gradus fiat mentio. At *Resp.* Decimum gradum ibi non restrictivè sed exemplativè poni. Exemplum autem non restringunt regulam.

74. Pro coronide hujus materiæ, Observandum 1mo. Jus repræsentationis in linea collateralis non extendi ultra fratrum liberos. 2do. Vinculi duplicitatem etiam in nullis aliis attendi, quam in fratribus & eorum filiis. 3to. Communem in omnium ordinum successionebus, regulam esse; quod successiones regulariter sint reciproæ. Item: quod infectâ radice, etiam infecti sint rami, & vice versâ. Id est: quoties succeditur patri vel matri, (qui sicut omnis cognationis, ita & omnis successionis radices sunt: toties etiam succeditur vel non succeditur aliis ascendentibus vel collateralibus. *Zöf. loc. cit. sub finem.*

75. Fufius digrederemur, si de successione viri & uxoris, singula, quæ legibus Romanorum, & consuetudine locorum, obtinent, pervolvere deberemus. Igitur hac in re lectorem remittimus ad *Gailum lib. 2. Observ. 117. Berlich. part. 2. concl. 32. Carpzov. part. 2. Constitutione 25. Definit. 8. n. 5. & Definit. 17. n. 8. D. Kees ad tit. cit. à n. 62. ubi ex Süttinger, Walter & Finsterwald tradit: quid hac in parte obtineat jure Austriaco. Someting ad eund. tit. n. 31. Hopp in examine Instit. n. 44. ac præ cæteris Strzyk in tract. De successione ab intest. dissert. 4. cap. 1. §. 37. & seq. Si*

76. ROGES: Num post conjuges, admittantur quoque affines? *Resp. Negativè.* Quia affinium nulla successio. l. 7. *Cod. comm. De success.* qua ratione Vitricus non succedit privigno. l. 3. *Cod. cod. Hopp. loc. cit. n. 47.*

77. Post conjuges, non semper succedit *Fiscus*, sed certa interdum collegia in jure probata, & in specie *Fisco* prælata. Sic *Decurioni* succedit *Curia*, militi, *legio &c. toto tit. Cod. De heredit. Decurion. Navicular. milit. & fabricens.* Pari modo *Clerico* succedit *Ecclesia*. l. 20. *Cod.*

do

De Episc. & Cleric. & argumentò hujus, Studioſo ſuccedit Academia. Stryck. diſt. tract. Diſſert. 5. cap. 1. §. 39.

78. Quòd, ſi nec in talicollegio fuerit defunctus; tunc ipſi ultimo loco ſuccedit Fiſcus. l. 4. *Cod. De bon. vacant. vel qui jure Filci gaudet*, cujuſmodi de jure *Saxonico & Lubecenſi* eſt Magiſtratus, qui *merum habet imperium. Mevius ad juſ Lubec. part. 2. tit. 2. art. 14. n. 64. Hop. loc. cit. n. fin.* De jure Filci in Austria, vide *Walter. lib. 3. tit. 80. per tot.* Cæterum, ut bona dicantur vacantia, requiritur, ut prius inquiratur per *proclamata publicè affixa*, utrum non exiſtat aliquis qui defuncti hæreditatem ſibi deberi, probare poſſit? Sanè, ſi quis in peregrinatione moriatur, neque Fiſcus, neque hoſpes, *jure hoſpitii*, bona defuncti retinere poteſt, ſed per manus Epilcopi, ſi fieri poſſit, vel hæredibus ab inteſtato debent tradi, vel: ſi hi reperibiles non ſint; in pias cauſas erogari. *text. in Authent. Omnes peregrini. Cod. comm. De ſucceſſ.* Quo jure non utuntur Galli. Etenim in Gallia, jure *Albinagii* (*par le Droit d'Aulbaine*) receptum, ut Fiſcus ſuccedat peregrinis ſeu alienigenis. Quòd perpendant & cordi ducant, qui abſque probò & circumſpecto Gubernatore, filios ſuos in omnem vitæ licentiam pronos, peregrinatum mittunt in *Galliam*, ubi eorum multi ſepulchro teſti; non pauci verò, corpore & animo corrupti, in patrios lares reverſi ſunt. De jure *Albinagii* meminit *Peroz ad Cod. Qui teſtam. fac. poſſ. n. 6.* ſed præcipue ſcripſit *D. Baquet. tractatu gallico: Du Droit d'Aulbaine. lib. 1. p. 2.* quem citat author *Vitriarii illuſtrati. lib. 3. tit. 20. §. 29. lit. b.* Sed hic Notandum, quòd cives, noſtræ Imperialis & Regiæ *Urbis Aquenſis*, Regum Galliæ clementiâ, à rigore juris *Albinagii*, exempti perhibeantur, fortaiſſi ideo;

quòd *Carolus Magnus*, qui hic ſedem Imperii fixit & ſanctè obiit; fuerit & *Franciæ Rex*, & primus imperii Romano-Germanici, à *Leone III.* coronatus Imperator.

79. Hæc, quæ de ſucceſſione deſcendentium, aſcendentium, collateralium, viri & uxoris &c. diximus; licet naturali conjecturæ maximè ſint conſentanea, non ſunt tamen jure naturæ ita neceſſaria, quin ex diverſis cauſis voluntatem hominum moventibus, variari poſſunt, & variata reperiuntur; pactis, legibus, moribus, qui repræſentationem, in vicem deſunctorum, in nonnullis gradibus admittunt, in aliis non admittunt: alicubi diſtinguunt, unde bona venerint, paterna ſcilicet ſint an materna? Alibi id ſuſque deque habent, & utroſque pari gradu & ratione admittunt. Alicubi primogeniti plus ferunt; alibi omnes filii æqualiter ſuccedunt. Aliqubi ruruſ *agnatorum* habetur ratio, id eſt: per virilem ſexum conjuncti præferuntur; alibi *cognati cum agnatis*, pari paſſu procedunt. Alicubi porrò maſculi excludunt fœmellas; alibi nec habetur ratio ſexus.

80. Quoties expreſſa voluntatis indicia circa ſucceſſionem in bona poſt mortem, non adſunt; pro generali regula teneri & credi debet; unumquemque id de ſua ſucceſſione ſtatuiffe, quod lex aut moſ populi habet, idque non tantum ex vi imperii, quod vult, ut omnes ſubditorum actus, ſint legibus conformes; ſed etiam ex conjectura, qua unusquiſque præſumitur ſe ſuâque legibus conformare & ſubjicere voluiſſe. Atque hæc conjectura etiam valet in eos, in quorum manu eſt ſummum imperium. Siquidem & hi probabiliter creduntur in rebus ſuis æquiſſimum judicaffe, quod aut legibus ſanxerunt ipſi, aut moribus probant, in iis nempe rebus, in quibus de nullo ipſorum dam-

damno agitur, & in quibus materia & ratio legis ipsis est, communis cum subditis, quod bene notandum. Nam successio Regum non per omnia mensuratur aut exigi potest ad regulas privatæ successionis, quia successio regnorum non æstimatur ex utilitate privatorum, sed ex utilitate publica, ut bene notat *Bæclerus ad Grotium, loc. cit. cap. 7. §. 11. n. 2.* & hinc ea, quæ in jure civili, aut privatorum successionibus, naturalem habent æquitatis rationem; quantum fieri potest; huc trahenda & applicanda sunt.

81. In regnorum successione, distinguenda sunt regna pleno modo possessa & in patrimonio habita, ab his, quæ modum habendi accipiunt ex populi consensu, de quo discrimine affatim *supra à n. 8.* egimus. Prioris generis regna deferuntur ex liberrima voluntate regnantis, eaque vel expressa vel præsumpta. Talia sunt regna armis subacta, aut dedita sine conditione. Utrobique enim populus videtur consensisse per modum invitæ actionis, ad voluntariæ tamen æstimationem redigendæ; quia coacta voluntas etiam est voluntas, & victor, sicut omne imperium per victoriam est consecutus, ita & facultatem obtinuit transferendi regnum, *Grotius loc. cit. §. 12. & lib. 3. cap. 8. §. 1. & 2.* Unde non tantum liberos legitimos mares & fœminas, verum & naturales vel adoptivos, aut alios planè extraneos tali regno præficere, illudque dividere potest.

82. Quod si dictum sit: ne regnum dividatur, nec cui cedere debeat expressum sit? *Grotius loc. cit. §. 13.* putat natumaximum, sive mas sive fœmina fuerit, regnum habiturum. Ast hæc opinio, ab ejus Apologetis communiter rejicitur. Si enim filiæ cum filiis concurrant, habenda est ratio sexûs; ita, ut filius natum minor seu secundo-genitus, præferatur

filiæ primogenitæ, sexûs liquidem prærogativa est perpetua; ætatis autem temporaria.

83. Licet autem secundò aut ulteriùs geniti non succedant in regnum; primo-genitus tamen se erga ipsos clementem & pium exhibere, & pro ipsorum portionibus, si non rependat æstimationem; saltem congruam pensionem (vulgò *Appanagium*) assignare debet, ut secundum statûs sui dignitatem, honestè vivere possint, prout pie admodum constituit *Carolus IV. in A. B. de filiis Elektorum* postgenitis. *tit. 24. De Appanagio* vide *Vitriarium illustratum. Instit. jur. publ. lib. 3. tit. 20. §. 64. & seq.* Est autem *Appanagium* verbum deductum à gallico *Appanage*; vel, ut alii volunt, à *pane*, unde & *panagium* aliquando dicitur. Quò ad rem significatam; *Appanagium* est certa portio reddituum, consistens vel in pecunia numerata, vel in assignatione certorum prædiorum, quam primo-genitus fratribus suis solvere tenetur. Vide *Fritsch. vol. 3. Exercit. J. P. 9. & Joan Fridericum Rhetium. disp. De jure portionis alimentariæ. & inst. J. P. lib. 2. tit. 40. §. 3. & 4.* Adde *Hottomannum in Franco-Gallia. cap. 8. & 9.* Illi igitur, quibus datur talis pensio vel portio, vocantur *Appanagiati* Germ. *Abgesundene Herren, Abgetheilte Herren.* Olim solus primo-genitus dicebatur dominus; postgeniti autem vocabantur *Domicelli. Junkeren*, quasi: *Junge Herren* Vide *Wilhelmum Leiser. disp. De Appanagio. thes. 31.* Hodie autem *Appanagiati* dignitatem & titulum honoris plerumque retinent.

84. Si bona *domanialia*, vulgò *Cammer-güter, Taffel-güter* non sufficiant ad hanc portionem constituendam; Princeps primogenitus eam constituere debet ex bonis patrimonialibus, ne fratres egentes & abjectos videat. Ratio etiam suffragatur.

tur. Cum enim ipse solus retineat commodum, si bona *domanialia* in infinitum superent hanc portionem; meritò etiam ferre debet incommodum, si fortè non sufficiant, & fortè aliquid de communi alioquin patrimonio (si primogenituræ jus non vigeret) conferre cogatur. Quamvis tali casu ad alia media, v. g. ad subditos collectandos, vel exigendum ab ipsis spontaneum subsidium, recurri possit, sicut ex relationibus publicis, in Angliæ & aliis regnis sæpe usurpatum scimus. Confer *Springfeld, in tract. De Appanagio. cap. 7.*

85. Dubitatum autem sæpius & contrarium hinc inde fuit, num quantitas Appanagii, sit determinanda pro fructuum perceptione, & secundum facultates reliqui patrimonii. *nach vermögen Vatterlicher güter*; an secundum quantitatem portionis *legitimæ*, à jure civili, pro numero liberorum, determinatæ? Prius, communiori calculo Doctorum, receptum est; tum quia alioquin principatus dismembrari & ex inde splendorem suum amittere posset, si plures forent liberi: tum quia *legitima* debetur jure successionis, hæc autem portio, non tam jure successionis, quàm jure provisionis, debita est, quæ provisio, cum sit incerta; ejus quoque quantitas incerta erit, nisi definita sit vel pactis familiæ, vel testamento patris. Quò facit: quòd dominium *legitimæ* semper transeat in accipientem; in Appanagio autem, dominium non semper transeat in Appanagiatum. Regulariter enim Appanagiati, in prædiis assignatis, non nisi usumfructum habent pro se & hæredibus, non verò jurisdictionem, nisi speciatim concessa sit. Unde utroque casu, superioritatem territorialem penes primogenitum esse, docet *Myler. De Statu Imperii. cap. 22. n. 3. & seq.*

86. Ad decidendam autem quæstio-

nem: num Appanagiati, nulla superioritate territoriali gaudentes, nihilominus sint *Status Imperii*, plurimum conferent distinctiones sequentes: videlicet 1. An Principatus sit divisus, an non? 2. An divisio sit facta cum approbatione Cæsaris, nec ne? 3. An Cæsar singulos specialiter de suis partibus investiverit, vel non? 4. An jus primogenituræ pactis familiæ inductum sit, vel secus? Profectò, si Cæsar fratres Appanagiatos nominatim de suis partibus investierit; verius est, eos esse *Status Imperii*: è contra, si hoc non fuerit factum, aut Principatus non sit divisus, sed vigeat jus *primogenituræ*, rectius creditur, solum primogenitum gaudere voto & sessione in *Imperii nostri Romano-Germanici* [de quo hic est sermo] *Comitiis*, quoniam primogenitus repræsentat totam familiam, ut latius probat *Limneus. J. P. Addit. ad lib. 1. cap. 7. pag. 75. §. 76.* cui ferè consonat *Lundorp in actis publ. tom. 4. lib. 4. pag. 85.* Quamquam utroque casu, Appanagiati gerant integrum titulum ad indicandum jus successionis, si primogeniti linea defecerit. Confer *Reinking. De Regim. secul. & Ecclesiast. lib. 1. classe 4. cap. 16. n. 20.* Ad supra motam quæstionem

87. Alii distinguendum esse arbitrantur, an agnato succedatur, an patri. Priore casu, ajunt portionem Appanagiatorum non esse *legitimam* juris civilis, bene verò casu posteriore, quod verum est: quatenus legitima tenet vicem alimentorum. Unde, si filius secundogenitus aliunde habeat, unde vivat; ipsi juxta veriorcm opinionem, non debetur hæc portio, quia cessante causâ, cessat effectus. *Tiraquellus. De primogenit. quest. 4. n. 35. & quest. 58. n. 11.* Non obstante, quòd tali modo, alicui fortuna sua & virtus posset videri damnosa. Nam fortuna & virtus faciunt, aliquem non amplius constitui in-

ne-

necessitate, cui succurrendum sit. Excipe: nisi forte alicui certa portio non præcisè pro alimentis fuerit assignata, quæ utique hoc casu etiam debita foret. Si

88. PETAS: An etiam bastardis sit constituendum Appanagium? *Resp. Sub distinctione*: Aut enim à patre sunt agniti vel non? Si illud illis omnino debetur: si hoc; non debetur quidem Appanagium; secundum benigniorem tamen sententiam, non sunt omnino derelinquendi. Vid. *Don. Garzia Masfrill. Decis. 85. per tot.*

89. Quid? si primogenitus sit natus ex matre plebeja, secundogenitus verò ex illustri? quis Appanagium censetur? & quis primogeniti prærogativâ potitur? *Resp.* Natum ex matre ignobili, non esse prærogativâ primogenituræ privandum, ac proinde secundogenitum, ultra Appanagium, nil prætereundum posse. *Ratio*: quia pro vero nobili est habendus, qui natus est ex patre nobili, matre licet ignobili. *Arg. l. 8. ff. De Senat.* cum, quò ad honores, liberi sequantur conditionem patris, imò & ipsa mulier, eò ipsò, quo nubit viro nobili, nanciscatur nobilitatem, & corrumpere dicatur charactere mariti. *Arg. l. Mulieres. Cod. De dignit.* Vid. *Reinking. De Regimin. secul. & Eccles. lib. 1. class. 5. cap. 11. n. 23. Speidel. voc. Adel. in fin.* Aliud tamen dicendum de natis ex matre nobili & patre ignobili. *Speidel ibid.* Quia uxor nobilis, amittit nobilitatem, si nubat ignobili. *l. 8. De Senatorib. l. 1. & l. 3. §. Si autem. Cod. De dignit. Vid. Limne. Notit. Regni Francisci. lib. 4. cap. 2. lit. J. & K.* Non est autem prætereundum, præsertim pro nostra Germania, quòd, tametsi mulier ignobilis, per Matrimonium cum nobili contractum, reddatur nobilis; attamen ex ea nati, paulò inferioris conditionis, vel saltem æstimationis esse videantur. Quò facit: quòd ejusmodi filii, olim non

A Hochkirschen, Ethic. Christi. Pars II.

fuerint admissi ad *Torneamenta. Limneus J. P. lib. 6. cap. 5. n. 62.* Nec hodie ejusmodi nobiles recipiantur ad capitula quarundam Ecclesiarum nobilium in Germania; prout conitat de collegiis Ecclesiarum: *Bambergensis, Moguntina, Herbipolensis, Aichstadiensis &c.* Vid. *Speidel voc. Adel.* Porro; licet etiam mulier nobilis, ignobili nubens, amittat nobilitatem; vidua tamen effecta, si denud nubat viro nobili; recuperat nobilitatem amissam. *Arg. l. 13. Cod. De dignit.*

90. Loquendo rursus de regnis, quæ ex libero populi consensu, facta sunt *hereditaria*; certum est, quòd illa ex præsumpta populi voluntate deferantur. Præsumitur autem populus id voluisse, quòd maximè expedit. Nisi verò lex aut consuetudo, aliud induxerit, expedire videtur. Imò. Ut regnum sit individuum, quia id ad tuendum regnum, & civium concordiam, maximè valet. Adde: quòd & primus Rex electus, censeatur voluisse in posteris servari eandem regni formam: & cum is regnum, non regna acceperit, etiam non præsumitur voluisse illud in plura discerpere, aut ex regno efficere *Aristocratiam*, ut nimirum plures fratres aut consortes, *pro indiviso*, pari inter se potestate, regnum administrarent. Talis enim mutatio & administratio nunquam periculis caruit, juxta illud *Poëta*:

Non capit una duos potestas regia fratres: Fraternali rubuit sanguine, Roma recens.

2dò. Expedit, ut successio maneat intra eos, qui descendunt à primo Rege: ea enim familia ob nobilitatem & generositatem electa censetur, eaque porro extincta regnum redit ad populum. 3dò. Expedit, ne succedant, nisi qui secundum patriæ leges, ex iustis nuptiis nati sunt, adeoque non *naturales tantum*, qui communiter contemptui habentur & ca-

V

rent

rent veneratione atque autoritate; eò quòd Pater talem matrem iusto conjugio & honore Matrimonii dignatus non fuerit. Quid facit; quòd ex pellice nati, minus certi habeantur asserti patris filii, propter deficientem fidem conjugalem; in regnis autem expediat populo, maximam quæ haberi possit, certitudinem sectari, ad vitandas controversias sæpe populo funestas. Hanc ob rem, prout Gro-
tius *loc. cit. cap. 7. §. 17. ex Livio lib. 39. cap. 53.* refert, Macedones Demetrio, minori potiùs, quàm Perseo majori, regnum debere existimaverunt, eò quòd Demetrius iustà matrefamilias natus non esset. Nec Dicās: Regum liberos omnes, censeri legitimos, eò quòd discrimen inter legitimos & naturales, sit ex legibus civilibus, quibus Reges soluti sunt. Tametsi enim dispar in multis sit conditio Regum & subditorum, quantum ad leges civiles; equidem nepotes, liberi, parentes, familia, genus &c. communiter apud omnes populos, qui ratione sua rectè utuntur, respectu iusti matrimonii dicuntur. Itaque, licet merè materialiter, & ut ita dicam, animaliter loquendo, ejusdem sanguinis & conditionis, sint spurii & legitimi; nihilominus formaliter, humaniter & rationaliter loquendo, discrimen, jure etiam naturæ, agnoscitur inter legitimos & naturales; perinde ac nemo ignorat discrimen inter matrimonium & concubinatum. Unde ii demum reputantur legitimi apud omnes populos, qui ex iustis nuptiis, seu individua vitæ consuetudine, nati sunt. Quòd si quis aliter sentiret, & rem explicare contenderet; stylium, omni ævo & ubique terrarum receptum, abnegaret, inquit Horn. *lib. 2. cap. 9. §. 15.* Si ROGES: Num filii adoptivi succedant in Regnum? RESP. Negativè. Tum quia nobilitas generis verè regii, magis reverendos efficit, majorque de natis ex

sanguine regio spes concipitur: planè, sicut Horatius de brutis canit, *Odyss. lib. 4. v. 4. Est in juvenis, est in equis patrum virtus.*

Tum quia populus in naturalem Regis stirpem, regnum contulit, qua deficienti, ad se voluit redire pristinam facultatem de successore disponendi, quæ facultas, supposità vel admisà potestate transferendi regnum in adoptatum, perpetuo cludi posset. Igitur, ut bene observat Baclerus ad Grosium, *loc. cit. §. 16. & Pufendorf. lib. 7. cap. 7. §. 17.* nec ascendentes primi Regis, populi electione constituti; neque fratres vel collaterales; & multò minus affines, citra novam populi electionem, admittuntur.

92. *Quartum expediens* est; ut inter eos, qui ob propinquitatem gradus, in parentum suorum locum succedunt, præferantur mares foeminis, eò quòd mares tum ad bella, tum ad alias functiones civiles, magis idonei foeminis reperiantur. Baclerus *loc. cit.*

93. *Quintum expediens* est: ut inter mares natum maximus, aut maribus deficientibus, è foeminis natum maxima (prout & in augustissima domo Austriaca, pragmaticà inductum sanctione) in successione præferatur. Ratio est: quòd natum major, sicut ætate, ita & judicio perfectior jam esse aut prius futurus esse credatur. Unde Homerus de regno Cretensi apud Grosium *loc. cit. lit. G. in not.*

Nostrium utrique solum patrum fuit & genus unum.

Jupiter at senior, verumque peritior idem. Et Cyrus apud Xenophontem, hoc ultimum fertur protulisse elogium: Imperium relinquo majori nati, ut quem par est, verum esse peritiorum. Cæterum; quia hæc ætatis prærogativa, temporaria est (tutela enim vel curatela impuberum vel minorum, per ætatis annos cessat) sexus autem

rem præstantia, perpetim durat; ideo Paganis æquè ac Christianis placuit, sexûs potiùs, quàm ætatis habendam rationem, & non nisi in defectu marium, sæminis regnum deferendum esse. Sic *Diodoro* narrante: lib. 4. cap. 33. *Teuthras, Mysia* regnum, filia *Argiopæ* reliquit non habens mares liberos. Sic *Trogus* apud *Iustinum*, lib. 1. cap. 4. pronuntiavit: ad filiam pertinuisse *Medorum* imperium, eò quòd *Astyagi* virilis sexûs progenies defecerit: & de *Latino Rege* canit *Virgilius* lib. 7. *Eneidos*. v. 50. & seq.

Filius huicfato divum, prolesque virilis
Nulla fuit: primaque oriens erepta juven-
venta est:

Sola domum & tantas servabat filia sedes.

94. Sed, juxta superius dicta, identidem observandum, & pro cynosura tenendum est; quòd, licet liberi nonnullis gradibus, parentum præmortuorum, jure representationis, vicem impleant; id equidem duntaxat sit intelligendum, salvâ sexûs primùm, deinde ætatis prærogativâ inter capaces. Nam qualitas sexûs, & ætatis, quatenus hac in re à populo consideratur; ita personæ cohæret; ut avelli inde nequeat. Dixi: inter capaces. Si enim ob mentis aut corporis vitium, natumajor imperare non possit; non succedit in regnum vel principatum, sed succedunt reliqui, salvâ semper sexûs primùm, deinde ætatis prærogativâ. Consonat *Aurea Bulla Caroli IV. tit. 25. & ibi Limneus*.

95. Hic in QUÆSTIONEM venire posset; an regnum, ubi ex primæva populi voluntate, est successivum, sit pars hæreditatis paternæ? RESP. Id meritò videri, eò quòd sit legitima in locum defuncti patris successio. Quò facit: quòd in ejusmodi regnis, primogenitus Regnantis, passim vocetur hæres regui, solus, sceptri. Notandum tamen; quòd regnum hujusmodi sit hæreditas ab aliis bonis sepa-

rata, peculiaris; præcipui jure insignita, id est, quæ repudiata reliqua successione, præ cæteris bonis, capi & adiri possit. Ratio est; quia populus regnum creditur voluisse quàm optimo jure deferri, non habitâ ratione, utrum reliqua hæreditas adeatur, nec ne; cum hæreditarium ordinem non ideo elegerit, ut hæres regni, esset quoque aliorum patrum bonorum hæres; sed, ut certi quid esset, ne periclitaretur regnum; vacuâ vel dubiâ possessione; utque successor esset venerabilior, communicatâ cum eo, per consanguinitatem decessoris, majestate; & quia credibile est: in spem regni educatos, necessariis ad id artibus, diligentius fore instructos.

96. Cæterum; licet successor Regni non teneatur simul aliorum patrum bonorum hæreditatem suscipere, & eorum onera ferre; puta: si multo ære alieno gravata reperiantur: monent tamen cum *Gronovio*, contra *Grotium loc. cit. §. 19.* Politici cordiores, periculosi & regiâ fide indigni exempli, rem esse; si successor in regno, præsertim filius, Decessoris nomina expungere, seu debita etiam privativè & proprio nomine contracta,olvere non cogeretur: præsertim, quia ex historiis notum, quosdam Principes hujusmodi subterfugio usos fuisse, ad defraudandos creditores publicos, quòd reverà nil aliud est, quàm fidem tollere, præcipuum humani generis vinculum, & ipsos Principes, quo tempore maximè pecuniâ indigent, omni fide destitutos reddere, cum ipsorum & reipublicæ periculo. Quis enim mutuum dare vellet, qui sciret, se suum recipere non posse, si moriatur Princeps ante solutionem? Unde æquius, aut saltem humanius est: Principem vel Regem obligari, ut ferat onus, quod decessor, etiam quâ persona privata, contraxit, licet ad id, summo jure non

non teneretur, id quod *Grotius* infra: *cap. 14. §. 11. n. 1.* solum indigitare voluit, dum dixit: *eos, qui in jus regni duntaxat succedunt, aut partim in alia bona, in jus verò regni in solidum; non obligari solvere debita à decessore, non Regni nomine, sed privato suo, contracta, si videlicet solius regni hereditatem suscipere, reliquam vero repudiare, & se sua duxerint, cò quòd jus in regni successionem, non hauriant à proximo decessore, sed à populo, qui eam familiam, & omnes ex ea orituros semel elegit, tanquam alium ab alio scep- trum excepturos, ita ut unicuique jus proprium, perpetuà serie dedisse censeatur, perinde ac si omnes jam nati & præ- sentes fuissent: ac proinde successor de- cessori proximo jus suum in acceptis re- ferre non debeat, sed primævæ populi electioni & placito.*

97. Alioquin extra dubium est, quòd cætus quilibet, non minùs, quàm perso- næ singulares, jus habeat le obligandi per se, aut majorem sui partem; & quòd hoc jus transferre possit in Principem, tum *expressè*, tum *per consequentiam ne- cessariam*, conferendo ipsi imperium. Nam in moralibus, qui vult finem, vult etiam media eò necessaria.

98. Non tamen (inquit *Grotius loc. cit. cap. 14. §. 12. n. 1.* in infinitum hoc abit, neque enim obligandi infinita pote- stas ad imperium rectè exercendum ne- cessaria est; planè, sicut nec ad tutelam vel curatelam gerendam, incircumscrip- ta facultas, Romano jure concessa legitur; sed, quatenus natura muneris vel officii postulat. Sic [ut *Julianus in l. Qui fun- dum. 7. §. Si tutor. 3. ff. Pro empto. & l. Ab agnato. 12. ff. De curatoribus. respon- dit] Tutor, domini loco habetur; cum rem administrat; non, cum pupillum spoliat.*

99. Scio, juris Canonici ac Civills Commentatores passim statuere; quòd

hac in parte judicium ferendum sit juxta naturam negotiorum gestorum; puta: ut tunc demum ratus firmusque habendus sit actus, si utiliter sit gestus; quasi ex eventu valor sit æstimandus. Do id, in causis maximè privatorum, ita obtinere; sed (ut rursus hac in parte *Grotio* sapien- ter discurrenti, adstipuler) ad tales an- gustias, Reipublicæ imperantem redigere; ipsi Reipublicæ esset periculosum. Qua- re, nec hoc censisse credendus est popu- lus, cùm imperium detulit; sed potiùs illud: quod à Romani juris conditoribus, in *l. Præfes. 12. Cod. De transact.* in cau- sa civitatis, responsum est: *valere scilicet transactionem super remissione debiti; quam Magistratus fecisset in re dubia potuerint integrum debitum obtineri, nec ne? sive ob actionis vel prætensionis, sive, ob debitoris infirmitatem, & solvendi impotentiam) non, si id, quod indubitatè debitum erat, remissum sit.* Ad hanc (inquam) ju- ris civilis prudentissimam decisionem, servatà proportionem, quæstionis moræ re- solutio referenda est. Itaque non præcisè exitus modicæ aut immodicæ læsionis aut gravaminis in successorem redundantis, in hac re considerandus est; sed probabi- lis ratio rei gerendæ aut gestæ spectanda est, quæ, si adsit; & populus ipse obli- gabitur, si, quo casu, sui juris esse coe- perit.

100. Non est tamen prætereundum, non tam revocari, quàm irritum decla- rari posse contractum, qui nedum vergit in damnum aliquod, sed in perniciem Reipublicæ, cò quod hujusmodi contra- ctus ab initio reputetur fuisse injustus & illicitus. Idem est dicendum de aliena- tione rerum ad Rempublicam pertinentium, & secundum leges Regni, distrahi prohibitarum. Multò minùs contractibus eorum, qui sine jure, violenter imperium invaserunt, tenebitur populus aut verus

Pria-

Princeps; quia violentus invalor, jus populi aut verum Principem obligandi non habuit. De *in rem verso* tamen tenetur populus aut verus Princeps, puta: si invalor debita ejus solverit, ædificia restauraverit &c. eatenus enim populus vel verus Princeps locupletior factus fuisse censetur, & querulari non potest quòd eam ob causam, usurpatori obstructus sit.

101. Superest Quæstio: an: & quatenus Rex se imperio addicare possit? *RESP.* Sive de Regno *Electivo*, sive *successivo*, sermo sit; certum est, unumquemque *regulariter* posse abdicare Regnum jam possessum, imò juri succedendi in Regnum, *pro se* posse renuntiare. Equidem, cum imperiorum primordia ad consensum populi & Regis; seu in mutuam conventionem, sint referenda; ideo, ut bene notat *Limnæus*, ad *Capitul. Ferdinandi Imperatoris*. art. 1. pag. 451. & *Bæclerus* ad *Grotium*, loc. cit. §. 26. Is, qui regimini præest, non magis sine justa causa se subtrahere potest populo; quàm hic eum repellere, ejicere vel aversari. Quamquam igitur in Regno *successivo*, non sit prohibitum Regi, se imperio addicare; nihilominus injuriâ in Rempublicam, & reprehensione non carebit factum Regis, si solo otiose quietis amore, alioquin ætate & viribus valens, abdicatione suâ, Regnum transferre contenderet in filium præsertim *minorem*, idque bellis imminentibus, & absque populi vel procerum consensu vel ratificatione.

102. Magis controversa est quæstio: num Pater Rex, in favorem *tertiæ*, addicando Regnum, etiam filio primogenito vel aliis liberis suis nocere possit? *RESP.* Licet secundum dicta superius, in Regno patrimoniali, ubi arbitrium successionis in voluntate Principis regnantis positum est, Pater largiorem habeat potestatem disponendi de Regno; in Regno tamen ex po-

puli voluntate *successivè hereditario*, renuntiando, liberis obesse nequit, quod maximè verum est in Regno, ubi *linealis successio* viget. Simulatque enim in unam, lineam possessio Regni devoluta est; nedium natis, led & nascituris, ex lege, jus quæsitum est, quod pater intervertere non potest, saltem sine novo, & ex causis emergentibus, speciali populi consensu. Vide *Grotium supra*, de *Jure B. & P. cap. 4. §. 10. n. 2.*

103. Ortâ, de successione aut successore Regni, controversiâ; quis poterit judicare, an Rex defuncto imperans, an populus, an arbitri electi? *Grotius* loc. cit. cap. 7. §. 27. n. 1. & 2. Nec Regem, nec populum, controversiam illam dirimere posse, existimat *judicio*, ut ait, *jurisdictionis*, quod scilicet vim habeat sententiæ *definitivæ*. Nam *jurisdictio* [inquit] non est, nisi apud superiorem, non nudâ habitâ ratione personæ, sed & causæ simul, id est: cui non tantum subjecta sit persona litigans; sed ad cujus forum etiam pertinere causa in litem deducta. Est autem (prosequitur *Grotius*) non subjecta Regi nunc regnanti causa successionis; quod inde apparet; quia Rex nunc regnans, nullâ lege obligare potest successorem. Successio enim imperii, non est sub jure imperii, ac proinde mansit in statu naturali, in quo nulla erat *jurisdictio*. Attamen, si controversi juris sit successio, rectè & pie facient, qui jus vindicant, & contra alios, successionem sibi deberi contendunt; si de arbitris inter se conveniant. Populus verò omnem à se *jurisdictionem* in Regem & regiam familiam transulit, nec eâ durante, ulla ejus habet reliquas. Equidem; si de primæva populi voluntate, quæstio incidat; non abs re erit, populum, qui nunc est, quique idem (*moraliter* scilicet loquendo) cum eo, qui olim fuit, censetur, suum super ea re sensum explorare, sive in

in Conventu Ordinum, ut factum in *Anglia & Scotia*, teste *Camdeno* in *Annis* 1571 & 1572. sive per *ministros delegatos*, ad determinandum hujusmodi negotium; ut factum in *Aragonia*, teste *Mariana*, lib. 20. Qui populi sensus sequendus erit, nisi satis certò constet, olim aliam fuisse populi voluntatem, & ex ea jus quæsitum. Ita ferè *Grotius* & ex eo *Pufendorf*. lib. 7 §. 15. *Vitriarius Instit. jur. nat. & Gent. lib. 2. cap. 7. §. 60.* Sed his non immeritò refragatur *Gronovius* in *Notis* ad *Grotium loc. cit.* Argumentum *Gronovii*, sic deduci potest: Cujus officium est quàm optimè consulere populo, & pacem ei stabilire non solum in præsens, sed etiam in futurum, quantum humanitus provideri potest; ejus est cognoscere de successore & successione, præsertim inter cognatos, pro nunc sibi subiectos. Atqui illud quàm maxime, ad officium Regis nunc Sceptrum tenentis, spectat. Ergo &c.

Si REPONAS cum *Grotio*: Regem nunc regnantem, non esse superiorem respectu personæ vel causæ istius. RESP. *Negando Assumptum.* Et sic *instaurò argumentum.* De quocunque jure ambigitur in regno, quod vivum & regnantem Regem habet, de eo potest & debet definitivè cognoscere Rex iste: jam verò causa successionis, de qua quæritur, est jus, de quo ambigitur in regno, quod vivum & regnantem Regem habet; Ergo. Neque OGGERI potest; hoc jus demum agnatis cognatisve nasci, potest mortem Regis regnantis, extitit enim in radice hoc jus inter proximos, etiam ante obitum regnantis, licet post obitum ejus, exercitium vel actualitas istius juris, primum emergat. Id quod ipsemet *Grotius cit. cap. 7. n. 22.* disertè tradit. Pro confirmatione positi argumenti considerari meretur, quod *Darius Hystaspis*, teste *Herodoto*, inter *Artabazanem & Xerxem* filios cognoverit, ejusdemque Re-

gis judicium, & filii, & omnis Persarum Gens, ratum habuerint. Item; quòd *Darius Notus* inter *Artaxerxem & Cyrum minorem*, simile judicium tulerit. Neque indefinite verum est, quòd Rex nunc regnans, nullà lege successorem obligare possit, ut *Grotius*, alibi oppositum insinuans, hic contendit (Vide *supradicta n. 96.*) Ex isto enim principio sequeretur, quòd successor non nisi gratuito, fœdera contractusque sui Decessoris servare teneatur; privilegia itidem à Decessoribus indulta, pro libitu revocare possit; quòd incivile, si non injuriosum meritis visum *Tito Cæsari*, qui, ut de ipso scribit *Suetonius*, cap. 3. Ita Cæsarem Decessorum suorum beneficia aliis concessa, uno confirmavit *Edicto*; ac, si ipsemet ea concessisset. Ubi reprehenditur *C. Caligula*, qui præclara *Julii & Augusti*, de Civitate Romana, data *Diplomata*, tanquam vetera & obsoleta delebat. *Suetonius* de *Caligula*. cap. 38. Proferèd; si, ut passim jurisperiti tradunt, *fissione juris*, & *moraliter loquendo*, eadem est persona successoris, & decessoris personam repræsentat successor, ejusque jura participat; bene dici potest; quòd, sicut Rex de facto imperans, lege à se posita directivè saltem obligatur; ita eadem, si iusta sit & servari possit sine populi perniciè, successor teneatur. Porro, nec illud, quod *Grotius* dicit, scilicet: *successionem regni, non esse sub jure Imperii*; indistinctè admitti potest. Quanquam enim id obtineat, quando juxta legis Sanctionem, nulla de successione controversia est; aliud tamen dicendum; si orto dubio, inter plures de futura successione contententes, disceptatio instituat. Pari modo, non sat firmum est, quod *Grotius* adfert; videlicet; *non nisi consultum & pium videri, ut populi sensus exploretur: item: populum, omnem à se jurisdictionem, in Regem & familiam ejus*

ejus transfuisse ita, ut ne priusina potestas reliquias teneat. Hoc inquam non sat cohærenter dicitur. Si enim privato cuiusvis, dum jure introducto uti non licet, regressus patet ad jus naturale; ita ut quisque sibi iudex vindicæ esse possit; quidni ortâ vel imminente hujusmodi periculisissimâ controversiâ, si Rex partes suas non interponat & controversiam non definiat; jure naturali, casum decidere poterit populus?

104. Alia hic subnectitur QUÆSTIO: num scilicet filius ante ademptionem regni natus, præferendus sit ei, qui in regia fortuna ortus est? RESP. Illum priorem, in quavis successione specie, præferendum esse, ita post *Hottomannum*, lib. 3. q. 2. & *Tiraquellum De primogenitura*. quæst. 31. *Grotius*, *Bæclerus*, *Horn* & alii communiter. Ratio: quia populus regnum Rægi & ejus familiæ detulit, sub qua sine dubio talis filius intelligitur. ΑΔΗΛΕΣ; si filius iste solus superesset, nullo alio relicto filio, indubitanter succederet; ergo nativitas secundò geniti, ipsi nequit auferre id, quod populi dono, & consensu sui patris, est consecutus. PRÆTEREA; filius iste in regno *dividuo*, haud dubie partem ferret, perinde ac in cæteris bonis, in quibus nunquam distinguitur, quo tempore sint quæsitâ? Qui autem partem ferret in *dividuo*, cur in regno *individo*, ætatis privilegio non præferretur? Quare hujusmodi filius, ante primam investituram à patre obtentam, natus, consequetur feudum, quod pater ex post obtinuit. Quò facit: quòd in *lineali* successione, simulatque regnum quæsitum est, & in familia fixum; spes aliqua parta sit liberis jam natis, quæ spes jus faciens, per nativitatem aliorum non evanescit. EXCIPE; nisi priores natu, fuerint *filie*; Harum enim spes succedendi, tam diu incerta est, quam diu ipsis gigni possit frater, qui sorori etiam primogeni-

tæ præferendus, juxta superius dicta n. 92.

105. Nec OBEST, quod olim teste *Herodoto*, lib. 7. apud *Spartas*, aliter factum legatur, id enim ex peculiari lege erat illius populi, qui ob educationem magis accuratam, natos ex patre jam Rege, aliis præferebat. Id quod & accidere possit ex peculiari lege primævæ investituræ; puta: si Imperium detur in *feudum*, Titio Vassallo & liberis ex eo nascituris, quo argumento nixus videtur fuisse *Ludovicus*, cognomine *Sforza*, adversus *Galeatium* fratrem, in controversia Ducatus *Mediolanensis*. Vid: *Paulus Jovius*, lib. 2. *Hist.* pag. 39.

106. Postremò Quæri potest: an nepos ex filio priore, præferatur filio posteriori? RESP. cum *Hottomanno cit.* lib. 3. q. 2. *Tiraquello de Primogenitura*, quæst. 40. *Molina, de Primogenit.* lib. 3. cap. 6. in *lineali* successione, utique nepotem ex filio priore, anteferri filio posteriori. In ista enim successione specie, mortui, qui alioquin successissent, si superstitēs mansissent, pro vivis habentur; quò ad hoc, ut jus in liberos transmittant: Quinimò, in tali successione, nedum nepos ex filio priore, sed & neptis præfertur filio posteriori; quia nec ætas nec sexus efficiunt, ut deferatur linea. Quòd, si de regnis *hereditariis*, iisque *dividuis* loquamur; nepos ex filio priore, cum filiis post natis, jure *representationis* feret solum partem sui patris, nisi in illis versetur regionibus, ubi jus *representationis* & successio *in stirpes*, non sit recepta, uti olim in Germania, & apud populos plerosque, ubi seriùs nepotes cum filiis admissi sunt ad hæreditatem. Vide *Reinkingium* lib. 1. classe 4. cap. 17. n. 35. Ubi refert hanc ob causam, olim in *Palatinatu*, *Rupertum minorem*, prælatum fuisse alteri *Ruperto* venienti ex primogenito. Quæstiunculas alias præcedenti affines proponit, & pro more suo, succinctè & solide resolvit *Grotius loc. cit.* §. 31 & seq.

CAPUT


CAPUT VII.

D E

Majestate tum Sacra tum Profana

Ubi de Romani Pontificis primatu, & infallibili Authoritate definiendi controversias, fidem Christianam, aut naturalem morum honestatem attinentes.

SUMMARIUM.

- 1  Uid sit Majestas?
- 2 Exponitur definitio Majestatis.
- 3 Carolus Magnus à Leone III. Pontifice Max. coronatus. An Romanorum Imperator potestatem suam immediatè habeat à Deo? ibid. Non solus Imperator bodie utitur titulo: Dei gratia. Perversissimè autem Lutherus sibi hanc prærogativam arrogavit. ibid.
- 4 Civitatis appellatione, quid in nostro proposito veniat?
- 5 Majestas alia sacra, alia profana.
- 6 Varie subdivisiones summæ potestatis profanæ.
- 7 Prima & fundamentalis origo Majestatis, est Deus ter optimus maximus.
- 8 Generatim, summa potestas profuit immediatè à Deo.
- 9 Majestas relatè, quò ad subjectum existentiaè spectata, verosimilius immediatè proficiscitur ab hominum voluntate.
- 10 Modus aliquis exercendæ summæ potestatis à populo eligendus. Forma Democratica propius accedit ad statum naturalem.
- 11 Pseudopolitici contra fidem errant, dum contendunt; quemvis sæcularem Principem, quò ad modum acquirendi vel exercendi

di Imperii, potestatem suam à Deo consecutum fuisse.

12 Diluitur Obiectio. 13. Respondetur ad Instantiam. 14. Quatuor opponuntur Replicæ, quæ n. 15. refutantur.

16 Subiectum Majestatis, aliud commune, aliud proprium.

17 An rectè Majestas dividatur in realem & personalem? ubi referuntur argumenta negantium, & exploditur Vitriarii ratiocinatio.

18 Enucleatur genuinus status questionis.

19 In dubio præsumi debet, quod Rex vel Magistratus, justè & inculpabiliter imperet.

20 In sano sensu, probabilius, præter Majestatem personalem summo Principi propriam, admittenda quoque est Majestas realis, penes populum potentialiter seu radicaliter manens.

21. 22 & 23 Expenduntur argumenta Grotiana, ex quorum solutione firmatur nostra assertio.

24 Quid per vocabula: Tyrannus & populus hic intelligatur?

25 Mensura summæ potestatis non est metienda ex factis bonis vel pravis Magistratus vel Principis.

26 Summa potestas non tam à facto & voluntate hominum, quàm jure naturali, immediatè descendit.

27 Si natura humana non foret corrupta, equidem dari deberet ordo imperandi & parendi.

28 Parum firma est sententia Vaf. A Höchkirchen, Ethic. Christ. Pars II.

quezii contententis; Imperium esse juris naturalis, non præceptivi, sed suasiivi. Neque verum est, vim vel tyrannidem, dedisse originem imperiorum.

29 Quòdnam sit obiectum, seu materia circa quam versatur summum Imperium?

30 Vocabula: Rex, Princeps, an sint synonyma?

31 Num discrimen summi Imperii, & Imperii summo minoris, rectè desumatur à modo, quo deservitur.

32 An dari possit Monarcha temporarius?

33 Exempla quæ Grotius adfert, intentum non probant.

34 Quam potestatem olim habuerint Dictatores Romani?

35 An summitas Imperii subsistere queat, sine exercitii plenitudine?

36 An Imperium destinatum esse summum, si imperaturus, Deo aut subditis aliqua promittat?

37 Dilucidatur proposita thesis & præcedens resolutio.

38 Trutinantur & corriguntur Grotii verba.

39 Haud indistinctè capienda sunt exempla à Grotio adducta.

40 & 41 Iterum reprehenditur Grotius.

42 Transfuitur ad aliam hujus Capituli partem.

43 Probatur, dari Sacram, seu Ecclesiasticam Majestatem super terram.

44 Refutatur Hereticorum Obiectio. 45. 46. 47. & 48. eliduntur

- cætera Pseudopoliticorum argutiae, & plenius summo Pontifici asseritur Majestatica potestas circa regimen universalis Ecclesiae.*
- 49 *Qua ratione Paulus Apostolus, par & æqualis fuerit Divo Petro?*
- 50 *Demonstratur; Divum Petrum, Romæ, Apostolicam stabilivisse Cathedram.*
- 51 *Refellitur Objectio.*
- 52 *Dux proponuntur & resutantur Replicæ, quas Obstruēt De Locis Theologicis. Tom. 2. Dissert. 5. pro præcipuo fundamento oggerit, ad evincendum, quodd Summus Pontifex sit inferior Concilio Generali.*
- 53 *Duplex in Summo Pontifice, vel alio respectivè Summo Principe, distinguenda est potestas.*
- 54 *An, & quatenus Papa possit dispensare in Canonibus Apostolorum?*
- 55 *Summus Pontifex quandonam utatur plenitudine potestatis?*
- 56 *An Papa possit dispensare contra universalem Ecclesiae statum?*
- 57 *An, & quatenus Episcopi circa Sacros Canones, Constitutiones Apostolicas, aut Decreta Conciliorum Generalium valeant dispensare?*
- 58 *Quid, si Papa vel alius inferior, in casibus alioquin permissis, sine rationabili causa dispenset in lege purè humana? num valeat dispensatio?*
- 59 *Ex Divo Patre Augustino probatur successionis ordo in Cathedra Petri.*
- 60 *Ostenditur; summam potestatem circa sacra, Papæ immediatè à Deo datam fore.*
- 61 *Pontifex legitime electus, non indiget confirmatione ad regendam universalem Ecclesiam.*
- 62 *Hactenus dicta procedunt de sola potestate spiritali Papæ.*
- 63 *Hæretici passim negant, quodd Constantinus Magnus Papæ donaverit Civitatem Romam cum parte Italiae, quam nunc possidet.*
- 64 *Probat: quodd hæc donatio reverè facta & confirmata fuerit.*
- 65 *Occurritur Instantiæ.*
- 66 *Evincitur: quodd Constantinus illam donationem Sedi Apostolicæ de jure facere potuerit.*
- 67 *Quod confirmatur per solutionem argumenti oppositi.*
- 68 *Enervatur Replicæ.*
- 69 *Ex Gersonè & Declaratione tam Clerici Gallicani, quàm Facultatis Parisiensis, ulterius ostenditur: quodd Status Ecclesiae sit Monarchicus; & quodd Papa circa spirituale regimen universalis Ecclesiae, sit verus Monarcha.*
- 70 *Multi Scriptores Galli, prætextu libertatum suarum, inextricabilibus sese implicant difficultatibus. Deteriores ipsorum vulgè Jansenistæ dicti, errores è Paschasio Quesnello haustos, in confederatas Belgii Provincias invexerunt, falsò se nominantes, discipulos SS. Augustini, Thomæ & Bernardi.*
- 71 *Quid sentiendum de quadam de-*
cisione

cisione Concilii Constantiensis & Basileensis?

72 & 73 Catholica veritas exponitur de Superioritate Pontificis supra Concilium.

74 Concilium etiam Generale, nequit condere Decreta, quæ Pontifex obstringatur.

75 Refertur erronea & summopere scandalosa opinio Caroli Episcopi Antislodorensis, quæ n. 77. 78 79 & 80 fundamentaliter refutatur.

81 Quod Quæstionarii Sectatores, Janſenistarum nomine gloriantes, nec Augustinum, nec Thomam Aquinatem imitentur; ibid. usque ad n. 83. luculenter demonstratur.

84 A quo tempore captum fuerit dubitari de Summi Pontificis infallibilitate?

85 Ostenditur; quod Schismatica Quæstionariorum opinio, nata sit tempore Schismaticis, & communis sit omnibus Hæresiarchis.

86 Refellitur principale argumentum Caroli Episcopi Antislodorensis & insimul ostenditur: quod etiam summus Synagoge Pontifex, in rebus ad fidem pertinentibus, fuerit infallibilis, dum ex Cathedra locutus fuit.

87 Obviatur Instantiæ.

88 Invektiva in Appellantes à Papa, ad futurum Concilium.

89 Ipsemet Cornelius Janſenius Iprensis Episcopus cobærenter cum Sanctis Patribus docuit: Papam, in definiendis fidei & morum

quæstionibus, esse infallibilem.

90 An Summi Pontificis Monarchia sese extendat ad temporalia mundi regna?

91 Verius est, quod nec ipse Christus, quæ homo, fuerit Rex aut dominus temporalis.

92 Respondetur ad contraria argumenta.

93 Meritò ambigitur, an Divus Thomas sit author operis: de Regimine Principum.

94 Satisfit instantiis ex illo opusculo de promptis.

95 Papa nullam habet [directè scilicet] potestatem, aut jurisdictionem merè temporalem in Reges aut regna.

96 Ex veriori Publicistarum sententia, Imperialis aut Regia potestas non prosuit immediate à Summo Pontifice, sed vel à Deo, vel à Republica.

97 In causis civilibus & merè temporalibus, non licet à Regibus provocare ad Papæ judicium.

98 Enervatur argumentum oppositum, & limitatur præcedens resolutio.

99 An; & quatenus Papa possit deponere Reges?

100 An Papa tempore vacantis Imperii, succedat in iura imperialia.

101 Quæ ratione Bonifacius VIII. dixerit; Ecclesiam habere duplicem potestatem? & Alexander VI. ne delectam Orbis partem attribuerit Regibus Hispaniæ & Lusitanicæ.

102 Respondetur ad passus ex Divo
Thoma desumptos.

103 An Imperatori nostro Romano-

Germanico competat dominium
totius orbis?

104 Discrimen inter Pontificis &
Cæsaris Majestatem.



Rotius, Vitriarius, Aru-
meus & alii, Majestatem
definiunt, quòd sit: sum-
ma potestas in civitate
ubique; id est; in perso-
nas & res: à qua defini-
tione non recedunt alia descriptiones,
vulgò jactatae, videlicet 1. quòd Maje-
stas sit: *Sacra* Delique *vicaria potestas*,
tueri jura civium ac defendendi Repub-
licam. 2. Quòd sit: *potestas in subditos*
summa, perpetua, legibus soluta, salutis
publicae causâ. 3. Quòd sit: *Facultas mo-*
ralis, ab omni superiore independens, civi-
tatem gubernandi, sive actiones civium di-
rigendi ad communem & publicam salutem.

2. Grotianam, apud Publicistas passim
celebratam, expono definitionem. Dicitur
1mò. *Summa Potestas*. Quia non pendet
ab ullo arbitrio voluntatis humanæ, ut
actus ejus irriti possint reddi. Caretenim
superiore in terris, neque ullius directioni,
coactioni aut coercitioni, *per se loquendo*,
substrata est, sed soli Divino Numini
subordinata. Hanc ob causam; Reges aut
Principes superiorem non recognoscen-
tes, hodie se vocant: *Dei gratiâ*. *Divina*
Clementiâ &c. An autem ideo rectè sibi
attribuant istud prædicatum; quasi pote-
statem summam, immediatè, à Deo sint
consecuti; asseverare non aulam cum
Grotio & ejus Commentatoribus Bæclero,
Vitriario, Puffendorffio & aliis Sæculariis,
quibus Catholici præsertim Theologi &
Canonistæ, communiter refragantur, ex
ratione infra adferenda.

3. Hoc præprimis meminerim; quòd
translato in *Carolus Magnus, Occidentis*
imperio, Leo III. Pontifex maximus, an-
no 801. die festo Nativitatis Christi, ei-
dem incomparabili Heròi, tam de Ec-
clesia Catholica, quàm communi Chri-
sticolarum salute, optimè merito, impe-
riale diadema impoluerit, acclamante po-
pulo Romano: Vive Auguste, Imperator
Christiane! Vive coronatus, qui es à Deo!
Vive Magne! Vita tibi sit magna, victo-
ria magna? Vive diu Victor terra. Ab
hoc inquam tempore, Romani Impera-
tores, titulis suis præmiserunt: *Dei gra-*
tiâ. Aut: *Divina favente Clementiâ*. At-
que ex ista populi acclamatione festivâ,
opinio nata videtur; quasi supremi Prin-
cipes, potestatem suam indistinctè con-
secuti forent immediatè à Deo. Unde post
alios, Gerhardus de Roo, scripsit, lib. 5.
Hist. Austr. pag. 205. Der Kæyser hatt
seine gewaldt obn mittel von Gott. Quin-
imò in Gallia, pro crimine læsæ Maje-
statis reputatur, si quis præter Regem, se
vocet: *Dei gratiâ*. Cujus rei exemplum
prostat in Duce Armeniaco, qui à *Carolo*
VII. Rege Gallie, accusabatur criminis
læsæ Majestatis, eò quòd se vocaverit:
Duc D'Armagnac, par la grace de Dieu.
Teste Petro Arod. Rer. judicat. lib. 7.
cap. 9. Vide Limnaum. in Notitiâ Regni
Franc. lib. 2. cap. 6. lit. ggg. Myler ab
Ebrenbach. De stat. Imperii. part. 1. cap.
30. Caterum, Historici memorant, quòd
ex Imperatoribus Germanis, primus om-
nium, illo titulo usus fuerit Carolus Mag-
naus.

mus. Confer Goldastum *Constit. Imperii. tom. 1.* Hodie autem in Imperio Romano-Germanico, titulo: *Dei gratia*. non solus utitur *Imperator*, sed & Electores, Archiepiscopi, & Principes, *Imperii Status*. Quo autem jure id faciant; incertum est. Putat quidem Carpzovius. *Ad legem Regiam Germ. cap. 1. sect. 11. n. 10. Status Imperii*, ideo posse uti isto titulo; quod in consortium regiminis imperii, assumpti sint. Ast, si hæc ratio valeret; *predicatum* istud quoque attribui deberet civitatibus Imperialibus, quæ non minus ac ipsi Principes, in consortium regiminis assumptæ sunt. Verius est, originem hujus rei, adscribi inveteratæ consuetudini, cui Imperatores tacite consenserunt, patiendi; membra principaliora, eodem hoc secum prædicato uti, in signum majoris libertatis. Ad exemplum Imperii Principum, Episcopi Catholicæ nostræ Ecclesiæ, se compellant: *Dei & Apostolicæ Sedis gratia*. Vide *Bezman. Notit. Dignit. Illustr. Dissert. 1. cap. 3. §. 7.* Perversissimæ autem temeritati adscribendum est, quod *Lutherus Tom. 2. edit. Jen. fol. 131.* contra *Henricum, Angliæ Regem*, sibi arrogaverit id: *Dei gratia*, hisce formalibus: *Martinus Lutherus, Von Gottes gnaden Ecclesiastis zu Wittenberg, an Heinrichen von Gottes UNGNADEN, König von England.*

4. In supra laudata definitione, dictum est 2do. in civitate. Ubi OBSERVA: quodd cum *Cicerone, Seneca & aliis*, in hac materia, civitatem non accipiamus: pro urbe aut loco quocunque muris cincto, sed pro populo, imò pro multis populis tanquam membris, unum corpus, per confociationem, constituentibus & interdum, in distinctis urbibus, vicis, pagis & Regionibus, domicilium habentibus. Plane, sicut una civitas reputabatur, quidquid Romanæ ditioni, sub for-

mula *Provincia*, olim accesserat. Itaque Civitatis & Reipublicæ appellatione, hic loci venit: aggregatum ex multis hominibus, aut etiam populis, eadem leges, idemque imperium observantibus; quanquam vulgus sæpe civitatem ab Imperio ita discernat, ut Imperium civitatibus constare; illam verò urbem, quæ caput Imperii est, propriè civitatem appellitet.

5. Summa potestas, in qua Majestas consistit, alia est *Sacra* seu *Ecclesiastica*; alia *profana*, seu *secularis, civilis vel politica*. Prima est ordinis *supernaturalis*, immediatè à Deo profecta, & data supremo in terris Vicario Jesu Christi, Romano scilicet Pontifici, cui proinde omnes baptizati, absque discrimine personarum, in iis, quæ fidei & morum dogmata concernunt, *inappellabiliter* subesse coguntur, prout infra latius deducetur. Altera, est ordinis *naturalis*, à Deo quidem ut Authore naturæ, descendens; ast non semper immediatè huic vel illi individualiter data: neque idem objectum *formale*, aut finem cum Majestate *Sacra*, respicit, ut mox apparebit.

6. Summa potestas *profana* passim subdividitur 1mo. in *absolutam & limitatam*. Prima est: quæ nulla lege fundamentalis Regni, conditione aut conventionem, restricta reperitur. Altera; quæ e contra, uno vel altero modo, saltem quod ad usum & exercitium, summæ potestatis, limitata conspicitur. 2do. In *patrimonialem & non patrimonialem*. Illam habet Princeps, pleno & independente atque illimitato proprietatis jure. Hanc sub certis legibus, pactis aut Capitulationibus, de quibus sat multa diximus supra cap. 6. & infra recurret mentio. 3to. In *Civilem & Militarem*. Illa primariò tendit in subditorum utilitatem, Hæc verò potissimum vergit in commodum imperantis. 4to. In *Ele-*
ctivam

ktivam & successivam. Prima est, quæ liberâ populi vel optimatûm voluntate defertur. *Altera*, quæ ex pari voluntate, in legis fundamentalis vigorem deducta, primo electi descendentibus agnatis cognativæ respectivè addicitur. §10. Ut quidam (non prorsus irrationabiliter, contra Grotium & ejus Apologías contentunt) in *realem & personalem*. Illam ipsi populo, Regno vel Imperio, *Hanc* imperanti vel regnanti, competere ajunt cum *Limæo. ad Capitul. Rudolphi II. art. 31. pag. mibi 533.* ac consequenter contentunt: majestatem *realem* consistere in constituenda, *personalem* verò, in administranda Republica: item : Majestatem *realem*, fore Reipublicæ *coævam*, & subsistere tempore *interregni*, aut extinctâ Regis prolapiâ; *personalem* autem fore *temporariam*, & cum persona regnantis perire. Hac de re limatiùs infra n. 17. & seq.

7. Originem Majestatis, si INQUIRAS; certum est, primam eamque *fundamentalem*, esse Deum ter optimum maximum, qui Proverb. 8. §. 15. de se ipso testatur: *Per me Reges regnant, & legum conditores justia decernunt: per me Principes imperant, & potentes decernunt justitiam.* Ratio est: quia, cum natura, omnes fecerit *æquales*; oportet; ut imperium seu potestas in alios, ab illo procedat, cui omnis natura subest. Unde jus vitæ & necis, etiam in nocentes vel consentientes, absque divinæ potestatis communicatione, nulli mortalium competere; dignoscitur.

8. De proxima Majestatis origine loquendo, indubium quoque est: quòd potestas *summa civilis* in se considerata, prout generatim importat *facultatem moralem*, gubernandi *Rempublicam*, profluat immediatè à Deo. Cum enim omnes & singuli, sint naturâ *æquales*; potestatem *civilem*, nec inter se, nec in alios, habent.

Et licet Patresfamilias, quandam habeant in liberos potestatem; hæc tamen non est nisi mere *æconomica*, non verò *herilis*, vel *civilis* aut *politica*, proinde nec potestas hæc *suprema*, à familiis transfundi potest in civitatem. Igitur potestas *summa* secundum se & generatim spectata, procedit immediatè à Deo, ut Authore naturæ, quatenus genio humano impreffit appetitum societatis, quæ sine subordinatione & imperio, subsistere non posset. & hinc bene Philosophus descripsit hominem; quòd *naturaliter sit animal, sociale politicum*.

9. Differendo de Majestate; *relatè* seu respectu habito ad subjectum *existentie*, quatenus videlicet residet penes unum vel plures; & sub hac vel illa regiminis forma exercetur: verius est, illam non esse *juris naturalis*, neque proprietatem istius juris, sed *juri humano*, debere natales suos, seu à populi consensu, esse immediatè profectam. Ratio est; quia alioquin sequeretur; statum v. g. *Monarchicum* esse *juris naturalis* vel divini, adeoque à civitate, haud mutabilem, neque aliam formam aliudve subjectum antecederet eligi potuisse. Sequeretur itidem: potestatem *Regiam* fore in omnibus æqualem, quò ad exercitium, quò ad modum habendi imperium, quò ad successionem &c. quæ paradoxa videri debent omni, qui vel obiter regnorum discrimina novit. Ex dictis.

10. RESULTAT imò. Modum aliquem exercendæ summæ potestatis, communitati à Deo collatæ, eligi debere à populo, sive sibi reservet regimen, & *Democratice* formam adoptet; sive *Aristocratice*, *Monarchicæ*, aliâve *mixtæ*, *regularem* vel *irregularem* regiminis formam, eligat. Ratio est; quia fieri non potest in Republica vel communitate valde populosa, ut hæc secundum se tota, seu singuli

guli cives *viritim*, in actibus singulis, consensum suum expendant. Ubi OBSERVA; quòd etii dixerimus, communitati naturaliter competere potestatem summam; equidem communitas ipsa non debeat confundi cum *Statu Democratico*, prout hic importat specialem exercendæ potestatis formam, solo jure positivo inductam; quâ videlicet potestas summa, sic est penes universitatem, ut obligatio parendi, singulos teneat: qua item modus consultandi, sit per comitia popularia, *Statuta* verò, pluralitate votorum, conduntur. qua itidem Respublica, tanquam persona moralis, per numerosiorem partem representata, deligit certos Magistratus, qui tanquam Consules, Prætores, Præfecti, Vicarii &c. populi nomine, summam exerceant potestatem. Ex quo rursum intelligimus, formam *Democraticam* propius, quàm reliquas formas, accedere ad Statum naturalem, à quo libertas & æqualitas originem trahit. Unde non multum aberravit Suarez, dum in *Defens. fidei Cathol. lib. 3. cap. 2. n. 8. & p.* Democratiam ex naturali institutione saltem *negativa*, seu *concessiva* deducit, quia (inquit) ipsa ratio naturalis distat, potestatem politicam supremam, naturaliter sequi ex humana communitate perfecta, & ex vi ejusdem rationis ad totam communitatem pertinere, nisi per novam institutionem, in alium transferatur: quia ex vi rationis, neque alia determinatio locum habet, neque immutabilior postulatur.

II. RESULTAT 2dò. Insignem esse *Pseudopoliticorum* errorem fidei orthodoxæ oppositum; quòd Principes sæculares, semper suam potestatem, quòd ad modum acquirendi, consecuti sint à Deo. Siquidem constat, regna non rarò ambitione, vi injustâ, aliisque artibus illicitis, acquiri; dicente æterna veritate: *Osce 8. Ipsi regnaverunt, sed non ex me: Principes*

extiterunt, & non cognovi. Ab isto errore non absunt, qui jactant: Principes sæculares habere semper usum potestatis suæ, quâ talis vel talis est, à Deo; proinde potestatem sæcularem, semper esse à Deo, quòd ad exercitium. Manifestum enim est; sæpe multum, enormiterque peccari in usu hujus potestatis, juxta illud: *Sap. 6. Potentes, potenter tormenta patientur.* Confer Tannerum. *Theol. Schol. Tom. 2. Disp. 5. dub. 1. n. 30.* Ubi utrumque errorem, luculento Doctoris Angelici testimonio refutat. Si

12. OPPONAS cum Grotio, lib. 1. de J. B. & P. cap. 3. §. 7. & 8. Joanne Marfilio, Hornio, Vitriario, Baclero, Puffendorffio & aliis. Nisi potestas summa, immediate a Deo, Principibus collata foret; sed ab ipsa communitate profluxisset; sequeretur, quòd communitas potestatem istam, uni vel pluribus, attributam, ad se revocare, obrogare aut restringere posset; cum superior potestatem inferiori collatam, semper revocare, limitare &c. valeat. RESP. Id quidem sequi, si communitas potestatem isthanc, uni vel pluribus, revocabiliter vel conditionatè concesserit, ita, ut concessionis effectus maneat dependens à voluntate concedentis; non vero; si irrevocabiliter potestatem summam alteri contulerit. Tunc enim, quod ab initio fuit voluntatis, postea sortitur effectum necessitatis, exemplo sœminæ, qua sibi virum elegit; & illius, qui sponte se alteri in servum obrulit. Si

13. INSTES, dicâsque: ex nostra sententia sequi, quòd forma *Democratica* velut à Deo constituta, non posset à populo variari, nec transferri suprema potestas in unum caput, vel Optimates. RESP. Nec hoc inferri posse; quia non dicimus, quòd Deus summam potestatem communicaverit populo positivè, ut necessariò exer-

cen-

cendam à communitate; sed duntaxat *negativè*; ita, ut communitas illam potestatem vel sibi reservare, vel in unum vel plures transferre, atque hoc vel illo modo, pro re nata, exercere queat. Ut ut igitur, Communitas sit subiectum immediatum (ut *Grotius* loquitur *essentia*, & *commune*) summa potestatis seu Majestatis, non tamen est subiectum *positivè* determinatum pro ejusmodi potestatis exercitio. Si

14. REPICES 1. Juxta S. Scripturæ elogia, non fore potestatem nisi à Deo. 2. *Sauli* & *Davidi* immediatè à Deo collatam fuisse regiam potestatem. 3. *Matthiam*, non tam ab Apostolis, sorte electum, quàm à Deo designatum fuisse Apostolum, in locum *Judæ* pravaricatoris; ac Discipulorum Christi exemplo, non tam à purpuratis Ecclesiæ Patribus, eligi, quàm à Deo, hominum ministerio, præordinatam detegi personam, cui Monarchica & suprema in spiritualibus potestas super terram, destinata sit. 4. Patres Concilii *Parisienfis*, *Lunovico* Imperatori declarasse, quòd Regnum non à Decessoribus, sed Deo, habeat. *Quisquis enim* [ajebant] *ex mortalibus temporaliter imperat, non ab hominibus, sed à Deo, sibi commissum Regnum crederet.* Confer *Petr. de Marca*. In singulari tractatu. *De concordia Sacerdotii & Imperii. lib. 2. cap. n. 3.*

15. Ad *1am* *Replicam* RESP. Utique non esse potestatem nisi ab omnipotente, aut non semper immediatè. Tamen enim omnipotens, ministerio hominum vel Angelorum agit; nihilominus tamen manet causa generalis, juxta illud Philosophorum axioma: *Quod primum est in unoquoque genere, illud est causa cæterorum.* Manet (inquam) Deus, causa immediata Majestatis secundum se & generatim spectata, ut ut regulariter sit tantum causa mediata ejusdem potestatis, consideratæ cum respectu, ad hanc vel illam individuum personam,

quam populus elegit. Huc facit; quòd *Divus Chrysostomus* in hanc rem, tanquam Politicæ sacræ peritissimus scripsit, *Homil. 23. in Epist. ad Rom.* En! ejus verba: *Non est potestas nisi à Deo. Quid dicis? Ergo omnis Princeps à Deo constitutus est. Istud non dico. Non enim de quovis Principe mihi sermo nunc est, sed de re ipsa, id est: de ipsa potestate. Quod enim Principatus sint, quòdque non simpliciter & temerè cuncta feruntur, Divine Sapientiæ opus esse dico. Propterea non dicit [scilicet *Paulus Apostolus* ad Romanos] non enim princeps est nisi à Deo; sed de re ipsa disserit, dicens: non est potestas, nisi à Deo. Ad 2am *Replicam*. RESP. Quòd exempla *Saulis* & *Davidis* non probent Regulam, quam adversarii perperam stabiliunt, sed exceptionem à nostra *Thesi*. Quis enim adeò inter sophos deliret, ut neget, Deum pro sua voluntate, posse facere immediatè per se, quod alioquin ipsi placuit efficere per causas secundas, sibi in esse & operari decenter substratas. Ad 3iam *Replicam* RESP. à Protestantibus *Grotii* commentatoribus, & pluries, nedom inofficiosis, sed & improbis Glossatoribus [Grotius enim licet Calvinismo notatus, his omnibus, mitiore, prudentiore & humaniore ingenio fuit] insulfum duci argumentum, à Regibus laicis, ad Divum *Matthiam Apostolum*, summósque Pontifices, Christi in terris Vicarios Generales: siquidem Apostolica & Pontificia potestas, utpote tota supernaturalis, & proveniens à Deo, tanquam libero collatore; non fuit antecederenter communicata fidelium cœtui seu Ecclesiæ, sed capiti, ab Ecclesiæ, ductu Spiritus sancti designando, confertur; adeò, ut non tantum in se, sed etiam in ordine ad subiectum Monarchicum, fluat immediatè à Christo, neque antecederenter ab Ecclesiâ, limitari minuisse possit, quod totum secus se habet in potestate summa laicali, prout*

prout prolixius demonstrat Suarez in *defens. fidei Cathol.* lib. 2. cap. 3. n. 5. Ad 4^{am} *Replicam* RESP. Patres Synodi Parisiensis Anno 829. nihil aliud dicere voluisse, aut saltem non potuisse aliud in rei veritate significare, quam quòd Reges meminisse debeant, Regna etiam *patri-monialia*, non tam esse hereditates Antecessorum, circa quos habeant absolutam potestatem disponendi, quam beneficium Dei à majoribus propagatum, & ideo juxta institutionem Divinam, Dei ipsius nomine, ad salutem & felicitatem subditorum, probè administrandum fore. Atque hic utiq; fuit scopus, Patrum dictæ Synodi. Scio quidem, quosdam Gallos altiùs cristam attollere, atque contendere, ipsorum Regi præpomis divinitus collatam esse summam potestatem, & ideo jactitare: Regem *Gallie*, NUNQUAM MORI. Verùm hujusmodi Scioli & gerrones, quod blaterant, minimè penetrant. Caterum, quia teste Bodino, de *Republ.* lib. 1. c. 8. & 9. contra *Hottomanum* in *Franco-Gallia* c. 6. & 7. constat, à temporibus *Carolingorum*, Galliarum Regnum semper *successivum* extitisse; ideo natum in *Gallia* proverbium: *Regem nunquam mori*. Unde *Maria*, *Henrici IV.* uxori, intellectà nece mariti, à Francisco *Ravallaco*, cultri ictu, perempti, altum exclamanti: *Helas! le Roi est mort*. *Brulardus* Cancellarius, respondit: *Votre Majesté m'excusera; les Rois ne meurent point en France*. Quòd insinuare volebat, proximum inibi agnatum succedere. An autem successio isthæc sit *hereditaria*, seu *hereditas paterna*; an verò *legitima*, hoc est: an virtute legis regni deferatur; quæsitum fuit; & *Bodinus*, *loc. cit.* hoc posterius affirmat, iniquens: *Le Royaume de France n'est point déferé par succession paternelle, mais bien, en vertu de la loy du Royaume*. Vid. *Limneum ad Capitulat. Caroli V.* pag. 40. & seqq. *Monfieur du May. Etat* A. Hochkirchen, *Ethie. Chrst.* Pars II.

de l'Empire, *Dial.* 2. part. 1. pag. 89. 16. Phrasi *Grotianæ* loquendo, subje-ctum Majestatis, est duplex; aliud commune seu *essentie*; aliud *proprium*, seu *existentie*. Commune est civitas, quæ est cæ-tus perfectus liberorum hominum, juris fruendi, & communis utilitatis causâ, lociatus. Subjectum *proprium*, est persona una pluresve, pro cuiusque Gentis legibus ac moribus. Sicut enim subjectum commune visus, est corpus; proprium verò, oculus; ita summæ potestatis subje-ctum commune, est civitas, proprium verò, unus vel plures, in quos, nullâ sibi reservatâ parte, summum Imperium, ci-vitas transiit. Vid. *Grot. lib. 1. cap. 3. §. 7.* Imperantes itaque sunt subjectum Ma-jestatis *existentie* proprium, quia in his, Majestas existit, & per illos omnia in ci-vitate, proprio nomine disponuntur & diriguntur. Vocatur autem hoc subje-ctum, ideo *proprium*, quia ab eo, Respublicæ denominantur, & à se invicem differunt. Siquidem; si unus habet Majestatem; vo-catur *Monarchia*; si plures; *Aristocratia*, si omnes; *Democratia*. Si unus & plures, vel unus & omnes, vel unus, plures & omnes; *Respublica mixta*.

17. Jam ponderemus quæstionem, an Majestas dispertienda sit in *realem* & *per-sonalem*? sive; an præter Majestatem *per-sonalem* Regi aut Principi competentem, admittenda sit alia *realis*, ipsi populo, ci-vitati, communitati, vel Regno, origina-liter & primitivè conveniens? *Grotius loc. cit.* & ex eo *Hormius*, lib. 2. *politie. cap. 1. Ræclerus. Instit. Polit. lib. 2. cap. 1. pag. 95. Puffendorf. lib. 7. cap. 5. §. 16. & seqq.* Omnino rejiciunt illam Majestatis divilio-nem, Majestatemque realem, tanquam *Chymericam* explodunt. Argumenta con-globata istorum Authorum, sunt hæc: 1. Quia omne primum & summum, debet esse solum. 2. Quia in *Democratia*, hæc plu-

pluralitas ostendi non potest. 3. Quia jura Majestatis *realis*, à juribus Majestatis *personalis* diversa non dantur; & simul atque à Civitate transit in personam Imperantis; definit esse *realis*: sicut, dum definit esse *personalis*, iterum fit *realis*, & à Deo, ad quem revertitur tanquam ad suam causam efficientem proximam & solam; populo iterum confertur. Ita *Vitriarius* ad *Grotium*. lib. 1. cap. 3. §. 23. Ubi OBSERVA: quoddam *Vitriarius* nedum *Grotio*, sed sibi ipsi oppositus, ad probandum; non dari Majestatem realem à personali distinctam, §. 29. pag. mibi 23. hallucinetur his verbis: *Populus nunquam concessit potestatem Regi quam nunquam habuit, sed solus Deus: & populus liber Regem sibi eligendo, inter manus Dei, à quo proximè accepit, eam resignat, qui postquam à populo Rex est electus, eam Regni confert.* Ubi vides, qualiter *Vitriarius* in his paucis verbis, sit antilogus. Populus juxta ipsum, nunquam habuit potestatem, & tamen illam à Deo proximè acceptam, intra manus Dei resignat, & Deus deinde præviâ hac resignatione, rursus illam Regi electo confert potestatem. Possétne quis doctius delirare? Præterea, [inquit ibidem *Vitriarius*] *Rex est Dei Vicarius, non populi. Ergo à Deo, non à populo accipit suam potestatem.* *Grotius*, qui ejusdem quidem, non tamen constanter, opinionis fuit, prudentiore & politiore procedit pede, atque ab inconvenientiis & Reipublicæ turbinibus facile exoriri natis; tum etiam à *possibili*; multò sanius & probabilius argumentatur. Hæc enim *sententia* (quæ contendit ubique & sine exceptione, summam potestatem esse penes populum; ita, ut ei Reges, quoties imperio suo malè utuntur, & punire & coercere liceat) inquit, *quot malis causam dederit, dare etiamnum possit, penitus animo recepta, nemo sapiens non videt.* Dein (prosequitur *Grotius*) *licet homini cuique,*

se in privatam servitutem, cui velit addicere, ut & ex lege Hebræa, Exod. 21. cap. 6. & Romana (puta: si quis 20 annis major, ad participandum pretium se venumdari passus, sit) *apparet. Insistit de jure personar. §. servi autem.* Quidni ergo populo, *sui juris*, liceat se unicuiquam, aut pluribus ita addicere; ut regendi sui jus in eum planè transcribat, nullâ ejus parte retentâ? Neque dixeris: id minimè præsumi (seu non esse credibile, populum, huc & eò usque descensurum) Non enim jam quærimus, quid in dubio præsumendum sit, sed, quid jure fieri possit. Quò facit, quòd, ut idem *Grotius* observat; multæ existere possint causæ, cur populus totum jus imperandi à se abdicet, aliique tradat, puta: quia in periculum vitæ aut salutis adductus, alio modo, quam imperium alteri offerendo, se defendere vel extricare non potest; aut, quia inopiâ pressus, aliter habere non potest copiam, unde se sustentet: qua ratione *Ægyptii* fame coacti, se & omnia sua, Regi vendidisse leguntur, *Genes. 47. §. 13.* & *Campani* olim necessitate pressi, populo Romano se subjecerunt, & quidem, teste *Livio* lib. 7. c. 31. hac formula: *Populum Campanum urbemque Capuam, agros, delubra Delum, divina humanæque omnia, in vestram P. C. ditionem dedimus.* Adde: quod quidam populi eo sint genio, ut regi, quam regere rectius norint: item, quòd interdum is sit civitatis status, ut videatur, nisi sub libero unius imperio, salvus esse non possit, quod de Romana, qualis erat *Cæsar* *Augusti* ætate, multis præteritis visum fuit. Profecto *Tacitus*, lib. 1. c. 9. scribit, non aliud discordantis patriæ remedium fuisse, quam, ut ab uno regeretur; atque adeò pacis causâ, omnem potestatem in unum conferri debuisset. Præterea, ut arguit *Grotius*, & ex illo *Vitriarius*: iusto bello, sicut dominium privatum, ita & imperium

rium civile, seu jus regendi, aliunde non dependens, seu absolutum, acquiri potest. Possunt quoque Proceres *arte vel Marte*, exclusâ plebe, jus regendi Civitatem sibi vindicâsse, in *Aristocratia* hempe *mera*, ut hodie *Venetis*. Quinimò nulla Respublica adeò popularis unquam reperta fuit, in qua non aliqui aut valde inopes aut externi, tum verò fœminæ & adolescentes, à deliberationibus publicis arceantur. His rationum momentis, *Grotius* probabilem reddit sententiam suam, qua reprobatur, Majestatem populi *realem*, atque in confirmationem opinionis suæ, adducit sacræ Scripturæ textus, quibus Rex dicitur *unctus super populum, super hereditatem domini* &c. quibus inquam insinuari videtur, quòd Rex ita subditum teneat populum, ut ab illo judicari vel puniri, etiam ob gravissima delicta, non possit. Idipsum ulterius persuadet, ex textu §. *sed & quod. Instit. de jure naturæ, Gent. &c.* Ubi dicitur populus Romanus, omne suum imperium, omnemque potestatem, in unum caput transulisse: item ex veterum Philosophorum effatis, quibus indicatur, Reges à solo Deo judicari & puniri posse.

18. Ut distinctè & accuratè loquamur, ac genuinam veritatem, à palliata falsitate discernamus: SUPPONENDUM 1^{mo}. Cardinem difficultatis, non consistere in hac quæstione: num *regulariter, ordinariè & sine exceptione*, summa potestas maneat penes populum, ut ei Reges, quoties imperio suo male utuntur, coercere & punire liceat? Hoc enim nemo, nisi insanissimus, affirmaverit. Quæstio igitur sic proponi & intelligi debet; an videlicet populus liber, qui sibi Regem, Senatum Magistratum, Status Provinciales, Ordinève elegit, ut ab illis regeretur, penes illos sit summa reipublicæ potestas, si major & senior pars censcat, eam for-

mam regiminis hic & nunc esse perniciosam (veluti si manifestò appareat, Regem degenerâsse in tyrannum; Senatum despoticam & subditis exitialem sibi arrogâsse potestatem; Status seu Optimates quosdam, cum hostibus conspirâsse, in interitum reipublicæ &c.) An tunc inquam populus liber, possit Regem, Senatores, Statûve punire, & aliam regiminis formam introducere? sicut Romani fecerunt, expulso *Turquinio*; & *Athenienses*, imperio populi ad *quadringentos* translato, & iisdem postea quadringentis, cum tyrannicum imperium exercuissent, exilio aut morte punitis, teste *Iustino. lib. 5. cap. 3.*

19. SUPPONENDUM 2^{do}. Ut seditionibus, tumultibus, bellisque intestinis, occasio & ansa præcipiatur; in dubio semper præsumendum esse, quòd Rex aut Magistratus, ex rationibus sibi, non vulgo, notis, iustè imperet, procedat & agat. Quinimò populum duriora & extraordinaria onera & gravamina potius patienter ferre debere, quàm in legitimi Regis caput insurgere; Persona enim Regis, sancta, cunctis videri debet & inviolabilis.

20. His suppositis, cum *Limæ* & aliis, verosimilius dicimus: præter Majestatem *personalem* summo Reipublicæ Capiti competentem, admittendam quoque fore Majestatem *realem*, quam malumus vocare *originariam, potentialem, habitualem* vel *extraordinariam*, utpote, non nisi in casu extremæ necessitatis, *jure naturali* duntaxat exercendam. In primis hanc sententiam probo ex ipso *Grotio*, qui invitis dentibus, pluries fateri cogitur, penes populum, Rege etiam electo, mansisse isthanc potestatem. Sic *lib. 1. De J. B. & P. cap. 3. §. 7. n. 2.* affirmat; penes plures populos, perfectum cœtum constituentes, & unum caput habentes, remanere Majestatem, & hujus rei certum exinde depromit indicium

dict. §. 7. n. 2. quòd extinctâ domo regnatrice, imperium, ad quemcunque populum, seorsim revertatur. Quâ ratione autem ad populum reverteretur imperium, si is omni prorsus jure exutus esset. Profectò, si populus translato semel in Regem vel Optimates imperio, nullam sibi partem, ut ipse loquitur, reservâset, etiam in potentia, & pro casu extremæ necessitatis; non reverteretur potius regnum, extinctâ domo regnatrice, ad populum, quàm ager venditus, mortuo emptore ejusque hæredibus, ad venditorem; quod quam absurdum foret asserere, nemo non capit. Unde miror, quod *Grotius*, vir adeò in politicis versatus, fortè ad aucupandam exteri Regis (ad quem, necessitate pressus, confugerat) gratiam, tantoperè cespitare, & insignis eruditionis suæ famam labefactare potuerit, ut regi indefinitam, irrevocabilem, & impunibilem adscriperit potestatem, etiam in casu, quo interitum populi & regni machinatus fuerit.

21. Argumenta *Grotiana*, licet primo obtutu appareant persuasiva, vim tamen suam ad instar nivis vel pruinx, orto sole veritatis, amittunt. Percurramus singula. Potest (inquit) imò. Privatus se alteri in servitutem addicere. Ergo & populus potest se serviliter Regi subjicere. Respondet, totum concedendo; & eos, qui spontaneè se in servos dedidèrè, duræ servitutis jugum subire debere. Quæro autem, quinam populi, nativæ suæ libertatis immemores, hoc, saltem in Europa, fecerint? Non certè *Germani nostri*, Horum enim Principes, Electores Serenissimi, & aliis exteris Regibus non multum dissimiles, hodieum è natione *Germanica*, eligunt Regem *Romanorum*. Qua de re, videri meretur *Vitriarius. Instit. jur. publ. lib. 1. tit. 10. & tit. 13. per tot.* cum inibi notatis. & quanquam Reges *Gallie* &

Hispanie, Monarchæ sint & audiant, nemo tamen, ni fallor! sensatus dixerit: illorum etiam Regnorum Ducibus, Principibus, Paribus curiæ, Grandibus, Parlamenti selectis Regni Senatoribus; nil omnino juris relictum, Si Rex [quod Deus avertat] in tyrannum aperte degeneraret, in Paganismum, Judaismum, vel Hæresim regno exitiale *&c.* laberetur. De Turcarum, Tartarorum aliorumque barbarorum populorum Regibus tyrannicè imperantibus, non vacat hic loqui. Sicut enim alia juris naturalis dictata non sequuntur; ita circa modum gendi imperium, prorsus obbrutuerunt & humanitatem excusserunt. Si cum *Grotio* arguas *adò*. Potest populus se Regi addicere in servitutem. Ergo, eò ipso amittit omne jus, se in libertatem aut securitatem vindicandi. *Resp. Neg. confeg.* Quia nequidem servi propriissimè dicti, in casu extremæ necessitatis, quo de vita ipsorum agitur, illud naturale jus amiserunt. Unde *Athenis*, servus crudeliter habitus sine culpa sua, poterat dominum in jus vocare, & per judicem cogere, ut mitiori domino venderetur, quod ipsum Romæ rescriptis *Antoninus Pius*, ut liquet ex §. 2. *Instit. De his, qui sui vel alieni juris sunt.* Vide quæ supra, in hac rem scripsimus cap. 2. à n. 91. Ubi verò tale remedium juris civilis cessat; nemo prohibetur recurrere ad remedium naturale, quod est, aut fuga, aut vis contra vim. Præcipuum argumentum ex *Grotio* sic efformari potest *3tio*. Sicut bello iusto acquiri potest dominium rerum privatarum; ita & dominium civile, seu imperium independens in personas. Jam verò, si hoc factum fuerit, populus nullum jus habet, bello victorem, utcumque tyrannus evaserit, puniendi, aut se in libertatem vindicandi. Ergo. *Resp.* Tametsi quam liceat in populos bello subactos, quàm in illos,

illos, qui spontanea voluntate Regem creaverunt; equidem, quod Rex in bello victos & deditos, extrema quæque possit, neutiquam asserendum. Quod facit; quod, ut mox dictum, privati domini, ultra modum servire non possint, de jure Civili, in servos, cui simile est, quod & eodem jure, *prodigis* interdicatur administratione bonorum; & *furiosi*, sint in tutela agnatorum, ex ratione, quia expedit, ne quis re sua malè utatur. At [inquit] Magistratus in rebus privatorum, habet dominium *eminentis*, non populus, in bona Regum. *Resp.* Omnes bonos Principes, cum *Trajano*, *Hadriano* & *Antonino* semper confessos fuisse, quod idem illud dominium *eminentis*, ingruente justà necessitate, populo competat in bona Principum. *Adhæc*, observandum, quod vox *dominium*, non importet jus per æquè & qualitercunque *abutendi* re, ac *utendi*, modis, legibus aut moribus, permixtis. Primum enim falsum esse apparet, jure etiam *Gentium*, non *civili* tantum, in hominibus sub dominium venientibus. Nam, qui & bello victi, se dedidèrè, servi facti sunt, *ut servarentur*, non, *ut occiderentur capti*, siquidem hoc tacitè pacti sunt, ut duriore quidem conditione, & libertate amissà, *vita tamen salvà*, tractarentur. Proinde, si absque nova legitima causà trucidandi essent; jure naturali, vitam suam quovis modo defendere possent. *4to*. Sic argui potest ex eodem *Grotio*. Si in Rebus publicis, quidam, ut: inopes, externi, tum *scæminæ* & *adolescentes*, à deliberationibus arcen- tur, non est ullum jus populo in acta Principis. Atqui *Sc.* Ergo. *Resp. Neg. sequelam majoris*. Et certe, si ulla unquam, hæc saltem, tantò viro politico indigna est *illatio*. Palmare enim est discrimen inter istos & reliquum populum. Diffiditur enim *egenis*, ob paupertatem, sæpe

turpia meditantibus; *exteris*; tanquam minus sollicitis de bono civitatis; *fami- nis* verò & *adolescentibus*, tanquam rerum gerendarum imperitis & defectu prudentis judicii laborantibus; quæ de populo generatim, dici non possunt. *Præterea*; nos versamur in *hypothesi* & casu extremæ necessitatis, quo scilicet ob tyrannidem Principis, vita & salus populi periclitaretur; quo eventu, æquè *egeni*, *exteri*, *scæminæ* & *adolescentes*, ac alii divites, incolæ, mares & adulti, sibi consulere possent. Porro, passus, quos *Grotius loc. cit.* §. 8. n. 8. ex S. Scriptura, & authoribus tum Græcis tum Latinis, accumulât; aut explicant jus Regum, aut patientiam suadent subditis duriora patientibus. Re enim penitiùs consideratà, clarum evadit, quod populus amplio- rem potestatem Regi nec dederit, nec dare potuerit, quàm ipse habuit; non habuit autem jus, seipsum extinguendi aut in corpus suum injustè sæviendi; proinde nec Regibus, hujusmodi jus concedere potuit. Deinde; potestas major, data est Regibus, ad conservationem & salutem populi, non ad ejus perniciem & interitum. Unde potestas, quæ in perniciem populi usurpatur, non est jus regium, sed tyrannis, & iniquitas. Itaque textus à *Grotio* adducti, illud potissimum infirmant, propter eximium illud jus, multa Regibus etiam injusta, impune permitti, multaque etiam dura, ferre debere populum; quia, aut abhorret à seditione, aut modum se vindicandi reperire non potest; non verò probant; nullo casu, ne post ultima quidem tyrannicæ crudelitatis exempla, jus esse populo, se liberandi. NEC OBSTAT: quod *Rex* sit supra populum, & populus jubeatur subesse Principi. Nam & Consules Romani, supra populum, fuerunt; nec tamen ipsis cuncta licuere. Quando autem Christus

Inc.

Luc. 22. v. 25. dixit: *Reges Gentium aliis dominari*; solum indigitare voluit: illos esse superiore gradu, & dignitate eminentiore; Apostolos autem & fideles novæ legis, non debere esse ambiciosos, sed humiles, prout apparet ex contextu *ibid.* Orta enim contentione inter discipulos, quis eorum major habendus esset; docuit illos humilitatem, dicendo: quod, qui major est, pro minore, ex virtute humilitatis, se reputare debeat. Multò minùs ad rem facit illud *Horatii: lib. 3. Od. 1.*

Regum timendorum in proprios greges,

Reges in ipsos, imperium est Jovis.

Nemo enim dicit, non timendum esse Regis imperium; nemòque negat; non esse potestatem mediatè scilicet vel immediatè, nisi à Deo ter optimo maximo; sed hoc dicunt viri cordati, non adulatores Regum, nec Pseudopolitici; quod cœtus populi, non sit grex ovium, quas pro libidine, liceat impunè occidere; sed hominù ad imaginem Dei conditorum, & animà rationali atque immortalì, præditorum; qui nôrint, sibi nihil esse carius, suâ salute; & Pastorem, qui in lupum degeneravit, haud esse tolerandum. Si ad nauscam usque *RECANTES* ex §. 6. *Instit. De J. N. G. & C.* quod populus Regi, & in ipsum, omne imperium suum & potestatem contulerit. Nihil omnino proficis; quia populus, tyrannicum imperium, nunquam ab autore naturæ, concessum habuit, nullò minùs, alteri conferre potuit. Justum, populus, Deo autore probatum transiit in Reges imperium, quod utique populus citra extremæ necessitatis casum, repetere non potest, sed quid inde? Pono; quòd homini libero, in quem mihi potestas nulla est, gladium donaverim; isque gladius desinit esse meus, nōne, si is gladio isthoc, ad se, vel me perdendum utatur; eundem ipsi, jure naturali, extor-

quere possum & debeo? Neque plus *EVINCES*, si cum *Grosio*, ex *Plutarcho*, dicas: *Reges imperium habere, non modo ex legibus, sed & in leges*, & eos teste *Herodoto*, pro libitu cuncta facere posse, ita ut nemini rationem reddere teneantur. Nemo enim sapientum, Regi aut populo (in *Statu Democratico*) aliam asseruit potestatem, quàm, ut pro re nata, alias atque alias leges ferre, & priores, si inutiles appareant; abrogare possit. Unde in *XII. Tabb.* scriptum continebatur: *Quod postremo populus jussit, jus esto.* Si quidem, sicut rogabatur lex, ita & abrogabatur, antiquabaturque. Nemo verò, *indefinitam* Regibus facultatem attribuit, justas & populo salutare conculcandi leges, aut tyrannidem exercendi. Etsi igitur Reges, alteri factorum suorum rationes reddere non cogantur; quia Magistratum ordinarium, coram quo conveniri possint, non habent; malè tamen exinde intuleris, eos omnia sùsque deque vertendi, licentiam habere; neque à populo puniri posse, si extremè illicita, in perniciem Reipublicæ machinati fuerint. Nam & in Carthagenensium libera Republica, Imperatores à reddendis rationibus immunes erant, ante constitutum Senatum *centum Senatorum*; qui tamen, teste *Justino, lib. 19. cap. 2.* Rempublicam invadere aut opprimere pertinentes, capiebantur, & in crucem agebantur. Quò facit, quòd teste *Gronovio ad Gro-tium loc. cit.* in ipsa *Hollandia*, quædam sint Collegia, quæ rationem nemini reddunt, absque hoc, quòd Regia fulgeant autoritate, aut judicium severitatem effugiant. si atrociori in maleficio deprehendantur. *Addè*: quòd olim senatus Romanus, qui summam potestatem Regibus dederat; nihilominus *Neronem* ea potestate abutentem condemnaverit, ut dirissimo supplicio puniretur, prout *Suetonius*

ninus

nus refert cap. 49. Id quod & aliis ejusdem crudelitatis Imperatoribus fecisset, si semper vires habuisset.

22. Prefsum contrahamus cætera *Grotii* argumenta. *imūm* sit; quod populus apud *Æschynum* sic Regem affatus sit.

Tu res populi, tuque urbs tota es,

Non judiciis subditus ullis,

Regni solio fultus ut arā;

Unoque regens cuncta arbitrio.

2dum sit: quod populus Regi semel constituto summam potestatem adimere non possit, exemplo mulieris, quæ viro semel electo, semper parère necesse habet.

3ium: Si jure belli, partum imperium; populus devictus & deditus, nihil potest in Regem, quacunque ratione deliquerit.

4tum: Non est universaliter verum, quod omne regnum, eorum, qui reguntur, causā, comparatum sit; nam, quædam regimina, sunt regentis causā, ut *dominicum*, id est: *herile*. 5tum: Est omne regnum, populi causā, constitutum foret; non tamen sequitur, populum esse superiorem Rege. Nam & tutela, pupilli causā, reperta est; & tamen tutela est jus ac potestas in pupillum, nec pupillus est tutore superior. Neque est (inquit *Grotius*) quod *infer* aliquis: tutorem, si malè rem pupillarem administret, amoveri posse, adeoque & circa Regem, idem jus esse debere; Nam (*ait*) in tutore hoc procedit, qui superiorem habet: at in imperiis (quia processus in infinitum non datur) in aliqua persona aut cætu, consistendum est, quorum, scilicet imperantium, peccata, quia superiorem se judicem non habent, Deus *Jerem.* 25. §. 12. sibi peculiari curæ esse testatur qui ea aut vindicat, si ita opus judicet, aut tolerat, in pœnam aut explorationem populi. Ut optimè populum hortatus fuerit *Tacitus*. lib. 4. *Hist.* cap. 74. *Quomodo sterilitatem aut nimios imbres, &*

*cætera nature mala, ita luxum & avaritiam dominantium tolerate. Vitia erunt, donec homines; sed neque hæc continua, & meliorum interventu, pensantur. & Gregorius. Episcopus Turonensis, Regem Francorum sic affatus legitur [Hist. lib. 5.] Si quis de nobis, ô Rex! justitiæ tramites transcendere voluerit, à te corripì potest: si verd tu excefferis, quis te corripiet? loquimur enim tibi; sed, si volueris, audis: si autem noluieris, quis te damnabit, nisi is, qui se pronuntiavit esse justitiam? Ratio: quia non obtingit alicui imperium, sine Dei cura speciali; &, ut scripsit *S. Irenæus*, lib. 5. cap. 24. Cujus jussu, homines nascuntur, hujus jussu & Reges constituuntur. Unde in Constitutionibus *S. Clementis*. lib. 7. cap. 16. sic habetur: Regem timebis, gnarus à Domino electum*

23. Ad *imūm* RESP. cum *Milto*. cap. 5. ejus operis, & *Gronovio* ad *Grotium*, loc. cit. falsum esse, quod populus simili formulâ allocutus verberit Regem, scilicet *Danaum*, quia verba ista ponuntur ibidem in personis fœminarum peregrinarum & supplicum, quæ rogabant in tutelam suscipi & defendi contra *Egyptios*, eas classe persequentes. Ubi, ut refert *Milto*, ipse Rex supplicantibus respondit: se inconsulto populo, id facere nec velle nec posse. Unde (inquit *Gronovius*) magnus est error summorum virorum (*Grotii* scilicet & *Salmasii*) ex sententia fœminarum peregrinarum & suppliciter humillimèque blandientium, colligere jus Regis, & quidem apud populos Græcos, qui nunquam Reges potestate abutentes, tolerarunt. Ad 2dum RESP. Vitiosum à *Grotio* peti principium, ut *Dialektici* loquuntur. Hoc enim ipsum contrahitur, quod pro ratione decidendi, assumitur; an videlicet populus, collatam semel Regi potestatem (si is pactis sive expressis sive tacitis non steterit, sed

sed perniciem regni & populi machinetur) revocare nequeat? id quod nos asserimus, exinde nullatenus diminuendo legitimam Regum autoritatem, quasi vero Rex, auræ populari deservire & omnimodè indiscretis sæpe & exorbitantibus populi cupiditatibus obsequi deberet. Huiusmodi enim insulsis, de sæpe plebis, homonicionibus dici posset, quod *Antigonus* apud *Justinum*, lib. 28. c. 3. respondisse fertur: *Ipsi Regem querant, cui imperent*. Ingenui enim & cordati Principis est, non nimis indulgere insolenti & sæpe lascivienti plebi, exemplò *Augusti Cæsaris*, de quo *Suetonius*, cap. 42. Unde, si veteres politici scripserunt, de imperio solum Deum judicare posse; indigitare duntaxat voluerunt, justum & generosum Principem, imperitæ multitudini plebis haud cedere, nec metuere debere seditiones, aut conspirationes plebejorum, otioforum & depravatorum hominum, quæis urbes hæc temporibus, quàm maximè redundare solent: & hoc verissimum esse ultrò profitemur. Sed alia est ratio de tyranno manifesto, de quo nostra procedit hypothesis. Quod de muliere virum sibi adoptante, adducit exemplum, *Grotius*, satius ipsemet uxoratus, præterivisset. Quæ enim uxor ita subdita viro dignoscitur, ut pati debeat, se à viro injustè flagellari, torqueri, occidi? Cur utroque jure, introducta & moribus probata divortia [non quidem, ut Heterodoxi perperam contendunt, inter Christianos, Matrimonii consummati vinculum dirimentia; sed thori cohabitationisve, pro re nata distractionem permittentia?] Cur inquam mulier, ne adulterium quidem viri, aut conjugalis debiti denegationem; ejusque cœundi impotentiam ferre tenetur? Igitur, dum dogmaticè & distinctè veritatem exponere, non verò Principibus, in damnationem

eorum, assentari debemus; non oportet equivocè uti vocabulo *superior*, & reipsà decipere eos, quos erudire oportet. Utique Princeps & Magistratus quivis *respublicæ*, est populo superior; verum, sicut Caput *physicum* non præeminet corpori, ut illud premat, affligat & perimat; ita multò minùs, capiti *moralis*, populi voluntate præstituto, concessum intelligi sanè ratione potest, ut insanè & inhumaniter in populum deserviat. Taceo; quòd caput *moralis* vel *artificiale*, corpus prægravans, sine corporis interitu, tolli possit, secùs quàm caput *physicum* & *naturale*, quo dempto, corpus mox vivere desinit. Unde *M. Antonino Philosofo* & Imperatori optimo similis Princeps, non stomachabitur nobis, si ita ratiocinemur: Populus liberà voluntate constituens supra se Regem, eique omnem dans potestatem, cum pacto tacito vel expresso gubernandi Rempublicam, juxta leges, si non humanas, saltem naturales & divinas *positivas*, & quidem in omnium & singulorum salutem; is populus jus habet Regem suum, qui in tyrannum, hostem & eversores Reipublicæ degeneravit, exauthorandi & puniendi. Atqui *Tarquinius*, *Romanorum* olim *Imperator*, *Wenceslaus*, *Bohemie Rex*, *Divi Joannis Nepomuceni* *improbissimus suffocator* &c. Ergo &c. Ad 3tium RESP. Jurisperitis & Theologis *moralia* tractantibus notum esse discrimen inter *veros*, & *quasi-contractus*, item inter *coactos* & *voluntarios*, spontanea voluntate initos, & qualiter porrò in unaquaque specie, obligentur contrahentes etiam cum Principe, utpote, qui in contractibus, jure privatorum *naturali*, censetur. Notum itidem est, quòd in hominibus justo bello subactis, coacta voluntas etiam sit voluntas, poterant enim vincti, cum *Lacone* illo, apud *Senecam*, *Epist.* 77. potiùs velle fortiter mori,

mori, quàm servitutis perpetuæ jugum subire. Verùm, si fatiùs duxerint, duriores pati legum conditiones, quàm trucidari, & vitam non recuperandam, semel amittere, suo fato, fors & perversitati suæ, adscribere debent, si duriora exantlare debeant; quanquam, si his promissa vitæ venia non servaretur; jus naturæ integrum maneat, sicut sæpius dictum. Ad 4^{um} Resp. Juxta sanæ rationis *synderesin*, falsum esse; quòd imperia etiam bello & victoriis parta, in solam vincentium utilitatem vertenda sint. Non enim duntaxat sola superficies externa, neque victoris fastuosi immoderata intentio spectanda est; sed quid Deus & natura possulet. Profectò; si iusto piòque bello certatum est adversus populum injuriosum & vicinis intolerabilem; ipsi etiam victo prodest, privari effreni libertate, quàm in bonorum offensam, abusus fuit; perinde ac furioso extorqueri gladium proprium, utile & laudabile habetur. Unde victor ipse, si vir bonus est, ejus animi esse debet, cujus erant prisca Romani, qui, teste Sallustio, *victis nihil quidquam, præter injuriæ licentiam, eripiebant*. De cujusmodi victis cecinit Rutilius Numatianus [vers. 64.]

Profuit injustis, te dominante capi.

Quòd, si injusto bello, oppressus populus, Provincia subacta; tunc pro consolatione occinere licet illud *Lucani*: *Vixit causa diis placuit, sed vixit Catoni*. Taceo, quòd tunc multò minùs, Victor sibi, in sui solius utilitatem usurpare queat Imperium. Ut proinde rectè sic argueris: Cum omne regnum, ex natura civitatis seu communitatis, populi magis, quàm Regentis causâ comparatum sit; consequens est; naturæ quoque convenientiùs esse (ubi scilicet Regentis & eorum, qui regendi sunt, salus simul consistere nequit; puta: per regentis detestabilem & alio-

A Hochkirchen, Ethic. Christ. Pars II.

quin incorrigibilem culpam) ibi æquius esse, submoveri tyrannum, quàm pestumdari populum. Vide supradicta n. 19. ex quibus etiam eruitur *RESPONSIO ad 5^{um} Grotii Replicatorium*, ast nequaquam *peremptorium argumentum*. Paucis: Nos nequaquam in *thesi* contendimus, regulariter ac ordinariè loquendo, populum Regibus aut Magistratibus esse superiorem; sed duntaxat asserimus; in *hypothesi*, populo competere jus naturale se defendendi contra intolerabiles superioris injurias. Cæterum; quia per Magistratum ordinarium non potest coërceri vel amoveri tyrannus, ut potest tutor maleversus in pupilli personam vel bona; ideo extraordinariâ opus est viâ, quæ populus sibi consulat. Etenim, inter quos, ob deficientem judicis auctoritatem, judicio nequit lis terminari; inter illos, jus naturæ, bellum geri, permittit. Neque ideo, ut *Grotius* arbitratur: processus in infinitum datur; dempto enim aut domito tyranno, periculum & oppressio cessat. Imò, ne tyrannidi concedatur processus in infinitum, ideo populo crudeliter pressio, non est abneganda naturalis defensio. Quòd, si *Grotius* non agnoscat processum in infinitum, in quibusdam regnis, quæ ipse fatetur fuisse reddende *rationi obnoxia*; cur hujusmodi processûs infinitatem, in nostra hypothesi statuit? Scimus ex *Cicerone, Philip. 1.* sublatâ per *M. Antonium* dictaturâ, quæ jam *vim Regiæ potestatis obfederal*, ut loquitur ibidem *Tullius*, non licuisse *Romæ* creare Magistratum, à quo provocare seu appellare ad populum non liceret, nec tamen exinde *Grotius* intulit processum in infinitum. Cur igitur pro nostro casu, longius prospexerit; non invenitur ratio. Porro; licet Deo, peculiari curæ sit, peccata Regum punire; ideo tamen in extremo periculo, non est ademptum jus naturale, neque hoc ibi-

Z

dem

dem insinuat *Jeremias*, sed minatur ibidem Deus, ubi impleti fuerint *septuaginta anni*, tum se visitaturum Regem *Babylonis*, nempe per *Cyrum*. Jam verò, cum in arbitrio Dei positum sit, velintne Tyrannum plectere per extraneum Regem, an verò per proprium populum inique oppressum; quis ideo dixerit: populo præceptum esse jus illud naturale, quia Deus alio modo punire possit tyrannum? Quod ex *Tacito* adfertur, non tam præceptum, quam consilium est ad quosdam, qui luxum & avaritiam dominantium aegrè ferentes, facile majora mala sibi accersere possent. Deinde sterilitatem, aut nimios imbres, cæterave mala ita ferimus, ut equidem quodeunque in promptu est, aut suppetit remedium, adversus ea quarum. Denique *S. Gregorius Turonensis*, solum ibi præpotentiam Regum indicat, non verò excludit jus populi. *Quis te corripit?* (inquit) nempe quis Magistratus ordinarius, per quem privatus quisque corripiri potest. Addit: *nisi is, qui se pronuntiavit esse justitiam*. Rectissime. At inde non sequitur, Deum debere semper fulmen de cælo mittere, aut tali præcisè modo, punire peccata Regis; cum id pro beneplacito suo, possit facere, interdum per extraneos hostes; interdum etiam per proprium Regis populum, prout utriusque exemplum prolat 1. *Reg.* 2. 3. & 4. Neque OBEST, quòd à *Jove* sit summus honos, ut ait *Homerus. Iliad. lib. 1.* Nam, ut egregie observat *Magnus Pater Augustinus lib. 5. De Civit. Dei cap. 21.* *Qui Vespasianis, vel patri vel filio suavissimis Imperatoribus, ipse & Domitiano crudelissimo, & ne per singulos ire necesse sit; qui Constantino Christiano, ipse Apostate Juliano nempe Majestatem seu imperium contulit.* Hac de re ex professo dogmatizantem, plenius auscultemus illuminatissimum Doctorem. *Non tribua-*

mus (inquit) *loc. cit.*) *dandi regni atque imperii potestatem, nisi Deo vero, qui dat felicitatem in regno calorum solis piis, regnum verò terrenum, & piis & impiis, sicut ei placet, cui nihil injustè placet. . . . Ille igitur unus verus Deus, qui nec judicio, nec adjutorio deserit genus humanum, quando voluit, & quantum voluit, Romanis regnum dedit.* Nihil igitur pro *Grotii* & ejus sequacium opinione facit; quòd imperia nemini obtingant *sine speciali Dei providentia*. Non enim ideo magis cuncta licent imperantibus. Dein; ne morbi quidem, pestilentie, diluvia, incendia, naufragia, sine Dei obtingunt providentia. An nec hæc mala ideo pertimescenda sunt? Sic, dum Deus in populi correptionem, sinit tyrannum imperare; non ideo laudandus aut exculpandus est crudeliter imperans; sed exacto tempore, quòd *pau*e populi præfixit, idem Deus mittit illi *Moysem*, aut alium ipsi eatenus similem, qui educat ipsum de servitute. Porro; dictum *Clementis Papæ*, mortales erudit & monet: Regem nedum bonum, sed etiam malum, timendum esse; ex quo bene sequitur: Regem etiam tyrannum manifestum atque humani generis hostem, diu tolerandum, nec facile extrema remedia arripienda fore, etiam ex hac ratione: quòd sæpe, dum malus pellitur, pejor succedat, & titulus libertatis, in duriorum servitutem vertatur. Confer *Joannem Justinum Schierschmid. in Elementis juris naturalis, socialis & gentium. §. 529. corollario 2do.*

24. Ad obviandum lusui verborum, quem quis in vocibus: *tyrannus & populus*, cavillationis ergò instituire posset; OBSERVANDUM imò. Quòd hic per tyrannum, non intelligamus Principem jure regnantem, qui per se aut per ministros, humanitus peccet; qui sit in aliqua parte imperii rigidior, durior, morosior, aut: qui

qui privatim libidini, aliisque vitiis coram Deo abominabilibus deditus sit, salvo Reipublicæ statu : sed *vel eum* ; qui Rempublicam, factione, armis, malis artibus, sine lege & autoritate illorum, penes quos, potestatem deferendi jus est, exclusis itidem illis, ad quos de jure, imperium pertinet, occupavit, &, ut plerumque fit, per vim & scelera administrat, populūque emungat ; *vel eum* ; qui legitimo quidem jure imperium tenens, equidem ruptis societatis humanæ repagulis, ad inlar Phalaris, Tiberii, Caligule, Neronis, in ea vitia prorumpit, quæ securitatem populi, Reipublicæ salutem, jura Procuerum, leges fundamentales regni, in quas juravit, fūque deque vertere, & ultimum exitum causare, nata sunt. OBSERVANDUM 2dū. Nomine *populi*, hic non venire colluvium aut fæcē communē plebis, aut factionem turbulentorum homoncionum conspiratione validam, quæ *sua* sunt ; non, quæ Reipublicæ communem salutem respiciunt, unice intendentem : non (inquam) homines inertes, obaratos, egentes, scurras & depravatos, aliena diripere & abligurire meditantes ; sed bonos & moratiores in civitate vel Regno, majorem & sinceriorem partem omnium Ordinum vel Statuum, Principes Optimatum, ac plebis etiam Tribunos, integro statu, fortunā, & vitæ honestioris moribus probatos ; quibus cordi sit, Rempublicam salvam subsistere, qui ultima porro servitutis & sævitiae exempla perpeffi, nullam aliam superesse videant viam expediendæ salutis.

25. Finaliter (ne quis primo obtutu, & re non nisi superficiei tenus perspectā, nostram livido dente carpat sententiam) lectorum monuerim, quod, ut respiciens *Grotius loc. cit. §. 9. n. 2.* loquitur, *bonitas & malitia ætalis, præsertim in civilibus, quæ sæpe obscuram habent disceptationem,*

id est : *Interpretationem ambiguanam ; apta non sint ad partes distinguendas.* Rectè enim vel *perperam agere*, non est idonea mensura determinandæ potestatis, neque ejus dividendæ aut transferendæ modus generalis & regularis, præsertim in administratione rerum civitatis aut populi, ubi sæpe maturissimo consilio *decreta*, pro pessimis, in popinis & conventiculis jactitantur, prava verò & inconsulta *conclusa*, pro saluberrimis venditantur. Profectò, qui cunctis bonus & justus videatur, nasci primū debet, quia, ut est in veteri proverbio : *Ne jupiter omnibus placeat.* Ex hæcenus dictis

26. INFERES contra *Patrem Schwartz*, & quem citat *Patrem Suarez*, summam potestatem *secundum se*, non tam à factō humano, vel gentium jure, quàm à jure naturæ, jussūque divino, *immediatè* descendere. Qui enim societatem in paradiſo inter marem & fœminam præcepit, is & fœminam viro parere jussit. Quod multò magis de liberis, intuitu parentum, ex eadem naturali lege, sancitum intelligitur. Cū igitur ad societatem tendat natura, tendit quoque ad perfectiorem societatis speciem, qualis est civitas. Jam autem civitas, ut sit perfecta ; id est non *corpore* solum, sed & *spiritu* ac *anima* quodammodo consistit ; imperio informari debet. Asserti nostri veritas clarior evadet, si naturalem Decalogi legem, de honorandis parentibus, recolamus. Profectò Divinum illud mandatum, naturā Magistrā, ita apud Ethnicos receptum & intellectum fuit ; ut *parentum* vocabulo, omnes significarentur, qui aliis provisu imperiove præfunt. Cui tamen non refragatur, quod, ut supra dictum, à factō hominum profectum sit ; quod talis vel talis regimis forma introducta sit. Vide infra n. 96.

27. Pariter probare non possumus eos,
Z 2 qui

qui non nisi in remedium corruptæ naturæ, imperii necessitatem agnoscunt. Profectò, si primævam sanctitatem retinisset homo, non minùs tamen imperandi parendique ordine usus fuisset, quàm societate, quæ sine tali ordine, homine indigna esset. Si REPOSAS, hominem, si non peccasset, spontè fecisse, quæ faciendi fuissent, adeoque nullà vi, nullàque coactione, quam imperium importat, opus fuisse. RESP. Verum esse, quòd imperium etiam in invitos exerceatur, aut non in illos tantùm, sed etiam in promptissimè obediens, ut patet in Angelis bonis divinam voluntatem lubentissimè exequentibus. Sicut igitur non sequitur, in morigeros nullum esse imperium, eò quòd in civitate oderunt peccare boni, virtutis amore; ita nec rectè illud asseritur, quod quidam in oppositum statuunt.

28. Vereor etiam, ne minùs accuratè differamus; si cum *Ferdinando Vasquez*, & aliis, quos sequitur *Pater Schwartz*, part. 2. tit. 2. *Instit. jur. publici. universalis. pag. m. 91.* dixerimus: imperium esse à jure naturæ non præcipiente, sed suadente duntaxat; quanquam enim ratio naturalis suadeat imperandi & parendi ordinem in societate vel civitate; inde tamen non rectè arguitur: quòd suadeat tantum, & non inluper præcipiat. Magis à vero deviant, qui commemoratis civitatum imperiorumque, quibus vis initium dederit, exemplis, totam de jure quæstionem, cum factò humano confundere aggre-diuntur. Est enim plerisque imperiis, vis dederit originem; prius tamen fuerunt constitutæ civitates, cum ordine imperandi & parendi, quàm eis vis inferretur, & libertas adimeretur: neque unus, multos subigere potuit, antequam substituerit inter multos societas, cujus viribus aliquis utens, aut quæ suis ipsa vi-

ribus frieta, aliis populis vim inferret. Tenendum igitur est: imperium, seu ordinem imperandi & parendi, esse à Deo & lege naturæ; esto facti humani sit, quod hîc & nunc, sub tali vel tali forma, justè & legitimè exerceatur, vel etiam iniquè usurpetur.

29. Objectum seu materia circa quam versatur Majestas, sunt res, quæ summæ potestati subjiciuntur, quas *Lampadius. De Republica Germ. part. 1. §. 15.* divisit in *sacras & profanas*, & has subdivisit in *civiles & bellicas*. Verùm; quia summa potestas extendit se circa res varias, item circa personas & actiones; ideo non adeò proclive est, objecti ejus adequatè partes singulas enumerare. Unde quidam subsistunt in generali divisione, partes singulas subticentes, & quasi in carcere concludentes. Nos hac in parte, *Grotium* imitantes, dicimus: Majestatem, seu summam potestatem versari vel circa *universalis*, condendo leges sacras vel profanas, prout scilicet Majestas est sacra, vel merè profana; non verò, ut heterodoxi volunt, quòd Rex sit simul Pontifex, aut regi competat *per se* potestas circa sacra, (hoc enim commentum satis refutavimus lib. 1. cap. 14. à n. 18.) vel circa *singularia*, eaque vel *directè publica*; cujusmodi sunt, vel *actiones*, puta: *pacis, belli, fæderum &c.* vel *res*, ut: *dominium eminentis, vestigalia &c.* aut *privata*; puta; negotia privatos homines concernentia, circa quæ in controversiis, jus decerni debeat. De his singulis summæ potestatis partibus, videri merentur, qui specialiter de jurebus Majestatis tractant.

30. Ad discernendum, quis reverà Majestate, seu summâ potestate gaudeat; cavendum est; ne ambiguo nominis sono, aut rerum externarum specie decipiamur. Quanquam enim in rigore loquendo *Principatus & Regnum*, sive: *Rex & Princeps* dif-

differant; videmus tamen hæc vocabula sæpe pro synonymis accipi. Sic, ut refert Tacitus, apud veteres Germanos; Principes, Regio titulo insignes erant, qui tamen duntaxat præerant *authoritate suadendi*, non *potestate jubendi*; écontra Romani Imperatores, postquam palàm, & sine ulla dissimulatione, regnum liberrium seu absolutissimum tenuerunt; Principes tamen vocari non recusabant. Taceo; quòd & quarundam liberarum civitatum temporariis moderatoribus, Regiæ Majestatis insignia, etiam hodicum, attribuantur id patet in Duce *Venetiarum*, cui attribuitur coronà & titulus *Serenitatis*. Si

31. PETAS: num discrimen summi Imperii, & Imperii *summo minoris*, hauriendum sit ex diversitate modi quo defertur? RESP. Multos quidem contendere, quòd imperia *successione* delata, sint *summa*; summis verò *minora* sint, ad quæ *electione* perventum sit. Ast id universim & regulariter, verum non est; quia ad potestatem Monarchicam, nihil interest, successione, an electione, delatum fuerit imperium. Quinimò successio non dat *formam* imperio, sed tantum est veteris imperii continuatio; siquidem *jus familiæ*, in primo electio cœptum & radicum, succedendo continuatur; adeoque, quantum prima electio tribuit, tantum defert successio.

32. Hic disputari solet: num *perpetuitas*, sit Majestatis proprietas? An verò dari possit Monarcha temporarius? P. Ignatius Schwartz, loc. cit. pag. m. 90. Problematicè hanc tractat quæstionem, & lectoris arbitrio relinquit, quid sentire voluerit. Ante Resolutionem *Notasse* juvabit; quòd aliud sit, de re ipsa, quòd ad *substantiam* & *quidditatem*, loqui; aliud *de modo rem habendi*. Eadem enim res seu species rei. v. g. Ager ab uno haberi potest pleno jure *proprietas* seu domini,

ab altero, non nisi jure *usufructuario*; ab uno in perpetuum; ab alio ad tempus. Hoc prænotato, RESP. Absolutè loquendo; dari posse Monarcham *temporarium*. Ratio *Grotiana* est; quia, sicut tempus non est mensura jurium privatorum, ita nec jurium publicorum, proinde nec summæ potestatis; sed in moralibus, rerum natura, ex operationibus, colligenda est. Quare, quæ facultates eisdem effectus habent; eodem nomine nuncupandæ, & ejusdem naturæ, reputandæ sunt. Exemplum demonstrativum habemus in regno *fideicommissario*, eà lege alicui delato; ut: si fratri vel agnato nascatur filius; *huic* regnum restituat. Talis, enim qui nascituro hujusmodi filio regnum restituere porro debet; ante ejus nativitatem, verè Majestatem habet, quia omnia in civitate independentè ab aliis, proprio nomine disponit, neque ipsius actus, ab ullo mortali, irritari possunt; & dum regnum porro restituit; à nullo homine superiore cogitur, sed fidem, quam defuncto Regi dedit, exsolvit.

33. Alia, quæ in confirmationem hujus rei, adfert Grotius exempla de *Dictatoribus* olim *Romanis*. Item de Administratoribus & Curatoribus regni; idoneæ non sunt, ut argumenti vicem tenere possint, ut bene observârunt *Horn. lib. 2. r. 10. §. 3. Conringius, de regno §. 4. Zieglerus de jure Majest. l. 1. c. 1. §. 41. & Boëclerus ad Grot. lib. 1. c. 3. §. 11.* Profecto *Dictatoris* potestas à Regio imperio non tantum tempore differebat, sed & ipso instituto & formâ rei. Nisi enim abulivè, improprie, & analogicè, *Summum Imperium*, Majestatemve accipiamus; *Dictatoribus* Romanis neutiquam competiit summum imperium, de quo tamen unicè hic quæstio est. *Dictatura* enim *Magistratus* erat, cujus quantacunque potestas, à *summa* semper dependet, cujus vices, pro modo

com-

commisſiæ poteſtatis, præſtat. Unde non illud tantum ſpectari debet, quantum *Dictatori* commiſſum ſit, ſed à quo, & in quantum ſit commiſſum. Demus, primis *Dictatoribus*, ut reſert *Livius Hiſt. lib. 3. c. 20.* plenam, ſine exceptione, poteſtatem, à qua non licuerit provocare, conceſſam fuiſſe; inde tamen nondum conſicitur, ſummum & abſolutum imperium fuiſſe penes *Dictatorem*. Eſto enim populus Romanus aliquando inappellabilem *Dictatori* conceſſerit iudicandæ poteſtatem (qualem & modò, in Imperio noſtro Romano-Germanico, Sereniſſimi Principes Electores habent, exceptis certis caſibus, de quibus vide *Vitriarium illuſtratum. Inſtit. jur. publ. lib. 3. tit. 8. lit. b.* (equidem populus Romanus) idem eſt de Imperatore noſtro Romano-Germanico) non privavit ſe ſupremò iudicandæ poteſtate, cuius vices alteri fiducialiter commiſit. Credidit enim populus Romanus, & apud nos Imperator Germanus, argumentò Aureæ Bullæ, cap. 10. & 11., eos, qui ob ſingularem induſtriam (exploratà ipſorum gravitate & vitæ integritate) ad huiusmodi Dignitatis ſiſtigiū elevantur, haud aliter iudicatu-
 34. Hiſtoriæ *Livii, lib. 6. c. 38. & lib. 8. cap. 33.* Item *lib. 32. c. 11. & 23. ac 25.* in hærendo, fidemque huius authoris contemporanci, ſequendo; hic cum *Boëclero* obſervamus, quòd etſi ab initio, adverſus *Dictatorem Romanum* non valuerit provocatio (eò quòd vice populi, Magiſtratum

geſſerit) poſtea tamen ex *Plebeſcito*, quin & *Senatùs conſulto*, quòis formula mandati, *Dictatori* præſcripta legitur; ab ejus ſententia appellare conceſſum fuit. En! productis *Livii* de provocatione à *Dictatore ad populum*, verbis, *Bodinus lib. 1. de Republ. cap. 8.* Sic diſcurrit: *Quibus verbis planum ſit, Dictatorem neque Principem, neque Summum fuiſſe Magiſtratum, ut plerique putârunt, ſed Curatorem, quem noſtri, Commiſſarium vocant: nec aliud ei tributum fuiſſe, præter curationem belli gerendi, aut ſeditionis ſedande, aut Reipublicæ conſtituendæ, aut Magiſtratum creando- rum, aut clavi ſigendi.* Minus probant theſin propoſitam, quæ *Grotius* de Adminiſtratoribus aut Regni Curatoribus, adfert; conſtat enim illos, alienum jus tractare, non ſuum, actûsque ipſorum irritos reddi poſſe, vel à populo, vei à Rege.

35. Cùm dixerimus, modum habendi ſummum imperium, diſtinguendum eſſe ab ipſo imperio; hinc non otioſè quaſiveris: an ſummitas imperii ſubſiſtere poſſit, ſine habendi plenitudine? *Grotius lib. 1. de J. B. & P. cap. 3. §. 14.* Certum eſſe ait; non modo plerumque imperia ſumma, non plenè haberi, ſed & multa non ſumma, haberi plenè, ut: *Ducatus, Marchionatus & Comitatus*; quæ propterea faciùs, quàm regna, vendi vel teſtamento relinqui poſſunt. Igitur; *Majeſtas*, ſeu Imperii ſummitas ſubſiſtere poteſt, ſine habendi, ſeu exercitiij plenitudine. Quò facit; quòd Auguſtiſſimo Imperatori noſtro Romano-Germanico, utique competat *Majeſtas*, ſumma dignitas, reverentia & authoritas, nullo etiam Imperij Principe exiſtente, qui eundem non recognoſcat pro Domino & Imperij Capite; vocant enim cum, *Clementiſſimum Caſarem & Dominum ſuum*, atque ab eo in genua proſtrati, feuda accipiunt. Vide *Samuel. Stryck. in ſin. Examinis Feudal.* Cui ta-

men

men non obest; quod solus non exerceat omnia jura *Majestatica*, sed in quibusdam indigeat concursu & consensu *Statuum*; prout hodie Imperator nullas leges universum imperium obligantes, solus, sine *Statuum* consensu ferre potest. Confer *Vitriarium Illustratum. Instit. jur. public. lib. 1. tit. 7. De Capitulationibus*. Consule quoque *Bæclerum. Instit. politic. lib. 3. cap. 8. pag. 191.*

36. Consequenter hic *QUÆRI* potest: An imperium desinat esse *summum*, si imperaturus, Deo aut subditis aliqua promittat? *RESP.* Si Deo aut subditis promittat solum observare ea, quæ sunt juris *Divini*, *naturalis*, aut *Gentium*; ad quæ omnes Reges, sine speciali promissione, aliunde obligantur; summum imperium, nec diminutum nec ademptum, neque aliis communicatum intelligitur. Verum, si promittat se in exercendo summo imperio, certas regulas observaturum; videndum; an promissio tantum cadat in exercitium actus. v. g. *Nolo gerere bellum, sine consensu cum regni Statibus consilio*; & summum adhuc manebit imperium penes solum Regem. An verò promissio cadat etiam *directè* in ipsam facultatem; v. g. *Nec volo, nec possum gerere bellum, nisi de consensu Statuum*; tunc enim *summum* quidem manet imperium, sed solus non retinet, quia facultatem communicat cum *Statibus* regni; adcoque, si contra *prius promissum* faciat; actus tantum erit *injustus*, Si *contra posterius*; erit etiam *nullus*, propter defectum facultatis. Ita ferè *Grotius loc. cit. §. 16. n. 1. Et 2. & ex illo Vitriarius.*

37. Itaque, si Princeps promiserit aliquid, quod ad jura Majestatis pertineat, siue partes summi imperii concernat, v. g. se non laturum leges, non gesturum bellum, nisi de sententia *Ordinum*; tunc videri potest, partem summi imperii, aliis

communicasse, neque summam potestatem integraliter retinuisse, quod secus est, si promiserit, juraveritve aliquid, non ad ipsum jus imperii, sed ad modum imperandi utendive illo jure, pertinens. An autem Princeps hoc vel illud fecerit, ex ipsa promissi vel jurisjurandi formula, item ex locutionis argumento hauriendum est. Multum enim interest, *facultatem imperandi* promittendo jurandove restringat determinetve Princeps, an verò voluntatem suam *liberè* declaret. Potest enim, imò fieri plerumque solet, ut Princeps absolutus, juret; se jus sine ambitione & odio, dicturum; consuetudines patrias non neglecturum; bonorum civium consilio uturum; & generatim omnia facturum; quæ ad Reipublice salutem & incrementum conducibilia videbuntur; nec tamen ideo imminutum censetur summum imperium. Nec *OBEST*: quod jurans, se hoc vel illud facturum, vel non facturum, videatur sibi adimere facultatem aliter faciendi. Nam id quidem verum est, loquendo in *genere moris*; quantum scilicet ad officium & Religionem jurantis attinet, quatenus quis id facere non posse dicitur, quod sine Divini Numinis offensione fieri non potest: fallit autem, si de summa potestate, quasi *physicè* & secundum existentiam loquamur. Summa enim hæc civilis potestas, non nisi expressâ formulâ diminuitur; puta: aut illam alteri communicando, aut ex parte abdicando. Ut: si quis ita juret: hanc partem potestatis ego solus non exercebo, sed socios agnoscam hos illolvere; aut: si quid præter promissâ fecero, judicabunt & punient me illi iktive. *Priore* enim modo communicasse videtur Majestatem; *posteriore*, in eventum, abdicasse. Qui enim puniri & judicari potest, non videtur habere Majestatem, nisi, quod bene notandum; Princeps Religio-

ssimus,

fissimus, ex fiducia justitiæ suæ, ultrò alterius arbitrio sese submiserit, non ut ab eo, tanquam superiore, judicaretur & puniatur; sed, ut iniquitatis aut erroris convictus, in se puniat & emendet, quod malè gesserat. Hac ratione, nì fallor, Rex Hispaniæ in Belgicis Provinciis, olim contra se, voluntariè Tribunal quodpiam instituit, ex quo tantum abest, ut Majestatem suam diminuerit, ut è contra, illam magis venerabilem reddiderit. Hoc ergo rectè dixeris, & verum manet, quòd, si summa potestate præditus, aliquid ex animo promiserit; *nat:raliter* obligetur coram Deo, cui omnis mortalium potestas subdita est; verum, quò ad civilem obligandi rationem, non suppetit humana facultas, quæ hujusmodi obligationem exequatur, & exposcat promissa ab invito. Fieri enim nequit, ut quis sit & maneat summà fulgens potestate, postquam cum civibus super aliqua imperii parte contraxit, iisque ita strictè se obstrinxit, ut invitùs cogi queat. Quocirca; qui hæc duo convenire & in una sede morari fecerit, id quod fieri nequit, fecerit, & quæ intelligi non possunt, dixerit. Cæterum; argumentum, quod *Grotius loc. cit.* ab exemplo familiaris & maritalis imperii deducit, parum, imò nihil probat, quò ad propositum. Alia enim est ratio potestatis Regiæ, & summæ civilis; alia potestatis maritalis, non summæ, familiaris & œconomicæ. Quinimò omnium Theologorum & Canonistarum judicio, si quis cum sponsa ita contrahat, ut se alteri adulterandam tradat, conceptionem prolis impediatur; alteri post certum tempus nubat &c. non efficitur maritus, eò quòd ejusmodi conventiones repugnent substantiæ Matrimonii, ac convellant (ut Theologi loquuntur) bonum *fidei, prolis, & Sacramenti.*

38. Sub incudem juvabit revocâsse

verba *Grotii. loc. cit. n. 2. Fatendum tamen* (inquit) *id ubi sit, artius quodammodo reddi imperium, sive obligatio duntaxat cadat in exercitium actûs, sive etiam directè in ipsam facultatem Neque inde sequitur, ita promittente, superiorem dari aliquem; nullus enim hic actûs hoc [scilicet secundo] casu, non redditur ex vi superiore, sed ipso jure. Ubi OBSERVANDUM imò.* Obligationem cadere in exercitium actûs, quando v. g. Rex jus habet, tributa aut vectigalia exigendi; sed ad certum quandam modum tantum, aut in certo genere rerum. Obligationem autem cadere directè in ipsam facultatem, quando Rex pro imperio, nullum potest tributum vel vectigal exigere, sine consensu populi vel ordinum. *OBSERV. 2dò.* Ex tali promissione non sequi quidem, quòd alius, cui promissio facta, evadat superior; sequi tamen; promittentem eatenus non manere superiorem, adeoque actum nullum esse, *ob defectum facultatis*, sive ob abdicatam in tantum facultatem superioris, de qua quæstio erat.

39. Subjicit ibidem *Grotius n. 3.* Varia exempla Regum absolutorum, qui tamen ad multarum rerum observantiam obstricti fuerint. Sed, ne confusè & intricatè loquamur; identidem pensandum est; quomodò Rex scilicet obligetur; an per modum voluntatis liberè declaratæ, & sine imminutione summi imperii; an per modum facultatis ademptæ, sive diminutæ summæ potestatis. Utriusque enim generis exempla prostant. Principis etiam jurata promissio, ex *forma* & *sine* libranda est. Alius enim jurat, ut Princeps fiat; ita, ut nisi juratò hæc & ista præviè promiserit; Princeps fieri & esse nequeat. Alius autem jurat, ut jam factus Princeps, & talis mensurus; licet non juraret. Priore casu, jusjurandum est *conditio sine qua non*: in altero casu,

ad

ad solemnia delati Principatus refertur.

40. Quæstionem aliam movet *Grotius*. *loc. cit. n. 4.* Quid nempe judicandum sit, si additum fuerit: ut Rex regno cadat, si fidem fallat? Respondetque: nec sic quidem imperium definire esse summum, sed habendi modum esse imminutum per conditionem, atque imperium hujusmodi evadere non ab simile temporario. Sic (inquit n. 5. fundus, qui fideicommissio tenetur, id est: qui aliquando alteri restituendus est, est quidem fundus noster, non minus, quam, si pleno dominio possideretur; sed habetur amissibiliter, possessione scilicet non perpetua. Verum, si lex commissoria, in ipsa regni delatione, à populo adjiciatur; non video, quomodo Rex sit exemptus à iudicio populi, cui vigore istius clausulæ, competit potestas cognoscendi, an Rex fidem fefellerit? Non video (inquam) quid multum differat casus iste, ab altero; quem *Grotius* infra §. 17. ponit, ubi scilicet additum: quod Rex promissa non servans, cogi aut puniri possit.

42. De Majestate profana, ejus subiecto existentie, aliisque eò pertinentibus, sat hæcenus actum esse reor; adeoque jam properandum est ad Majestatem sacram, ut de ejus existentia subiecto dispiciamus, ac perpendamus quæstiones, quas Heterodoxi, hac in parte, movent, & nos Catholicè reolvere debemus, ut scopum *Erbicæ* nostræ Christianæ assequamur.

43. Majestatis definitionem supra n. 1. & 2. hujus capituli dedimus & exposuimus. *ibid. n. 5.* Majestatem generatim acceptam divisimus in Sacram seu Ecclesiasticam, & in profanam, secularem, seu civilem. Prima igitur quæstio esse possit; an detur Majestas Sacra super terram? & supposito, quod detur; an distincta & separata sit à summa potestate laicali seu civili? Neminem sane inter illos, qui Christianorum nomine gloriantur, adeo

A Hochkirchen, Erbic. Christi. Pars II.

insipidum & dementem esse arbitror, ut Jesu Christo, & Deo Incarnato, dum pro salute nostra, inter homines in terra conversatus fuit, neget, in sensu rigorosissimè, Majestatem competitivè sacram; Hoc autem supposito, sic argumentor: Christus ascensus in cælum, alicui certæ & determinatæ personæ, vices suas & vicariam potestatem demandare debuit; tum quia instituit regnum *Monarchicum*, utpote perfectissimum; tum quia Ecclesia est ovile, domus, regnum, exercitus, corpus: Ovile autem nequit esse sine certo & determinato Pastore, eoque unico, nec domus sine Patrefamilias, nec regnum, sine Rege; nec exercitus sine Imperatore, neque corpus sine capite unicissimo; Atque Vicaria potestas, quam Incarnatus Dei Filius, Divo Petro [& in ipso, omnibus ejus successoribus] *Matth. 10. & 16.* Item *Joan. 21.* dedit, est summa, absoluta, perpetua, legibus humanis soluta, & à nemine mortalium dependens: ergo rigorosissimè est Majestas sacra. Vide assertum dicta lib. 1. cap. 14. à n. 18. usque ad 38. Si

44. OBGANNIAS, dicāsque, inde quidem evinci, Petro Apostolo, à Christo summam circa Sacra, fuisse datam potestatem, sed inde non concludi eviderit, quod pari autoritate & facultate divinitus muniti sint *Petri* successores. *Contra* est. Ecclesia non potuit manere *acephala*, sed in ea vigere & permanere debuit summa potestas circa sacra; adeoque, cum Divus *Petrus*, Christo, post ascensionem ejus in cælum, surrogatus, & summa isthac potestate donatus, morte prohiberetur in finem usque mundi permanere, eviderit & necessariò concludi debet, quod alius semper & alius, pari jure & potestate divinitus præditus, Divo Petro Apostolorum Principi, succedere debuerit. Hanc prorsus indubitabilem sequemur.

A a

lam

lam agnoscens *œcumenici Concilii Florentini* Sacer cœtus, sancivit hæcse formulis: *Definimus Sanctam Apostolicam Sedem & Romanum Pontificem, in universum orbem, tenere primatum, & ipsum Pontificem Romanum, Successorem esse S. Petri Principis Apostolorum, & verum Christi Vicarium.* Quod ipsum antea definivit Concilium *Nicœnum I^{um}*, can. 6. & *Nicœnum 2^{um}*, *Art. 2. can. 2.* quibus Conciliorum sancitis, consonant textus apertissimi, juris Canonici in *cap. Quanto. De transl. Episc. cap. Solite. De Majorit. & Obed. & Extrav. Unam sanctam. eod. tit. inter communes.* Sed & juris Civilis suffragatur autoritas, profutetur enim Imperator *Iustinianus* longè ante *Lutheri, Calvini* aliorumque inter se discordantium *Schælariorum* modernorum tempora, se agnoscere in Romano Pontifice, *cælestè arbitrium. l. 1. Cod. De Summa Trinit.* Unde inter illos, quibus mens non omnino depravata est, vix dubitabit aliquis, an in Ecclesia Christi, detur Majestas Sacra, vel: an ea competat *Divi Petri* legitimis successoribus? Porro quæstionem, An potestas summa circa sacra, distincta sit à laicali Majestate? & nunc Rex, sit simul summus Pontifex, solidè resolutam invenies, lib. 1. cap. 14.

45. OPPONES. Non Petro quà Petro, sed quà gerenti figuram Ecclesiæ, dixit Salvator: *Tibi dabo claves &c.* atque ita docet *Augustinus*, tract. 50. in *Joan.* inquit: *Petrus quando claves accepit, Ecclesiam Sanctam significabat.* Ergo Ecclesiæ universali, data est summa potestas, residens penes omnes Episcopos, adeoque Status Ecclesiæ est *Aristocraticus*, non *Monarchicus*. RESP. Ex eodem Magno Patre *Augustino*, tract. 124. in *Joan.* Divum Petrum propter Apostolatus sui primatum, figuratà quadam generalitate, Ecclesiæ gessisse personam, sicut Princeps

pingendo scædus, figurat & repræsentat totam Rempublicam, Sicut autem summus Princeps Majestate pollet civili & profanà, ita & *Petrus* totam Ecclesiam Christi repræsentans, tanquam summus Vicarius, summam circa sacra, consecutus est potestatem. Atque per hoc refutatur argumentum, quod nobis opponit *Obstræct. De locis Theologicis. tom. 2. Dissert. 5. pag. mihi 448.*

46. INSTABIS. Christus *Luce 22.* noluìt unum Apostolorum, cæteris prædminari, sed id proprium esse dixit Regibus Gentium. *Reges Gentium* (inquit) *dominantur eorum, vos autem non sic, sed, qui major est in vobis, fiat sicut minor, & qui præcessor est, sicut ministrator.* Ergo nec *Petrus*, nec ullus Apostolorum successor, supremam & independentem in alios habet potestatem. RESP. Noluisset quidem Christum, ut unus Apostolorum, ad instar tyranni, cæteris, pro lubitu imperaret; non tamen sustulisse primatum & majoritatem, quam *Petro* dedit; sed duntaxat iussit; ut, qui major reverà est, ex humilitatis virtute, fiat sicut minor. Quo sensu dixit Divus Pater *Augustinus* in Regula: *Ipse autem qui prælatus est vobis, non se existimet potestate dominante, sed charitate serviente, felicem.*

47. DICES. Unius corporis, non est, nisi unicum caput; sed mystici Ecclesiæ corporis, caput est Christus, 1. *Corinth.* 3. Ergo. RESP. Unius corporis mystici, non esse nisi unum caput vel invisibile, Divinum & omnium creaturarum supremum; vel visibile, humanum, & subordinatum invisibili divino capiti; non autem, quasi per divinum invisibile caput, quod est Christus, excludatur caput humanum & visibile, quod est summus Pontifex. Unum caput morale, alteri subordinari posse docet Apostolus 1. *Corinth.* 11. §. 3. inquit: *Volo autem vos scire, quod*

omnis viri caput, Christus est: caput autem mulieris, vir, Caput verò Christi, Deus. Quidnā igitur Christus jam in cœlis regnans, habere possit Vicarium generalem, qui militanti in terris, præsit Ecclesiæ, tanquam corpori mystico?

48. REPLICABIS. Spiritus S. plures constituit regere Ecclesiam Dei. Act. 20. Ergo non attribuit uni primatum & supremam potestatem, alias iste posset dici Episcopus universalis, quod Gregorius Magnus, lib. 4. indict. 13. epist. 32. ad Mauritium Imperatorem. item Epist. 36. & 38. blasphemum reputavit. RESP. Diff. Spiritus S. constituit plures uni subordinatos. Concepto. Nulli subordinatos NEG. Noli autem S. Gregorius nuncupari Episcopus universalis, hoc sensu, quasi in se solo sit potestas Ordinis Episcopalis, & quasi non haberet alios Coepiscopos, potestate Ordinis sibi æquales, perinde ac Divus Petrus habuit coepiscopos, sibi in hac potestate pares. Quod verò Papa, id est: Pater patrum, quò ad potestatem jurisdictionis & supremi regiminis, sit universalis Ecclesiæ Episcopus, definivit Pelagius II. in Constit. 1. quæ incipit: Manifesto. ac refertur tom. 1. Bullarii Romani. Habet enim Papa, pro Diocesi sua, totum orbem. cap. Ad honorem. De Authorit. & usu Pallii. Estque Ordinarius Ordinarius. can. Cuncta per mundum. caus. 9. quest. 3. Glossa, in cap. cum nullus. Y. in eadem. De temporib. Ordinand in 6. habens concurrentem potestatem cum omnibus Ordinariis. can. cit. Cuncta per mundum. cap. ult. De foro compet. & cap. Si eo tempore. De election. in 6. Ita, ut ex omnibus mundi partibus, liceat ad Papam appellare, omisso etiam medio. Can. Ad Romanam. caus. 2. quest. 6. Quique potestatem suam non ab hominibus, sed immediatè à Deo habet, prout aliquoties ostensum, & rursus pro superabundanti, infra n. 60. demonstrabimus

49. URGEBIS. SS. Patres passim ajunt, omnes Apostolos, & signanter Paulum habuisse parē potestatem cum Petro. Ergo. RESP. Hanc esse cantilenam, quam à Gallis, Gallià extorribus, dederunt miseri quidam, alioquin non indocti Pastores Batavi, qui Ecclesiæ Ultrajectinæ jura sustinere & defendere volentes, per adoptatas à proscriptionis hominibus sententias, nedum Romanæ Curia, sed & toti Europæ, se de Janseniana aut potius Quænelliana hæresi suspectos, quin & condemnabiles reddidère. De his infra redibit sermo. Interim ajo: SS. Patres intelligi debere, de potestate Ordinis & facultate prædicandi Evangelium ubique terrarum, cum omnimoda quidem jurisdictione in alios, aut salvā ipsorum subordinatione ad Petrum. Nec mirum est, quod Paulus speciali ratione æquiparetur & jungatur Petro; Id enim fit, tum quia plus cæteris Apostolis laboravit; tum quia, Petrum constanter & inseparabiliter adjuvit in fundanda Ecclesia Romana. Ex quo pròdiit stylus Bullarum, quibus Romanus Pontifex, meritis horum individuum Apostolorum confusus, mandare, prohibere, dispensare, & summi Pastoris munera, explere solet.

50. Quid (INQUIES) Adhuc sub judice lis est, an Petrus unquam fuerit Romæ? RESP. Si hoc in dubium revocare velis, nulla in orbe valebit fides historica, quia nihil ita Sanctorum etiam Patrum testimonio roboratum est; quàm hujus historici veritas. En! S. Hieronymus. lib. De Scriptores Ecclesiæ. sic scribit: Simon Petrus, post Episcopatum Antiochenis Ecclesiæ, secundo Claudii anno, ad expugnandum Simonem Magum, Romam pergit, ibique viginti quatuor annis, Cathedralis Sacerdotalem tenuit, usque ad ultimum annum Neronis, id est, decimum quartum ejus imperii. Id quod colligitur

ex *Epistola 1. Petri cap. 5. ibi: salutat vos Ecclesia, quæ est in Babylone collecta. Ubi per Babylonem intelligitur Roma, tunc adhuc propter idolorum multitudinem & confusionem, vera Babylon, teste Magno Patre Augustino, lib. 18. De Civit. Dei. cap. 21. sub init. ubi sic habet: Ne multis morer, condita est Civitas Roma, velut altera Babylon, & velut prioris filia Babylonis, per quam, Deo placuit, orbem debellare terrarum. Hanc veritatem idem Magnus Pater manifestius demonstrat *Epist. 105. ubi à Divo Petro usque ad Anastasium enumerat Pontifices, qui Romæ successivè Cathedralam tenuerunt, adeoque Epist. 162. asseveranter dixit: In Ecclesia Romana semper Apostolicæ Cathedræ viguit Principatus. Adde, quæ S. Maximus Episcopus scripsit Homiliâ 54. de SS. Apostolis Petro & Paulo. In quo (inquit) tandem loco Martyrium perulerunt? In urbe Roma, quæ principatum & caput obtinet nationum: scilicet, ut ubi caput Superstitiones erat, ibi caput quiesceret Sanctitatis, & ubi Gentilium Principes habitabant, illic Ecclesiarum Principes morerentur.**

51. OBSTES. Si Petrus fuerit viginti quatuor annis Romæ, cur Paulus ad Romanos scribens, Petri non meminit? Imò 2. *Ad Timoth. Romæ* scribens, ait: omnes me dereliquerunt. Non enim est credibile, Paulum derelictum fuisse à Petro, si hic fuisset Romæ. RESP. Paulo ad Romanos scribente, Petrum ex concilio Hierosolimitano, cui cum Paulo & aliis Apostolis, interfuerat, necdum tunc fuisse Romam reversum, & ob hanc causam, salutatis aliis, Romæ existentibus, Petri non meminisse, quippe, cui coram, sat superque locutus fuerat. Igitur Paulus ibi conqueritur se derelictum ab omnibus, quæ autoritate suâ ipsum tueri potuissent apud Cæsarem, quod non poterat Petrus absens. Cæterum, ex antiquissima

hittoria Ecclesiastica. Scimus, quod Divus Petrus primùm quidem Antiochiæ sederit, ordinato tamen pro se, & inibi relicto Evodio, Romam transfulerit Cathedralam Pontificiam, ac eò venerit, anno. post passionem Christi, decimo tertio, secundo anno Imperii Claudii Cæsaris, inibique 25. annis; id est: usque ad annum à passione Domini 36tum; Neronis verò 14tum, Evangelium prædicaverit, Simonem Magum profligaverit; tandèmq; à Nerone, capite in terram verso, cruci affixus fuerit. Confer *Chapeauville in Gestis Pontificum Tugrens. Traject. & Leodiens. Tom. 1. cap. 4. pag. 7. ibi in Annotationib.*

52. REPLICABIS iterum 1mò. Si Romano Pontifici competeret summa iudicandi potestas, posset ad ipsum ex omnibus mundi partibus, judicialis interponi appellatio; sed hoc negant Concilia; præsertim illud *Carthaginense* cui interfuit Magnus P. Augustinus. Ergo. 2dò. Si, ut asseritur, summum Pontifici Romano datum esset imperium; posset omnes Sacros Canones abrogare & Patriarchas, Metropolitanos & Episcopos totius mundi pro libitu deponere: Sed hoc non. Ergo &c. Ad 1. RESP. Neg. mi. Non enim Concilia negant, aut indubium vocant jus Pontifici assertum, sed eundem rogant, ut propter locorum interapedinem & appellantium facta invertentium versutiam, tam facile non admittantur appellationes *ultramarine*, atque hoc ipsum est, quod rogabat Divus P. Augustinus, ut patet legenti ejus Epistolas ad Innocentium & Bonifacium Pontifices. Ad 2dam *Replcam* RESP. Negando utramque *Sequelam*, Tum, quia plerique sacri canones, sunt, aut juris *naturæ*, aut *Divini positivi*, aut illi omnino affines & conformes; de quibus merito dixit S. Martinus Papa 1. *Epist. 9. Canones Ecclesiasticos solvere non*
pos-

possumus, qui defensores & custodes canonum sumus, non transgressores. Atque inter hos canones etiam sunt illi, qui præscribunt formam deponendi Episcopos, ut proin illos, non possit deponere pro lubitu. Tum quia, licet ex rationabili causa, possit Pontifex abrogare vel alterare canones, qui sunt *juris purè Ecclesiastici*; causâ tamen rationabili non subsistente, vi, non quidem *coactivâ*, sed *directivâ*, tenetur se illis conformare, argumentò deductò, à communi sententia, quam Theologi tradunt, agentes de legibus. Hæc, ut plenius intelligas & argutias citati authoris *Obstrait* plenius detegere queas.

§3. OBSERVABIS: quòd in summo Pontifice (idem cum proportionem est de Imperatore, vel alio summo Principe) duplex reperitur potestas; una scilicet *Ordinaria*, quæ scilicet sequitur ordinem *juris positivi*, & regulatur secundum limites dispositionis illius: Altera *extraordinaria*, *absoluta* sive *suprema*; quæ & *plenitudo potestatis* appellatur; secundum quam Papa est supra omne jus positivum humanum, docente *Divo Thoma. Quodlibet* 4. art. 14. cui, cum agminè Theologorum, adstipulantur *Geminianus consil. 53. circa Princip. Fagnanus in cap. ex parte. n. 4. De convers. conjugat.* Et hæc potestas talis ac tanta est, ut non recipiat interpretationem *restrictivam*, ut loquitur *Baldus, in cap. Nisi cum pridem. n. 6. De renuntiatis.* Itaque Doctores, de hac plenitudine potestatis loquentes, concorditer statuunt; Romanum Pontificem, pro utilitate Ecclesiæ ac ovium sibi concreditarum salute, posse dispensare in omni jure Ecclesiastico, ut patet ex *cap. Proposuit. 4. De concess. præbend.* ubi Pontifex inquit: *Qui secundum plenitudinem potestatis, de jure possumus supra jus dispensare.*

§4. Hanc assertionem, Doctores pro-rogant etiam ad *Canones Apostolorum*, illos videlicet, quos Apostoli tanquam Ecclesiæ moderatores condiderunt, ut puta: *de jejunio Quadragesimali, observantia Dominica, De subeundis penitentiis*, per Canones Apostolorum, in reos certorum criminum, sancitis, & hujusmodi. prout colligitur ex *can. Presbyter. Dist. 82. junctâ Glossa ibid. & Apostolorum.* Dixi: quos tanquam Ecclesiæ moderatores &c. Siquidem inter omnes convenit, quòd Papa nequeat dispensare in illis Canonibus Apostolicis, quos Apostoli, non tanquam Ecclesiæ Prælati & Rectores, primùm condiderunt; sed, jam à Christo Authore acceptos, velut ministri Ecclesiæ, promulgârunt atque observandos tradiderunt: ut puta: *De Baptismo parvulorum, De confirmandis baptizatis, De indissolubili vinculo Matrimonii consummati*, & hujusmodi. Confer *Suarez lib. 6. De legib. cap. 14. n. 2. Azor. part. 1. lib. 5. cap. 15. q. 4. Layman. lib. 1. tract. 4. cap. 22. n. 3.*

§5. ADDIDI SUPRA n. 53. Pro utilitate Ecclesiæ. Nam summo Pontifici, potestas data est à Domino, *in edificationem, non in destructionem*, ut loquitur Apostolus, 2. Corinth. 10. & 13. Unde, licet Papa absolutè queat; non tamen decet, eum semper uti plenitudine potestatis. *Hofstiensis. in cap. Super eo. n. 4. & ibid. Fagnanus. n. 18. De Bigamis non ordin.* Sed cum præ oculis habere oportet utilitatem Ecclesiæ, oviumque concreditarum salutem; ne, si secus fiat; non tam dispensatio, quam dissipatio dici mereatur. Quanquam nefas sit, quidpiam sinistri, temerè suspicari de summa sede, quæ à nemine judicatur, & de cujus judicio disputare non licet. *can. Si quis. 5. Qui autem. & can. nemini. caus. 17. q. 4. & cujus Statutum sic reputari debet, ac si de ore*

ore Dei, vel *B. Petri* esset prolatum. *can. Sic omnes. Diss. 19. & cap. Inter corporalia. De translat. Episc. junctâ Glossâ ibid. y. Divina.*

56. Ex dictis, deducunt Canonistæ, quod Papa non possit dispensare contra universalem Statum Ecclesiæ. *Arg. can. Etsi illa. caus. 1. q. 7. & notat Glossa in cap. Proposuit. y. Dispensare. De concessione Præbend. Quod ipsum tamen Abbas Panormitanus ibid. n. 14. rectè limitat & intelligit; si, ex tali dispensatione seu immutatione, non decolaretur Status Ecclesiæ. Quocirca, si ex hujusmodi immutatione, non decolaretur Ecclesiæ Status, sed subsistat rationabilis causa mutationis faciendæ; tunc indubitatè asserendum; quodd Papa possit circa unum alterumve punctum, alterare non tam Statum, quàm Statutum universalis Ecclesiæ. Sic in *cap. Non debet. De consang. & affinit. in Concilio generali* fanciuit, ut consanguinitas & affinitas, quæ olim in quinto, sexto & septimo gradu, Matrimonium contrahi prohibebat, imò contractum dirimebat; deinceps, ultra quartum gradum non constituit impedimentum; quod ipsum, in Concilio Tridentino renovatum, cum addita reformatione circa impedimentum, publica honestatis, & cognationis spiritualis.*

58. Quòd Episcopi non possint regulariter loquendo, dispensare, quò ad Sacros Canones, Constitutiones Apostolicas, aut Decreta Conciliorum Generalium; liquidò constat, ex *can. Nulli caus. 25. q. 1. can. Institutiones. caus. 25. q. 2. cap. Quod super. 9. De maj. & obed. cap. penult. & ult. De filiis Presbyt. junctâ Glossâ in cap. Cum dilectus. y. Etate. De elect. Ex ratione, quòd dispensatio sit actus jurisdictionis; Episcopus autem, utpote inferior respectu summi Pontificis vel Conciliorum generalium, nihil possit. Daxi regulariter. Dantur enim specifi-*

casus, quibus, Episcopia, in jure data reperitur dispensandi facultas. Casus istos indagare poteris ex *cap. penult. De Electionib. cap. At si. §. fin. De judiciis. cap. 1. De filiis presbyt. in 6. cap. Cum eo. De Election. in 6. juncto Concilio Tridentino. sess. 24. cap. 6. De reformat. Confer Barbosa. part. 2. De officio & potest. Episc. Allegat. 33. n. 22. Felinum in cap. At si. §. De adulteriis. n. 1. De judiciis. Rebussum. in praxi Benefic. §. De dispensatione. n. 30. Pirbing ad tit. De offic. judicis ordin. n. 87. Navarrum in Manuali. cap. 21. n. 21. Sed*

58. Hic incidit quæstio, quid dicendum: si quis, puta, Papa vel Episcopus (idem servatà semper proportionem, est, de Imperatore, vel alio giudice subalterno) sine causa rationabili, dispenset in lege videlicet merè humana? *Resp. 1. mō. Si ipse legislator aut ejus successor ita dispenset; validè quidem, sed illicitè agit. Ratio primi est;* quia, sicut obligatio legis in fieri dependet à voluntate legislatoris, ita & in conservari; proinde, sicut potuit legislator ab initio, personam aliquam vel certum casum, lege suà non comprehendere; ita deinceps illam, vel illum, ab ejus obligatione eximere non prohibetur. *Ratio 2di est;* quòd sine rationabili causa dispensans, non tam dispensator, quàm bonæ disciplinæ dissipator videntur. *Vide Concil. Trident. sess. 25. De reformat. cap. 18. Resp. 2do. Si inferior absque legitima causa, dispenset in lege superioris, circa quam alioquin, superioris indultu, dispensare valeret; necdum illicitè sed & nulliter & invalidè agit. Ratio;* quia in tantum inferior dispensare potest in lege superioris, in quantum id ipsi indultum: non est autem credibile, quòd superior concesserit inferiori facultatem pro libitu suo dispensandi & temerè legem suam infringendi. Ergo. Confer

fer Reiffenſuel. in Theolog. morali. traſt. 2. diſt. 4. n. 16. Et ſeq.

§9. Ne ulterius digrediamur; putem, ſatis demonſtratum eſſe, quòd Papæ ſeu Romano Pontifici, primatialis & majeſtatica competat poteſtas ſacra circa ſacra, id quòd Magnus P. Auguſtinus Epiſt. 265. Ad generoſum, ex continua ſucceſſione, ad ſua uſque tempora, probat his verbis: *Petro ſucceſſit Linus, Lino Clemens, Clementi Anaclethus: Damaſo Siricius, Siricio Anaſtaſius . . . In hoc ordine ſucceſſionis nullus Donatiſta Epiſcopus invenitur . . . In illum autem ordinem Epiſcoporum, qui ducitur ab ipſo Petro uſque ad Anaſtaſium, qui nunc eandem Cathedram tenet, etiamſi quiſquam traditor per illa tempora ſubſcripiſſet, nihil præjudicaret Eccleſiæ. Si jam conſequenter*

60. PETAS: Num hæc ſumma poteſtas ſpiritualis, Papæ competat, & data ſit immediatè à Deo? RESP. Ita docere omnes Eccleſiæ Patres, prout fuſè contra Hæreticos demonſtrat Bellarminus lib. 2. De Romano Pontifice, cap. 17. Et ſeq. Chriſtus enim ipſemet immediatè commiſit Divo Petro, & in Petro omnibus ejus legitimis ſucceſſoribus hanc poteſtatem. cap. ſolita. 6. De majorit. Et obed. Atque idipſum clariùs expreſſum habetur in EXTRAVAG. Unam ſanctam. De majorit. Et obed. inter communes. Ubi de hac Eccleſiaſtica poteſtate ſic legitur: *Eſt autem hæc autoritas (et ſi data ſit homini Et exerceatur per hominem) non humana, ſed potius divina, ore divino, Petro data, ſibiſque ſuiſque ſucceſſoribus, in ipſo, quem conſeſſus ſuit petra firmata: dicente Domino ipſi Petro: Quodcunque ligaveris Et c. Conſonat textus notabilis in cap. Quanto. 3. De tranſlat. Epiſcop. Unde S. Gregorius Magnus. lib. 4. Epiſt. 32. ad Mauritiū. Cunctis (inquit) Evangelium ſcientibus liquet, quòd beatifſimo Et omnium*

Apoſtolorum Principi Petro, Dominica voce, totius Eccleſiæ cura, commiſſa eſt. Atque hoc ipſum Obſervet loc. cit. §. 2. invitis dentibus, cum tota Eccleſia Gallicana fateri cogitur, licet queſt. 2 §. 1. contendat Generale Concilium eſſe ſupra Papam.

61. Quamobrèm non mirandum, quòd celebratà ſemel canonicà electione, præſtitòque in eam Cardinalium conſenſu, Romanus Pontifex abſque alia confirmatione, imò etiam ante ſui conſecrationem, mox habeat authoritatem regendi Eccleſiam univerſalem. can. In nomine Domini. Diſt. 23. Et Extravag. Quia nonnulli. De ſent. excom. Inter communes. Quod ſecus eſt in aliis Epiſcopis & Prælatiſ inferioribus, qui ante obtentam confirmationem, non habent jus adminiſtrandi. cap. Noſſi. 9. cap. Qualiter. 17. De election. Et cap. Avaritiæ. §. eod. in 6. Idque ex ratione diſparitatis, quia ſcilicet Prælati inferiores, recognoſcunt ſuperiorem in terris, ſuamque poteſtatem, non immediatè accipiunt à Deo, ſed mediante ſummo Pontifice, à quo vocantur in partem ſollicitudinis, non in plenitudinem poteſtatis. Can. Qui ſe ſcit. cauſ. 2. q. 6. ac proinde indigent ſuperioris confirmatione.

62. Hactenus dicta, ut vides: procedunt de ſumma Pontificis poteſtate ſpirituali, non de illa temporalis, quam Papa exerceat in ditionibus temporalibus, quas mero jure humano, videlicet ex donatione Conſtantini Magni, & aliorum Imperatorum & Regum, poſſidet.

63. Adhuc (inquis) magnoperè diſputatur; An Conſtantinus Magnus, hanc reapiſe fecerit donationem; aut, ſi facta fuerit de facto, an jure fieri potuerit? quod utrumque negant Vitriarius. Inſtit. jur. publ. lib. 2. ſit. 4. §. 4. Ræclerus. in Not. imperii. lib. 2. cap. 2. Carpzovius. Ad Legem Regiam Germanorum cap. 7. ſect. 6. n.

n. 18. & 19. ac alii passim *Sectarii*, contra quos omnes, classici Authores Catholici tradunt; quod *Constantinus Magnus*, Imperator zelo Catholica fidei motus, desiderans Sedem Romano-Apostolicam, temporali quoque adjutorio & Majestate splendescere; insignem illam ac munificentissimam *Beato Sylvestro I.* Papæ, ejusque successoribus, donationem fecerit, qua annuentibus omnibus *Satrapis*, consentientique toto *Senatu*, inter alia imperialia jura, Romanam urbem cum tota Italia, in quantum imperio tunc suberat, concesserit in perpetuum. Id quod

64. *Probat*ur in primis ex can. *Constantinus*. 13. & 14. *Diff.* 96. Ubi instrumentum hujus donationis refertur. Et quamquam apud Scriptores *Sæculi IV.* mentionem imperialis istius munificentie haud reperiri, contendant aliqui; revera tamen non destruitur autoritate & testimonio antiquissimorum gravissimorumque Patrum, *Damasi* scilicet Pontificis, *SS. Isidori, Bernardi, Hieronymi* & ruraliorum summorum Pontificum, in can. *cii. & Clementina* 1. & Porro. *De jure jurando*. ubi demonstrant: *Carolus Magnus, Henricus II. Orthonem IV. & Fredericum II.* donationem à *Constantino* factam confirmasse & innovasse. Vide can. *Ego Ludovicus*. 30. *Diff.* 63. ubi *Ludovicus Romanorum Imperator* sic perorat: *Statuo & concedo per hoc patrum Confirmationis nostræ, tibi Beato Petro Principi Apostolorum & per te Vicario tuo Domino Paschali Summo Pontifici & universali Papæ & successoribus ejus in perpetuum, sicut à Prædecessoribus nostris, usque nunc, in vestra potestate & disione tenuistis & disposuistis, Romanam civitatem cum Ducatu suo & suburbanis &c.* Hujus etiam donationis tenorem de verbo ad verbum refert, *Abericus De Rose*, in l. 1. §. In initio, n. 6. ff. *De Offic. Præfetti urbis*.

& in *Lateranensi Ecclesia* conservari tradit *Paulus Grisaldus*. in *Decisionib. Catholica fidei. Verb. Imperator*. n. 2. eamque donationem ab Hæreticorum cavillationibus, tum rationum, tum auctoritatum cornucopiâ, defendunt & comprobant *Cardinalis Turrecremata. De potestate Ecclesiæ. lib. 2. cap. 42. Corsetus. In tractatu. De potestate Regia. quest. fin. n. 3. Hieronymus de Mont. De finibus regundis. cap. 11. n. 11. & seq. Covarruvias, lib. 4. Var. resol. cap. 16. n. 8. Mantuanus. Observ. 100. Melchior Canus. De locis Theologicis. lib. 11. cap. 5. Alphonsus de Mendoza, in quodlib. q. 4. §. 4. vers. 5. Navarrus, in cap. Novit. De judiciis. n. 77. Menochius, Confil. 149. n. 39. Molina, De justitia. tract. 2. Disp. 25. Cardinalis Bellarminus. in controvers. fidei. Tomo II. lib. 2. De translatione Imperii. cap. 3. & denique Cardinalis Baronius, ad annum Christi 324. quem *Vitriarius* loco supra cit. falso in suam trahit partem, siquidem præfatus Cardinalis ibidem pag. mibi 267. & sequentibus, laboriosè & operosè demonstrat, quod *Eusebius Pamphili*, Episcopus *Cæsareæ Palestine*, Arianorum Antesignanus, in gratiam *Constantis Imperatoris*, pariter Arianâ labe infecti, primus scripserit; *Constantinum* non fuisse *Romæ*, à *Beato Sylvestro*, sed *Nicomediæ*, anno ætatis suæ, 63. ab *Eusebio Nicomediensi Episcopo Ariano*, baptizatum, quam fabulam *Baronius* loco cit. vel exinde detegit: quod prælaudatus *Constantinus*, diu ante mortem, cum *Persis* & aliis certaturus, ne lixam quidem voluerit, nisi undâ Baptismatis tinctum, proficisci in hostem; tum ex eo; quod Ecclesiæ orationibus, communioni Paschali, & Conciliis Patrum, sæpe interfuerit; quod Catechumenis non erat permissum. Unde (pergit ibid. *Baronius*) dum *D. Ambrosius*, in Oratione habita in funere *Theodosii*, af-*

asserit: *Constantinum*, in *vita* ultimo penè articulo baptizatum, indultus fuit per mendacia prefati *Eusebii*, cujus fidem obiter secutus fuit. Et quomodo tantis encomiis *Constantinus* à Latinis Græcisque Patribus celebratus esset, si ab *Ariano*, in articulo mortis, baptizatus fuisset? Nec obest, quod in Chronico *Hieronymi* dicatur *Constantinus* in extremo vitæ suæ tempore, ab *Eusebio Nicomediensi Episcopo* baptizatus, & in *Arianum* dogma declinasse. Nam & ibidem *Baronius* hæc non à *S. Hieronymo*, sed ab alio quodam corruptore, addita fore: cui argumentò est; quod ipse *Hieronymus* agens contra *Vigilantium*, sanctarum reliquiarum cultum spernentem, probet; *Constantinum* reliquias *SS. Andreæ, Lucæ & Timothei*, transtulisse *Constantinopolim*, quod sanè non fecisset, nisi probè Catholicus fuisset. Causa igitur erroris est (prosequitur *Baronius*) negligentia Librariorum aut malitia scriptorum, qui loco *Constantis*, qui reverè *Arianus* fuit, *Constantinum* posuerunt. Quò minùs verò dubitare queas de veritate eorum, quæ à *Constantino* gesta sunt; lege eundem *Baronium*, loc. cit. pag. mibi 273. & seq. ubi articulatè refert; quas Pientissimus ille Imperator, per septem dies, quibus in albis erat post Baptismum, pro Christiana Religione leges tulerit, quibus privilegiis Romanam Ecclesiam honoraverit, quas Basilicas ædificari curaverit, qualesque porro donationes in honorem Apostolorum *Petri & Pauli*, Romæ fecerit. Unde nequaquam audiendi sunt *Lambetius*, in fine *Tomii V. Bibliothecæ Cæsareæ. Papebrochius. Tom. V. Act. Sanctor. mensis May. in vita Constantini Magni*, qui contra suprâ citatorum Patrum fidem Historicam, imò contra *S. P. Augustinum* mox verbotenus allegandum, contendunt: *Constantinum* propedièm moriturum, *Ni-A-Hockitschen, Ethic. Christ. Pars II.*

comente ab *Eusebio*, Episcopo *Ariano*, baptizatum fuisse. Faceat etiam *P. Ignatius Hyacinthus Amat de Graveson*, recens lektor ex Ordine *PP. Predicatorum*, qui *Tomulo 1. sue Historiæ*, absque ullo verisimili fundamento, in dubium vocat, quæcunque inter *Constantinum* Imperatorem & *Sylvestrum* Papam, intercessisse, ab aliis classicis Scriptoribus, referuntur, ut: Baptizationem prædictam, donationem urbis Romæ, curationem Imperatoris à lepra, & id genus alia. Et sanè author iste, sibi manifestè contradicit, dum asserit: *Constantinum* visidisse in sole, vexillum crucis, cum Epigraphæ: *In hoc vince.* atque eundem hoc crucis trophæo animatum, profligasse *Maxentium* in ponte *Milvio*: deinde ob hanc partam insignem victoriam, totis viribus defendisse & latissimè propagasse Christianam Religionem; multa in gratiam Christianorum antea oppressorum, tulisse Edicta, quibus, ablatas Ecclesias, iis restitui jussit: fidem Christianam, in toto imperio, liberè promulgari mandasse: omnes subditos suos è densissimis, quibus immeriti erant Idololatriæ tenebris, ad splendidissimam fidem Christianæ lucem reducere maximoperè studuisse; falsorum Deorum delubra vel obserari, vel omnino everti præcepisse: Diei *Dominicæ* celebrationem, in toto Romano Imperio, edixisse: magnificentissimas extruxisse basilicas; debitam Episcopis autoritatem asseruisse ac vindicasse: ad componenda inter Christianos enata dissidia; sæpe arbitrum egisse: Sepulchrum Christi Domini, *Jerosolymis* detegere meruisse, ibidemque in oppido *Bethlehem*, nobilissimum templum extruxisse. Quæ omnia (ut de *Helena* Matre ejus Religiosissima, nihil dicam) quomodo vera essent, si *Constantinus*, usque ad extrema vitæ suæ tempora, fuisset *Gentilis*, aut *Cathechu-*

Bb

menus,

menus, & tandem ab Episcopo Ariano baptizatus? Videat ergo citatus *Amat de Graveſon*, quàm inopis ſit iudicii, dum *Tom. i. ſecul. 4. pag. ſecundum impreſſionem Romanam, mibi 243.* imprudenter, ne dicam ſcandaloſè in dubium vocat, baptiſmum *Conſtantini*, à *S. Sylveſtro* Papa collatum, id quod Eccleſia fatetur in lectionibus ſecundi nocturni in feſto illius Sancti. Sanè & ſuam prodit ignorantiam Canonum, quibus id diſertè aſſeritur, ut liquet ex dictis. Porro totius Hiſtoriz fides evidenter ſtabilitur ex Magno Patre *Auguſtino*, Vicino iſtorum temporum teſte. En accuratiſſimus ille temporum evolutor & veritatis indagator [*Anno ſalutis 413.* quo libros viginti duos, *De Civitate Dei*, conſcribere cœpit, & anno 415. abſolvit, ut notant in *Præſatione in Tomum VII.* Monachi ordinis *S. Benediſti*, è congregatione *S. Mauri.*] lib. 5. *De civit. Dei. cap. 25.* ſic ſcribit: *Nam bonus Deus, ne homines, qui cum crederent propter æternam vitam, colendum, haſ ſublimitates & regna terrena, exiſtimarent poſſe neminem conſequi, niſi Demonibus ſupplere, quòd bi ſpiritus in talibus multùm valerent; Conſtantinum Imperatorem non ſupplicantem Demonibus, ſed ipſum verum Deum colentem, tantis terrenis implevit muneribus, quanta optare nullus auderet: cui etiam condere civitatem [ſcil. Conſtantinopolim] Romano Imperio ſociam, velut ipſius Romæ filiam, ſed ſine aliquo Demonum templo ſimulacròque conſeſſit ſed rursus, ne Imperator quiſpiam, ideo Chriſtianus eſſet, ut felicitatem. Conſtantini mereretur, cum propter vitam æternam quiſque debeat eſſe Chriſtianus. Jovinianum multò citiùs, quàm Julianum abſtulit; Gratianum ferro tyrannico permiſit interim, longè quidem mitiùs, quàm Magnum Pompejum colentem veluti (videlicet verius) Romanos Deos. Ex quibus*

Auguſtini verbis liquidò colligitur: *Conſtantinum* nec in finem vitæ ſuæ diſtuliffe Baptiſmum, neque ab Episcopo *Ariano* baptizatum fuiſſe, id quod certè Hæreticorum malleus & Ariatorum debellator indefeſſus, non ignorâſſet. Quamobrèm meritò reprehendendus eſt *P. Carolus Renatus Billuart*, qui *Tom. 3. curſus ſui Theol. Digreſſione 2dâ. pag. mibi 568. & ſeq.* Quorundam Neotericorum criticorum ſententiam ſecutus, ex *Papebrochio*, *Antonio Pagi*, *Natali Alexand. Tillemontio*, & *D. Fleury* vincere nititur, quòd *Conſtantinus Imp.* non fuerit Romæ à *S. Sylveſtro*, ſed *Nicomediz*, ab *Eufebio* Episcopo *Ariano* baptizatus. Siquidem ex errore iſto, *Proteſtantes* varias conſclusiones in jure publico derivant peræquè falſas, ac ſtatui Romanæ Eccleſiæ injurioſas. Profeſſò, ſi ſatus Pater *Billuart* perpendiſſet, quæ *Correctores Romani* notârunt ad *can. Conſtantinus. cit.* adèò imprudenter non fuiſſet ſecutus ſciolorum quorundam temeritatem; neque in dubium vocare auſus fuiſſet veritatem ab antiquis & fidedigniſſimis Patribus: *Anſelmo*, *Deuſedit*, *Uſuardo*, *Adone*, *Leone IX.* & aliis aſſertam. Si

65. OPPONAS cum Authore *Notarum* ad *Vitriarium*, lib. 2. *Inſtit. jur. publ. tit. 4. litt. A.* Donatio *Conſtantini* magni reſertur ſub rubrica *PALEA*, quæ vox denotat figmentum aliquod, canonemque iſtum, cui adjecta eſt, fore nullius momenti & quadantenus *Stramineum*. RESP. Si canones *palea* inſcripti, fabuloſi & commentitii forent; certè Pontifices, illos dudum è corpore juris dudum expuſiſſent. Noveris igitur illa *Capitula*, quæ *palea* inſcribuntur, fore additamenta quædam, à quodam *Cardinali*, volente ſibi totius operis ſtructuram vendicare, adjecta; quæ *Gratianus* Monachus ordinis *S. Benediſti*, *Daſcreti* compilator, agnoſcens. de

de suo non esse grano; *paleas* vocavit: quæ de re confer *Anacletum Reiffenstuel.* in *Proœmio Juris Canonici universi.* à n. 94.

66. Insuper turmatim Novatores ferre omnes, inter quos moderatior est *Grotius*. Non potuit [ajunt] Imperator in damnum Imperii, tam amplas facere donationes, quia in sua Coronatione jurat, se honorem & Imperii jura servaturum illæsa & illibata, adeoque isthæc donatio, suppositò, quòd facta fuerit, nedum *inofficiosa* & *illicita*, sed & *invalida* fuit. *arg. cap. Intellecto. De jurejurando. Respondent* Orthodoxi omnes, in donatione per Imperatorem *Constantinum* liberrimè imperantem, & nullis *Capitulationibus* adstrictum (ut modò sunt, Imperii nostri *Romano-Germanici* Imperatores) facta Romanæ & Apostolicæ Sedi, minimè posse considerari grave Imperii præjudicium; tum quia, si plura dent Imperatores Deo, multò majora ab eo recipient, ut eleganter ait textus, in *Authent. De non alienandis rebus Ecclesiæ. §. Si minus collat* 2. Quinimò, quod Ecclesiis donatur, redditur Deo, à quo omne bonum & donum optimum provenire, *Apostolus* docuit. Quamobrem, cum *David* 1. *Paralip. cap. ult.* dicere potuit *Constantinus*: *Tua sunt omnia Domine, & que de manu tua accepimus, dedimus tibi.* Tum quia terras, quas donavit, præcedentium Principum tyrannide, fuerant occupatæ, & jure gladii, per *Constantinum* acquisitæ; adeoque illas, velut rem sibi pleno jure propriam, Ecclesiæ donare potuit. Tum denique, quia *Constantinus*, ingentibus beneficiis à Deo acceptis, scilicet in curatione lepræ, victoriæ contra *Maxentium*, &c. Divinitus permotus est ad donationem illam faciendam, considerando: quòd oporteret Ecclesiam Romanam diu afflictam, temporalium etiam bonorum subsidio refocilari & muniri.

67. OBSISTUNT: Saltem solus *Constantinus* dismembrare non potuit Imperium. *Resp. Transcat* hoc [quod cum bono fundamento negari potest de illa parte, quam proprio Marte, Imperator acquisivit, sicut *Constantinus* sibi subegerat *Italiam*] & *Nego suppositum*; quia donatio præfacta, non à solo *Constantino*, sed cum consensu, aut saltem præscitu *Satraparum*, *Optimatum*, *Senatus*, & *Populi Romani*, solemnissimè facta est, ut probat textus, in cit. *can. Constantinus.* & in *cap. Fundamenta. De Election.* in 6. Jam verò nemò dubitare potest, quòd populus, qui summum Imperium in unum caput contulit, l. 1. ff. *de Constit. Princip.* Illud quoque consentiente Principe, in alium transferre potuerit. Nam *omnis res, per quasunque causas nascitur, per easdem & dissolvitur*, ut habet regula juris Canonici.

68. REPLICANT: Cæsares, nomen Romani Imperatoris constanter retinuerunt, & sæpe protestati fuere contra donationem à *Constantino* factam Ecclesiæ. Ergo Pontifex nequidem præscriptione longissimi temporis, se tueri potest. *Resp.* Datò, quòd *Constantini* successores, eo tempore, pro Imperium apud Græcos residerebat, quodam colore, conqueri potuerint de effusa Imperatoris liberalitate; minimè tamen querulari potuerunt Imperatores *Germani*, ad quos à *Græcis*, non per *Græcos*, sed per *Romanum Pontificem*, Imperatoria Majestas translata est. *Cap. Venerabilem. de Election.* & fusè refert *Navarrus* ad *cap. novit. de judiciis. n. 3. & 124.* ac fusissimè *Cardinalis Bellarminus*, per integrum Tractatum, *De translatione Imperii Tom. 1.*

69. Redeundo ad Sacram Summi Pontificis Majestatem, contra quosdam *Gallos* contententes Summum Pontificem Romanum, duntaxat esse primum inter alios Episcopos *sibi pares*; Notanda sunt

inſignia verba præſtantiffimi Gerſonis olim Cancellarii. *Parienſis*, qui lib. de *Stat. Eccleſ. confid.* 1. ſic perorat: *Status Papalis Inſtitutus eſt à Chriſto ſupernaturaliter & immediatè tanquam Primum habens Monarchicum & Regalem in Eccleſiaſtica Hierarchia, ſecundum quem ſtatum unicum & ſupremum, Eccleſia militans diſcitur una ſub Chriſto, quem ſtatum quiſquis impugnare vel diminuire, vel alicui Eccleſiaſtico Statui particulari cœquare præſumit, ſi hoc pertinaciter faciat, HÆRETICUS EST, SCHISMATICUS, IMPIUS ATQUE SACRILEGUS. Nec ſufficit dicere [inquit idem præclariffimus & pientiffimus Author, lib. de auſerib. Papæ. Confid. 20.] habemus Papam Chriſtum: ſufficit, ut credamus in eum. Nam talis unio ad Chriſtum, eſſi ſit neceſſaria, non tamen uſquequaque ſufficit, ut in ea ſtemus, non procurando, quantum in nobis eſt, unionem alteram, ad unum Vicarium Suum in terris, de quo conſtat Eccleſia. Gerſonem ſequitur Sorbona *Parienſis*, quæ Anno 1535. in litteris ad Regem Franciſcum ſcriptis, ita loquitur: *Firmiter tenendum eſt, Hierarchiam Eccleſiaſticam, quam Politiam Eccleſiæ non nulli vocant, non ſolum Sanctam eſſe, ſed etiam jure Divino inſtitutam; cujus Hierarchie Eccleſiaſticæ, eodem jure Divino, Monarchicæ poteſtas eſt Papalis, cui quilibet fidelium ſubefſe dignoſcitur.* Reſert hæc Mauclerus Doctör Sorbonicus. part. 4. lib. 8. cap. 6. Idem Scriptor ibidem reſert; qualiter Lutheranus profeſſionem fidei ſuæ *Franciſco I.* offerentibus, inſtante Rege iſdem Lutheranis repoſuerit Sorbona: *An velint conſiteri, Eccleſiæ caput viſibile ſub Chriſto Divinitus conſtitutum fuiſſe? An Sanctum Petrum, dum viveret, & poſt ejus obitum, in pari dignitatis ſupremæ gradu, Romanos Pontifices illi ſucceſſiſſe; ingenuè profeſſeri & agnoſcere velint?* Unde & inter articulos Luthero oppoſitos, hic erat vi-*

geſimus tertius: *Certum eſt, unum eſſe, jure Divino, Summum in Eccleſia Chriſti militante Pontificem, cui omnes Chriſtiani parère tenentur.* Qualiter eidem deſinitioni inhaſerit Sorbona, Anno 1554. videre licet, apud *Petrum Aurelium*, in ſcripto, cui Titulus: *In octo cauſas ſpongiæ præambulas &c.* pag. 123. & ſeq. Facultas itidem *Parienſis* cenſuravit hunc ex erroribus Huſ depromptum, & à *Marco Antonio de Dominis*, in ejus libro primo, cap. 12. n. 5. adoptatum articulum, videlicet: *In Eccleſia non dari unum caput Supremum & Monarcham, præter Chriſtum: ſuam Eccleſiam per multos miniſtros, ſine uno iſſo Monarcha mortali, regere perfectè & gubernare, eſt doctrina Catholica, à S. Patribus egregiè explicata & confirmata.* Hunc inquam articulum, hac cenſurà, meritiffimè notavit: *Hæc propoſitio eſt hæretica, quò ad ſingulas partes.* Conſer *Franciſcum Rothomagenſem Archiepiſcopum*, *Apol.* 1. lib. 1. *Duvallium*, in opere contra *Vigorium*. *Bail.* Tom. 1. in *Apparatu ad Summam Conciliorum*. Item *Hubertum*, in lib. de ſingulari primatu *Petri*. Scholæ *Parienſis* conſonat venerabilis *Clerus Gallicanus*, in Declaratione, quam de Eccleſiaſtica poteſtate edidit 19. Martii 1682. Ubi inſulati Patres ſic præſantur: *Eccleſiæ Gallicanæ Decreta & libertates, à Majoribus noſtris, tanto ſtudio propugnatas, earumque fundamenta Sacris Canonibus & Patrum Traditionibus nixa, multi diuere moluntur; nec deſunt, qui earum obtentu, Primatum Beati Petri, eſuſque Succęſſorum Romanorum Pontificum à Chriſto Inſtitutum, iſſque debitam ob omnibus Chriſtianis obedientiam imminuere non verentur.* Audiamus porrò *Natalem Alexandrum*, qui *Parienſium* & *Saniorum Galliæ Doctörum* nomine, ſex ſequentia *Divi Thome* pronuntiavit, in opusculo *adverſus errores Græcorum*, pro certiffimis dogmatibus, tenenda aſſerit:

1. Romanus Pontifex Successor Petri, & Christi Vicarius, est primus & maximus omnium Episcoporum.

2. Summus Pontifex in tota Ecclesia, [S. Thomas, in totam Ecclesiam] universalem prelationem obtinet.

3. Romanus Pontifex habet in Ecclesia plenitudinem potestatis.

4. S. Petrus est Christi Vicarius, & Romanus Pontifex S. Petri Successor in eadem potestate ei à Christo collata.

5. Ad Summum Pontificem pertinet, quæ fidei sunt, determinare.

6. Subesse Romano Pontifici, est de necessitate salutis. Secundum præscriptam à Pio IV. Pontifice Maximo Professionis fidei formulam, totius Orbis Christiani reverentiâ consecratam: Sanctam Catholicam & Apostolicam Romanam Ecclesiam, omnium Ecclesiarum Matrem & Magistram agnoscere, Romanoque Pontifici, B. Petri Apostolorum Principis Successori, ac Jesu Christi Vicario, veram obedientiam spondeo ac iuro.

"Etsi verò [prosequitur Natalis Alexander] in aliis capitibus, quæ salvâ fide Primatus, Jure Divino, Romano Pontifici convenientis, inter Catholicos, salvâ etiam pace fraternæ Charitatis, more Christiano, modestèque discerpantur; utrum scilicet Concilium Oecumenicum sit Romano Pontifici Superius? Utrum Romanus Pontifex inconsultâ Ecclesiâ, & nullo ipsius accedente consensu, sit infallibilis? &c. à plerisque exterarum Gentium Theologis, Gallicani Doctores dissentiant; nihil propterea de observantia erga Sedem Apostolicam, & S. Petri in ea Successores, remittere censendi sunt, aut ejusdem Sanctæ Sedis imminuere Majestatem." Ita pro Gallis perorat dictus Natalis Alexander in Hist. Eccles. sæculi XI. & XII. Dissert. 8. & ex eo Ob-

servat, Tom. 2. de locis Theologicis. Dissert. 5. q. 1. Hic Nota Quod Patet Natalis Alexander Ordinis FF. Prædicatorum, Doctor Parisiensis, in sua Historia Ecclesiastica sæculi XI. Dissert. 11. art. IX. Scandalosè, falsò, & temerariè effutiverit: S. Gregorium VII. Papam, contra Patrum Doctrinam, imò contra Verbum Dei, sibi primum attribuisse exauthorandorum Regum potestatem, adeoque doctrinam ejusdem S. Gregorii Papæ, quam in sua Epistola Decretalis tradit, esse falsam, erroneam, periculosam, invidiosam, singularem; sacræ Scripturæ & traditioni dissentaneam, merito à S. Facultate Parisiensi damnatam: falsa ipsi documenta subministrata fuisse, vel potius undequaque corrupta: cundemque porro fuisse Sacrotextu abusum. Has impudentissimas, falsas & sacrilegas Alexandri assertiones, ejusque argutias solidè & operosè refutavit egregius Pater Franciscus d'Enguien ejusdem Ordinis FF. Prædicatorum, S. Theol. Licentius Lovaniensis, in Libro, cui Titulus: *Autoritas Sedis Apostolicæ pro S. Gregorio Papa VII. vindicata*. Cæterum, quòd Romanus Pontifex per indirectam potestatem, ex gravissimis & legitimis causis, possit exauthorare Reges Christi fidem professos; probant Baronius ad Annum 800. n. 10. Bellarminus lib. 5. de Rom. Pontif. cap. 8. Syrius, 2. 2. q. 60. art. 1. dub. 5. Malderus 2. 2. q. 1. art. 10.

70. Vereor autem, ne Doctores Gallicani, tum inter se, tum à reliquis Catholicis Orbis Episcopis & Doctoribus, dissentientes; plus nimio detrahant Pontificiæ supremæ in universalem Ecclesiam Autoritati, quam Majestaticam esse; ipsi ultrò fateri debent. Et quæ amabo! hæc sit Papæ à Deo immediate collata Majestas circa Sacra in omnes Christi fideles, in magnos & parvos, in Ecclesiasticos & Laicos; si Papa sit Concilio Oecumenico inferior,

inferior, si Christi oraculo constitutus omnium ovium universalis Pastor *ovibus*, obedire, non vero oves, vocem *Pastoris* Divinitus constituti, audire teneantur: aut, si caput supremum in terris, à membris sibi subordinatis, Authoritatem, & in rebus dogmaticis ad fidem atque salutem æternam spectantibus, definiendi infallibilitatem, nancisci debeat? Fallor, aut plures Gallicani Doctores [non enim omnes ita sentiunt, ut liquet ex mandato Episcopi *Montipessulani* de *1ma Julii 1742.* contra quod insolenter & temerarie scrip- titavit *Carolus Episcopus Antistodorenfis* in Opusculo, cui titulus: *Lettre de Monseigneur l'Eveque d'Auxerre, à Monseigneur l'Evêque de Montpellier, à l'occasion de ce, que ce Prelat dit de lui, dans son Mandement, en date, du 1. Juillet 1742.*] sibi manifestè contradicunt, aut saltem libertatum suarum prætextu, se ita implicant, ut non videam, quid respondere possint Hæreticis Papæ Authoritatem repudiantibus, & & eidem tam plenitudinem potestatis circa Ecclesiæ moderamen, quam supremam de fidei quæstionibus judicandi facultatem abnegantibus. *retrus de Marca, Archiepiscopus Parisiensis* octo Scripsit libros de *Concordia Sacerdotii & Imperii*. In his libris, multa præclara congestit, & deduxit de Summi Pontificis suprematu & potestate supra Concilium: fatetur etiam in *prolegomenis. pag. mibi 17.* quòd Romanus Pontifex in rebus Ecclesiasticis, supremam auctoritatem per Gallias semper exercuerit à tempore, quo fides Christiana illic invecsta fuit; equidem ad tuendas libertates Ecclesiæ Gallicanæ; tantoperè extollit Regis Galliarum potestatem, ut asserat: sine illius approbatione, ratificatione & consensu, ne Summi quidem Pontificis Rescripta, Decreta vel Constitutiones, executionis vim obtinere, ullumque robur habere. Vide Authorem istum lib.

3. cap. 17. n. 1. §. 5. & 6. quo posteriore loco dicit: quòd Concilii *Basilienfis* Decreta, legis publicæ vim non habuerint; donec Regia lege firmata fuerint: &, quòd Concilii *Tridentini* definitiones fidei, Edicto Regio admittæ fuerint, Decreta verò *discipline*, non servantur; nisi quatenus eorum sententia in Constitutiones Regias transcripta est. *Hoc jure* (inquit) *expendorum Canonum, usa est Ecclesia Gallicana in Conventu Bituricensi, à Carolo VII. Rege Francorum, indistincto.* An hoc autem sit docere, asserverare, & contestari, quòd Romanus Pontifex supremam, in spiritualibus, habeat potestatem in omnes Chri- sti fideles: quòd ipse à nemine judicari; nec judicium ejus, ab ullo homine reformari possit; Item: quòd Papa sit universalis Ecclesiæ caput, adeoque & Ecclesiæ Gallicanæ, quæ illius est membrum. An [inquam] illa cohæreant & subsistere possint cum prætensis libertatibus Ecclesiæ Gallicanæ; non facile explicatu est. Prodiit non ita pridem, scilicet anno 1747. *Avenione* insigne opus bipartitum, cui titulus: *De Suprema Romani Pontificis Autoritate, Moderna Ecclesiæ Gallicanæ Doctrina.* In hoc opere singulari, à Theologis Romanis [inter quos eminet Eximius & Doctissimus noster *Joannes Laurentius Berthi*] approbato & laudato, Author operose & nervosè, demonstrare nititur, quòd vetus & moderna Ecclesiæ Gallicana semper tenuerit, docueritque, *penes Romanum Pontificem è Cathedra loquentem, & fidei morumque articulos defini- entem, absque concursu Concilii Generalis, residere infallibilitatem veritatis seu veracitatis.* Hoc argumentum Author iste Anonymus, à capite ad calcem operis sui, æque eleganter ac eruditè prosequitur, ac Ecclesiam Gallicanam à calumniis aliorum validissimè vindicat; atque ab eo omnem sequioris doctrinæ suspicionem pror-

prorsus amolitur, quinimò *Tomo 2do. lib. 4.* resolvit argumenta, quæ ad labefactandam Germanam Gallorum Antistitum, de Pontificia *inerrantia* doctrinam, adduci solent. Ubi *cap. 4. pag. mibi. 144.* ostendere nititur: quòd Galliarum Antistites, Ecclesiæ suæ Gallicanæ *libertates* tantoperè tuentes, nequaquam exinde obscurant, sed magis suam illustrent, atque declarent de Pontificia infallibilitate, sententiam. Hoc ut ita sit, animitus exopto; quanquàm, ut supra insinuavi, *Petrus de Marca*, latius Ecclesiæ Gallicanæ libertates extendere videatur quàm ut cum suprema infallibili & inappellabili Romani Pontificis autoritate consistere possint. Hoc ipsum, Author Anonymus observasse videtur. Unde ad firmandum propositum suum, *Tom. 2. lib. 1. cap. 8. pag. 221.* dicit, *Petrus de Marca*, in opusculo *manuscripto*, in Bibliotheca Regia asservato, mentem suam his verbis expressisse *Num. 31.* "Hæc opinio (quæ videlicet infallibilitatem, Romano Pontifici asserit) est illa, quam unicè Hispania, Italia, aliæque omnes Christianitatis Provinciæ docent; ita ut illa (quam sententiam Parisienseium Doctorum vocant) ad classem eorum opinionum revocanda sit, quæ solum tollerantur Authoritas infallibilem sententiam, in causis fidei, pronuntiandi, est Romanis Pontificibus, omnium universitatum consensu, acquisita, exceptâ tamen *antiqua Sorbona*. Imò hoc quoque tempore, hanc de infallibilitate Pontificis sententiam, in ipsâ *Sorbona* doceri videmus; Nam duodecimâ Mensis *Dec. anno 1660.* in *Sorbona*, publicè hæc Thesis defensa est, videlicet: *Romanus Pontifex controversiarum Ecclesiasticarum est constitutus iudex à Christo, qui ejus definitionibus indeficientem fidem promissit.*" &

intra *n. 34 circa finem.* de Doctoribus *Galliæ*; "pars major non solum Theologiarum, sed etiam juris Doctorum, communi opinioni adhæret, utpote fundamentis nixæ solutu difficillimis, ridetque antiquæ Sorbonæ opinionem." Perpenſis hiſce verbis ex opusculo manuſcripto *Petri de Marca* depromptis *E. mus Sfondratus* in ſuo opere inſcripto: *Gallia vindicata. Diſſert. 4. §. 2. n. 12. pag. 785. edit. 1702.* ſic proſequitur: "Vides Doctiſſimum hunc virum fateri, ſententiam de infallibilitate Pontificis, eſſe omnium univerſitatum Chriſtianitatis, imò omnium ſerè Doctorum univerſitatis Parienſis, *exceptâ antiqua Sorbona*, imò hujus opinionem à reliquis derideri. Ut verò intelligas, quid nomine *antiquæ Sorbonæ*, de *Marca* intelligat, ſciendum eſt: Collegium *Sorbonicum* fuiſſe à quodam *Roberto Sorbon* (qui *S. Ludovico* Regi à Sacris Confeſſionibus & Eleemoſynis erat) *anno 1253.* fundatum, quo tempore in Eccleſia Gallicana ſententiam de R. Pontificis infallibilitate viguiſſe, jam ſupra monſtratum eſt. Sequenti poſtea ſæculo, hoc eſt: *anno 1373.* inflammari cœpit diuturnum illud & obſtinatum Schiſma, quo nihil funeſtius Eccleſiæ: & quia nulla in Pontificibus ſpes erat illius extinguenſi, imò iſtorum ambitione, magis magiſque accendebatur, cogitatum fuit de inducenda majore aliqua autoritate, cui Pontifices obtemperare tenerentur: ea verò à *Gerſone*, *Almaino*, aliisq; paucis in Concilio collata eſt; Id enim oportunitate credebant evertendis in futurum Schiſmatibus, ſi videlicet aliqua in Eccleſia poteſtas eſſet, quam etiam ipſi Pontifices revereri tenerentur. *Vetus* ergo *Sorbona*, tempore Conſtantienſis & *Baſileenſis* Conciliorum, vigeat:

31. con-

„ constabátque, ut dixi, *Gersone*, *Al-*
 „ *maino* ittorúmque Discipulis. Imò, si
 „ quando inter Pontifices, Regésque
 „ Galliz, dissidium aliquod oriretur; mox
 „ in Parisiensi Universitate, ab aliquo
 „ Doctórum, hæc Gersonis *Machæra*
 „ expromebatur terrendo Pontifici. Ita
 „ sub *Sixto V.* sub *Julio II.* & *Alexan-*
 „ *dro VII.* factum est. Hæc ergo est
 „ vetus Sorbona, quam à plerisque
 „ Theologiæ & juris in Gallia Doctóri-
 „ bus irritam esse, *Marca* testatur. Hæc
 „ *Marca*, Hæc *E. mus Sfondratus*. Sed uti-
 „ nam in descriptæ *veteris Sorbonæ* erro-
 „ rem, non forent lapsi quidam Scioli na-
 „ futuli, summo Pontifici etiamnum obla-
 „ trantes.

71. Miratus sum versutiam eorum
 etiam pro dolor Sacerdotum, qui Galliã
 expulsi aut profugi, damnatos in orbe Ca-
 tholico errores, in confœderatas Belgii
 Provincias invexerunt, & Ecclesiæ Ar-
 chiepiscopali *Ultrajeptine*, à *Salboldo Vos-*
 „ *mero*, tempore persecutionis conservatæ,
 „ legitimis verò ejus successoribus [*Ro-*
 „ *venio*, sub titulo Archiepiscopi *Philip-*
 „ *pensis*, anno 1620. *Bruxellis* consecrato;
 „ *Torrio*, sub tit. Archiepiscopi *Trallensis*;
 „ *Cazio*, rursus sub tit. Archiepiscopi *Phi-*
 „ *lippenfis*; & *Neercasselio*, sub tit. Eccle-
 „ siæ *Castorienfis*, nedum consentiente, sed
 „ & perurgente Romanâ curiã, inaugura-
 „ tis] eo quo licuit modo, rektauratæ,
 „ *Jansenismi*, aut [verius] *Quenellismi*, in-
 „ famem notam inusserunt. Tenebriones
 „ isti, insciis, invitisi, imò reclamantibus
 „ quibusdam præclaris illic Pastoribus Ca-
 „ tholicis, nedum à definitione Apostolicâ,
 „ per Bullam *Unigenitus* promulgatâ, sed
 „ & ab inappellabili summi Pontificis sen-
 „ tentiã, provocârunt ad futurum Generale
 „ Concilium, iactitantes : Pontifice supre-
 „ mo, superius esse Concilium. Adeo ef-
 „ frontes sunt homunciones isti, ut è sug-

gestis spargere non vereantur: se arctissi-
 me adherere doctrinæ Sanctorum *Au-*
 „ *gustini*, *Thomæ Aquinatis*, *Bernardi* &
 „ aliorum classicorum Patrum. Nolim hic
 „ recapitulare ea, quæ alias, ex Epistolis
 „ Divi Patris *Augustini*, ad summos, pro
 „ tempore, Pontifices devotissimè exartatis,
 „ tum ex ejusdem in Africa gestis, aliis ex-
 „ cerspi, & obcæcatis hominibus istis ob
 „ oculos evidenter posui: sed pro nunc,
 „ brevitatis gratiã, provoco ad *Angelicum*
 „ ejus discipulum, *Thomam Aquinatem*.
 „ En! hic 2. *2de. quæst.* 1. art. 10. ex pro-
 „ fesso probat; quod ad suumum, *solum-*
 „ „ que Pontificem spectet, ordinare sym-
 „ bolum, seu fidei, *magis scilicet explicitam*,
 „ *professionem*; cum ejus sit *finaliter deter-*
 „ *minare, ea que sunt fidei, ut ab omnibus*
 „ *inconcussâ fide. teneantur*. Idipsum tradit
 „ Doctor *Angelicus*, in *opuscul.* contra *impug-*
 „ *nantes Religionem.* cap. 3. his verbis: *Qui-*
 „ *cunque dicit: non esse obediendum his, que*
 „ *per Papam statuuntur, in Hæresin labitur*.
 „ Unde in *opuscul.* contra *Græcos* demonstrat,
 „ quod, *subesse Romano Pontifici, sit de ne-*
 „ *cessitate salutis*. Doctóri *Angelico* ad
 „ amussim consonat Doctor *Melissimus*.
 „ Oportet [inquit *Episc.* 190 ad *Inno-*
 „ *centium Papam*] ad vestrum referri
 „ Apostolatum pericula quæque ac scan-
 „ dala emergentia in Regno Dei, ea
 „ præsertim, quæ de fide contingunt,
 „ Dignum namque arbitror, ibi relarci-
 „ ri damna fidei, ubi non possit fides
 „ sentire defectum. Hæc quippe hujus
 „ prærogativa Sedis. Cui enim alteri
 „ aliquando dictum est: ego pro te ro-
 „ gavi Petre, ut non deficiat fides tua?
 „ Ergo quod sequitur, à Petri successore
 „ exigitur: & tu aliquando conversus,
 „ confirma fratres tuos. Idipsum S. ille
 „ *Clarevallensis* Abbas, & præstan-
 „ tissimi Ordinis *Cisterciensium* Fundator,
 „ altius repetit, lib. 2. *De consideratione*.

Ad

Ad *Eugenium Papam*, inquit: "Tu es, cui claves traditæ, cui oves creditæ sunt. Sunt quidem & alii, cœli janitores & gregum Pastores; sed *Tu* tantò gloriosius, quantò & differentius utrumque, præ cæteris, nomen hæreditæsti. Habent illi tibi assignatos greges, singuli singulos; *Tibi*, *universi* crediti... nec modò ovium, sed & Pastorum *Tu unus* omnium Pastor."

71. Non meretur autem attendi, quòd in Conciliis: *Constantiensi* & *Rasleensi*, Pontifex Romanus, Generali Concilio, subesse iustus sit, & decedum legatur: Concilium esse supra Papam. Constat enim Acta istorum Conciliorum, quò ad illam partem, nunquam à legitimo & indubitato Pontifice confirmata, sed potiùs positivè reprobata fuisse; adeò, ut *excommunicati* censentur, qui à summo Pontifice, appellare præsumunt ad Concilium Generale.

72. Catholica itaque & verissima doctrina est, quòd nullum Generale Concilium, pro legitimo & œcumenico, habitum sit unquam; nisi fuerit auctoritate Romani Pontificis, celebratum & confirmatum. Vide *can. Regula*. & *can. Multis. Diff. 17.* ac signanter textum perspicuum in *cap. Significasti. 9. De Election.* ibi: *Cum omnia Concilia per Romanæ Ecclesiæ auctoritatem & facta sint, & robur acceperint, & in eorum Statutis, Romani Pontificis patenter excipiantur auctoritas.* Qui hac super re, genuinè & catholicè, plenius erudiri cupit; pervolvat, non Neotericos, Gallico stylo, in ipsa Gallia, proscriptos libellos; sed classicos, toto orbe celebres scriptores v. g. *Navarrum. Consil. 1. n. 4. Ad Tit. De Constitutionib. Bellarminum. lib. 1. De Conciliis. cap. 6. & 7. item: lib. 2. De Romano Pontifice. cap. 17. & seq. Zoësum, ad cit. Tit. juris Canonici. De A. Hochkirchen, Ethic. Christ. Pars II.*

*Constitutionib. & Franciscum Sylvium, lib. 4. Controvers. quæst. 2. art. 6. & 7. item: lib. 5. q. 1. art. 8. & 12. & novissimè, nostrum Piette part. 1. Quæst. 1. §. 2. Profectò ipse Imperator Justinianus Novellâ 131. cap. 2. De Ecclesiast. titul. & privileg. pientissimè falsus est: quòd, si cuti Roma sortita est legum originem; ita & Pontificatùs apicem, ibi esse, non sit dubitandum: item; Romanam Ecclesiam, esse omnium Ecclesiarum primam, & Romanum Pontificem, esse omnium Sacerdotum primum. Quamobrèm, etiam Romana Ecclesia, passim vocatur *universalis*, accepto nomine, pro ea Ecclesia, quæ continet sub se universas, quæque sola, singulari privilegio dignitatis, cæteris est prælata, eo modo, quo Deus dicitur *universalis*, quòd universa sub ejus dominio contineantur. Vide *Covarruviam. lib. 4. var. resolut. cap. 14. n. 11.* Hinc Romano Pontifici tanquam Christi Vicario, debetur omnis honor & reverentia, nedum à Clericis, sed & laicis, cujuscunque sint ordinis. *can. Suscipimus. Diff. 10.**

73. Etsi igitur quidam, vel minùs æquo in Sedem Apostolicam affecti animo, vel jurare coacti in verba Magistris, mordicus sustineant, Concilium Generale esse supra summum Pontificem; contrarium tamen omnino asserendum est, cum Divo *Thoma. 2. 2. quæst. 1. art. 10. & aliis classicis Authoribus*, quos citat *Felinus ad cap. 1. n. 24. De constitutionib.* Quòd facit textus in *can. Nunc autem. Diff. 21. & can. Aliorum. caus. 9. quæst. 3.* Ubi prima Sedes, à nemine judicatur, sed reservatur, Dei judicio, ut nequeat dici subesse Concilio, licet generali; quòd, ut supra dictum, sine summi Pontificis auctoritate & confirmatione, nec legitimè congregatur, nec vim habet obligandi, ut necesse sit; Romanum Pontificem, esse Concilio majorem,

jorem, cum à minori, vel pari, non rectè mutuemur auctoritatem: quod ipsum esse manifestum superioritatis argumentum, tradit Baldus in *l. Imperiali. Cod. de legib.* Unde Abbas Panormitanus, in cap. 4. de *Electio. n. 2.* ait, Potestatem quidem Papæ & Ecclesiæ toti esse à Deo datam; Papæ tamen tanquam capiti esse attributam, & ad ejus dispositionem, debere corpus moveri; saltem in iis, quæ sunt juris *positivi*, cum non possit Pontifex articulum fidei tollere, aut novum inducere. Quo sensu capiendum, quod habetur in *can. Sunt quidam, & can. Contra. caus. 25. quæst. 1.* Quinimò, hæc Catholica veritas liquidè definita est in Concilio Lateranensi sub Leone X. *sess. XI.* ubi Decretum Concilii Basileensis, quo Pontifex subiciebatur Concilio Generali, revocatur. Confer Bellarm. d. lib. 2. cap. 13. Junge Prælaudatum Patrem Piette, *loc. cit. & part. 3. in Dissertatione de Bulla UNIGENITUS.* Si ergo

74. QUÆRITUR: Num Concilium possit sancire Decreta, quibus ipse Pontifex obstringatur? RESP. Nequaquam. Non enim fertur lex, nisi à superiore; Concilium autem Pontifice non est Superius. Quò expressè facit, *Primò*: quòd habetur in *dist. cap. 4. de Election.* Nulla Concilia præfigere legem Romanæ Ecclesiæ, nec posse quemquam, contra eam, levare suum calcaneum. *Secundò*: Textus in *can. Papa. Dist. 40.* ubi Papa à nemine mortalium judicari, aut redargui dicitur. Facit &, quod habet Bellarminus *loc. cit. cap. 18.* Pontificem, non posse se sententiæ *coactivæ* Conciliorum subijcere. Confer Zoesium *loc. supra cit. n. 8. & 9.* ubi n. 20. cum communi DD. resolvit; Pontificem, etiam in re gravi, absque Cardinalium consensu, posse ferre leges, seu Constitutiones condere; eò quod potestas Pontificis, sit absoluta, haud dependens à pur-

puratorum cœtu, prout supponitur ex variis locis juris Canonici. *can. cuncta. caus. 9. quæst. 3. Can. sunt quidam. caus. 25. quæst. 1. Si*

75. QUÆRAS: Quam auctoritatem habeat Romanus Pontifex in decidendis fidei & morum quæstionibus? RESP. Habet non solum *Supremam*, sed & *infallibilem* auctoritatem. Ita docent nedom *Augustiniano-Thomistæ & Schotistæ*, sed & *saniores Canonistæ & jurisperiti*, contra quorundam Gallorum alterationes, quas in unum congestit, & nuper, non absque gravissimo scandalo, *Idiomate Gallico*, divulgavit *Carolus Episcopus Antistiforensis* in epistola sua, ad Episcopum *Montis Pessulani*, ubi cum *Quæsnellistis*, seu *Anti-Constitutionariis* (qui videlicet Bullam *Unigenitus* impugnant & rejiciunt) contendit: in decernendis fidei & morum dogmatibus, judicium Summi Pontificis, non fore infallibile, nisi accedat *suffragium & approbatio totius Ecclesiæ.* En verba ipsius: *part. 1. n. 22. pag. mibi 19. & seq. l'Eglise est infallible, lors qu'elle juge. Mais elle ne juge point, & les jugemens, qu'on lui attribue, ne sont pas les jugemens de l'Eglise. La direction du S. Esprit est fondée sur les promesses, & ces promesses infallibles & immuables sont faites selon nos principes, à l'Eglise universelle, & non pas au Pape en particulier, ni à tel & tel Evêque pris séparément... Ces promesses y s'accomplissent sûrement, dans un Concile General & libre, qui représente l'Eglise universelle, & dans lequel elle est assemblée... les mêmes promesses s'accomplissent dans l'Eglise dispersée, lorsque le Pape ayant prononcé le premier sur la doctrine, son jugement est adopté & manie d'un consentement universel, reel & véritable, & que tous les Pasteurs se réunissent à leur chef dans la profession des mêmes vérités & dans la condamnation des mêmes erreurs.* Quæ verba Latine reddita, sic male sonant:

nant: " Ecclesia est infallibilis, quando
 ,, ipsa judicat Verum, illa non judi-
 ,, cat, & judicia quæ ipsi attribuuntur,
 ,, non sunt Ecclesiæ judicia. Directio Spi-
 ,, ritus S. fundata est super promissis, &
 ,, ista promissa infallibilia & immutabi-
 ,, lia, juxta nostra principia, facta sunt
 ,, Ecclesiæ universali, & non Papæ in
 ,, particulari: neque tali & tali Episcopo
 ,, seorsum sumpto Ista promissa ibi
 ,, explentur certè in aliquo Concilio Ge-
 ,, nerali & libero, quod representet
 ,, Ecclesiam universalem, & in quo ipsa
 ,, sit congregata Eadem promissa ex-
 ,, plentur in Ecclesia dispersa, quando Pa-
 ,, pæ primùm pronuntiant super doctri-
 ,, nâ, judicium ejus adoptatum & muni-
 ,, tum est consensu universali, reali & ve-
 ,, ro, & quando omnes Pastores se reün-
 ,, niunt suo capiti in professione earun-
 ,, dem veritatum, & in condemnatione
 ,, eorundem errorum. " Ita pro dolor!
 dogmatizando, hallucinatur fatus Epif-
 copus. Sed

76. CONTRA est 1^{mo}. Quia *Petro*,
 ejusque Successoribus, dictum est à Chri-
 sto, quòd sit *Petra* fidei; neque hæc pro-
 missio ad suffragium consensumque totius
 Ecclesiæ in Concilio Generali congre-
 gendæ, restricta fuit.

CONTRA est 2^{do}. Christus rogavit, ne
 deficeret unquam *Petri* fides necessaria ad
 confirmandos fratres: & hæc oratio uti-
 que fuit efficax, respectu omnium *Petri*
 successorum. Atqui verò, si fides, id est:
 infallibilis autoritas decidendi quæstio-
 nes fidei, in *Petri* successoribus depende-
 ret à consensu & suffragio reliquorum
 Orbis Episcoporum; non *Petrus*, sive
 Pontifex, confirmaret fratres suos, sed
 ab his confirmari deberet. Ergo &c. Vi-
 de omnino nostrum egregium Patrem
Piette in Elucidatione Difficiliorum Theo-
log. Quæstionum part. 1. quæst. 1. §. 2. pag.
12. & seq.

CONTRA est 3^{io}. Omnes Christi fide-
 les tenentur summo Pontifici tanquam
 Vicario Jesu Christi ac Rectori universa-
 lis Ecclesiæ obtemperare in iis, quæ fi-
 dem & mores concernunt; Ergo credere
 debent, quòd ipse ex Cathedra, id est;
 tanquam Vicarius Jesu Christi, loquens
 ad omnes fideles, non possit proponere
 doctrinam falsam.

CONTRA est 4^{to}. Si Romanus Ponti-
 fex, seorsum à Concilio Generali, defi-
 niendo ex Cathedra, non foret infallibilis
 Regula, aut Regulator fidei; non esset
 Ecclesiæ sufficienter provivum de judice
 controversiarum *animato*: multa enim
 oriuntur circa fidem & mores, dissidia;
 quæ seorsum à Conciliis Generalibus,
 utpote, non nisi rarissime, & cum maxi-
 ma ac penè insuperabili difficultate, con-
 gregandis; omnino decidi debent. Jam
 verò, Ecclesiæ sufficienter provivum esse
 debet de judice controversiarum *anima-*
to; igitur, hic judex debet esse infallibi-
 lis in decidendis controversiis fidem &
 mores attinentibus.

77. Atque hæc fuit continua Ecclesiæ
 praxis, ut ortæ Hæreses, & neo nati er-
 rores, Sedis Apostolicæ judicio, etiam
 seorsum à Conciliis, priusquàm adolesce-
 rent, suffocarentur in cunis (confer R.
P. Ransf. in præclaro de Hæresibus opus-
culo, Trajetii apud Dominum Lekens nu-
per impresso) istique judicio, semper
 adhæsit Ecclesia Catholica, ut liquet ex
 actis in *Africa*, tempore Divi Patris
Augustini, id quod sanè factum non fuisset,
 si SS. Patres censuissent, Pontificiæ Se-
 dis judicium, non fore infallibile. Et quis
 nescit, vivente *Magno Patre Augustino*,
 damnatam fuisse Hæresin *Pelagianam*,
 per *Innocentium I.* & *Zosimum*? Error
Berengarii, per *Leonem IX.* & *Nicolaum*
II.? *Abailardum* per *Innocentium II.* *Gil-*
bertum Porretanum, per *Eugenium III.*

Cc 2

Alios

Alios itidem errores & erroneos, à Pio V. Urbano VIII. Innocentio X. aliisque subsequentibus Pontificibus) quorum iudicium, ut infallibile, suspicitur & suscipitur in ipsa etiam Gallia, ubi quidam, in sequiorem viam abierunt) proscriptos & anathematizatos fore? Jam supra n. 71. ex Doctoribus Angelico & Mellisso ostensum fuit, quòd semper, graviore controverfiae, in quaestionibus, fidem aut morum dogmata concernentibus, ad supremum & indefectibile Sedis Apostolicæ iudicium, deferri consueverint. Quin & S. Hieronymus, in quaestione: *De tribus Hypostasibus*, quæ dudum Orientales torfit Episcopos, haud satis fidens Antiochæ Patriarchæ, ad Damasum Pontificem, sic fertur scripsisse: *A Pastore, Ovis subsidium flagito. Decerne, si placet, non timebo tres Hypostascs dicere: si iusseris.* Nunquid confidentia ista fuisset temeraria, si Divus Hieronymus non credidisset: iudicium Damasum, præ cæteris esse infallibile? *Ahæc*, si pro dirimendis fidei controverfiis convocari semper deberet Concilium Generale; interea diuturno sæpe tempore, in bivio hæreret Ecclesia, essentque fideles, sicut parvuli fluctuantes, desolati & derelicti à spiritu veritatis sibi promisso.

78. DICES cum Carolo Antiochodorenfi, & ejusdem halitus Geronibus. " Si Ecclesia aut major ejus pars, in Concilio Generali, Papæ definitionem acceptaverit; tunc tuti sumus, quòd omnia necessaria adhibita fuerint; puta: maturum examen, discussio impartialis, Spiritus S. invocatio; ab omni metu vel coactione libera determinatio. &c. Sed

CONTRA est 1^{mo}. Quia hoc esset infallibilitatem tollere à Pontifice, & eam collocare in majore, quæ dignosci non potest, parte Ecclesiæ acceptantis. Quin-

imò, cum nihil magis dubium esse possit, quàm, an major pars Ecclesiæ universalis per totum orbem disperfæ, consenserit; nihil quoque magis incertum esset: quàm; an id, quòd ex *catbedra* Pontifex defini- vit, sit fide tenendum? Quo certè nil absurdius, dici potest, à viro insulato.

CONTRA est 2^{do}. Quia juxta cerebri- num principium Adversariorum, summi Pontificis definitio, non foret majoris ponderis, quàm hominis privati opinio; hæc enim, si ab Ecclesia universa vel majori ejus parte adoptetur vel acceptetur; pariter infallibilem fidei larvam præfere- ret; quòd non tam insipidum, quàm im- pium videri debet viro orthodoxo. Tametfi enim ea, quæ v. g. Divus Pater Augustinus, vel Doctor Anglicus scripsit: *de gratia, de libero arbitrio, de prædestinatione* &c. pro fidei dogmatibus cele- brentur; nemo tamen dixerit: ideo ea esse fidei dogmata, quòd isthæc Divorum Patrum asserta, sunt vulgò, ab Ecclesia universali approbata & ratificata; sed; quia primitus per summos Pontifices, & novissimè etiam per Benedictum XIII. authenticam nacta sunt auctoritatem. Dix- ère enim, aut dicere saltem potuerunt Pontifices Romani, quòd dixit Imperator Justinianus: *Omnia nostra facimus, quibus auctoritatem nostram impertimus.* Si crambem recoquens

79. OGGANNIAS cum Antiochodorenfi Carolo: *Infalibilitas est concessa toti Ecclesiæ. Ergo non Pontifici, seorsim ab Ecclesiæ.* RESP. 1^{mo}. *Distinguendo Antecedens.* Est concessa toti Ecclesiæ, per Pontificem, quæ Caput gubernandæ. Conc. seclusâ gubernatione Papæ, Neg. RESP. 2^{do}. *Concedendo totum.* Non enim Pontifex seorsim ab Ecclesiæ, sed, ut Caput illius, est infallibilis. Est autem Caput illius; dum, quæ Pastor & Doctor universalis, hoc est: ex *Catbedra*, ad omnes.

nes Christi fideles loquitur, præcipiendo, prohibendo, Anathematizando &c. Quòd, si ad nauscam usque

OGGERAS : Infallibilitatem non esse concessam, nec convenire uni tantum membro. RESP. Non convenire uni tantum membro qualicunque, bene verò illi & tali membro, quod est caput Ecclesiæ ac Petra veritatis. Si ergo animal es rationale, illud saltem cape; quòd, licet totus homo sit rationalis, rationis tamen usus, in solo resideat capite; proindeque, licet infallibilitas sit concessa toti Ecclesiæ; usus tamen infallibilitatis resideat in solo Capite, & per illud privative exerceatur. Quò facit; quòd spirituale summi Pontificis Regnum à Christo stabilitum, non sit Aristocraticum, vel Democraticum, sed Monarchicum, ad similitudinem Regni Dei in cælis perpetui; proinde summa & inappellabilis Ecclesiæ militantis potestas, Architectonicè (ut loquitur Doctor Angelicus) resideat in primo & summo Vertice ac Rectore Universalis Ecclesiæ; id, quod cum Sanctis Patribus, semper docuit, & etiamnum ubivis docet universa nostra Schola Augustiniano-Thomistica, consonante scholâ Schotificâ.

80. OBJICIUNT adhuc Anticonstitutionarii: Omnis Pontifex ex hominibus assumptus, circumdatus est infirmitate. Ad Hebræ. 5. Ergo potest errare. RESP. Dist. consq. Ergo potest errare, ut homo privatus, Conc. Ut summus Pontifex, seu Caput Ecclesiæ, & Vicarius Christi, sub qua ratione, nulla est circumdatus infirmitate. Neg.

INSTANT: Secundum Canones, Si Papa fiat à fide devius, potest deponi; sed deponitur, ut Papa: Ergo ut Papa potest à fide deviare & errare. Resp. Neg. min. Tum quia propriè non deponitur, sed declaratur, ei, à Deo, ablatam esse potestatem Pontificiam. Tum, quia de-

ponitur ob errorem personalem, quo se reddidit Papatu indignum. Sic Judas Iscariotes non prodidit Christum, nec laqueo se suspendit, quâ Apostolus & Christi discipulus, sed quâ homo perfidus & desperatus.

URGENT; si Pontifex foret infallibilis: ergo posset fidem nostram extendere pro lubitu in infinitum. Atqui fidei nostræ, nil de novo addi potest. Ergo. RESP. 1mo. Idem argumentum formari posse de Concilio Generali. RESP. 2do. Neg. Sequelam. Tum, quia Pontifex nihil definit, nisi necessitas vel evidens utilitas id exigat. Tum, quia nihil definire potest explicitè, quod antea non fuerit revelatum & creditum implicitè. Rumina & animo revolve singulas propositiones in Bulla Unigenitus proscriptas, & reperies: nullam inibi damnari, quæ antecesserit in Bajo & aliis Novatoribus, non fuerit condemnata.

REPLICANT: Si Spiritus S. specialiter summo Pontifici assisteret; Pontifex illam assistentiam experiretur, & dici posset, in quo illa consisteret assistentia. Neutrum autem explicari potest. Ergo. RESP. 1mo. Idem rursus retorqueri posse de Concilio Generali. RESP. 2do. Itam Spiritus S. assistentiam, consistere primò, in efficaci inspiratione, quâ Pontifex moveatur ad consulendum viros doctrinâ & probitate celebres, qui ex scripturis & traditione, rem controversam eruant, ut veritatem sic erutam, Apostolicâ auctoritate definiat. 2do. In motione voluntatis, quam Deus inclinat in eam partem, quæ vera est, & retrahit ab opposita. 3to. In extrinseca gubernatione, ut Pontifex, morbo, morte, aliisque casibus potius impediatur, quàm falsum definiat: contra verò, Deo intrinsecus, licet insensibiliter, operante, disponatur, ad definiendum, quod fidei sit consentaneum.

Ex

Ex dictis de summi Pontificis superioritate & infallibilitate.

81. COLLIGES Atroceiter & impudentissime mentiri *Quenellistas*, *Jansenistas* nomine, quasi gloriantes; dum in famosis libellis suis, jactitant: se tenaciter adhærere sententiæ & doctrinæ SS. *Augustini* & *Thomæ Aquinatis*, & sese, in ipsorum doctrina, fuisse *Lovanii* aut alibi educatos, nec unquam vel latum unguem, ab illa discedisse. Nihil enim ex libris & Epistolis Magni Parentis nostri, evidentius in oculis occurrit; quàm Romanum Pontificem, esse supremum & infallibilem controversiarum ad fidem morésque pertinentium, judicem. Id quod & sigillatim more Scholasticorum, semper docuit Doctor *Angelicus*.

82. Audiamus utrumque. Primus *Epist.* 166. ait: *In Cathedra unitatis, posuit (Deus) doctrinam veritatis: & libro, contra part. Donati. Numerate* (inquit) *Sacerdotes*, puta: summos Pontifices... *ilia est Sedes Petri, quam non vincunt superbe inferorum portæ. Vincerent autem Petri Scdem, superbæ istæ portæ, si S. Pontifex è Cathedra loquens, errare posset in decernendis fidei quæstionibus. Hue facit, quòd simulatque Romæ venerant Rescripta; videlicet ab Innocentio I. adversus Pelagii causam, exclamaverit Magnus Præsul Hipponensis: causa finita est, error utinam aliquando finiatur. Verba Magni Patris habentur, Sermone 2. De verbis Apostoli. ibi: Jam de hac causa duo Concilia missa sunt ad Sedem Apostolicam. Inde etiam Rescripta venerunt, causa finita est &c. Censuit ergo Hæreticorum Malleus, Romanum Pontificem esse supremum judicem controversiarum fidei, ejusque definitivam sententiam, esse irreformabilem, ejus itidem Tribunal, esse ultimum, à quo nulla daretur appellatio. Ubi Nota: quòd ipsimet Pelagiani in A-*

frica condemnati, appellârint ad Romanum Pontificem velut ad judicem supremum. Si autem *Augustinus* credidisset, à S. Pontifice ulterius provocari potuisse ad Concilium Generale; quo pacto dicere potuisset: *Causa finita est*. Itaque *Pelagius*, qui antecederet à quibusdam Episcopis *Africanis* protegatur; omnibus exofus & abominabilis evasit, postquam Apostolicæ Sedis judicio, condemnatus fuit: quin & *Pelagii* asectæ ab omnibus Orbis Catholici Episcopis anathematizati fuere, postquam *Zosimus Papa* ad ipsos miserat suam Decretalem, quam omnes ineunctanter, tanquam supremum & finale judicium subserpserunt. Nec

OREST: Quòd errores *Pelagii* fuerint manifesti, & aperta perniciēs aut proluviēs, ut loquitur Divus *P. Augustinus*. Tametsi enim id verum sit, in puncto respiciente peccatum originale; equidem id peracqué intelligi non potest de aliis quæstionibus, per utrumque Africanum Concilium decisus, circa subtilissimam materiam *De gratia*, cum ipsemet *D. P. Augustinus* pluries ingenuè fateatur, quæstiones illas esse difficillimas, tamque abstrusas; ut, ubi adstruitur gratia, scilicet *ab intrinseco efficax*, videatur lædi liberum arbitrium; & ubi defenditur liberum arbitrium, videatur enervari gratia. Quid? Anne Magnus Pater vim suam collocat in notoritate *Pelagianorum* errorum, & in damnabilitate apertæ *proluviē*? Nequaquam; sed in indefectibilitate Rescripti Pontificis, non valentis à fide deviare. Cui argumentò est, quòd *lib. 1. Contra Julianum. cap. 4.* loquens de *Innocentio I.* tunc temporis summo Pontifice, sic scripserit: *Non potuit Vir ille Sanctus, Africanis respondere Conciliis, nisi quod antiquitus Apostolica Sedes & Romana, cum cæteris, tenet perseveranter Ecclesia.* Adcò quæ indubitanter fide tenendum est. Apostolicæ

stolicæ enim Sedis, tam antiqua atque fundata, certa & clara est Catholica fides, ut nefas sit, de illa dubitare Christianis, inquit AFRICÆ LUMEN lib. 2. ad Bonifacium. cap. 3. & Epist. 157.

83. Jam pluries ostendi: Doctorem Angelicum scholasticè & methodicè, atque ex professo eandem docere veritatem; quia tamen obsecrati, & in malitia sua obdurati quidam Tenebriones, sub e mentito bonorum Sacerdotum quorundam mihi notorum nomine, scriptitare, & in vulgus spargere non desinunt, quod cum Augustino, Thomas Aquinas censuerit: in determinandis fidei articulis, Concilium Generale, supereminere Pontifici; ideo Lector veritatis amans, mihi ignoscat, quod pro meo modulo, S. Thomam ab hac calumnia vindicem.

En! S. Doctor 2. 2. quæst. 1. art. 10. in argumento Sed contra. ex professo sic scribit: Editio Symboli facta est in Concilio Generali: sed ejusmodi synodus auctoritate solius summi Pontificis, potest congregari... ergo editio symboli, ad auctoritatem summi Pontificis pertinet. Et ibidem in corpore articuli, sic differit: "Nova editio symboli, bolii necessaria est ad vitandum insurgentes errores: ad illius ergo auctoritatem pertinet editio symboli, ad cuius auctoritatem pertinet finaliter determinare ea, quæ sunt fidei, ut ab omnibus inconcusâ fide teneantur Hoc autem pertinet ad auctoritatem summi Pontificis, ad quem majores & difficiliore Ecclesiæ quæstiones referuntur... Unde & Dominus Luca 22. Petro dixit, quem summum Pontificem constituit: Ego pro te rogavi Petre! ut non deficiat fides tua, & tu aliquando conversus, confirma fratres tuos. Et hujus ratio est: quia una fides debet esse totius Ecclesiæ. Quod servari non posset, nisi quæstio fidei exorta determinetur per eum,

"qui toti Ecclesiæ præest, ut sic ejus sententia, à tota Ecclesiâ firmiter teneatur," & ideo ad solam auctoritatem summi Pontificis pertinet nova editio symboli, sicut & omnia alia, quæ pertinent ad totam Ecclesiam, ut congregare synodum generalem, & alia hujusmodi." Parili tono differit Angelicus Doctor 2. 2. quæst. 11. art. 2. ad 3. ibi: "Auctoritas Universalis Ecclesiæ in determinandis rebus fidei, principaliter residet in summo Pontifice. Nam juxta c. Quoties. caus. 24. q. 1. quoties fidei causa ventilatur, arbitror omnes fratres nostros & Coepiscopos, non nisi ad Petrum, id est, ad sui nominis auctoritatem referre debere; contra cuius auctoritatem, nec Hieronymus nec Augustinus, nec aliquis Sacrorum Doctorum suam sententiam defendit. Unde dicit Hieronymus ad Damasum Papam: hæc est fides Papa beatissime, quam in Catholica didicimus Ecclesia: in qua, si minùs peritè, aut parum cautè fortè aliquid positum est, emendari cupimus à Te, qui Petri fidem & sedem tencs. Si autem hæc nostra confessio Apostolatùs tui judicio comprobatur, quicumque me culpare voluerit, te imperitum vel malevolum, vel etiam non catholicum, non me hæreticum, comprobabit." Unde idem Angelicus Doctor in Supplemento. quæst. 25. art. 1. arg. Sed contra. in hæc verba concludit: Ecclesia universalis non potest errare, quia ille, qui in omnibus exauditus est, pro sua reverentia, dixit Petro, super cuius confessione, Ecclesia fundata est; ego rogavi pro Te, ut non deficiat fides tua.

Nemo igitur dubitare potest, quin cum Magno Patre Augustino, Doctor Angelicus limpidissime docuerit, & Papam esse supra Concilium Generale; & Definitiones ejus, circa articulos, fidem aut

mores attinentes, infallibilitate, Divinitus esse donatas, ut mirum sit, quoddam Doctores *Sorbonici*, etiam nostro ævo, recesserint ab illa sententia, quam Sanctus ille Doctor in *Sorbona* eruditus & graduatus, inibi didicit & nemine reclamante, docuit. Si

84. PETAS : à quo tempore dubitari coëptum fuerit de Pontificis infallibilitate? RES. Id contigisse sæculo *decimo quinto*, occasione illius magni schismatis, dum nempe tres Pontificatum ambientes, de primatu Ecclesiæ, inter se contendebant. Ante illud enim tempus, nullum invenies Concilium, sive generale sive particulare; imo, ne ullum classicum Authorem Catholicum, qui aperte docuerit: Pontificum decisiones, in materia fidem attinente, esse errori obnoxias, aut: fideles non teneri, illas promptè acceptare. Huc facit: quod *Ruardus Tapperus* Insignis Doctor *Lovanienfis*, natione *Batarus* [qui Concilio *Tridentino* interfuit] oratione 31a *contra Melancthonem* asserit, dicens: *dubitari non posse, nec dubitatum esse unquam quin causæ fidei & morum, ad Papam referendæ sint? An autem in his Papa falli possit, non nisi ab annis centum quinquaginta* [en epocham contrariæ opinionis] *captum est controversi ... à tempore enim Concilii Constantiensis & Basileensis, Doctores quidam, apud solum Concilium æcumenicum, docent esse infallibilis sententiæ privilegium, veteres verò scriptores, Romano Pontifici proprium hoc esse privilegium infallibilis sententiæ, CONCORDITER, ex scripturis tradunt. Hucusque Tapperus.* Neque *Gerfon & Major* primitivi auctores, oppositæ, jam ubivis (extra Galliam) rejectæ opinionis, aliam epocham comminisci potuerunt. *Gerfon* enim celebris & pius aliquin scriptor à nobis supra n. 69. laudatus, *De potest. Eccles. confid.* 12. sic scribit: " Ante celebrationem Sacro-

sanctæ hujus *Constantiensis Synodi*, sic occupaverat mentes plurimorum litteralium magis quàm litteratorum, ista traditio, ut oppositorum dogmatizator, fuisset de hæretica pravitate vel notatus, vel damnatus. Hujus rei signum accipe; quia post declarationem & practicationem ejusdem sanctæ Synodi, inveniuntur, qui talia passim asserere non paveant. " Idem ille magni olim nominis Cancellarius *Parisenfis*, cum in opusculo alio, nempe *De excommunic.* quæsi- visset, licitumne sit, à Papa provocare ad Concilium Generale? his respondet formalibus: " Dixerunt enim ante Concilium Generale *Pisanum & Constantiense*, quod hoc, nullo modo licebat: & allegant jura sua pro se valde, ut eis videtur, expressa. Sed constanter nunc asseritur, quod est hæresis damnata per constitutionem Concilii *Constantiensis*. " Ita *Gerfon*. Audiamus & *Majorum*. En! hic, cap. 15. *De Potest. Eccles.* simili halitu cruciat. " Duo [inquit] sunt modi oppositi dicendi, quorum unus tener, Papam esse supra Concilium universale; hunc modum tenuerunt aliqui Cardinalium, & tenent communiter Thomistæ; & *Rome*, ut asseritur, nulli fas est, oppositum tueri. Alium modum, semper nostra universitas *Parisiensis*, à diebus Concilii *Constantiensis*, imitata est, sic, quod in ea, qui prædictam viam tenuerit; in campo [id est: subitè] cogitur illam revocare. " Anne hoc docuit Divus Thomas?

85. Si jam vobis (vos alloquor *Anticonstitutionarios*, vulgò *Janseistas*, sed verius *Quæsellistas*, Cornelius enim Janseius illius nunquam fuit opinionis, ut mox demonstrobo) ullus superest agnoscendæ veritatis sensus, nonne invitis dentibus, fateri debetis, tempore schismatis,

na-

nam, à Divis Patribus olim, & nunc, Sedis Apostolicæ, quin imò concordia Archi- & Episcoporum : *Hispaniæ, Lusitanie, Belgii, Germaniæ, Hungariæ*, totiusque *Italiæ* & finitimorum Regnorum, iudicio, reprobata fore sententiam *vestram*? Anne opinio vestra, non tam per quatuordecim secula, & ab Ecclesiæ Christianæ incunabulis, ignorata, quam à Sanctis Patribus, signanter *Augustino & Thoma* impugnata, ac porro turbatissimo Ecclesiæ tempore exorta, pro vera & orthodoxa Ecclesiæ Doctrina, haberi potest? Quis Hæresiarcharum, ad dementandos Christi fideles, errorésque suos liberius defendendos & promovendos, *Petri* Apostolorum omnium Principis, per successores suos loquentis, auctoritatem, non repudiavit, eamque falsis criminationibus non fuit infectatus? Id fecere *Lutherus, Calvinus*, & ante ipsos, *Errones* omnes, quos, per sæcula, recenset *R. P. van Ranst*, in singulari Opusculo : *De Hæresibus*, nuper *Trajecti*, typis *Jacobi Lekens* Impresso : atque idipsum, perfrictâ fronte, faciunt in ultimo agone jacentes *Quesnellistæ*, vulgò *Jansenistæ*. Sed, cur Hæreseon capita, e cerebro suo, hanc parturivère chymæram? Ideo, quia, admissâ Apostolici iudicii infallibilitate, errores suos, priusquam adolescerent, in cunis suffocandos esse, sciebant. Intelligebant enim, quod, quamdiu animis fidelium impressa maneret Pontificiæ infallibilitatis idea, Christi gregem dispergere & in devia abducere non possent.

86. Hic juvat observasse : quod cum *Carolo Episcopo Antissiodorensi*, loco *supra*, n. 70. citato, conclament *Quesnellistæ*, Episcopos, extra Galliam, universos, acceptasse Bullam *Unigenitus*, tanquam fidei regulam, *ex supposito*, quod summus Pontifex, in determinandis fidei & morum articulis, sit infallibilis. Hoc, si ita *A Hochkirchen, Eibic. Christi. Pars II.*

est; ergo videtis, potiozem saltem Ecclesiæ partem, veteri SS. Patrum, de Pontificia infallibilitate, adherere sententiæ; adeoque nostram, esse veram totius Ecclesiæ dispersæ, & capiti suo unitæ doctrinam. Non minus enim vobis fatentibus, infallibilis est Ecclesia dispersa, quam in Concilio Generali congregata. Adde: quod nequidem in *Gallia*, hoc saltem tempore, multi supersint Episcopi aut Doctores classici, qui Pontificiam impugnent infallibilitatem. Quinimò recentiores quidam Galli, Pontificiæ infallibilitati obstrictantes, ultrò fateri coguntur; Concilia Generalia, ut robur habeant, confirmari debere à Romano Pontifice. Jam verò, sic arguo : vel iudicium Pontificis confirmantis, vel reprobantis aëta alicujus Concilii, est fallibile vel infallibile? Si hoc *secundum*; ergo vosmetipsos proprio mucrone jugulatis. Si *primum*; ergo tam parum certi sumus de articulis in Concilio determinatis, *post*, quam ante Pontificis confirmationem, adeoque fideles circa articulos controversos & dubios, semper in bivio hærebunt & fluctuabunt, quod neutiquam dici potest, ne minus provisum sit Ecclesiæ Christi, quam *Synagoge* Judæorum, in qua summo Pontifici, saltem in iis, quæ ad fidem pertinebant; attributa fuit summa & irrefragabilis, adeoque infallibilis judicandi potestas, ut colligitur *1mo. ex cap. 28. Exodi. v. 30. ibi: Ponet autem in rationali iudicii Doctrinam & Veritatem*, quæ erunt in pectore *Aaron. 2do. Ex illo Deuteron. 17. v. 8. ibi: Si difficile & ambiguum apud te iudicium esse perpexeris inter sanguinem & sanguinem, causam & causam, lepram & lepram; & iudicium intra portas tuas, videbis verba variari; surge & ascende ad locum, quem elegerit Dominus Deus tuus, veniesque ad Sacerdotes Levitici generis &*

Dd

ad

ad judicem, qui fuerit illo tempore, quæresque ab eis, qui indicabunt tibi iudicii veritatem, & facies quodcumque dixerint, qui præsumt loco, quem elegerit Dominus, & docuerint te juxta legem ejus, sequerisque sententiam eorum. Nec declinabis ad dexteram neque ad sinistram. Qui autem superbia, nolens obedire sacerdotis imperio, qui eo tempore ministrat Domino Deo tuo, & decreto iudicis, morietur homo ille. 31id. Ex illo: lib. 2. Paralip. cap. 17. à vers. 510. ibi: Constitutusque iudices terræ in cunctis civitatibus Juda... In Jerusalem quoque constituit... Levitas & Sacerdotes & Principes familiarum... præceptisque eis dicens... omnem causam, quæ venerit ad vos fratrum vestrorum... ubicunque quæstio est de lege, de mandatis, de ceremoniis, de justificationibus, ostendite eis, ut non peccent in Dominum... Amarias autem Sacerdos & Pontifex vester, in his quæ ad Deum pertinent, præsidebit.

Ex quibus Divini eloquii textibus apparet imò. apud Hebræos, quadruplex fuisse genus controversiarum: videlicet: de lege, de mandatis, de ceremoniis & de justificationibus. Si quidem aliæ oriebantur circa legem Decalogi, aliæ circa mandata moralia, quæ sunt extra Decalogum, aliæ circa præcepta merè ceremonialia, aliæ demum circa præcepta judicialia, per quæ scilicet iustitia, & pax inter homines conservanda erat. APPARET 2do. Constitutos quidem fuisse iudices in singulis civitatibus, quibus incumbere controversias hujusmodi dirimere; in controversiis tamen difficiolioribus, vel quando subalternorum iudicum sententiæ variabant; eundem & provocandum fuisse ad Sanedrim sive Synedrium, id est collegium 70. Seniorum, cui præsidebat Pontifex, & cujus Synedrii, finali iudicio, sub pœna mortis, acquiescendum erat. APPARET 31id. Hebræorum Pontificem, sal-

tem cum Synedrio fuisse infallibilem; quia alioquin non indicassent iudicii veritatem, nec promissio Dei fuisset impleta, neque sub pœna mortis, synedrii sententiæ fuisset obtemperandum. Ratio est: quia si Pontifex cum Synedrio potuisset errare; jam tota Synagoga [pro tunc vera Dei Ecclesia] potuisset errare, contra, quàm Deus itatuerat pro tempore illo.

Qudd, si autem Pontifex Synagoge, saltem cum suo Jerosolymitano Synedrio, erat infallibilis, quidnò multò magis summus Pontifex Ecclesie Christi, cum suo ordinario Cardinalium concilio, infallibilis sit? Si

87. DICAS: qudd in citato loco Deuteronomii, videatur agi de controversiis factorum particularibus, judicialibus, civilibus & ceremonialibus; in quibus summus Pontifex cum toto Synedrio, utique falli potuit. Neque abs re (INQUIES) mandavit Deus, ut nolens obedire sententiæ Synedrii, morte puniatur; eò qudd pax & tranquillitas publica postulet, ut sit aliquod supremum, cui acquiescendum sit, Tribunal; ne lites & controversiæ sint in Republica immortales. RESP. loc. cit. non tam agi de pura facti quæstione, id est: An factum, v. g. furtum, homicidium &c. sit à tali vel tali persona patratum, quàm de juris quæstione, puta: utrum factum hoc certum, à tali vel tali patratum, sit legi conforme vel difforme. Quò facit, qudd controversiæ de lege, de mandatis, de ceremoniis & justificationibus, quæ ad summum Sacerdotem referendæ erant, utique non fuerint facti, sed juris quæstiones. Esto etiam per falsos testes, in criminali causa, potuerit circumveniri iudex; ita, ut sub pœna mortis, equidem summi Pontificis iudicio acquiescendum fuerit; eò qudd juxta allegata & probata, inculpabiliter processerit; inde tamen haud rectè intuleris; idem

idem esse in quæstionibus fidem & salutem æternam concernentibus. Neutiquam enim putandum est: quòd Deus voluerit quempiam ideo morte puniri, quia noluerit amplecti errores, quos Pontifex docuisset, aut proposuisset credendos.

88. Ad vos revertor, qui cum *Entbusiastis*, Authoribus vestris, identidem, sed semper *damnabiliter*, provocatis ad futurum Generale Concilium, quasi verò interjectâ hujusmodi nefandâ appellatione, *suspensa foret Papæ auctoritas*, & vos interim, absque conscientia scrupulo, ut ut *Excommunicati*, & divinis interditi; tunc, usque ad Concilii Generalis, fors post secula non celebrandi, definitionem, nedum à Sede Apostolica, sed & totius orbis Catholicæ Episcopis (unum alterumve Gallum non confidero) *proscriptos errores defendere, fidelibusque insusurrare possitis?* Quid? An, qui temporum historias, adeò acutè & limatè pervolvistis, invincibiliter ignoratis, quòd ante primum Concilium Generale, quod fuit *Nicænum*, celebratum anno 325. plurimi Hæresiarchæ, & errores infiniti, fuerint condemnati? Hac de re præprimis legi meretur Magnus Pater *Augustinus*, lib. *De Hæresibus*. Item *Epiphanius*, *Hieronymus* cum aliis Sanctis Patribus, ex quibus utile & singulare opusculum suum conflavit, *R. P. Van Ranst Ordinis Predicatorum*.

89. Candide Lector! supra tibi promissi offendere, quòd *Cornelius Jansenius Iprensis Episcopus* (ut ut in suo *Augustino compendiat*, non semper probè *Augustinianus*) tenacissimè steterit, pro summi Pontificis infallibilitate. En ejus verba, in caput 22. *Lucæ* 11. 31. & 32. Ego autem rogavi pro te peculiariter tanquam pro capite cæterorum, per quem reliquos ad salutem adducere decrevi: ut non deficiat, id est: non penitus eradiceatur & extingatur fides tua. Nam quamvis eribrandus &

concutiendus esset, usque ad negationem Christi, quam ore fecit; fidem tamen internam, qua ad justitiam corde creditur, non amisit: sicut arbor, folia vi tempestatis, abjicit; non tamen vitam in radice permanentem, ut sentit *Ambrosius*, in 12. *Psal.* 43. & explicat *Theophilactus*. Quòd verò hoc infallibilitatis privilegium non fuerit soli Petro, sed & omnibus ejus successoribus peræquè à Christo concessum; idem *Jansenius* nobiscum ibidem docet, his formalibus: Unde, quia confirmare Fratres, quod sequitur, ad officium Pastoris pertinet, & proinde perpetuum esse debet: hinc juxta sensum antiquorum, impetravit illi & aliud privilegium ad successores propagandum, ut videlicet tanquam caput Ecclesiæ, nunquam, nec ipse, nec successores ejus, in docenda vera fide deficerent, juxta illud Leonis. *serm.* 3. *De assumptione sua ad Pontificatum*: In Petro, omnium fortitudo munitur: & illud Bernardi, *Epist.* 109. Ad Innocentium: *Dignum arbitror, ibi potissimum resarciri damna fidei, ubi non possit fides sentire defectum*. Concludit ergo Catholicè idemmet *Iprensis*, non *Gandensis Jansenius*, super illud *Matthæi* 16. Tu es Petrus &c. his verbis: *Universa ergo Diaboli potestas, omnis hereticorum machinatio, omnis vitiorum incurisatio, omnis persecutorum sevitia, quæ Diaboli tanquam Principis & authoris istorum arma sunt, non prævalebunt adversus eam, sive oppugnatam, ut eam superent, sive oppugnantem, ut illi resistant; directè enim significatur, quòd Ecclesiæ tantam tractura sit firmitatem ex illa edificatione supra petram, ut semper Diabolo invicta futura sit; ut S. Augustinus, lib. 1. De Symbolo. cap. 6. ipsa est Ecclesiæ, Ecclesiæ una, Ecclesiæ vera, Ecclesiæ Catholica, contra omnes hæreses pugnans, pugnare potest, expugnari tamen non potest. Hæreses omnes de illa exierunt; tanquam sarmenta*

inutilia de vite præcisa: ipsa tamen manet in radice, in vita sua, in charitate sua: Porte inferi non vincunt eam.

Non citavi *Jansenium* [ut faciliè intelliges] ad confirmandam sententiam nostram; sed, ut tibi, quisquis es, digiro demonstrarem, quantopere discedas à *tuo*, quem in damnatis erroribus, sequeris, *Magistro*. Nec libet huic materiæ diutius immorari. Si quis tamen signanter circa verum intellectum Bullæ *Unigenitus* erudiri & refractoriorum argutias solidè refutatas, videre cupit; legat dissertationem eruditissimi Patris nostri *Piette*, quæ habetur in calce *partis 3tæ Elucidationis Difficiliorum Theol. quæst. à pag. mibi 416.*

Grassantes & inconsutilem Christi tunicam lacerantes, Catholicæ (inquam) doctrinæ unitatem discerpentes *Quæsnellistæ* identidem ingeminant, & totis viribus, tum concionando, tum scriptitando, plebi aliquin probè Catholicæ, persuadere nituntur, se mutuatos esse moralem doctrinam suam, ab Ecclesia *Gallicana*. Verùm, candidum obsecro lectorem, ut oculos animùmque convertat in recens *Avenione* excusum opus, *Romæ* cum elogio approbatum, cui titulus: *De Supremâ Romani Pontificis Authoritate, hodiernæ Ecclesiæ Gallicanæ Doctrina*. Egregius enim hujus operis Author, *part. 1. dissert. prævis, §. 1. 2. & 3.* invictè & nervosè demonstrat, quòd à *Quæsnellistis* vulgò *Jansenistis* tantopere jactitatum discrimen inter personam *Romani Pontificis* & *Sedem Apostolicam*, non sit, nisi recens luxuriantium & perversorum ingeniorum inventum, ad labefactandam Ecclesiæ doctrinam, & inducendum *Schisma*, à qua Ecclesia *Gallicana* semper fuit remotissima. Itaque dicti operis Author, *loc. cit.* Gallo- rum Antistitum accumulat testimonia, quæis loquidò evincitur 1.º. Unum idem- que ipsis fuisse: *Romani Pontificis de fide*

pronuntiantis judicium; ac: *Dogmaticum Sedis Apostolicæ Decretum*. 2.º. Rejectam, & expressè reprobam ab ipsis fuisse præposteram distinctionem inter *Sedem Apostolicam*, &: *Romanum Pontificem de fide pronuntiantem*. Econtra autem 3.º. *Gallicæ Præsules*, ex professo censuisse: quòd *Dogmaticum Sedis Apostolicæ judicium*, nihil aliud sit, quàm *Dogmaticum Romani Pontificis judicium, consuetis formalitatibus ab eo prolatum*. Insuper idem Author ille, *lib. 1. cap. 1.* demonstrat, Quòd Illustrissimi *Gallicæ Episcopi* doceant; non modò *Petrum*, sed & *Petri Sedem*, seu *Petri successores*, à Christo fuisse constitutos Ecclesiæ & fidei Catholicæ *petram & fundamentum*. Cohærenter verò per octo capita in *spòs divisa*, ostendit sequentia. 1.º. Quòd *Gallicæ Episcopi* censuerint, & docuerint, promissionem *Petro* factam illis Christi verbis: *Ego rogavi pro te Petre, ut non deficiat fides tua*. à Romanos Pontifices, *Petri* successores omnino extendendam esse. 2.º. Quòd ne- dum veteres, sed & nostræ ætatis *Præsules Gallicani*, ubique doceant: omnibus Ecclesiis incumbere necessitatem, cum Ecclesia Romana, seu Apostolicâ Sede, id est, Romano Pontifice, in doctrina fidei conveniendi: & Romanæ Ecclesiæ traditionem seu doctrinam, cæteris Ecclesiis esse debere fidei regulam, confundendis Hæreticis omnino sufficientem, atque indefectibilem. 3.º. Quòd *Gallicæ Antistites*, celebre illud *Divi Patris Augustini* [*Sermone 131. alias. 2. De Verbis Apostoli cap. 10.*] effatum. *Inde*, (scilicet à Sede Apostolica) etiam *Rescripta venerunt, quæa finita est: adoptantes; supremum & irreformabile* censeant esse Sedis Apostolicæ judicium. 4.º. Quòd *Gallicorum Antistitum cœtus*, illud *Magni Patris Augustini* dictum: *causa finita est*, non judicaverit, fore, illo sensu capiendum;

piendum; quasi ideo duntaxat Pelagianorum causa finita fuisset; quòd illorum hæresis ab Ecclesia universalis, *pro tunc* fuerit proscripta; sed: quia suum de ea, iudicium dogmaticum, protulerat *Innocentius I. Romanus Pontifex*, ad cuius definitivum arbitrium, duo Concilia *Africana* submissa fuerant. *510.* Quòd Galliani Præsules, ex ipso potissimum *Augustino* probent profligandæ hæreticorum pertinaciæ sufficere Sedis Apostolicæ iudicium. *610.* Quòd iidem insulati Proceres, phrasi Augustinianâ, pro certo teneant, causam fidei *esse finitam*; idem omnino esse, ac eandem *supremo & infallibili iudicio fore definitam*. *710.* Quòd doctentibus iisdem Præsulibus, Apostolica Sedes, seu Romanus Pontifex, sit immotum ac necessarium Catholicæ unitatis *centrum*; & hujus centri ea sit prærogativa; ut à fide deviare non possit. *810.* Quòd ex sententia Gallicanæ Ecclesiæ, ea insit Pontificiis, circa fidem iudiciis, autoritas; ut omnes Christiani, sincerum mentis obsequium, iis præstare teneantur. *910.* Quòd Illustrissimi Galliarum Antistites divinum *inerrantiæ* privilegium Sedi Apostolicæ, seu Romano Pontifici, non modò generatim asserant; sed & contra *Novatores*, datâ operâ vindicent, fateanturque, suam, de suprema & indeficienti Romanorum Pontificum autoritate, sententiam, ipsammet fore certam & infallibilem Ecclesiæ Catholicæ Doctrinam.

Hæc sincerissimâ mente summatim indigitare, non autem sigillatim extra præfens propositum, deducere volui, intuitu illorum, qui licet fraternè admoniti, & per privatas epistolas meas, erroris convicti, crambem recoquunt, & perpetuò regerunt: se Gallicanæ Ecclesiæ, nunquam reprobatæ, adhærere dogmatibus. Ubi infelices viri isti alioquin non indo-

cti, à profugis, & Gallia proscriptis geronibus dementati, Gallicanæ Ecclesiæ seu cœtûs Episcoporum Gallicanorum doctrinam, putant esse: tum *falsa*, tum *temeraria*, tum demum *scandolosa asserta Paschasti Quesnelli*, à quibus ipse *Cornelius Jansenius Iprensis Episcopus* (cujus nomine gloriantur) adeo alienus fuisse videtur, ut de iis fors nequidem somniaverit. Erravit *Jansenius iste*: & ab Ecclesia, quinque propositiones ex ejus libro *De gratia*, proscriptæ noscuntur. Hæcenus tamen nemo ipsi errores in *Paschasio Quesnello* meritissimè damnatos, adscripsit; neque quis ipsum istarum abominabilium aberrationum proclamavit primipulum. Observet hoc, cui mens docilis & non omnino perversa est, ut discrimen faciens inter *Jansenii* & *Quesnelli* errores, utrumque deserens, ad obedientiam summo Pontifici Romano debitam, & Ecclesiæ Catholicæ expansum sinum, hoc Jubilæi tempore, poenitens revertatur.

10. Jam ad propositum nostrum, rursus vela tendamus; & dispiciamus; an summi Pontificis Monarchia, se ad temporalia mundi regna, extendat; sive; an Pontifex sit Dominus totius orbis? Ut hanc quæstionem exactè & fundamentaliter pertractemus; præjudicialiter disquirendum est; utrum Christus ipse, cujus Papa Vicarius est, temporale haberet totius mundi Regnum? Quæ in re, extra dubium est, quòd Christus quæ Deus & Dei filius, sit & fuerit Rex, Dominusque universarum creaturarum: sed nec ambigi potest, an Christus quæ homo, fuerit Rex omnium spiritualis; cùm carne indutus humanâ, venerit salvare universum genus humanum, quòd in *Adam* perierat, adeoque illimitatam habuerit potestatem, in omnes tam fideles, quàm infideles; tam Gentiles, quàm Judæos, in ordine ad salutem æternam.

Quæ

Quæstio igitur solum esse potest, an Christus, quâ homo defuncto habuerit dominium temporale vel totius mundi, vel *Judææ*, vel alterius ditionis. Dixi: *De factis habuerit*. Certum enim est; quod totius mundi temporale imperium habere potuerit, sicut habuit spirituale. Pro resolutione præjudicialis quæstionis.

91. Dico: Verius esse, quod Christus, quâ homo, nec mundi totius, neque Regni *Judaici*, vel alterius ditionis, fucrit Rex aut Dominus temporalis; id est: in finem sæcularem, puta: civilem Reipublicæ tranquillitatem. Ita cum agmine aliorum, sentiant *Dominicus Soto lib. 4. De justis. Et jure. q. 4. art. 1. Victoria, Relezione 1. De potestate Ecclesiæ. sect. 6. Medina, in 3. part. q. 39. art. 4. & signanter Bellarminus, lib. 5. De Romano Pontif. cap. 4. Ratio est: Quia omne regnum acquiritur, vel jure hæreditario; vel populi electione, vel jure belli; vel testamento, seu alterius donatione. Atqui Christus, nequidem Regnum *Judaicum*, ullo ex his modis habuit. Ergo. Probatur minor, per partes. In primis non habuit *Judææ* Regnum, jure hæreditario; quia, si hoc verum esset; vel *Deipara Virgo* fuisset Regina populi *Judaici*, vel *Joseph* ejus Conjux fuisset Rex; aliunde enim Christus, hæreditario jure, Regnum *Israel*, quam ab ipsis, consequi nequiverisset. Neutrum autem ex S. Scriptura probari potest. Ergo. ADDE: quod Christo nato, à Tribu & familia *David*, sceptrum fuerit ablatum. Quod pertinet illud *Jerem. 22. de Jechonias*, quod non erit de semine ejus vir, qui sedeat super solium *David*. In quem locum scribens *Divus Hieronymus*, querit: quomodo ista propheta combinari possit cum effato Angeli dicentis: dabit ei Dominus Deus, sedem *David* patris sui, Et regnabit super domum *Jacob* in æternum. Respondet autem Sa-*

cer ille Interpres: sessurum quidem Christum Dominum; sed, in Regno perpetuo atque cælesti, de quo locutus est Angelus, non autem in Regno terreno & caduco, de quo loquitur *Jeremias*. Divo *Hieronymo* consonat *S. Ambrosius, lib. 3. in cap. 3. Lucæ* inquiens: Quod regnavit Christus, non contra Prophetiam est: non enim seculari honore regnavit. Ex quibus verbis Doctor Angelicus argumentatur. 3. p. q. 31. art. 2. ad 3.

Sed, neque Christus temporale habuit regnum, vel populi electione; vel jure belli. Tum, quia fugit, quando ipsum volebant facere Regem. *Joan. 6. Terra enim declinabat* [ut ait *Divus Ambrosius, lib. 7. in Lucam*.] qui propter divina descenderat. Tum, quia Christus nullum gessit temporale bellum cum hominibus; sed solum spirituale cum Diabolo & Angelis ejus. Unde in *Epiphaniæ* festo, perorat Ecclesia: Non eripis mortaliam, qui regna dat cælestia. & *S. Leo, Serm. 1. de eodem festo: Dominus mundi, temporale non queris regnum, qui præstas æternum*.

Porro; neque Christus ex testamento vel donatione alterius Regis, regnum quoddam habuit terrenum; quia expressè *Joannis 18. dixit: Regnum meum non est de hoc mundo*. & iterum: *Regnum meum non est hinc*. In quem locum commentans Doctor Angelicus, cum Divo Patre *Augustino*, alibi à nobis citato, in *Catena Aurea*, dicit: Christum non asseverasse, Regnum suum non esse hinc, seu in hoc mundo; sed non esse hinc, id est: de hoc mundo; quoniam non tenuit regnum, ut hic Reges tenent humanum, sed divinum. Unde idem *S. Doctor, 3. part. q. 36. art. 2. ad 3. De Diabolo & Herode* dixit: Uterque regni sui successorem timebat, Diabolus cælestem, sed *Herodes terrenum, superfluum tamen; quia Christus non venerat Regnum in terra habere*.

Do-

Doctōri Angelico præluxerat Africæ lumen, Divus P. Augustinus qui de gente judaica differens, lib. 17. de Civit. Dei. cap. 7. sic ait: *Qui populus regnum fuerat amissurus, Christo Jesu Domino nostro, non carnaliter, sed spiritualiter regnatura.* Nimis dulcia sunt Mellisui Doctōris verba, ut illa hic prætereamus. *Quæro* [inquit *serm. 4. super missus*] *quomodo dederit ei Deus, sedem David Patris sui, cum ipse in Jerusalem non regnaverit? sed novimus quandam aliam Jerusalem ab ea, quæ nunc est, in qua regnavit David; significatam, multò istà nobiliorem, multò ditiorē. Hanc igitur puto hic esse significatam, illo videlicet usu loquendi, quo sæpe reperis, in scripturis, significans poni pro significato.... Dabit ergo ei Dominus Deus sedem David Patris sui, non typicam, sed veram; non temporalem, sed æternam; non terrenam, sed cælestem.*

Sanctorum Patrum autoritatibus accedit in Sacris Scripturis tradita ratio, quòd scilicet Christus in carne passibili redemptoris humanum genus, & hominibus fluxarum rerum contemptum persuasurus, voluerit esse singulare exemplum voluntariæ paupertatis [vide capitul. Exiit. De verbor. signific. in 6.] & vestibus spoliatus, nudus pro peccatis nostris, in cruce mori voluerit, nec ullius terreni Regni constituerit vel reliquerit Vicarium, sicut constituit & reliquit, in monarchia spirituali.

92. OPPONES: Regius Propheta referens Dei Patris oraculum, dixit ad Christum: *Psal. 2. Postula à me & dabo tibi gentes hereditatem tuam.* & *Zacharie 9.* dicitur, *Ecce Rex tuus venit.* Quinimò Salvator ipse *Matth. 28.* asseruit: *Data est mibi omnis potestas in cælo & in terra.* & *Luce 10.* *Omnia mibi tradita sunt à patre meo.* Id quod *Luce 1.* prædixerat Angelus, & confessus est Apostolus, ad

Hebr. cap. 1. dicens: *Quem constituit heredem universorum.*

RESP. Cuncta isthæc scripturæ testimonia intelligenda fore, de regno Christi spirituali, in Ecclesia, sive militante, sive triumphante; in quam ex omni gente, convertendæ erant animæ. Cui argumentò est, quòd, dum Assertor noster *Matth. 28.* dixerat: *Data est mibi omnis potestas in cælo & in terra.* suam quasi explicans potestatem, mox subjunxerit; *Euntes ergo, docete omnes gentes, baptizantes eos &c.* quò indigitavit, suam à Patre acceptam potestatem, non collimare ad dominandum in corpora, sed ad lucrificandas animas.

INSTABIS. Omnis potentia, ars, vel virtus finem certum respiciens, habet disponere de his, quæ sunt ad finem, ut loquitur Divus Thomas 2. 2. q. 40. art. 2. ad 3. Jam verò, temporalia sunt propter spiritualia, tanquam propter finem. Ergo si Christus habuit plenitudinem potestatis, circa spiritualia, habuit & circa temporalia.

RESP. Ex hoc argumento legitimè inferri id quod cum *Sectariis*, negant quidam Galli, videlicet: Christum habuisse amplissimam potestatem disponendi de regnis etiam temporalibus, in ordine ad finem spirituales; licet non habuerit, nec exercuerit potestatem *formaliter & directè* circa temporalia. Unde, cum Christus eandem potestatem suam contulerit Divo Petro & successoribus ejus; bene contra adversarios inferimus; quòd Pontifex ad instar Christi, possit de rebus temporalibus disponere, saltem inter Christianos; quatenus *ille* bonum spirituale promovere vel impedire possunt.

URGEBIS. Ex mente Divi Thomæ. 3. p. q. 59. art. 4. ad 1. Christus fuit verus Rex à Patre constitutus, quanquam in terris vivens, ex humilitate, regnum administrare

ministrare noluerit. Idem tradit *S. Doctor lib. 3. De regimine Princip. cap. 12.* dicens: Christum fuisse Regem, Sacerdotem, & Monarcham. Quinimò *cap. 13.* ait: *Augustum* Imperatorem, gessisse vices Christi, & vetuisse; ne quis de Romano populo, ipsum vocaret *Dominum.* & rursus *ibid. cap. 15.* asseverat: Christum fuisse temporaliter Dominum totius orbis. Unde *cap. 16.* ait: *Regnum Christi fuisse compositum ex terreno & caelesti*, sive ex temporali & spirituali; &, quòd illud *Constantinus* cesserit *Beato Sylvestro*, tanquam vero Jesu Christi Vicario, cui *de jure debebatur.*

RESP. Divum *Thomas loc. cit.* nihil aliud velle, nec docere; quàm, quòd Christus, quà filius Dei, fuerit Rex & Dominus totius mundi, id quod nemo negare potest; non verò; quòd, *quà homo*, vel quòd potestatem vel potestatis usum, fuerit Rex *de hoc mundo*; scilicet, cum honoribus, opibus & mundana potentia; tametsi, propter excellentiam potestatis spiritualis, quam habebat in omnes res humanas; potuisset multis eorum uti, quibus non est usus. Quod Doctor *Angelicus* ita sit intelligendus, patet ex hoc, quòd pro confirmatione doctrinæ suæ adferat *ibidem* ipsiusmet Assertoris nostri oraculum: *Regnum meum non est de hoc mundo.*

93. Priusquàm ad alios passus respondeam, recolere oportet: quòd, sicut alibi observavi; meritò dubitetur, an opus *de Regimine Principum*, sit genuinus partus Doctoris *Angelici*; id, quod ante meam exilitem, ab aliis eruditioribus animadversum fuit, tum ex styli magna diversitate; tum ex eo [ut de reliquis nil memorem] quòd *lib. 3. cap. 20.* ea referantur, quæ non nisi post obitum authenticum istius Doctoris, accidisse noscuntur; cujusmodi sunt: quod Imperatori *Ru-*

dolpho successerit *Adolphus*; & *Adolpho Albertus*; quæ certè successione scies non contigit vivente Angelico Doctore, utpote mortuo anno 1274. cùm *Adolphus* successerit *Rodolpho*, anno 1292. & *Adolpho Albertus*, anno 1299. Porro Historiographi Ordinis nostri FF. *Ercmitarum S. P. Augustini*, *Ægidium Romanum* faciunt authorem operis: *De regimine Principum.* quod & fatetur *Joannes Pontas*, in suo Dictionario casuum conscientiae. *lit. A.* ubi etiam dicit: quòd ille noster *Ægidius*, fuerit Præceptor *Philippi pulchri* Regis Galliarum.

94. Quisquis autem Author prædicti operis fuerit; nil equidem sano sensu aliud ex locis allegatis erui & asseri potest; quàm, quòd Christus, *quà homo* fuerit Dominus & Rex spiritualis; habueritque summum directè in animas, indirectè autem in corpora, seu temporalia bona imperium; id, quod non obscure insinuat Author iste *cit. cap. 13.* ubi tradit: Monarchiam Christi fuisse, & esse *universalem*; eò quòd in omni plaga & angulo mundi, adoretur nomen ejus, juxta Prophetiam *Malachie. cap. 1.* *In omni loco sacrificatur & offertur nomini meo oblatio munda.* Ex quo textu sic arguit Author operis: *In quo verbo satis apparet, quòd dominium Christi ordinatur ad salutem anime & ad spiritualia bona, licet à temporalibus non excludatur, eo modo, quo ad spiritualia ordinantur.* Quò facit, quòd idemmet Author *cap. 15.* De Salvatore nostro disserens, sic scribat: *Quamvis temporaliter esset Dominus Orbis: directè tamen ad spirituales vitam, suum ordinavit Principatum, juxta illud Joan. 10. ut vitam habeant.* Dic ergo, quòd Christus, eatenus fuerit Monarcha universalis; quatenus omnes homines, eorumque actiones bonæ vel malæ, ejus subjiuntur judicio, sive in vitam, sive mortem æternam.

Por-

Porrò, ad id, quod de *Augusto* Cæsare (sub cuius Imperio natus est Salvator mundi) narratur; idem dici potest; quod ex Sacrae Scripturae eloquio, dicimus de *Caipha*; qui, cum esset Pontifex anni illius, ignorans quid diceret, Prophetavit, dicens: *Exedit, ut unus moriatur homo pro populo.* Confer *Osorium. lib. 6. cap. 22.*

Paucis: quia Christus illimitatam habuit potestatem, unam nempe directam, quæ primario respiciebat spiritualia; aliam indirectam, quæ temporalia concernebat; ideo Author tractatus *De Regimine Principum*, non abs re dixit: Regnum Christi fuisse compositum, ex potestate videlicet virtualiter, ut Theologi loquuntur, duplici, quatenus potestas ejus erat formaliter & directe spiritualis; eminenter autem & indirecte temporalis. Cæterum; quando librorum istorum Author scripsit: *Constitutum* Imperatorem cessisse dominium *Sylvestro Papæ* tanquam Christi Vicario; cui, ut ait; *de jure debebatur*, non debet intelligi; quasi temporale dominium civitatis *Romane* & adjacentium ditionum, fuerit summo Pontifici debitum ex iustitia; sed NB. ex honestate & decencia; eò quòd antidotalis gratitudo postulaverit; summum Pontificem, qui in monte *Soracte* metu persecutionum latitaverat, & Imperatorem à lepra necdum corporis, sed & animæ, curaverat; aliquo temporali saltem affici beneficio, ut pro spirituali semente, ad fidelium consolationem, meteret fructum temporalem.

Premissa hujus non spernenda nec prætereunda quæstionis resolutione, facilius percipi poterit quæstio, quam Canonistæ movent de summi Pontificis imperio, moti textu, in *can. Omnis. Dist. 22.* ubi *Nicolaus* Papa dicit; quòd Christus *B. Petro* commiserit terram simul & terrestribus Imperii jura. Ut distinctè procedamus.

A. Hockkirchen, Ethic. Christi. Pars II.

95. CONCLUDENDUM. Imò. *Papam*, nullam habere [directè scilicet] jurisdictionem merè temporalem, jure divino, quà scilicet sit Rex vel Princeps, aut Dominus, sive totius mundi, sive orbis christiani, aut alicujus ditionis, quòd ad regimen temporale, inque finem merè civilem, qui est temporalis Reipublicæ tranquillitas & felicitas.

Ratio preemptoria est; quòd, ut ex supradictis constat; Christus ipse quà homo, non habuerit alicujus loci dominium, ut multo minus illud habere possit ejus Vicarius; maxime; cum neque ex Sacris Litteris, nec ex Traditione, proditum sit; Christum *Petro* ejusve successoribus, contulisse potestatem merè spiritualem.

ADHÆC: Potestates: Pontificalis & Regia, divinà institutione, sunt distinctæ, & subjectæ & functione; per textum notabilem *Innocentii III. cap. Solite. tit. De Majorit. & obedient.* ibi: *Ad firmamentum cali, hoc est, universalis Ecclesie, fecit Deus duo magna luminaria, id est, duas instituit dignitates, quæ sunt Pontificalis auctoritas & Regalis potestas: sed illa, quæ præest diebus, id est, spiritualibus, major est; quæ verò carnalibus; minor: ut quanta inter solem & lunam, tanta inter Reges & Pontifices differentia cognoscatur.* Cui consonat illud, quod ex *Gelasio* Papa refertur, *can. Duo sunt. Dist. 96.* videlicet: duplici Imperio mundum regi; *Auctoritate Pontificis & Potestate Regis.* Quò facit; quòd *Nicolaus*, postquam in *Epist. ad Michaëlem Imperatorem* dixit: ante Christi adventum, quosdam fuisse simul Reges & Sacerdotes, subdiderit: *Cum autem ad verum ventum esset, ultra sibi, nec Imperator jura Pontificatus arripuit, nec Pontifex nomen Imperatorum usurpavit. Quoniam idem mediator Dei & hominum Christus Jesus, sic actibus propriis & dignitatibus distin-*

Ec

Atis,

his, officia potestatis utriusque discrevit &c. Ut & Christiani Imperatores pro æterna vita, Pontificibus indigerent, & Pontifices pro cursu temporalium tantummodo rerum, imperialibus legibus uterentur. Hic textus refertur in *can. Cum ad verum. Dist. 96.*

96. *Ratio rationis est;* quòd ex veriori *Publicistarum* sententia, Imperialis aut Regia potestas non profluat immediate à Pontifice; sed: vel à Deo, vel à Republica, ut supra. à n. 11. usque ad n. 15. fusiùs demonstratum. Ergo Pontifex non habet *directum*, in Reges & Regna, *Imperium temporale*. Proinde Papa, non potest Reges aut Principes ita liberè constituere vel destituere, sicut Episcopos aut Parochos; adeò, ut, si absque legitima causa, salutem animarum concernente, Principem aliquem Regno privare pertentaret; non solum peccaret; sed etiam nihil ageret; eò quòd sententia ab incompetente iudice lata, nullius sit roboris; quod ob contrariam rationem, secus est; si Papa v. g. etiam sine causa, Episcopos vel Parochos, jurisdictione privaret, vel Episcopatum, in certo loco, extingueret. Teneret enim & verosimiliùs valeret Papæ sententia, licet fortè illicitè ageret. Quod bene notent & cordi ducant Ecclesiæ *Ultrajectinæ* infani Defensores, qui humillimè supplicando, haud verò *protestando & damnabiliter à S. Pontifice, ad futurum Generale Concilium, appellando;* pristina jura vetustissimæ Ecclesiæ, postliminio recuperare possent, quod ut aliquando fiat, animus exopto. Vide dicta hoc *cap. n. 58.*

97. Ob rationem adductam, in causis possessionum, aliarumque rerum temporalium, non licet à Regibus, provocare ad Papam, ut liquet ex *cap. Si duobus. tit. De appellationibus.* ubi *Alexander III.* rogatus: an appellatio à civili iudice, ad

Papam, teneat; Respondit tenere, quòd ad eos, qui temporali Pontificis jurisdictioni sunt subjecti; quales sunt illi, qui in statu Ecclesiastico, v. g. *Romæ, Bononiæ &c.* degunt; non tenere verò, quòd ad alios extraneos, juxta rigorem juris; quia, extra territorium jus dicenti, impune non paretur, & ut habetur *cap. causam. tit. Qui filii sint legitimi. Ad Regem pertinet, non ad Ecclesiam, de possessionibus judicare.* Unde *ibid. cap. per venerabilem. Innocentius III.* affirmat & fatetur: quòd Rex Francorum, in temporalibus, non recognoscat superiorem, super terram.

98. *OPPONES: Theodosius Imperator* sanxit: ut omnes causæ etiam Civiles, terminarentur iudicio Episcoporum, prout colligitur ex *can. Quicunque. & can. Omnes. caus. 11. quæst. 1.* Idem constituit *Carolus Magnus* relatus in *can. Volumus. ibid.* *RESP.* Ista capitula non esse summorum Pontificum Decreta, sed placita pientissimorum Imperatorum; qui, pro sua in clerum veneratione & fiducia, non soli summo Pontifici, sed & omnibus Episcopis & Prælati sublimioribus, illum honorem detulerunt. Verùm, ut rectè observat *Dominicus Soto* in 4. *Dist. 25. q. 1. art. 1.* Canones isti jam pridem, nedum contrario usu, sed & Pontificum Constitutionibus, abrogati noscuntur; ita, ut in causis civilibus [extra Statum Ecclesiasticum, seu, ut dici solet, *Patrimonium Divi Petri*] appellatio ad summum Pontificem, nullius sit efficaciz. per cit. *cap. Si duobus. De Appellat.* Unde ad summum, saniores SS. Canonum Interpretes & Jurisconsulti Catholici, illis duntaxat in casibus, admittunt appellationem ad Pontificem; quibus controversia non potest definiri per iudices sæculares, puta: si partes contendentes vel non recognoscant superiorem; vel ju-

Judex nolit administrare justitiam; aut demum, alteruter litigantium condemnatus, nolit parere sententiæ. His enim casibus, causas etiam profanas, devolvi ad summum Ecclesiæ Tribunal, per modum correctionis fraternæ, non obscure colligitur, nec immerito statuitur in *cap. Novit. tit. De judiciis*. ubi vide *Augustinum Barboſam*, in *Collectaneis*; & *Prosperum Fagnanum*. Quod si reclames dictum *Nicolaus* Papæ, de quo supra. vel provocet ad Officiū Ecclesiasticum de 18. *Januarii. de Cathedra S. Petri Romæ*: In quo legitur: *Tibi tradidit Deus omnia regna mundi*. RESP. cum *Bellarmino*, lib. 5. de *Rom. Pontif. cap. 15.* quod summus Pontifex alludens ad elogium Salvatoris *Matth. 15.* nil aliud velit indigitare, quam, quod Assessor noster *Divo Petro* Vicario suo, concesserit eatenus jus regni terreni simul & cœlestis; quatenus ei potestatem contulit solvendi & ligandi in terra, quod pro soluto ligatove, rati & grati habendum sit in cœlis. Non displicet autem expositio *Dominici Soto*, loc. cit. dicentis: eo loco traditam fuisse *Divo Petro* & ejus successoribus *indirectam* in Reges & Regna terrena potestatem; videlicet, in ordine ad finem spirituale. Ita, ut Christus *Divo Petro* tradiderit omnia regna mundi, ut inibi Evangelium possit annuntiari, fides prædicari, vera Ecclesia stabiliri &c. Neque aliud insinuare voluit *Gelasius* Papa, in prosa Ecclesiastica incip. *Clare Sanctorum*.

99. INSTABIS. Pontifex potest depone Imperatores & Reges, ut probari potest ad exemplorum inductione; Ergo habet temporalem & supremum aut *supereminens*, in ipsos & Regna ipsorum, *dominium*. Quidquid sit de factis, variâ crisi, à *Publicistis*, præsertim Sedi Pontificiæ infestis, passim notatis; ego, cum agmine Orthodoxorum Doctorum, RE-

SPONDEO: Pontificem nec deposuisse, nec posse pro lubitu, & ex quavis causa, deponere Reges, aut ipsorum subditos, à juramento fidelitatis & subjectionis absolvere; sed tantum id posse, si salus animarum spiritualisque Ecclesiæ necessitas hoc postulet. Vide *R. P. Franciscum D. Engbien* in libello, cui titulus: *Autoritas Sedis Apostolicæ*, pro *S. Gregorio Papa VII. vindicata*. ubi contra *Natalem Alexandrum*, oporosè demonstrat, quodd *S. Gregorius* Papa de jure potuerit deponere & defacto jussu deposuerit *Henricum IV. Germaniæ Regem*.

100. URGEBS: Papa tempore *interregni*, seu vacante Imperio, succedit Imperatori in potestate imperiali, ut asserit *Clemens V. in Clementina. Pastoralis. tit. De sent. & re judicata*. Ergo &c. RESP. Ita quidem olim ante *Auræ Bullæ à Carolo IV.* conditæ constitutionem, usu receptum fuisse; non, quod Pontifex vacante Imperio, succederet Imperatori, in omni regimine temporali; sed, ut causæ, moram non ferentes, tempore *interregni*, æquanimiter dirimerentur. Dixi: ante *Auræ Bullæ &c.* per hanc enim Imperio Romano-Germanico, de binis Vicariis Imperii, *Palatino* scilicet & *Saxone*, abundè proviliū est. Qua de re videri possunt *Publicistæ*.

101. REPLICABIS. Si ita res se habet, cur ergo *Bonifacius VIII. in Extravag. Unam Sanctam. tit. De maj. & obed.* tradit; Ecclesiam habere duplicem potestatem, *spiritualem* scilicet & *materialem*, id est, *temporalem*. & cur *Alexander VI.* orbem nō detectum inter Hispaniæ & Lusitaniæ Reges divisit? RESP. Ecclesiam directè non fore, nisi unâ potestate scilicet spirituali munitam. Id quod *S. Pontifex Nicolaus* relatus *can. Inter hæc. caus. 33. q. 2.* sacrosanctè fatetur dicens: *Sancta Dei Ecclesia, mundanis nunquam*

constringitur legibus: gladium non habet, nisi spirituale. Equidem, quia ex causis supra memoratis, ad temporalia quoque prorogatur; ideo *indirectè & consecutivè*, temporalis sæpe audit, ut proinde potestas per se & formaliter una, sit quadatenus duplex, *virtualiter* scilicet, aut *eminenter*.

Adverte hic, benevole Lector! quoddam *Pseudopolitici & Moraliste Protestantes* in odium S. Romanæ Ecclesiæ, pluries effutiant; Romanos quosdam Pontifices nimium dilatasse philacteria sua, usurpando etiam in Reges potestatem incompetentem. Audi nunc, quid *Bonifacius* per utrumque gladium, seu utramque potestatem intelligat. *In hac* (scilicet Ecclesia, inquit) *ejusque potestate, duos esse gladios, spirituales videlicet & temporales; Evangelii diffusi instruimur.* Nam dicentibus Apostolis: *Ecce! duo gladii hic, in Ecclesia scilicet; non respondit Dominus, nimis esse, sed satis.* Certè, qui in potestate Petri, temporalem gladium esse negat, malè verbum attendit Domini proferentis: *converte gladium tuum in vaginam.* Uterque ergo est in potestate Ecclesiæ, spiritualis scilicet gladius & materialis, sed is, quidem pro Ecclesia, ille verò ab Ecclesia exerendus. Ille Sacerdotis; is manu Regum & militum; sed, ad nutum & patientiam Sacerdotis. *Oportet autem gladium esse sub gladio, & temporalem autoritatem, spirituali subiaci potestati &c.* Confer Divum Bernardum lib. 4. de consideratione. cap. 3. ubi iisdem pene verbis dogmatizat. Porro, ad id, quod de *Alexandro VI.* refertur; aliud ex Sacrorum Canonum intellectu, Respondere non licet; quàm, quoddam Pontifex iste, sphaeram suæ potestatis haud excedens, aliter non fuerit inter Reges *Hispania & Lusitania* partitus neò detectam orbis partem *Americanam*; quàm, ut sub eorum auspiciis, eò mitterentur Evangelii

Præcones, iique inibi protegerentur ab insultibus & tyrannide infidelium. An autem gentiles & infideles ideo, quia tales sunt, Regnis & bonis suis spoliari, torqueri, imò trucidari possint; longè alia est quaestio, quam Deo adjuvante, infra tractabo. Interim, hac de re videre poteris *Angelicum Doctorem. 2. 2. quaest. 10. art. 10.* & non est spernendus hac in parte *Durandus* in *2dum sententiarum. Dist. 44. q. 3.* Ubi negat; infideles, in paganis hujusmodi plagis mundi, Reges aut homines privatos, posse privari dominio, quod istic locorum habent in Christianos; præsertim, si ab iis non cogantur abjurare fidem, aut blasphemare Salvatorem. Ratio *Durandi* est, partim; quia deest Ecclesiæ jurisdictio: partim; quia hoc esset, infideles cogere ad fidem, quæ suadenda, non extorquenda est.

102. INSURGES Denique: ipsemet *Angelicus Doctor* sub finem libri *2di sententiarum* dicit; in *Papa* esse apicem utriusque potestatis, spiritualis scilicet & secularis: & quidem ex dispositione illius, qui est Sacerdos in æternum, secundum ordinem Melchisedech, & Rex regum, ac dominus dominantium. Id quod idem S. Doctor docuit in *Epistola primam ad Corinth. cap. 6.* ubi ait: juxta Apostolum, datam esse Ecclesiæ potestatem iudicandi secularia. *RESP.* Divum *Thomam* nequaquam docere; quoddam S. Pontifex, jure divino, habeat directam, summamque potestatem in secularia; siquidem in caput *13tium Epist. ad Rom.* scribens, ait: Clericos esse exemptos à tributis, ex privilegio principum sæcularium, quod non esset verum; si Pontifex esse supremus temporalium dominus. Quocirca S. Doctor *loc. cit. ex 2. sent.* vel loquitur de potestate, quam habet Pontifex in illis regnis aut provinciis, quæ ex *Constantini* aliorumque Regum donatione, temporali ejus subjiciuntur imperio; vel

certe vult, in summo Pontifice, esse apicem utriusque potestatis per totum orbem, in sano & alias explicato sensu. Ita nempe, ut in ipso sit apex potestatis spiritualis, *directè & per se*; secularis verò potestatis, *indirectè & consequenter*. Recole omnino dicta *lib. 1. cap. 14. à n. 18. usque ad n. 38.*

103. Pro coronide hujos sat prolixi capitis, unicam adhuc discutiamus questionem: Num Imperator *Romano-Germanicus*, habeat dominium totius orbis?

Sanè communis & vera *Publicistarum* sententia est: Imperatorem *Romano-Germanicum* omnibus quidem Principibus Christianis, autoritate & dignitate, esse superiorem; absolutè tamen, nec *proprietas* nec *jurisdictionis* dominium habere, in totum terrarum orbem, imò nec in omnia regna Christianorum. Ratio *primæ partis* habetur ex usu veterrimo, cui superstructa est *Aurea Bulla Caroli IV. Cæsar*is, ad quam vide *Goldastum, Carpozovium* & alios passim. Ratio *2dæ*; imò *utriusque partis* est; quòd neque *jure naturæ*, neque *jure positivo divino* vel *humano*, Imperator habeat orbis dominium. Non *jure naturæ*, vel *divino*, quia de illo, nullum uspiam vestigium invenitur, sed nec *jure humano*; quia nec de illo quidquam constat, ut rectè arguit *D. Thomas 2. 2. q. 10. art. 10.* Igitur, licet Augustissimus Imperator noster *Romano-Germanicus*, quâ Fidei Catholice Defensor & Romanæ Ecclesiæ Advocatus, possit convocare & congregare Principes Christianos saltem eos, qui ab ejus jurisdictione non sunt exempti, idque ad hæreticos arcendos, ad schismata sedanda, & ad propulsandos crucis Christi inimicos, nihilominus, Imperator non potest pro lubitu, uti rebus aliorum Regum aut Principum, neque potest eos Regno vel Principatu spoliare. Vide dicta *cap. 3. n. 60.*

Dices: si, ut ex dictis abundè liquet,

detur suprema spiritualis potestas residens in uno, scilicet Romano Pontifice; cur non daretur etiam summa potestas civilis residens in uno videlicet Imperatore Romanorum? *RESP.* Duplicem esse disparitatis rationem. *Prima* est, quòd spiritualis potestas sit immediatè instituta à Christo, & tradita Divo *Petro* ejusque successoribus; civilis autem potestas, sit quidem à Deo, sed mediante Republicâ, quæ, sicut est varia, pro diversitate gentium; ita una transtulit summam potestatem in hunc, alia in alium Principem. Neque unquam omnes Respublicæ congregatæ sunt, aut congregari potuerunt, ut unum caput eligerent: & quamquam olim Romanum Imperium fuerit latissimè diffusum, illique paruerint nationes permultæ; nullus tamen Romanorum Imperatorum, Dominus fuit totius mundi. *Alterà ratio* est; quòd, cum una tantum sit salvifica fides & Christiana Religio, omnino conveniens sit, penes unum, esse summam auctoritatem discernendi ea, quæ à Christi fidelibus credenda & opere explenda sunt. Unitas enim fidei non posset seivari, nisi quæstio de fide orta, posset determinari *per unum*, inquit *D. Thomas 2. 2. q. 1. art. 10.* At verò in civilibus & temporalibus, cum sint diversissimi hominum mores, & consequenter leges ac Respublicæ diversæ; decet etiam esse Reges diversos, qui per leges convenientes, populos regant diversos. Experientiâ enim constat, rebellionibus & tumultibus patere plerumque imperia, sub quibus diversæ nationes continentur; ut meritò dixerit *Philosophus lib. 7. Politic. cap. 4.* civitatem non esse eò meliorem quò majorem, sed tantam debere esse, ut bene possit gubernari. Confer quæ diximus supra *cap. 3. à n. 19. usque ad n. 36.* Adde *Victoriam. in relectione, De Indis. lect. 2. Dominicum Soto. lib. 4. q. 4. art. 2. & Bannez in tract. De Dominio.*

CAPUT VIII.

DE

BELL O.

SUMMARIUM.

- 1 **B**ellum unde dictum? 13 Ut bellum sit legitimum & per-
 2 Belli descriptio. missum, requiritur 1^{mo} autho-
 3 Belli divisio. ritas summi principis bellum in-
 4 Bellum solemne, qua- dicentis.
 le dicatur? An
 omne bellum publicum sit solem-
 ne? ibid.
 5 Quis censeatur summam habere
 potestatem, ut solemne bellum
 gerere possit?
 6 Bellum aliud offensivum, aliud
 defensivum.
 7 Quinam negaverint, esse licitum
 bellare?
 8 Probatur, quod & Christianis,
 ob causas legitimas, non sit pro-
 hibitum bellare.
 9 Jus naturæ, non improbat bella
 justa.
 10 11 & 12 Respondetur ad argu-
 menta ex sacris litteris deprompta
 13 Quia ratione, unus princeps alio-
 quin supremus, fiat altero infe-
 rior?
 14 Non solus Imperator bellum in-
 dicit.
 15 Principes Christiani bellum in-
 dicere possunt sine consensu sum-
 mi Pontificis; qui tamen arbi-
 trium suum, ad pacem, interpo-
 nere potest.
 16 2^{da} Requiritur ad legitimum
 bellum, ut ex justa causa susci-
 piatur.
 17 Recensentur in specie, causæ justæ
 18 Quanta debeat esse injuria, quæ
 ad movendum bellum sufficiat?
 19 An, & quatenus princeps laesus
 teneatur

- teneatur desistere à bello, si ipsi oblata fuerit satisfactio?
- 21 *Præcedens resolutio procedit, etiam cæpto jam bello.*
- 22 *3^{ta} Ad legitimum & inculpabile bellum requiritur recta intentio ex parte belligerantium.*
- 23 *Ponitur discrimen inter tres memoratas condiciones ad bellum requisitas.*
- 24 *In bello aliquin iusto, privato ausu præliantes & prædantes, an sint obnoxii restitutioni faciendæ iis, quibus damnum intulerunt?*
- 25 *Quid sint Repressaliæ, & quandam sint licitæ?*
- 26 *An Repressaliæ usurpari possint in vitam innocentium?*
- 27 *Repressaliæ non sunt per se iniustæ.*
- 28 *Nec jure etiam positivo, sive canonico, sive civili, prohibita.*
- 29 *In quos Repressaliæ locum habeant?*
- 30 *Hodierno jure, facultas Repressalias exercendi, à summo principe aut magistratu ordinario, peti solet.*
- 31 *Qualiter jure gentium & civili, rerum, per Repressalias aut pignoraionem captarum, dominium acquiratur?*
- 32 *An, & quatenus quis, ex facto vel delicto alieno, teneatur?*
- 33 *Jure gentium inductum est; ut pro debito civili communitalis vel ejus capitis, obligata censeantur bona civium vel incolarum,*
- 34 *In moralibus, tanta non invenitur certitudo, ut in Mathematicis.*
- 35 *Quod in se justum est; ex parte operantis, injustè potest fieri.*
- 36 *Cur in moralibus, animus sæpe in divio hæreat?*
- 37 *Indocti, peritiores debent consulere, & eorum sana consilia sequi.*
- 38 *Pars tutior semper eligenda.*
- 39 *Ad pacem, in dubio, potius, quam ad bellum, vertenda sunt consilia.*
- 40 *Bellum anteverti & impediri potest, 1^{mo} per colloquium, seu conferentias.*
- 41 *2^{do} Per compromissum.*
- 42 *3^{io} Per sortitionem; imò & per singulare certamen.*
- 43 *An, & quatenus dari possit bellum ex utraque parte justum?*
- 44 *Exemplum belli utrimque formaliter just.*
- 45 *Quid, si bellum, quod ab initio justum credebatur; postea injustum deprehendatur? Anne tali bello, damna innocentibus illata, aut capta, restitui debebunt?*
- 46 *Non ob quamvis injuriam, mox ad arma procedendum.*
- 47 *Princeps in puniendo vel vindicando, clemens & benignus esse debet.*
- 48 *Id quod maximè obtinere debet in Principe Christiano.*
- 49 *Si rei gravitas & justitia, bellum postulet; videndum etiam: an hoc sit consultum & salutare Reipublicæ?*
- 50 *Pœnæ nomine, hosti viribus pari-*

- ri, aut desperatè pugnaturò baud inferendum bellum. A bello propriis subditis periculoso, interdum etiam ex iustitia abstinendum est Principi.
- 51 Ut bellum prudenter suscipiatur, propriæ, & Adversarii vires; item: tempus & oportunitas consideranda sunt.
- 52 Bellum, non nisi ob urgentem & publicam necessitatem, suscipiendum est.
- 53 Homo secundum se, & extra civile imperium consideratus, naturaliter sui juris vindex est. Aliud est; si, ut membrum Reipublicæ, & ut Christianus consideretur.
- 54 Episcopis & Clericis, regulariter illicitum est belligerare.
- 55 Quibus Clericis prohibitum sit belligerare?
- 56 Clerici in bello alioquin iusto, ex parte sua illicitè pugnantes, an teneantur ad restituendam prædam, quam ab hostibus reportarunt.
- 57 Sacri Imperii Romano-Germanici Principes Electores Ecclesiastici, possunt absque irregularitatis incurrendæ periculo, constituere Duces Exercitus, aut causas sanguinis, aliis delegare.
- 58 Clerici etiam Sacerdotes, nedum in castris, licitè spiritualia militibus ministrant; sed & citra noxam, illos ad strenuè pugnandum in bello, ut supponitur, iusto, exhortantur.
- 59 Num Clerici, cum licentia Pape, aut alioquin urgente necessitate, pugnantes, fiant irregulares?
- 60 Irregularitas etiam sine culpa Theologica incurri potest.
- 61 Clericis non est prohibitum bellare, jure divino.
- 62 & 63 Diluuntur objectiones.
- 64 Naturaliter non solum unusquisque sui, sed & alieni juris defensor est.
- 65 An civis innocens, ab hostibus ad interfectionem postulatus, deferri possit?
- 66 An ad evitandum Civitatis excidium, civis innocens in manus hostium tradi queat? An is se offerre teneatur? ibid.
- 67 An innocens se taliter hosti consecrare recusans, vi compelli possit?
- 68 Socii & Clientes, quatenus armis juvari & defendi debeant?
- 69 Amicis singulariter assistendum.
- 70 Homo hominem, & populus populum, qualiter absque speciali fœdere, ab injuriis defendere teneatur?
- 71 Num pro alienis subditis, ut à tyrannide proprii Regis liberentur, licitè suscipi queat bellum?
- 72 Pessimè agunt, qui absque cause discrimine, vel solius mercedis intuitu, alteri militant, aut copias mittunt auxiliares.
- 73 Res horrenda est bellum, & ideo absque summa necessitate, baud suscipiendum.
- 74 An, & quatenus Princeps Catholicus

- licus possit infideles in auxilium vocare, vel ipsos adjuvare?*
- 75 *Christiani, metu mortis adacti, contra Christianos remigantes vel praeliantes, an, & quatenus peccent; & num fiant irregulares?*
- 76 *An sic coactè remigantes, excusandi sint ab excommunicatione?*
- 77 *Infidelitas quotuplex?*
- 78 *Infideles propriè dicti, non sunt armis vel tormentis compellendi ad fidem Catholicam.*
- 79 *Præcedens assertio solidè probatur.*
- 80 *Exponitur sensus parabolæ Luc. 14.*
- 81 *Tyrannicè agunt infideles, dum causâ Religionis, torquent aut trucidant Christianos.*
- 82 *Diluitur Objection.*
- 83 *Principes Christiani, armis compellere possunt Paganos, ne deserviant in Christianos, nève fidei annuntiationem impendant.*
- 84 *Hæretici & Apostata, ab Ecclesia compelli possunt ad recipiendam & profitendam fidem orthodoxam, quam deseruerunt.*
- 85 & 86 *An, & quatenus infideles cogi possint ad audiendam Evangelii prædicationem?*
- 87 *Parentes Christiani cogi possunt, ut liberos suos baptizari curent. Infidelium infantes, invititis parentibus, validè baptizantur, ibid.*
- 88 *Minimè tamem sic baptizantur licitè.*
- 89 *Occurritur objectionibus.*
- 90 *Excipiuntur tres casus; quibus, A Hochkirchen, Ethic. Christ. Pars II.*
- invitis parentibus infidelibus, licet eorum infantes baptizare.*
- 91 *Addi potest quartus casus, de prolibus parentum infidelium, jure belli & Talionis redactorum in servitutem Christianorum.*
- 92 *Quo sensu, jus parentum in liberos, sit naturale?*
- 93 *Obligatio eorum, qui invititis parentibus infidelibus, liberos eorum baptizari fecerunt.*
- 94 *P. Carolus Renatus Billuart refutat argumenta Patris Francisci Henno contententis, Parentes infideles nullum habere jus impediendi, quò minus baptizentur eorum infantes.*
- 95 *An contra Idololatrias aut Paganos, propter delicta directè in Deum commissâ, bellum suscipi possit?*
- 96 *Resolvitur quæstio affirmativè.*
- 97 *Declaratur isthæc resolutio.*
- 98 99 & 100 *Ostenditur, quasdam notiones de Deo, esse universales, primævas, & cunctis perspicuas, alias verò non ita evidentes.*
- 101 *An Idololatræ indiscriminatim, morte puniri possint?*
- 102 *Princeps Christianus compellere potest Paganos sibi subditos, ut observent legem naturæ.*
- 103 *Judeorum ritus, an, cur, & quatenus tolerandi? Aliorum infidelium ritus inter Christianos baud faciliè tolerandi. ibid.*
- 104 *An, & quatenus fideles possint communicare cum infidelibus?*
- 105 *Intellectus verborum 1. Cor. 10. Ff*

- 106 *Quarum rerum commercium prohibitum sit Christianis cum Paganis?*
- 107 *Quorundam Ethnicorum libri ob sermonis elegantiam usum habent, sed Thalmudica Judæorum commenta, perinde ac libri hæresin continentes, merito proscripta sunt.*
- 108 *Principes Catholici in suis disionibus, hæreticos & eorum ritus tolerare non debent, si illos absque notabili jactura boni communis, extirpare queant.*
- 109 *Per se loquendo, hæretici ob hæresin, ultimo supplicio puniri possunt.*
- 110 *Respondetur ad argumenta opposita.*
- 111 *Enervatur Grotii discursus.*
- 112 *An populi extranei, bello possint impeti, ed quidd in jus naturæ delinquant?*
- 113 *Violantes passim Generalia præcepta juris naturalis, bello castigari possunt.*
- 114 *An ad servandum [ut ajunt] æquilibrium, bellum suscipi possit?*
- 115 *Ob probrosam & indignam Legati tractationem, suscipi potest bellum.*
- 116 *De quibus Legatis, præcedens resolutio procedat.*
- 117 *Quatenus immunitas seu inviolabilitas competat Legatis?*
- 118 *An Legatorum immunitas extendatur ad Comites, officiales, & familiares; item: ad res ipsorum?*
- 119 *An jure Talionis arrestari, torqueri, aut interfici possit Legatus?*
- 120 *Legitima belli gerendi causa non debet esse duntaxat suasoria, sed justificata.*
- 121 *Ex quibus injuriis nascuntur actiones forenses, ex iisdem respectivè resultant causæ belli justificæ.*
- 122 *Quâ ratione, ob injuriam non factam, sed quæ fieri timeatur, bellum suscipi possit?*
- 123 *Summopere culpandi sunt, qui absque causa justifica alienas ditiones armis invadunt.*
- 124 *An ob negatum alibi connubium, vel recusatum domicilium, suscipi possit bellum? An item inventionis titulo, gens una possit vindicare illa, quæ ab alia gente possidentur.*
- 125 *An populus in servitutem redactus, libertatis recuperandæ obtentu, possit bellum gerere?*
- 126 *An Romanorum Imperator jus habeat subjugandi sibi gentes externas, & eorum terras occupandi?*
- 127 *Num tale jus à Pontifice conferri possit Imperatori?*
- 128 *Bellum solemne, speciali titulo, dicitur justum.*
- 129 *Hostis quis propriè dicatur?*
- 130 *Civitas, quando incipiat, vel desinât subsistere?*
- 131 *Prædonum societas, quatenus fieri possit civitas?*
- 132 & 133 *An, & quo jure, ad bellum*

- belli justitiam requiratur pravia
indictio.
- 134 *Belli denuntiatio, purè, aut conditionatè fieri potest.*
- 135 *Quibus caremoniis, veteres bellum indixerint?*
- 136 *An bellum uni Principi indictum, indictum quoque censeatur aliis ipsi confederatis, aut subditis?*
- 137 & 138 *Quando, & cur belli indictio facienda?*
- 138 *In bello solemnì & justo, illa sunt licita, quæ boni communis necessitas fieri postulaverit.*
- 140 *In bello solemnì, aliquid licitum vel illicitum esse potest, vel ex beligerantium conventionione; vel absolute, ex naturali, aut Gentium jure.*
- 141 *Absque Divina revelatione, non licet per se & ex intentione directa, in bello quantumcunque justo, occidere innocentes.*
- 142 *Nomine innocentium, quidam veniant?*
- 143 *Innocentes, qui sunt subditi Rei publicæ hostilis, quatenus bonis suis spoliari, & in captivitatem deduci possint?*
- 144 *Occurritur objectioni.*
- 145 *Limitatur resolutio præcedens.*
- 146 *Peregrinos, advenas aut hospites, qui in civitate hostili reperiuntur, spoliare non licet, nisi constet de ipsorum culpa. Idem est de locis sacris & piis.*
- 147 *Quid de iis, qui hostes non sunt, hostibus tamen res aliquas suppedi-*
- tant; an res ipsorum, præda subja-*
cent & intercipi possunt?
- 148 *Pluribus modis, quid licitum esse, intelligi potest.*
- 149 *Quinam impunè, in bello solemnì, offendi vel occidi possint?*
- 150 *Gentes ferociores, occidendi licentiam, in mulieres, infantes & captivos prorogabant.*
- 151 *Gentium jure, hostes dediti, & sine conditione, aut venia promissione recepti, non consequuntur jus in vitam suam conservationem; sed duntaxat speciem gratiam.*
- 152 *Rigor ille nimius, apud homines aliter sustineri non potest, quàm quòd impunitus maneat.*
- 153 *Multa Gentium jure permixta sunt, quæ jure naturæ sunt vetita; nonnulla quoque illo jure sunt licita, quæ hoc sunt permixta.*
- 154 *Est contra jus Gentium saltem Europæarum, arma veneno insicere.*
- 155 *Belli quoque jure, non licet flumina, rivis, aut fontes, unde homines communiter bibunt, veneno insicere.*
- 156 *An, & quatenus, immisso clam percussore, hostem in opinatè liceat trucidare?*
- 157 *Jure Gentium, in bello alioquin justo, nequaquam permixta sunt stupra, in hostium feminas.*
- 158 *Speciata justitiâ internâ, nemo etiam in bello justo, justè & inculpate occidi potest, nisi in pœnam interfici mereatur; aut: nisi alioquin vitam & res nostras tueri non valeamus.*

- 159 *Quid Victori, in foro poli, liceat in hostem victum & subactum?*
 160 *Jure naturali, quibus specialiter parcendum sit inter hostes devictos?*
 161 *Æquitas naturalis postulat, ut victis & captis militibus vita relinquatur.*
 162 *Nec pretextu Talionis, neque ad incutiendum aliis terrorem, trucidari possunt hostes exarmati & capti, nisi personalia delicta, morte digna perpetraverint.*
 163 *Si multitudo, quid morte dignum, pataverit: mitius singuli puniendi, aut pauci ad penam trahendi.*
 164 *Obsides, propter perfidiam, aut peccatum aliud Reipublicæ, occidi nequeunt. Neque moribus probari potest conventio, ut obsides occidere liceat, si ex parte dantis Obsides, pacta non servantur. ibid.*
 165 *Singulares provocaciones & commisiones, generositatis, & virium ostentationis causâ, factæ, culpâ non vacant.*
 166 *Gentium jure, res hostiles, ita victoribus cedunt, ut nequidem res sacræ, aut Deo dicatæ excipiantur.*
 167 *A fortiori, loca Religiosa, victoribus subjiciuntur.*
 168 *Ut jure naturæ, & absque reatu culpâ coram Deo, res alterius auferri vel destrui possit: requiritur, aut extrema necessitas; aut debetum; vel delictum alterius præcedens.*
 169 *Arbores frugiferæ, in solo hostili, regulariter non excidendæ, aut evellendæ, neque adificia destruenda. Excipe:*
 170 *Nisi atrocitas criminum, tantam penam exigat.*
 171 *Sata aut alimenta hostium, quandonam destruere liceat?*
 172 *Naturali & Divino jure, non violanda res sacræ, aut sacris usibus consecrata.*
 173 *Nedum locis sacris, sed & religiosis parcendum.*
 174 *Non solum naturalis, sed & civilis ratio postulat, ut cum moderamine, res hostium trahantur.*
 175 *An, & quatenus, in bello, dolis uti liceat?*
 176 *Dolus alius consistit in actu negativo; alius, in actu positivo.*
 177 & 178 *Exactè ponderatur mendacii definitio.*
 179 *Nec pro salvanda vita innocentis, neque ad fallendum hostem, in foro poli, licitum est mentiri, sicut post alios erroneè tradit Grotius, malè & corruptè citans Divum Patrem Augustinum.*
 180 *Proponuntur Grotiana argumenta, ex quorum resolutione firmatur Augustiniana assertio; quod mendacia etiam jocosæ & officiosæ, non vacent culpâ saltem veniali.*
 181 *Cur Divus Pater Augustinus, duos libros singulares scripserit, unum scilicet: De mendacio; & alterum: Contra mendacium?*
 182 *An, & quatenus in bello solemnî, à populo pacato; seu, ut dici solet: neutrali; annona, pecunia, comestus,*

- meatus, aut quid simile exigi possit à belligerantibus?
- 183 Qualiter se gerere debeant cum utrimque belligerantibus, qui neutrarum partium sunt?
- 184 Qui miles non est, non habet jus pugnandi cum hoste, imò nec miles culpâ vacat, si injussu Ducis pugnet.
- 185 Quinam speciali mandato pugnandi censeantur muniti?
- 186 In bello solemnî, bona hostibus erepta, indefinitè censeantur jure gentium, fieri capientium.
- 187 Quatenus & id procedat jure naturali?
- 188 Quandònam res hostilis plenè capta censeatur?
- 189 Ager captus, ut in hostis dominium cedat, debet ab illo firmiter possideri.
- 190 Non omnis res, quæ apud hostes reperitur, hostilis est.
- 191 Cuiam determinatè, in bello publico & solemnî, acquirantur res ab hostibus captae.
- 192 Quid hac in parte, legibus Hebræorum statutum fuerit? Quid moribus Græcorum olim observatum. ibid.
- 193 Quid Romanorum legibus eatenus sancitum?
- 194 Hodiernis moribus, quid obtineat inter Christianos, circa res hostibus ereptas?
- 195 Si præda ab hostibus recuperata, rursus ipsis, ab altero manipulo militum eripiat, spectabit ad secundum manipulum.
- 196 Cur milites, in expeditione publica, versantes; non sibi, sed Reipublicæ, prædam acquirant?
- 197 Privati, propriis sumptibus, naves bellicas instruunt; quatenus prædam faciant suam?
- 198 Quid juris, de mercibus amicorum, repertis, in navibus hostium, & e contra?
- 199 An magis expediat, ut quisque, quod cepit, habeat; An, ut inter commilitones fiat prædæ distributio?
- 200 Cui cedat navigium cum mercibus, quod quidem per hostes captum, sed rursus à nostratibus recuperatum est? Quid ea tenus, ab Hollandiæ Statibus resolutum? ibid.
- 201 Quid, si navis per hostes capta, à tertio redempta fuerit?
- 202 An capta res hostilis in fundo pacato, fiat capientium?
- 203 Quinam bello capti, servi fiant capientium?
- 204 Quid jure Gentium veteri, domino licuerit in servum?
- 205 Ab injusto hoste capti, tutâ conscientia ausugere possunt, id quod firmatur per solutionem objectionum.
- 206 Victor, victos nedum singulos, sed & universos, pro arbitratu suo, sibi subicere potest, vel merè civiliter, vel merè heriliter, vel mixtum.
- 207 Inter deditionem, & violentam capturam, non est discrimen faciendum, quantum attinet ad jus victoris.
- 208 Naturali jure, quid Victor possit in victos?

- 209 *Servis à domino beneficium præstari potest, & peculium relinqui.*
- 210 *Postliminium, quid nominis, & rei?*
- 211 *In pace quatenus sit Postliminium?*
- 212 *An, & quatenus durante bello; postliminium obtineat?*
- 213 *Statuuntur exceptiones à Regula, quæ dicit: quod Postliminiò rediens recuperet omnia jura sua.*
- 214 *Servi & ancilla ab hostibus reversi, domino pristino reddendi sunt.*
- 215 *Agri, & coherentia solo, Postliminiò recuperantur.*
- 216 *Sed hoc in rebus mobilibus bello amissis regulariter non procedit.*
- 217 *Res in bello injusto captæ, in foro poli, dominis reddendæ sunt.*
- 218 *Dantes aliis damna in bello injusto, tenentur illa rescire.*
- 219 *Hosti data fides servanda est.*
- 220 *Diluuntur objectiones.*
- 221 *Promissa in bello solemnè pacis causâ, reputantur Gentium jure, valida, etsi promissio, per metum injustum, extorta sit. Aliud tamen suggerit jus naturale.*
- 222 *Quatenus sine perfidia, possit non præstari promissum?*

Martialis hujus materiæ vastitas & quæstionum diversitas postulat, ut distinctim singula ponderemus. Sit igitur

SECTIO PRIMA.

Quid & quotuplex sit Bellum?

Bellum à belluis, quidam dictum volunt, eo quod belligerantes plerumque belluarum ferocitatem imitari videantur. Divus Hieronymus Epist. 127.

quasi per *Antiphrasim*, bellum dici putat, eo quod minimè *bellum* videatur.

2. Cicero respiciens ad rem, nomine belli, significatam; bellum dicit esse *certationem per vim*. Rectius, prout ex dicendis patebit, bellum descriperis; quod sit: *diffidium armatum, libero populo, ab altero populo libero rite indictum. arg. l. 24. ff. De captiv. & postlim. revers.* Confer Paulum Voët De jure militari. cap. 1. n.

3. & seq. Usus tamen (inquit Grotius, De jure Belli & Pacis. cap. 1. §. 2.) obtinuit, ut non actio, sed status, eo nomine indicetur; ita, ut bellum sit: *Status per vim certantium quæ tales sunt*. Status autem ille intelligitur subsistere, non tantum in actuali conflictu, sed & in voluntate pugnandi, armisque congregiendi. Unde bene dixit Philo. II. De legibus specialibus. Hostes non soli existimantur, qui jam navali aut terrestri prælio certant, sed pro talibus habendi, & qui machinas admovent portubus aut mœnibus, etiam si nondum pugnam incipiant. & Servius ad illud prim. Æneidos: *Nec bello major & armis*. Bellum (inquit) & consilium

bellum habet; arma tantum in actu sunt.
& ibid. Bellum (ait) est tempus omne,
quo vel præparatur aliquid pugnae necessa-
rium, vel quo pugna geritur; Prælium au-
tem dicitur conflictus ipse bellorum.

3. Bellum primò dividitur: in priva-
tum, publicum & mixtum. Publicum
est, quod eo auctore geritur, qui sum-
mam in regno vel Republica jurisdictione-
nem habet. Privatum; quod à privatis
geritur. Mixtum, quod ex una parte, est
publicum; ex altera privatum. Bellum
aliquod privatum, interdum licitè geri,
quantum ad jus naturæ attinet; satis pro-
batum est lib. 1. cap. 9. n. 76. ubi osten-
dimus, posse quem se suæque armis defen-
dere. Et quamquam post constituta judi-
cia publica, multò sit honestiùs, & ad
quietem hominum conducibiliùs, iudicis
arbitrio, controversiam dirimere, quàm
propriâ manu, jus atque victoriam quæ-
rere; adeò, ut hodie vim facere dicatur,
qui id, quod sibi deberi putat, non per
iudicem reposcit. quia, ut inquit Pau-
lus J.C. De Reg. jur. Non est singulis
concedendum, quod per Magistratum publi-
cè fieri possit, ne occasio sit majoris tumultus
faciendi: Equidem, lex vetans, sine
iudicio, suum consequi; intelligi com-
modè debet, de casu & tempore, ubi
copia est iudicii, & iudex efficaciter im-
plorari potest, non verò, ubi cessat iudi-
cium vel momentaneè vel continuè. Mo-
mentaneè cessat, ubi sine certo periculo
aut damno, expectari iudex non potest.
Continuè verò; aut jure, aut facto. Jure,
si quis versetur in locis non occupatis,
ut: mari, solitudine, insulivæ vacuis, ubi
nulla sit civitas: Facto; si subditi iudi-
cem non audiant, aut iudex apertè causæ
cognitionem rejecerit & jus reddere nolit.

4. Bellum publicum subdividitur, in
solemne & minus solumne. Solemne dicitur,
quod utrimque geritur auctore eo,

qui summam potestatem habet in civitate,
& quo ritus quidam observantur, de quibus
postea. Bellum solumne, specialiter
vocari solet iustum, eo ferè sensu, quo
solemne testamentum codicillis opponitur.
Bellum minus solumne, est, quod vel ri-
tibus illis caret, vel geritur in privatos,
vel auctorem habet Magistratum summo
minorem. Præscindendo à legibus civili-
bus publicis; videtur quivis Magistratus,
sicut ad tuendam plebem sibi creditam,
ita ad exercendam jurisdictionem, si vis
occurrat, jus habere belli gerendi: sed
quia ex bello, tota civitas in discrimen
adducitur; ideo ferè omnium populorum
legibus, cautum est; ne bellum geri pos-
sit, nisi auctore eo, qui summam in civi-
tate potestatem habet. Unde & in jure
Romano, Majestatis læsæ reus habetur,
qui injussu Principis, bellum gesserit,
delectumve habuerit, & exeritum com-
paraverit. Qua de re, in Codice Justinia-
næ c. l. unic. Ut armorum usus inscio Prin-
cipe interdictus sit. exstat Constitutio Va-
lentiniani & Valentis, in qua sic habetur:
Nulli prorsus nobis inscii atque inconsultiis,
quorumlibet armorum movendorum copia
tribuat. Quò pertinet illud Divi Pa-
tris Augustini. lib. 22. cap. 74. contra Pau-
lum: Ordo naturalis mortalium paci ac-
commodatus hoc poscit, ut suscipiendi
belli autoritas atque consilium penes
Principes sit. Vide can. Quid culpatur.
caus. 23. q. 1. ubi Gratianus refert di-
ctum S. Patris. Sicut autem dicta quan-
tumvis generalia, per æquitatis rationem,
limitationem recipiunt; ita & hæc lex.
Non enim in primis est dubium, quin in-
feriori Magistratui, qui jurisdictioni præ-
est, liceat per apparitores suos, vi cogere
paucos refractarios, quoties ad eam rem,
copiis majoribus opus non est. Dein; si
ita præsens sit periculum, ut tempus non
ferat supremum consuli Principem; uti-
que

que necessitas exceptionem porriget. *Hoc enim* (inquit Cicero *pro milone*) *doctis & necessitas barbaris, & mos gentibus & feris natura præscripsit, ut omnem semper vim quacunque ope possent... propulsarent.* Quòd, si Princeps vindicare injurias populo illatas negligat rogatus; an oppidani aut inferior Magistratus, ad arma, injussu Principis, aut eo invito, convolare queat, dubitari posset? Affirmat *Franciscus vi-Floria. De jure belli. n. 9.* sed verius negat *Grotius, De jure belli & pac. lib. 1. cap. 3. §. 4.* Consonat *Grotio F. Sylvius in 2. 2. D. Thomæ. q. 40. art. 1. §. Queritur 1. pag. 235.* ex ratione: quòd bellum *aggressivum*, sit supremus actus justitiæ vindicativæ, qui, non nisi à summo Principe, exerceri potest.

Si PETAS: An illis eventibus, quibus jus armorum movendorum est Magistratibus minoribus, bellum sit dicendum *publicum*? RESP. Si publicum illud voces, quod sit jure Magistratùs, utique hujusmodi bellum erit *publicum*; adeoque, qui in tali casu, Magistratui se opponunt; in poenas incidunt contumacium adversus supra se positos. Si verò *publicum* sumas in excellentiore significato, pro eo, quod *solemne* est, non sunt bella ista *publica*; quia ad istius juris plenitudinem, tum summæ potestatis judicium, tum alia requiruntur. Quòd si in imperio latè patente, inferiores potestates belli inchoandi potestatem habeant concessam; utique bellum geri censetur, vi summæ potestatis. Nam, quod faciendi jus quis alteri dat; ipse fecisse censetur. Atque hoc extra controversiam est; meritò tamen dubitaveris, an conjectura voluntatis, seu *præsumpta* sufficiat Principis voluntas, si desit expressa? Adstipulor *Grotio loc. cit. §. 5.* negativam partem tenenti. Non enim [inquit] videre sufficit, quid hoc rerum statu, summam potesta-

tem habenti, si consulatur, placitum sit? Sed hoc magis videndum: quid ille, ubi res moram fert, aut dubiam habet deliberationem, se inconsulto, fieri cupiat, si ea de re, lex ferenda sit? Nam, ut maximè in aliquo facto particulari, cesset inspecta *particulariter* ratio, quæ voluntatem summi imperantis movet; non tamen cessat ratio sumpta *universaliter*, quæ periculis occurri vult, quod fieri non potest, si ejus rei, ad se Magistratus quisque, judicium traheret. Non ergo injurià à legatis suis, accusatus fuit *Cn. Manlius*, ut refert *Livius lib. 48.* quòd injussu populi Romani, *Gallo-Græcis* bellum intulisset. Nam quamquam in *Antiochi* exercitu, Gallorum legiones fuerant; tamen pace factà cum *Antiocho*; an ea injuria in *Gallo-Græcos* exequenda foret; non in *Cn. Manlii*, sed in populi Romani arbitrio esse debuit.

§. Diximus Bellum regulariter geri non debere, nisi eo auctore, qui summam potestatem habeat. Sed quis illam habeat, quæri potest? *Aristoteles, lib. 4. politic. cap. 4.* ad plenitudinem summæ potestatis in administranda Republica, hæc tria requirit; videlicet: *consultationem de rebus communibus; curam legendorum Magistratum; & judiciorum publicarum.* Ubi ad primam partem, refert deliberationem de bello & pace, scæderibus pangendis aut dissolvendis; de legibus condendis; de puniendis morte, exilio, aut bonorum publicatione. *Dionysius Halicarnassensis, lib. 4. 7. & 11.* has summo Principi prærogativas characteristicas adferbit: scilicet: jus condendarum & tollendarum legum; jus decernendi de bello & pace; jus exercendorum judiciorum; itidem jus curandorum Sacrorum & Comitiorum convocandorum. Clariùs & orthodoxè loquendo, summi Principis potestas consistit in his, quæ vel per se, vel per alios agit,

agit, atque versatur vel circa *universalia*, aut circa *singularia*. Circa *universalia* versatur condendo leges, easque abrogando; non quidem *directè* circa *sacra*, ut alias tradidimus; sed circa *profana*. Singularia, circa quæ versatur, sunt aut *directè publica*, aut *privata* quidem, sed quatenus ad publicum ordinantur. *Directè publica*, sunt *actiones*, ut: pacis, belli, foederum pangendorum; aut *res*, puta: vectigalia, & si quæ his sunt similia; in quibus & comprehenditur dominium *eminens*, quod summus Princeps habet in res civium, ad usum publicum. *Privata* sunt, res controversæ inter singulos, quas publicæ auctoritate dirimi, Reipublicæ quies postulat, atque hujusmodi causæ, delegatâ Principis potestate, expediuntur per Magistratus subalternos & alios Curatores, qui ideo civilem potestatem habere & exercere dicuntur. Summa autem illa dicitur potestas, cujus actus, alterius juri non subsunt; ita ut *alterius* voluntatis humanæ arbitrio, irriti possint reddi. *Alterius* inquam; ipse enim summus Princeps, voluntatem mutare potest, quod & de successore, qui pari potestate præditus est, intelligitur.

6. Bellum ulterius dividitur in *offensivum* & *Defensivum*. De utroque, sit

SECTIO SECUNDA.

An bellare sit licitum præsertim Christianis?

7. Negârunt hoc olim *Manichæi*, ut refert Divus Pater *Augustinus* lib. 22. contra *Fausum*. cap. 74. Negavit hoc quoque *Wiclefus*, quo impudentior fuit *Lutherus*, qui nefas dixit, pugnare adversus Turcas, non verò contra Christianos. Sed omnium nedum Catholicorum, sed & aliorum sanâ ratione naturali præditorum, unanimi calculo receptum est: quod bellum

nedum non sit naturâ sua malum; sed & etiam servatis debitis conditionibus, Christianis licitum. Quod

8. PROBATUR. Siquidem in lege naturæ, Abraham gessit bellum, *Genes.* 14. reversusque partâ victoriâ, benedictionem accepit à *Melchisedech*. De cujus belli tum iustitia, tum expositione mystica, videri meretur *S. Ambrosius. lib. 1. De Abraham. cap. 7. & 8.* In lege quoque scripta, Deus ipse præcepit bellum contra *Madianitas. Num. 25.* Contra *Amalecitas. 1. Reg. 15.* item; contra alias gentes. *Deuter. 7.* Quinimò promissit & præstitit belligerantibus auxilium *Exod. 17. Num. 21. Deuter. 1. Josue 1. 6. 8. & 10. & 2. Reg. 8.* multisque aliis in locis librorum: *Judicum, Regum, Paralipomenon & Machabæorum.* Unde & Apostolus ad *Hebræos cap. 11.* laudat *Gedeonem, Barac, Sampsonem* & alios, qui per fidem vicerunt regna, fortes facti sunt in bello, & castra verterunt exterorum. Consonat *Grotius. lib. 1. De jure B. & P. cap. 2. §. 2.* Junge *Paulum Voet, De jure militari. cap. 1. n. 7.* Porro in nova lege, *S. Joannes Baptista, Luca 3.* à militibus rogatus, quid ipsis ad consequendam salutem factu opus? respondit ipsis: *neminem concutatis, neque calumniam faciatis, & estote contenti stipendiis vestris.* Unde *Divus P. Augustinus* inquit: *Si Christiana disciplina, omnia bella culparet, hoc potius militibus consilium salutis patentibus, in Evangelio diceretur: ut abjicerent arma, seque omnino militiæ subtraherent. ... Quibus proprium stipendium sufficere debere præcepit, militare utique non prohibuit.* Id ipsum repetit Magnus Doctor *Episc. 205.* erudiens *Bonifacium Comitem*, quatenus liceat Christiano belligerari contra hostes. Atque ex allata *S. Joannis* responsione, *lib. 22. contra Fausum. cap. 74.* docet: eos, qui militando occidunt, neque esse

Gg

homi-

homicidas, neque injuriarum suarum ultores, sed salutis publicæ defensores & legis ministros. Quinimò ex verbis Christi: *Matth. 21. reddite, quæ sunt Cæsaris, Cæsari, & quæ sunt Dei, Deo.* arguit ibidem *Augustinus*: hoc stipendium reddendum esse Cæsari, quod *Joannes* dicit sufficere debere militi. Ad hoc enim tributa penduntur, ut tempore legitimi belli, stipendia præbeantur militibus. Urget ibidem S. Doctor, quòd *Centurio* illius, qui *Matth. 8.* dicebat, se habere sub se milites, fidem laudaverit Christus, haud verò militiæ desertionem imperaverit. *Augustinus* cohæret S. *Ambrosius lib. 1. De offic. cap. 40. & serm. 5. in Psal. 118. item lib. 2. in cap. 3. Lucae. S. Bernardus, in serm. ad milites templi. cap. 1. 3. & 4.* suffragaturque Ecclesiæ Catholicæ praxis, ex qua constat, summos Pontifices sæpe exhortatos fuisse Christianos Principes, ut contra infideles, arma sumerent. ut patet ex *Epist. Sylvi II. apud Baronium, Anno Christi 1003. n. 9.* ubi dicit: quòd Pontifex ille, primus invenitur; qui sacræ militiæ classicum occinuerit. Vide eundem *Baronium, ad annum Christi 1074. n. 50. & 51. & ad ann. 1095. n. 43. item: ad ann. 1145. n. 30.* Huc refer *Imò. Bullam* expeditionis pro recuperanda *terra sancta*, editam sub *Innocentio III. in concilio Lateranensi. 2do.* Monumenta victoriarum, quæ singulari Dei providentiâ, fideles de infidelibus reportârunt. Ut enim nihil dicam de victoria *Constantini*, de qua *Eusebius lib. 9. cap. 8.*, de illa item *Theodosii senioris*, de qua *Theodoretus lib. 5. cap. 24.* vel de illa *Theodosii junioris*, de qua *Socrates lib. 17. cap. 18.* Notissima est & incomparabilis victoria, quam anno 1571. contra Turcas reportavit *Joannes Austriaeus*, de quo triumpho mira scribunt *Suarius & Miræus* ad illum annum, quibus

adde *Cicavellam* in vita *Pii V. & Bzo-vium, cap. 39.* libri cui titulus: *Romanus Pontifex.*

9. *Grotius lib. 1. De jure B. & P. cap. 2.* ex *Cicerone* & aliis gentilium Philosophis, scitè probat: quòd jus naturæ, bella non improbet; sed, quòd natura ipsa, animantia cuncta armaverit ad propul-sanda noxia. Nam ut *Horatius* canit:

Dente lupus, cornu taurus petit. Unde nisi intus monstratum?

Et *Lucretius*:

Sentis enim vim quidque suam, quâ possit abuti.

Cornua nota prius vitulo, quàm frontibus exstant:

Illis iratus petit, atque insensus inurget.

Ac *Martialis*:

Vitulûsque inani fronte pruritis ad pugnam.

Quem *senius Galenus* exponit dicens: *Videmus animantium quodque, eo ad sui tutelam uti, quo maximè valet. Nam & vitulus nondum enatis cornibus, ea parte minatur, & equuleus, nondum firmatis ungulis, calcitrât, & catellus, dentibus nondum robustis, morsicat. Idem Galenus, de usu partium. 1.* Hominem animal esse ait, ad pacem bellumque natum, cui arma quidem appata non sint; sed apta armis parandis & tractandis manus, quæ etiam pro armis uti, sponte suâ, nec aliunde id edoctos infantes, videmus. *Ratione quæ carent* (*prosequitur Galenus*) *arma, in ipso habens corpore, ut bos cornua, dentes aper, ungues Leo. At mihi non in corporis natura, Deus arma posuit, sed extra corpus. Hoc ipso ostendens, mansuetum animal esse hominem, neque semper talium armorum mihi esse tempus. Nam telum sæpe depono, refuso interdum. Ut igitur liberior solutiorque sim, neque semper cogar portare arma, fecit, ea sejuncta esse à mea natura. Et Aristoteles, de partibus animal. lib. 4. cap. 10.* manum, homini

ait

ait esse pro *hastâ*, pro *ense* & pro *armis* quibuslibet, quia omnia potest arripere & tenere.

Inter prima itaque naturæ, nihil est, quod bello repugnet, imò omnia potius ei favent. Nam & finis belli, vitæ membrorumque conservatio, & rerum ad vitam utilium aut retentio aut acquisitio, illis primis naturæ, maximè convenit, & vi ad eam rem, si opus fuerit, uti, nihil importat naturæ adversum, cum animantibus singulis, vires ideo fins à natura attributæ, ut sibi tuendis juvandisque sufficiant.

Recta autem ratio, quæ secundo & potiore loco observanda est; non omnem vim inhibet, sed eam demum, quæ societatim repugnat, seu quæ jus alienum violat. Nam societas eò tendit, ut suum cuique salvum sit, communi ope & conspiratione. Quod facile intelligi potest locum habiturum, etiam si rerum divisiones & dominia introducta non forent. Si quidem vita, membra, libertas, sic quoque propria cuique essent, ut sine injuria, ab altero impeti non possent. Similiter rebus in medio positis, quisque pro necessitate sua, uti, easque absumere aut occupare posset; & qui alterum ab usu repelleret; faceret ei injuriam. Id quod modo post introducta rerum dominia, multò facilius intelligitur. Non ergo est contra societatis naturam, sibi prospicere atque consulere, dummodò jus alienum non violetur, ac proinde nec vis, quæ jus alterius non lædit, injusta est. Quò respiciens Cicero *Epist. familiar. XII. 3.* ait: *Cum duo sint genera decertandi; unum per disceptationem, alterum per vim; cumque illud, proprium sit hominis, hoc bellicarum; confugiendum est ad posterius, si uti non licet superiore.* Quod clariùs expressit Ulpianus l. 1. §. *vim vi. ff. De vi & vi armata.* ibi: *vim vi repellere licere, Cassius scribit, idque jus, naturæ*

comparatur. Apparet autem, inquit, ex eo, arma armis repellere licere. Ovidius dixerat:

Armæque in armatos sumere iura sinunt.

Ratio supra positæ communis assertio- nis est; quòd Principi non solum liceat, sed etiam incumbat, populum tueri à latrocinii, aliisque injuriis, adeoque obligetur, bello eos impetere, qui populum injustè affligunt, si injuriam & damna refarcire, & à nocendo desistere nolint.

10. OPPONES IMÒ. *Isaias cap. 2.* prædixit; in adventu Christi, omne bellum cessaturum. *Constabunt* [inquit] *gladios suos in vomeres, & lanceas suas in falces, non levabit gens contra gentem gladium, nec exercebuntur ultra ad prælium.* & *Psal. 45. Auferens bella usque ad finem terræ.* item *Psal. 67. Dissipa gentes, quæ bella volunt.* Quò facit; quòd Christiani, primis tribus sæculis, non legantur ulla bella gessisse. RESP. Prophetam non prædixisse cessationem à bellis, toto illo tempore, quo nova lex esset duratura; sed duntaxat tempore Christi nascituri; quæ Prophetia etiam impleta fuit. Siquidem Christus natus fuit, toto orbe, in pace, composito; & pax, quæ cæperat 12. annis ante ejus nativitatem; duravit tota ejus vitâ, & quadraginta annis post ejus mortem. Unde, cum dixit Propheta: *non exercebuntur ultra ad prælium*; tò *ultra*, non significat perpetuitatem, sed diuturnitatem, prout *LY ultra* capitur 4. *Reg. cap. 6. Ultra non venerunt latrones Syriæ in terram Israël.* Aliter, sed nimis contortè, respondet Grotius loc. cit. §. 8. Clariùs igitur & catholicè RESP. Mysticè ibi significari, quòd gentes, priùs inter se, religionum diversitate, dissidentes & Christianos oppugnantes, depositis armis, novæ legis Evangelio colla sint submissuræ, & christianam fidem amplexuræ. Quo sensu capietum est illud: *Michæ*

ibid. cap. 4. *Non sumet gens adversus gentem gladium, & non discent ultra belligrare.* Loquitur enim Propheta, vel de pace, quæ fuit tempore nativitatis Christi, vel de pace & concordia gentium confluentium ad Evangelium. Porro *Psalm.* 67. David disipari eos petit, qui volunt, aut struunt bella fidelibus seu populo Dei. Quamvis autem primis temporibus, Christiani rariùs pugnaverint in causa fidei, contra infideles, eo quod pro tunc nullus Imperator in Christum crediderit, & Reges gentium meditati adhuc fuerint inania adversus Dominum & adversum Christum ejus, prout observat Divus *P. Augustinus* *Epist.* 50. Equidem, quod Christiani, etiam prioribus sæculis, militaverint, historiis proditum est. Si quidem *Baronius* ad annum Christi 176. ex *Tertulliano*, *Eusebio* & *S. Gregorio Nisæno* tradit, exercitui Romano, siti confecto, precibus militum Christianorum, aquam fuisse à cælo impetratam, fulminaque divinitus in *Marcomannos* fuisse immissa, ac porro legionis unius, quam *fulminatricem* dixere, orationibus, partam fuisse victoriam. Exploratum non minùs est, legionem *Thebeam* christianis pugilibus constantem, Martyrii coronas meruisse circa annum *Æræ Christianæ* 297. eo quod detrectaverit idolis immolare. Confer *Baron.* *Tom.* 2. *Annalium*: & in *notis Martyrologii*, ad diem 22. *Septembris*. Adde *Grotium* *loc. cit.* §. 9.

II. *OPPONES* 2dò. Assertor noster dicit: *Matth.* 5. *Ego autem dico vobis, non resistere malo.* & cap. 26: *Converte gladium tuum in locum suum: omnes enim qui acceperint gladium, gladio peribunt.* Cujus rationem dat Apostolus ad *Rom.* 12. *Non vosmetipsos defendentes charissimi. Mibi vindicta. Ego retribuam dicit Dominus.* *RESP.* 1mò. cum *Divo P. Augustino*, quem citat & sequitur Doctor Angelicus

2. 2. q. 40. art. 1. *Præceptum Domini* *Matth.* 5. expressum pertinere ad animi moderatioris præparationem, & patientiæ ac mansuetudinis meritum, ut scilicet homo potiùs paratus sit non resistere malo, quàm malum pro malo rependere; ita, ut illud, quod sequitur: *Si quis te percusserit in dexteram maxillam, præbe illi & alteram*; importet: nos eo animò esse debere, ut potiùs alteram velimus ferre injuriam, quàm priorem ulcisci. Unde Christus hoc præceptum cumulatiùs implevit, quamvis percutienti se, non præbuerit alteram maxillam. *Joan.* 18. sed magis prohibuerit, ne quis alteri injuriam inferret, aut priorem augeret. *RESP.* 2dò. Verbis illis juberi, ut vel illatas injurias patienter feramus; aut saltem illas, privatâ authoritate, non vindicemus, malum pro malo reddentes. Pari modo capiendus est textus *Matth.* 26. Nihil enim aliud insinuat; quàm quòd privatis non liceat, authoritate propriâ, & quasi à se ipsis, arripere gladium ad vindicandas injurias. Ille enim (inquit, ex Doctorum Magistro, Doctor Angelicus *loc. cit.*) *accipit gladium, qui nullâ superiori ac legitimâ potestate vel jubente vel concedente, in sanguinem alicujus armatur.* Qui autem legitimâ munitus authoritate, gladio utitur, non tam accipit gladium, quàm sibi ab alio, commissio utitur. Eò tendit & dictum Apostoli ad *Rom.* 12. De privata enim injuriarum actione loquitur, sive, dum dicit: *Nulli malum pro malo reddentes*; sive dum subiungit: *non vosmetipsos defendentes.* seu, ut Græcus textus habet: *ulciscentes* (pro ut defendendi verbum accipitur *Judith.* 1. v. 12. & *Judith.* 2. v. 1. ac rursus *Judith.* 9. v. 2.) Cui argumentò est, quod Apostolus semetipsum explicans cap. 13. de illo, qui publicâ fungitur potestate, sic loquatur: *Dei minister est,*

vindex in iram ei qui malum agit. Unde, cum dicit: *sed date locum iræ.* vult, expectandam esse divinam ultionem, aut immediatè à Deo; aut ejus autoritate, per publicum iustitiæ ministrum, exercendam. Paulò aliter, sed non incongruè, hoc argumentum solvit *Grotius loc. cit.* §. 8. inquit: Christum locis citatis, non alloqui Magistratus seu iudices publicà autoritate fungentes, sed duntaxat eos, qui injuriis imperantur: Neque Assertorem nostrum de quavis agere injuria, sed de leviori, qualis est *alapa.* Sequentia enim verba, de *Tunica vel Pallio* dimittendo, agentia, præcedentium verborum generalitatem restringunt; ita, ut non omnis provocatio ad iudicem aut arbitrum prohibeatur, *Paulo* interprete, qui lites non omnes prohibet. 1. *Corinth.* 6. 7. 4. sed vetat, Christianos, in profanis auditoriis seu Dicasteriis, inter se litigare, idque ad Judæorum exemplum, apud quos erat recepta sententia: *Qui adducit negotia Israëlita ad extraneos, polluit nomen Dei.* Itaque Salvator noster ibidem docuit, ad exercendam patientiam nostram, de rebus faciliè recuperabilibus, ut *tunicà*, aut insimul *pallio*, non contendendum esse iudicio; sed, quamvis optimo jure nitamur, satiùs omitti juris persecutionem. Unde *Apollonius Tyaneus* apud *Philosophum lib. 11. c. 15.* negabat, Philosophum decere de pecuniola litigare. & *Ulpianus l. Item si. §. 1. ff. De alien. judic. Aut. caus. facta.* Non improbat (inquit) *Prætor factum ejus, qui tantum habuit re carere, ne propter eam sæpius litigaret.* Hæc enim cogitatio ejus, qui lites execratur, non est vituperanda. Adeoque, quod hic à probis probari ait *Ulpianus*, hoc Christus imperat; ex rebus honestissimis & probatissimis, præceptorum suorum deligens materiam. Malè igitur concluderis, si dixeris: de re majoris mo-

menti nobis debita aut ablata, nefas esse, apud iudicem agere. Aliud enim est *tunica* aut *pallium*; aliud totum id, unde vivitur. Parili modo responderi potest ad illud, quo angariatus ad milliare unum, jubetur ire ad milliaria duo. Non enim locutus est Dominus de centum milliariibus, quod iter, hominem à suis negotiis, longius distraheret; sed de uno, aut; si ita ulveniat; de duobus, quæ deambulatione, quasi pro nihilo ducitur. Sensus proinde est: in his quæ nobis non multum sunt incommodatura, non urgendum nobis esse jus nostrum; sed cedendum plus etiam, quàm alter postulet; ut & patientia atque benignitas nostra omnibus innotescat. Lex quidem Hebræa, sicut divortii libertatem indulgebat, ut scævitiæ maritorum in uxores occurreret; ita etiam privatæ ultioni, ad quam gens illa valde prona erat, coercendæ, jus læso fecerat; non quidem, ut manu suâ, sed apud iudicem, exigeret *salionem.* Id quod & lege *XII. Tabb.* sancitum: *si membrum rupit, Talio esto.* Ast Christus majoris patientiæ Magister, nedum non probavit in læso vindictæ flagitationem; sed & quasdam injurias ne arceri quidem voluit, aut vi privatim oppositâ, aut implorato iudicis officio. At quales injurias? tolerabiles scilicet, non quòd in atrocioribus hoc quoque laudabile aut præceptum sit, sed quòd in levioribus, restrictiore patientiâ uti debeamus. Quò facit exemplum de *alapa*, quæ non vitam impetit, non corpus mutilat, sed tantum importat quendam nostrum contemptum, qui nos nihilo deteriores facit. *Seneca lib. De constantia sapientis.* Injuriarum à contumelia distinguit his verbis: *Prior illa [inquit] naturâ gravior est: hæc levior, & tantum delicatis, gravis, quæ non leduntur, sed offenduntur. Tanta est animorum dissolutio & vanitas, ut quidam nihil acerb-*

bis putent. Sic invenias servum, qui flagellis, quàm colaphis cedi malit. In tali ergo circumstantia, patientiam Christus præcipit: & nequis tritum illud oggeret; *Petrem ferendo injuriam, invitas novam.* ADDIT: potius etiam ferendam esse alteram injuriam, quàm propulsandam priorem: quia scilicet nihil inde ad nos pervenit mali, nisi quod in stulta persuasione positum est. Ubi NOTÀ: quòd maxillam obvertere, in *Hebraismo*, sit; *patienter ferre.* ut liquet ex *Isaia 30. v. 6. & Jerem. 3. v. 3.*

12. OPPONES *310.* Arma Christianorum non debent esse carnalia, sed spiritualia; sive, ut loquitur Apostolus: 2. *Corinth. 10. potentia Deo,* quæ idcirco Ad *Ephes. 6.* dicuntur: *lorica justitiæ, scutum fidei, galea salutis.* ΑΝΗΛΕ: Bellum adversatur charitati, & opponitur paci. Ergo est illicitum saltem Christianis, id quod sensisse videtur S. *Ambrosius* in cap. 22. *Lucæ* dicens. *Ideo fortasse Petro duos gladios offerenti, fas est, dicis; quia licuerit usque ad Evangelium.* RESP. Ibidem non fore sermonem de *Sagata* & corporali, sed *sogata* & spiritali virorum Apostolicorum militia, in qua, contra inimicos fidei dimicantes, non utuntur gladio aut hastâ, sed donis spiritûs S. & actibus virtutum. Similiter ad *Ephes. 6.* Apostolus non agit de armis, quibus hostes visibiles, corporaliter sunt expugnandi; sed de iis, quibus pugnandum est *adversus spiritualia nequitia in caelestibus*, id est, adversus demones. Ad id quod additur: RESP. licet bellum *materialiter*, ratione scilicet contrariorum motuum, & diversæ voluntatis seu operationis beligerantium, videatur charitati & paci adversum, *formaliter* tamen & *absolutè* loquendo, justum bellum non tam contrariari charitati & paci, quàm esse viam ad illam. Planè, sicut medicina amara, non

est contraria sanitati, sed illam procurat. Igitur, qui iusta bella gerunt (inquit D. *Thomas* loc. cit. ad 3.) *pacem intendunt & ita non contrariantur paci, nisi mala.* Porro S. *Ambrosius* eo loco, solum ostendit, majorem perfectionem, in Evangelio consuli. Cùm enim in lege non prohibeatur iusta defensio; Evangelici Consilii docet esse, ab ea abstinendo, patienter ferre injurias. Confer *Grotium* loc. cit. §. 8. & 9. *fat orthodoxè, hac in parte, argumentantem.*

SECTIO TERTIA.

Quæ conditiones requirantur, ut Bellum sit legitimum & permissum?

13. Magnus Pater *Augustinus*, quem citat & sequitur Doctor *Angelicus* 2. 2. q. 40. art. 1. in hanc rem, tres requirit conditiones, videlicet: 1. *Autoritatem summi Principis bellum indicentis.* 2. *causam justam;* & 3. *intentionem rectam.*

RATIO *1mæ* conditionis est; tum quia bellum est actus justitiæ vindictivæ; vindicare autem injurias, ad eum solum spectat, qui publicam habet autoritatem, qualem in re tanti momenti salutem totius Reipublicæ concernente, nemo habet, nisi is, cui ejusdem cura principaliter concedita est, videlicet summus Princeps. Tum, quia inferior læsus jus suum prosequi potest apud superiorem, adeoque non potest sibi jus dicere, aut armis alium aggredi. Bellum enim non est movendum, si alia suppetat via juris prosequendi. Tum denique, quia convocare multitudinem, quod in bellis fieri oportet, non est privatæ personæ. Hac est doctrina D. P. *Augustini* lib. 22. *Contra Faustum.* cap. 75. ubi sic habet: *Ordo tamen ille naturalis, mortalium paci accommodatus hoc poscit, ut suscipiendi belli auctoritas*

toritas atque consilium penes Principem sit. Adde Grotium loc. cit. §. 5.

Dictum de summo Principe, porrigitur etiam ad Rempublicam perfectam, qualis intelligitur, quæ nec est pars alterius Reipublicæ, nec alteri subest. Qualis est Respublica v. g. *Venetorum*. Talis enim potest, vel per Ducem, in quem suam transfulerit potestatem, vel per Optimates, à quibus gubernatur, bellum indicare. Quod non potest respublica imperfecta, videlicet, quæ est vel pars alterius Reipublicæ, vel alteri subest. Ut ut enim ejusmodi Respublica, vel Princeps alius subalternus, bello defensivo se tueri possit contra inimicos aggressores, non poterit tamen bellum aggressivum seu offensivum iis indicare absque summi Principis consensu. Consonat *Voot loc. cit. n. 8.*

14. Sed quâ ratione (INQUIES) unus in sua ditione supremus Princeps, alteri in sua ditione supremo & independenti, poterit movere bellum, cum par in parem, non habeat imperium; bellum verò, utpote actus justitiæ vindictivæ; non nisi in subditum exerceri valeat. RESP. Principem unum, quantum ad jus belli indicendi, intelligi quadantenus superiorem respectu illius, qui injuriam intulit. Naturali enim jure, injuriam faciens, incurrit subjectionem respectu illius, cui injuria est illata, ut ab eo puniri possit secundum mensuram culpæ & damni illati; nisi prius satisfecerit, aut satisfacere paratus sit. Ratio est; quia, cum inter summos Principes, leges civiles executionem non habeant, ad jus redeundum est naturale, quo cuivis licet & sibi cavere ab injuriis inferendis, & illatas persequi. Ex his

15. RESULTAT imò. Non solum Imperatorem posse indicare bellum, sed etiam Reges & Duces, Romano Imperio & Imperatori, non subiectos. Quanquam enim Imperator Romano-Germanicus dig-

nitare præcellat omnibus Principibus totius mundi, & in Orbe Christiano, ab Ecclesia, constitutus fidei protector, ita ut pro Ecclesiæ bono, possit Principes Christianos convocare; absolutè tamen, nec proprietatis, nec jurisdictionis dominium habet in omnia regna Christianorum, multò minùs totius mundi, sicut supra vidimus cap. 7. n. 103. Siquidem, ab ejus jurisdictione, multi Reges & Principes etiam Christiani, sunt exempti; sive quòd ditiones suas, absque interventu vel auxilio Imperatoris, consecuti sint; sive, quòd ditionum suarum independentiam, privilegio, aut præscriptione temporis immemorialis, nacti dignoscantur. Confer *Covarruviam ad regul. Peccatum. part. 2. §. 9. in fin.*

16. RESULTAT 2dò. Principes Christianos, licet in spiritualibus, directè summo Pontifici Romano subiectos, eo inconsulto, posse bellum gerere; quamquam ipse tanquam Jesu Christi Vicarius, salutem periclitantium in bello animarum, causasque alias belli incentivæ, & per sepe insufficientes, ne dicam frivolas, altiori indagine perpendens, indirectè, ad finem spiritualem, tendente potestate suâ (de qua agit Divus Thomas. 2. 2. q. 66. art. 1. & nos supra cap. 7. & alibi disseruimus) arbitrium suum inter Principes belligerantes, ex officio Apostolico, interponere, & renitentes, pro rei gravitate, corripere possit, imò teneatur.

17. Dictum: 2dam belli legitimi conditionem esse: causam justam; quæ generatim non est nisi una, scilicet: injuria illata nec resarcita. *Voot. loc. cit. n. 18.* Ratio: Tum quia bellum offensivum intentatur, vel in vindictam, vel ad satisfactionem ab hostibus extorquendam; vindicta autem locum habere, nec satisfactio, martiali ferro, peti potest, ubi vel non præcessit injuria; aut, si quæ præcessit, suf-

sufficiens reparata est. Tum quia Republica aeterna, suis vivens, independenter ab alio; legibus; non est alteri Principi subiecta, nisi quatenus incurrit subjectionem ad illum, ratione injuriæ, de qua neque est satisfactum, neque aliter, quam armis obtineri potest satisfactio. Prout discimus ex Divo Patriarcha Augustino, *quæst.* 10. *super Josue.* ubi iusti belli, Principibus Christianis, bene ponderandam tradit Regulam, hisce formulis: *Iusta bella solent definiri, quæ ulciscuntur injurias, si gens vel civitas plerenda est, quæ vel vindicare neglexerit, quod à suis improbe factum est, vel reddere, quod per injuriam ablatum est.*

18. Sub generali injuriæ vocabulo, juris naturalis & gentium interpretes, varias in specie causas adferunt, quarum præcipuæ sunt sequentes: 1. Recuperatio ejus, quod debetur Principi quâ tali. 2. Si Rex aliquis gravi ignominia affecterit legatos alterius. 3. Si alterius Regis hostes foveat, incitet, juvet. 4. Si sceleratos tueatur in pernitium alterius Republicæ aut Regni, ne justè puniantur. 5. Si Rex extraneus violaverit sædus vel pactum magni momenti. 6. Si tributarii recusent solvere justum tributum. 7. Si subditi rebellionem machinentur, vel in hæresin declinent. 8. Si Rex opem ferat illis, qui injustè oppressi, in protectione seu clientela sua sunt. 9. Si bellum suscipiatur ad impediendum, ne innocentes idolis immolentur, aut trucidentur. 10. Si infideles impediunt Evangelii prædicationem. 11. Si transitus per externas regiones innoxius denegetur. Nam, ut inquit Sacrationis publici juris Doctor Augustinus: *quæst.* 44. *super Numeros.* *Notandum est, quemadmodum iusta bella gerebantur. Innoxius enim transitus negabatur, qui jure humane societatis æquissimo, patere debebat.* His sanò sensu, addi

potest pro causa 12ma, denegatio emigrationis, habitationis, navigationis, mercaturæ, piscaturæ in mari &c. eò quòd quædam nationes, ut supra vidimus *cap.* 4. à n. 35. ratæ sint, ista non fore omnibus jure gentium communia. De his causis potissimum agemus infra *sect.* 6.

19. Hoc præmissis certum est, quòd ad justè movendum bellum requiratur 1mo. Ut injuria illata sit *enormis*, aut saltem talis, quæ nisi tempestivè comprimitur, sensum augenda, in graviorem abitura sit. 2do. Ut ex bello non sint secutura majora damna in Republica Christiana, quàm sint ea, quæ per injuriam illata fuere. Si enim graviora mala videantur secutura, non licet bellum inferre; ex ratione; quòd unus Princeps vel una Respublica debeat minus damnum suum postponere majori damno Reipublicæ Christianæ; perinde ac quis privatus magis cordi habere debet bonum commune totius, quàm suum particulare. Quamobrem humanitatis ratio postulat, ne Princeps injuriæ affectus, mox inconsulto impetu, ad arma properet; sed prius aliâ mitiore viâ satisfactionem exposcat. Si enim alius Princeps, qui vel ipse injuriam fecit, aut ejus subditi crimen commiserunt; paratus sit satisfacere, malefactores punire, ablata restituere; damna rescire &c. injurium & inhumanum erit bellum, quod ei movebitur, cum Princeps læsus, haud aliter bello possit vindicare injurias sibi illatas, quàm, dum non suppetit alia via obtinendæ satisfactionis. Consonat *Ver loc. cit.* n. 18.

20. Sciscitari posses, num Princeps læsus teneatur ex justitia, acceptare satisfactionem sibi, cœpto jam bello, & strage aliquorum factâ, oblatam? Hoc asserendum videtur, dummodò satisfactio oblata, sit sufficiens; & sine dolo, offeratur; ac sine damno acceptari possit.

Tunc

Tunc enim bellum desinit esse necessarium, adeoque incipit esse illicitum. Quò facit illud Magni *Augustini* effatum *Epist. 205. Pacem debet habere voluntas, bellum necessitas*. Nam (prosequitur *ibid.* *Ethicæ Christianæ* Princeps) *sicut rebellanti & resistenti violentia redditur, ita victo vel capto misericordia jam debetur, maxime, in quo pacis perturbatio non timetur*. Ratio est: quia partē etiam victoriā, Princeps Victor plus capere non potest, quàm requiratur ad plenam satisfactionem, & ad suæ Reipublicæ tranquillitatem. Si igitur hæc offerantur, ante sanguinolentam victoriā; non est ratio, cur bellum etiam inchoatum, cum strage, ne dicam, damnatione multorum; sit prosequendum. Profectò, iudex pedaneus seu ordinarius, in hoc differt à Principe supremo, quod ille ex legum præscripto, teneatur, juxta rigorem juris, punire malefactores, nec *aggratiandi* habeat facultatem, hic verò contentus esse debeat oblata sibi condignā satisfactione; ed quòd *per se* non habeat imperium vel jurisdictionem in Principem, à quo læsus vel offensus est; sed tantum occasionaliter & per accidens, & quidem in casu duntaxat, quo aliter non potest consequi satisfactionem. Vide dicta supra n. 14.

21. DICES: Fervente jam bello, is qui læsit, non est amplius in statu satisfaciendi, sed satisfaciendi. Quò facit: quòd victor aut dominus non teneatur manumittere servum jure belli captum. Item: quòd Princeps læsus, sit jure naturæ veluti constitutus arbiter & dominus causæ, ut libere videatur posse bellum prosequi. *RESP. Neg. assumptum*. Vera enim causa, propter quam hostis sit in statu patiendi, non est conflictus jam coëptus, sed pervicacia hostis satisfacere recusantis. Ad id quod 1^{mo} addit *RESP.* patulam esse disparitatem; si *A Hochkirchen, Ethic. Christi. Pars II.*

quidem servus bello captus, proprietatis jure transit in potestatem victoris, ad instar alterius rei mobilis occupatæ & captæ à militibus; Princeps verò, ex adverso, bellum gerens necdum captus, aut in subjectionem reductus est, sed ob incertam belli alcam, etiam victor evadere potest. Unde ad 2^{do} additum *RESP. dissimulato Antecedente*, negando illatum. Ut ut enim Princeps læsus, suo modo, sit dominus causæ, quatenus pro eo stat justitia, & longè major, belli apparatu jam facto, debeatur satisfactio, ratione expensarum eatenus profusarum; nequaquam tamen adversarium ita sibi subegit, licet miles bello captus, in servitutem victoris reductus est.

22. Dictum: ad belli justitiam, id est: *inculpabilitatem*, requiri *intentionem rectam*, quæ talis erit; si ex parte tum supremi Principis, tum militum ei subfervientium, bellum geratur, non libidine vindictæ, sed amore justitiæ & salutis Reipublicæ. *Bellum enim geritur* (inquit sacer Publicista *Augustinus Epist. 205. ut pax acquiratur*; &: *Nocendi cupiditas, ulciscendi crudelitas, impacatus & implacabilis animus, feritas rebellandi, libido domnandi, & si quæ sunt similia: hæc sunt, quæ in bellis, jure culpantur*. Inquit idem S. Doctor *lib. 22. contra Faustum. cap. 74.*

23. Cæterum, inter conditiones ad legitimum bellum supra requisitas, insigne discrimen observandum est. Siquidem deficiente autoritate illius, cujus auspiciis bellum geritur, aut non subsistente causâ justâ, peccatur contra justitiam *strictè* seu *juridicè* acceptam; ita, ut refarcienda sint damna per hujusmodi bellum aliis illata. Si verò solum desit intentio recta; non delinquitur, nisi contra charitatem, quæ non inducit *per se* restituendi obligationem. Si

24. ROCES: Num ii, qui in bello alioquin

quin iusto, absque authoritate præliantur & prædantur; sint obnoxii restitutioni? **RESP.** *Affirmative*, si nec expresso, neque præsumpto Principis consensu, militiæ & depredationibus sese ingerant. Atque ita nominatim docent *Sylvest. Verb. Rellum.* 1. q. 10. §. 4. *Azor, Tom. 3. lib. 2. cap. 7.* Id quod multò magis porrigitur ad rusticos, cum ipsi non sint inscripti militiæ. Si tamen rustici à parte hostium stantes, nostros rusticos spolient; licitum videtur nostris rusticis, qui aliter non possunt consequi indemnitàtem, excurrere in agros hostiles, eorumque incolas spoliare ulque ad damnorum & iniuriarum satisfactionem, etiamsi illi, qui spoliarentur, essent innoxii; sufficit enim, quòd sint membra illius Reipublicæ, quæ vel injuriam fecit, aut recusat vindicare id, quod à suis improbe gestum fuit. Ita *Franc. Victoria, Relect.* 6. n. 41. *Major, in 4. Dist.* 15. q. 20. & *Azor supra cap. 7.* Ratio est: quia fervente bello, utriusque Principis belligerantis, subditi, censentur habere virtutalem seu tacitum consensum sui supremi domini, ad sic repetendum sua, alioquin haud recuperanda.

25. De *Repressaliis* hic quæri potest, an sint licitæ? ubi Nota *Repressallarum* nomine à modernis Jurisconsultis, intelligi *pignoraciones* inter populos diversos. Vide *cap. unio. de injuriis* in 6. Quæ tunc demum locum habent, si jus denegetur. Quod fieri intelligitur, non tantum, si in reum fontem, aut debitorem morosum, intra tempus idoneum, obtineri nequeat iudicium; verum etiam, si in re minimè dubia [in dubia enim re, præsumptio est pro his, qui iudicando præstituti sunt] planè contra jus iudicatum sit. Siquidem authoritas iudicantis, non idem pondus in externos, quod in subditos, habet. Quamquam nec inter subditos perimat, quod verè debebatur Nam *verus debitor, sicut ab-*

solutus sit; naturà tamen debitor permanet, inquit Paulus JCIUS in l. *Julianus ff. de condit. indebiti.* Confer *Gailium de Pace publ. lib. 2. cap. 8. n. 7. & Vasquez lib. 4. Controversiar. Illustr. cap. 10. §. 41.* Hoc inter externos & subditos equidem discrimen est; quòd subditi executionem etiam injustæ sententiæ, vi impedire, aut contra eam jus suum, vi exequi, licitè non possint, ob imperii in ipsos efficaciam, & iudicis reverentiam; exteri verò, jus habeant cogendi; sed, quo uti non liceat, si aliunde officio superioris iudicis, suum consequi possint. Tali igitur de causâ, aut corpora, aut res mobilia subditorum ejus, qui jus non reddit, capi posse, non quidem naturà introductum est, sed moribus passim receptum. Hujus rei vetus exstat exemplum in *Historia Romana* apud *Livium lib. 2. & Halicarnassensem lib. 7.* de Romanorum navibus, quas pro bonis Tarquiniorum, *Cumis, Aristodemus* Tarquiniorum hæres, retinuit.

26. Vita autem subditorum innocentium, ex tali causâ, obligari nequit; eò quòd nemo sit vitæ suæ dominus, ut illam in arbitrium Reipublicæ conferre potuerit. Fieri tamen potest, ut præter intentionem, ex accidenti occidantur, qui juris executionem, per vim, impedire nituntur. Sed, si id prævideatur, ex charitatis saltem lege, omittenda potius erit juris executio, cum ex ea lege, Christianis præsertim, pluris esse debeat vita hominis, quàm alia res terrena, prout supra lib. 1. cap. 9. n. 44. latius ostensum.

27. Itaque *Repressalie*, non sunt per se injustæ; modò constet de notabili injuria illata, & is ad quem pertinet, nolit vindicare, seu restitutionem procurare: Princeps verò summus eorum, qui injuriam passi sunt, det pignorandi auctoritatem, neque recuperentur plura, quàm sint perditâ; neque ab iis, quos ratio humanitatis eximi.

eximi jubet. Confer Covarruviam, ad Regul. Peccatum. part. 2. §. 9. n. 4. ubi dicit: Repressalias eo modo esse licitas, quo bellum, easdemque cautelas & conditiones observandas esse, quò ad occisionem innocentium, quas in bello, observandas diximus.

28. Nec OBSTAT Authentica. Ut non fiant. collat. f. in qua, jure civili, videntur Repressaliæ prohibitæ. Aut enim Authentica illa, per contrariam consuetudinem abrogata est; aut certè capienda est de Repressaliis, quæ tumultuariè, absque Principis autoritate, privato ausu, sine legitima causa, vel etiam indiscriminatim, sive in Principi subditos, sive extraneos, usurpabantur. Quo eodem sensu intelligendus est Gregorius X. cap. Esst. De injuriis. Confer Zoëf. ad tit. Cod. Ne uxor pro marito &c. Ubi ex Can. Dominus. caus. 23. q. 2. rectè probat, haud iniquè impetiri populum, qui vindicare negligit, quod à suis improbe factum. Et quamquam ex Recessu Imp. Spirensi, de Anno 1570. ibi: Wan auch die Arresta, auch die Repressalien, generaliter, im Reich verboten, quidam malè interpretantes textum Jeremie 31. §. 30. contendunt; Repressalias ad instar Diffidationum [de quibus supra lib. 1. cap. 9. n. 77. esse juri naturali contrarias [vide Coler. de processu executivo. part. 1. c. 2. n. 324.] Nihilominus, cum jus Repressalias concedendi numeretur inter Regalia & Reservata Imperatoris, testibus Wesenbecio. Consil. 46. n. 7. Sixtino lib. 1. de Regalib. cap. 1. n. 12. & seq. Conclusioni nostræ communi inhaerendum est. Si igitur

29. PETAS: In quos Repressaliæ locum habeant? RESP. Hac in parte, haud confundendum esse jus Gentium, cum juris civilis placitis. Jure liquidem Gentium, pignorationibus obnoxii sunt omnes subditi injuriam facientes, qui tales sunt ex

causa permanente, sive indigenæ, sive advenæ; non verò, qui transeundi, aut moræ exiguæ causâ, alicubi degunt. Introductæ enim sunt pignorationes, ad exemplum onerum, quæ pro exsolvendis debitis publicis, indicuntur; à quibus immunes sunt, qui per transennam, seu modico tempore, loci legibus subsunt. A numero tamen fuditorum, jure gentium, excipiuntur Legati & res eorum. Jure quoque civili, à Repressaliis eximi solent, personæ & res Ecclesiasticæ, mulieres, infantes; res studioforum, & ad Nundinas missæ. Vide Sylvestrum, Cajetanum & Angelum. Verb. Repressaliæ. Sed omnium maximè Bartolum, qui speciatim de Repressaliis scripsit. Adde pro usu Germaniæ nostræ, Zoëf. ad tit. Cod. Ne uxor &c.

30. Quamquam jure gentium, singulis jus pignorandi concessum esse videtur; Jure tamen civili hodierno, facultas ista peti solet, aut à summo Principe, aut Magistratu ordinario; puta: Prætor, Consule civitatis &c. Confer Voet. de jure milit. cap. 1. n. 11.

31. Jure gentium, ipsò factò, dominium rerum reprehensione captarum, acquiritur, pro ratione debiti & expensarum, seu illius, quod interest; ita tamen, ut residuum reddi debeat. Qua æquitate, Venetos, captis in Galata Genuensium navibus, usos fuisse ex Gregora refert Grotius lib. 3. De J. B. & P. c. 2. §. 7. in annotation. ibi: Sed neque de onere captarum à se navium, corruerunt quicquam. Onus erat frumentum & bordeum: ad hæc, salamenta piscium, qualia proferunt Copades & Mæotides paludes, & Tanais flumina: sed ea servarunt anxie nihil imminuta, donec recepto debito, integra redderent. Jure civili, priusquam res per reprehensionem, pignorationem, seu, quod idem est; Repressalias, captæ, publicâ autoritate distrahantur, aut damnum injuriarum passis

addicantur; adicitari solent ii, quorum interest. Ubi porro non obiter *Notandum*, quodd ii, qui non solvendo, quod debebant; aut jus non reddendo; causam pignorationibus hujusmodi præbuerunt; ipsò jure naturali & divinò, teneantur ad refarcienda damna aliis, quibus eam ob occasionem, aliquid decedit. De Repressaliis pro usu hodierno Imperii nostri *Romano-Germanici*, legi præ cæteris meretur *Gail. lib. De pignorationibus. Observat. 2.*

32. Ad pleniorē hujus materiæ intellectum, ponderasse juvabit; num jure gentium, bona subditorum, pro debito, aut culpa Imperantium, obligentur? Generatim loquendo; certum est, quod mero jure naturæ, nemo ex facto alieno, teneatur, nisi bonorum successor sit. Id quod & juris civilis æquitas [ut videlicet cum oneribus bona transirent] constituit & canonum jure receptum. *cap. In litteris. De raptorib. cap. Tua. De usuris. Zeno* quidem Imperator, contra æquitatem naturalem, censuit, pro alienis debitis, alios molestari posse: sed juris Romani conditores, satius sanxerunt; ne uxor pro marito; ne maritus pro uxore; ne filius pro patre; néve pater vel mater pro filio conveniantur. *tot. tit. Cod. Ne Uxor pro marit. &c.* (vide tamen *Zoësum* adistum titulum, ubi in Annotationibus, pro usu hodierno, septem insignes limitationes adducuntur) Neque, quod universitas debet, singuli debent, prout disertè loquitur *Ulpianus in l. Sicut. §. 1. ff. Quod cujusque universitatis nomine &c.* puta: si universitas, bona habeat; alioquin enim in horum defectu, tenerentur singuli, non quæ singuli; sed, quæ pars sunt universitatis. Hinc speciatim, jure Romano constitutum, ut nullus ex *Vicanis*, pro alienis Vicinorum debitis teneatur. *l. unica. C. Ut nullus ex Vicanis. & l. nullam. Cod. De execut. & exactionib. præcipitur:*

ut nulla alterius possessio, pro alienis debitis, etiam *publicis*, conveniatur. Cui consonant *Novelle. 52. & 134.* quibus vetantur pignorationes pro aliis, additæ ratione; quod æquum non videatur, ut alius quidem sit debitor; ab alio verò exigatur.

33. Sed hæc, ut ut non abs ratione, statuta sint; jure tamen gentium *voluntario* induci potuit & reapse inductum apparet, ut pro debito civili communitatis, vel ejus capituli, teneantur & obligata intelligantur bona omnia *corporalia & incorporalia* eorum, qui tali societati aut capiti, subsunt. Id quod per quandam necessitatem, inventum; ne alioquin absque impunitate & remedio, magna supeditaretur injuriis faciendis licentia, ut proinde hoc jus, unum videatur ex juri-
bus illis, quæ *Justinianus Instit.* De *jure nat. gent. & civil.* ait: *usu exigente, ob humanas necessitates, constituta.* sed nec hoc jus ita naturæ repugnare, quin, moribus & tacito populorum consensu, induci potuerit; eruitur ex *Doctore Angelico. 2. 2. q. 40. art. 1. Adde Molinam, Disp. 120. & 121. Navarr. cap. 27. n. 138.*

SECTIO QUARTA.

An ad Bellum licitè suscipiendum sufficiat causa dubia vel probabilis?

34. Non ut in *Mathematicis*, ita in *Moralibus*, semper omnimoda haberi potest certitudo. In his enim, circumstantiæ etiam minimæ, casum variant; ita, ut modò hoc, modò illud, justum rectumve videatur. Ex quo ambiguitas sæpe suboritur, ut in crepusculo, & aqua frigida calefcente; ut difficile sit, verè justum ab eo, quod tale videtur, discernere. Maxime, quia inter id, quod necessario fieri debet & facere nefas est; datur medium.

le

scilicet, id, quod licet, seu permissum est.

35. Hic autem ex dictis lib. 1. cap. 1. n. 31. recolendum est; actum esse vitiosum; si id, quod reipsa iustum est, fiat ab eo, qui perperis perpendendis injustum existimat. Hoc enim est, quod *Doflor Gentium*, ad Rom. cap. 14. §. 23. cunctis inculcat dicens: *quidquid non fit ex fide, peccatum esse*, ubi fides, animi de re agenda iudicium, importat. Siquidem natura humanis actionibus, veluti Ducem addidit vim iudicatricem, quâ contemptâ, obbrutescimus animus. Sæpe autem accidit, ut fluctuet iudicium, nil certi reperire valens. Quo eventu, si omni conatâ adhibito, hæsitatio expediri nequeat, aut ab omni actione desistendum; aut: si alterutrum est faciendum, & de utroque peræque dubitetur, tunc saltem eligendum est illud, quod minus iniquum, minusque periculosum esse videtur. Minus enim malum, in comparatione majorum, rationem induit boni, ut cum Aristotele, *Nicomach. 2. cap. 9.* observavit Cicero, *De offic. 3.*

36. Plerumque verò in rebus dubiis & intricatis, animus adhuc in bivio hærens, huc illucque fluctuat, partim, ob argumenta *de re petita*, seu *probabilitatem*, ut scholastici loquuntur, *intrinsicam*; partim, ob argumenta petita ex opinione aliorum, ejus rei, de qua agitur, peritorum. Etsi enim præstantissimum sit, *per se sapere*, huic tamen proximum est, duci alterius prudentis opinione. Id quod indigitare voluit Divus P. Augustinus lib. 3. *De ordine*. inquit: duplicem esse viam, quam sequi debeamus, cum nos movet rerum obscuritas; scilicet: *aut rationem, aut certe auctoritatem*. Confer *Vasquez disp. 62. cap. 3. n. 10.*

37. Qui propriâ non pollent peritiâ aut rerum experientiâ, tenentur audire & sequi prudentium consilia. Nam vero-

similia sunt, quæ omnibus videntur, aut plurimis, aut certè sapientibus, iisque rursus, aut omnibus, aut pluribus, aut præstantioribus. Confer *F. Viçtoria. De Indis. relect. 1. n. 12. &: De jure belli. 21. & 24.* Atque hac viâ judicandi, maxime utuntur Reges, quibus artium momenta edificare aut expendere, vix vacat. Sicut enim id, pro vero habetur, quod plurium maximèque idoneorum testium depositione, stabilitum; ita & ea sententiarum sequenda merito est, quæ plurimis præstantissimisque nititur auctoribus. Unde veteres Romani, non nisi consulto *Fecialium* collegio, ad id instituto, & Imperatores Christiani, exemplo *Caroli Magni*, vix, nisi auditis Episcopis, bella suscipiebant aut ardua negotia definiebant; ut, si quid esset, quod religionem posset injicere, ejus admonerentur.

38. Quoties autem in controversiis, ubi peccandi vel injustitiæ committendæ periculum est, pro utraque parte, probabilia se produnt argumenta, sive *intrinsicæ*, sive *extrinsicæ*, ab auctoritate scilicet aliorum petita; ea eligenda est sententia, quæ minus periculi habet, tutiorque est, maxime in rebus, ubi de vita, seu supplicio capitali hominis, agitur. Satiùs enim est, nocentem absolvere, quàm innocentem condemnare. Unde Author problematum, quæ Aristotelis nomen præferunt, *sect. 29.* dixit: *Si errandum est; sine jure absolvere, quàm per injuriam condemnare, est sanctius. Nam in illo error est: in condemnatione infantis, facinus.*

39. Jam verò, quoniam res maximi momenti est bellum; utpote, ex quo mala plurima etiam in infantes sequi solent; ideo inter sententias alternantes, seu in diversa conclusa abeunt, vergendum est ad pacem, quia id tutius est. Unde cum Theologis, *Resolvunt* Jurisperiti: *imò. Exorto super proprietate rei dubio, possi-*

dentis

denti non posse iuste moveri bellum. Tum quia in dubio, melior est conditio possidentis: Tum quia, si causa in iudicium deduceretur, non posset iudex instante dudio, possessorem privare commodi possessionis. Quamobrem, si possessor ab altero è possessione ejiceretur; posset isti alteri bellum movere ad recuperandum id, quod perdidit. RESOLVUNT 2dò. Si res, de qua dubium est, à neutra parte possideatur, non licet inferri bellum pro habenda re tota. Æquitas enim non fert, ut ubi uterque habet jus æquale; uni totum adjudicetur. Res enim tali casu, ex æquo dividenda, aut compensanda est. Quòd, si alter nec in divisionem, nec compensationem medietatis, consentire vellet; bello ad id cogi posset. Idem dicendum; si is, qui non possidet, fortius jus habeat circa rei proprietatem aut dominium. Poterit enim petere compensationem ab eo, qui possidet; aut, ad illam præstandam, ipsum armis adigere, suppositò, quod negotium tanti sit momenti, ut iudicio prudentum, expediat illud Marte terminari. Confer *Francisc. Sylvium*, in 2da 2da *D. Thomæ* q. 40. art. 1. §. *Queritur quartò. pag. mibi* 238.

40. Tribus autem modis, vitari potest, ne controversiæ in bellicas flammis erumpant. Primus est per colloquium. *Duo enim sunt genera decertandi* (inquit *Cicero. lib. 1. De offic. unum per disceptationem, alterum per vim: cumque illud proprium sit hominis, hoc, belluarum, confugiendum est ad posterius, si uti non licet priore. unde Euripides dixit:*

Verbis id impetrabo, sin nequeo, manu.

Quorum collimat *Magni Augustini doctrina, lib. 3. De ordine*: ibi: *Duplex est via quam sequimur, cum rerum nos obscuritas movet, aut rationem, aut certè auctoritatem. Confer Gabriel. Vasquez. disp. 42. cap. 3. n. 10. Ejusdem sententiæ fuit*

Minutius apud Livium lib. 22. inquit: Eum primum esse virum, qui consulat, quid in rem sit: secundum, eum, qui momenti obediat: qui nec ipse consulere nec alteri parere scit, eum extramini ingenii esse. Quod ipsum repetit Tullius pro A. Cluentio. ibi: Sapientissimum esse dicunt eum, cui quod opus sit, ipsi veniat in mentem: proximi accedere illum, qui alterius bene inventis obtemperet. Cui concinit Hesiodus:

Ille quidem ante omnes, per se quid utile, quid non

Qui videt, & longè fines prospectat agendi: Qui bene consultis didiciit parere secundus: At, qui consiliis pollet nihil ipse, nec audit Suadentes alios, nullus homo vivit adusus.

41. Secundus modus componendi controversias & belli evitandi, est *compromissum*. Atque huic viæ insunt æquitatis & pacis amantes, càmque sectati sunt magni Reges & populi, prout exemplis notabilibus, ostendit *Grotius De J. B. & P. lib. 2. cap. 23. §. 8. Omnium autem maximè decet christianos Reges & populos, hanc præoptare viam, ut humano parcat sanguini. Proinde tum eam ob causam, tum ob alias rationes, utile & consultum, imò quodammodo factu necessarium foret, Conventus quosdam haberi Christianorum potestatum, ubi negotia & controversiæ ab impartialibus discuterentur & definirentur. Vide *Molinam. disp. 103. §. Quando inter Ec.* Quòd, si partes ex compromissariis arbitrio, æquis legibus pacem amplecti, & ab armis desistere nolint; ad id, per compromissarios, si viribus valeant, vel per alios potentiores, cogi poterunt, prout tradit *Gail. De pace publica. lib. 2. cap. 18. n. 12.**

42. Tertijs modis dirimendi graviores controversias est *sortitio*, seu *sortium jactus*. Vide dicta *lib. 1. cap. 5. n. 26. Confulat quoque Divum P. Augustinum. De do-*

doctrin. Christiana. lib. 1. cap. 28. Sorti affine est certamen singulare, cujus usus non videtur omnino repudiandus, si videlicet duo, quorum controversiæ aliquin totos populos, gravissimis malis sint implicituræ, inter se parati sint armis decertare. Videtur enim, id, si non ab ipsis (nisi iustus, aut Dei inspiratio accedat) recte fieri, certè à populis vel civitatibus acceptari posse, tanquam minus malum. Vide dicta hoc capite. n. 73. Salmem inter ceteros veterum Francorum, id est: Germanorum, mores, hunc impensè extollit *Agathias. lib. 1.* cujus hæc sunt insignia verba, quæ ex græco, in latinum, vertit eruditissimus *Grotius loc. cit. §. 10.* Si quæ fortè inter Reges oriantur controversiæ, aciem quidem omnes instruunt, tanquam bellaturi ad rem armis decernendam: & obviam alii aliis procedunt. At, ubi conspicati sunt se invicem exercitus, abjectâ irâ, ad concordiam redeunt, & Regibus auctores sunt, ut jure potius censeant: aut: si id nolint; ipsi inter se singulari dimicent certamine, & suo duntaxat ipsorum periculo, rem transigant. Neque enim aut æquo & bono, aut patriis institutis convenire, ut ipsi ob propria odia, bonum publicum labefactent aut evertant. Ergo confessim solvunt exercitus, & restituta pace, tutò inter se commeant, sublati malorum causis. Tanta in subditis cura justitiæ & patriæ amor: in regibus verò animus placidus & suis obsequens. Confer *Capitularia Caroli Calvi* apud *S. Arnulphum*, & passionem *Aquisgranensem*. de qua facer ille scriptor. Non vituperandos igitur est scriptor tragœdiæ *Thebaidos*, dum de duobus altercantibus cecinit:

Rex sis de vobis uter?

Manente regno, querite.

Multò enim satius, justiusque creditum est, unum pro omnibus, quàm multos, unus causâ, perire. Quamobrem apud *Vir-*

gilium: Eneidos 11. *Eneas* æquum arbitratu s fuit, ut cum *Turno*, certamine singulari, controversiam dirimeret. ibi:

Æquius huic Turno fuerat, se supponere morti.

Unde & *Antonius*, teste *Plutarcho*, *Ostævium* ad monomachiam provocavit.

43. Disquirunt *Theologi*, disputant & *Publicistæ*, num bellum dari possit, ex utraque parte justum? *Theologi* breviter quæstionem hanc definiunt, dicentes: suppositâ ignorantia, ex una parte, invincibili, posse dari bellum utrumque formaliter justum, sed non materialiter; id est, exploratâ rei veritate. Atque hoc ipsum est, quod post *Magnum P. Augustinum*, *lib. 15. De civit. Dei, cap. 5. & lib. 29. cap. 15.* docent *Covarruvias* ad *Regulam: Peccatum. part. 2. §. 10. n. 2. Victoria, in relect. De bello. n. 32. Sylvius, in 2. 2. q. 40. art. 1. §. Queritur 5to.* Quibus consonat *Grotius. loc. cit. §. 13.* ubi bene distinguendas monet justæ acceptiones. Justum enim (inquit) aliquid dicitur, aut ex causa, aut secundum effectus. Ex causa rursus, aut speciali acceptione justitiæ; aut illa generali, quâ omnis rectitudo, eo nomine venit. Specialis acceptio iterum dividitur in eam, quæ ad opus pertinet, seu rei in se veritatem spectat; & in eam, quæ pertinet ad operantem; seu, quæ respicit operantis mentem, intentionem & dispositionem. Nam ipse operans latiore significatu, justus, id est: inculpabiliter, interdum agere dicitur, quoties injustus, videlicet ex prava intentione, non agit; etiam si id, quod agit, in se justum non sit: quo sensu ex *Divo Patre Augustino*, alibi diximus; aliud fore: injustus agere, aliud verb, agere, quod injustum est. Speciali itaque & ad rem ipsam, relatâ justæ acceptione, utique bellum utrumque justum esse non potest, non magis, quàm lis privatorum queat esse justâ

ita *materialiter*, ex parte utriusque litigantis, quia facultas *moralis*, ad contraria: ad agendum & impediendum, id est: *excipiendum* per rei naturam, haud datur. At verò, ut neuter bellantium injustè agat; fieri sanè potest. Injustè enim nemo agit, nisi, qui & scit, se rem injustam agere: multi autem per ignorantiam invincibilem, id nesciunt. Multa enim & in jure & in facto, unde jus oritur, fugere homines solent. Generali acceptione, justum dici solet; quod omni agentis culpà vacat. Multa autem etiam sine jure fiunt, quæ ob ignorantiam *inevitabilem*, haud culposæ sunt, ut constat exemplò eorum, qui legem non observant, quam sine culpa sua, latam promulgatamque esse, ignorant, ut ut tempus alioquin ad hauriendam scientiam sufficiens, lapsus sit. In litibus *privatorum* per sæpe quoque accidit, ut utraque pars nedum injustitiâ, sed & omni alio vitio careat; præsertim, ubi pars utraque, aut altera, litigat non suo, sed alieno nomine. puta: ex tutoris officio, cui congruit, jus etiam incertum, in damnum pupilli sui, non deferere. Quanquàm in bello vix contingat, ut vel temeritas, inordinata cupiditas habendi, & *Philaucia* omnis absit, ob negotii ipsius gravitatem, quæ talis est, ut causis probabilibus haud contenta esse debeat, sed quàm maximè evidentes requirat. Porro; si quò ad quosdam juris effectus, *justum* capiamus; indubium est, hoc sensu, bellum posse dari utrimque justum, ad eum modum, quo sententia injusta, possessio item juri non subnixâ, quosdam habent juris effectus. Non igitur maturè rem ponderavit *Paulus Poet*, dum in opusculo: *De jure militari* cap. 1. n. 16. ex *Alberico Gentili*. *De Bello*. lib. 1. cap. 6. & *Bocero*. *De Bello*. cap. 1. n. 12. scripsit: illum vim veritati inferre, qui dixerit, justum utrimque bellum dari posse.

44. Belli utrimque, opinione scilicet pugnantium, justî, aut saltem non injusti, *formaliter* scilicet, exemplum occurrit in pugna, quam *Israëlita* instituerunt contra *Chananeos*. Erat enim justum ex parte *Israëlitarum*; quia divino mandato muniti erant; neque injustum erat ex parte *Chananeorum*; quia voluntatis & mandati divini inculpata habebant ignorantiam.

45. Sciscitari hîc posses: num restitutioni obnoxii sint, qui ab initio, aut in belli decursu, arbitrati sunt, se justam habuisse belligerandi causam, postmodum re penitus persâ, deprehenderunt, se fuisse in opinione sua deceptos, & bellum fuisse injustum? *Franciscus Vielloria*. loc. cit. n. 33. ex communi Doctorum tum Theologorum tum Jurisperitorum sententia, RESPONDET: Eos, qui suâ culpâ ignorabant injustitiam belli, ac ita dimicantes, aliis nocuerunt; teneri ad restitutionem omnium damnorum, humanitus hîc & nunc reparabilium: eos verò, qui, per ignorantiam inculpabilem, belligerando, aliis damna intulerunt, non ultra teneri, quàm quatenus, aut facti sunt exinde ditiores, aut quatenus, bello capta adhuc exstant: non itaque teneri relarcire: vel animalia occisa, vel domos combustas, fata conculcata, arbores cæsas, &c. Bona enim fides facit, ut ea duntaxat restitui debeant, quæ superveniente malâ fide, vel exstant, vel quatenus, qui sic egerunt, ditiores seu locupletiores evaserunt, prout alibi pluries diximus.

46. Dictum quoque; non temerè, aut ob rationes *apparenter* solum *justificas*, suscipiendum esse bellum. Plus hîc dicimus, scilicet, jure etiam satis comperto, mox non oportere bellum suscipi, aut non semper licere. Contra enim evenit, ut plerumque rebus limatiùs perpenfis, ma-

magis pium rectumque sit, de jure suo quancunque aliquid remittere, quam illud, damno aut proprio, aut aliorum, periculis prosequi. Siquidem, ut cum Magno Patre Augustino saniores docent Theologi, vitæ quoque propriæ interdum curam, honeste, quin & meritorie, negligere possumus, ut alterius & vitæ, & salutis perpetuæ, quantum in nobis est, consulamus. Id quod, quam maximè, in nos Christianos & orthodoxos cadere debet, utpote, qui perfectissimum exemplum imitari deberemus salvatoris nostri, qui pro nobis peccatoribus, in cruce, mori voluit. Quidni igitur tanto exemplo excitari debeamus, ne res nostras, aut nobis debitas, cum irrecoverabili saepe aorum damno, cujusmodi, bellum secum ferre natum est, persequamur.

47. Qui majore & saniore ingenio emicuere Sopbi, Principibus semper suaserunt, ut vel pænæ seu vindictæ causâ, bello abstinerent, aut leviores inferrent delinquentibus. Quisquis enim alium punire vult, Rectoris, id est Patris, quodammodo personam induere, adeoque clementem, se exhibere debet. *Clementia autem [ut Seneca ait Epist. 87.] alieno sanguini, tanquam suo, parcat, & scit, homini non esse homine prodigè utendum.* Quinimò Diodorus Siculus, in fragmentis, censuit: Non omnes, qui deliquere, puniendi esse, sed eos, quos malefactorum nihil poenitet. Quod si interdum exemplo, in terrorem aliorum, opus, ita ut nec poenitentibus parcendum sit, rectè tamen Magnus P. Augustinus Comitem Marcellinum instruxit, dicens: *imple Christiane iudex! pii patris officium.* Vide Gratianum. *caus. 23. q. 4.* ubi in hanc rem, citat Augustinum.

48. Si itaque de pœnis infligendis agitur, officii primum nostri Christianorum est, ut facile & libenter, aliis offensam

A Hochkirchen, Ethic. Christ. Pars II.

in nos commissam remittamus, sicut Deus nobis condonat in Christo. ad *Ephes. 4. v. 32.* Irâ enim vacare circa ea, ob quæ nocentes, pœnæ mortis sunt obnoxii, ad divinam naturam accedit. Unde *Seneca. lib. 1. De Clement. cap. 20.* de Principe scripsit: *Longè sit in suis, quam in alienis exorabilior injuriis. Nam quemadmodum non est magni animi, qui de alieno liberalis est, sed ille, qui quod alteri donat, sibi detrahit: ita clementem vocabo, non alieno dolore facilem, sed eum, qui cum suis stimulis agitur, non proficit: qui intelligit magni animi esse, injurias in summa patientia pati.* Ut meritò Tullius vel ab eo præcipuè laudaverit. *C. Cæsarem*, quod oblivisci nihil solum nifi injurias: & *De officiis. 1.* dixerit: *nihil magno & præclaro viro dignius placibilitate atque clementiâ, cujus eximia virtutis, insignia nobis, sacræ litteræ, suppeditant exempla in Moyse: Numeror. 11. v. 12. Davide & aliis.* Id quod maximè locum habere debet, ubi nos quoque aut alios laceessimus, aut in ipsos peccavimus, vel id, quod in nos peccatum est, ab humana quadam & excusabili profectum infirmitate, cujus indicium est subita poenitentia illius, qui deliquit aut nocuit. Ob has causas, humanitatis ratio & lex Christianæ charitatis, quam ipsis inimicis debemus ac rectè impendimus, suadet: ut in vindicandis injuriis, animum temperemus & belli sævitiam evitemus.

49. Quod si rei gravitas & justitia postulare videatur, ut ad arma procedatur; videndum: an id quoque consultum & salutare sit? Quò facit parabola Evangelica, in qua dicitur, quod si quis Rex cum alio Rege, bello certare velit; primo sedere, id est: mature & diu expendere debeat, an ipse decem millia militum habens, hosti, viginti millia ducenti, par esse possit? Quod si se inferiorem &

imparem sentiat, potius tempestivè, priusquam hostis intra fines adsit, ad ipsum mittere debeat legationem, pacis pangendæ aut exorandæ causâ. Quinimò & ille, qui pari bellantium numero, & viribus æqualibus est, incertam belli alcam, & quidquid inopinatum fortuito accidere potest, priusquam in campum *Martium* procedat; perpendere debet.

50. In pœnis itaque infligendis aut exigendis, præprimis perpendendum est; num in illum moveatur bellum, qui paribus aut ferè paribus pollet viribus? Quod ubi deprehenditur, nunquam eo nomine inferendum est bellum contumacibus & desperatè pugnaturis. Proinde, prout iudex civilis, sententiam à se latam executurus, ita is, qui armis facinora vult vindicare, multò validior altero esse debet. Neque verò prudentiæ solum regula, aut lex charitatis postulat, ut ancipiti & periculoso bello absteatur; sed sæpe id exigit iustitia etiam *Reſtoria*, quæ ex ipsa regiminis natura, superiorem non minus ad curam pro subditis, quàm hos ad obedientiam obligat. Unde Theologi passim tradunt: Regem, qui ob causas leves, aut ad exigendum pœnas, non necessarias, magnum interim discrimen secum trahentes, bellum suscipit; teneri subditis ad reparationem damnorum, quæ inde oriuntur, Nam, etsi non in hostes, in subditos tamen suos, quos talibus de causis, incommodis adeò gravibus implicat, veram committit injuriam. Unde id ferè unicè *iustum* bellum dicendum, quòd necessariò suscipiendum: & arma dicenda sunt *pia*, sine quibus nulla alioquin relinquatur spes. Quò respexisse videtur *Ovidius*, *Fastorum* 1. inquires:

Solo gerat miles, quibus arma coërceat, arma.

51. Bellum gesturi nedum, vires proprias, atque adversarii potentiam; sed & bellandi tempus & oportunitatem consi-

derare debent: ut prudenter *Augustus* apud *Suetonium* cap. 24. monuerit; bellum haud suscipiendum, nisi, cum major emolumentum spes, quàm damni metus ostenderetur. Et non minus sapienter apud *Gellium*, lib. 13. cap. 3. ac *Falerium Maximum*, lib. 7. cap. 2. dixerint *Scipio Africanus*, & *L. Æmilius Paulus*: Non fore decertandum, nisi summâ necessitudo, aut summa occasio data esset. Ethicè, totum quod hæc in parte dici potest, complexus est *Magnus Augustinus*. *Epist.* 1. *Ad Bonifacium*. ibi: *Pacem habere voluntatis est; bellum autem debet esse necessitatis, ut liberet Deus à necessitate, & conservet in Pace.*

52. Quia res sæva, bellum est, cumulumque secum trahit injuriarum & insolentiarum; ideo Christianæ Ethicæ nostræ Magister *Africanus*. *De civit. Dei* lib. 19. cap. 7. de belli calamitatibus disserens, ait: *Quorum malorum multas & multiplices clades, diras & duras necessitates, si, ut dignum est, eloqui velim, quamquam nequaquam, sicut res postulat, possum: quis eris preliæ disputationis modus...* *Hæc itaque tam magna, tam horrenda, tam sæva, quisquis cum dolore considerat, miseriam, necessè est, fateatur.* Unde *S. Doctor* lib. 4. *De civit. Dei*, cap. 15. dixit: *Belligerare malis videtur felicitas, bonis, necessitas. & Maximus Tyrinus* sic effatus est: *De bello etiamsi demas injustitiam, ipsa per se necessitas miseranda est.* Proinde (inquit idem) *apparet, bellum à justis non assumi nisi necessariò, ab injustis, spontè.* Ratio *Senecæ* est: quia homini homine haud prodigè utendum. Ut *Philiscus* teste *Æliano*, lib. 14. c. 11. rectè monuerit *Alexandrum*, ut gloriæ quidem studeret, sed eâ lege, ne se pestilentiam faceret. Quo indigare voluit, populorum stragem, desolationem urbium; regionum devastationem; effectus esse *pestilentie*, nihil autem magis

gis

gis esse regium, quam consulere omnium salutem, quæ pace continetur. Profectò cur Deus à Davide, qui bella etiam *pia* gessisse dicitur, templum suum ædificari vetuerit: ratio fuit, quòd multum sanguinem fudisset, & hostili etiam cruce pollutus esset, ut loquitur *Flavius Josephus. lib. 7. cap. 25. Quamvis enim* (inquit *Philo: De vita Moysis*) *legibus permixta sunt hostium occisiones, attamen quisquis hominem interfecerit, quamvis iustus, quamvis ad sui tutelam, quamvis coactus, aliquid labis contraxisse creditur, propter illam communem à summa causa venientem cognationem.* Quapropter & purgatione quadam opus habebant tales interfectores, ad elucendum quod commissum videbatur piaculum. Unde fluxisse crediderim, quòd per sacrorum Statuta Canonum, irregularitatem defectu *perfectæ lenitatis*, ut in scholis loquimur, contrahant iudices, liatores, & alii, qui citra iniustitiam, ad hominis interemptionem concurrerunt, qua de re egimus *lib. 1. cap. 9. n. 34.*

SECTIO QUINTA.

Quibus bellare, & quos in auxilium vocare sit licitum?

53. Præscindendo à sacratoribus & perfectionibus scholæ Christianæ tum legibus tum monitis, & considerando hominem secundum se, extra civile imperium; certum est: quemvis naturaliter fore sui juris vindicem, & ideo nobis à natura datas esse manus. Vide supra dicta. Quia autem otiosè disputarem de jure hominum, pro statu, in quo non reperiuntur amplius omnes enim, saltem non prorsus esserati populi, sub regimine aut *Monarchico*, aut *Aristocratico*, vel

Democratico, aliòve mixto, vivunt) idcirco, ut intra fines Ethicæ nostræ Christianæ nos contineamus; sit

54. QUÆSTIUNCULA 1ma: Utrum Clericis & Episcopis, sit licitum belligare? Respondemus autem cum Doctore Angelico. 2. 2. q. 40. art. 2. *Negative*, regulariter scilicet loquendo. Ratio petitur tum ex indecentia & incompatibilitate negotiorum [bellicæ enim causæ ac expeditiones, maximas sæcum ferunt deliberationes, & inquietudines, haud convenientes Clericorum officii, quæ sunt: divina contemplari, Deum laudare, orare; sacrificare pro populo &c. &c.] Tum propter representationem. In Sacrificio enim *Missæ*, quorum inferiorum Ordinum munera referuntur; representatur incruento modo, Sacrificium Christi cruentum, quod pro nobis peccatoribus, in ara crucis, Deo Patri suo obtulit, & in cuius memoriam æternam, in cæna ultima, Apostolis & Sacerdotibus cunctis mandavit, offerre hostiam immaculatam: Proinde mansuetudinem Christi Salvatoris & Magistri, ita imitari debent Clerici, ut potius proprium, si expedit, sanguinem, quam alium fundere parati sint. Huc facit canon. *Quicumque. caus. 23. q. 8. ibi: Quicumque ex Clero esse videntur, arma militaria non sumant, nec armati incedant, sed professionis suæ vocabulum, religiosi moribus & religioso habitu præbeant.* Adde Canonem: *His. ibid. His, à quibus Domini Sacramenta tractanda sunt, iudicium sanguinis tractare non licet. &c.*

55. QUÆSTIUNCULA 2da. Quibus Clericis belligare non sit permixtum? Quòd Clericis majorum Ordinum, absque publica & gravi necessitate, vel summi Pontificis licentiâ, sub mortali peccato, bellare sit prohibitum; Doctores, tum ex materiæ gravitate; tum ex peccatorum à jure statutarum acerbitate, col-

ligunt. De Clericis verò minorum Ordinum, qui nec beneficium habent, nec clericalibus privilegiis gaudentes, itatui Ecclesiastico renuntiaverunt; *Covarruvias*, in *Clementina*. Si furiosus. p. 2. §. 3. n. 2. *Azor. part. 3. lib. 2. cap. 16. Sylvius*, in 2. 2. *D. Thomæ. quæst. 40. art. 2. §. Queritur. 1. Lorcas ibid. & Theologi passim*, statuunt; illis non fore prohibitum pugnare. Dico: Qui nec beneficium habent &c. Si enim beneficium possident, belligerando, lethaliter delinquere censentur, cum eatenus sint ex officio, ministri Ecclesiæ, & teneantur vitare irregularitatem. Quod, si quidem beneficium non habent; fruuntur tamen privilegio clericali; venialiter saltem peccabunt, si Marti se addixerint. Ratione enim clericalis (quo fruuntur) privilegii, deberent servare ea, quæ clericis decet. Quia tamen non nisi remotè destinati sunt ad Sacrificium Altaris; ideo non videntur plusquam venialiter peccare, si contra fecerint, veluti; si nuptias contraxerint, vel iudicis officium assumpserint. &c.

§6. Quid, si clerici in bello alioquin iusto, ex parte sua, illicitè pugnantes, ab hostibus spolia vel prædam acceperint? *RESP.* Illos per hoc [dummodò accedat saltem præsumptus summi Principis, cui serviunt, consensus] speciale peccatum non commisisse, neque teneri ad restitutionem. Siquidem ex hoc, quod illicitè pugnent, non peccant contra iustitiam, sed contra Religionem. Confer *Sylvium loc. cit.*

§7. De Clericis habentibus supremam in temporalibus potestatem [quales sunt Principes Electores Ecclesiastici & alii quidam Episcopi in imperio Romano-Germanico] constat: quod ex iusta causa, possint indicare bellum & constituere ducem exercitus: Tum quia non sunt dete-

rioris conditionis in tuendo & prosequendo jure suo, quam alii Principes sæculares; Tum quia absque irregularitatis periculo, cautas sanguinis, aliis delegare possunt. cap. *Episcopus. tit. Ne Clerici vel Monachi &c. in 6. Confer Sylvestrum. Verb. Bellum. 3. q. 1. & ea, quæ hac de re diximus lib. 1. c. 9. n. 35.*

§8. Indubium est, quin Clerici etiam Sacerdotes, licitè & absque irregularitatis periculo, possint castra sequi, ad ministrandum spiritualia: possint quoque suadere bellum pium & iustum; atque hortari milites, ut strenuè, fortiter, & impeterritè dimicent, idque, sive ante conflictum, sive ipsa in arena; dummodò ad mortem vel mutilationem alicujus, determinatè non concurrant. Ad id enim efficaciter cooperari non licet clericis. Quo sensu intelligendus est Pontifex *Innocentius III. in cap. Quod in dubiis. tit. De pœnis. ubi dicit*: Clericum enormiter peccare, & deponendum, qui alios incitat ad pugnam.

§9. Quod Clerici cum licentia summi Pontificis pugnantes, nec peccent, nec irregularitatem incurrant; cum Theologis, tradunt Canonistæ; inter quos etiam convenit, quod à reatu culpæ immunes sint, qui quidem absque expressa Papæ licentia, ob evidentem tamen necessitatem, arma arripunt & configunt; puta: si alioquin civitas vel exercitus perire deberet, aut occasio insignem victoriam, contra Christiani præsertim nominis hostem, obtinendi elaberetur. Disceptatum autem fuit, num ita pugnantes fiant irregulares? *Negativè* responderunt *Sylvest. Verb. Bellum. 3. q. 2. Valentia. quæst. 16. De Bello. puncto 2. Lorcas & alii.* Verosimilius tamen & tutius, *affirmativè* responderunt *Cajetanus & Bannes* scribentes ad art. 2dum: 2. 2. *D. Thomæ quæst. 40. quibus consonat Praxis Episcopalis*

copalis art. 5. part. 1. Ex ratione; quod in jure, quivis irregularis habeatur [excepto illo, qui in necessariam sui ipsius defensionem, occidit invadentem: *Clement. Si furiosus. De homicidio.*] qui alium voluntarie interimit vel mutilat. *caus. 23. q. 8. cap. Sepe. cap. His à quibus. lib. 3. Decretalium. tit. Ne clericis &c. cap. Clericis. cap. Sententiam. tit. De raptorib. can. In Archiepiscopatu. & signanter can. 1. dist. 51. Quò facit cap. Petitio. tit. De homicidio.* ubi Pontifex illum ab altaris ministerio debere abstinere decernit, qui aliquem in defensionem castris, in quo morabatur, percussit.

60. Nec DICAS imò. hoc ultimo loco non agi de necessaria defensione. Textus enim ipse insinuat, quòd castrum ab inimicis fuerit graviter invasum, adeoque defendendum. Neque DICAS adh. Absurdum videri, quòd is irregularis efficiatur, qui licite, imò necessitate adactus, pugnavit. Siquidem hæc irregularitas non tam in peccati poenam, quàm ut (Theologi loquuntur) ob defectum perfectæ lenitatis, incurritur etiam absque culpæ reatu; qua ratione diximus alibi, iudices Assessores, & iustitiæ executores, effici irregulares, in causis sanguinis. Contrariam quidem sententiam fovet *Suarez tom. 5. in tertiam partem. disput. 46. sect. 2. & sect. 6.* ubi ab irregularitate eximit cunctos, qui licite & moderatè, Republicam, proximum, vel propria bona sua defendentes, alium occidunt. Tutius tamen tamen fuerit, tali casu petere dispensationem, propter textum in *cap. Significasti. De homicidio.* ubi Pontifex Innocentius III. dicit: quòd clericus, qui percussit furantem in Ecclesia, si dubium sit, an percussus, ex illo ictu interierit, tanquam homicida haberi, & à sacerdotali ministerio, abstinere debeat, cum in tali casu, tutius sit abstinere,

quàm temerè celebrare. Vide adstrictam *Navarrum cap. 27. n. 193.*

61. PATES: Quo jure Clericis prohibitum sit bellare? Tamen *Gratianus, Decreti* compiler, sub initium *questionis octavæ. caus. 23.* Id clericis, jure divino, fore prohibitum asserat, & cum videatur sequi *Valentia in tract. de bello.* Communis tamen & vera sententia habet, jure solum Ecclesiastico, Clericis bellum esse prohibitum. Id quod probatur, tum ex veteri, tum novo testamento. Ex veteri quidem, quia in illo licuit Sacerdotibus bellum gerere, ut patet de *Abrahamo. Genes. 14. De Jonathan & Simone* fratribus Judæ *Machabæi. lib. 1. Machabæ. cap. 10. 11. & 12.* Ex novo etiam testamento; quia nec Christus, nec Apostoli, Belliduces, Centuriones aut milites aliunde non peccantes, reprehenderunt, quod justis ex causis, arma tractaverint; adeoque bellum, tanquam res vel actio de se turpis aut illicita, censeri non debet Clericis, jure divino esse prohibitum; præsertim, cum hujusmodi prohibitionis, non esset præceptum; neque S. Pontifex cum Clericis dispensare posset, ut essent belliduces aut milites, causæque sanguinis tractarent. Nec

62. Contra facit: Quòd Christus Petro, & in ipso, aliis Clericis mandaverit, ut converteret gladium in vaginam. *Mattb. 26.* Quo loco utitur Divus *Bernardus. lib. 4. Ad Eugenium Papam. cap. 3.* ut demonstret, gladium materiale non Pontificis manu, sed ipsius autoritate & approbatione, ab aliis secularibus, exeri posse. RESP. enim, Christum ibi non alloqui Petrum quàm Clericum vel Sacerdotem præcisè, sed quàm hominem privatum. Siquidem ibidem, duntaxat generatim prohibet, ne quis ausu privato, se vel alios vindicet. Quanquàm ob indecentiam & distractionem à divinis officiis, quam

quam bellum invehere solet, regulariter clericis per se belligerare non sit permiffum. Nec plus voluit Doctor mellitius dicere. *Neque*

63. In contrarium *urget* dictum Apostoli 2. *ad Timoth.* 2. quod videlicet nemo Deo militans, se negotiis secularibus implicare debeat. Nam *RESP.* Apostolum ibidem non tam Clericos, quàm quoscunque Christi fideles instruere, ne Christo adscripti & militantes; nimiam, circa res corporales & fluxas, angantur sollicitudine; quanquàm Clericos, specialem titulo, oporteat ad secularibus negotiis & curis esse alienos, prout docet *Divus Thomas* 2. 2. q. 40. art. 2. *in corpore.* & ibid. *in responsione.* ad 2um. Unde quando *Nicolaus Papa* relatus *in can.* 19. *caus.* 23. q. 8. & alii SS. Patres reprehendunt Episcopos, quòd contra piratas invigilent, & rebus militaribus intenti sint: illud insinuare volunt: quòd Episcopi munus non sit, neglectam ovium spiritali salute, pro libitu, se implicare, & vehementius incumbere bellicis negotiis: & quòd indecorum sit Episcopo, *per se* tractare causas sanguinis, præsertim; quia etiam nec omnia, quæ licent, & per se crimen non habent, expediunt semper.

64. Naturaliter loquendo, non solum unusquisque, juris sui executor, sed & alieni defensor est; Quocirca, quæ causæ iustæ sunt ipsi, cujus res agitur, illæ & iustæ sunt is, qui aliis opem ferunt. Prima autem maximèque necessaria cura habenda est subditorum. Neque enim statim iustus dici meretur, qui injuriæ nulli facit, nisi & eo sit animo, ut tutetur sibi commissos, adversus alienas injurias. Unde pro *Gabaonitis*, qui se populo *Hebræo* subjecerant, populus iste, *Duce Josue*, arma arripuit. *Jos.* 10. & 6. & Romani, teste *Tullio*, in *Verrem.* 11. *sa pius* pro suis mercatoribus & navicula-

ris injuriosius tractatis, aut ab alia natione spoliatis, bella susceperunt. Haud tamen inconsulto impetu, ob quamvis justam causam, pro vindicanda injuria subditis illata, ad arma convolandum; sed ita demum; si id sine omnium, aut plurimum subditorum incommodo, fieri possit. Rectior enim officium magis circa totum, quàm circa partes versatur: & quòd pars est major, eo ad totius naturam propius accedit.

65. Disputari solet; num civis aliquis innocens, ab hostibus ad exitum seu internecionem postulaturs deferri possit? Temere eum deleri non posse, si absque magno populi periculo defendi possit, bene tradit *Ferdinandus Vasquius. lib.* 1. *Controversiarum illustr.* cap. 13. Alioquin si appareat, civitatem hostium viribus multo esse imparem; dubium non est, quin deleri possit?

66. Gravior inter eruditos agitur quæstio, an, ut evitetur imminens alioquin civitatis excidium, civis innocens, in manus hostium tradi possit? *Negative* hanc quæstionem resolvit *Vasquius. loc. cit.* ubi etiam contra *Sotum. De just. & jure. lib.* 5. q. 7. contendit: talem civem non teneri se hostibus offerre, eò quòd natura societatis civilis, quam quisque sui commodi, & securitatis suæ causâ, iniiit, non videatur id postulare. Si jus propriè dictum spectemus; vera est *Vasquii* sententia, *Soti* verò resolutio tenenda est, si consideremus, quid charitas suadeat? Multa enim sunt officia, quæ iustitia quidem non præcipit; lex tamen dilectionis præstari jubet; ita, ut non solum laudabiliter aliis impendantur, sed etiam sine culpa, omitti nequeant. Atque ex horum officiorum classe, præcipuum illud est: ut innocens unus, sanguine suo, plurimorum innocentium vitam redimat. Unde *Cicero in Orat. pro P. Sextio*, dixit: *Si mihi*

mibi in aliqua nave cum meis amicis naviganti bos accidisset, ut multi, ex multis locis, prædones, clussibus eam navem se oppressuros minarentur, nisi me unum sibi dedissent, jecissem me potius ipse in profundum, ut ceteros conservarem, quàm illos mei tam cupidos non modo ad certam mortem, sed in magnum vitæ discrimen adducerem. Vir enim bonus & sapiens, & legibus parens, & civilis officii non ignarus, utilitati omnium plusquàm unius alicujus, aut suæ, consulit. Inquit idem Orator lib. 3. De finib.

67. Suppositò, quòd ex lege charitatis ad salvandos reliquos concives suos, quis teneatur, se hosti dedicationem postulanti offerre, dubium suboritur; an, si id quod charitas jubet, facere recusans compelli possit? Ratio dubitandi est; quòd, etsi dives egeno stipem dare, ex misericordiae præscripto, teneatur; ad id equidem cogi nequeat. Verùm alia est ratio singulorum, seu partium inter se; alia superiorum; ubi cum sibi subditis comparantur. Nam par parem, nec per se, nec per judicis officium, cogere potest, nisi ad id, quod sibi, ex jure stricte dicto, debetur. Superior vero cogere potest etiam ad alia, quæ virtus quolibet præcipit. Siquidem in jure proprio superioris, quæ superior est, hæc facultas comprehensa intelligitur. Proinde, sicut in magna frumenti penuria, cives cogi possunt, ut quod habent abundantius, in medium conferant, ne alii fame premantur; ita & in nostra hypotheca civis videtur cogi posse, ut id faciat, quod lex charitatis jubet.

68. Sicut subditi, ab injuriis extraneorum, defendi debent secundum superius dicta; ita & protegi & juvari debent socii, qui se alteri potentiori in tutelam & fidem dederunt, aut mutuam opem pacti sunt. Unde Divus Ambrosius De officiis

lib. 1. c. 36, inquit: Qui non repellit injuriam à socio, si potest; tam est in vicio, quàm ille qui facit. Sicut autem id pro impossibili moraliter habetur, quod iustè, & citra peccatum, fieri non potest; ita pactiones, ad bella iniquè & absque causa legitima, suscepta, porrigi non debent. Quinimò, ne tunc quidem socio socius ad suppetias & ferenda auxilia obstringitur, si nulla spes sit boni exitus. Boni enim non mali causà, id est: commodi, non incommodi gratià, societas contracta intelligitur.

69. Amicis, quibus etiam auxilium promissum non est, singulariter quoque assistendum, si id sine incommodo fieri possit. Sic pro Loth cognato, arma sumpsit Abrahamus. Dico: Singulariter assistendum amicis. Nam ad communem opem aliis ferendam, sufficit naturæ humanæ conjunctio & communio. Homo enim [inquit Seneca: De ira. lib. 1. c. 7.] in adiutorium mutuam generatus est. &, ut loquitur Divus Ambrosius. De offic. lib. 1. cap. 5. Fortitudo, quæ defendit infirmos, plena iustitia est. Unde si

70. PETAS: ancitra pactum vel speciale fœdus, homo hominem, populus populum ab injuria defendere teneatur? RESP. 1^{mo}. Neminem cum sui aut suorum manifesto periculo, ad id obstringi. Potest enim quisvis vitam suam & res suas, alienis anteferre. Unde Seneca lib. 2. De beneficiis. cap. 15. prudenter dixit: Succurram perituro; sed, ut ipse non peream, nisi futurus ero magni hominis, aut magnæ rei, merces. RESP. 2^{do}. Si oppressus, non nisi morte infaustoris, eripi potest, nemo regulariter tenetur liberare oppressum. Si enim, ut supra lib. 1. cap. 9. ostendimus, ipse invasus, infaustoris vitam, suæ potest præferre; cur noxam contrahat, aut culpæ theologicæ obnoxius sit; qui cum cæde infaustoris, invasum non defendit? præ-

præsertim, quia & invasus ipse, tali modo, fortassis defendi non vult; eò quòd ex parte invasoris scelerati, præsens sit periculum damni irreparabilis & sempiterni, prout hic & alibi sæpius, [utinam ubivis] egregie moralizat *Grotius*.

71. Dictum: pro subditis, amicis, confœderatis; imò extraneis, nullo, nisi humanitatis vinculo, junctis, bellum suscipi posse, si intolerabiliter opprimantur & divexentur. Gravior & delicatior est quæstio, num pro alienis subditis, ut à tyrannide proprii Regis, liberentur, licitè suscipi queat bellum? Haud faciliè saltem; neque ob quamvis, licet gravem injuriam, quam Rex suis infert subditis, alteri Principi licere arma movere, in sublevamen gravatorum; ex eo constat; quòd cuius Regi vel Monarchæ, speciale quoddam jus in suos subditos, sit quæsitum, & summam in ipsos habeat potestatem; seu, ut *Grotius* loquitur, Dominium *amens*, propter quod multa Rex facere potest, quæ populo graviora videntur. Quòd pertinet illud *Virgilii lib. 1. Æneidos*.

Non illi imperium pelagi, regnùmque Tridentis

Sed mihi forte datum...

Unde, si vel causa sit dubia, num scilicet Princeps iustè, contra subditos suos suos procedat, imperiòque suo abutatur nec ne, nullatenus licet alteri Principi, idcirco ad arma convolare. Hoc tamen non obstante, si quis *Busris*, *Phalaris*, *Thrax Diomedes*, tantam injuriam & sævitiam tyrannicè in subditos exerceret; ut hi commiseratione & alieno auxilio sint dignissimi, dicendum videtur; quòd ex charitatis officio, ab hujusmodi calamitatibus liberari possint oppressi præsertim Christiani, Ethnico Principi subditi. Qua ratione, jure scilicet humanæ societatis, *Constan-*

tinus in Maxentium & Lucinium; & in *Perfas* alii Romanorum Imperatores (inter quos ea de causa, immortalem gloriam consecutus est *Carolus Magnus*) arma arripuere, aut arripere minati sunt; nisi à Christianis persequendis, ipsi desisterent, vel alios sibi subditos, coercerent, quò minus Christianicis vim inferrent. Confer *Franc. Viðoria. Relat. De Indis. p. 2. n. 13*. Atque hoc etiam verum est, etiamsi sustineretur; ne in summa quidem necessitate, arma rectè contra proprium Principem sumi; [quòd *Grotius* mox affirmare, mox negare videtur] Fateri enim cogitur ipsemet *Grotius, lib. 2. De J. B. & P. cap. 25. §. 8*. inde haud inferri posset, quòd pro alienis subditis tyrannicè oppressis, arma sumi nequeant. Sic enim bene arguit: Quoties actioni alicui, impedimentum ponitur *personale*, non resultans *ex re*; toties, quòd uni non licet, alteri pro eodem licere potest, si modò tale sit negotium, in quo alter alteri proficisci possit. Sic: pro pupillo, qui *per se*, in judicio stare nequit, litigat Tutor vel alius: pro absente, etiam sine mandato, agit *defensor*. Impedimentum autem, quòd subditum, *quà talem*, resistere prohibet; non tam *ex rei*, seu *causæ naturæ*, quàm *ex personæ*, videlicet *subditæ*, qualitate proficiscitur; quæ qualitas, alios non afficit extraneos. Unde *Seneca* existimat: bello, à me peti posse illum, qui à mea gente sepositus, suam ultra modum exagitat. Licet autem hæc res sæpe defensionem innocentium & christianam redoleat charitatem; ex antiquis tamen & recentioribus historiis, novimus: quosdam Principes, sub prætextu succurrendi christianis oppressis, aut promovendæ orthodoxæ fidei catholicæ; *quæ sua sunt*, non quæ *Jesu Christi*, quævisse; & humanitatis leges naturales violasse; dum alibi gentium; Evangelicæ perfectionis

Æionis normam introducere simulârunt. Sed Væ ipsi! Deus enim non irridetur, nec est consilium contra Dominum. Navigant & Piratæ: ferro utuntur & latrones.

72. Pessimum illud est genus hominum, qui auro illecti, sine causâ discrimine, aliis promittunt copias auxiliares, quæve mercedis intuitu duntaxat militent, & quibus

Ibi fas, ubi plurima merces.

Minus hujusmodi homines delinquerent, nisi cum vita sua, aliorum innocentium necem venderent: in quo tantò sunt carnifice detestabiliore, quantò pejùs & inexcusabiliùs est, sine causâ, vel officii necessitate, quàm ex his, occidisse. Confer *Sylvium*, in 2. q. 40. art. 1. concl. 8 pag. mibi 238.

73. Quamobrem, Bellum, non ita artibus liberalibus accensendum est, ut semper bellum, licitum, decorum & honestum sit reputandum. Regulariter enim res est tam horrenda, ut eam non nisi summa necessitas, aut vera charitas, co-honestare, & à noxa eximere queat: ut meritò concluderit Divus *Augustinus*, *De verbis Domini, secundum Matthæum*. relatus; caus. 33. q. 1. ibi: *Militare non est delictum*, concurrente scilicet legitimâ causâ, sed propter prædam militare, peccatum est.

74. QUÆRITUR: Utrum Princeps Catholicus, possit vocare infideles in auxilium; vel illos etiam adjuvare? REPS. 1. mō. Si bellum contra infideles geratur, non est per se illicitum, vocare aut adhibere infideles in auxilium. Id, quod probatur ex lib. 1. *Machab. c. 8. 12. & 14.* ubi *Machabæi* dicuntur scædus iniisse cum Romanis, ut eos juvarent, & vicissim ab iis, in necessitate, juvarentur. Similiter *ibid. cap. 11.* narratur: quòd *Jonathas*, *Demetrio* Regi infideli miserit tria millia Israëlitarum, in auxilium. Legio quoque

A Hochkirschen, Ethic. Cbrist. Pars II.

que *Thebeorum*, de qua in Martyrologio 22. *Septembris* Imperatori infideli, tam diu militavit, quamdiu, sine contemptu veri Dei, & fidei periculo, potuit iudeoque illa res, per se, & ex natura sua, si alioquin iusta subsit belli causa, nihil mali importat. Quò facit; quòd Rex justus, non tantum bonâ, sed & malâ aliorum voluntate uti possit, perinde ac Deus, Diaboli & impiorum hominum paratâ utitur operâ. Eò etiam facit; quòd egestate pressus, absque culpa, sub uluris pecuniam petat ab impio facinoratore. REPS. 2. dō. Regulariter Principi Christiano adversus Christianos bellum gerenti, non licet vocare in auxilium milites infideles, aut alios extra communionem Catholicæ fidei constitutos, minus verò, illos juvare, Principi orthodoxo licet. Ratio: quia regulariter ex advocacy vel auxilio infidelium, in Republica Christiana, maximum oriri solet scandalum; eò quòd infideles, nec fœdera servant, neque rebus, personis, aut locis sacris deferant; sed cuncta prophanent & violent. Unde 2. *Paralip. 19.* meritò reprehensus fuit *Josaphat*, quòd impio præbuerit auxilium, & his, qui oderant Dominum, junctus fuerit amicitia. Ut mirum non sit, quòd in Romanorum Imperatorum juramento, cautum legatur: in *Clement. unic. tit. De jurejurando*. Ne unquam cum Saraceno, Pagano, Schismatico vel alio quolibet communionem Catholicæ fidei non habente, unionem aut confederationem ineat. Confer *Joannem Major. in 4. Dist. 15. quæst. 21. Sylvestr. Verb. Bellum. 1. q. 8.* Meritò igitur *Fulco* Archiepiscopus quondam *Rhemenfis* [ut refert *Fred. lib. 4. Historiæ Rhemenfis cap. 6.*] *Carolus simplicem* sic admonuit: quis non expavescat vos, inimicorum Dei, amicitiam velle, ac in cladem & ruinam nominis Christiani, pagana arma & fœdera suscipere detestanda?

Kk

da? Nihil enim distat, utrum quis se Paganis societ, an abneget Deo, idola colat. Quapropter prædicatur pietas *Emanuelis Ducis Sabaudie*, quod *Cyprum* ope *Turcæ*, recuperare cum posset, noluerit. Rectius, & nomine suo dignius egerint Christiani Principes & populi, si tanquam unius corporis membra, aliorum in Christo confratrum dolores & mala sentientes, junctis viribus se invicem adjuvarent; quàm, ut se invicem dilcerperet & attenuantes, bella foveant intestina sæpe tam formaliter, quàm materialiter iniqua. Non enim pro se quisque tantum, sed pro mandata sibi potestate, servire debet Christo. quæ ratio fuit, quòd jam pridem inter Principes Christianos, eam ob causam, foedus fuerit initum, & communi consensu, creatus Imperii *Romano-Germanici* Imperator. Debent ergo (inquit *Grotius De J. B. & P. lib. 2. cap. 15. §. 12.*) Christiani omnes, ad causam hanc communem, pro virium modo, viros aut pecuniam conferre: quòd quò minus faciant; non video, quomodo possint excusari; nisi, si qui bello inevitabili, aut non dissimili malo, domi distinentur.

75. Consequenter hic *Inquiri* potest; num Christiani remigantes in *Turcarum* aut aliorum infidelium tririmibus, contra Christianos, si metu mortis id agant; à peccato, & respectivè restitutionis onere, liberi sint? Hoc inter Theologos & Canonistas pro certo statuitur; quòd Christiani minis etiam gravissimis moveri non debeant, ut contra Christianos prælientur, tormentabellica explodant, machinas militares, aut navigia, eo modo dirigant, ut major strages inferri possit Christianis. Sicut enim bellum, ex parte istorum infidelium, supponitur esse injustum; ita etiam iniquum & impium est, eis eatenus cooperari. Et quamvis *Azorius p. 3. lib. 4. cap. 15. Lorcas. in 2dam 2da D.*

Thomæ. q. 40. disp. 5. & alii quidam, arbitrentur; licere ipsis remigare contra Christianos, si mortis, aut magni cruciatûs, graviore metu adacti, id faciant; eò quòd (ajunt) remigare non sit in se malum; sed, sit subditi officium, si dominus jusserit. Rectius tamen & verius cum *Navarro. cap. 17. n. 63. Suarezio, Tom. 5. in 3. part. disp. 21. sect. 2. Toleto, Sylvio & pluribus aliis*, sentiunt; qui negant; id, in tali hypothefi, licere Christianis, ut ùt in servitutem paganorum redactis. *Ratio*: quia nunquam licet auxilium vel operam dare alteri, volenti alium injustè invadere, spoliare, vel trucidare; quod illi facerent, sic contra Christianos remigando. Quamquam ergo in thesi & abstractè loquendo; remigare non sit ex se malum; id tamen in hypothefi, ubi contra Christianos, pro infidelibus sit, à peccato excusari nequit. Neque metus mortis, aut alterius gravis tormenti inferendi, excuspat; oportet enim potius pati temporale corporis supplicium, quàm in Christianorum perniciem injustam, concurrente; æternum animæ incurrere tormentum. Profectò; si, qui à latronibus alios occidere volentibus, sub interminatione mortis, ad cooperandum vocati, sine gravi piaculo, non possint latronibus opem ferre, compercutiendo, aut aliter ad necem viatorum concurrente; quo pacto, citra noxam, poterunt Christiani remigare contra consortes fidei suæ, *Turcas*, aliòse paganos adjuvando?

76. Alia est *Quæstio*; num sic coactè remigantes excusentur ab Excommunicatione, quam Pontifex tulit *indefinitè*, in ferentes auxilium paganis, contra Christianos, bellum moventibus? Sanè, si excusandi sint, non excusantur, nisi ob necessitatem, aut potius humanam fragilitatem commiseratione dignam, quam pia Mater Ecclesia cordi ducere consuevit,

vit, ne afflictis addat afflictionem, & eos gravet, quos sublevare mitius est.

SECTIO SEXTA.

Quibus ex capitibus, seu causis, bellare liceat?

77. Prima & capitalis hic sit quaestio, num infideles, *armis*, ad fidem orthodoxam, sint compellendi? Ante resolutionem, NOTANDUM 1^{mo}. Infidelitatem aliam esse *negativam*; aliam *privativam*; aliam denique *contrariam*. *Negativa*, est nuda fidei carentia in eo, cui fides vel non est annuntiata, vel certe non sufficiat. Talem infidelitatem habent illi, qui vel de fide nil audiverunt; vel: si quid audiverunt; ita obiter tamen instructi sunt, ut fidei mysteria necdum eis sint ostensa, ut *verosimiliter credibilia*. Infidelitas *privativa*, est carentia fidei in eo, qui potuit ac debuit credere, sed non voluit, etiam si nullum habuerit errorem positivum in intellectu. Veluti: si quis non vult praedicantem audire, vel fidem sufficienter annuntiata negligit amplecti. Infidelitas *contraria*, est carentia fidei in eo, qui renuit credere, etsi fides sibi sufficienter proposita sit, sed vel expressè & formaliter negat aliquam propositionem pertinentem ad fidem; vel contumaciter tuetur errorem tali propositioni contrarium. NOTANDUM 2^{do}. Ex D. Thoma 2. 2. q. 10. art. 6. infidelitatem, *in ratione malitiae personalis*, gravioorem esse in Haereticis, quam in Judæis; & in Judæis rursus gravioorem esse, quam in Paganis. Quia infidelitatis culpa, potissimum spectanda est, ex hoc; quod fidei renitatur: plus autem sit reniti fidei semel susceptae, quam nunquam susceptae: & plus iterum sit, reniti fidei susceptae in manifestatione veritatis, quam in ejus

259
figura. Dictum: *in ratione malitiae personalis*. Ex parte enim *objecti*, seu articulorum ad fidem veram pertinentium, *Paganismus* est infidelitas gravissima, *media*, *Judaismus*; *postrema*; *Haeresis*. Quia in pluribus errant gentiles, quam Judæi; & Judæi, quam Haeretici. Vide D. P. Augustinum, lib. 21. *De civit. Dei*. cap. 25. ubi *Manichaeos* in pluribus errasse refert. His praenotatis

78. CONCLUDENDUM 1^{mo}. Infideles *proprie dictos*, id est Judæos vel Paganos, qui videlicet per Baptismi januam, non intrarunt in Ecclesiam Christi, non fore compellendos ad fidem suscipiendam, sive sint Christiani Principibus subditi sive non. Ita post *Divum Thomam*. 2. 2. q. 10. art. 7. *in corpore*, Doctores communiter omnes.

Ratio est: quia, ut coactio legitime fiat; compellens debet habere jurisdictionem in eos, qui coguntur, alioquin erit potestatis usurpatio: sed Ecclesia non habet jurisdictionem in hujusmodi infideles, juxta illud 1. *Corinth.* 5. *Quid mihi de iis, qui foris sunt, judicare?* Principes quoque saeculares nullam habent potestatem in extraneos; & licet in proprios subditos potestatem habeant; illa tamen se non extendit ad ea, quae supra naturam sunt, cujusmodi est fides supernaturalis: neque hanc potestatem, ex aliqua Deilege *positiva*, acceperunt, vel ab Ecclesia: quia Christus ipse, potestatem convertendi infideles (etiam eos, qui ex lege ipsis data, specialiter tenebantur recipere *Messiam*) haud aliter dedit Apostolis, quam per praedicationes, exhortationes, & gehennae, ac futuri judicii terrores, quos possent incutere. Itaque Christus, novae legis Praecones, armavit MANSUETUDINE. *Mitto vos sicut agnos in medio luporum.* PATIENTIA. *In patientia vestra debitis animas vestras.* & PACIFICAM

Kk 2

CON-

CONVERSATIONE: *Dicite primum; pax huic domui.* Quòd si benignis exhortationibus obtemperare & converti noluerint, non mandavit ipsis [quemadmodum Israelitis *Deuterom. 20.*] ut civitatem oppugnent, interficiantque omne, quod in ea, generis masculini fuerit: sed *exeuntes foras de domo vel civitate, excutite pulverem de pedibus vestris. Matth. 10.* Quòd facit; quòd, cum *Luce cap. 9.* Samaritanum Christum non receperint: *Jacobo & Joanni* sciscitantibus: *Domine! vis, dicimus: ut ignis descendat de celo & consumat eos?* Salvator cum invectiva responderit: *Nescitis cujus spiritus estis.* Unde nuspiam legitur: quòd Sancti Ecclesie Patres, Principibus Christianis suaserint, ut hujusmodi infideles ad fidem compellerent, quin potius per sacros Ecclesie canones, id expressè prohibitum. Nam. *can. Qui sincera. Dist. 45.* ex B. Gregorio dicitur: quòd, qui extraneos à Christiana Religione, ad fidem rectam cupiunt perducere, blandimentis, non asperitatibus, debeant studere. & *can. De Judeis.* ibid. ex Concilio *Toletano IV.* statuitur: ne ulli deinceps ad credendum vis inferatur. Similiter. *cap. Majores. De Baptismo.* Pontifex ita dogmatizat: *Id est Religioni Christiane contrarium, ut semper invitatus & penitus contradicens, ad recipiendam & servandam Christianitatem aliquis compellatur.* & *Clemens III. cap. Sicut Judaei. tit. De Judaeis &c.* Statuimus (inquit) ut nullus, invitatus vel nolentes Judaeos, ad Baptismum venire compellat ut merito Divus Gregorius. *lib. 2. epist. 52.* dixerit: novam & inauditam esse istam prædicationem, *que verberibus exigit fidem.* Quibus consonat illud Concilii Tridentini. *sess. 14. cap. 2.* *Ecclesia in neminem judicium exercet, qui non prius in ipsam, per Baptismi januam fuerit ingressus.* Adde Divum P. Augustinum. *serm. 6. De Verb. Domini. cap. 7. & 11.*

Maneat ergo; quòd infideles bello adoriri, vel eos pœnis castigare non liceat, *ideo præcisè;* quòd ad fidem orthodoxam converti nolit.

79. *Ratio peremptoria* est: quòd veritas Christianæ Religionis, quatenus scilicet naturali & primævæ Religionis non pauca perfectiora superaddidit, argumentis, naturali genio hominum inditis, persuaderi non possit; Tum, quia hæc doctrina ab his, qui primò eam audiunt, penitus tanquam exotica, à paganis præsertim, in animum admitti nequit, nisi secretis Divinæ gratiæ auxiliis, mens disponatur, quæ gratiæ auxilia, ut pluries ex gentium Doctore, probat Africa lumen *Augustinus*, cunctis quibus dantur, non in operis præcedentis mercedem, sed *gratis* dantur; aliis verò aut non dantur efficaciter, aut minùs largè conceduntur, ob causas nobis incognitas, ac proinde judicio humano haud punibiles. Tum, quia fides Christiana nititur historiæ natiuitatis, passionis & resurrectionis Christi, item miraculorum ab ipso & Apostolis editorum, quæ res irrefragabilibus quidem testimoniis probata est, sed *olim;* ita, ut hæc res, ut ut verissima, *facti per antiqui* quæstionem involvat, imò præsupponat, *præjudicialiter* à Pagano dispiciendam. Ob has rationes, Christo novæ legis auctori non placuit; ut ad legem suam recipiendam, quis hujus vitæ pœnis, aut earum metu, adigeretur: ut liquet ex variis Sacræ Scripturæ locis: *Rom. 8. v. 15. Hebræor. 2. v. 15. Joan. 6. v. 67. Luce 9. v. 54. Matth. 13. v. 24.* Hoc argumentum prosequitur S. Gregorius Nazianz. oratione: *Cum assumptus est à Patre: & Beda. lib. 26.* ut de Sisebuto Rege, merito dixerit Divus *Isidorus*: quòd in initio regni sui, Judæos ad fidem Christianam permovens, æmulationem (id est zelum) Dei habuerit; *sed*

non

non secundum scientiam. Potestate enim compulsi, quos provocare oportuit fidei ratione. Ob parilis imprudentis zeli (si non potiundi alieni imperii) æstum, quosdam Hispaniæ Reges, culpant Orosius & Mariana, quem vide lib. 26. cap. 14. & lib. 27. cap. 5. Itaque inquit S. Athanasius. *epist. ad solitarios. Dominus non cogens, sed libertatem suam voluntati permittens, dicebat quidem vulgò omnibus: si quis vult venire post me. Apostolis verò: nunquid & vos abire vultis? In eundem locum Joannis, commentans Divus Cyprianus. Epist. 55. ait: Conversus ad Apostolos suos dixit: nunquid & vos vultis ire? servans scilicet legem, quæ homo libertati suæ relictus, & in arbitrio proprio constitutus, sibi ipse vel mortem appetit vel salutem.*

80. Dices. *Lucæ 14.* In parabola de nuptiis, quidam coactè intrare jubentur. Ergo. *RESP.* ibi non importari coactionem violentam, sed persuasionem & instantiam vocatoris, quo sensu, rō cogere accipitur *Lucæ 14. v. 29.* item *Matth. 14. v. 22. Marci 6. v. 45. & ad Galat. 11. v. 14.*

81. Sicut autem ad fidem Christianam, nemo vi cogendus; ita Pagani & infideles multò iniquius agunt; si fidei intuitu, Christianos torquant, trucidant, vel e suis sedibus expellant. Nihil enim Religio Christiana in sua puritate Catholica considerata, secum advehit, quod humanæ societati noceat; imò, nihil, quod non prosit. Unde *Iustinus, in Apologetico. cap. 2. ait: Nos vobis ad Imperii tranquillitatem maximè adjuvatores & collaboratores sumus, ut, qui doceamus, fieri non posse, ut Deo quis lateat, sive sit maleficus, raptor, insidiator, sive equi amans. Tum ad eternam aut salutem, aut penam, quemque mitti, pro factorum suorum dignitate.*

82. Oggerere posset *Paganus*: Omnis novitas odiosa & plerumque periculosa.

Ergo non sunt toleranda Christianorum dogmata, nec eorundem clandestina conventicula. *RESP.* Haud odiosa aut periculosa esse dogmata, licet nova, dummodo ad morum integritatem, & exhibendam superioribus obedientiam colliment. Neque suspecti esse debent cœtus proborum hominum, qui non lateant, si in publicum prodire auderent. Unde, qui in tales sæviunt, eam ob causam, à Principibus Christianis bello impeti possunt; sicut eam ob causam, Constantinus *Licinius*, & Imperatores alii, *Persis* bellum intulerunt ad innocentium defensionem. Et Divus *P. Augustinus. epist. 50.* refert: quòd *Maximianus Episcopus Vagiensis* auxilium petierit ab Imperatore Christiano, contra hostes Ecclesiæ; non tam sui ulciscendi causâ, quàm tuendæ Ecclesiæ sibi concreditæ. Textus S. Patris relatus est in *causam 23. q. 3.*

83. Itaque, constans & vera est Theologorum sententia, quæ habet, quòd infideles etiam extranei & non subditi, à Principibus Christianis compelli possint, ut fidei annuntiationem & professionem non impediant, nève in Christianos, fidei causâ, defæviant. ita *D. Thomas 2. 2. q. 10. in corpore*, & ante ipsum, *Magnus P. Augustinus cit. Epist. 50.*

Ratio est: quia, cùm Ecclesia, à Christo, jus acceperit prædicandi Evangelium per totum mundum, *Matth. 28. & Marci 16.* consequens est; si Evangelii Præco impediatur à Barbaris fungi munere missionis suæ; aut, si ad fidem conversi idcirco torquantur, quòd Princeps Christianus, gladium materiale, pro Ecclesiæ defensione habens, possit rebelles armis coercere. Neque hoc est, quem ad fidem compellere; sed defendere innocentes, quod omnino licet, ut liquet ex dictis.

84. Loquendo de Hæreticis & Apostatis,

statis, qui videlicet à vera fide defece-
runt; indubium est; quin Ecclesia illos
omnes compellere possit, ut eam reci-
piant, quam deferuere fidem. Ita rursus
Doctor *Angelicus loc. cit.* & post ipsum,
agmen Theologorum. Senferat quidem
Divus P. *Augustinus* aliquando contra-
rium, ast *Epist. 48.* se corrigit, ita scri-
bens: *Nam mea primitus sententia erat*
neminem ad unitatem fidei esse cogendum,
verbo esse agendum, disputatione pugnand-
um, ratione vincendum, ne filios Catbo-
licos haberemus, quos apertos hæreticos no-
veramus. Sed hæc opinio mea non contra-
dicentium verbis, sed demonstrantium su-
perabatur exemplis. Nam primò epponeba-
tur civitas mea, quæ cum tota esset in par-
te Donati, ad unitatem Catholicam timore
legum Imperialium, conversa est &c. &
pauld post: *His omnibus, harum legum*
terror, quibus promulgandis Reges serviunt
Domino in timore, ita profuit, ut nec alii
dicant: jam hoc volebamus, sed Deo gratias,
qui nobis occasionem præbuit. &c.

Ratio est: quia Ecclesia, cum sit Res-
publica bene ordinata; potestatem habet
continendi & coercendi eos, qui fidei
suspceptione & professione, se ipsos obli-
gârunt ad eam retinendam, & ad iper-
manendum in Ecclesia, quam per Bap-
tismum ingressi sunt. Et, cum Principes
sint custodes legum divinarum & huma-
narum; ideo Princeps Christianus, à Pa-
pa vel Episcopo requisitus, potest, &
tenetur suos subditos in Hæresin vel Apo-
stasiam prolapsos, ad ovile Christi & fi-
dei unitatem, per media compulsiva, re-
vocare.

85. Licet autem dixerimus, infideles pe-
regimos & non subditos, cogi posse, ut
non ponant obstaculum prædicationi E-
vangeli; néve Christianos, fidei causâ,
persequantur; hujusmodi tamen infideles
compelli non possunt, ad audiendam Evan-

gelii prædicationem. Tum quia nemo cogi
potest ad fidem, proinde nec ad audiendam
fidei prædicationem, quæ est medium or-
dinarium ad fidei susceptionem Fides enim
est ex auditu. *Ad Rom. 10.* Tum, quia ex
violento compulsi, nata sunt sequi ingentia
sacrilegia & innumera peccata. Tum
denique, quia Christus non voluit Judæis
& Gentilibus annuatiari Evangelium, nisi
mansuetudine, patientiâ & modestia.

86. Cæterum, tametsi neque infideles,
alicui Principi Christiani subditi, cogi pos-
sint, ad constanter & frequenter audiendam
Evangelii prædicationem; compelli ta-
men possunt sub pœna exilii, aliæ mul-
ctâ, ut interdum saltem unus, ex quavis
familia Judæorum (sicut Romæ præcti-
cari vidi) interstet concioni Christianorum.
Per hoc enim non censentur ad fidem com-
pelli, cum relinquatur illis liberum, *cre-*
dere vel non credere.

87. Lubet hic interjicere quæstionem
Theologicam; num pueri Judæorum,
aliorumve infidelium, invitis parentibus,
baptizari possint? Judæorum &c. In-
quam: quia, cum parentes Christiani &
fideles, sint subditi Ecclesiæ; non est
dubium, quin cogi possint, ut infantes
suos offerant baptismatis lavacro, propter
singularem necessitatem hujus Sacramen-
ti. Proinde etiam certum est, quod hu-
jusmodi parentibus irrationabiliter invi-
tis, baptizari possint infantes eorum.
Quæstio ergo procedit de solis infidelibus
proprie dictis, nempe *Judeis, Mahumeta-*
nis, Paganis: quorum aliqui subji-
ciuntur Principibus Christianis, idque vel *poli-*
tice tantum, ut cives, vel *serviliter,* ut
mancipia: quidam verò neutro modo sub-
diti sunt. Rursus tamen, quæstio non est;
utrum baptismus, invitis parentibus infi-
delibus, eorum infantibus collatus, sit
validus; quia, ut supponitur, nihil ex *es-*
sentialibus (quæ sunt debita materia & for-
ma,

ma, subiecti capacitas & intentio ministri) deest; adeoque baptismus etiam validus esse debet, non obstante parentum dissentio; horum enim intentio, non ad essentiam, sed ad solemnitatem Sacramenti pertinet. *Non enim Scriptum est* (inquit Magnus P. Augustinus Epist. 23 ad Bonifacium) *nisi quis renatus fuerit ex parentum voluntate; sed: nisi quis renatus fuerit ex aqua & Spiritu sancto*. Solùm igitur hic indagamus, an huiusmodi infantes, sic licite possint baptizari?

88. Communior & verisimilior D. Thomæ (2. 2. q. 10. art. 12. & Quodlib. 2. art. 7.) ac ejus sequacium, contra Scotum & ejus discipulos, sententia est; quòd pueri parentum infidelium, Principibus Christianis, aut nullo modo, aut non nisi Politicè subditorum, iis invititis, licite nequeant baptizari.

Ratio est; quia, si invititis huiusmodi parentibus, pueros baptizare liceret; vel baptizati pueri apud ipsos parentes infideles relinquerentur, vel ab ipsis separarentur? Neutrum autem rectè dicitur: non primum; propter præsentissimum periculum perversionis & Apostasiæ, in gravem contumeliam Salvatoris & fidei orthodoxæ. Non secundum; quia eripere pueros nondum discretionis ætatem natos est potestate parentum, repugnat æquitati naturali: jure enim naturali; proles, quamdiu carent usu rationis, sunt sub cura & potestate parentum, multò magis, quàm eorum boves & oves, aut alia bona, quæ ipsis reluctantibus auferre non licet. Vide omnino Divum Thomam, loc. cit. Angelicè ratiocinantem.

89. Ad occurrendum objectionibus, observandum; quòd Christus homo-Deus, duplici modo, potuerit ferre legem baptizandi omnes: primo; ut executioni mandari posset, non obstante jure, quod Author Naturæ parentibus concessit, non

utique in malum, sed bonum finem; secundò; ut impleretur, salvo illo jure. Profectò; si primo modo legem baptismi condidisset, sicut absolute condere potuisset; nullum esset dubium, quin infidelium infantes, invititis parentibus baptizari possent. Sed, cum nec ex doctrina vel exemplo Christi & Apostolorum ejus, nec ex primordiali ac constanter observata praxi Ecclesiæ, constet, quòd tali modo, Baptismi lex lata fuerit; non est, cur ultro, & sine lege loquentes, parentum jus violari posse, asseramus. Quòd facit imò. Quòd lex fidei & gratiæ, naturam non destruat, sed perficiat; quòdque Deus disponat omnia suaviter. 2dò. Quòd Christus dicendo Apostolis: *baptizate omnes &c.* mandaverit quidem baptizari omnes, sed salvo jure naturali, alioquin enim etiam adulti possent, ut ut reluctantes cogi, ad suscipiendum Baptismum, possetque occidi mater, ut baptizaretur infans, alioquin vel in utero matris, vel, si nasceretur; sine baptismo moriturus. Adde: quòd præci Ecclesiæ Patres Sancti: Sylvester Papa, & Ambrosius Episcopus Mediolanensis, quorum primus Constantino, alter Theodosio Imperatoribus potentissimis, charissimus fuit; non prætermisissent, pro suo religionis ampliandæ zelo, illis persuadere Principibus latè imperantibus, ut invititis infidelibus parentibus, baptizari facerent proles eorum; si hoc, juri & rationi naturali consonum esse, arbitrati fuissent. Quidni hisce temporibus, juri gentium valde adversum, & Christiano nomini odiosum videatur; si à prisca & sana Ecclesiæ praxi recederetur? Scimus enim ex historiis, quàm parum illi, secundum Deum, profecerint; qui sub prætextu implantandæ armis fidei, paganorum ditiones & opes quæsierunt. Pro confirmatione assertionis nostræ, meminisse juvabit imò. Quòd nec

nec olim Judæis licuerit circumcidere alienigenas aut illorum filios (non nisi politice ipsi subditos, nisi saltem ipsi filii adulti consensissent) sed tantum *vernaculos*, aut *emptitios*. *Genes. 17. Exodi. 12. Quâ de re Josephus Flavius. lib. 13. Antiquit. cap. 8. & 11.* Et quidni idem nunc dicamus de Baptismi Sacramento? 2dò. Quòd *cap. Ex litteris. De convers. infidel.* decernatur: in baptismum filii consentiente patre ad fidem converso, licet refragetur mater; baptizandum esse filium. Ex quo è contrario arguitur; non esse filium baptizandum, si uterque parentum obstitit. Porro; parentum nomine, hic, sicut alibi passim in jure, veniunt avi & proavi, deficientibus, seu ante ipsos, mortuis filiis, aut respectivè nepotibus; ut & eorum consensus requiratur. Sed diversa ratio est de tutoribus, quibus in pupillos tanta non est potestas, præsertim in terris Principum Catholicorum, quorum autoritate constituuntur.

90. Hæc, licet ita sint; Theologi tamen passim excipiunt tres casus; quorum *primus* est; si puer ita sit morti proximus, ut jam jam moriturus videatur. Tali enim eventu, inconsultis parentibus, secretò poterit baptizari; eò quòd, *moraliter loquendo*, neque puer exponatur periculo Apostasiæ; neque baptizans; sed mors ipsa, illum parentibus subtrahat: injuria autem, quæ in tali casu, videri posset irrogari parentibus, non sit tam gravis, nec tam scrupulosè capienda, ut ideo infans, hoc unico salutis æternæ remedio privari debeat. *Secundus* casus est; si puer, sive justè sive injustè, ita à parentum potestate & custodia sit abstractus; ut peregrè abductus, non videatur unquam ad parentes reversurus. Tunc enim parentes perinde habentur, quasi non existerent amplius, scilicet quò ad usum juris paterni. Atqui, tali occasione, solent bap-

tizari, qui è longinquis regionibus, sive per mercatores, sive belli alèa, ad Principum Christianorum ditiones deferuntur. Si tamen *Plagiò* sublati puer, non tam procul distaret à parentibus, quin facile reverti aut remitti posset; non foret baptizandus invitis aut inconsultis parentibus, ob rationes contrarias. *Tertius* casus est; si alteruter parentum ad fidem conversorum, in Baptismum proles consentiat, altero repugnante; prout decisum, *cap. Ex litteris. De conversione infidel.* Ex ratione; quòd tunc consentiat is, qui sanius jus naturale habet in puerum, ut repugnante altero, prævalere debeat illius consensus, qui cedit in favorem Religionis, & in utilitatem pueri. Idipsum *Sylvius à Gregorio XIII.* decisum refert, de *Avo*, qui mortuo filio, consentit in Baptismum nepotis, reclamante licet ejus matre.

91. Sed, quid de prolibus parentum infidelium, jure belli & talionis, redactorum in servitutem Christianorum? *RESP.* Tales proles invitis parentibus licitè posse baptizari. Ita sanior & major Theologorum classicorum pars, quibus tacitè præluxit Doctor *Angelicus. loc. cit.* ubi ideo pucros Judæorum, baptizari non debere invitis parentibus, ait: *quia Judæi non subduntur Christianis, servitute servili*, quæ ratio, si quid probeat; illud è contra probat; quòd infideles, Judæi, sive gentiles; si in propriè dictam servitutem mancipati sint, & ita in *Heri* sui potestatem transferint, ut nihil proprii habere censeantur; tunc his invitis, infantes eorum baptizari possint, jubente eo, qui Herus parentum & liberorum evasit: & ita capiendum est illud, quod alibi ex *Scoto* diximus. *Ratio* jam insinuatæ est; quia Herus, jure gentium, dominium reale habet in servos & proles eorum, non minus, quàm in proprios bo-

ves,

ves, aliave jumenta sua; ita, ut possit illos aliis donare, vendere, & ab invicem separare, sine alterius injuria. Nihil autem ob stare potest quò minùs (infantes tali modi separati, parentibus invitis, baptizari possint; eò quòd respectu infantum à parentibus abstractorum, cesset periculum Apostasiæ, propter quod periculum, aliquin eos baptizari non debere, docent cum Divo *Thoma* Theologi potiores.

92. DICES. Jus parentum in liberos, est naturale, quod jus utpote fortius, jure gentium infringi & tolli nequit. RESP. *Dist. Assumptum.* Jus parentum in liberos, est naturale; id est: juris naturalis *dispositivi, præceptivi & absoluti.* NEG. *Concessivi & hypothetici.* CONC.

Jus itaque paternum, non dicitur naturale, hoc sensu; quòd semper vigeat, & sit immutabile; sed, quia originem trahit à natura; &, quia *de se* rectæ rationi convenit. Sicut autem homines, qui jure naturali *permissivo*, nascuntur liberi; Gentium jure, possunt libertate privari; ita & parentes, jure suo in infantes, privari possunt: jure inquam suo, non quidem radicali & remoto, quod fundatur in generatione & sanguinis communicatione; sed proximo, & ad usum expedito.

93. Monendi autem sunt Domini mancipatorum parentum, quorum liberos, pio Religionis affectu, baptizari curarunt, ut baptizatos & in Christo renatos, orthodoxè educari faciant, eò quòd in parentum successerint pium officium.

94. Argumenta, quæ contra, sat, ut opinor, solidè probatam assertionem nostram Num. 88. positam, celeberris, & aliquin valde laudandus *P. Franciscus Henno*, in obsequium *Scotificæ* Scholæ suæ, oggerit, & ab aliis, parili stylo, obmoveri solent; non est, cur hic loci refutemus; aut enim ex hæcenus dictis, *A Hochkirchen, Ethic. Christi. Pars II.*

elidi facilè possunt; aut in recentioribus authoribus, è quorum numero est *P. Carolus Renatus Billuart, Ordinis FF. Prædicatorum. Tom. 3. Summe suæ S. Thomæ, bodiænis, ut ait, Academicarum moribus accommodatæ. Tract. De Baptismo. Dissert. 3. art. 4. pag. 546. & seq.* elisa reperiuntur. Hoc unicum me pungit, quod adversæ opinionis authores, *Carolo, æquè sapienti ac Magno Imperatori, Augustæ Civitatis nostræ Aquensis* Conditori, Galis non minùs, quàm Germanis, venerabili, hanc lappam affigant: quasi *Saxones* coegerit ad Baptismum, & catenus dilaudatus fuerit ab Adriano 1. prout sinistè refert Author *Annalium Francorum apud Duchesne.* Non tam enim injuriosum, id est Imperatori, carnis quidem infirmitatibus lapsò, sed cum Davide ad penitentiam converso, ac de tota Ecclesiæ optimè merito Principi, quàm reapse falsum. Constat enim tam ex *Fassii*, civitatis nostræ *Aquensis*, quàm ex *speculo saxonico*, vulgò *Sachsen-Spiegel*, quòd Imperator iste magnificus, nulli secundus; non vi, Saxones ad Baptismum coegerit; sed illos instrui, & zelosissimis exhortationibus, ad Baptismi lavacrum spontè suscipiendum, perduci curaverit. In cujus rei testimonium irrefragabile, audiri meretur *Alcuinus, Epist. 1.* inquires: *Carolus Magnum suâ sollicitudine, devotione ac benignitate, per veræ salutis consilium & per optimam voluntatem, Saxones convertisse; & non nisi, post iteratas ipsorum rebelliones, & à fide defectiones; fidei causâ, in ipsos arma convertisse, ut promissis, & fidei spontè susceptæ, stare cogerentur.* In quo nihil, nisi laudabile, & potius Imperatoribus, Ecclesiæ & fidei defensoribus, imitabile.

95. Celebris est *Quæstio*: num propter delicta, quæ directè & immediatè in Deum, seu Divinitatem ipsam, committuntur,

tuntur; bellum fufcipi poffit contra idolatras, feu paganos extraneos? *Didacus Covarruvias*, operose hac de re tractat in expositione *Regulæ peccatum &c. part. 2. §. 10.* sed, ficut ipfe indiftinctè, aliorum fecutus est Doctorem sententiam, quæ habet: *punitivam* potestatem, nemini, sine *proprie dictâ jurisdictione*, competere; & idcirco refolvit: Principem Christianum, non posse infideles sibi alioquin non subiectos, punire propter Idolatriam; ita plerique Theologi *Covarruviam* secuti, sustinent: Principem Christianum, defectu jurisdictionis, non posse indicere bellum Idolatris sibi non subiectis, nisi [ut limitat *F. Sylvius* in 2, 2. *D. Thome. q. 10. art. 8. concl. 2. pag. mibi 62.*] fortè infideles, in suis sacrificiis, occiderent innocentes: quo casu [inquit] posset bellum movere, etiam si innocentes consentirent in sui occisionem. Quia jure naturæ, potest defendi innocens, & eripi à morte, quam pati vult, ut sibi injustè inferatur.

96. Verùm, sicut Episcopi Papâ inferiores, subsidiariam, in sano sensu, universalis Ecclesiæ curam naçti sunt. *Omnes enim* [inquit *Divus Cyprianus Episc.* 30.] *nos decet pro corpore totius Ecclesiæ, cujus per varias quâsq; provincias, membra digesta sunt, excubare*] ita Regibus, præter peculiarem propriorum subditorum curam, generalis etiam totius humanæ societatis sollicitudo incumbit. Si *Dicas*: Deum sufficere vindicandis injuriis in se commissis, aut commitendis per Idolatras, juxta illud: *Deorum injurias à Diis vindicandas, & perjurium, satis Deum habere ultorem.* Atq; si huic insistentium foret principio, quidni idem de aliis delictis, contra legem Dei patrat, dicamus? Nam & illis quoque puniendis, omniscius & omnipotens Deus sufficit; quanquam illa ab hominibus, nemine

prudētum dissentiente, ultimo etiam supplicio puniantur. Si *REPLICES*, *ajāsque*: alia delicta, ideo ab hominibus puniri; quia vel in homines committuntur, vel homines inde periclitantur. *Contra* est. Quia non solum ab hominibus puniuntur delicta, quæ homines alii directè læduntur; sed, & quæ quis in seipsum, & contra naturæ præscriptum patrat, ut patet de iis, qui sibi ipsis mortem consciscunt, aut cum bestiis concumbunt, cum Dæmone detestandam societatem habent &c. Profectò, vera Religio, in societate humana, plurimum ponderis habet, id quod *Plato*, etsi gentilis, agnovit dicens: *Religionem esse propugnaculum potestatis & legum, imò & vinculum benevæ disciplinæ.* Cui consonat illud *Philonis*: *Efficacissimum amatorum & vinculum indissolubile benevolæ amicitie, est unius Dei cultus.* item illud ejusdem *Philonis*: *Summa & maxima concordia causa, de uno Deo sensus, ex quo velut fonte, procedit insolubilis & animos inter se vinciens amicitia.* Ejusdem mentis fuit *Iosephus*. libro: *contra Appionem.* inquit: *Eandem de Deo habere sententiam, nihilque vitæ & institutis inter se discrepare, pulcherrimam, in animis hominum, concordiam excitat.* Unde *Aristoteles*. lib. 7. *politic.* dixit: inter curas publicas, primam debere esse, *de rebus divinis*: & Romani juris conditores, juris prudentiam definivere; *Divinarum humanarumque rerum notitiam.*

97. Hæc verò omnia, non tantum in una aliqua civitate, perpendenda sunt; sed & in communi generis humani societate, vim habere debent. Siquidem ut scripsit *Cicero*, lib. 1. *de natura Deorum.* *Pietate sublata, fides etiam & societas humani generis, & una excellentissima virtus JUSTITIA tollitur.* Unde *Epicurus* cum Divinam providentiam sustulisset; *justitie* quo-

quoque nihil reliquit, nisi nomen inane, utpote, quam non nisi, ex sola conventionē, nasci somniabat; neque durare ulterius; quā communis duraret utilitas; abstinentum verò ab his, quæ alteri notitura essent, solo pœnæ metu. Hanc *Epicturi* insaniam, post *Aristotelem*, lib. 5. *De Republ. cap. 11.* & *Senecam Epist. 97.* reprehendit *Lactantius* lib. 5. *Instit.* inquit: *Si ergo pietas est cognoscere Deum, cuius cognitionis hæc summa est, ut eum colas; ignorat utique fustitiam, qui religionem Dei non tenet. Quomodo enim potest eam nosse, qui, unde oriatur, ignorat?*

Itaque Religio vim & usum majorem habere debet in communi totius generis humani, quāmin parva aliqua civili societate; quia in hac, in Numinis reverentiam, conditæ reperiuntur & hominum leges, quarum facilis est executio; in illa verò diffusissima communitate, aut nullæ exstant leges, communi consensu populorum, receptæ; aut, si quæ exstant, non nisi Divini Numinis metu, ad sui observantiam, mortales constringunt. Quod, si igitur daremus; Principem Christianum non posse vindicare injuriam Deo, ab idololatriis illatam; nemo superesset, qui tantam, in mundo, puniret impietatem. Sed aliud discimus, ex sanctionibus etiam civilibus Imperatorum; ut jam nihil dicam, de Summorum Pontificum constitutionibus. Siquidem l. 4. *Cod. de Hæreticis*. Fassi sunt Imperatores; Religionem contaminatam, ad omnium pertinere injuriam. Quasi dicerent: cunctis vindicandam esse injuriam Deo immediate illatam.

98. Ut non solum fundatè, sed & distinctè & clarè loquamur: OBSERVANDUM hic est; quædam *longinquè, argutivè* seu *illativè* spectare ad veram Religionem, *naturalem* scilicet (de qua hic potissimum loquimur) quædam verò ita perspicuè, directè & per se, in animos mor-

talium incurrere, tanquam pertinentia ad Religionem; ut ea nemo etiam per breve tempus, *invincibiliter* ignorare possit. Talia sunt: 1. Existere Deum. 2. Deum nihil esse eorum, quæ videntur oculis corporeis, sed ens aliquod sublimius. 3. A Deo curari res humanas, & æquissimis arbitris adjudicari. 4. Eundem Deum, opificem esse rerum omnium *extra se*. Ex quibus notionibus *contemplativis*, sequuntur *activæ*; ut: Deum honorandum, amandum; colendum; eique obtemperandum. Unde *Aristoteles Topic. 1. 9.* dixit: eum, qui Deum honorandum, aut parentes amandos neget; non argumentis convincendum, sed *pauā edomandum esse*. Itaque hæc de Deo notionēs, ita perspicuæ sunt; ut ab omni ævo, per omnes terras, omnes nationes (paucissimis exceptis) consenserint. Siquidem, ut *Tertullianus* adversus *Marcionem*, ait: *Animæ à primordio, CONSCIENTIA DEI, dos est.* Et *ibid.* Nos defendimus: (inquit) *Deum primum naturā cognoscendum, deinde doctrinā recognoscendum. Naturā, ex operibus; doctrinā, ex prædicationibus.* Quod ipsum præclare expressit *Philo. De unius Imperio*. Ubi ait: *Nihil artem præferens casu oritur: maximam autem artem mundus præfert, testaturque, à summè perito summèque perfectò, se fabricatum. Notitia, quā Deum esse, credimus, hinc ortum habet.* Has itaque notionēs, qui negat, nullatenus culpā vacat. *Hæc enim est summa delicti, nolle agnoscere, quem negare non possis.* Inquit *Divus Cyprianus, De Idolorum vanitate.*

99. Equidem; quia de pœnis humanis, seu per homines infligendis, hic agimus; ideo discrimen rursus faciendum, inter notionēs ipsas, & inter modum ab iis discendendi. Profectò, hæc naturæ dictata: *esse aliquod Numen,* [præcindendo ab unitate vel pluralitate] & *curari ab eo res humanas;* aded sunt universalia; ut ad religio-

nam, siue veram siue falsam, constituentem, sint necessaria. Nam religio accessus ad Deum vocatur, & accedentem ad Deum, credere in primis oportet, esse Deum; & ab eo, præmia dari colentibus se. Id quod Gentilis agnovit Cicero lib. 1. de Natur. Deor. inquit: sunt Philosophi & fuerunt, qui nullam, habere censerent humanarum rerum, procuratorem, Deos; quorum si vera sententia est, quæ potest esse pietas, quæ Sanctitas, quæ Religio? Ratio est: quia negare Providentiam Dei, seu: à Deo curari res humanas; & abnegare ipsius Dei existentiam, in effectu morali; paria sunt. Ipsa igitur pessimorum ingeniorum impietas, ita has generales de Deo notiones, ex animis mortalium eradere non potuit, quin apud omnes, sub utroque hemisphærio gentes, per tot jam sæcula conservatæ sint. Unde Seneca Epist. 117. ait: Deos esse; inter alia sic colligimus, quod omnibus de Diis opinio insita est, nec ulla gens usquam est adeo contra leges morisque projecta, ut non aliquos Deos credat. Ex quo profectum, quod Pomponius in l. veluti. ff. de just. & iure. Religionem erga Deum, juri adscribat gentium. Has igitur notitias omnino primævas & universales, ad falsæ etiam de cætero Religionis nomen, essentialiter spectantes; qui primi tollere incipiunt, tantæque infamissimæ impietatis Authores sunt, sicut in bene constitutis civitatibus, coerceri solent (exemplo Epicuræorum, olim ab ipsis gentilibus, passim urbibus ejectorum) ita nomine totius humanæ societatis, quam sine ratione violant; exterminari, quin & extremis suppliciis plecti merentur.

100. Cæteræ notiones, etsi modicissime illustratis, notissimæ, non ita visæ fuerunt evidentes cunctis Paganis, qui nec legem Moysis, nec Evangelium novæ legis audiverunt, quin eorum aliqui putaverint, Deos esse plures uno: alii verò arbitrati

fuerint, Deum esse corporeum, & oculis corporeis visibilem; sicut quidam populi, solem, aërem, sidera &c. tanquam Numen adorasse, & etiamnum adorare leguntur. Harum inquam notionum cognitio, temporum lapsu, apud quasdam barbaras Nationes, oblitterata, & quadante nus extincta conspicitur; eo quod creditum fuerit, saltem ex generalissimis principiis supra positis, consistere posse Religionis simulachrum.

101. Quid autem? An idololatræ & falsorum Deorum cultores, bello impeti, & converti nolentes, morte puniri possunt? RESP. Tametsi Divina lex, populo quidem Hebræo, per Moysen promulgata, & ad omnes mortales peræque prorogata (quantum attinet Decalogi præcepta, de quibus lib. 1.) summopere prohibeat, & detestetur falsorum Deorum cultum; non omnes tamen indiscriminatim, istius criminis reos, morte punit; sed eos demum, quorum facta, circumstantiam habent singularem, seu adjunctam crimini atrocitatem. Sic punitur Princeps, qui alios seduxerit. Deut. 13. §. 16. Sic civitas, quæ incepit colere Deos antea ignotos. Deut. 12. §. 23. sic & is, qui astra colit, ut legem totam, ac proinde veri Dei cultum, deserat. Deut. 17. §. 2. Sic porro & is Levitici 20. §. 2. corripendus legitur, qui liberos suos Moloch, id est: Saturno obtulerit. Cananeos verò, & vicinos illis populos, pridem aliorum exemplo, ad pravas superstitiones, delapsos, non illico Deus summè patiens & misericors puniendos judicavit; sed tunc demum, si idololatriæ culpam aliis sceleribus cumulassent. Genes. 15. §. 16. Tacéo, quod longanimis Deus, & in aliis populis, ignorantia etiam crassiori & consequenter culpabili, circa falsorum Numinum cultum, subitò non inflinxerit flagella iracundiæ suæ. Act. 17. §. 38. Quia Reli-

ligio

ligio cuique sua, licet erronea, videtur optima, utpote, quæ affectu magis, quam ratione dijudicari solet; ut patet in nostri temporis *Sectariis* & *Sycophantis*, qui se erigunt in sacræ Scripturæ interpretes, & id rectum, faciendūque jactitant, quod suo arriserit palato. Tamen si autem nequaquam excusabiles sint Ethnici; qui, aut astrorum, aut aliarum rerum naturalium virtutes, aut spiritus, sive in imaginibus, sive alio modo colunt; equidem, si summi Dei cultum non deserant, errantibus magis, quam impiis accensendi sunt; præsertim, si ipsi hujusmodi idolatrici cultūs, Autores non fuerint. Aliud est de iis, qui aut cacodæmones, quos tales esse nōrunt, aut flagitiorum nomina aut homines profigatæ & abominabilis vitæ, divinis honoribus colere instituunt. Unde illi, qui hominum innocentium sanguine, & humanis victimis, Deos colebant, à Romanis, sub pœnæ comminatione, jussi sunt ab hujusmodi immanitate desistere, ut refert *Plutarchus, Quæst. Roman. 12.*

102. Hæc ita, ut opinor, rectè procedunt in Principe Christiano, aut alio quocunque, quod ad infideles ipsi nullatenus subditos; aliter enim discurrendum est de infidelibus, Principi sive Christiano, sive etiam Pagano, subditis. Quia tales à suo supremo Domino temporali, compelli possunt, ut servant legem naturæ, præsertim circa cultum unius Dei, ac proinde, ut abstineant ab idololatria, blasphemia & similibus peccatis, immediatè in majestatem Divinam patrandis. Ratio est: Quia *lex naturæ omnibus promulgatur ex hoc ipso, quod Deus eam mentibus hominum inseruit naturaliter cognoscendam.* Ut ait Doctor *Angelicus 1. 2. q. 90. art. 4. ad 1. adeoq;* potest Princeps subditos suos compellere ad illam servandam; eò quod sit custos legis naturalis. Et sanè si id non posset, ad

nullius legis observantiam, illos adigere valeret; quin, ut ostendimus *lib. 1. In præfatione* nullæ leges humanæ obligant, nisi quatenus sunt conformes juri naturali *præceptivo* vel saltem *permissoivo*. Quò facit: quod rectus ordo *politicus* fundetur in observatione legis naturalis. Cum ergo Princeps curam habeat ordinis *politici*, utique ad ipsum spectat, subditos censurigare ad observantiam legis naturalis. Quamobrè enim encomiis celebrantur *Constantinus* & *Carolus Magnus*, quod idolorum delubra destruxerint, & rebelles domuerint. Si autem

103. PETAS 1mò. Utrum infidelium ritus sint tolerandi? Ante resolutionem suppono: quæstionem esse de solis illis infidelibus, in quos Christiani Principes aliquam habent potestatem. Nam cæteros, neque Ecclesia, neque Principes Orthodoxi, cogere possunt ad servandam etiam naturæ legem, neque punire in iis valent peccata, contra isthanc legem commissa, nisi ea, vel in Christianæ Reipublicæ, vel in proximi detrimentum vergant, ut supra dictum. Hoc præsuppositò *Resp. 1mò.* Judæorum ritus rectè ab Ecclesia tolerari, quanquam ipsi Judæi, in illis exercendis peccent. Ut ut enim non sint *facienda* mala, ut eveniant bona; *permittere* tamen interdum licet quædam mala, vel propter aliquod bonum, quod ex eis provenit: vel propter majus malum, quod exinde vitatur. Ex hoc autem, quod judæi tolerantur in suis ritibus, hoc bonum resultat, quod testimonium fidei nostræ, habeamus ab ipsis hostibus, quorum ritus continent figuram ejus, quod nos in veritate credimus. Quocirca Divus *Gregorius, lib. 11. Epist. 15. & lib. 12. Epist. 18.* vult: judæos permitti, suas sine impedimento, solemnitates & cæremonias observare. Idcirco enim Judæi non fuerunt à Deo extincti, sed per univèrsam orbem, sine

sine sceptro, sine imperio, dispersi sunt; ut ex eorum quoque codicibus, Christianæ non desit argumentum veritati, prout argumentatur Magnus P. *Augustinus*, *Epist. 59. & lib. 18. de Civit. Dei. cap. 46.* Tamen autem Judæorum ritus & eorum libri, qui simpliciter continent expositionem veteris testamenti, ob dictum finem, tolerentur, intolerabiles tamen sunt eorum libri, qui continent blasphemias & execrationes contra Christum & Ecclesiæ fidem: quinimò, si periculum sit, ne Judæi per suos ritus, Christianis sint scandalo; Ecclesiæ potest & debet huic periculo obviare; unde *Rome, Praga, Francforti*, & alibi, in bene ordinatis Civitatibus, Judæi à Christianis separatim habitant: & ne crescat istius gentis ambitio & perfidia; *cap. Judæi, & cap. consulit tit. de Judæis &c.* sancitum; ne Synagogas novas erigant, aut veteres exalcent, vel amplificent. *Adde:* quòd, cum Judæi, hortante *Juliano* Apostatâ (prout refertur *lib. 6. Historiæ tripartitæ cap. 43.*) templum Jerosolymitanum restaurare velent, divinitus fuerint impediti. *Resp. 2dò* Aliorum infidelium ritus, non æquè facile tolerandos esse; quia ritus ipsorum, nihil utilitatis adferre possunt; proinde, cum aliunde sint contra legem naturæ; boni Principis officio incumbit, hujusmodi ritus extirpare, si id facere possit, absque hoc, quod majus malum incurratur; aut majus bonum impediatur. Quamobrè in Concilio *Viennensi*, Catholicis Principibus rigide prohibetur; ne permittant, Saracenos sibi subditos, publicè *Mahometem* invocare, aut peregrinationem, ad ejus sepulchrum instituere. *Clement. unic. de Judæis.* Quò spectat id, quod Divus P. *Augustinus* *Epist. 50.* docet, videlicet: *Ezechiam* & *Josiam* Reges *Juda*, eatenus singulariter servivisse Deo; quòd lucos & templa idolorum, & illa *excelsa*, quæ

contra præcepta Dei fuerant extructa; diruerint. Si

104. PETAS 2dò. An cum infidelibus, fideles possint communicare? Doctor *Angelicus 2. 2. q. 10. art. 9.* & post ipsum tota Catholicorum Doctorum universitas, docet: non licere communicare cum infidelibus illis, qui à fide orthodoxa semel susceptâ, defecerunt; cuiusmodi sunt: Apostatæ, & Hæretici, hodie dum nominatim excommunicati, nec tolerati. Nam Ecclesiæ, in pœnam & abominationem eorum, fidelibus interdicit, ne cum ipsis communicent: cum infidelibus verò strictè dictis, qui videlicet fidem nunquam susceperunt; non interdicit quidem communionem in eorum pœnam, cum in spiritualibus, non subsint Ecclesiæ; sed duntaxat ad cautelam simplicium & infirmorum, ne seducantur; ut aliis in fide robustioribus, ea non sit prohibita communicatio, nisi in ipso opere Religionis, cuiuscumque fuerit generis. Si quis enim actum Religionis ipsorum exerceret; eò ipsò, censeretur sectam ipsorum approbare, & veram fidem negare. Quinimò, e contra non licet, hujusmodi infideles admittere ad inspectionem S. Eucharistiæ, ut ex Divo *Dionysio*, tradit *D. Thomas. 3. parte. q. 80. art. 4. ad 4.* & multò minus ad auditionem totius missæ. *can. Episcopus. De consecrat. Diss. 1. Totius inquam:* eos enim admitti posse ad missam *Catechumenorum*, in isto Canone traditur, Confer *Sylvium ad 3. partem D. Thomæ. q. 83. art. 1. quesito 18.* Huc refertur signanter Matrimonium, in quo ita communicatio est interdicta, ut illud à fidei, cum Judæo aut pagano contractum, prorsus sit irritum; cum Hæretico verò initum; validum quidem sit, sed *regulariter* illicitum, ut alibi diximus, & tradit *Sylvius ad supplementum D. Thomæ. q. 59. art. 1.* Caterùm, in contractibus civilibus,

bus, puta: emptione, venditione &c. & aliis actibus merè politicis, aut adiaphoris, jure positivo, non invenitur prohibita conversatio cum Paganis & Hæreticis illis, qui non sunt nominatim denunciati, neque notorii Clericorum percussores. Præstat tamen, absque causâ rationabili, etiam in conviviis præsertim, vitare hæreticorum familiaritatem, & societatem, hortante Apostolo ad Rom. 16. §. 2. ad Timoth. 3. ad Tit. 3. & S. Joanne, in Epistola sua secunda. Sermo enim eorum, ut cancer serpsit, & per dulces sermones & benedictiones, seducunt corda innocentium. & ideo S. Joannes Apostolus, nec eodem loco voluit consistere cum Corinthis, neque S. Polycarpus, Marcionem aliter, quam primogenitum Diaboli, agnoscere voluit. prout refert S. Irenæus. lib. 3. contra Hæres. cap. 3. Confer Divum P. Augustinum Epist. 162. & quanquam etiam cum Judæis aliunde, honesta commercia: emptionis venditionis &c. sint licita, multis tamen casibus, prohibita cum ipsis invenitur communio. Sic cap. Esti Judæos. tit. De Judæis. & alibi, non licet cum eis habitare vel comedere, azymis ipsorum vesci, eis tanquam medicis, uti, vel medicinam ab ipsis accipere; cum iis intrare balnea; aut interesse ipsorum servitiis. Unde Gregorius XIII. anno 1581. speciali Bullâ, sub gravibus pœnis, sanxit; ne quis, vel Judæos, vel alios infideles, ad Christianorum ægotantium curam vocet, aut admittat. Ex quibus

106. COLLIGES 1^{mo}. Apostolum 1. ad Corinths. 10. dicentem: Si quis vocat vos infidelium, & vultis ire, omne, quod vobis apponitur, manducate. Ideo ita locutum fuisse; cō quod secundum se, non sit illicitum interesse convivio Paganorum, præsertim mixtum inter Christianos habitantium, si videlicet absit scandalum & corruptionis periculum.

106. COLLIGES 2^{do}. Commertium earum rerum, cum Paganis, prohibitum Christianis, quibus Christianos impugnant, cujusmodi sunt: arma, pulvis pyreus, chalibis, ferrum, &c. Qui enim talia vendunt aut ministrant Paganis, eo tempore, quo bellum gerunt cum Christianis; ipsò jure excommunicantur per Bullam Cane, & per constitutionem Clementis III. in cap. Olim. tit. De Judæis.

107. COLLIGES 3^{to}. Quorundam antiquorum Ethnicorum, ex professo, obsecana non tractantium libros, ob sermonis elegantiam, non rejici; Judæorum verò Thalmudica commenta, & Hæreticorum codices, studiosè contra fidem congestos, prorsus proscribi debere. Ratio discriminis est; quod quorundam Gentilium libri non continent, nisi errores valde manifestos & à tota Christianitate explosos, Hæreticorum verò præsertim libri, sub variis coloribus, proponant errores occultos & non cuivis obvios.

108. COLLIGES 4^{to}. Ritus hæreticorum, Principibus Catholicis minimè tolerandos fore, si in eorum potestate fuerit, eos extirpare vel impedire, absque notabili jactura boni communis. Ratio; quia per dulces sermones hæreticorum, & simulatas eorum benedictiones, seducuntur corda hominum innocentium. Ad Rom. 16. De his Apostolus loquens ad Galatas cap. 5. Utinam (inquit) abscindantur, qui vos conturbant. Unde Apocal. 2. reprehenditur Angelus, id est, Episcopus Pergami, quod aliquos apud se haberet tenentes doctrinam Nicolaitarum: & similiter Angelus, seu Episcopus Thyatiræ, quod permetteret mulierem Jesabel Pseudo-prophetam docere & seducere servos Dei. Quinimò, in veteri testamento, quando apud Judæos florebat vera Religio, non permittebantur ritus falsæ Religionis, prout constat ex Deuteron. 18. & 4. Reg. cap.

cap. 18. & 21. Quòd si, ut modò in imperio Romano-Germanico, ritus hæreticorum vel omnino nequeant impediri; vel non absque gravissimo Ecclesiæ detrimento; licitum crit eis permittere publicum *Sectæ* suæ exercitium: id quod maximè obtinet, si hæretici plura loca occupaverint, ex quibus expelli nequeant; aut: si hi vicissim è suis ditionibus, Catholicæ Religionis exercitium exterminarent, & Catholicos premerent. Ob hanc necessitatis rationem, S. *Athanasius* Ecclesiam unam *Arianis* permittendam censebat *Alexandriæ*; si & ipsi, Catholicis unam permetterent *Antiochiæ*, ut refert *Theodoretus*, lib. 2. c. 12. Vide *Divum Thomam* 2. 2. q. 10. art. 11. & ibi *Sylvium. conclus.* 3. Si

109. PETAS 31^{id}. Num Hæretici, mortis supplicio iustè puniri possint? RESP. *Affirmativè*. Et veritas hujus assertionis, fat eruitur ex S. Scriptura. Siquidem *Deuteron. cap. 13.* præcipitur, ut interficiantur falsi Prophetæ; quod præceptum executi sunt: *Elias*, 3. *Reg. cap. 18. Jebu*, 4. *Reg. cap. 10. & Josias*, 4. *Reg. cap. 23.* Quinimò *Deuteron. 17.* generaliter statutum legitur: *Qui superbierit, nolens obedire Sacerdotis imperio, &c. morietur homo ille.* Jam verò; si ante adventum Christi, circa Deum colendum & idola spernenda, hæc præcepta servata sunt; quantò magis post adventum Christi servanda sunt; inquit *Divus Cyprianus. De exhortatione ad Martyrium. cap. 5.* Nostri autem temporis hæretici, præsertim illi, qui ex professione, scribendo vel prædicando, fidem impugnant; sanctos, & signanter superbenedictam matrem Dei vilipendunt, ac Hierarchicum Ecclesiæ ordinem à Christo stabilitum subvertere nituntur; quid aliud sunt, quàm falsi Prophetæ. Nam, sicut illi populum, à vero Dei cultu; ita hi, Christianos à vera fide, & consequen-

ter à vero Dei cultu avertere allaborant: Neque enim sine fide, Deus verè, sicut oportet, coli potest. Unde *Optatus Milevitanus, lib. 3. contra Parmenianum*, laudat factum *Macarii Præfecti*, quòd hæreticos occidisset; atque eum, in hoc facto, comparat cum *Moyse*, *Phinees* & *Elia*. Et quòd hæc fuerit mens *Orthodoxorum Patrum*, liquet 1^{mo}. Ex Concilio *Chalcedonensi*, in quo *Eutyches* non solùm pœnâ, sed & igne dignus judicatus fuit. 2^{do}. Ex *Epistola 93. S. Leonis Papæ*, in qua laudat Principes Christianos, quòd gladio animadvertissent in hæreticos. 3^{to}. Ex *S. Bernardo, serm. 66. in Cantica*. ubi ait: *Procul dubio, gladio coercerentur illius videlicet, qui non sine causa gladium portat, quàm in suum errorem, multos trajicere permittantur.* 4^{to}. Ex *Lucio III.* qui in cap. *Ad abolendam. tit. De hæreticis*. Vult: eos brachio sæculari tradi puniendos. Quibus accedit definitio Concilii *Constantensis, sess. 15.* damnantis articulum 14^{um}. *Joannis Hus*, qui reprehendebat eos, qui docebant; hæreticos esse judicio sæculari tradendos. ADDE: quòd *Leo X.* huic damnaverit *Lutheri* articulum: *Hæreticos comburi, est contra voluntatem spiritus &c.* Bene itaque scripsit *Divus Hieronymus Epist. ad Crespionem. cap. 2.* quòd *Priscillianus* & sæculi gladio, & totius orbis auctoritate, fuerit occisus, quia scilicet in Synodo *Burdigalensi* condemnatus, appellerat ad *Maximum Imperatorem*, qui etsi aliunde fuerit tyrannus, in hoc tyrannidem non exercuit, ut notat ibid. *S. Hieronymus*. Confer *S. Antoninum, part. 3. Historia. tit. 19. cap. 1. §. 4.* ubi scribit: centum octoginta *Albigenses* hæreticos, cùm reverti nolent, fuisse occisos. Ratio est: Quia hæretici nolentes audire Ecclesiam, sed in sua pervicacia persistentes; indigni sunt maternâ Ecclesiæ benignitate, adeoque tanquam malefactor-

res Rempublicam perturbantes, brachio seculari extradi possunt ultimo supplicio afficiendi. Et Sanè, si illud supplicium rectè exerceatur in latrones corporum; cur non & in latrones animarum? cuiusmodi sunt hæretici, utpote *lupi rapaces non parcentes gregi*.

110. DICES 1^{mo} Si oporteret occidere hæreticos, malè dixisset *Apostolus*. 1. *Corint.* 11. *oportere hæreses esse*. RESP. Apostolum ita locutum fuisse, supposità & spectatà hominum malitià, ac animosà luxuriantium ingeniorum pervacià, quomodo etiam oportet esse morbos, propter hominum intemperantiam, & dispares hominum complexiones & affectiones. Tametsi autem impediri non possit, ne mala ista eveniant; non tamen sequitur, quòd si evenierint; curari & tolli non debeant, si possint. Ita retorque argumentum, à pari.

DICES 2^{do}. Christus *Matth.* 13. loquens de *Zizaniis* (quo nomine intelliguntur hæretici) jubet: ut sinantur crescere usque ad messem. RESP. Vocabulo *Zizaniorum*, ibi non solos hæreticos indigitari; sed generatim homines impios, quos cum vetat Dominus, instar *Zizaniorum*, eradicari; non prohibet; ne iste vel iste, in aliorum exemplum, puniatur; sed, ne conemur omnes simul perverfos extirpare; præcipue, si id fieri non posset, sine ingenti clade bonorum, id quod insinuat, per verba mox subiecta: *ne forte simul cum eis eradicetis & triticum*. Confer *Divum P. Augustinum lib. 3. contra Epist. Parmeniani. cap. 2.* Junge Doctorem *Angelicum 2. 2. q. 11. ad 3. & q. 108. art. 3. ad 1.* Quare, dum de extirpandis hæreticis, quaestio occurrit; si ad instar *Zizaniorum*, sine documento tritici, seu detrimento orthodoxorum, extirpari non possint, sicut pro dolor! non possunt in Imperio nostro *Romano-Germanico*, præ-
A. Hochkirchen, Ethic. Christi. Pars II.

cipue post pacem *Monasteriensem*; prudentia suadet; ut divinæ providentiæ, res relinquatur.

DICES 3. Christus *Matth.* 18. jubet eum, qui Ecclesiam non audierit; haberi ut Ethnicum & Publicanum; non verò jubet illum interfici. Similiter *Apostolus ad Titum. cap. 3.* vult, hæreticum post unam & alteram correptionem vitari solum, non occidi. Et esto; ibi occidi non prohibeat hæreticum; jubet tamen, ut ei ad minimum *bis* parcat, id quod non faciunt *Inquisitores hereticæ pravitatis*, qui, ne semel parcant lapsis, sed eos ad rogum mox condemnant. RESP. Sicut *Ethnici & publicani*, à suis Principibus, capite plekti possunt; si vel Rempublicam perturbent, vel crimina perpetrent, quibus ultimi supplicii poena fuit per legem decreta; ita & hæretici, in quos poena mortis sancita, ultimo supplicio affici possunt. Cæterum, Christus loco citato, solum instruit discipulos suos & Ecclesiæ moderatores, qualiter, contra peccatores & rebelles, non solum in causa fidei, sed & aliis causis, ordinatè & gradatim procedere, eosque à communione fidelium excludere debeant. Ad locum *Apostoli* RESP. Apostolum ibi instruere *Titum*, quà Episcopum, non verò convertere sermonem ad Magistratum politicum, cujus est, tum hæreticos ab Ecclesia judicatos & rejectos; tum alios criminosos Reipublicæ noxios, poenà ultimi supplicii punire: id quod Episcopus per se facere non debet. Ad id, quod subijcitur: RESP. Apostolum ibi non velle, ut hæretico incorrigibili & contumaci *bis* parcat, sed, ut priusquam acrius quid in ipsum statuatur; semel atque iterum seriò admoneatur, quam regulam observare jubentur cuncti iudices Ecclesiastici, neque Magistratus ullus, sententiam mortis in hæreticum ferre potest, nisi is antea

M m

tea

tea sapius fuerit monitus, vel ab Episcopo vel aliis probis & eruditis viris.

Dices 4to. Christus nihil egit vi, ut loquitur Divus P. *Augustinus lib. De vera religione. cap. 16.* Igitur nec Ecclesia, vi agere debet in hæreticos. Unde nec Apostoli leguntur eos morte punivisse, sed duntaxat *excommunicatione.* & idem *Augustinus* in Epistolis 50. 127. & 158. arbitrat; in hæreticos non esse animadvertendum *supplicio capitis*, propter mansuetudinem christianam, etiam circa indignos servandam; sed *multis solum pecuniariis*, aut his similibus, poenis; veluti: exilio &c. RESP. Magnum Patrem *Augustinum*, id, quod objicitur, correxisse *lib. 1. retract.* cap. 13. ubi inquit: *Non mihi occurrerat, quod vendentes & ementes flagellando eiecit de templo.* Præterea, idem S. Pater *Epist. 50.* sic perorat: *ubi est, quod isti clamare consueverunt, liberum est credere vel non credere? cui vim Christus intulit? quem cœgit? Ecce habent Paulum Apostolum; agnoscat in eo, prius cogentem Christum, & postea docentem; prius ferientem, & postea consolantem.* Cæterum; quod Apostoli non imploraverint brachium sæculare contra hæreticos; idemmet S. Pater *Epist. 48. & 50.* ideo contigisse ait: quod nullus tunc temporis, fuerit Princeps Christianus, qui in subsidium vocari potuerit; adhuc enim implebatur illud *Psal. 2.* *Assiterunt Reges terræ & Principes convenerunt in unum, adversus Dominum, & adversus Christum ejus.* Quod autem *Augustinus* ita judicaverit; constat ex ejusdem *lib. 1. contra Epistolam Parmeniani. c. 8.* ubi conquerenti, *Parmeniano*, quod *Constantius* Donatistas, capitali sententia damnaverit: Respondet: *Quid non isti justè patiuntur? prius probent, se non esse hæreticos vel schismaticos, tum demum de indignis panis suis, lividam emittant vocem.* & *ibid. cap. 10.* asserit:

tam justè in Hæreticos ac Schismaticos, vigorem legum exerceri; quàm in *veneficos*, quales utique morte puniendi sunt. & rursus; *traç. 11. in Joannem*, de hæreticis inquit: *Sempiternas mortes faciunt, & temporales se perpeti conquerrunt.* quam eorum querelam iniquam fatis infinuatur, dum id, quod *Nabuchodonosor* contra blaphemos Dei, decrevit; contra *Donatistas*, statui posse, asserit.

111. Dices denique 5to. cum *Grotio. lib. 2. De J. B. & P. cap. 19. §. 50. Athanasius* ideo in Arianam hæresin acriter invehitur, quod *prima* in contradicentes, usa esset judicum potestate, & quos non potuisset verbis inducere, eos vi, plagis, carceribusque, ad se pertrahere annitteretur: *Aque ita* [inquit] *quàm non fit pia, nec Dei cultrix, manifestat.* Et de talibus *Gregorius* ad Episcopum Constantinopolitanum: *nova* (ait) *& inaudita est ista prædicatio, quæ verberibus exigit fidem.* In Gallia quoque, ut refert *Salpitiuss Severus*, jam olim Ecclesiæ judicio, damnati sunt Episcopi; qui, ut in *Priscillianistas* gladio animadverteretur; curaverant, ut sapienter dixerit *Plato*: *errantis penam esse, doceri.* & *Seneca*: in *Tragœdia*:

Quis nomen unquam sceleris, errori dedit? Et idem, *de ira. lib. 14.* *Non est prudentis, errantes odisse, alioquin ipse sibi odio erit.* Unde *S. Chrysostomus* in expositione *Epist. ad Eph. cap. 4. v. 17.* ait: *eum, qui ignorat, neque malo affici, neque accusari oportet; sed æquum est, ut discat, quæ ignorat.* Ita argumentatur *Grotius* & ex eo *Pufendorf* sus ac cæteri Protestantium declamatores. RESP. Divum *Athanasium* ita rectè scripsisse; tum, quia *Ariani* hæretici, jus nullum habebant puniendi illos, qui orthodoxam fidem abnegare recusabant; tum. quia pejus agebat, quod ipimet, camifices & tortores existerent Christianorum. Ad verba *S. Gregorii Pa-*

pe, Resp. Ipsum meritò reprehendisse illos, qui verberibus & tormentis, nitebantur infideles cogere ad fidem, quod & nos cum Sanctis Patribus supra citatis omnino reprobavimus. Ast, hic nobis non est sermo, de infidelibus propriè dictis, qui videlicet fidem nunquam, in Baptismatis Sacramento susceperunt, & in quos, Ecclesia jurisdictionem non habet; sed de Apostatis à fide; quos utique Ecclesia, pro delictorum atrocitate, punire potest. Falsum verò est, ideo olim in Gallia damnatos fuisse Episcopos, quod in *Priscillianistas* supplicium mortis statui curaverint; sed, quia imprudenter, *Maximi* Imperatoris iudicio subjecerant illos, qui *Priscilliani* partes fovebant; ex quo factum, quod per tyrannidem *Maximi*, alii etiam innocentes trucidati fuerint. Confer hac de re *Baronium. Tom. 4. ad annum 386.* ubi refert; quod absque delectu, optimi quique Christiani, quorum ora jejuniis pallerent; & ex disciplina, gravior esset incessus; mox, ut hæretici habiti fuerint; quasi talia, ex hypocrisis affectassent. Adde, ut ut persecutio illa, licet ab initio non fuerit visa injusta; iniquissima tandem evaserit, quatenus in dispendium & interitum bonorum Christianorum, conversa fuit. Itaque *Libacius*, & alii cum eo Episcopi, *Priscillianum* & ejus sequaces accusabant, & Imperatorem urgebant, ut eos morte damnet, idque non tam pietatis, quam vindictæ studio, quod neutriquam licebat. Hoc ipsum observavit *Sulpitius lib. 2. Historiæ. sub finem*, ubi de *Libacii* confortibus, sic scribit: *Quorum studium in expugnandis hereticis, non reprehenderem; si non studio vincendi, plusquam oportuit, certassent.* Et postea subdit: eò dementiæ devenisse *Libacium*, ut viros jejuniis deditos, tanquam *Priscilliani* socios, in crimen accerferet,

ipsique *S. Martino* palàm obiectaret hæresis infamiam.

Pro historiæ intellectu, Noveris: *Priscillianam* à Synodo *Burdigalensi* condemnatum, appellasse ad *Maximum* tunc temporis Imperatorem, apud quem inde Episcopi aliqui, cum *Libacio*, agebant partes accusatorum, propter quod factum reprehensi sunt, quia non debebant Episcopi, talem causam utpote spiritualement, permittere Imperatoris arbitrio decidendam, adeoque peccarunt, quod apud ipsum Imperatorem, extiterint accusatores *Priscillianistarum*. Ad textus, quos *Grotius* ex *Platone*, *Seneca* & *S. Chrysostomo*, adducit, verbò respondemus: nos nequaquam contendere: quosvis, etiam Christianos, errantes circa fidem, mox rapi debere ad supplicium mortis; sed illos præcipuè Hæresiarchas aut hæresum professores, qui cum pertinacia, tumentur errores, & prorsus incorrigibiles ac Reipublicæ exitiales existunt.

111. Porro, sicut (præscindendo à *Pacificatione* vulgò Religiosa, & à *Pace Westphalica*, aliisque Imperii *Constitutionibus*, *Recessibus* & *Declarationibus*) Hæretici contumaces, morte puniri possunt; ita eorum bona, ipsò jure confiscantur, seu *Fisco* addicuntur, per textum in *cap. cum secundum leges. tit. de Hæreticis* in 6. Hac de re, videri merentur *Azor Tom. 1. lib. 5. cap. 7. & lib. 8. cap. 12. Loras in 2dam 2da D. Thomæ q. 11. art. 4. Disp. 46. & 47. Reiffenstuel ad tit. de Hæreticis &c.*

112. Supra, à n. 95. latè discussimus, an propter delicta directè in Deum patrata, bellum suscipi possit in extraneos Paganos? Hic subjicere placet & illam questionem; an bellum licitè suscipiatur contra eos, qui in naturam delinquant? Ubi prænotandum, quod, etsi in civilibus & politicis, & alias regulariter loquendo, nemini

nemini liceat falcem mittere in alienam messem, aut punire delicta, alibi extra territorium, ab extraneis, inibi præsertim existentibus, patrata; nihilominus Reges, aut qui pares Regibus, sunt jus habeant pœnas poscendi, nedum ob injurias in se, aut subditos suos, commissas; sed & ob eas, quibus jus naturæ aut Gentium, immunitè læditur. Nam facultas, humanæ societati consulendi, per pœnas in facinorosos exequendas, quæ primitus penes singulos fuit, ut alibi notavimus; Civitatibus & judiciis institutis, penes summos Imperantes remansit, & etiamnum residet, non quidem eo sensu, ut *proprie* extraneis imperent; sed, quia nemini, extra Deum, parent. Professio, tanto honestius est, alienas injurias, quam suas vindicare; quanto in suis magis metuendum est, ne quis, doloris sui sensu abreptus, aut modum excedat; aut certè animum inficiat. Hanc ob rem, à Seneca lib. 1. de Benef. cap. 14. Socrate, Phlone, & alii vetustis scriptoribus, prædicatus fuit Hercules, quod Anteo, Busiride, Diomede, & similibus tyrannis, liberàrit terras, quas, Seneca teste, transit, non concupiscendo, sed vindicando, & injustos puniendo. Hercules [inquit Philo de Legatione] purgavit terras & maria, certamina subiens, hominibus omnibus partim necessaria, partim perutilia, ut toleret hominum, animantiumque aliorum ea, quæ exitialia aut noxia essent. Et de eodem Valerius Maximus lib. 5. cap. 3. ait: Quidquid ubique monstri aut sceleris fuit, virtute animi ac robore dextræ comminuit; ut ideo cæca Gentilitas Herculem retulerit in classem Deorum suorum.

Christianè loquendo; non videtur negandum, bello posse impeti eos, qui in jus naturæ omnibus manifestum & primævum delinquant. Pro cuius intellectu, hic observandum, quod & alibi annotavimus:

alia esse principia generalia, aut his proxima, quæ cunctis ulum rationis habentibus, de se perspicua sunt: veluti: quod sit honestè vivendum; suum cuique tribuendum, nemini suum rapiendum. Alia verò esse dictata, quæ ex principiis quidem generalibus deducuntur; non tamen ita de se perspicua sunt, ut omnibus sui cognitionem ingerant; ut: quod usuræ *lucratorie*, sint illicitæ; innupti concubitus, vel etiam incestuosi, sint vetiti &c. Planè, sicut in Mathematicis, quædam sunt notitiæ *primæ*; quæ statim ac exaudiuntur, assensum obtinent; quædam verò veræ quidem in se, sed non, quod ad singulos audientes: quia non æquè patent. Sicut (inquam) circa leges civiles, eos excusamus, qui ob ætatem, sexum, status conditionem, aut ingenii, stupiditatem, illas inculpate ignorant, aut non satis penetrant; ita circa quædam naturæ leges, par est, aliquam saltem excusari eos, quibus aut ratiocinationis imbecillitas, aut prava educatio obstant. Nam, sicut ignorantia legis, si inevitabilis, seu invincibilis sit, ex iniquo tollit peccati culpam; ita etiam ignorantia, si non sit planè affectata, supina, & crassa; sed ex negligentia, aut ex non adhibita summa diligentia, provenerit, delictum minuire existimatur. Unde Aristoteles barbaros, qui pravè educati, circa talia delinquant; iis æquiparat, qui morbo corruptos habent appetitus. *Unaqueque enim Gens, hoc legem naturæ putat, quod didicit.* Inquit Divus Hieronymus 2. adversus Jovinianum. Observandum præterea, à natura vetitis hic non esse accensenda ea, imò, de quibus dubitatur, & inter doctos disputatur, an reverà sint jure naturali prohibita. Nec add ea, quæ solo jure Divino positivo, sunt interdicta. Neque 3^{ia} ea, quæ legibus civilibus, aut populorum quorundam moribus repugnant. His præmissis.

113. Dico: verius esse: quod bello impeti & castigari possint illi, qui contragenitalia naturæ præcepta passim agunt, veluti: qui in parentes, impii sunt; qui homines, instar pecudum, occidunt, & eorum carnes epulantur; qui piraticam exercent: Sodomix sunt dediti; aliavæ prorsus horrenda crimina communiter perpetrant. Huic assertioni nostræ, favet Magnus Pater *Augustinus, lib. 5. de Civit. Dei.* ubi inquit; quod genere humano decernente, *terrena civitas, quæ talia scelera facienda decerneret aut decrevisset, evitenda foret.* De talibus enim barbaris, & feris magis, quam hominibus, rectè dici potest, *naturale* in eos esse bellum. Quia parum interesse videtur, an in belluas generi humano noxias; an in homines, belluis similes, bellum instituat, dummodò instituat, rectâ intentione; sæpe enim sub prætextu, barbaras Gentes, ad mores cultiores reducendi, velatur alieni cupiditas; & sub nomine Religionis, quaeritur Regio. Unde, quando *Victoria, Relect. 1. de Indis. n. 40. Vasquez Controvers. Illustr. l. 1. cap. 25. Sylv. verbo Papa 6. 7. Azor, Molina* & alii contendunt, in suscipiente bellum, requiri; ut quis læsus sit in se, vel Republica sua; aut, ut in eum, quem bello impetit, jurisdictionem habeat; intelligendi sunt de bello, quod *ordinari*, & ob injurias hominibus, illatas, suscipitur; non verò de illo, ad quod natura ipsa cunctos incitat. Quinimò, si istorum Authorum sententia, indistinctè, vera esset; jam hostis in hostem, jus nullum puniendi habebit, etiam post susceptum bellum, quod tamen jus, absque ulla civili jurisdictione, belligerantibus plerique concedunt, & usus omnium Gentium confirmat, non tantum postquam debellatum est, & alteruter victoriam obtinuit; sed etiam fervente adhuc bello; adeoque

hoc jus, profectum esse censetur ex illo jure naturali, quod ante civitates institutas, fuit, & etiamnum viget in illis plagis, ubi homines in familiis distributi, non in civitates, redacti, vivunt; sicut in quibusdam *Americæ* regionibus, & etiamnum vivere dicuntur. Porro sententia nostra, vel ipsis Gentilibus moratoribus, æqua fuit visa. Unde *Plinius lib. 3. cap. 1.* Romanorum, in genus humanum, merita, ex hoc capite deprædicat, dicens: *Non satis æstimari potest, quantum Romanis debeatur, qui susculere monstra, in quibus hominum occidere, religiosissimum erat, mandî verò, etiam saluberrimum Conser Jolcphum Acoftam. De procuranda Indorum salute. lib. 2. cap. 4.*

114. *Statistæ*, seu *Politici*, nostri temporis ad inducendum, ut ajunt *æquilibrium*, jure Gentium, putant esse licitum, armis diminueret alterius Regis vel populi potentiam excrecentem, quæ nimium aucta, nocere posset, sed vinci non posset. Sub hoc prætextu, non quidem ex justitiâ, sed utilitatis ratione; quidam arma rectè sumi arbitrantur; at, si aliæ non ad sint circumstantiæ; ab omni æquitatis ratione abhorret, ut quis ideo armis alium adoriatur; quia ab illo, vim pati posset. Tali enim modo, nullus de vita sua, unquam securus esset, & homo homini, perpetuus esset hostis. Igitur, adversus incertos metus, à Divina providentia, & ab innoxia cautione, non à vi, præsidium petendum est, prout ingenue tradit *Grotius de J. B. & P. lib. 2. cap. 1. §. 17.* Ut enim *justa* sit, sive *offensio*, sive *defensio*, *necessaria* esse debet, qualis non est, nisi constet, non tantum de vicini Regis aut populi potentia; sed & de ejus nocendi animo; ita, ut *moraliter certum* sit, ex vicina potentia, nobis, *quasi præsens* imminere periculum. Quamobrem minimè probanda

banda est eorum sententia, qui ex inde, iustam belli causam metiuntur; quòd vicinus, nullâ conventionem seu pactionem impeditus, in suo territorio, arcem aut fortalicium struat; aut munimentum erigi curet, ex quo aliquando damnum dari possit. Nam adversum talem metum, quique sibi consilire potest, arces & munimenta, in suo fundo, in oppositum, extruendo.

115. Inter causas iustas suscipiendi belli, numeratur indigna & probrosa tractatio *Legatorum*, ab aliis Regibus, ad externas nationes, legitime missorum. Et hanc ob causam, olim Romani, bellum suscepere in *Senonas*, in *Illyrios*, & *Ligures*; in *Corinthios* & *Tarentinos*: ut videre licet apud *Appianum*, *Polybium*, *Livium* & *Dionysium Halicarnassensem*, quos citat *Grotius* in *Annotat. ad §. 11. cap. 18. lib. 2. De bellis*, quondam per Germanos & Francos, ex illo capite, susceptis; exempla adfert *Aimonius lib. 3. cap. 61. & 88.* Quinimò sacræ paginæ memorant; *Davidem* eo nomine, gessisse bellum, adversus *Ammonitas*. Confer *Joan. Voet. De Jure milit. c. 1 n. 25*

116. Ne obiter, hoc, de Legatis dictum sit; Observandum est, nos hic loqui de *Legatis*, qui mittuntur ab iis, qui *Summi Imperii* sunt compotes inter se: Nam alii *Legati Provinciales, municipales*, aut similes, ab iis missi, qui *Summum Imperium* non habent; non *Jure Gentium*, sed *Civili*, reguntur. Vide *D. Abraham de Wicquefort. lib. singulari*, cui Titulus: *l' Ambassadeur & ses Fonctions*, *Señ. 2.* ubi demonstrat, quòd non nisi summi imperantes [*les Souverains*] *Legatos*, vulgò (*Ambassadeurs*) mittere possint. Legatus enim est Minister publicus, quem Summus Princeps ad extraneam potestatem mittit, ut ibi personam suam representet vigore mandati, litterarum credentialium, aut alterius commissionis, ex qua consistet de

ejus caractere seu qualitate. Ubi observandum: quòd quivis minister publicus non sit habendus pro Legato [*Ambassadeur*] sed ad id necessum sit, ut habeat qualitatem *representantis* suum supremum principem; quo caractere, si careat, poterit quidem censei tanquam v.g. *Inter-nuntius*, *Nobilis missus*, *Residens*, *Agens Commissarius*, *Secretarius Legationis*, aut ipsius *Legati*, non verò tanquam *Legatus*, et si talis, absente suo Domino principali, negotia gerens, *Juris Gentium* protectione penitus gaudeat, teste *Wicquefort loc. cit. Señ. 1.* Cæterum, Principes Electores Germaniæ, Regibus non multum absimiles, jus habent, ut se representari faciant per Legatos. *Par des Ambassadeurs. Wicquefort loc. cit. Señ. 4.* Quanquam verò Ministri secundæ classis, puta: *ablegati*, *Residentes*, *Commissarii* &c. dignitate sint inferiores Legatis plenipotentariis *representantibus*: nihilominus communi Publicistarum calculo receptum, & *Statuum Hollandiæ Declaratione*, 29. Martii 1651. firmatum, quòd secundi Ordinis Ministri, sine ulla contradictione, gaudere debeant cunctis prærogativis, quæ *Jus Gentium* Legatis attribuit. Vide *Wicquefort loc. cit. Señ. 5.* Duo autem sunt circa Legatos, quæ ad *Jus Gentium*, passim referuntur. Primum; ut admittantur; deinde, ne violentur. Equidem, haud indistinctè, cunctos Legatos admitti præcipit *Gentium jus*; sed solum vetat, sine causa, rejici. Causa autem rejiciendi, resultare potest, ex eo; qui mittit; ex eo, qui mittitur; & ex eo, ob quod mittitur. Ex primo capite, Senatus Romanus negavit, se posse admittere *Carthaginiensium* Legatos, quorum exercitus existerat in Italia. Sic & *Totile* legationem rejecit *Justinianus*. Ex secundo capite, *Theodorus*, quem *Ptolemeus* ad *Lysimachum* ablegaverat; ab hoc rejectus fuit, (id,

(id, quod ob vitium, aut nævum personæ missæ aut minùs grata, accidere potest.) Ex tertio capite, repudiari potest Legatus, si causa mittendi suspecta est, veluti: si mitteretur ad concitandum populum.

117. Cæterùm, ea, quæ de Legatorum immunitate, & inviolabilitate, juris, Gentium esse dicuntur; intelligenda sunt de illo Rege vel populo, ad quem mittuntur, idque, postquam Legatio fuit admittita, non obstante, quòd Rex vel populus, ad quem legatio directæ, sit hostis illius, qui mittit. Unde Caduceatoribus in bello pax est; & Lacedæmonii, qui Perfarum Feciales interfecerant: dicuntur, omnium hominum jura violasse. Nónne [inquit Cicero, primâ Verrinâ] Legati inter hostes, incolumes esse debent? Hoc jus de non violandis Legatis [inquit Tacitus, lib. 1. *Annal.*] est *hostium jus*, & *Sacra Legationis*, & *fas Gentium*. Ut meritò Pomponius, l. si quis. ultimâ. ff. de Legat. ita referatur scripsisse: Si quis Legatum hostium pulsasset; contra jus Gentium, id commissum esse existimatur; quia Sancti habentur Legati: & ideo, si, cum Legati apud non essent Gentis alicujus, bellum, cum eis indictum sit; liberos eos manere; id enim juri Gentium convenit esse. Itaque eum, qui Legatum pulsasset, Quintus Mutius, de di hostibus, quorum erant Legati, solitus est respondere. Cui correspondet, quod censuit Ulpianus relat. in l. lege Julia. ff. ad legem Juliam, de vi publica. Eum hac lege, scilicet Julia de vi publica, teneri; qui Legatos, Oratores, comitêve eorum, pulsasset, aut injuriâ affecisset. Quid; quòd Josephus Flavius, antiquæ Historiæ. lib. 15 tanto perè exaltet Legatorum Sanctimoniam; ut eis commune cum Angelis Dei, nomen, accommodet? Quòd respexisse videtur Cicero, dum in tertia Verrina, sic peroravit: "Legatorum jus, Divino humanoque

vallatum præsidio, cujus tam Sanctum & venerabile nomen esse debet, ut non modo inter sociorum jura, sed & hostium tela, incolume versetur. Eò & reflexit Procopius, lib. 3. Gothicorum inquit: Omnibus, ut generatim loquar, barbaris mos, Legatos venerari. Inter arma enim, ut Aimonius, Clodoveum Regem, dixisse meminit: *Sola Legatio, pacis sequestra est, & hostem exuit, qui legatione fungitur*. Confer Cromerum, de Polonis. lib. 20 De Turcis: *Leunclavius*. lib. 8 & lib. 17. De Mauris; *Marianam*. lib. 12. Hoc (scilicet Legati) nomen & hostes hostibus valet reconciliare; quid ergo fieri magis impium potest, quàm Legatos occidere pro æquitate loquentes? ait Josephus. lib. 15 *Historia antiquæ*.

118. An ergò comites, familiares, officiales & domestici Legatorum, eâ sanctimoniam tuti sunt, ut nec ipsi, nec res ipsorum, capi vel arrestari possint? Resp. Hæc sancta esse accessorii, ac proinde quatenus Legato visum fuerit. Quamobrem, si comites aut domestici, qui in famulatu sunt; gravius quid deliquerint, postulari à Legato poterit, ut eos dedat, & secundum leges loci, ubi deliquerunt, puniri sinat. Quod, si facere detrectaverit Legatus, apud eum, à quo missus est, ea de re agi & instari poterit. Interea tamen, nihil attentari debebit; neque Vi, quis hujusmodi delinquentium, capiendus erit; nisi fortè commississet crimen exceptum, quo videlicet jus Gentium sit læsum. Vide Grotium de J. B. & P. lib. 2. cap. 18. §. 4. Vide omnino *Wæquefort* loc. cit. Sect. 28. & Sect. 29. ubi ostendit, quòd nec ipsimet Legati semper sint inviolabiles. Si enim Legatus ipse primò violet jus Gentium, frustra hujus juris assistentiam implorat.

Quòd bona mobilia Legatorum attinet, hæc, utpote *accessio personæ*, pignoris causâ,

causâ, aut ad solutionem debiti, apprehendi aut capi non possunt à creditoribus; nec ordinarii iudicis, seu *Prætoris* decreto, neque *manu* [ut quidam volunt] *Regiâ*. Omnis enim coactio abesse à Legato debet, tam quò ad ejus personam, quàm res ejusdem, quò plena ei sit securitas. Vide rursus *Wicquefort. loc. cit. Sect. 27. pag. mibi 383.*

Quòd, si Legatus in loco Legationis, æs alienum contraxerit, nec ibi bona immobilia possideat, interpellandus erit amicablem, ut debitum solvat; &, si munitus, solvere detrectet, supplicandum erit ei, qui hujusmodi Legatum misit; ac porro, ita contra morosum hujusmodi debitorem, agendum erit; sicut agi solet adversus debitores extra territorium positos.

Quis (inquies) si id juris statuatur; cum Legato contrahere vellet? *RESP.* Sicut Regibus ipsis, seu supremum dominium habentibus, non desunt creditores; eò quòd fide regiâ contenti sint; ita nec deesse videmus creditores, qui fidem habeant Legatis, quorum integritas & morum honestas, quasi pignoris loco habetur. Porro, Quæ in contrarium Oggeri possunt ex jure Romano, non sunt capiendæ de Legatis, à Regibus aut summis potestatibus, missis; sed de Legatis *Provincialibus* aut *municipalibus*. Si

ROGES: Num Legatus jurisdictionem habeat in familiares suos? Item: an ipsi competat jus Asyli, in domo sua, pro omnibus eò confugientibus? *RESP.* Utrumque; hoc pendere ex concessione ejus, apud quem Legatus degit. Neutrum enim juris Gentium esse, tradit *Grotius loc. cit. §. 8. in fin.* Consonat *Wicquefort. loc. cit. Sect. 28.*

119. Hic quæri potest, an jure talionis, interfici, aut malè tractari possit Legatus ab eo missus, qui tale quid patriverit in Legatum ejus, ad quem alter destinatur? *RESP.* Tametsi hujusmodi ultionis non pauca legantur in Historicis exempla, eadem, quia in his, non tantum reperiuntur, quæ justè; sed &, quæ iniquè, & perperam gesta sunt; ideo ab hujusmodi exemplis, non est deducenda conclusio. Profectò, ipsum Gentium jus, non tantum *mittentis* cavet dignitati; sed & *ejus*, qui mittitur, *securitati*, idque ex tacito quodam contractu. Legato igitur *missio* fit injuria; tametsi *mittentis* nulla fieret. Quamobrèm, non magnanimè tantum, sed & ex jure Gentium, *Scipio* respondit de Legatis *Carthaginensium*, à quibus Legati *Romanorum* malè excepti erant; non esse id faciendum Legatis *Carthaginentium*, quod ipsi, in *Romanorum* Legatos, commiserant. Confer *Cromerum. lib. 19. §. 21.*

RESPONSUM JURIS

A D

Recens natam Quæstionem.

NUM Sedis Apostolicæ Legatus, seu Nuntius Apostolicus ad Tractum & inferioris Germaniæ missus, ut juxta

mandatam sibi à summo Pontifice facultatem, Apostolicæ Legationis munus expleat, teneatur uni vel alteri privativè Ci-

Civitati imperii liberæ (ubi intra fines missionis suæ, residere ac Tribunal suum stabilire constituit) exhibere Bullam, Diploma, seu litteras (ut ajunt) *Credenciales*, quibus fidem faciat de munere Legationis suæ; ita, ut cæteroquin fas sit Civitatis Magistratui non suscipere, vel saltem non revereri hujusmodi Nuntium, Legationis dignitate insignitum?

Ratio dubitandi desumi posset ex *Can. Nobilissimus. Dist. 97.* ex quo colligitur, consuetudinis esse, quod Legatus Pontificis ad Regem quempiam missus exhibere debeat litteras missionis suæ. Id quod *Glossa* his verbis exprimit: *Oportet ergo, quod Legatus exhibeat litteras Legationis suæ, ad hoc, ut credatur ei.* Atque hoc maxime volunt Authores obtinere in Legato missio, qui non sit Cardinalis. Siquidem asserenti se Legatum (dummodo noscatur esse Cardinalis) creditur, sine alia probatione, eò quod Cardinales non soleant à Curia abesse, sine officio Legationis: inferiori autem Prælato asserenti, se Nuntium Apostolicum, non habetur fides, nisi ostensis litteris Papalibus. *Arg. cap. Cum in jure. 31. de Offic. & Potest. Judic. delegati.* Ita tradunt *Azor. Instit. moral. part. 2. lib. 5. cap. 27. quest. penult.*

Augustinus Barbo. *ad leg. 1. C. de mandatis Princip. n. 5. & seq.*

Speculator. *tit. de Legat. §. Superest.*
§. Quid si Legati.

Joannes Andreas. *in cap. 1. de Offic. Legat. in 6.*

Antonius De Butrio. *in cap. Constitutus. de Appell.*

Befoldus. *in Thesaur. pract. adauso. §. Credensbricff.*

Ubi dicit vulgatum esse Brocardicum, quod Nuntiis seu Legatis Papæ vel Cæsaris, non sit habenda fides, sine litteris Credencialibus.

A Hochkirchen, Ethic. Christ. Pars II.

Idem repetit Rosenerus. *in Thesaur. loco. Comm. lib. 12. cap. 36. n. 9.*

Huc referri posset instrumentum pacis Osnabrugensis, seu Cæsareo-Suevicæ, in cujus *art. 5. §. 11.* Civitatibus Imperii liberis, asseritur Superioritas Territorialis, talis scilicet, qualis competit aliis sublimioribus Imperii statibus in subditos & incolas Territorii sui. Ex quo supposito principio videtur deduci posse, quod liberæ Imperii Civitates, pari cum Principibus & aliis immediatis Imperii statibus, superioritate Territorialis gaudentes, non tantum jus habeant in incolas aut advenas, intra Territorium suum, domicilium figere volentes, verum vel maximè iis, non sectis ac aliis Principibus non ligiis Imperii, exhiberi debeant litteræ Credenciales à Legato seu Nuntio Pontificis Neo-adventante.

Equidem, concludendum omnino est, quod Legatus seu Nuntius Sedis Apostolicæ, ad Tractum Rheni & inferioris Germaniæ partes missus, nequaquam obstrictus sit intra fines Legationis suæ, cujuscunque Civitatis etiam Liberæ Magistratui edere vel exhibere litteras Papales seu Credenciales, ad effectum, ut Magistratus loci, in quo Nuntius Apostolicus Sedem ac Tribunal suum figere se erigere constituit, eidem Nuntio competentem honorem, reverentiam, immunitatēque præstare teneatur. Ita tradit Joannes à Chokier. *Part. 3. polit. Tract. de Legato. cap. 36. pag. Mibi. 83.* his verbis: *Illud silentio non est involvendum, si Legatus mittatur ad diversas unius Provinciæ Regionēs, satis ei esse, si in Curia Præsidis, litteras fidei edat, quia per omnes Provinciæ Regionēs ei exinde creditur, in Legatis verò nō. Apostolica Sedis hoc observatur, ut in ingressu Provinciæ sibi decretæ, soleant Legationis suæ litteras publicare, ne quis deinceps possit ignorantiam aliquam prætexere.*

N n

id,

Id, quod Prælaudatus Author quondam Vicarius Generalis Serenissimi Principis & Episcopi Leodiensis, de perpetua praxi & observantia, circa Legatorum Pontificiorum ingressum in Provinciam, modumque per edictum publicum promulgandi Apostolicæ Legationis officium, citra necessitatem, alicui particulari Civitati aut statui edendi litteras Credentiales, tradit; evidens habet fundamentum: siquidem, cum Sedes Apostolica, ab immemoriali tempore, absque interruptione, Legatos seu Nuntios suos, in partem Apostolicæ sollicitudinis, ad Tractum Rheni & inferioris Germaniæ ditiones mittere consueverit; & ita jure, sibi, utpote Christi in terris Vicario per orbem universum competente, Ecclesiasticam Jurisdictionem suam exercuerit, quis absque novitatis, ne dicam, temeritatis nota, prætere- dere potest, quod Nuntius Nuntio succedens, teneatur alicui particulari statui exhibere litteras facultativas, seu (ut ajunt) credentiales. Nunquid summus Pontifex est ordinarius totius orbis Christiani? *Cap. de Translat. Episc.*

Cap. Solus. de Majorit. & Obed.

Extrav. Unam sanctam. eod. tit. inter comm. Nunquid est Ordinarius Ordinariorum, habens pro Diœcesi sua, totum orbem?

Cap. ad honorem. De Auth. & usu pallii.

Can. Cuncta per mundum IX. q. 3.

Quo Pacto igitur in privati saltem Catholici alicujus statûs arbitrio, positum sit, non aliter velle recipere, vel revereri Sedis Pontificiæ Nuntium, in partem Apostolicæ sollicitudinis gerendæ missum, quam, si, nescio, cum quibus novis cæremoniis, præviè exhibuerit Legationis suæ Diploma, & ita quadantenus sæculari Magistratui sibi in spiritualibus subordinato, præviè præstiterit submissio- nis homagium nullibi gentium usitatum?

Sanè, si limatiùs trutinentur ea, quæ

publicistæ de litteris fidei, seu Credentia- libus exhibendis, scribunt: evidens eva- det; quod ad unum omnes loquantur de Legato, qui præter ordinem, singulariter, ad expediendum certum aliquod ne- gotium, à summo Principe vel Republi- cā superiorem non recognoscente, ad alium summum Principem vel Rempu- blicam destinatur: ut proinde mirum non sit, quod ejusmodi Legatus extraordina- riè missus, fidem facere debeat de mune- re legationis suæ, quia dubitari peræquè posset tam de identitate & qualitate mi- nistri missi, quam de enixâ voluntate Do- mini mittentis. Atqui verò, cum Sedes Apostolica non extra ordinem, non ad unum Principem, Civitatēve, non ad unum singulare negotium gerendum, sed more semper usitato, ad totum corpus Circuli Rhenani & Westphalici, cum ordinaria facultate Nuntii Apostolici (qui Præsidi Provinciæ, vel Proconsuli æqui- paratur, & cujus officium per mortem Papæ Legantis non expirat, tametsi Ju- risdictione necdum uti cœperit, imò Pro- vinciam suam necdum ingressus fuerit. *Cap. 2. juncta Glossa. §. Declaramus. de Offic. Legat. in 6. Reiffenstuel ad dist. tit. n. 11.*) de facto, ex relationibus pu- blicis notorio, in vicem Præcessoris Nun- tii surrogaverit Reverendissimum & Ex- cellentissimum Dominum Crivelli Archi- Episcopum Casarensē, neque de identi- tate personæ missæ, minùs verò de vo- luntate Pontificis Romæ publicata, & Illustrissimo ac Reverendissimo Domino Goddard Inter-Nuntio, dudum intimata, ulli rationabile dubium suboriri possit, non est conceptibile; sub quo colore, particularis aliqua Civitas, in qua altefatus Dominus Nuntius residere constituit, petere queat sibi privativè exhiberi Pon- tificias litteras, cum eum, qui certus est, certiorari ulterius non oporteat. *Reg. Jur.*

Jur. 31. in 6. Quod si Civitas una, ad effectum recognoscendi Apostolicæ Sedis Nuntium, prætereundum posset, præviè sibi exhiberi debere litteras Papales; quidni, pari stylo, quodvis oppidulum diversæ jurisdictionis, sub prætextu inspicendarum Credentialium, reverentiam obedientiamque, in persona Nuntii Apostolici, summo Pontifici exhibendam, tergiversando, excutere posset? Certè (ut à minori ad majus, argumentum ducatur) potiori jure Serenissimus Princeps & Episcopus Leodiensis, in cujus Diocesi Nuntius Apostolicus jurisdictionem sibi mandatam exercet, exigere valeret, editionem litterarum Apostolicarum, vigore, quarum, jurisdictio nomine Pontificis exercenda sit. Quis autem unquam audivit Nuntio Apostolico, intra districtum Legationis suæ, alicubi residenti, hac super re, statûs questionem motam fuisse ab ullo Principe sive seculari sive Ecclesiastico?

Novitas itaque non admodum laudabilis est, quòd Civitas aliqua non contenta civili insinuatione, per ministrum Reverendissimi & Excellentissimi Domini Nuntii factâ, insuper prætendat intueri litteras Papales, ad neminem in particulari, sed ad totum corpus Circuli Rhemani & Westphalici, sive generatim, ad ditiones Rheni & inferioris Germaniæ, directas.

Ad rationem dubitandi ex *Can. Nobilissimus. dist. 97. & Glossa* ibidem petitam, liquet responsio ex dictis. Siquidem loca omnia juris Canonici loquuntur in hypothesi, quâ Legatus non ad explicandam, more solito, jurisdictionem Papalem, in Provincias præsertim Catholicas mittitur, sed de casu singulari, quo à Pontifice Prælatus ad Regem vel Republicam, in finem specialis negotii expediendi, extraordinarie destinatur. Quo eventu ne-

mo ambigit, Legatum Pontificis, mandatum, litterasque Credenciales exhibere debere. Atque hoc sensu, de litteris Credencialibus, Dominus Wicquefort celebris publicista, licet à catholicis loquitur *dans son Traité des Ambassadeurs, & de ses Fonctions. livre 1. section 15. pag. 169. bis verbis: Les Bulles, dont les Legats sont porteurs, leur servent & de Lettres de creance, & de pouvoir general: elles marquent leur caractère, & font connoître leur autorité & leurs facultés. C'est pourquoy, j'ai dit: que les Legats sont comme plenipotentiaires, leur pouvoir étant d'autant plus grand, que par là, le Pape entend le sien* - - - *Les lettres de creance sont nécessaires à l'Ambassadeur, tant parce qu'elles donnent le caractère, & le font connoître au Prince, à qui on l'envoie, que parce que sans elles, il n'est pas capable de négocier. Il est vrai, qu'elles ne sont pas si absolument nécessaires, que quelque fois on ne puisse être ministre public sans cela. Pour réparer ce défaut, il faut, qu'il soit muni de quelque autre instrument, pouvoir, procuration, passeport, ou: ce, qu'on appelle en Hollande: Actus ad omnes populos, qui fasse connoître & respecter sa qualité. Ecce! quàm distinctè mox citatus Author differat de Legato, Plenipotentiariorum, seu Vulgò, de Ambasiatore, ad Principem quandam, certi negotii tractandi causâ misso, cui fides non adhibenda, nisi litteras Credenciales exhibuerit, vel in harum defectu, alio instrumento publico, fidem faciente, munitus sit.*

Porro, id quod ex instrumento pacis Osnabrugensis oggeritur; nihil sub recessu habet; tum qua *Innocentius. X. Pont. Max.* sese pro muneris sui Apostolici æterna memoria, opposuit, huic pacificationi, quatenus de Religionis negotio, in perniciem statûs Ecclesiastici, contra sacrorum Canonum jura, à pacificentibus pote-

state legitimā destitutis, quidpiam immutatum, transactūve fuit: tum quia in eodem pacis instrumento, subsecutusque Imperii Recessibus, decūm fuit; quod Religionis, & Pontificiæ jurisdictionis exercitium, in eodem statu deinceps continuari debeat, in quo reperiebatur subsistere anno 1624. qui est annus decretorius pro Cynosura positus, ad discernendum, in quali possessione honorum & jurium Ecclesiasticorum, tam Catholicæ deinceps, donec Divinæ Providentiæ aliter placuerit, imperturbatè quiescere debeant. Jam verò, citra controversiam est; quod summus Pontifex pro suo beneplacito, aut & post dictum annum 1624. ad Tractum Rheni & inferioris Germaniæ partes, suos miserit Nuntios Apostolicos, absque hoc, quod aliquis Civitatis, præsertim Catholicæ, Magistratum, per litteras Credentiales, reddiderit certiorē de qualitate & facultate personæ missæ. Nihil ergo hac in re innovandum est, necque sub prætextu Superioritatis Territorialis, quæ ad temporalium gubernationem restricta intelligi debet, summi Pontificis, à Dco potestatem suam spirituales in omnes Christi oves habentis, Authoritas, Jurisdictio, Immunitasque, citra piaculum grande, & populi Christiani scandalum, perturbari potest. Quod, si qui secus facere & Legatos Apostolicos non admittere, seu in officio delegationis impedire præsumpserint, ipso facto excommunicationem incurrunt; & eorum terræ, Ecclesiastico interdicto subjiçuntur, donec resipiscant. *Extrav. Super gentes. de Consuet. inter Comm.* Ita salvo meliore, consultus Respondi, Aquigrani F. Ant. Hochkirchen.

120. Egimus hætenus de causis, ob quas bellum geri potest. Nomine autem causarum, non intelleximus solas *suasorias*, à justis, distinctas, quæ videlicet nudam

utilitatem, vincendi facilitatem, bellandæ oportunitatem, aut quid simile, præter fas, respiciunt; sed duntaxat causas justas, quæ scilicet legitimum titulum constituent, & belligerantes, à peccato, immunes reddant. Vide supradicta n. 17. & seqq. Igitur iusta belli suscipiendi causa, nulla alia esse potest, quam *injuria*, prout docet Magnus Pater *Augustinus*, lib. 4. *De civit. Dei* cap. 4. inquires: *iniquitas partis adverse, iusta bella ingerit. Remota enim iustitiâ, quid sunt regna, nisi magna latrocinia?* ait ibid. S. Pater. Verbo: Sola læsio enormis, vel jam illata nobis, vel jam certò imminens, est causa *juris*, seu *justificæ* alteri bellum inferendi. Cæterum, *dene-gatio officii humanitatis*, item *noxie* vel *innoxie utilitatis*, non est causa belli *justificæ*. Itaque bellum *justum* est, quod geritur ab eo, qui causam belli *justificam* habet: *contra bellum injustum* ratione causæ scilicet) atque *illegitimum* est: quod geritur ab eo, qui causam, belli *justificam* non habet. Porro, bellum, licet ratione causæ *justificæ* maximè possit esse *justum*; equidem ob circumstantias, v. g. Impotentia nostræ, & præpotentia hostis nostri, posset fieri minus suasorium, imò iniquum. Confer *Schierschmid* in *elementis juris naturalis, socialis & gentium* cap. 1. §. 312. & seq. pag. 285. & seq.

121. Cæterum, ex quibus fontibus, causis, seu capitibus, actiones nascuntur *forenses*; ex iisdem & bella provenire possunt. Nam, ubi judicia deficiunt, ibi bella incipere solent. Dantur autem actiones *forenses*, aut ob injuriam *non factam*, quæ tamen fieri timetur; aut ob injuriam *jam factam*. Ob injuriam necdum factam, competit actio, quæ petitur cautio de *non offendendo*, item *damni infecti*; competitunt & *interdicta* alia, *ne vis fiat* &c. Ob injuriam verò *jam factam*, agitur, aut, ut reparetur; aut, ut puniatur. Quod reparandum.

randum venit, aut spectat id, quod *nostrum est*, vel *fuit*. In quem finem, *vindicationes & conditiones* quædam comparatæ sunt. Aut respicit id, quod nobis debetur, *sive ex patto*, *sive ex maleficio*, *sive ex lege*. Quod & pertinent ea, quæ *ex quasi contractu*, & *quasi maleficio*, petenda veniunt, per cæteras conditiones, jure civili, introductas. Porro, factum *ut puniendum*, parit accusationem, & judicia publica.

Ad instar igitur actionum forensium, bella justa dicuntur, quæ vel, ob defensionem, vel ob recuperationem rerum ablatarum, vel, ob persecutionem rerum nobis debitarum, vel, denique ob punitionem maleficiorum, suscipiuntur. Unde, dum Divus P. Augustinus, lib. 6. quæst. 10. super Josue. dixit: *Iusta bella deserviri solent, quæ ulciscuntur injurias*, vocem *ulciscendi*, latius fumpsit, ut patet ex sequentibus, ubi non quidem injuriarum singulas species adducit; sed, quid nomine injuriæ, intelligat; exemplis indiguit, inquit: *Sic gens & civitas petenda est, quæ vel vindicare neglexerit, quod à suis improbe factum est, vel reddere, quod per injuriam ablatum est*.

122. Prima igitur iusti belli causa, est injuria nondum quidem facta, *sed facienda*, sive in corpus nostrum, sive in res nostras. Si corpus impetatur, vi præsentis, cum periculo vitæ non aliter evitabili; tunc bellum esse licitum, etiam cum interfectione periculum inferentis; omnes admittunt: cum & ex tali causa, bellum privatum, extra culpam sit. Natura enim, quemque sibi, maximè commendat, non solum ob formalem injustitiam, aut peccatum alterius periculum inferentis; sed etiam, ob factum alterius peccato carentis; puta: si is bonâ fide militet; si is, me alium putet, quàm sim; aut, si is insanit aut infomniis agitatus, me inva-

dat. Ex hoc enim, quod alter culpâ vacet; non mihi tollitur jus, me defendendi & tuendi, non magis; quàm, si bellua mihi periculum intenteret: sufficit enim, quod ego non teneam id, quod ille machinatur, pati. Multùm tamen falluntur & fallunt, qui metum qualemcunque, ad jus præoccupandæ interfectionis, sufficere existimant. Requiritur enim, prout diximus alibi, periculum *præsens*, & quasi in puncto, *moraliter* [cum modica latitudine] non *physicè*, accepto, veluti: si insultator arma arripiat, & quidem ita, ut appareat, cum id facere occidendi animo; tunc enim, si aliter periculum evadi nequit, præoccupari facinus poterit. An & quatenus ob injurias, quibus res nostræ privatæ impetuntur, liceat intermittere raptorem, statim dictum supra cap. 9. n. 44. & seq.

123. Diximus, sine causis *justificis & necessariis*, bellum non esse suscipiendum, tametsi verò plerique belligerantium, causis saltem *suasoriis & apparenter etiam justificis* moveantur; sunt tamen & alii, qui cupidine gloriæ, & alicnarum opum aviditate illecti, absque alio justo titulo, alienas Provincias, nemine quid simile cogitante, invaserunt, & injustâ vi occuparunt, de quibus dici potest illud, quod à Romanis Jurisconsultis est proditum: *i. Pro herede. §. ult. & seq. ff. De hereditatis petitione*. scilicet: Prædonem esse eum, qui rogatus de possidendi causa, nullam aliam adfert, nisi: *quia possideat*. Audiamus Magnum Augustinum. lib. 4. De civit. Dei. cap. 6. Inferre (inquit) *bella finitimis, & inde in cetera procedere, ac populos sibi non molestos, sold regni cupiditate contere; quid aliud, quàm grande latrocinium, nominandum est?* Eiusdem sententiæ fuit Gentilis Cicero. lib. 1. de Officiis. dicens: *Ea animi elatio, quæ cernitur in periculis & laboribus, si justitiâ vacat; non*

modò virtutis non est, sed potius inhumanitatis omnem humanitatem repellentis. & Andronicus Rhodius: Qui magni compendii sui causâ accipiunt, unde non oportet; hi pravi, impii, iniusti que appellantur, quales sunt tyranni & urbium vastatores: de quibus ita Philo in Decalogum: Qui verò furum vires nati sunt, hi totas prædantur urbes, panarum securi, quòd supra leges eminere videantur. Tales sunt homines ingenio minimè civili, dominatum & potentatùs avidi, magna furta committentes, qui pulchris nominibus Magistratum & imperiorum, id obtegent, quod verius latrocinium appelleretur. Hujusmodi alienarum ditionum invasores, Pseudopoliticorum reguntur axiomatibus, Christiano genio, indignis. Veluti:

Pro federe, proque justitia, est ensis.

Item: *Id in summa fortuna æquius, quod validius. Vide dicta in Prolegomenis n. 6. & 7. Profectò, optimi quique viri, quovis tempore censuerunt, plus, justitiæ & veritatis regulas valere debere, quàm imperium & opes terrenas. Alioquin enim nec piratis, nec latronibus, iusta deficeret bellandi causa; nec desset ipsis speciosum sceleris sui velamen; dum plura quàm possident, desiderantes, rapinis vitætare & locupletari cupiunt. Quoscumque igitur non alia, quàm scelerata cupido, aliena occupandi, ad arma stimula-verit; eos merito non Principes, sed Prædones appellaveris.*

124. Postquàm, sat prolixè, de causis bellandi iustis, egimus; de causis iniustis, facile judicari poterit. *Rectum enim obliqui index est. Perpicuitatis tamen gratiâ, summa genera libabimus. Et quidem, quòd qualiscunque metus, ex vicina potentia, non præbet iustam belli causam, supra n. 114. ostensum. Idem dictum, de sola utilitate; quæ par jus non inducit cum necessitate. Neque, ubi sexus fami-*

nini copia est; ob negatum alibi connubium; bellum suscipi potest; quale perperam ex hoc capite, suscepiisse narratur Darius in Scythas, & Antonius Sarcacalla, in Ariabanum Parthorum Regem: An mutandæ sedis, seu habitationis amore, puta: ut paludibus, & sterilibus plagis relictis, salubrius & fecundius solum possideatur; bellum geri queat? QUÆRI posset; sed negativè Respondendum; quia, sicut non omnis fert omnia tellus; ita non omnes homines, pari conditione & felicitate gaudere debent; multò minùs, jus prætexere possunt, alienas plagas occupandi. Unde à Tacito. lib 4. Hist. non laudantur Germani, quòd eam ob causam, bellum gesserint. Non minùs improbum est, inventionis titulo, sibi vindicare ea, quæ ab alio tenentur, etiamsi is, qui tenet, sit improbus, de Deo malè sentiens; aut hebetis ingenii. Siquidem inventio est eorum, quæ nullius sunt. Neque ad dominium requiritur aut virtus moralis, aut intellectûs perfectio. Unde Græci, malè egerunt; dum ob morum diversitatem, & ingenii hebetudinem, barbaros, sibi hostes naturaliter esse, censebant. Alia est questio supra tractata; an, ob peccata gravissima, naturam aut societatem humanam impugnantia, dominium ab impiis auferri possit?

125. Quid? si homines singuli, aut populus integer in servitutem redactus sit? an, ad vindicandam libertatem, bellum gerere poterit? *Ratio dubitandi est: quod libertas cuivis naturaliter competere videatur. Respondendum tamen: nec libertatis consequendæ obtentu, licet à servis suscipi bellum. Pro quo notandum; quòd & alibi diximus, quòd libertas jure naturali permissiva, & præcedente omne factum humanum, competat hominibus & populis; non verò jure naturali præceptivo & absoluto. Natura enim fert*

fert quidem, ut quis servus non sit; non verò *jubet*, ne quis servus fiat. Nam hoc sensu, nemo liber est, & fortuna, factum hominis, aut lex effecit; ut alius sit liber, alius servus. Quamobrem, qui legitima ex causa, in servitutem sive propriè, sive impropriè dictam, devenerunt; suâ conditione contenti esse debent, docente Apostolo 1. ad Corin. 7. v. 21.

126. PETES: An Romanorum Imperator, jus habeat sibi subjugandi remotissimos & incognitos populos, & eorum terras occupandi? *Ratio dubitandi* est; quòd Imperator interdum se vocet *mundi dominum*. Vide l. *Hostes*. ff. De captivis &c. & modernum imperium *Romano-Germanicum*, successerit in veteris Imperii Romani jura. Sed *Respondendum* est negativè, contra Bartolum, ad dist. legem. *Hostes*. Ubi illum, *hereticum* ausus est pronuntiare, qui id negaret. Nec OBEST; quòd Imperator dicatur interdum *dominus mundi*; & de populo Romano jactatum fuerit:

Orbem jam totum Victor Romanus habebat. Similia enim per *Antoniniam*, & ob excellentiam Imperii, dicta intelliguntur. ADDE: quòd Augustissimus Imperator *Romano-Germanicus*, licet aliis mundi Regibus & Monarchis dignitate præmineat; nequidem omnia illa possideat, quæ olim populi Romani fuerunt. Multa enim, ut bello quæsitæ, ita & bello amissæ sunt. Alia quoque pactationibus, alia derelictione, in aliorum populorum, aut Regum jus transierunt. Quà de re, videri meretur *Jason* ad l. *Cunctos populos*. col. 2. Cod. De Summa Trinitate. *Menochius*. Confil. 2. n. 102. *Cardinalis Tuschus*. præf. Conclus. n. 345. §. *Rex Hispania*. *Cassianus*. De gloria mundi, part. 5. confid. 28. *Azor*. Instit. moral. lib. 2. c. 5. p. 2.

127. An, & quatenus, Pontifex vel

Ecclesia, jus habeat in populos paganos; & num Papa possit alteri Principi Christiano concedere facultatem occupandi gentilium regiones? habes ex dictis. cap. 3. n. 60.

SECTIO SEPTIMA.

An bellum, sine indictione, injustum sit?

128. Bellum publicum & solemne, ut supra notavimus, speciali ratione, justum dici solet, non quidem semper ex causa, unde oritur, neque ex rerum gestarum magnitudine; sed ob peculiaria quosdam juris effectus. Quatenus autem bellum sine prævia indictione susceptum, justum vel injustum reputari debeat; ex definitione *hostium*, optimè intelligi poterit.

229. *Hostes sunt* (inquit *Pomponius*, in l. 1. De V. S.) *qui nobis, aut, quibus nos publice bellum decernimus; ceteri, latrones aut prædones appellantur*. Cui consonat *Ulpianus* in l. *Hostes*. ff. De captivis. Ibi: *Hostes sunt, quibus bellum publicè populus Romanus* [quo nomine venit Rex, aut quivis populus summum habens Imperium] *decrevit, vel ipsi, populo Romano, ceteri, latrunculi vel prædones, appellantur*. Et ideo, qui à latronibus captus est, servus latronum non est, nec postliminium illi necessarium est. Ab *hostibus* autem captus, puta: à Germanis & Parthis, & servus est *hostium*, postliminio, statum pristinum recuperat. Et iterum *Ulpianus*: l. si quis ingenuam. §. 1. ff. cod. tit. In civilibus dissensionibus, quamvis sepe per eas, Respublica lædatur; non tamen in exitum Reipublice contenditur. Qui in alterutras partes discedent, vice *hostium* non sunt eorum, inter quos jura captivitatæ, aut postliminiorum fuerint; & ideo captos & venundatos, posteaque manumissos, placuit supervacuum repetere à Principe ingenuitatem, quam

quam nulla captivitate amiserant. Præterea, ut bene observavit Cicero: *Philippicæ 4ta: Ille hostis est, qui habet Rempublicam, Curiam, Ararium, consensum & concordiam civium, & rationem aliquam, si res ita tulerit, pacis & fœderis.*

130. Sicut autem Respublica vel Civitas, non itam talis esse definit; si quid, etiam communi culpâ, admittat injustum; ita nec societas piratarum aut latronum, civitas efficitur ex eo, quod quandam inter se æqualitatem (sine qua nullus cœtus subsistere valet) observent. Nam, hi, criminis causâ, sociantur, & turba hominum, non lege congregata; sed injustitiæ continuandæ causâ, in unum coacta, reputantur. Cives verò, etsi interdum delicto non vacent; juris tamen fruendi causâ, sociati sunt, & exteris jus reddunt, si non adæquatè juxta juris naturæ præscriptum [quod apud quosdam ferociores populos ex parte, quasi oblitteratum reperitur] saltem, aut juxta mores suos; aut secundum pacta cum aliis inita. Quare non immeritò Ciceronem reprehendit Grotius. l. 3. *De I. B. & P. cap. 3. §. 2.* quod dixerit: *De Republ. 3. ibi nedum injustam, sed prorsus nullam esse Rempublicam; ubi injustus est Rex, ubi injusti Optimates, aut ipse populus: quam sententiam Magnus Pater Augustinus, lib. 19. De Civit. Dei. cap. 24. correxit, dicens: Nec ideo tamen, vel ipsum, non esse populum, vel ejus rem, dixerim non esse Rempublicam, quamdiu manet qualiscunque multitudinis rationalis cœtus rerum, quas diligit concordie communi sociatus.* RATIO: quia sicut corpus morbidum, corpus tamen est; ita civitas, quanquam graviter ægrota; tam diu civitas manet, quamdiu manent leges, & subsistunt judicia, ac alia, quæ necessaria sunt ad jus incolis & alienigenis reddendum.

131. Dictum; à latronibus, Prædonibus, aut Piratis captos, non fieri capien-

tium servos, neque jure postliminii indigere, fieri tamen potest, ut prædonum primipili, sive capitanei, justii bellicucos fiant; & ut, qui latronum societatem antea constituerant; aliud genus vitæ amplexi, Civitas fiant; prout observavit magnus, juris Naturalis & Gentium Doctor, Augustinus. lib. 4. *De Civit. Dei. cap. 4.* Ubi de Latrociniiis disserens, ait: *Hoc malum, si in tantum, perditorum hominum accessibus crescit, ut & loca teneat, sedes constituat, civitates occupet, populos subjugat; Regni nomen assumit.*

132. Ut speciali significatu, & quod ad singulares effectus, de quibus postea; bellum sit justum, non sufficit; quod inter summas utrimque potestates geratur, sed necessum etiam est; ut pro re nata, publicè decretum & intimatum sit parti adversæ; ut noverit, an, pro injuriis satisfacere; an, armis ad id cogi malit? Quod respexit Cicero. lib. 1. *De Officiis.* Ita scribens: *Assi belli quidem æquitas, sanctissimè feciali, populi Romani, jure, præscripta est: ex quo intelligi datur, nullum bellum esse justum, nisi, quod aut rebus repetitis, geratur; aut denuntiatum ante sit & indictum.* Copfer Paulum Voet. *De jure Milit. c. 1. n. 6.*

133. Ad decidendam propositam questionem, accuratè faciendum est discrimen 1mo. Inter ea, quæ jure naturæ exiguntur; & inter ea, quæ quidem jus naturæ absolute non exigunt, bonæ tamen sunt. 2do. Inter ea, quæ jure Gentium, ad effectus huic juri proprios requiruntur, & inter ea, quæ ex peculiaribus quorundam populorum institutis descendunt. Profecto, naturali jure, ubi scilicet aut vis improvisa, arcenda est; aut ab illo, qui manifestè deliquit, pœna deposcitur; nulla requiritur denuntiatio, ut meriti apud *Ælianum lib. 1.* Plate dixisse referatur; quod bellum ad propulsandam vim susceptum, non à Caduceatore, sed à natura indicatur. Idem di-

dicendum; si res nostras, contra raptores tueri, necessum habeamus. Aliud est; si pro re una, res alia; aut pro debito pecuniario, aliud æquivalens; & multò magis, si res eorum, qui debitori subditi sunt, invaditur; tunc enim interpellatio requiritur, ut constet, alio modo non posse fieri, ut nostrum, aut nobis debitum consequamur. Jus enim illud, non *primarium* est, sed *secundarium* & *surrogatum*. Pari modo; priusquam, Summam Potestatem habens, propter debitum aut delictum subditi, impetatur; præmittenda erit interpellatio, quæ illum constituat in culpa, ex qua aut damnum dare, aut ipse delinquere censeatur. Cæterum, illis etiam in casibus, quibus vis de præsentī illata, confestim reprimenda non est, etsi jus naturæ non præcipiat, talem fieri interpellationem; honestè tamen & laudabiliter interponitur, videlicet, ut vel ab offendendo abstineatur; aut delictum poenitentia & satisfactione expiatur. Quò spectat præceptum, quod *Deuter. 20.* Deus Hebræis dedit, ut videlicet civitatem oppugnamdam, prius ad pacem invitarent. Porro, in iis etiam casibus, quibus requiritur denuntiatio, non peræquè requiritur, ut *clarigatio* ab utraque belligeraturorum parte fiat; quia ab una parte, facta sufficit. Unde supervacua observationis argumentum est, quòd bellum utrimque indictum aliquando legatur.

134. Denuntiatio autem aut *conditionatè*, aut *purè* fieri potest. *Conditionatè* fit, si belli comminatio proponatur, casu quo, injuria non fuerit reparata. *Purè* fit; si ob injurias aliter non reparabiles, bellum *absolutè* declaratur. Confer De Turcis. *Reinkingium. lib. 2. class. 3. cap. 4.*

135. Quibus cæremoniis, veteres bellum indixerint, ex *Arnobio. lib. 2. contr. Gent. Varrone, De lingua Latina. Plinio,*

lib. 22. cap. 12. & aliis antiquitatum reatoribus, discendum est. Græci per *Caduceum*, cum sagminibus & hasta sanguinea, bellum indicere solebant. Romani, Græcorum exemplo, primum amicitia & societati, si qua intercessisset, renuntiabant; deinde, si intra triginta dies, satisfactio pro injuriis non offerebatur; iterum hasta mitebatur, tanquam indicium belli mox secuturi. Vide *Poot. loc. cit. cap. 1. n. 6. pag. mibi 13.* Verum, hos ritus uni alteri ve populo proprios, cum *jure Gentium* confundere non oportet. Scimus enim nec hujusmodi formalitates perpetuò olim fuisse observatas, nec modò observari.

136. PETRES: An indictio illi bello, qui summum in populo imperium habet, simul indictum censeatur omnibus ejus non tantum subditis, sed & extraneis confederatis commilitantibus? RESP. *Affirmative*: quia isti omnes sunt *accessio* ipsius. Unde, ut *Baldus* ait: ad l. 2. *Cod. De Serv. n. 70. Diffidato Principe, diffidati sunt & ejus adherentes.* Ubi NOTA: quòd *diffidare*, sit *indicare bellum*. Vide dicta *lib. 1. cap. 9. n. 77. & seqq.*

137. Quid, si principali bello finito, quis eos adoriri velit, qui alteri adversario suppetias tulerunt? RESP. Ut in ipsos bellum *publicè* justum geratur, opus esse novà indictione seu *clarigatione*, id est clarà declaratione. *Ratio* est, quia populus, qui alteri suffragatus fuit, & auxilium præbuit, non potest tunc ut *accessio* considerari; sed, ut quid *principale*.

138. Sed, cur ad bellum publicè & jure Gentium justum, seu *irreprehensibile*, prævia requiritur denuntiatio? *Ratio* non solum est, ne quid clam aut dolo agatur; sed, ut certò constet, haud ausu privato, sed voluntate utriusque populi, aut populi capitum, geri bellum, cui adscribi possint effectus peculiare, de quibus mox.

SECTIO OCTAVA

*Quid & quantum liceat in Bello Solemni
& publicè iusto?*

139. Certum est, illa omnia in bello solemni & iusto licere, quæ boni communis necessitas postulerit, sive circa vindicandam injuriam ab hoste illatam; sive, quò ad recuperanda bona ablata; sive, quò ad consequendam pacem & pacis securitatem. *Ratio* est; quia Princeps iustum bellum gerens, est instar iudicis respectu hostium, iudex autem potest ea facere, quæ ad vindicandam injuriam sunt necessaria. Deint; bellum ad hoc geritur, ut fiat æqualitas & recompensatio damnorum, ad quam & ipsi hostes aliquin in conscientia tenentur. Porro, finis belli est pax & securitas Reipublicæ. Ergo &c.

140. In bello solemni, aliquid licitum vel illicitum esse potest ex compromisso vel conventionione partium belligerantium, vel nudè, ex *naturæ*, vel *Gentium jure*. Unde, cùm in materia *moralis*, media bonitatem vel malitiam hauriant à *fine*, ad quem ordinantur, sequitur, quòd, si jure intendere possimus finem, jus etiam habeamus adhibendi media necessaria ad illum finem assequendum.

Quocirca; si vitam aliter servare non possem; licet mihi, vi qualicunque arcere eum, quicam impetit, etiamsi fortè is, ob dementia, vel aliter, peccato vacet. Quia jus hoc, non propriè ex peccato alterius oritur; sed ex jure, quod mihi pro me, natura concedit. Ex eadem ratione; citra culpæ alienæ considerationem, rem alienam, ex qua mihi certum periculum imminet, invadere possum, non quidem in eum finem, ut dominus ejus efficiar; hoc enim non postulat defensionis aut indemnitatis ratio; sed, ut illam tantisper custo-

diam, donec securitati meæ satis cautum sit. Sic sistendo in jure naturali, rem meam ab alio detentam eripere possum, aut aliud tantundem valens, si in individuo rem meam recuperare nequeo. Idem est de re, non quidem mea, sed mihi debita. Quibus casibus consequor quoque rei sic acceptæ dominium; quia alio modo, læsa æqualitas reparari nequit. Sic porro, ubi iusta est punitio, iusta etiam est omnis vis, sine qua ad pœnam perveniri non potest. Quà ratione intra iustum, scilicet, qui peccato correspondeat, modum, licet res hostium corrumpere, conculcare, comburere &c.

141. Theologicè & Christianè loquendo, absque divina revelatione, non licet *per se*, & ex intentione *directa*, in bello quantumcunque iusto, occidere innocentes, quanquam *per accidens*, & præter intentionem, id culpâ vacet. *Ratio prioris* desumitur ex illo *Exod. 23. Insansem & iustum non occides*. Non enim possunt occidi ob culpam propriam, cùm, ut supponitur, sint innocentes; neque ob culpam Reipublicæ; quia Respublica non potest puniri in suis partibus, nisi secundum id, quod subest ejus dominio vel potestati; cujusmodi non est vita innocentium. *Ratio posterioris* est; quia aliquin sæpe nocentes, seu hostes debellari & vinci non possent. Itaque, si ad consequendam victoriam, necessum sit v. g. turrim, vel subiecto pulvere pyrræo, vel tormentis bellicis, dejici; aut urbem concuti, in qua sunt innocentes; non peccatur hoc facto, quia insanit mors non intenditur, sed solum non evitatur. Sic navis piratis, aut domus latronibus plenâ tormentis peti potest, etiamsi intra eandem navem aut domum sint pauci infantes, mulieres, aut aliquin innocentes, quibus inde creetur periculum. *Nec*, ut inquit Divus P. Augustinus ad Public. Epist. 154. *Reus est mortis*

mortis alienæ, qui suæ possessioni murum circumduxit, si aliquis ex iporum usu percussus intereat. Equidem non semper ex omni parte licitum est, quod summo jure permissum: sæpe enim, ut bene observat *Grotius de I. B. & P. lib. 3. cap. 1. §. 4.* Charitas non permittit, ut summo jure utamur. Quare [inquit] etiam, quæ extra propositum accidunt, & accidere posse prævidentur, cavenda erunt; nisi multo majus sit bonum, quò nostra actio tendit, quàm malum, id, quod metuitur; aut nisi in pari bono & malo, multo major sit spes boni, quàm mali metus, quod prudentiæ arbitrandum relinquitur; sed ita, ut semper in dubio, ad eam partem, quæ alteri magis, quàm sibi consultit, veluti tutiorem, inclinandum sit. Profectò, quòd sæpe inconsulto impetu, in infantes dæcavitum sit, scimus ex cæde, quam *Theodosius Thessalonice* fieri jussit, & quam culpam *S. Ambrosio* hortante, idem Imperator exemplariter expiavit.

Dixi: Absque divina revelatione, innocentes trucidari non posse. Si enim Deus auctor vitæ & necis ita jusserit, extra culpam erunt interfectores, quales erant *Israëlitæ Deuter. 2. Josue 6. 1. Reg. 15.* Equidem, quod Deus olim jussit, aut modo jubere possit; id nobis in exemplum mox trahendum non est, quia plenissimum illud dominii jus, quod in omnes mortales habet, nobis in alterum, regulariter non concecit. Quin potius divinæ misericordiæ recordantes, perpendere, & cordi ducere debemus; quod ipsemet Deus, hominum suo jure dominus, ob paucissimos bonos, parcere solet quantumvis magnæ malorum universitati, prout *Genes. 17.* discimus ex colloquio *Abrahami cum Deo*, occasione *Sodomorum*.

142. Caterùm, nomine innocentium, non tantum veniunt pueri & infantes vel

senes ad arma inepti, sed etiam presbyteri, monachi, conversi, peregrini mercatores suis mercimoniis, non autem bello vacantes; rustici item, dum versantur in agricultura: istos enim, sicut & jumenta, quibus arant, aut semina portant ad agros, congruâ securitate lætari debere, definivit *Alexander III. cap. Innovamus. De Treuga & Pace.* Hisque addi debent mulieres arma non tractantes, & alioquin infantes; itidem Clerici sacris ordinibus initiati, pauperes, Legati, seu Oratores Principum. *can. Paternarum. & can. Illi. caus. 24. quæst. 3.*

Hujusmodi ergo personas bello non cooperantes, per se & ex directâ intentione interimere non licet. Unde, licet in actuali conflictu, indiscriminatim occidi possint omnes contra pugnantes, non possunt tamen trucidari per se infantes etiam *Turcarum, Saracenorum vel hæreticorum*, sub prætextu, quòd in futurum imminet ab ipsis periculum. Sunt enim, quæ tales, verè innocentes, neque potest quis puniri propter peccatum futurum. Malis ergo, quæ ab his in futurum timeri possent; aliis modis occurrendum erit, veluti: exilio, servitute, spoliatioe.

143. Prædictis tamen non obstantibus, in bello iusto, innocentes, qui sunt pars Reipublicæ hostilis, spoliari possunt iis rebus, quibus hostes usuri sunt adversum eos, qui gerunt justum bellum, ut: armis, navibus, equis, annonâ &c. Ratio: quia aliter hostis vinci, & pax obtineri non possit. Quinimò hostium subditi, etiam aliis fortunæ bonis possent spoliari & in captivitatem duci, si alioquin pax obtineri, aut salva consistere, vel etiam condigna satisfactio extorqueri non posset. Conter *Viteriam. Relezione 6. n. 42. Valentiam. Punet. 3. De Bello. Azorium. Tom. 3. Infit. lib. 2. c. 7.*

144. Nec OBEST; quòd innocentes

earum, debiti consequendi causâ, quæri poterit. Si alter damnum nondum dederit, sed dare voluerit, jus erit, rerum retentione eum cogere, ut de futuro caveat, datis obsidibus, pignoribus, aut alio modo. Quod, si præterea evidentissima sit hostis mei in me injustitia, & alter eum in bello iniquissimo confirmet; jam non tantum civiliter tenebitur de damno, sed & criminaliter, ad instar illius, qui judici imminenti hominem criminofum & manifestè reum eximit. Atque eo nomine, licebit in eum statuere, quod delicto convenit. Quare & intra justum modum spoliari poterit.

148. Dictum supra, bellum *solemne* speciales habere effectus, qui bellum ex natura sua non sequuntur. Ubi sciscitari posses: an in tali bello, liceat odisse, crudeliter trucidare, & inhumanius tractare hostes, & indiscriminatim omnia ipsis, usque ad indusium & calceamenta, surripere? juxta illud Virgili: *Tum certare odiis, tum res rapuisse licebit*. Resolutio pendet à sano intellectu vocis *licet*. Strictè enim id *licitum* dicitur, quod est rectum ex omni parte, piùmque est, etiamsi fortè aliud quid fieri possit laudabilius: quo sensu locutus fuit Apostolus 1. *Corinth.* 6. dicens: *Omnia mihi licent, sed non omnia expediunt*. Sic licet Matrimonium contrahere, quanquam laudabilior sit, ex pio proposito, cælebs castitas, prout ex eodem Apostolo differit Magnus Patriarcha Augustinus ad Pollentium lib. 1. cap. 18. Repetere quoque nuptias licet, sed laudabilior est viduitas. Potest etiam Christianus conjux licitè relinquere conjugem Paganam, quam & licitè retinere potest, prout tradit idem S. Doctor lib. 1. *De adulterinis conjugiiis ad Pollentium*. cap. 13. & 18. ex quibus capitibus multa excerptit Gratianus quæ retulit in causam 28vam quæst. 1. *Utrumque* (inquit ibid.

Augustinus) *quidem pariter licitum est per justitiam, quæ coram Domino est: & ideo nihil horum prohibet Dominus, sed non utrumque expedit*. Alio latiore sensu, quid licere dicitur: non quod salvâ pietate, & juxta officiorum regulas fieri possit, sed, quod factum, non subjaceat pœnæ apud homines. Sic apud multos populos, scortari licet: sic apud Lacædæmonios & Ægyptios furari licebat: sic per Legem XII. Tabb. debitoris corpus inter creditores dividi licebat. Atque hac ratione, omnia Regibus licere dicuntur; eò quod à nullo mortalium puniri possint. Verum Claudianus Principem erudiens, rectè dixit:

Nectibi quid LICEAT, sed quid fecisse DECEBIT, occurrat.

Oportet enim [inquit Plinius in Epistolis. lib. 5. *quæ sunt inbonesta, non quasi illicita, sed quasi pudenda vitare*. & Cicero, pro Balbo. *Est enim aliquid, quod non oporteat, etiamsi liceat*. Non igitur omne, quod per leges licet, seu non punitur, æquum & justum semper est naturali aut divino jure. Quocirca, dum vulgò dicitur, in solemnî bello, licere hosti, hostem lædere, & in persona & in rebus; & quidem ex utraque parte *indistinctè*, id est, etiam ex parte illorum, qui pugnant in bello *injusto*; id intelligendum est, quò ad solam impunitatem, miles enim, qui in bello etiam injusto, adversarium occidit vel spoliavit, in alieno fortè territorio deprehensus, eam ob causam tanquam homicida, aut fur, puniri non potest. Ratio, cur id gentium placitis inductum sit, hæc est: quia nempe inter duos populos, de jure belli, pronuntiare velle, periculosum fuit visum aliis populis, qui eâ ratione, bello alieno implicari possent. Unde Massilienfes, in causa Cæsaris & Pompeii prudenter dicebant: neque sui judicii, neque suarum esse virium, discernere; quænam pars justio-

rem

rem haberet causam. Quò facit, quòd etiam in bello iusto, vix satis cognosci possit ex iudiciis externis, quis iustus sit sese tuendi, sua recuperandi, aut pœnas exigendi modus; ut proinde satius videatur, hæc religioni belligerantium exigenda relinquere, quam ad aliena arbitria vocare.

149. Illa ergo in bello solemnī, lædendi licentia, id est *impunitas*, quatenus primò ad personas porrigitur, non tantum eos comprehendit, qui actu ipso, arma gerunt; aut, qui bellum moventis subditi sunt; sed omnes etiam, qui intra fines hostiles reperiuntur, eò quod ab illis quoque damnum metui possit. Id, quòd maxime verum, si qui peregrini commisso cognitòque bello, intra fines hostiles veniant, & hostibus se immisceant. Qui verò ante bellum, intra fines hostiles venerint, & intra tempus, quo tutò discedere potuerunt, non abivère; videntur jure gentium, pro hostibus haberi posse. Qui autem vere subditi sunt hostium, ex causa scilicet permanente, eos jure gentium, ubivis locorum offendere licet, si ipsorum personas consideramus. Siquidem, dum alicui bellum indicitur, simul indicitur ejus populi hominibus; hostis autem, gentium jure, ubivis impeti potest, teste Euripide, qui dixit:

Ubiunque pressum, jura ledi hostem sinunt.

Impunè ergo interfici possunt in solo proprio, in solo hostili, in solo nullius, in mari. Quòd autem eos non liceat invadere, interficere aut violare, in territorio pacato; id non provenit ex ipsorum persona, sed ex jure ejus, qui ibi imperium habet. Confer *Albericum Gentilem. Hispanicarum advocatorum. lib. 1. cap. 6. & Webnerum, in Consilio Francoico. 92.* Nam civili imperio constitui potuit, & defacto sancitum est; ne quid *per vim* aga-

tur in eos, qui in imperantis territorio reperiuntur; sed, ut implorato judicis officio, causa examinetur. Adeoque, ubi iudicia vigent, ibi personarum spectantur merita, & cessat jus illud promiscuum nocendi.

150. Diximus supra: non esse licitum, in bello utcumque iusto, occidere innocentes; puta: mulieres, infantes &c. sed, ut faciliè advertes; ibi tò: *licitum* accepimus pro eo, quod culpâ vacat coram Deo & in conscientia, non verò pro eo, quod coram hominibus impunè habetur; seu, quod legibus non vindicatur. Et si igitur iniquum, inhumanum, & culposum sit, hujusmodi insontes trucidare; jure tamen gentium, in bello solemnī, infantium quoque & scæminarum cædes impunita relinquitur, & isto belli jure comprehenditur, saltem, si veteris temporis ferociam spectemus. Sic *Thracæ* olim, sic *Macedones*, sic & *Romani*, sine discrimine, capris urbibus, etiam mulieres & pueros interfecerunt. *Tacito* quoque referente *lib. 1. Annal. Germanicus* Cæsar, cum vicis *Marsorum* ferro flammisque devastasset, nec sexui, nec ætati pepercit. Quinimò *Titus* judæorum etiam pueros & scæminas, in spectaculo, sevis dilaniandos objecisse dicitur.

Adeò procul olim excurrerat belligerantium licentia, ut ne senes, minùs alii captivi, exempti fuerint. Sic quinque milia captivorum, ab *Annibale* occisâ leguntur. Neque gentes ferociiores, ullo tempore, excludi arbitrabantur potestatem occidendi bello captos, & servos (*à servando*) quòd nempe subito trucidati non essent, effectos. Taceo, quòd & supplices, sine miseratione interdum interempti narrentur. Unde *Divus P. Augustinus lib. 1. De Civit. Dei. cap. 2.* laudat *Gothos*, qui supplicibus, & in templa confugientibus

gentibus pepercerant: quod bellijura fieri licuisset [ait] illicitum sibi esse judicavimus.

151. Porro, gentium jure, qui se dedunt, nec vitam semper habent salvam; tum, quia necessario recipi non debent; tum, quia sine ulla conditione, aut veniæ pronuntiatione, in deditionem accepti, jus non consequuntur in vitæ suæ conservationem; sed duntaxat *spem gratiæ*, arbitrio victoris, nanciscuntur. Quò facit, quòd hic mos ferè perpetuus fuerit Romanorum, in hostium duces, sive captos sive deditos, ut triumphi die, occiderentur, prout discimus ex *Cicerone. stá verinâ*; ex *Historia Livii. lib. 28. & Tacito*, qui *lib. 12. Annal.* refert: quòd *Galba* decimari iusserit, quos deprecantes in fidem acceperat. Si

152. PETAS: Quo pacto, tanta ferocia defendi aut sustineri possit? RESP. Quosdam historicos hujusmodi immanitatem excusare per *penam Talionis*, aut per nimiam hostium captorum pertinaciam in resistendo. Verùm, hæc causæ, ut videri possint *suaferiæ*, minimè tamen sunt *justificæ*. Tum, quia *pena Talionis* iusta & propriè dicta, in eandem personam, quæ deliquit, exercenda est; quod non fit persæpe saltem, cum plerumque capiantur illi, qui parilem ferociam non exerceverunt. Tum, quia nullus miles ob pertinaciam in resistendo, supplicio dignus est, quin potius virtus etiam in adversario laudanda; & tantum abest, ut in eo crimen sit; ut e contra pro crimine habeatur, si quis è præsidio aut statione discesserit in iussu belliducis. Igitur, rigor ille, apud homines aliter defendi non potest, quàm, quòd jure gentium non sit vetitus, sed maneat impunitus.

153. Quemadmodum autem multa, *gentium jure*, permissa sunt, quæ *jure naturæ* sunt vetita; ita nonnulla vetantur, permissa *jure naturæ*. Profectò, si quem

interficere liceat, nihil interest, an cum gladio vel veneno interimas, si jus naturæ spectetur. Etsi enim generosius sit, ita hostem occidere, ut is sui defendendi copiam habeat; equidem, qui mori meruit, aut jure occidi potest, hujusmodi generositatem absolutè præterdere nequit. Cæterum, jure gentium, olim & nunc receptum inter populos *moratiores*, ne hostem veneno interficere liceat. Atque hic mos inolevit, communis utilitatis intuitu, ne pericula bellorum aliunde sat frequentia & gravia, nimium intenderentur; præcipuè, quia alioquin, ne vitæ Regum & Principum consultum esset; utpote, quæ à veneno minùs, quàm alio modo tutæ foret, nisi defenderetur aliqua juris religione & metu infamiæ. Unde communis exempli interesse, ne tale clandestinum scelus admittatur, ajebant Consules Romani, in Epistola ad *Pyrrhum*, quam recitat *Gellius, lib. 3. cap. 8.* ut meritò dixerit *Valerius Maximus, lib. 5. armis bella, non venenis geri debere*. Quare dum ex *Vegetio, Baldus lib. 2. Consil. 188.* asserit: licitum fore, hostem veneno è medio tollere, merum jus naturæ respexit, non verò illud, quod gentium consensu inductum est.

154. ROGABIS: An licitum sit, spicula, gladios, globosve sclopetorum, veneno inficere? RESP. Hoc quoque esse contra *jus gentium*, non quidem *universale*, sed gentium saltem *Europæarum* & aliarum *moratiorum*. Etsi enim *Gethæ*, teste *Ovidio*; *Partibi*, *Lucano* narrante; *Scythæ* observante *Plinio*; aliæque olim & nunc fortassis nationes planè barbaræ, venenis arma sua inficere consueverint, ut irremediabilia vulnera hosti inferrent, & geminarent mortis causas; ea tamen crudelitas, cultioribus populis exosa habetur, nec absque infamia usurpatur.

155. An fontes, rivos seu flumina veneno

veno

neno inficere licet isto belli jure? **RESP.** Non videri licitum, fontes, unde homines communiter bibunt, veneno inficere. *Ratio*; ne in infinitum extendantur in quoscunque pericula. Quòd, si absque veneno, fontes, rivi aut flumina ita solum corrumperentur, ut bibi non possent; v. g. ob acorem, falsedinem, factorem &c. non videretur hoc esse prohibitum; quia id perinde haberetur, ac si avertatur flumen, aut fontis venæ interceptantur, quod naturali & gentium jure non appareret vitium.

156. An immisso clam percussore, *jure gentium*, hostem inopinatò trucidare licet? **RESP.** Sub distinctione: aut percussores hujusmodi violant fidem expressam tacitamve, aut nulla tenentur fide? Si primum; nullatenus operâ talium hominum uti licet, ad occidendum v. g. Regem suum, ad trucidandum proprium belliducem; ad interficiendum eos, à quibus vitæ gratiam aut aylum consecuti sunt. *Ratio* est: quia hujusmodi percussores, *quorum facto perfidia inest* contra jus gentium agunt, proinde & illi, in jus illud delinquant, qui tali perfidiâ utuntur ad trucidandum hostem. *Ratio rationis* est eadem, quam mox de veneno attulimus, ne nimium intenderentur pericula eorum maximè, qui militibus stipati, facilè apertâ vi occidi nequeunt; quales sunt Reges ipsi, aut in eminentiore gradu constituti. Igitur in bello solemnî, aut inter eos, qui belli solemnîs indicendi jus habent, id non licet: adeoque consules Romani olim bene ad *Pyrrham* scripserunt: *Communis exempli & fidei visum est, ut te saluum velimus.* & *Seneca* in *Tragædia*: *Regi tuenda est maxime Regum salus.* Ita quidem ratiocinatur *Grotius De J. B. & P. lib. 3. cap. 4. §. 18.* Supra tamen *cap. 1. n. 21. & 22.* discernendum dixit: num quis subditum impellat ad violandam

Principi suo datam fidem; num verò quis spontè sese obtulerit. Primo casu, ait illicite agi; cum non minùs ille delinquat, qui ad enorme crimen aliquem commoverit, quàm, si illud ipse commississet. Secundo casu, ait, oblato spontè non expectito proditoris auxilio uti, non fore divinis legibus inhibitu, nec improbatum populorum consuetudine. Vide *Joannem Voët loc. cit. n. 31.* Si secundum, omninò id gentium jure licbit. Sic *Pipinus, Caroli Magni* parens, uno comitatus satellite, trajecto Rheno, hostem in cubiculo interfecisse narratur. *Ratio*: quia non solum jure naturæ, sed & gentium, hostem ubivis, & quovis stratagemate, occidere licet, & talia facta tanquam fortiter gesta, passim ab historicis laudantur. Neque tantum, qui ausu adeò intrepidò hostem occiderunt; sed, & qui illorum operâ usi fuerunt, jure gentium inculpati habentur. Nec obest, quòd tales percussores deprehensi acerbissimis suppliciis affici soleant. Nam hoc non exinde venit, quòd in jus gentium deliquerint; sed, quia eodem jure gentium vicissim in hostes sic deprehensos quidvis licet; & quia belligerantes, gravius aut levius malum, pro sua utilitate, aut aliorum terrore, in hostem statuunt.

157. An, in solemnî bello, etiam stupra permittà in hostium scæminas? Ita arbitrati fuere efferati quidam populi, qui armis subjacere putarunt, quidquid hostile est, adeoque nec injuriam posse committi in corpora captarum scæminarum; verum sanius judicant cultiores populi, qui non solum injuriam, sed efferatæ libidinis actum animo volverunt, perpendendo; quòd is neque ad securitatem pertineat, neque ad prænam; ac proinde non bello magis, quàm pace, impunitus esse debeat. Unde gentes moratiores, jure vetitum esse censuerunt, alienis abuti

MU-

mulieribus. Sic *Marcellus* priusquam *Syracusas* caperet, telle *Magno P. Augustino lib. 2. De Civit. Dei*, curam gessit pudicitiae etiam in hoste servandae. Atque hanc continentiam inter Christianos servari omnino decet & oportet, non tantum, ut disciplinae militaris partem; sed & ut partem juris gentium; ita, ut qui pudicitiam vi laesit, quamvis in bello; ubique poenae sit obnoxius. Hanc ob causam *Chosroës* Persarum Rex, referente *Procopio: Persicorum lib. 2.* laudatur, quod cum, qui *Apameae* puellae vim attulerat, crucifigi mandaverit.

158. Vidimus de iis, quae victores in corpora hostium subjugatorum possunt, vel non possunt, jure gentium *permisso*. Si enim iustitiam internam coram Deo, & aequitatem spectemus; fatendum est cum *Cicerone: lib. 1. De Offic.* esse quaedam officia, quae etiam adversus eos servanda, à quibus injuriam acceperis. Est enim ulciscendi & puniendi modus. Itaque spectata iustitia internâ & naturali, prout supra n. 141. & seq. exposuimus; ex proposito, nemo iuste interfici potest, nisi in poenam interfici mereatur; aut, nisi aliquin vitam & res nostras tueri non valeamus; quanquam illud ipsum, ob res caducas, ex mente Divi Patris *Augustini*, iuste non fieri videatur, aut saltem lege charitatis vetante, committi non debeat. Poena autem, ut iusta sit, opus est, ut ipse, qui interficitur ita deliquerit, ut propter crimen, ab aequo iudice, ad ultimum supplicium condemnari possit. Ex quo resultat: quod ob infortunium, ob coactam militiam &c. nemo ab hoste captus, recte interfici queat. Sicut enim par est eos puniri, qui datâ operâ & sponte injuriam inferunt; ita æquum est ignoscere his, qui ad militiam coacti, præter voluntatem suam, peccant. Mitiùs quoque puniendi sunt, qui culpâ, id est ignaviâ

A. Hochkirchen, Ethic. Chrif. Pars II.

aut negligentia, quàm qui dolo & perfidia deliquerunt. Quò facit illud *Marciani in l. Perspicendum. ff. De poenis: Delinquitur: aut proposito, aut impetu, aut casu. Proposito* delinquant latrones, qui factionem habent: *impetu* autem, cum per ebrietatem, ad manus aut ferrum venit: *casu* verò, cum in venando, telum in feram missum, hominem interfecit. Porro mera infortunia, quae prævideri non potuerunt, nec poenam merentur, nec ad restitutionem damni obligant. Actiones autem *formaliter* injustae, & poenam inducunt, & ad damni dati resarcitionem stringunt. Culpa autem inter casum *merè fortuitum*, & actum *formaliter* injustum, media, licet obnoxia sit restitutioni, poenam tamen sæpe non meretur præsertim capitale.

159. Circa jus interficiendi hostes subactos, discrimen faciendum inter illos, qui authores belli fuerunt; & illos, qui belliduces secuti sunt: hi enim mitius quàm priores, tractandi sunt. Quinimò in ipsis quoque belli authoribus, distinguendae sunt causae: sunt enim quaedam non quidem in se iustae, apparenter tamen rationabiles. Veluti: si non odio, neque crudelitate, sed officio & recto studio, susceptum suumve fuerit bellum. Sic magnanimus Princeps (inquit *Seneca: lib. 2. De clementia. cap. 7.*) *Hostes dimittet salvos, aliquando etiam laudatos, si bene sitis causis, pro fide, pro fœdere, pro libertate, in bellum accinssi sunt.* Unde, si quis ob fidem juratâ datam, si fœderis, & promissi vicissim auxilii causâ, si consanguinitatis intuitu, si ob dubiam belli causam; aut errore probabilem; alteri suppetias tulerit; militem subministraverit; annonam suppeditaverit; non ideo, victus extrema meretur supplicia, sed victoris clementiam & discretionem. Et licet iustitia non exigat, sæpe tamen convenit

Pp

be-

benignitati, convenit modestiæ; convenit animo excelso; ut supplicibus venia detur, exemplo Elephantum, Leonum, & generosarum aliarum ferarum, quæ mordere non solent animalia abjectiora. Igitur, si Princeps in bello victor, non id quod leges humanæ permittunt, & coram mundo impunè habetur; sed, quod sui est officii, quoddam coram Deo iustum piûmque est, consideraverit, parcat etiam hostili sanguini, neminiq; mortem inferat, nisi ob propria delicta illud supplicium meritis fuerit: aut nisi Princeps ipse (idem est de alio pugnante) aliter vite suæ incolumitati consulere, aut victoriam consequi non potuerit, prout supra dictum.

160. Pari ratione, jure naturali, & ex iustitia interna, parcendum est pueris & scæminis, nisi hæc aliquid peculiariter vindicandum admiserint, aut virilia officia & ipse usurpent, ut de *Amazonibus* iactitatum. Est enim scæmineus sexus, ut *Statius* loquitur *rudis insciusque ferri*. Idem obtinet in maribus illis, quorum vitæ genus ab armis alienum est. Unde Philistæi, hostes judæorum, non nocuerunt collegio Prophetarum, quod erat *Gabæ*, ut liquet ex 1. *Samuelis. cap. 10. v. 5. & 10.* & *Gothib. à Procopio lib. 2. Gothicorum.* laudantur: quod sacerdotibus *Petri & Pauli* extra Romam, pepercerint. Sacerdotibus hac in parte, æquantur, qui à mundanis negotiis abstracti, monasticam vitam amplexi sunt. His enim sacri *Canones* naturalem æquitatem secuti, parci volunt, ut supra annotavimus. His adduntur imò, illi, qui studiis litterarum honestis & humano generi utilibus, operam navant. 2dò. Agricola. 3tò. Mercatores, sive temporariam in hostico moram trahant, sive sint subditi hostium perpetui. Nam & horum vita ab armis aliena est, ac sub hoc nomine, ex identitatis ratione, comprehen-

duntur & alii opifices & artifices, quorum quæstus pacem amat, non bellum.

161. Quod, si etiam loquamur de iis, qui arma gesserunt; æquum est, ut iis victis & captis vita relinquatur. Nam, ut ait Divus *P. Augustinus: Ad Bonifacium. Epist. 1. Ioslem pugnantiem necessitas perimat, non voluntas. Sicut bellanti & resistenti violentia redditur, ita victo & capto misericordia jam debetur; maxime, in quo pacis perturbatio non timetur.* Igitur, qui ne captivis parcent, contra æqui & boni naturam agunt, & indubitanter coram Deo delinquant. Cæterum, sicut victis & captis vita relinquenda, ita sive in prælio, sive in obsidione, non est repudianda deditio hostium, neque in deditos strages excercenda, id quod verum est, licet ad extremum usque, hostis pertinaciter restiterit, & ad deditionem, ex necessitate, compulsus fuerit; humanius enim est servare supplices; quod agnovit *Cicero: lib. 1. offic. inquit: Si qui armis positis, ad Imperatorum fidem confugiant, quamvis murum aries percusserit, recipiendi.* Quinimò Hebræi interpretes notant, majoribus suis, in more fuisse; ut quam oppugnant urbem, eam non cingerent coronâ, sed partem liberam relinquerent effugere volentibus, quod cum minori sanguinis effusione, res perageretur. Sic *Scipio Emilianus* cum Carthaginem everurus esset, edixisse fertur, ut, qui vellent, fugerent. Porro, dicta, ex æquitate naturali, procedunt & obtinent, etiam in iis, qui sine conditionibus, gratiæ & arbitrio victoris sese submiserunt & supplices fiunt. Nam trucidare deditos, sævum censuit *Tacitus lib. 12. Annal.* imò contra jus belli, naturale scilicet, id rati sunt, *Salustius & Livius.* Quamobrem, laborandum potius, ut hostis metu ad deditionem cogatur, quam ut interficiatur. Si

162. DICAS: Interdum ab hostibus. Tu-

Talionem exigi posse, aliquando etiam terrore concuti debere alios, ne pertinaciter resistant. Resp. Has exceptiones contra æquitatis & juris naturalis præcepta, nil penitus operari, nec justificare cædem. Neque à captivis deditis, aut dedere se cupientibus, regulariter periculum imminet; quare, ut occidantur justè, oportet, crimen antecedit, & quidem tale, quod æquus judex morte vindicandum censeret. Qua de causa aliquando in captos aut deditos, sævitum legimus, aut deditionem *sub vite pæcto* haud acceptam. Puta: si qui de injustitia belli liquidò convicti, nihilominus temerariè in armis perstissent, & cladem causassent: si immanibus convitiis famam hostis lacerassent; si fidem, aut aliud jus gentium violassent; si transfugæ aut perduelles essent. Ast *Talionis* natura, ut supra dictum, non fert; ut in alios, quàm ipsos delinquentes sæviatur. Nec ad inferendam *Talionem* sufficit, quòd probi cum improbis, insonites cum iis, qui deliquerunt, factione quadam & aggregatione, unum corpus efficiant; nam, ut ut hoc, civili & morali sensu, verum sit; fallit tamen in pœnis, propter personalia delicta insigendis, quia pœnæ suos tenere, & non egredi debent *autores*. Quare *Plutarchus* hoc nomine meritò arguit *Syracusanos*, quod *Hicetæ* uxores ac liberos ideo duntaxat occiderint; quia *Hicetas*, *Dionis* uxorem, sororem & filium interfecerat. Sed nec utilitas, quæ ex incutiendo aliis terrore speratur, jus dat perpetrandæ cædis, quia citra cædis crudelitatem, aliis modis deterreri possunt hostes futuri. Omnium minimè verò hostes capti vel dediti, mortis merentur supplicium, ideo quòd pertinaciùs resisterint, & fidelius Principi suo militaverint; dummodò non sciverint bellum fuisse ex parte Principis sui injustum, aut non patnaverint talia delicta, quæ aliunde per justam judicis sententiam,

morte puniri possent. Porro, crudelitatis plena est ea hostium superatorum cædes, quæ ob dolorem, ex accepta priùs clade, inferitur. Unde laudandi non sunt *Achilles*, *Æneas* & *Alexander*, quòd amicis suis, qui in bello occubuerant, sanguine captorum aut se deditum, parentaverint.

163 quòd si multitudo peccaverit, & quid morte dignum patriverit; aliquid de summo jure remitti convenit. Hujus misericordiæ & clementiæ exemplum habetur in ipso Deo, qui *Chanaanis* eorumque vicinis populis longè flagitiosissimis, pacem offerri voluit, quæ vitam ipsis, sub tributaria conditione, concederet. Ut bene dixerit *Seneca*: lib. 2. *De Ira*. cap. 10. *In singulos severitas Imperatoris distringitur: ac necessaria est venia, ubi totus deseruit exercitus. Quid tollit iram sapientis? turba peccantium* Mitius enim, ut docet *Divus P. Augustinus*, *epist.* 64. agendum est cum multitudine peccantium, severitas autem exercenda est in peccata paucorum. Unde, ne nimium multi panam subirent, sortitio comparata est, inquit *Cicero*: *Orat. pro Cluentio*. Confer hac de re *Gailium*. *De pac. publica*. lib. 2. cap. 9 & 36. Si

164. *ROGES*: An obsides propter perfidiam aut peccatum aliud civitatis, occidi possint? Resp. *Negativè*. Cum enim verior sapientia suggerat, soli Deo dominium in vitam esse reservatum; sequitur, quòd nemo alteri, ex solo consensu suo, possit dare jus in vitam suam, aut civis sui. Unde, cum obsidis vita non fuerit obstricta illi, apud quem quasi pignori est; utique nec ipse pro delicto civitatis suæ, occidi poterit. Quamobrem *Narfesi* bono duci, atrox visum, de innoxiiis obsidibus supplicium sumere: & eandem ob causam, *Livius*. lib. 28. laudat *Scipionem*, qui agebat: *Se non in obsides innoxios, sed in ipsos, qui defecissent, sæviturum, nec ab inermis, sed ab armatis hoste, pœnas expetiturum.*

Neque DICAS: moribus firmari, seu approbari posse talem conventionem, ut obfides occidere liceat, si ex parte dantis obfides, pacta non servantur. Nec inquam hoc *dicas*; ut ut enim talis conventio jus pariat impunitatis coram hominibus; saluntur, tamen & periculosâ authoritate alios fallunt, qui illos à peccato, coram Deo, immunes jactitant, qui intuitu hujusmodi conventionis, obfidi vitam auferrent. Aliud est, si is, qui obfes venit, sit, aut ante fuerit in numero graviter delinquentium, aut postea fidem à se datam, in re, gravis momenti, fessellit. Tali enim casu, utique fieri posset, ut supplicium ejus, injuriâ & culpâ inferentis vacet. Confer *Francisc. Victoriam. De jure belli. n. 43.*

165. Postremò, hic observandum: singulares provocaciones, & commissiones, quæ ad jus consequendum, aut bellum finendum nullius sunt usus, sed generositatis & virium ostentationis gratiâ, fiunt, non congruere officio hominis Christiani, sed potius ipsi humanitati repugnare. Quamobrem, belliduces seriò prohibere debent hujusmodi singulares provocaciones & dimicationes, sanguinis inutiliter fusi, ei rationem reddituri, cujus vice gladium portant. Unde *Demetrium* meritò reprehendit *Plutarchus*, quod gloriæ magis studio, quàm ex utilitate, milites in pericula truderet, præliisque objiceret.

Vidimus, quo temperamento, Victori præsertim Christiano, utendum sit contra hostes victos aut deditos; dispiciamus nunc, quâ ratione liceat res hostium eripere, devastare aut corrumpere?

166. Cùm jure Gentium permissum, id est, impunè habitum sit: hostem interficere; mirum non est, si illo jure, licitum sit rapere & corrumpere res hostiles, ne exceptis quidem sacris aut Deo dicatis. Nam ut *Pomponius* ait: l. *Cum loca. ff. De religiof. &c. Cum loca capta sunt ab hostibus,*

*omnia deservunt sacra esse. Ratio Jurisconsulti istius est; quòd, quæ sacra dicuntur, reverà non eripiantur humanis usibus, sed publica reputentur, sacra autem solum nominentur, à fine, cui destinata sunt; adeo, ut, cùm quis populus alteri populo aut Regi se dedit, tunc insimul dedere censeatur ea, quæ divina dicuntur, quo sensu *Ulpianus* dixit: jus publicum, etiam in sacris consistere. Atque idipsum non obscure insinuant *Jurisconsulti Paulus & Venulejus: l. Inter stipulationem. §. Sacrum & l. continuus. §. cum quis ff. De verb. obligat.* Ubi ajunt: populum ipsum, mutatâ voluntate, posse ex sacro, profanum facere, prout temporum necessitate, in belli usus, res sacras, ab his qui sacraverant, conversas legimus, sub pollicitatione restituendi tantundem. Quinimò Deorum donaria, capi à victoribus solere, notavit *Pausanias. lib. 8. & Cicero: Verrina 3^{ta} belli legem* id dixit. Sic *Livius, lib. 25* Templorum ornamenta, quæ *Syraculis*, *Marcellus Romam* advexit, *parta ait belli jure*. Equidem ipsi Gentiles, nefas esse rati sunt, violare, aut corrumpere simulacrum aliquod, cui *Numen aliquod inesse credebant*, qua ratione, impietatis, aut læsæ etiam Gentium juris, interdum accusati leguntur, qui talia commiserunt, nimirum ex opinionis, licet erroneæ, suppositione. Aliud est, si hostes, non idem sentiant: sicut Judæis non permissum tantum, sed & præceptum fuit, *Deuter. 7.* Gentium simulacra abolere. Neque OBSTAT: quòd confractas Deorum statuas, secum ferre, ipsis fuerit vetitum: ideo enim id Deus jussit, ut tantò magis Hebræi, superstitiones Gentium detestarentur, impunitatis admoniti, ipso contactu interdico; non verò, ut eorum Gentilium sacris parceretur. Sciebant quippe Hebræi, Dei certissimo monitu, in simulacris illis non habitare aut Dei Spiritum, aut bonos Angelos, aut vim astro-*

rum; prout deceptæ Gentēs existimabant, sed pravos & humano generi infestos Dæmones, ut rectè dixerit *Tacitus, lib. 5* in Judæorum institutis describendis: *profana illic omnia, quæ apud nos sacra*. Non mirum ergo, si templa profani cultûs, à *Machabæis* incensa non semel legimus. *Macchab. 5. & 10*. Huc facit: quod narrante *Divo Patre Augustino, De Civit. Dei. lib. 18. cap. 45*. Templum Judæorum, à cuius limine omnes, præter Sacerdotes, arcebantur; *Victor non devotione supplicis, sed jure victoris*, ingressus fuerit. Quia Romani nihil in eo, contra jus Gentium fieri censebant. Unde & idem templum excidio datum à *Tito*, memorat *Josephus Flavius. De bello jud. lib. 6. cap. 24. & 34*.

167. Sicut autem Gentium jure, dicto modo, sacra profanare impunè habitum; ita à fortiori, permixtum, loca religiosa subvertere. Nam hæc quoque non mortuorum, sed viventium, sive populi aut alicujus familiæ, propria sunt humanis cadaveribus destinata. Proinde, sicut sacra loca ab hostibus capta, ita & religiosa, hujusmodi eventui, talia esse; definire censuerunt *Pomponius & Paulus JCI in l. Sepulchra. ff. De Sepulchro violat. ibi: Sepulchra hostium, religiosa nobis non sunt; idèque lapides inde sublatos, in quemvis usum convertere possumus*. Dummodò tamen mortuorum corpora probrosè non tractentur; quia id foret contra jus hominum sepeliendorum moribus Gentium comprobatum.

168. Hæc ita Gentium jure, quo minora aut frequentia delicta, connivendo, tolerantur; sicut leges civiles, lupanaria & improba scœnora sæpe relinquunt impunita. Si tamen oculos animûmque ad juris naturalis tramitem internâmq; coram Deo justitiam, Christiano modo, convertamus; concludere oportet, quòd, ut res alterius, sine injuria aut culpa auferri vel destrui possit, unum ex his tribus an-

tecedere necesse sit: nimirum 1^{mo}. Aut necessitas talis, quæ in prima domini institutione aut rerum divisione, excepta intelligatur: aut 2^{do}. debitum aliquod procedens ex inæqualitate: nimirum, ut res alterius destructa, imputetur in illud debitum, quasi percepta, & quasi exinde debitum foret extinctum. Aut 3^{io}: Delictum aliquod, cui pœna talis correspondeat. Nam, ut propter pecora abacta, aut domos aliquot incensas, totum regnum vastetur; æquitati repugnat. In bello enim, in infinitum porrigi non debet pœna, sed eò usque tantùm, ut delicta æquo modo exepientur. Confer *Franc. Victoriam. De jure belli: n. 52. & 56*. Itaque, una ex tribus causis istis, facit abesse injuriam; quanquam, nisi subit utilitas, stultum sit, nullo suo bono, nocere alteri. Unde, saltem à reatu culpæ, non eximuntur, qui talia ex odio magis, quàm prudenti ratione agunt.

169. Exculpandus autem ille, qui ita rem frugiferam occupat & tenet, ne hosti fructum aut annonam adferat, & ita ob inopiam, ad deditionem vel pacem compellatur. Quòd propriè collimat lex divina, quæ in valium, bellique opera, vult impendi arbores feras, frugiferas verò aservari ad victum; ex ratione: quòd non ut homines, ita & arbores adversum nos in prælium consurgere possint. Divinam istam legem expendens *Philo: De creat. sic egregiè scribit: Quid rebus inanimis, quæ & mites sunt, & mites fructus ferunt; irascaris? An verò in morem hominum, quæ hostes sunt, inimicitie significationem arbores produnt, ut pro his, quæ faciunt aut facere minantur, stirpis evellendæ sint? Quin profunt victoribus, præbentque copiam rerum, quas necessitas exigit, imò & ad voluptatem. Non soli homines tributa ferunt, sed meliora arbores, statis temporibus, ac talia, ut sine iis, vivere non desunt.*

itur. Alium ejusdem Philonis, *De humanitate*, præclarum discursum Grotius, è græco, in latinum transtulit, quem ob singularem præstantiam, non piget hic transcribere. *Æquitatem* [inquit] suam etiam largiùs dispensans Moyses, valde ed ubertim ac liberaliter utitur, descendens à ratione utentibus, ad muta animantia, ab his verò ad ea, quæ è terra nascuntur, de quibus nunc dicendum est, quando de hominibus ut præstantissimis, & aliis, quæ animam sentientem nasci sunt, jam egimus. Disertè itaque vetuit, aut excindere arbores mites, aut exitialiter ante tempus demetere frugiferas terras, aut ullos omnino fructus corrumpere, ut abundantia alimentorum instruatur humanum genus; abundent autem non modò necessaria, sed & quæ ad vitam delicatorem faciunt. Necessariæ enim fruges, ad homines nutriendos, seposita res: ad delicias verò omnium, de arboribus nascentium varietas, quæ sepe, ubi alia deficiunt, succedunt in alimentorum locum. Ultra procedens, terram etiam hostium vastari non finit: præcipue verò excidiis arborum abstinere jubet, iniquum existimans, iram in homines conceptam erogari in ea, quæ causa mali nullius sunt. Hoc ipso & illud docet, nen præsens tempus spectare tantum, cum nihil in suo statu maneant, sed cuncta vicibus ac mutationibus subiecta sint; ita ut facile sit eos, qui nunc sunt hostes, ubi ad colloquia & pacta ventum erit, rursus fœderatos fieri. At amicos necessariis fraudare, durum, quibus ob futurum incertum, etiam assertari debuerant, quæ usui esse possunt. Perissimè enim dictum antiquis, ita amicis utendum, ut non putentur nulle supervenire posse inimicitie, & ita tractandas offensas, ut amicitia speretur, nimirum, ut quisque intra animum aliquid recondat, quo tutus sit; & non eo nimium nudato per verba & facta, mox penitentiam agat nimie suæ vehementiæ, sèpe accuset, ubi res sanari

amplius non potest. Oraculum hoc & civitatibus observandum est, ut pacis tempore parent, quæ ad bellum sunt opus, in bello verò, quæ ad pacem, ac neque amicis supra modum fidant, tanquam qui non possint in contrarium verti, neque hostibus ita diffidant, quasi nunquam possint ad amicitiam reduci. Quid si nihil etiam pro hoste faciendum esset in spem conciliationis, certè nihil eorum, quæ terra fert hostile, quin amica omnia, utilia omnia, mitissima verò vel maxime necessaria, ut quorum fructus aut alimentum sint, aut par aliquid alimento. Non oportet bellum inferre belli nesciis, non secare, non urere, non extirpare radicibus, quæ natura, aquarum irrigationibus & æstatum sereno, tenerè educavit, ut tributa hominibus velut Regibus ferrent. Cura autem ei, ut communi rerum omnium & optimo præfidi sit, ille sam præstare non animantibus tantum, sed & terræ sœtibus vim ac robur, præstare verò mitibus, quia majoris tutelæ indigent, nec ad sylvestrium morem fœcunda sunt, sed peritam culturam desiderant, ut firmitatem consequantur. Unde licet à Corinthiis fœdè tractati fuerint Romanorum Legati, Corinthum tamen excisum, non probat Cicero. lib. 1. Offic. quinimò Pro domo sua. Ad Pont. borrisficum, nefarium, omni imbutum odio dicit bellum istud, quod parietibus, tellis, columnis & postibus infertur. Egregiam hujus argumenti epistolam Bellisarii ad Totilam, è Græco latine reddidit Grotius. En ejus particulam: Antehac sic existimatum est: speciosa struere opera, sapientum esse, & civilis vitæ scientium: structa demoliri, stultorum, & vecordis animi signa ad posteros transmittere non erubescit. Romam constat urbium, quas sol aspicit, maximam esse ac spectatu dignissimam. Ea non unius labore hominis, nec brevi tempore ad id magnitudinis splendorisque processit, sed plurimi Reges atque Imperatores

tores, virorum eminentium immensa series, multa secula, divitiarum immensa congeries, tum alia, tum artificum primos huc traxere, ita illi tantâ urbe paulatim effectâ, monumenta suæ virtutis post futuris reliquere. Quare in eam sevit, id verè injuriam fit facere humano Generi, omnis ævi, eripiendo iis, qui olim fuere, debita laudis memoriam, venturis verò spectaculi voluptatem. Hæc, cum eum in modum se habeant, cogita de duobus alterum necessariò futurum: ut aut in hoc bello vincaris ab Imperatore, aut tua fortuna sit superior. Si tu victor, eversa urbe, non aliena, sed tua perdidisti: eadem servata, possessione fruëris omnium speciosissimâ. Si adversa tibi fors ceciderit, Româ per te incolumi, reposta tibi erit apud Victorem gratia: eadem jacente, jacebunt extra omnem spem misericordiæ, res tuæ. Neque tantum nullus ad te, facti fructus redibit; sed & digna factio famæ, te ab hominibus universis sequetur. Ita Bellisarius.

170. DICES. Ex Josue cap. 6. & 2. Reg. cap. 3. Scimus, urbes quasdam à Deo damnatas excidio, imò arbores Mositarum jussas fuisse excindi. Ergo &c. RESP. Id non fuisse factum odio hostili, sed in justam detestationem facinorum, quæ aut palam erant cognita, aut Deo judice, tantum æstimata.

171. Absque justa ratione, etiam quis fata, aut alimenta hostium destruxerit; si aliunde habeant, unde se sustentare queant: puta, si mare, si fines alii pateant. Tali ergo statu, optimum factu, ut agricultura, etiam in ipso collimitio, tuta relinquatur, tributo vicinis imposito, sicut nuper hoc bello, hinc inde factum scimus. Atque hos mores, humanitatis magistri, sacri Canones, Christianis omnibus imitandos proponunt: cap. 2. De Treuga & Pace. Ideoque non agricolas tantum, sed & animalia, quibus arant, ac semina, quæ ad agrum portant, extra prædæ periculum

poni volunt; planè, sicut leges civiles ventant in pignus capi, quæ ad arandum sunt necessaria. 1. Executores. C. quæ res pign. Quædam, res ita naturâ, comparatæ sunt. Ut ad bellum faciendum, continuandumve nihil momenti habeant; adeoque hujusmodi rebus, durante etiam bello, utrimque parcendum esse, humanitatis suadet ratio. Nam rabiosi animi est ea perdere, quæ perdita, nec hosti vires adimant, nec perdeti emolumentum adferant. Unde Marcellum laudat Cicero: Verrinâ 2dâ. Quia ædificiis omnibus Syracusarum publicis & privatis, sacris & profanis sic peperciit, quasi ad ea defendenda, cum exercitu, non expugnanda, venisset.

172. Sicut autem eam ob causam, hujusmodi rebus parcendum; ita ex speculiori ratione, non violandæ res sacris usibus dedicatæ. Quanquam enim talia, suo modo publica, veteribus Jcis audiant; atque ideò impunè, jure Gentium, violentur & rapiantur; equidem, si nullum inde periculum imminet, conservari talia ædificia & quæ eis insunt & accedunt, suadet rerum divinarum reverentia, inter eos maximè, qui eundem Deum, ex eadem lege colunt, etiam si fortè sententia quibuldam aut ritibus dissideant. Unde Franci, Græcorum templis perpercisse olim leguntur, eò quòd cum Græcis, ejusdem essent religionis. Imò & hominibus in Templo confugientibus, ob Divini Numinis reverentiam, parci solitum, discimus ex Divo Patre Augustino. lib. 1. De Civitate Dei, ubi eam ob causam laudat Gothos his verbis: *Te-stantur hoc martyrum loca & Basilicæ Apostolorum, quæ in illa vastatione victos ad se confugientes, suos alienosque receperunt. Illic usque cruentus sæviebat inimicus: ibi accipiebat limitem trucidationis furor: illud ducebantur à miserantibus hostibus, qui etiam extra ipsa loca pepercerant, ne in eos incurrerent, qui similem misericordiam non habere-*
rent:

rent: qui tamen ipsi alibi truces, atque hostili more facientes, posteaquàm ad loca illa veniebant, ubi fuerat interdictum, quod alibi, jure belli, licuisset, tota servendi refrénabatur immanitas, & captivandi cupiditas frangebatur. Porro, quòd eisdem Apostolorum Basilicis, Gothi, sub Vitige Romanam obsidentes, perpercerint; testatur Procopius: Gothici. 2. Quinimò Zosimus, lib. 4. De Tomitanis barbaris. Ait: nedum Christianis, sed & infidelibus, jus confugii in talia loca profuisse.

173. Dicta de locis sacris cum proportionè extendenda sunt ad loca religiosa, quæ in honorem defunctorum, sepulturæ causâ, structa sunt. Nam & hæc, ut dicitur, dicto modo, jure Gentium, impune violentur, æquius tamen, nedum humanius est, illa relinquere intacta: & eò collimat effatum Jctorum: summam scilicet esse rationem, quæ pro religione facit. I. Sunt persone. ff. De religio. & sumptib. fun. Unde Livius: lib. 14. Philippi bellum, nefarium dixit, quasi Diis superis insertisq; illatum. Philippus enim ultra jus victoriæ, in templa, aras & sepulchra defæviit. Eandem historiam tangens Polybius hoc addit judicium: *Quæ neque nobis ad bellum futura sunt usui, nec hostibus incommodatura, ea ire perditum, templa maximè, & quæ in iis simulacra & similia ornamenta, quis neget male mentis, & præ ira, furibundæ, esse opera?*

174. Non solum naturalis sed & civilis ac politica suadet ratio, ut servetur moderamen in servandis hostium rebus, quæ bellum non morantur, & quibus destructis, hostis desperatio & pervicacior; quibus verò conservatis, idem hostis flexibilior reddi consuevit. Non imprudens itaque fuit *Agesilai* consilium, contra quàm sentiebant *Achei*, ut fata relinquerentur intacta, ajens: *quòd plus hostes servissent, eò pacis fore cupidiores, Alioquin enim si immittitis actum, spoliatis arma superesse.* Sic

Livius de capta à Gallis urbe, narrat: *Placuerat Principibus Gallorum, non omnia concremari testa, ut quodcunque superesset urbis, id pignus, ad stellendos hostiam animos, haberent.* Præterea; si non devastetur urbes, fata non conculcentur, Regio non depopuletur, sed humanitatis leges observentur; bellum gerens, non solum magnam ostendit generositatem, sed & hosti suggerit spem clementiæ aptam ad frangendos & conciliandos animos. Hinc *Augustus Cæsar*, in Pannoniis, rapinâ abstinebat, quia sperabat fore, *ut sic eos, sine vi, sibi adjungeret, id quod Plutarchus de Quintio & Romanis sub ipso militantibus, accidisse refert, inquit: Hujus modestiæ non multò post, fructum cepere; Nam, ut in Thessaliâ perventum est, descenderunt ad eum urbes. Tum verò & qui intra Thermopylas habitabant Græci, Quintium ardentibus votis desiderabant: Achei verò renuntiâtâ Philippi amicitia, societatem, adversus eum, cum Romanis iniierunt.* Qui contrariis consiliis moti, aliter egerunt, sequiorem fortunam experti sæpe fuerunt: exemplo *Annibalis*, de quo ita Livius, lib. 26. *Præcepta in avaritiâ animus, ad spoliandâ, quæ tueri nequibat, ut vastata hosti relinquerentur, inclinavit. Id sœdum consilium, cum incepto, tum etiam exitu fuit: neque enim indigna patientium modò abalienabantur animi, sed ceterorum etiam: quippe ad plures exemplum, quàm calamitas pertinebat.* Quamobrem Summi Principes Christiani, rem suo nomine dignam peregerint, si violentis urbium directionibus & Regionum devastationibus intercesserint: hortationibus, comminationibus, aut etiam [si ita suaverit charitatis & commiserationis officium] armis. Majus certè Christianorum inter se, decet esse vinculum, quàm olim fuit Græcorum, quorum bellis, nequa urbs Græca exscinderetur, cautum erat *Amphiæyonum* decreto.

creto. Quinimò veteres narrant: *Alexandrum Macedonem* nullius rei à se gestæ magis ductum fuisse pœnitentiâ, quàm quod *Thebas* evertisset.

175. Hic demum ponderari & disquiri potest: an, & quatenus in bello, doli uti liceat? Nam *Homerus* hosti nocendum dixit:

Sive dolo, seu vi manifestâ, clamve palamve. & Virgilius:

Dolus an virtus, quis in hoste requirat?

Unde veteres regulam eliciuere: laude dignum esse, hostem fallere; nihilq; doli in bello utilius fore: Hostes decipere, & iustum & licitum esse, imò, quæ vi sunt in bello, minoris censenda, quàm quæ astu & dolo. Quinimò *J.Cti Romani* crediderunt, bonum esse dolum, si adversus hostem, quis machinaretur. l. 1. ff. *De dolo malo*. Quod tamen *Barolus* intelligit de dolo per privatum commissio: nam Dux debet hosti fidem servare. l. *conventionum ff. De pactis*. Adferunt quoque Jurisperiti exemplum de dolo bono in eo, qui promittit *Judæis* aut *Saracenis*, se ad illorum religionem convolaturum, ut ab iis discat linguam & scientiam, quâ perceptâ, eos refellat. Confer *Petrum Costalium*, ad tit. ff. *De dolo malo*. ubi citat *Geminianum* & *Jasonem*. Sic quoque nil interesse dicitur, an quis vi, aut fallaciâ, potestatem hostium evaleat. l. *nihil. ff. De captivis*. In horum sententiam concessisse videtur & ipse *S. Pater Augustinus: quest. 10. super Josue*. Ubi sic scribit: *Cum justum bellum suscipitur, vi aperta pugnet quis, aut ex insidiis, nihil ad justitiam interest*. Confer *Dnum Pontas* in *Dictionario Casuum conscientie. Verb. Bellum. casu 1.* Ut quæstio hæc solidè definiatur, sedulo examinandum est, an dulus semper sit de genere malorum, sive, an dulus intrinsecè vitium habeat? an verò ex suapte natura indifferens sit ad bonum vel malum, ita ut uni-

A Hochkirchen, Ethic. Chriff. Pars II.

versum dulus non sit semper malus, id quod Jurisperiti de dolo agentes, supponunt: dum dolum, alium dicunt *bonum alium malum*. Pro hujus rei explanatione

176. Observâsse juvabit; quòd dulus alius consistat in actu *negativo*, alius in actu *positivo*. Dulus in actu *negativo* consistens, censetur dissimulatio veritatis. Unde, cum quæ scis & intendis, non semper aliis aperire tenearis; sequitur, quòd dissimulare quædam apud quosdam, id est tegere & occultare, fas sit. *Licet* (inquit magnus *Ethicus Augustinus: lib. contra Mendacium. cap. 10.*) *Veritatem occultare prudenter, sub aliquo dissimulatione*. Vide *Divum Thomam 2. 2. q. 40. art. 3.* Imò hujusmodi dissimulationem necessariam atque inevitabilem esse iis, quibus Republicæ regimen commissum est, evincere conatur *Cicero: pro Milone. Et pro Plancio*. Quò referri meretur: quòd *Abrahamus: Genes. 1.* ex usitato tunc loquendi more, *Saram* uxorem suam, propinquæ consanguinitatis intuitu, vocaverit *sororem suam*, ut matrimonium dissimularet. Vide rursus *D. Thomam 2. 2. q. 110. art. 3.*

Dulus in actu *positivo* consistens, si reperiatur in rebus, vocatur *simulatio*, si in sermone; appellatur *mendacium*. Ubi *NOTA*: quòd, ut in *Dialectica* dixi; voces *articulate*, ex natura ipsa, & citra hominum voluntatem, nihil significant, sed sint signa ad placitum. Voces inquam *articulate*, ut discriminentur voces *inarticulate*, seu confusæ, ut: suspirationes aut gemitus dolentium, quæ rei potiùs appellatione, quàm vocis, veniunt. Verum quidem est, quòd hominis natura, id, supra cæteras animantes, peculiare habeat; ut conceptus animi, vocibus ad id repertis, aliis possit indicare; liquet tamen etiam, quòd non solis vocibus tale indicium fieri possit; sed & nutibus, ut apud mutos, sive illi nutus, quid ex natura, habeant cum re significatam

Q9

com-

commune; five tantum, ex hominum instituto seu placito. Nutibus pares sunt notæ hieroglyphicæ, quæ res ipsas ex quadam convenientia significant. Profectò, si voces, nutus, & notæ, ex nationis alicujus beneplacito vel usu, definitam rem, conceptumve loquentis vel gesticulantis importent; mendacio, vel dolo malo uti videtur, qui aliud cogitat vel intendit, quàm hujusmodi voces vel signa edita enuntient. Aliud est in rebus aut actibus externis, qui pro libertate & arbitrio operantis vel agentis, mox illud, mox istud indicare possunt. Ex quo fit, ut interdum rebus aliis uti liceat, etiam si prævideamus futurum, ut alter inde falsam concipiat opinionem. Huc referri potest exemplum Christi, qui *Lucæ 14. finxit se longius ire*, id est: speciem prætulit ituri longius. Nisi malis dicere: eum verè quidem, sed *conditionatè* voluisse longius ire, nisi *magnanimo* & *precibus retineretur*, quomodo & Deus multa velle dicitur, quæ non fiunt. Alterum exemplum addi potest de *Paulo* Apostolo, qui *Act. 16. Timotheum* circumcidit, cùm fatis sciret, Judæos hoc ita accepturos, quasi circumcisionis præceptum, quod reverà aboliturum tunc erat, adhuc obligaret Israëlites posteros. Hoc inquam fecit *Paulus*; non, ut Hebræos in errore suo confortaret; sed, ut familiarius cum Judæis ipsis conversandi occasionem sibi & *Timotheo* nancisceretur; cogitans, eos errorem postea dedocere, & Evangelicam veritatem ipsis opportunius insinuare. Neque erroris mox corrigendi, malum, tantum erat, quanti illud bonum, quod *Paulus* intendebat per Evangelii annuntiationem. Unde *Clemens Alexandrinus* de viro bono agens, dixit: *ob utilitatem proximi, facies quedam, quæ spontè aliquin ac primaria intentione non faceret*. Tertium exemplum peti potest in ficta fuga, qualem *Iosue* *cap. 8.* suis commilitationibus præcepit ad

Hajum expugnandum, & alii Belliduces sæpe instituunt ad eludendum hostem. Nihil obstante, quòd inde hostis cladem postea patiatur; talis enim astutia, licita est ex belli iustitia: & quanquàm hostis, fugam accipiat, ut signum pavoris; equidem istum errorem alter evitare non tenetur, utens suà libertate huc illucve eundi, & magis minusve celeriter, & hoc illuc gestu vel habitu properandi. Quò & referri possunt actus eorum, qui hostium armis, signis, vestibus, velis, usi passim leguntur. Hæc enim omnia istius sunt Generis, ut à quovis pro arbitrio, etiam contra consuetudinem usurpari possint: consuetudo enim talis, singulorum populorum arbitrio, non verò ex communi Gentium consensu aut conventionem descendens, saltem ex rationabili causa, variari potest, citra crimen aut perfidiam.

177. Non levis sanè est difficultas in decidendo quæstionem de mendacio, de quo, non pauca differuimus *lib. 1. cap. 12. à n. 4. usque ad n. 15.* Quinimò ipse magnus Pater *Augustinus, loc. cit.* fatetur hanc esse *magnam quæstionem, latebrosam translationem, disputationemque inter doctos alternantem*, quia ex Philosophis, *Socrates*, & ejus Discipuli: *Plato, Xenophon, Cicerò & Stoici*, inter sapientis dotes, posuere: *mentiri, ubi & quomodo oportet*. Illud jam *loc. cit.* observavimus: aliud esse, *mendacium dicere*; aliud *mentiri*. Mentitur enim, qui scienter verba profert cum intentione significandi id, quod mentis conceptui sive in intelligendo, sive in volendo adversatur. Non mentitur verò, qui dicit rem falsam, quam veram existimat; sed, qui dicit rem veram quidem; sed, quam falsam putat, utique mentitur. Ex quo resultat; quòd ad mendacii naturam requiratur falsitas significationis, seu voluntas fallendi. Quòd, si tamen vox aliqua, aut sermonis complexio, plures significatio-

nes

nes admittat; sive ex vulgi usu, sive ex artis consuetudine; sive ex figura aliqua intelligibili; tunc, si animi conceptus uni illarum significationum conveniat, non censerebatur mendacium, etiam si putetur is, qui audit, in aliam partem id accepturus. Et, quanquam passim & temere, amphibologicè loqui non oporteat; sermo tamen huiusmodi, ex accidentibus causis, potest honestari, puta: si id pertineat ad erudiendum eum, qui curæ nostræ est traditus, aut ad evitandam iniquam interrogationem. Vide dicta *loc. cit.* Ubi etiam insinuavimus, e contra accidere posse, ut tali loquendi genere uti, non modò illaudabile sit, sed & improbum, videlicet; dum Dei honos, aut amor proximo debitus, aut reverentia erga superiores, aut rei, quæ agitur, natura exigunt, ut quod animo cogitatur, omnino patefiat. Planè, sicut in contractibus id aperiendum, quod natura contractus intelligitur exigere.

178. Ad communem ergo mendacii notionem requiritur, ut, quod dicitur, scribitur, notatur, innuitur; intelligi aliter nequeat, quàm in illo sensu, qui à mente proferentis discrepet, quèmq; genuinum sensum ipse proferens, vel ex natura negotii, quod tractatur; vel ob jus, quod alter, quocum agitur, habet; verbis accommodare teneatur. Ex quo intelliges; quâ ratione veriloquium interdum dicatur spectare ad iustitiam; & cur Divus Pater *Augustinus* in definienda mendacii natura, ponat *fallendi voluntatem*. Atque ex his rectè intellectis, sententiarum dissidia conciliari, & non pauca Doctorum conclusiones, quæ primâ fronte, scrupulum ingenerare possent, fundamentaliter penetrari valebunt.

Sic vera est conclusio; quòd mendacium non committitur ab eo, qui infanti vel amenti quid dicit, quod falsam habeat significationem. *Ratio* est; quòd in-

fantibus & amentibus non insit iudicii libertas, ac proinde nec illa per injuriam violari possit. Unde, communi hominum sensu, permissum esse creditur: ut *puerorum ætas improvida ludificetur*, & utilitatis ipsorum gratiâ, multa fingantur. Sic *zad* non mentitur, qui sermonem ad illum dirigit, qui ex figurata vel parabolica locutione non decipitur [cò quòd, intelligat figuratè & parabolice proferri sermonem] cito tertius, qui obiter huiusmodi sermonem audit, inde falsam hauriat persuasione. *Ratio*: quia cum tertio non agitur, ideoque nulla est ad eum obligatio. Ad hoc genus, Divi *Chrysostomus*, *Hieronymus*, & *Cyrillus* adversus *Julianum*, lib. 9. circa finem; item *Tertullianus*, lib. 1. & 3tio contra *Marcionem*, retulerunt *Pauli* Apostoli sermonem, quo *Antiochiæ Petrum* à nimium Judaizantem, reprehendit. Censent enim; *Petrum* satis intellexisse, id non serio fieri; sed duntaxat, ut adstantium infirmitati consuleretur. Sic *tertiò*. Mendacium saltem *injuriousum* non committitur; quoties certum est, eum, ad quem sermo dirigitur, non ægrè laturum, ob commodum, quod inde consequetur; si ipsi aliud pro alio, significatum fuerit. Planè, sicut furtum non committeret, qui ex præsumpta domini voluntate, rem ipsius consumeret, ut inde magnam ipsi utilitatem pararet. In his enim, quæ ad eò rationabiliter præsumuntur, & moraliter certa sunt, præsumpta voluntas, pro expressa habetur. Volenti autem, constat, injuriam non fieri. Quocirca, non videtur peccare medicus, qui ægrotantem pusillanimum, persuasione non verâ consolatur. Neque Bellidux injuriosus mendacii culpam admittit; si periclitantibus in prælio, ex falso nuntio, animum addat. *Ratio*: quia quod bonum est, id vero videtur melius. Adde: quòd læsio iudicii in hoc genere, ideo minoris sit habenda, quia

ferme momentanea est, cum paulò post, de veritate ipsa, & intentione loquentis constare soleat. Tametsi autem maximè supremus Princeps, qui jus *supereminens* in omnia subditorum jura habet, in bonum, sive publicum, sive aliorum privatorum, faciliùs falsiloquio uti posse videatur; Deo tamen omnipotenti, & summum jus vitæ etiam & necis, in omnes mortales habenti, nullatenus convenire falsiloquium, rectè agnovit *Plato*, lib. 3. *De Republ.* eò quòd infirmitatis nota sit, ad talia confugere. Accommodatius exemplum inculpatæ falsiloquentiæ, assignari potest in *Yosepho*, qui regiâ vice imperans, fratres primùm quasi exploratores; deinde, quasi fures, fictè, nec ita sentiens, accusat. Simile exemplum habemus in *Salomone*, qui sapientiâ divinitus acceptæ specimen dando, inter mulieres, de partu litigantes, veritatis explorandæ causâ, eam tulit sententiam, quâ voluntas scindendi infantis significaretur, licet animus ei à tali voluntate longissimè abfuerit, & nihil aliud intenderit, quàm detegere veram matrem cique suum adjudicare partum.

179. Non ad stipulor tamen *Grotius*, lib. 3. de *J. B. & P.* cap. 1. §. 16. contendenti, licitum esse mentiri, quoties vitæ innocentis, aut par aliquid, aliter servari, aut alter ab improbi facinoris perpetratione, aliter averti non potest. Minùs, Christiano digna est sententia Gentilium sapientum, qui dicebant: apud hostem falso sermone uti licere; & à communis regula, de non mentiundo; exceptionem statuebant: nisi nempe hostis fallendus sit. Citat quidem *Grotius* Divum Patrem *Augustinum*, sed minimè sibi faventem: non enim *S. Doctor* docet: mendacium jocosum aut officiosum omni vacare culpâ; sed, quòd tantam non habeat culpam, quantum habet mendacium perniciosum. *S. Patris* verba in *Psal. 117.* relata à *Gratiano*, *Can. ne quis*.

caus. 22. quest. 2. Sic adducit *Grotius*: Duo verò sunt genera mendaciorum, in quibus non est magna culpa, SED TAMEN NON SUNT SINE CULPA, cum aut jocamur, aut proximo, consulendo, mentimur. Illud autem primum in jocando, ideo non est perniciosum, quia non fallit, novit enim ille, cui dicitur, causâ jocandi, fuisse dictum. Secundum autem ideo minus est, quia retinet nonnullam benevolentiam. Sic inquam *Grotius* ex *Gratiano* refert textum *S. Patris*, verum nec integrè nec accuratè. Textus enim adæquatus sic sonat: Ne quis arbitretur perfectum & spiritualem hominem, pro illa temporali vita, in cujus morte non occiditur, sive sua, sive alterius anima, debere mentiri. Quoniam aliud est mentiri, aliud est verum occultare: siquidem aliud est, falsum dicere; aliud, verum tacere; ut siquis fortè vel ad istam visibilem mortem, non vult hominem perdere, paratus esse debet, verum occultare, non falsum dicere, ut neque prodas, neque mentiatur, ne occidas animam suam pro corpore alterius. Duo sunt omnino genera mendaciorum, in quibus non est magna culpa, sed tamen non sunt sine culpa, aut cum jocamur, aut, ut proximis proximus, mentimur. Illud primum in jocando, ideo non est perniciosissimum, quia non fallit. Novit enim, ille, cui dicitur, joci causâ, esse dictum. Secundum autem ideo minus est, quia retinet nonnullam benevolentiam. Illud verò, quod non habet duplex cor, nec mendacium quidem dicendum est, tanquam, verbi gratiâ: si cui gladius commendetur, & promittat se redditurum cum ille, qui commendavit, poposcerit, si fortè gladium suum repetat furens, manifestum est, tunc non esse reddendum, ne vel se occidat vel alios, donec ei sanitas restituatur. Hinc ideo non habet duplex cor, quia ille cui commendatus est gladius, cum promitteret se redditurum poscenti, non cogitabat, furentem posse repetere. Et infra Manifestum est, non esse culpandum, aliquando verum

rum

rum tacere, falsum autem dicere, non invenitur concessum esse perfectis. Ita textus à Gratiano relatus, ubi *Corrēctores Romani* notant; ante verba: *Manifestum est, non esse culpandum &c.* sic legi in *Augustino*. *Verum autem occultavit & Dominus, cum discipulis nondum idoneis dixit: multa habeo vobis dicere, sed nunc non potestis portare illa: & Apostolus Paulus, cum ait: Non potui loqui vobis quasi spiritualibus, sed quasi carnalibus. Unde manifestum est &c.* Profecto, si hunc textum *Grotius* integraliter legisset, & citra præventionem expendisset; Sanioris iudicii Theologos, *Divi Augustini* & *Doctores Angelici* sectatores, nequaquam carperet. Hujus materiæ elucidandæ causâ, videamus, quæ pro tucnda *Grotii* opinione, adferri, & opponi possent?

180. DICERE quis posset imò: *S. Augustinum* sensisse; quòd, cum ea, quæ non sunt, joco dicuntur, mendacium non committatur. mendacia enim [inquit *lib. quæstionum super Genesim, q. 145.*] à mendaciis serid aguntur, non joco. Cum autem ea, quæ non sunt, tanquam joco dicuntur, non deputantur mendacia. RESP. *S. Patrem* inibi velle, quòd jocosè dicta, non sint, ut supra exposuit, mendacia perniciosissima, & quòd, ob sui levitatem, non sint peccata mortalia, nequaquam verò docere, quòd omni culpâ vacent.

OGGERI posset 2dò. Quòd obsterices *Ægyptiacæ*, ob mendacium, non solum non fuerint reprehensæ, sed econtra beneficiis à Deo cumulatae. RESP. cum *Divo P. Augustino, quæst. 68. in Leviticum.* quòd propter misericordiam, illud peccatum, veniale sit factum, non tamen existimetur, quòd mendacium illud, nullum planè peccatum fuerit. *Augustino* consonat *S. Gregorius, lib. 18. Moral. cap. 2. relatus caus. 22. q. 2. can. Si quelibet.* Ibi: *Nonnulli verò de Obstericis fallacia, conan-*

tur asserere: hoc mendacii genus non esse peccatum, maxime; quòd illis mentientibus scriptum est: quia edificavit illis Dominus domos. In qua magis recompensatione cognoscitur, quid mendacii culpa mereatur. Nam benignitatis merces, quæ eis in aeterna potuit vita retribui, præmissâ culpâ mendacii, in terrenam esse recompensationem declinata. Igitur obsterices illæ, de mendacio sunt punitæ, de pietate verò temporaliter remuneratæ. Unde idem *S. Gregorius* ibidem inquit: *Summo perè cavendum omne mendacium, quamvis nonnunquam sit ali- quod mendacii genus culpæ levioris.*

OPPONI potest 3io. Quòd non culpetur *Abraham*, dum descendens in *Ægyptum*, suavit *Saræ* uxori suæ, ut mentiretur se ejus esse sororem. RESP. cum *S. P. Augustino* relato *can. queritur. caus. 22. q. 2* quòd *Abraham* veritatem voluerit celari, non mendacium dici. Soror enim dicitur, quia filia fratris erat.

REPLICARI potest 4to. Quòd *Jacob* mentiendo se primogenitum, non reprehendatur, sed commendetur in *S. Scriptura*. RESP. *Jacob* dicendo, se esse *Esau* primogenitum, non fuisse mentitum. Non enim dixit, se esse primogenitum nascendo, sed jus primogenituræ, illo vendente, ritè adeundo. Sic & *Christus*, *Joannem* dixit *Eliam*, non personâ, sed imitatione virtutis. Erat ergo, *Jacob*, *Esau*, non nativitatis prærogativâ, sed emptione primogenituræ. Parili sensu, *Judæi*, licet secundum carnem essent, filii *Abrahæ*, equidem, quia ab ejus probitate defece- rant; non reputantur inter ejus descendentes, sed nuncupantur filii *Diaboli*. Unde *Joan. 8.* à Domino audire meruerunt; si filii *Abrahæ* essis, opera *Abrahæ* facite &c. Pro resolutione aliorum argumentorum; OBSERVA: quòd et si post *Platonem* & alios Philosophos, quidam etiam *SS. Patres*, ut, *Chrysostomus in fin. lib. 1.*

De Sacerdotio. & S. Hieronymus, simulationi & mendacio officioso favere videantur; nihilominus S. Augustinus, Ambrosius, Cyprianus & alii, cum Doctore Angelico 1. 2. quæst. 103, art. 4. ad 2. & 2. 2. quæst. 111. art. 1. ad 2. & art. 3. per totos, cohærenter tradunt; omne mendacium, esse peccatum, nec ullo modo aut prætextu, posse reddi bonum, & coram Deo licitum. Cum enim mendacium sit contra rectam rationem; patet, quòd sit intrinsecè malum, nec sub ullo colore possit effici bonum; planè, sicut fornicatio, adulterium & alia hujusmodi, ex fine operantis alioquin bono, bonitatem nullam participant, prout latè demonstrat Divus P. Augustinus, lib. contra mendacium. cap. 8. q. 17. 18. & 19. item Enchirid. cap. 22. Ratio D. Thomæ 2. 2. q. 110. art. 3. est: quia innaturale est & indebitum, quòd aliquis voce significet id, quòd non habet in mente: unde Philosophus lumine naturali ductus, dicit: quòd mendacium est per se prævum & fugiendum. lib. 4. Ethic. cap. 7.

181. Quamvis autem prioribus Ecclesiæ partibus non occurreret occasio, peculiariter agendi de hac quæstione; equidem, & ipsos Patres sensisse, quòd omne mendacium sit peccatum, eruitur ex Justino Martyre, qui in *Apologia secunda* scribit: Christianos malle mori, quàm mentiri; & ex S. Hieronymo, qui cap. 4. *Apologie, contra Russinum*: Origenistas reprehendit, quòd docerent; mendacio interdum, velut medicamento, utendum. Item ex S. Cypriano, qui lib. 3. contra Quirinum. cap. 104. dicit: non esse mentiendum, eò quòd labia mentientia, sint abominabilia coram Domino. & rursus ex S. Ambrosio, qui lib. 2. in cap. 1. *Lucæ*, docet: os justì, mendacium nescire. Verùm, postquam Priscilianistis suam hæresin, nedum mentiendum, sed etiam pejerando occultare

fatagentibus, visum fuerat quibusdam Christianis: quòd se, Priscilianistas simulare possent, ut eorum latebras penetrarent; Divus P. Augustinus calamus arripuit, & accuratè probandum suscepit; omne mendacium, esse peccatum; ideòque libro, quem de mendacio scripserat, junxit alterum, quem contra mendacium vocat. Augustinum verò, tota Catholicorum Theologorum secuta est universitas, quin & summus Pontifex Alexander III. cap. Super eo. Tit. de Usuris, ubi dicit; Sacram Scripturam prohibere, pro alterius vita mentiri. Unde frustra obgannunt Seltarii; ipsius etiam Augustini verba truncantes & in falsam sententiam trahentes. Neque Onæst; quòd quidam etiam viri sancti, interdum in mendacium prolapsi legantur. Non enim ideo sancti sunt, quòd mentiti fuerint; sed quia peccata sua, rigidà pœnitentià expiârunt. Quò facit, quòd S. Joannes, cap. 1. Epist. 1. ita confessus sit: si dixerimus, quoniam peccatum non habemus; ipsi nos seducimus.

Cætèrùm, quòd omne mendacium non sit peccatum mortale, exinde probat D. Thomas 2. 2. q. 110. art. 4. quòd sint quædam mendacia, quæ non contrariantur charitati; veluti; jocosà & officiosa, si secundum se spectentur. Nam, nec falsà opinio, quæ per illa ingeneratur, est ulli damnosa; cum sit circa res, de quibus nihil refert, utrum sic vel aliter quis sentiat. Neque finis intentus, charitati repugnat; cum per ea solum intendatur levius aliqua delectatio, vel proximi utilitas, absque alterius, ut supponitur, saltè notabili damno. Per accidens etiam, talia mendacia, ob scandalum pusillorum prævisum, vel aliam circumstantiam; possent ascendere ad culpam *Letalem*, maximè, si mendacium diceretur contra doctrinam Religionis, aut ad corrumpendam doctrinam bonorum morum, vel al-

alterius scientiæ salutaris. Ratio Divi Thomæ est: quia talia mendacia adversantur charitati, Deo & proximo debita. Ad propositum redeundo;

182. Multa hæcenus diximus, quæ in bello solemnî & iusto, tum naturali tum gentium jure licent, vel vetita sunt; sciscitari autem posses; an à populo pacato, qui videlicet neutrarum partium, seu (ut dici solet) *Neutralis* est, à belligerantibus, annona, pecunia, commeatus, aut quid simile, exigi possit? *RESP. Negativè*; nisi extrema necessitas, de qua alias, jus accipiendi vel exigendi præbuerit. Quo tamen casu, plus non accipiendum vel extorquendum, quàm necessitas postulaverit: quinimò is, cujus auspiciis & jussu, bellum geritur, cessante necessitate, tenetur populo pacato refarcire damnum, quod eatenus passus est [exemplo recenti Regis Christianissimi, qui incolis patriæ Leodiensis, damna in nupero bello, à suis militibus causata, refarciri fecit.] id quod maximè obrinet, si Rex debita militibus Stipendia non præstiterit, & exinde militibus ansam præbuerit aliena rapiendi. In hanc rem faciunt illustria exempla. Sic *Moyse*, cum summa ipsum & populum necessitas premeret transeundi per agros *Idumæorum*, primùm ait, se transiturum viâ regiâ, neque deflexurum in arva aut vineta, quinimò se aquæ pretium per soluturum, si illâ opus habuerit. Id ipsum sponponderunt, & recipere præstiterunt Græcorum & Romanorum Belliduces propterea celebri memoriâ digni. Sic de *Sulla*, *Vellejus*, lib. 2. narrat, quod venerit in Italiam, non quasi belli vindex, sed pacis author. *Tantâ* [inquit] *cum quiete exercitum per Calabriam Apuliâque cum peculiari cura frugum, agrorum, urbium, hominum, perduxit in Campaniam.* & de *Pompejo* Magno, *Cicero*: pro lege *Manilia* scribit; quod ejus legiones sic Asiam in-

traverint; ut non modò manus tanti exercitus, sed ne vestigium quidem cuiquam pacato nocuisse dicatur. Ob eandem humanitatis & disciplinae militaris rationem, hocce encomion *Silliconi* tribuit *Claudianus*:

Tanta quies, tantisque metus servator honestis;

Te mediante fuit, nullis ut vinea furtis: Aut seges erepta fraudaret messe colonum.

Pari de causa *Belisarius* deprædicat *Procopius*, istius Herois comes, & actionum ejus testis. En! *Gothicorum lib. 3.* in hæc verba excurrit: *Adversus Agricolas, tantâ curâ, providentiâque agebat, ut eorum nemo vim pateretur, exercitum ducente Belisario: contra verò opulenti fierent omnes, quocunque ille cum multo milite advenisset: vendebant enim illi militibus res suas suapte arbitrio, & cum maturæ essent segetes, sollicitè cavebat, ne ab equite corrumpere-
tur. Tum verò poma in arboribus pendencia tangere nemo omnino permittebatur.* Similem *Alemannorum* laudem, in expeditione ad *Sacrum Sepulchrum*, vide apud *Nicetam* in *Manuele Comeno*. Idem encomion *Gregoras lib. 9.* Venetis tribuit. *Nemo* (inquit) erat, quem non admiratione percelleret *Venetorum disciplina & conjuncta cum justitia, animi magnitudo.* Nemo enim de exercitu egressus, quidquam verum sumere volebat, nisi pecuniâ depensâ. Huc facit, quod *Frontinus lib. 4. cap. 1.* ex *Scauro* refert, scilicet: pomiferam arborum, quam in sede castrorum, fuerat complexa metatio, postero die, abeunte exercitu, intactis fructibus, relictam. Exempli isthæc exactioris discipline militaris, consonant doctrinæ Evangelicæ *Luce 3. v. 14.* ubi milites jubentur abstinere à concussione, à calumnia & violentia; & contenti esse stipendiis suis. In hunc textum *Luce*, scribit *S. Ambrosius* his verbis: *Idcirco stipendia constituta militibus, ne, dum sumptus queritur; prædo grassetur.* Vide la-

latius *D. P. Augustinum*, *serm. 19. De verbis Domini secundum Matthæum*. Exstant in hanc rem, egregiæ Constitutiones apud *S. Gregorium Turonensem*, *lib. 2. cap. 37.* & in *Capitularibus Caroli Magni* & ejus successorum, *lib. 5. tit. 189.* Quod, si verò Rex debita militibus stipendia non distribuerit, aut per Quæstores, aut numerorum Receptores generales, legionibus distribui non curaverit; non est dubium, quin culpa redundet in Regem, si milites ejus aliis subditis vel vicinis pacatis, inedia coacti, damna intulerint. De modo, à Provinciis subsidia colligendi, & ea militibus, citra fraudem, oportunè & tempestivè elargiendi, monitum politicum tradit *Antonius Perezius*, *JCtus Lovaniensis*, in *suo jure publico. cap. 100. pag. mihi 246. & seq.*

183. Sicut autem à populo pacato nil vi extorquendum, ita vicissim illi, qui neutrarum partium sunt, nil moliri debent, quo validior fiat is, qui improbam fovet causam; aut, quo justum bellum gerens, à consecutione juris sui impediatur. Quod, si justitia causæ, inter utrimque belligerantes, sit anceps; æquanimis, & æqualiter officiosos se exhibere poterunt utrisque, in concedendo transitu, in suppeditando annona, & præbendo legionibus comœatu. Porro, ut ii, qui neutrarum partium sunt, omnem à se suspicionem partialitatis amoveant, optime egerint; si cum intrinseque belligerantium Ducibus pacti fuerint; ut alterutri exercitui paria humanitatis officia exhibere queant; alioquin enim facile fieri potest, ut pro hostibus reputentur, qui hostili exercitui receptum, hospitium, comœatum, aliæ ad expeditionem conducen-
tia præbent.

184. Hæcenus multa diximus de iis, qui aut summum in bello arbitrium habent, aut publica imperia exequentur;

sed quid de iis, qui privato ausu, citra vel contra summi Principis jussum, hostino-cent? Profectò, qui miles non est, jus non habet pugnandi cum hoste, imò, qui miles est; non extra culpam est, qui post signum receptui datum, cum hoste confli- git. Unde ex disciplina militari Ro- mana, *Modestinus in l. Desertorem. ff. De re militari.* notavit, cum, qui mandata non servasset, capite puniendum, etiam si res bene cessisset. Mandata autem non servasse censebatur etiam, qui extra ordinem, sine Ducis imperio, in hostem pugnasset. *Ratio*: quia si id temerè lice- ret, aut stationes defererentur, longius- que progrediente licentiâ, cohortes ali- quæ, imò totus exercitus, inconsultis con- sensisque præliis implicari posset, quod omnino cavendum: & idcirco sæpe audi- vimus, corporali etiam poenâ in illos of- ficiales animadversum fuisse, qui contra imperium, cum hoste conflixerunt, imò & eundem superârunt. Secundùm mili- tarem disciplinam enim, satius reputatur, Præfectis parère, quàm hostem trucidare. Itaque citra mandatum generale vel speciale, etiam in bello justo, nemini sive militiæ adscripto, sive alteri privato licet hostem impetere aut spoliare.

185. Cæterum, speciale mandatum habere possunt, non tantum hi, qui sti- pendia percipiunt, & militari juramento obstricti sunt; sed etiam, qui spontè & suo sumptu militant, ac expensas, sive in homines, terrestri bello, armandos, sive naves, martiali apparatu, instruendas, sup- peditant sub illa conditione, ut ipsis cedat præda ab hostibus capta. Ubi Obser- vandum cum *Silv. Verb. Bellum. n. 8.* quod, etsi hujusmodi deprædatio fortè justitiæ internæ non repugnet, Christianæ tamen charitatis normæ adversetur, si appareat, talem hostilem excursionem potissimum nocituram non hostium uni-
versitati,

versitati, aut Regi, vel his, qui per se fontes sunt; sed innocentibus, qui exinde in summas calamitates conjiciuntur: adeoque, si hujusmodi deprædatio nec ad finem bello imponendum, neque ad conterendas vel diminuendas hostium vires, notabile momentum habeat; profectò quæstus ex sola temporum infelicitate, viro probo, præsertim Christiano, indignus censeri debet. Quamobrèm *Plutarchus* meritò *Crassum* redarguit, dicens: *Plevaque horum ex igne bellòque rapuit: nihil magis lucro habens, quàm communes calamitates.*

Quòd si quis miles aut alius etiam in bello justo, injussu belliducis ædificia hostium incenderit, agros vastaverit, aliàve id genus damna dederit, ad eorum refarcitionem tenebitur; maximè, si neque necessitas, neque justa causa, culpam abesse fecerit. Quòd, si justa causa subfuerit, puta: si hostis in pœnam criminis, taliter castigari meruerit; posset forte talis damnificator obstrictus esse Reipublicæ, cujus leges transgressus est; non tamen hosti, cui nullam fecisset injuriam.

SECTIO NONA.

De Jure acquirendi Bello capta.

186. Multa hic occurrunt disquirenda; sed, ad evitandam æquivocationem, id quod supra n. 153. observandum diximus, hic in memoriam revocandum; scilicet: multa, gentium jure, permixta censeri, quæ coram Deo, & jure naturæ, sunt vetita. Sic gentium jure, non tantum is, qui justa de causa, bellum gerit; sed & quivis in bello solemnì, sine fine modòq; reputatur dominus fieri eorum, quæ hosti eripuit, ita ut titulo acquisitionis bellicæ & possessionis, sese tutum arbitretur contra pristinos dominos: quæ opinio aded

A Hochkirchen, Ethic. Christ. Pars II.

invaluerat apud veteres, ut *sempiternam*, id est naturalem legem putaverint; captà urbe, omnia incolarum bona victori in prædam cedere. Sic authore *Aristotele* 1. *polit.* lex, velut quoddam commune pactum fuit; ut bello capta, capientium fierent. Sic & *Marcellus*, ut refert *Livius*, lib. 39. quæ Syracusanis surripuit; dixit, se jure belli acquisivisse. Imò *Clemens Alexandrinus*, *Stromat.* 1. non dubitavit dicere: *res hostium rapi & acquiri jure belli.* Et *Cajus* Juris-consultus respondit in l. *Naturalem.* §. ult. ff. *De acquir. rer. dominio.* Captaab hostibus, jure gentium, statim capientium fieri. Et, quia id gentibus ita in more positum erat; ideo *Aristoteles*, & *JCti: Theophilus & Paulus* [videl. 1. ff. *De acquir. poss.*] dominium rerum, ex naturali possessione cœpisse dixerunt; argumentò eorum, quæ terrâ, mari, cœlòque capiuntur, quæ omnia mox illorum fiunt, qui primi possessionem nacti sunt. Cæterum; ut supra dictum; hosti eripi putatur, quicquid hostium subditis eripitur.

187. QUÆRES imò. Utrum naturali jure, bello capta, capientibus acquirantur? RESP. *Affirmativè* dummodò ex parte capientium, bellum sit justum, & capta non superent debitum ab hostibus, aut pœnam, hostium crimini commensuratam. Nisi enim in foro poli, hostes spoliare liceret; utique *Abrahamus* de spoliis, quæ à quinque Regibus acceperat, *decimam* Deo charam non obtulisset, prout narratur *Genes.* 14. Nil dicam de Græcis & Gentilibus olim Romanis, qui *Apollini*, *Herculi*, *Jovi Feretrio* decimam de præda sacraverunt. Ad sacram historiam regredior. Sanè *Genes.* 48. *Jacobus* *Josephus* præ cæteris fratribus, præcipuum relinquens de præda legatum, sic effatus est: *do tibi partem unam extrà fratres tuos, quum tuli de ma-*

Rr

nu *Amorrhæi, in gladio & arcum eo*. Adhæc, quod Deus ipse, in bello iusto, prædam cum æquo moderamine captam, non reprobaverit; liquet ex *Deuteron. cap. 20. §. 14.* ubi in lege sua, de civitate, post pacem repudiatam, expugnata, loquens, dicit: *Omniem prædā exercitui divides, & comes de spoliis hostium tuorum, quæ Dominus Deus tuus dederit tibi*. Idipsum liquet ex *lib. 1. Paralip. cap. 5. v. 20. & seqq.* item 2. *Paralip. cap. 14. §. 13. & Josue cap. 22. §. 8. Quinimō Numer. cap. 31. §. 27.* exstant divinæ leges de præda dividenda.

188. QUÆRES 2dō. Quandōnam res hostilis in prædam veniat, & in capientis dominium transeat? RESP. Gentium moribus, id fieri: si res capta ita detineatur, ut hosti non iuperfit probabilis spes illam recuperandi. Unde res mobiles, ad hunc effectum, captæ intelliguntur; si intra fines, id est: præsidia hostium, perductæ fuerint. Eodem enim modo res amittitur, quo postliminio redit: redit autem, si intra fines imperii, reversa sit. Quod facit: quod *Paulus Jctus* de homine dixit, in *l. Postliminium. ff. De captivis &c.* scilicet: amitti eum, ubi fines nostros excessit. Eodem spectat: quod *Pomponius* ibidem scripsit, scilicet: illum censeri captum, qui ab hostibus, intra sua præsidia deductus fuerit; ut, antequam eō deductus fuerit; maneat civis, seu liber. Ergo idem dicendum est de rebus captis; cum gentium jure, hominis & rei, sit eadem ratio. Hac ratione, naves aut aliæ res, in mari, tum demum plenè captæ intelliguntur, cum in navalia, seu portus, aut ad eum locum, ubi tota classis se tenet, perductæ fuerint: tunc siquidem desperari incipit recuperatio. Notat tamen *Grotius, lib. 3. De J. B. & P. cap. 6. §. 3.* recentior gentium jure, inter Europæos populos, introductum esse; ut

italia capta intelligantur; si, per viginti quatuor horas, in potestate hostium fuerint; id, quod *Thuanus, ad annum 1595.* etiam obtinere asserit, circa res, terrestri bello captas.

189. Ut, quò ad effectum dominii consequendi, ager captus censeatur; *Grotius loc. cit. §. 4. & 11.* existimat, non sufficere, ut adversarii illum invaserint, & actu infideant; sed firmam requiri possessionem; puta: ut per munitiones, aut aliter defendi possit. Sic (inquit) Romani, agrum, quem Hannibal castris infidebat, adeò non amissum judicabant, ut eo ipso tempore, nihilo minoris vœnerit, quàm antea venditus fuisset. *Grotius* quidem obluatur *Joannes Voet: De jure militari. cap. 5. n. 11.* contendens, sufficere qualemcunque naturalem agri possessionem, ad hoc, ut captus intelligatur, & in capientium dominium transeat; verum id sustineri nequit: alioquin enim hostis, adversarii sui terras, quas per transfennam quasi occupat, & in quibus, paucis diebus, morari cogitat; jure proprietatis acquireret, quod nemo dixerit. Præterea, nemo momentaneâ rei occupatione, dominus ejus efficitur, nisi animum habeat rem tanquam suam retinendi; qua ratione autem quis talem habeat animum, si rei facile ab hoste recuperabili, tantisper corporaliter insistat, eamque custodire nequeat? DICES cum *Joanne Voet loc. cit.* Ex venditione rei, non probatur venditoris dominium, nec sequitur, quòd ager ille venditus, fuerit adhuc in Romanorum potestate; cum juris minimè controversi sit; quòd non tantum res propria, sed etiam aliena vendi possit. per *l. 28. ff. De contrahenda emptione.* & valida, ad pretium consequendum, nascatur actio; si emptor non ignoraverit rei emptæ conditionem *l. 57. §. 1. & 2. ff. eod. tit.* RESP. Tametsi res aliena

aliena vendi possit; equidem Romanon vendiderunt agrum illum tanquam *alienum*, sed tanquam *proprium*; quia noverant *Hannibalem* haud diu agrum illum detenturum. Certum autem est: quod contractus possit celebrari circa res, quæ propediem sperantur ab hostibus recuperandæ. Vide *Atalam*, *De jure & offe. Belli*. lib. 1. cap. 5. n. 36.

190. Cæterum; ut res aliqua, jure belli acquiri possit, necessum est, ut hostium fuerit: nam, quæ res apud hostes quidem sunt, puta: in oppidis, aut intra eorum præsidia; sed, quarum domini, nec hostes sint, nec hostium subditi, neque hostilis animi; eæ bello acquiri nequeunt, eò quod titulus & ratio desit; & jus hoc, mutandi per vim domini, odiosius sit, quam, ut eò produci debeat. Tamen si igitur præsumptio quædam sit, quod res in hostium præsidiis vel navibus repertæ, hostiles quoque sint; ut in prædam venire possint; ea tamen præsumptio, adeò vehemens non est; quin validis in contrarium probationibus elidi queat. Ob eandem æquitatis rationem, nec amicorum aut impartialium naves, in prædam veniunt, ob res hostiles in iis repertas, nisi de scitu & consensu dominorum navis, receptæ fuerint aliorum transfretandæ. *l. Cotem. ff. De Publicanis*. Confer *Rodericum Zuarium*, lib. *De usu maris. consil.* 2. n. 6. Qua interpretatione, ab injusticia excusandæ sunt leges *Galliæ & Portugalliæ*, quæ ex rebus vectis, naves, aut ex navibus, res vectas, prædæ subijciunt; cum alioquin solæ res hostiles, prædæ sint obnoxie, prout observat *Meursius*, *Daniorum lib. 2. & Grantzius*, *Saxoniorum lib. 2.* nec non *Albericus Gentilis*. *Advocationis Elipanicæ lib. 20.*

Illud quoque, inspecto gentium jure, certum est; quod illa, quæ per nos, hostibus erepta sunt, non possint vindicari

ab iis, qui ante hostes nostros, ea possederunt, & postea bello amiserunt; sic quippe (ut exempla profana, quæ *Grotius loc. cit. §. 2.* refert, prætereamus) *David Rex*, quæ ipse *Amalecitis*, *Amalecitis* autem antea *Palestinis* eripuerant, pro suo tenuit, & divisit inter commilitones, prout videre licet *1. Reg. cap. 30. §. 20. & seq.* Hac de re, infra iterum redibit sermo.

191. QUÆRES 315. Cuinam determinatè, in publico ac solemnì bello, res ab hostibus captæ acquirantur? an summo Principi, aut populo, cujus auspiciis bellum geritur, an verò singulis de populo; aut an porro ipsis, qui prædam fecerunt? Prisco gentium jure receptum fuit, ut res in bello captæ, fierent capientium. *§. 17. Instit. De rer. divis. & l. 5. §. fin. ff. De acquir. rer. dominio.* eò quod naturali aequitati & rationi consonum sit, ut commoda cujusque rei, eum sequantur; quem sequuntur incommoda. *l. 10. ff. De Reg. jur.* Cum enim res hostiles capiens, grande subeat periculum, inediam sæpe, vigilias, acrisque sufferat injuriam; non immeritò veteribus visum fuit, ut & eo, quod labore suo paravit, commodo fruatur.

192. Legibus Hebræorum, inter res mobiles & immobiles, discrimen fuit observatum. Siquidem res immobiles, inter Tribus, distributæ fuerunt, vel citra sortem; ut *Numer. 32. & Josue 14.* vel per sortem, ut *Josue 18 & 19. & Numeror. 27.* Res verò mobiles, dum ab universis captæ erant, inter omnes æqualiter dividebantur *Deuteronom. cap. 20. §. 14. & Josue cap. 8. §. 27.* Quod, si ab una exercitus parte, res mobiles essent occupatæ, ad singulos regulariter, qui primi illas cepissent, domini seu proprietatis jure, spectabant res *inanimatæ*, veluti: vestes, aurea vel argentea suppellex, aliæve similia. *Numeror. cap. 31. §. 50. & 53.* Si au-

tem *animata* erant, veluti: fœminæ, infantes, pecora & armenta; in duas scindebantur partes, alterâ præliantibus, alterâ reliquis impeditibus custodientibus assignatâ, cum hoc tamen discrimine: ut à præliantium portione, pars quingentesima, à cæterorum verò portione, pars quinquagesima, in censum Deo pendetur, prout habetur *Numerorum cap. 31. vers. 27. & seq.* Hæc tamen dividendi ratio, non fuit semper observata; siquidem etiam universa tam rerum inanimatarum, quàm animatarum præda, æqualiter inter omnes distributa legitur; videlicet, tam inter eos, qui apud impedita remansissent, quàm, qui cum hostibus in prælio confuerissent manus, nullâ primi occupantis habitâ ratione. ut *Josue cap. 22. §. 8. & 1. Reg. cap. 30. §. 24. & seq.* Si verò essent res Deo devotæ, vel anathemate conclusæ; non poterant jure domini, cuiquam cedere; cæteræ res inanimatæ, destruendæ erant, animalia, verò trucidanda: & qui secus fecisset, sacrilegii reus erat, prout habetur *Josue cap. 6. §. 19. & seq. & cap. 7. §. 1. Deuteronom. cap. 20. §. 17. & 1. Reg. cap. 15. §. 3.*

Græcorum more, ipsæ civitates per vim occupatæ, ad Rempublicam devolvebantur; res autem mobiles, quas quis in ipso conflictu cepisset ab adversariis, occupantis erant; adeoque, si armatâ manu, citra deditionem, capta foret civitas; omnia militibus diripienda concedebantur. Quod si iusto prælio, inter duos exercitus, decretatum fuerat; præda, ab exercitu victore, capta, æqualiter inter singulos dividebatur, aut publicabatur; ex eaque publicata, vel singulis militibus, præmii loco, pars assignabatur; vel inde restituebatur, quidquid ab hostibus dirutum erat aut eversum. *Curtius. lib. 3. cap. 6. & lib. 6. cap. 2. Justinus. lib. 6. cap. 5. Vide Grotium, De jure Belli & Pac. lib. 3. cap. 6. n. 14.*

193. *Romanis* placuit, ut res immobiliæ, v. g. agri, in prædam propriè dictam, militibus non cederent, sed publicarentur. *l. 20. §. 1. ff. De captiv. & Postlimin. l. 31. ff. De jure Fisci.* nisi tales essent agri, quos antea adversarii à Romanis, jure belli cepissent: in illis enim postliminio locus erat; ita, ut ad prius dominos reverterentur. Eo siquidem jure, res immobiles, ejus censebantur esse conditionis, quasi nunquam ab hostibus occupatæ fuissent. Ubi *Nota:* quod et si *jus Postliminii* regulariter tantum obtinuerit in immobilibus, non item in mobilibus, *l. 28. ff. De captiv. & Postlimin.* Nisi fortè navis oneraria major, vel equus foret ab hostibus recuperatus. *l. 2. ff. eod. vel servus noster. l. fin. ff. eod. Scipio* tamen *Africanus* etiam in aliis rebus mobilibus, postliminii jura vigere voluit. Cum enim in hostili civitate capta, multa Græcorum signa invenisset & ornamenta varia; per Præconem edici jussit, ut urbes Græciæ, Legatos mitterent; qui, quidquid pertinere ad se demonstrarent, rebus captis eximerent. *Plutarchus in Apophthegm. Lucretius* quoque cum ingenti præda Romam reversus, eam omnem trididit, in campo Martio, exponi mandavit, ut suum quisque recognatum reciperet. *Livius. lib. 3.* Cæterum; etiam si agri capti, in publicum referri consueverint; nihilominus sæpe pars illorum, veteranis militibus in præmium assignabatur, ut liquet ex *l. 15. §. 2. ff. De rei vindicta l. 16. ff. De acquirend. rer. dominio. l. 11. ff. De evictionib. Vide Paulum Voet, in Comment. ad §. 17. Infit. De rer. divis. n. 1. & in tract. De natura mobilium & immobil. cap. 19. n. 2.*

Circa mobilia, aut se moventia, à militibus ea fuit introducta consuetudo, ut præda civitatis armatâ manu captæ, ad occupantes pertineret. Hinc tumultuan-

tes.

tes in castris cohortes, apud Tacitum *Hist. lib. 3. cap. 19.* ajebant: EXPUGNATÆ urbis prædam ad milites, DEDITÆ, ad Duces pertinere. Atque hunc morem, milites tanto animi fervore urgebant; ut idcirco sæpe Duces Romani, ipsis urbium captarum direptiones concedere compulsi fuerint, prout latius videre licet apud *Grotium, loc. cit. cap. 6. §. 18.* Licet autem milites contenderint, urbis deditæ prædam ad Duces pertinere; equidem non ideo totius prædæ ad eos devolvebatur dominium, sed non nisi summi Principis aut Reipublicæ indultu, quædam è rebus captis, aut sibi attribuire, aut inter milites largiri poterant, prout Justinianus, & ante ipsum alii Imperatores Belli-ducibus permiserunt, ut ex hostium spoliis, præclaris militibus donationes præstare possent. *l. 36. §. 1. Cod. De donationib.* Quaratione, sæpe torquibus, armillis, coronis, aliisque præmiis exornati leguntur milites virtute præstantes. Alioquin omnis post prælium, vel per deditionem acquisita præda, in Fiscum, seu Ærarium publicum, erat conferenda. *l. 13. ff. ad l. Jul. peculatis:* & ab ærarii Quæstore, sub hasta, vendenda; prout manifestè tradit *Dionysius Halicarnassensis lib. 7. Omnes profecto scitis* (inquit) *prædam ex hostibus captam, nostræque virtute partam, ad Rempublicam, legis jussu, pertinere, & non modo nullum privatum hominem, sed ne ipsum quidem Imperatorem, in istam jus habere; sed Quæstoris esse, hanc acceptam vendere, & pecuniam hinc redactam, in Ærarium ferre.* Sic eodem *Dionysio Halicarnassensi* teste, *lib. 8. Consul Fabius omnem prædam & spolia, item captivos, quibus potitus fuerat; per Quæstorem vendi jussit; pecuniamque in urbem detulit.* Confer *Ajam, De jure & offic. bell. lib. 1. cap. 5. n. 5.* Rursum tamen & reperiuntur exempla, quibus con-

stat; universam quandoque prædam, interdum magnam ejus partem, militibus fuisse distributam cum proportionem, qua de re, videri potest *Grotius loc. cit. §. 17. Adde Ajalam loc. cit. lib. 1. cap. 5. n. 6.*

Sed quid dicemus ad *l. 5. §. fin. & leg. 51. §. 1. ff. De acquir. rer. domin. & §. 17. Instit. De rer. divis.* ubi dicitur, quod res universæ ab hostibus captæ, non fiant publicæ, sed occupantibus cedant. Video Doctores in exponendo illorum textuum sensu, in varias ivisse opiniones. Siquidem *Bocerus, classe 5. disp. 3. n. 57. & seq.* distinguendum existimat: utrum res mobilis, capta sit ab hostibus devictis; an verò ab iis necdum superatis. Hoc casu, putat, rem occupantis fieri, illo non ita. *Grotius, loc. cit. §. 12.* distinguit: an in ministerio publico res capta sit, an verb extra illud. Hoc casu, capienti dominium adjudicat: illo denegat. *Weseneccius consil. 202. n. 74.* capta tum demum capientium fieri arbitratur; si Dux, illa sibi exhibita, inter milites distribuerit. Rectius autem sensit *Merenda. Controvers. lib. 2. cap. 22.* ubi resolvit, res omnes mobiles captas, de se, non capientibus, sed Reipublicæ, Romanorum jure, cessisse: in Ducum tamen fuisse potestate, ut ad magis incitandos præhiantium animos, urbem diripiendam militibus concedere potuerint, & tali eventu, quemque plenum & legitimum acquisivisse dominium ejus, quod in expugnata civitate primus occupasset, nec ad collationem obligatum fuisse, ut universa deinde præda inter singulos milites divideretur. Vide latius *Merendam, loc. cit. n. 18.* ubi ex *Livio* hujusmodi direptionum à Ducibus indultarum exempla refert. Adde *Cujacium Observat. lib. 4. cap. 9.*

194. Hodiernis moribus, inter Christianos, à veteri illo gentium jure, recessum est: & inter res immobiles distingui-

tur

tur: num in Reipublicæ devictæ fuerint dominio, an verò ad singulos, seu particulares pertinerint cives, in urbibus & agris hostilibus, degentes. Consuetudine siquidem invaluit, ut captâ civitate, vel alio munito loco, in victicis Reipublicæ dominium, jure belli, transeat illius territorii jurisdictio, omnes item agri publici, & jus tributorum & vectigalium: singulorum verò prædia, urbe deditâ, non cedant victori, sed unusquisque, in tranquilla maneat illorum possessione, dummodo tanquam civis aut subditus, fidelitatis homagium novis velit præstare dominis, siquæ tributum solvere. *Manzjus in Commentario ad §. 17. Instit. De rer. divis. n. 17.* Interdum etiam in urbium traditionibus, stipulantur se dedentes, ut agris & ædibus intra certum tempus divenditis, inde tutò queant aliorum demigrare.

Circa res mobiles, usu receptum, ut belligerantibus utrimque Christianis, homines in bello capti, ob præstantiam & reverentiam Religionis, non fiant capientium servi, aut possessio dominorum *animata*, sed omni servitutis antiquato jure, persoluto redemptionis pretio, donum remittantur. *Alala. De jur. & offic. bell. lib. 1. c. 5. n. 1. Paulus Voet ad §. 17. Instit. De rer. divis. n. 3.* Id quod de veris militibus, juramento militari obstrictis & in numeros relatis, intelligendum est: nisi enim captus docere possit, se aliqui legioni vel centuriæ adscriptum esse; vulgari lytro (quod in gregariis, feresolet esse mensuræ stipendium) non redimitur, sed pro arbitratu victoris, majus pretium persolvere cogitur. Equidem in bello maritimo, præliisque navalibus capti, etiam si de eorum militia liquidò constet; certo tamen & statuto lytro redimi non solent, quamdiu bellum durat, prout testatur, *Reidanus, lib. 1. An-*

nalium. Quinimò milites in flumine publico navigantes, ab hostibus intercepti, anno 1641. 23. Aprilis, menstruo stipendio, more alias solito, redimi non potuerunt, sed cum adversariis, de redemptionis pretio, transigere coacti fuere, prout refert *Ant. Van Dalen, Ad jus militare Batavicum. seu: Krygsraeds Besoignes. titulo. Van Gewangen. pag. 119. & 127.* Speciale est, quod in Republica confœderatarum Belgii Provinciarum, omnes in universum servi, simulatque ditionis istius limites intrârunt, dominis invititis, ad libertatem proclamare possint, & eò ipsò naturalem censentur consecuti esse libertatem. Teste *Groenweg: De legib. abrogatis. Ad tit. Instit. De his, qui sui vel alien. jur. sunt.* Quod, si Christiani, non cum Christianis; sed cum Barbaris gentibus, veluti Turcis, Persis, Tartaris, aut similibus, bellum gerant; sicut alibi pluries adnotavimus, etiamnum hodie, durat pristinus servitutis usus, & utrimque capti, fiunt capientium servi. Vide *Paulum Voet ad §. 5. Instit. De jure personar. n. 4.* & quamvis de jure Romano, à Barbaris capto, non potuerit à quopiam hæreditas vel legatum relinqui, l. 4. §. 1. ff. *De his, quæ pro non scriptis habentur.* Modernis equidem moribus, servo perinde ac libero, quid relinqui potest & acquiri. *Groenweg. loc. cit.* Quinimò, servos ejusmodi, etiam in servitute lugentes, testamentum condere posses, post *Covarruvias*, ad *Reg. peccatum. p. 2. §. 11. n. 6.* novissimè censuerunt *Groenweg. ad §. fin. Instit. Quib. non est permisso. fac. testam. & Paulus Voet, ibid. n. 6.*

Distinctionem circa mobilia, quam ex *Grosio* supra retulimus, moribus hodiernis, probatam amplectitur *Groenweg. ad §. 17. Instit. De rer. divis.* Aut enim capta sunt à militibus in ministerio publico, & Atu bellico versantibus, veluti; dum,

cum exercitu sunt in expeditione, aut alias, de expreso Belliducis mandato, ad intercipiendas res hostium, missi sunt; & tunc nihil omnino sibi retinere possunt primi occupantes, sed quicquid captum est, Reipublicæ debetur: aut præda hostibus, occasione quidem belli, erepta est; sed *extra munusserium publicum*: veluti, dum Gubernatoris alicujus accedente consensu, nonnulli liberas & spontaneas suscipiunt in hostem excursiones, & inimicorum vicos, vel oppida spoliatum eunt: quo casu, capta, non primis quidem & solis occupantibus, sed singulis, excursionis illius & periculi sociis, cedunt. Quidquid enim ceptum, in commune collatum & deductum intra præsidia, sub corona dividitur, & æqualiter, inter æquales expeditionis istius privæ consortes, distribuitur. Dixi. *inter æquales*. Nam servatâ proportionem, plus capiet Centurio, quàm Signifer; plus Signifer, quàm hospitiolum assignator, & hic plus, quàm miles gregarius. Qua de re, pro confederati Belgii provinciis, confer *Ant. Van Dalen. loc. cit. tit. Van Buyten. pag. 35. & seq.*

195. Disputatum fuit, si præda à manipulo capta, ab hostibus recuperata, rursus ab alio manipulo capta sit, cuinam cedat; utrum primo manipulo, an utriusque, an verò soli manipulo, qui postmodum supervenit? Ad secundum manipulum privativè prædam, pertinere æquius est. Cum enim primi manipuli consortes, eodem belli jure, quo res hostium suas effecerant, earum amisissent dominium, & præda per pristinos dominos recuperata, pristina induisset naturam, secundus manipulus, hostium potiùs, quàm commilitonum bona cepisse dicendus est; ac proinde ipsi, tanquam primo occupanti, assignandum est illorum dominium.

196. Porro, ratio differentie inter res

in ministerio publico captas, & acquisite extra illud, hæc est; quod in ministerio publico, milites singuli, Reipublicæ sustineant personam, ejusque vice fungantur. *Groenveeg. ad §. 17. Instit. De rer. divis.* & quod officii contemplatione, ad publicas expeditiones suscipiendas, obstricti sint milites; & eam ob causam, menstruum percipiant stipendium, in laborum & periculi remunerationem: nemo verò, privatus cogatur, in hostile solum, excursiones suscipere; sed spontè & animi proprii motu, penes Centurionem, vel alium ejusmodi expeditioni præpositum, nomen suum profiteatur, ad excursionem faciendam. Ut proinde non immeritò, per consuetudinem introductum sit; ut ad eos, pro periculo suscepto, præda pertineat.

197. In maritimo bello, quicquid privati, Principis consensu, naves ad consilium bellicum propriis sumptibus instruunt, publicis eripuerint adversariis, id ad occupantes socios nauticos, naviumque dominos pertinet, pro portionibus in societatis contractu, designatis, detractâ prius quinta parte, quæ Reipublicæ, & decimâ, quæ maris Præfecto debetur. Qua de re *Grutius. loc. cit. §. 24.* ubi & aliarum gentium, hac in parte, consuetudines prosequitur. Illud autem omne, quod navibus bellicis, impensâ ararii publici, adornatis, intercipitur; Reipublicæ cedit, quanquam & tunc aliquid ex præda, præliantibus tribui solet, prout ex placitis Ordinum Generalium refert *Aufsema. Histor. lib. 45. edit. in 4. part. 12. pag. 710. & 744.*

198. Sed, quid, si merces sint amicorum aut pacem colentium, navis autem sit hostium; vel vice versa? Tametsi omnes res in hostium navibus repertæ, hostiles esse præsumantur, & ideo capientium fieri tradat, *Loccenius. De jure maritimo. lib. 2. cap.*

4. n. 11. nihilominus, si probari possit, res quasdam vel omnes, in carinis, & apud hostes inventas, ad socios, non ad inimicos, domini jure pertinere; illud, ut supra insinuatum, observabitur; ut, quidquid hostium esse probatur, in prædam cedat; quidquid verò illorum fuerit, quibuscum nulla nobis intercedit inimicitia; pristinis sit restituendum dominis. Quod, si navis non fuerit hostilis; nihilominus nauta cogi poterit, ut legitimam vecturam persolutam mercede, inimicorum merces, in tutam aliquam navium stationem deferat, prout apud Hollandos decifum refert *Grotius in Additionibus. lib. 3. c. 1. De jure B. & P.* Cum enim nec peregrinorum navigia, gaudeant angariarum immunitate; quando liberæ Reipublicæ, aut Regni utilitas id postulat; l. 18 §. 22. ff. *De munerib. & honorib.* etiam jure merito, poterunt in ipso mari compelli ad præstandum sociis aut amicis temporarium illud servitium. Et hæc ita circa res amicorum, in navibus hostilibus, repertas, ac vice versâ; nisi aliud peculiaribus, inter Principes ac populos, conventionibus, ad fictionum & fraudum occasiones amputandas, inductum appareat; prout inter Ordines fœderati Belgii, & Galliæ, Sueciæ, Lusitanique Reges placuit, merces eorum, qui extra belligerantium partes sunt, in navibus hostilibus repertas, unâ cum navigio capto acquiri, contra verò merces hostium vestas navibus eorum, qui bello impliciti non sunt, ex navibus istis, belli jure, extrahi & occupari non posse, nisi sint merces belli usibus inservientes. Confer *Joannem Voet. in commentario ad pandectas. tit. De captiv. & Possim. n. 5. in fine.* Si

199. PETAS: num melius sit, res in bello captas, ad primum quemque occupantem, jure domini, pertinere; an verò magis expediat, illas, post superatos ho-

stes, in unum conferri locum, ut debitam quisque accipiat portionem. RESP. Necdum juri & æquitati consonum, sed & Reipublicæ consultissimum esse, ut inter omnes, servatâ proportionem, jussu supermi Belliducis, fiat prædæ distributio. Etsi enim gratius lætiusque civis privato sit, ut quod suâ cepit manu, sibi retineat; privati tamen cuiuspiam gaudium, commodo & emolumento Reipublicæ anteponendum non est, id quod tamen eveniret; si cuique privato, rei captæ dominium concederetur. Antequam enim penitus impetrata victoria sit, plerique nimio æstuant prædæ desiderio, ad rapinas, ex acie sese conferunt; ex quo sæpe (& nuper in confinibus Bohemiæ) factum, ut hostes dispersi, sese recollerint, & adversarios spoliis avidis intentos, in fugam egerint, & porro devicerint; prout veteribus exemplis constat, quæ retet *Justinus, lib. 5. cap. 5. Tacitus item Hist. lib. 1. cap. 79. & novissimè Sande. Hist. lib. 2.* Præterquàm, quod in direptionibus, avidæ prædantium manus, ut plurimum præripere soleant fortium bellatorum præmia: dum enim strenui quique milites, nondum penitus eversis inimicorum viribus, adhuc ad obtinendam victoriam in acie defudant, & perumpere conantur adversariorum agmina; lixæ plerumque & calones, ad prædam festinant, & tutò pervestigantes hostium domos, papilionem, quin & cadavera; quidquid pretiosum est, ipsisque arridet, diripiunt, vili & abjecta suppellectile ipsi relicta, qui suo periculo, suâque constantiâ, victoriam pepererunt. Ex quo fit, ut pavidi & vituperabiles, mortuos spoliantes, plus auferant, quàm ii, qui cum vivis conferuere manus: quinimò eorum, qui fortissimè pugnando; laudabili periére fato, nulla habeatur ratio, nullumque ex defunctorum fortitudine,

ad uxores, liberos, aut consanguineos, emolumentum perveniat, quæ omnia tam absurda, quàm iniqua esse, nec Duci tolleranda, quivis politicæ candidatus facillè dijudicaverit. Unde, ne quò ad prædam ac præmia illorum obliteraretur memoria, qui in prælio, vitæ sortem amiserunt, & sanguine suo victoriam redemerunt; sed ut potius mortui, vivis celebriores haberentur, ideo Ordinum Generalium Constitutione, 10. Maii 1665. decretum fuit, ut eorum, qui in acie cecidissent, & superstites, si mansissent, fuissent prædæ participes, uxores aut liberi, è rebus capti duplum acciperent ejus, quod ipsi mortui, si superstites mansissent. Atque in hoc passu, Hollandiæ Status, secuti sunt veterem Romanorum morem, quem laudat Cicero: *Philippica* 14. *prope finem*.

200. Quid, si navigium nostrum unà cum mercibus ab adversariis captum, a nostratibus recipiatur? R. Certum est; quòd navigium nostrum à Piratis captum, & à nostratibus recuperatum, nobis reddi debeat, quodocunque recuperatum fuerit.

Ratio est; quòd jus Gentium, nunquam hujusmodi improbis direptoribus indulserit dominium rerum raptarum. *Arg. l. 24. § 27. ff. De captiv. & postlim.* Vide *Loccennium. De jure maris. lib. 2. cap. 4. n. 4.*

Loquendo de alijs legitimis hostibus, teste *Grotio, loc. cit. cap. 6. n. 3. & cap. 9. n. 16.*

communiquòdand in Europa, Gentium consuetudine introductum fuit; ut, si res

captæ, per horas viginti quatuor in hostium potestate fuissent; extincta censetur

earum recipiendarum fiducia, ac proinde reputaretur earundem proprietates

amissæ; sic, ut ad recuperantes in universum dominij jure pertinerent: sin vero intra viginti quatuor horarum spatium,

adversariis iterum ereptæ fuissent; primis essent restituendæ dominis, qui nondum

credebantur penitus illarum amississe do-

A. Hockkirchen, Ethic. Christ. Pars II.

minium: ita tamen, ut illis, qui reserptas receperint, in laboris & periculi remunerationem, justum non esset denegandum præmium vel honorarium. Verum, cum ex illo jure moribus introducto, summum quandoque sequeretur incommodum & injuriarum occasio; dum nonnulli, in quorum erat potestate socios hostilibus eripere faucibus, abominandæ correpti avaritiâ, fraudulenter sese continerent, ut elapsis viginti quatuor horis, res captas recuperarent, & suas facerent; quo casu, inimici sæpe longius cum præda aufugiebant; ideo *Statibus Hollandiæ* visum fuit sancire, ut nulla temporis, quo in hostium potestate naves captæ fuerint, habitâ ratione, quicunque prædam, in mari, inimicis iterum eripuerint, omnium illorum, quæ recuperaverint, *beneficium* percipiant. *Placit. Ordin. General. 1. Martii 1632. art. 62.* Cæterum *Groenweg. ff. De captiv. & postlim. reversis.* Id tantum, in illo casu, obtinere intelligit; si nondum in hostium portum, vel præsidia delatum sit navigium; eò quòd tunc adhuc aliqua superstit recuperandi spes: alioquin enim censet, rem deinde recuperatam, velut hostilem, ad occupantes, in universum pertinere, nec *trientem* pristinis restituendum esse possessoribus. Porro novissimè, scil. 22. Junii 1702. iisdem *Hollandiæ Statibus* placuit adhibere hanc distinctionem, scilicet: utrum recuperatio facta fuerit intra quadraginta octo horas, an verò postea, intra duplicatas horas quadraginta octo ab occupatione computandas; an denique post duplicatas quadraginta octo horas, quodocunque facta esset recuperatio. Primo casu, quinta, secundo, tertia, ultimo autem, dimidia pars assignata fuit recuperantibus, qui videlicet suis sumptibus, naves instruxerint.

201. Porro, si navis capta, non armata quidem manu recuperata, sed à tertio,

Ss

in-

infra justum fortè pretium, redempta fuerit; tertio redimenti liberum non est, redemptum sibi reservare navigium, si nondum intra præsidia deductum fuerit; verum tenetur illud primo domino exigenti & pretium impensum refundere offerenti, reddere. *l. 6. §. 12. §. 7. ff. De captiv. & possim.* Unde, si res pluribus communis, redempta fuerit, & nomine omnium dominorum, ei, qui redemit, pretium reddatur; in communionem res redibit: si verò unius, vel quorundam, non autem omnium sociorum nomine, redimenti, ea, quam in redemptionem impendit, pecunia resusa fuerit; ad eos quoque solos, quorum nomine, nummi soluti, res recuperata revertetur.

202. *Quæres 4to.* Utrum, extra territorium utriusque partis belligerantis, capta, fiant capientium? *RESP.* Inspecto gentium jure, sicut hostis ubivis reperiatur interfici potest; ita & res hostiles ubivis capi possunt, *per se* scilicet loquendo: nam, qui eo loci summum habet imperium, potest lege suâ prohibere, ne id fiat, & si contra factum fuerit, potest de eo, tanquam de delicto poscere, ut sibi satisfiat. Simili ratione, quanquam omni jure permissum sit, ad res captas ab hostibus recuperandas, ipsorum portus & navium stationes, armatâ manu, intrare, & inde abducere navigia; nefas tamen reputatur, in pacati populi portus irrumpere, si fortè contigerit hostes cò cum præda secessisse, ne contemni videatur hoc pacto alterius Regis aut Reipublicæ, Majestas, & violentur ea, quæ jure Gentium sancta sunt & inviolabilia, quæque pacis publicæ privilegio gaudent navium receptacula. Confer *l. occennium de jure Maritimo. lib. 2. cap. 4. n. 6. & seq.*

Pro coronide hujus Sectionis *NOTA*: quòd soli bello publico & solemnî, ex gentium moribus, competat jus acqui-

rendi res armis captas. Unde in bellis aliis inter externos, non acquiritur vi belli, sed duntaxat in compensationem debiti, quod aliter obtineri non potest; sicut de Repressaliis, supra dictum. In bellis autem inter cives, sive magna, sive parva sint, nulla fit dominii mutatio, nisi autoritate judicis, *Silv. Verb. Bellum. v. §. 2. & §. 3.*

SECTIO DECIMA.

De Jure in Captivos & Imperio in Viros: ac, quo temperamento uti debeat in utroque?

203. Tametsi, ut alibi sæpe repetivimus, servi à natura nulli sint, juri tamen naturali non repugnat, ut qui *naturâ liberi* sunt, pacto, delicto, aut bello, servi fiant. Non enim soli, qui se dedunt aut servitutem promittunt, pro servis habentur, sed & omnes omnino, qui publico & solemnî bello capti, intra hostium præsidia deducti sunt; imò, qui bello repente exorto, citra delictum proprium, casualiter, intra hostium fines deprehenduntur. *l. Postliminii. §. 1. ff. De captivis. l. In bello eod.* Neque soli sic capti aut deprehensi, servi fiunt, sed & eorum posterî in perpetuum; ii nempe, qui ex matre serva, post servitutem, nascuntur. *l. & servorum. §. 1. ff. De statu hominum.* Qua de causa, *Tacitus lib. 1. Annal.* servitio subiectum dixit ancillæ uterum.

204. Prisco gentium jure, dominis nihil non, in servum licebat; ita ut quævis sævitia dominorum in serviles personas impunita fuerit: hanc tamen ferociam civiles Romanorum leges mitigarunt, ut alibi observavimus, quanquam res captæ unâ cum persona acquirantur domino. Servus enim, qui in potestate domini est (inquit *Justinianus*) nihil suum habere potest, quod adeò verum, ut etiam incorporalia jura, mediante persona, cui

ea competebant, belli jure acquirantur.

Ratio, cur ista, Gentium jure, introducta fuerint, *hec* est: ut tot commodis illiniti captores, libentius abstinerent à summo illo rigore, quo captos statim, & ex intervallo, occidere poterant. Eandem ob causam, hoc jus etiam ad servorum liberos prorogatum fuit. Si enim captores, summo illo jure usi fuissent & servos occidissent, liberi eorum nati non fuissent. Ex quo e contra resultat: quòd nati ante captivitatem patris, servi non fiant, nisi & ipsi capiantur. Ideo autem Gentes voluerunt, ut natus sequeretur conditionem matris; quia serviles concubitus, nec lege, nec certâ custodiâ erant constricti; ita, ut nulla sufficiens præsumptio patrem indicaret. Quo sensu capiendum, quod dixit *Ulpianus*: *l. lex nature. ff. De statu homin. Lex natura hec est, ut, qui nascitur sine legitimo matrimonio, matrem sequatur*. Ubi per legem naturæ, intelligit consuetudinem generalem deductam ex ratione naturali.

205. *PETES*: An bello *injusso* capti, aut ex hujusmodi captis nati, tutâ conscientia aufugere possint? *RESP. Affirmative*. Et si enim tales aufugientes, aliter ex Postliminii jure, libertatem non consequantur, quàm si durante bello, ad suos confugerint *conciui*, ad alios verò se recipientes durante bello, vel factâ pace, vindicanti domino reddi soleant; inde tamen non sequitur, quòd sine reatu culpæ *Theologicæ*, aufugere nequeant, cum multa sint jura, quæ solum forum externum respiciunt, inter quæ rectè numerantur multa jura bellica.

DICES. Captor fit dominus servi, ergo servus aufugiendo nequit se subtrahere domino suo. *Resp. Dist. Anteced.* Captor fit dominus servi, ut illum servare possit, & fugientem persequi, & in judicio humano vindicare queat. *Conc.* Fit dominus

servi, ita, ut is in servitute permanere cogatur, & tutâ conscientia aufugere nequeat. *Neg.* Multa sanè in *foro fore* jus faciunt, quæ non semper peræquè in conscientia stringunt. Et si enim testamenta, quibus solemnitates à jure civili requisitæ desunt, nulla dici, & penitus everti possint; ex probabiliore tamen sententia, id quod hujusmodi testamento relictum est, retineri salvâ conscientia potest, saltem, quàm diu ei non contradicitur. E contra, licet civilia judicia, illum, ut dominum tueantur, qui malâ fide rem præscripsit; nihilomagiùs tamen hujusmodi præscribens in *foro poli* tutus est. Itaque justitia *externa* duntaxat hac in parte gentibus sufficiebat. Nam facultas vindicandi servum & cogendi, imò & vincendi, ac res ejus habendi, sufficiebat; ut captis captores vellent vitam relinquere: quam ad illos religionis vinculo contringendos, potuerint ab iisdem insuper juratam fidem exigere. *Ratio* positæ resolutionis nostræ est; quòd in lege, quæ non ex æquitate naturali, sed majoris mali vitandi causâ, lata est, temerè non sit facienda interpretatio, quæ peccato obnoxium faciat actum cæteroquin licitum. Quòd respiciens *Florentinus Juris-Consultus* dixit: *l. Nihil. ff. De captiv. Nihil interest, quomodo captivus reversus est: utrum dimissus, an vi, vel fallaciâ, potestatem hostium evaserit?* Rationationis est; quia jus captivitatis, quò ad effectus quoddam, tale jus est, ut alio sensu, plerumque *injuria* sit; puta: si id, quod rei intrinsecum est, spectemus; quo respectu, *Paulus JCtus* captivitatis jus, *injuriam* vocavit.

Ex theoria ista sequitur; quòd si quis in bello injusto captus, in potestatem hostium devenerit, furti crimen non committat, si res suas subducatur, aut laboris sui mercedem, si quam, supra alimenta, præ-

stari æquum est. Quo pacto Hebræi excusabiles erant, dum egressi ex Ægypto, secum tulerunt res multas Ægyptiorum. Id enim sine reatu facere potuerunt, primum quidem, ut ministerii tam longi temporis, mercedem condignam haberent; deinde pro servitute per vim imposita, poenam non parem, sed multo minorem expetentes.

Nec OBEST; quod servi in fuga deprehensi, aut res suas subducentes, graviter à dominis castigentur. Non inquam hoc obest; domini enim potentiores, suis freti viribus, hæc & similia multa faciunt, non quia æqua sunt; sed, quia sibi utilia, aut ita placita sunt.

DICES: *Can. Si quis servum. 17. quest.* 4. & *can. seq.* prohibetur, ne quis suasu suo, servum à ministerio domini sui abstrahat. RESP. Canones illos loqui de servis, qui in poenam criminis admissi, servitutem sentiunt, aut: qui voluntaria pactione, sese dominis addixerunt, hisque ex iustitia servire debent; non verò de iis, qui bello *injusto* capti, aut ex huiusmodi captivis nati sunt; quanquam neque his Christianis, Christianos, authores desertionis esse debeat, sed potius patientiæ, ne, si servis *per se* licitam etiam fugam suadeant; aliorum animos à Christianismo alienos, aut alioquin infirmos offendant. Parili sensu, capi possunt Apostolorum ad servos exhortationes, quæ quatenus servis obedientiam & fidele obsequium erga Dominos inculcant; hunc sensum habent; quod servi in actuali servitute existentes, & alimenta tanquam mercedem operum percipientes, dominos suos fraudare non debeant.

OBSTISTES: Si domino non nisi jus illud *externum & forense* competat in servum; ergo servus domino jus illud *externum* exequenti, illa iustitia internæ officio, resistere possit; sed hoc admitti nequit;

ergo nec illud. RESP. *Negando sequelam majoris.* Nam jus illud *externum*, necdum in agendi impunitate, sed & iudiciorum tutela consistens, inane foret: si ex adverso resistendi jus maneret. Si enim domino vi resistere liceret, liceret & resistere Magistratui dominum tuenti, qui dominum, jure gentium, in usu hujus domini defendere & manutene debet. Itaque, sicut summis in civitate potestatibus oblucri non est concessum, sic nec servis licet resistere dominis. Ita enim [docente Magno Patre Augustino] à plebeis, Principes, & à servis, Domini ferendi sunt; ut sub exercitatione tolerantia, suscineantur temporalia, & sperentur eterna. Dixi supra: in bello *injusto*. Verius enim est, in bello iusto captos, secundum iustitiam *internam*, licite auferre non posse, nisi intolerabilis sævitia dominorum hanc imponat fugiendi necessitatem, & veniam præbeat. Confer Grotium lib. 3. De jure B. & P. cap. 14. §. 7.

Cæterum, JCSI Romani, potiores partem, totius nomine compellantes, etsi universaliter loquantur; jus tamen illud gentium de captivis, nec apud Hebræos viguit, nec modò viget inter Christianos, siquidem apud Hebræos, qui specialibus statutis, ab aliorum populorum moribus, & communione segregabantur; servis, qui nullâ suâ culpâ, in eam calamitatem devenerant, asylum concedebatur Deuter. 23. §. 15. ibi: *Non trades servum domino suo, qui ad te confugerit.* & §. 16. *Habitabis tecum in loco, qui ei placuerit, & in una arborum tuarum requiescet, ne contristes eum.* De Christianorum moribus, pluries diximus; inter illos invicem belligerantes, captos non subire servitutis jugum; cò quod Christiani, à divino charitatis Præceptore suo reclusi instituti sint; quàm, ut à miseris hominibus trucidandis cohiberi nequirent, nisi minoris

fac-

sevitiae indultu. Quinimò, idipsum jam olim observatum fuisse inter gentes eandem religionem profitentes, memorat Boërius, *Decisione* 178. ubi addit observari in *Francia, Anglia & Hispania*; ut, si captus sit Dux, Comes aut Baro; is non militum capientium sit, sed Principis, cujus auspiciis bellum geritur.

206. Sicut Gentium jure, victor victos sibi subjicere potest *singulos*, ita & *universos*, sive illi civitas fuerint, sive civitatis pars. Subjicere (inquam) aut singulos aut universos potest, aut *merè civiliter*, aut *merè heriliter*, aut *mixtim*. Victor enim victis, non ad alterius præscriptum, sed ad suum arbitrium imperare potest. Non semper tamen devicto & capto Rege, totum imperium in populum acquiritur in illo nempe casu, quo aliud jus est penes Regem, aliud penes populum. Hinc dum *Hunni* contendebant, suos esse *Gepidas*, eò quòd Regem eorum cepissent; merito id negarunt *Romani*; quia *Gepida* habebant Principem magis, quàm Regem, nec in Principis sui *Patrimonio* erant. Econtra *Henricus, Friderici Barbarossæ filius*, capta *Siciliâ, Epidamnum, Thessalonicam*, aliâque à *Siculis* possessa, sibi vindicabat. Itaque imperium victori acquiri potest, vel tantum, ut est in Rege, aut alio imperante; & tunc tantum in ejus jus succeditur, non ultra; vel etiam; ut est in populo; & tunc totum id potest, quod populus poterat, sive: sit dominus populi. Quo casu, Victor ita populum sibi subjicere potest, ut, quæ civitas fuit, civitas esse desinat; vel: quia sit accessio alterius civitatis; vel: quia nulli civitati adhæret aut adjicitur, sed seorsum, singulari modo, regitur. Porro imperium tendens in solius regentis utilitatem, vocatur *herile*; *civile* verò, si tendat in utilitatem eorum, qui reguntur. *Hoc* inter homines liberos lo-

cum habet; *illud* inter dominos & servos; & qui tali tenetur imperio populus, non vocatur *civitas*, sed *magna famulia*. *Maximè* denique dicitur imperium, quod ex civili & herili coalescit, & de utroque aliquid participat, puta: cùm servitus miscetur cum aliqua personali libertate. Ex his

207. RESULTAT: quòd, sicut res singulorum, jure belli, illorum fiunt, qui illos evicerunt; ita & res universitatis devictæ, victori cedant, si is ita voluerit, neque inter deditioem, *absolutè* & absolute conditione factam; ac armatam capturam, catenus discrimen est statuendum. Quod enim vis aliquin esset ereptura, hoc deditio sponte permittit. Unde & incorporalia jura, quæ universitatis fuerant, sicut victoris, quatenus velit. Proinde *Alexander Magnus, Thebarum* dominus effectus, jure victoriæ, validè *Thessalos* liberavit ab obligatione centum talentorum, quæ ipsi debebant *Thebanis*. Regerebant quidem Thebani, aut pro Thebanis alii; id duntaxat victoris esse, quod ipse apprehenderit & teneat; adeoque eò referri non posse jura *incorporalia*, quæ manu apprehendi non possunt: nem aliam esse conditionem *heredis*, aliam *victoris*; eò quòd ad *illum* jus, ad hunc verò res transeat. Sed ratio in contrarium probat: quòd *Alexander Thessalis* hanc liberationis donationem facere potuerit: siquidem, qui dominus est personarum, idem & rerum, ac omnis juris est, quod personis competit. *l. qui in servitute est. ff. De R. J.* & qui possidetur, non possidet sibi; nec in potestate sua quidquam habet, qui suæ potestatis non est. Quinimò, etiam si victor, populo victo, jus civitatis relinquat; poterit nihilominus jura civitatis constringere; & quadam sibi appropriare; quia in ipsius arbitrio est, quem velit esse beneficii sui modum.

Ha.

SECTIO UNDECIMA

De Jure Postliminii.

autem veri patresfamilias sunt, omnibus in familia sua, tanquam filiis ad colendum & promerendum Deum, consulunt.

209. Servis, non tantum pro opera, debentur alimenta & vestimenta necessaria; sed & beneficium à domino, ac gratitudo præstari merito potest; puta: si non ex imperio domini, sed sponte, extraordinaria servitia præstiterint. Ex quo inductum; ut, si quid servus, genium seu ventrem suum defraudando, & tenuius vivendo, comparissset, aut singulari diligentia, per labores insolitos acquisivisset, id aliquo modo ipsius esset. Unde Theophilus *Instit.* Quod cum eo qui in alt. potest. &c. Servi peculium definit: naturale patrimonium.

Cui non obstat; quòd dominus pro arbitrio suo, possit servo adimere vel minuere peculium: si enim dominus naturalem sequi velit aequitatem; id absque causa non faciet. Causa autem esse potest, aut servi delictum, aut domini necessitas. Siquidem servi utilitas, magis utilitatibus domini sub servire debet, quam res civium civitati.

Ob hanc æquitatis naturalis rationem, apud Græcos, servis durius habitis licebat ad venditionem sui provocare, & Romæ ad statuas confugere, aut Præsidum implorare opem, contra dominorum sævitiam, vel intolerabilem injuriam. Vide *tit. Instit. De his, qui sui vel alie. jur.* Jure quoque Romanorum, in favorem servorum, introductum noscitur beneficium manumissionis. Sed Romanorum jure, benignior fuit vetus lex, *Deuteron. 15. & 12.* Hebræis data, vigore cujus, certo tempore exacto, servus Hebræus manumitti omnino jubetur. Sic enim disponit lex: Cum tibi venditus fuerit frater tuus Hebræus, aut Hebræa, & sex annis servierit tibi; in septimo anno dimittes eum liberum: & quem libertate donaveris, nequaquam vacuum abire patieris: sed dabis viaticum de gregibus & de area & torculari tuo, quibus Dominus Deus tuus benedixerit tibi.

210. *Postliminii* vox composita est ex *post* & *limen*; & *eliminare* idem est, ac è finibus ejicere; & ideo veteres *exilium* vocabant *eliminum*. Jurisperitis, *Postliminium* est jus, quod nascitur ex reditu in limen, id est fines publicos. Sic Pomponius *l. Postliminii §. 1. ff. De captivo.* reversionem *postliminio* ait, qui intra esse coepit. Ex paritate autem rationis, Gentium consensu, res eò perducta est, ut *Postliminium*, locum quoque haberet, si quis homo, aut res ejus generis, in quo *Postliminium* esse placuerat, pervenisset ad amicos nostros, non quidem qualescunque & peccatos, seu bello non implicitos, sed illos; qui in bello eandem nobiscum partes sequuntur, ad hos enim qui venerunt, ut *Paulus* loquitur *l. Postliminium. §. Postliminii ff. eod.* nomine publico, tuti esse incipiunt. Nichil enim interest; homo aut res, ad hos aut suos pervenerit. Pro dilucidatione hujus materie.

211. *SCISCITABERIS* 1mo. Utrum in pace sit *Postliminium*, sive: an pax semper importet *Postliminium*? *RESP.* In pace [nisi aliter convenerit] *Postliminium* quidem est his, qui non virtute bellica superati, sed fato suo deprehensi sunt apud hostes, bellò subito exortò: aliis verò captivis *Postliminium* non nascitur, nisi id speciatim pactis fuerit comprehensum. *Ratio discriminis* est; quòd capti in actuali prælio, habeantur tanquam ex justa causa capti, utraque enim beligerantium pars putat, sibi injuriam fieri ab adversariis repugnantibus: capti verò aut detenti in loco, ubi exorto bello existerant, nullius injuriæ vel improbi conatus argui possunt. Unde, licet taliter de-

deprehenſi, ad minuendas hoſtium vires, durante bello, detineri poſſint; facta tamen pace, nil obtendi poteſt, quod minus dimittantur. Itaque moribus receptum eſt, ut tales, vigore pacis, ſemper libertatem conſequerentur tanquam innocentes, in cæteros verò, ut quiſque uſurparet, quod vellet credi jura eſſe, niſi certi aliquid pactis præſcriptum foret. Atque eam ob cauſam, nec ſervi, nec res captæ, virtute pacis redduntur, niſi pactis ita convenerit, quia victor credi vult, juſ ſibi fuiſſe, illa quaerendi.

212. SCISCITABERIS 2dò. An & quatenus durante bello, Poſtliminium obtineat? RESP. Ut in primis ei, qui ante captivitatem liber homo fuerat, proſit Poſtliminium; oportet, ut eo animo ad ſuos reverſus ſit, tanquam res ipſorum ſecuturus Nam, ut quis ſervus effectus, liber fiat; ſe debet quadatenus acquirere, quod non eſt, niſi volentis. Perinde autem eſt, num quis vi bellicâ, hoſtibus ereptus ſit, an verò dolo ab hoſtibus profugerit. *l. nihil. ff. De captiv.* Idem eſt, ſi quis ſpontè ab hoſtibus ad ſuos fuerit remiſſus. Cæterum, liber homo, poſtquam ad ſuos rediit, non ſe tantum ſibi acquirit; ſed & res omnes ſive corporales ſive incorporeales, quas habuerat apud populos pacatos, recuperat. *Ratio:* Quia dominium quod habebat in res ejus, is, qui belli jure cum poſſidebat, erat *conditionatum*, niſi nempe captus ad ſuos perveniret. Proinde, ſi victor captum hominem perdiderit, perdit quoque res ejus, tanquam hominis acceſſorium. Quòd, ſi quis titulum habeat, v. g. emptionis, donationis &c. ab eo, qui jure belli, eo tempore dominus rei erat; Distinguendum eſt inter res, quæ ejus ſunt generis, ut poſtliminio redeant, & quæ extra id genus ſunt. *Illæ* enim videntur alienata cum ſua cauſa, & ſub conditione, hæc verò ſimpliciter.

213. Regula quidem eſt quod Poſtliminio rediens, ita omnia ſua jura recuperet ac ſi nunquam captus fuiſſet ab hoſtibus. *l. in bello. §. cætera. l. mulier. ff. De captiv.* Exceptionem tamen facit *Paulus in l. Poſtliminio. ibid.* dicens: *Poſtliminio caret qui armis viſi, hoſtibus ſe dederunt.* Videlicet eo pacto, ne ſua repetere poſſent. Pactiones enim cum hoſtibus factæ, jure Gentium ſubſiſtunt, nec adverſus eas datur Poſtliminium. Quòd, ſi qui ſine ulla pactione, ſe hoſtibus dederint, iis prodeſſe Poſtliminium *Modestinus ibid.* reſpondit: in *l. eos qui.* Cæterum, quod juris eſt in perſonis ſingulis, id etiam in populo integro obtinere videtur; ita, ut, qui liber antecederet fuerat, ſuam recuperet libertatem, ſi fortè per ſocios hoſtili imperio exemptus fuerit. EXCIPE: niſi ipſa multitudo quæ civitatem conſtituerat, ab hoſte ſeu victore diſſoluta fuerit. Tali enim caſu, non videtur idem populus manſiſſe, qui Poſtliminium prætereunde poſſit, non magis, quàm non ſit navis eadem, quæ in partes integrantes diſſoluta eſt: natura enim populi, in perpetua conjunctione conſiſtit.

Altera, à ſupra poſita Regula, *exceptio* eſt in *transfugis*, hi enim jure civili Romano, redeuntes, Poſtliminio non gaudent. *l. Poſtliminium. §. transfuge. & §. filius quoque. ff. De captiv.* Detrahit & hoc aliquid de jure Poſtliminii, quod legibus Romanis conſtitutum legitur, videlicet: quod redemptus ab hoſtibus, redemptori ſervire debeat, donec pretium reddiderit, quod favore libertatis introductum, ne ademptâ ſpe recuperandæ pecuniæ, multi in hoſtium poteſtate relinquerentur. Verùm hæc ipſa ſervitus, iſdem Romanis legibus mitigata conſpicitur. Si quidem poſtrema *juſtiniani* conſtitutione, finitur operis *quinquennio* præſtitis: morte quoque redempti, juſ repetendæ pecuniæ extinguitur, quod & remiſſum cenſetur contra-

tractu

tracto inter redimentem & redemptum matrimonio. *l. Si patre. ff. De captiv. l. Si is, qui se. Cod. de Postlim.* Auctum præterea est jus Postliminii; adeo, ut quæ per *usucapionem* è bonis substracta, aut non *utendo* amissa esse videbantur, *actione rescissoria* restitui tuerint iusta. Nam in Edicto de majoribus restituendis in integrum, comprehenditur & is, qui in hostium fuit potestate. *l. Ab hostibus. C. De Postlimin. l. 1. §. 1. ff. Quib. ex causis majores &c.* Quinimò *lex Cornelia*, etiam hæredibus consuluit eorum, qui capti apud hostes discessissent, bona eorum conservans, perinde, ac si is, qui non rediit, primo captivitatis momento, mortuus fuisset. Profecto; præscindendo ab his legibus civilibus, capti bona, statim à capturæ momento, acquisita fuissent captoribus, quia, qui apud hostes est, pro nullo habetur.

214. Homines, qui ante captivitatem, liberi fuerunt, Postliminio reversi, dicto modo, jura sua recuperant. Sed quid, si servi & ancillæ nostræ, ab hostibus capti revertantur? *RESP.* & hi nobis reddendi sunt, non obstante, quòd sæpius alienati, aut ab hoste manumissi sint: quia manumissio ab hoste facta, civi nostro, servi domino, obesse non potest, ut resolvit Tryphonius. *l. in bello. §. manumittendo. ff. De captiv.* Cæterum, à libero homine, in hoc, differt servus, quòd, ut hic Postliminio agnitus, à domino recipiatur, non sit necesse, ut *animò res nostras sequendi* venerit: id enim requiritur in eo, qui se recepturus est, non in eo, qui ab altero sit recipiendus. Neque ab hoc Gentium jure, *lex Romana* exceperit servos transfugas; siquidem & in his, dominus pristinum jus recuperat. *l. Postliminium. §. si verò servus. eod. tit.* Servi ab hostibus redempti, Romano jure, protinus quidem sunt redimentis, equidem oblato pretio, domino reddi jubentur.

A Hochkirchen, Ethic. Cbrist. Pars II.

215. Inter res, quæ jure Postliminii recuperantur, præcipue numerantur agri. Expulsi enim hostibus ex agris, quos ceperant, dominia eorum ad pristinos dominos redire, respondit *Pomponius* in *l. si captivus. §. verum est. ff. De captiv.* Expulsi autem hostes porro intelliguntur, ex quo apertè eò amplius reverti non audent. Sic agros è Gothorum & Vandalorum potestate ereptos, veterum possessorum hæredibus reddiderunt *Justinianus* aliiq; Imperatores, non admissis adversus dominos præscriptionibus illis, quas Romanæ leges induxerant. *Novell. 36. Vide Guciacum ad tit. Cod. De præscriptione 30. annorum.* Hoc à fortiori procedit de locis sacris vel religiosis ab hac calamitate liberatis. *l. cum loca. ff. De Religiosis &c.* Porro, quod de agris dictum, id quoque dicendum de omni eo, quod solo adhæret; imò & usufructus agri recepti restituendus est, argumentò ejus, quod de agro inundato, postmodum exsiccato, *Pomponius* respondit in *l. Si ager. ff. quib. modis usufr. amitt.*

216. Si de mobilibus loquamur, certa generalis in contrarium Regula est; quòd ab hostibus capta, Postliminio non redeant, sed in præda sint; adeo, ut commercio comparata, ubicunque reperiantur, maneat ejus, qui emit; nec apud pacatos reperta, aut intra fines perducta vindicari possint à pristinis dominis. *Excipe* res, à Piratis aut latronibus sublatas, & ab aliis emptas. Quia jus Gentium, Piratis aut latronibus non concessit, ut jus domini intervertere queant. *l. Hostes & latrones. ff. De captiv. l. Postliminium. §. à piratis. eod. tit.* Proinde res ab ipsis captæ, ubicunq; reperiantur; à dominis vindicari possunt, quanquam æquitas naturalis postulet, ut ei, qui suo sumptu, possessionem hujusmodi rei adeptus est, tantum refundatur, quantum dominus ipse, ad rem suam recuperandam liberet impensurus fuisset.

T t

Hæc,

Hæc, licet ita sint; potuit tamen aliud lege civili constitui, sicut defacto in *Hispania* constitutum, ut naves à piratis captæ, eorum fiant, qui eas piratis eripuerint. Neque hoc iniquum est, ut præsertim in tanta recuperandi difficultate, res privata cedat publicæ utilitati. Vide *Covarruviam* ad *Reg. peccatum. part. 2. §. 2. n. 8.* Verùm, particularis ista constitutio, quæ & apud *Venetos* recepta dicitur, aliis nationibus normam non imponit.

217. Hactenus egimus de rebus in bello *iusto* captis, quæ Gentium jure, capientio fiunt, & quarum aliquæ Postliminio redeunt: si autem de rebus in bello *injusto* captis & raptis, denuò loqui velimus; certum est: quod in foro poli, & secundum justitiam internam, res taliter captæ, non tantum ab iis, qui ceperunt, sed & ab aliis, ad quos quoquo modo pervenerunt, veris dominis restituentur sint. Exi igitur secundus aut tertius possessor, iudicis autoritate, pro foro externo, contra extraneum manutenendus sit; non erit tamen tuendus adversus eum, cui res per injuriam surrepta est. Nam spectatâ justitiâ internâ, bellum injustum, à latrocinio nihil distat. Sicut autem res domino reddendæ sunt, ita & populi, & homines singuli, reddendi sunt his, qui jus imperii dominiive habuerant. Quod, si populi aut homines singuli, *sui juris*, & liberi fuerint ante vim injustam, juri suo, suæque libertati reddendi & restituenti erunt.

218. Itaque, si belli causa injusta sit, utcumque solemnî modo susceptum fuerit, injusti, coram Deo, sunt omnes actus inde nascentes: proinde, qui scientes & volentes tales actus exercent, aut ad eos efficaciter concurrunt, de eorum numero sunt, qui ad regnum cœlestē, sine pœnitentia pervenire non possunt. Vera autem pœnitentia postulat, ut is, qui, sive interficiendo, sive res corrumpendo, sive præ-

das agendo, damnum dedit, illud reficiat, quatenus potest. Quia non dimittitur peccatum, nisi restituatur ablatum. Et ideo *Isaie* 58. v. 5. & seq. Deus negat sibi grata esse jejunia eorum, qui, non jure captos, detinebant: & dum Ninivitis Rex indixit *justitium*, præcepit ipsis: ut à rapinis manus evacuant. Ratio enim naturalis dicat, sine tali restitutione, pœnitentiam non agi, sed fingi; id quod non modo Judæi & Christiani, sed & Mahometani, verum esse agnoscunt, teste *Leunclavio. Turcicorum. §. 17.* Nam, ut ait Divus P. Augustinus, *Epist. 54. ad Macedonium. Si res aliena, propter quam peccatum est, reddi possit & non redditur; pœnitentia non agitur, sed simulatur.*

Ex iis autem, quæ de modo & ordine restituendi, alibi diximus, facili colligitur: quod, qui mandando vel consulendo, belli authores fuerunt, refarcire teneantur damna omnia, quæ per arma injusta, aliis illata fuerunt. Idem est, si, cum possent, damnum dari non prohibuerunt, vel non impediverunt. Unde Belliduces tenentur de his, quæ eorum ductu facta sunt. Milites quoque, qui ad actum aliquem communem, puta: urbis incendium, concurrerunt, tenentur omnes in solidum: in actibus autem dividuis, quisque non ultra obligatur, quam quatenus causa damni fuit. Vide dicta *lib. 1. cap. 11. n. §1. pag. 374.*

Nec OBER: quod gregarius miles possit dolo vacare, Nam nisi & culpâ vacet, ita ut nihil ei imputari possit, non erit immunis à restitutione, cui, sine dolo, culpa, obnoxium reddit illum, qui alteri operam navat. Neque rectè sentiunt, qui res in bello injusto captas, ideo arbitrantur reddendas non esse, quod belligerantes, cum bellum inceperunt, reputentur sibi mutuo donasse, quod hinc inde captum fuerit. Non inquam hoc admitti potest; quia nemo temerè suum jactare,

aut iniquo raptori donare præsumitur, & bellum longè abest à contractu naturali.

Diximus alibi, etiam cum, qui ipse damnum non dedit, equidem rem bello injusto captam ab alio, penes se habet, teneri eam reddere. *Ratio* est: Quia, cur alter eam privari deberet, nulla causa naturaliter subest, non consensus ipsius, non delictum; neque compensatio, ut supponitur. Poterit tamen, si quid sumptus aut operæ impendit is, qui rem tenet, tantum deducere, quantum domino valet recuperare desperatam possessionem. Quinimò, si rei talis possessor, bonâ fide illam consumpserit, vel alienaverit, non ultra tenebitur, quam inde factus fuerit ditior, juxta Theoriam traditam. *suprà. cap. 5. n. 85. & seq. pag. 113.*

SECTIO DUODECIMA.

De Fide inter Hostes.

219. Magnus Pater Augustinus, *Epist. 205. Ad Bonifacium. Fides* (inquit) *quando promittitur, etiam hosti servanda est, contra quem bellum geritur.* Atque hoc argumentum, idem S. Doctor latè prosequitur *Epist. 225. Ratio* est: Quia, qui hostes sunt, homines esse non desinunt: homines autem omnes usum rationis nacti, capaces sunt juris esse promisso. Unde erravit Cicero, dum censuit, nobis nullam esse cum Tyrannis aut piratis, fidei, aut jurisjurandi communionem: ex quo errore & alius pululavit, quem tradidit Michael Ephesius, contendens: in tyranni uxorem, adulterium non committi, id quod & quidam Judæorum Magistri, de mulieribus alienigenis censuerunt: quia earum conjugia, pro nullis habebant. Mirum autem est, quod Julius Cæsar egregius alioquin JCtus, in §. *Homicidium. n. 66.* ratus fuerit, forniciam bannitam impune adulterio cor-

rumpi posse. Hoc quidem damus: quòd cum piratis & latronibus non sit ista specialis communio, quam inter hostes, in bello solemnî & pleno, jus Gentium introduxit: nihilominus, quia piratæ, homines sunt, communionem habent juris naturalis; & ideo pacta cum ipsis inita, servanda sunt.

220. DICES 1^{mo}. Qui atrociter malefici, seu banniti sunt, inspecto jure naturali, à quolibet impunè possunt, in pœnam, occidi: ergo & possunt rebus & juribus suis spoliari. Nam ut rectè dixit Cicero, *de Officiis. 3. Non est contra naturam, spoliare eum si possis, quem bonestum est necare.* Jam vero inter jura, quæ pirata habere potest, est & illud, quod ipsi ex promisso questum. Ergo ei hoc jus, in pœnam, auferri potest. *RESP. Disting. hoc ultimum illatum.* Ergo ei hoc jus, in pœnam, potest auferri, si non sit actum cum pirata quâ tali. *Conc.* si fuerit actum cum illo quâ tali, seu quâ malefico. *N.* Hoc enim casu, simul actum censetur de pœna remittenda. *Ratio:* quia semper ea sumenda est interpretatio, quæ caver, ne actus reddatur nullus.

DICES 2^{do}. Qui per metum, alium adegit ad promittendum, tenetur ipsum à promisso liberare. Ergo promissio latroni facta non obligat promissorem. *RESP. Dist. Conseq.* Ergo promissio latroni facta non obligat promissorem, si is per metum injustè incussum, qui dederit causam actui, ad promittendum inductus fuerit. *Conc.* Secus *Neg.* Profectò, qui latroni pecuniam promisit, ut amicum è manibus ejus eriperet, promisso stare tenetur, quia ipsi promittenti metus illatus non est, sed ad promittendum spontè venit. Caterùm, ut alibi dictum, qui injusto metu coactus promisit, teneri poterit accedente juramento, quia exinde homo non tantum homini, sed & Deo obstringitur, adversum quem non datur metus exceptio, quam

quam ex solo hujusmodi promittentis vin-
 quam, hæres ejus non teneatur; siquidem
 in hæredem illa solum transeunt, quæ ex
 primæva domini lege, sunt in hominum
 commercio, è quorum censu non est jus
 illud Deo quæsitum. Porro; hoc ultro da-
 mus, fidei, etiam juratæ datæ Prædoni,
 violatorem, eo nomine, apud alias gentes
 non habendum tanquam prævaricationis
 reum; quia odio prædonum, Gentibus
 placuit dissimulare ea, quæ adversus hu-
 jusmodi improbos homines committuntur.

221. Bellum solemne & publicum ut-
 rimque indictum, sicut alia habet pecu-
 liaria, in *jure externo* merè consilientia;
 ita & hoc habet singulare, ut quæ in eo
 bello, aut ejus finiendi causâ promittun-
 tur, adeò reputentur valida, ut ex causa
 metûs injustè illati, invitò promissariò,
 in irritum deduci nequeant. Sicut enim
 alia quamvis vitio non carentia, ex Gen-
 tium jure, pro justis habentur; ita quæ ex
 metu, in tali bello, utrimque gesta sunt,
 valida censentur. *Ratio* est; quia nisi id
 placuisset, talibus bellis, quæ valde sunt
 frequentia, nec modus nec finis posset im-
 poni, quod tamen ut fiat, interest huma-
 ni generis. Ex quo tamen non rectè intu-
 leri, cum, qui tale quid bello injusto ex-
 torfit, salvâ pietate, salvisque boni viri
 officiis, illud retinere posse, aut coge-
 re alterum posse, ut stet pactis sive ju-
 ratis sive non juratis: per ipsam enim rei na-
 turam, in *fero poli*, seu coram Deo, id ma-
 net injustum, adeò, ut interna hæc inju-
 stitia actûs tolli nequeat, nisi per novum
 & verè liberum consensum. Ex dictis

Resultat: etiam perfidis in gratiam re-
 ceptis, fidem datam servandam esse; ita ut
 non liceat, dolosa pactione, perfidos de-

ludere, & perfidiâ perfidiam ulcisci.

222. Fieri tamen potest, ut quis absq;
 perfidia non præstet, quod promissit, ve-
 luti: si in condicionali promisso, conditio
 non purificetur. Obligatio enim sub con-
 ditione contracta, defectu conditionis, eva-
 nescit. Unde, si prior non impleverit,
 quod ex sua parte implere tenebatur, alter
 quoque vicissim pacto stare non tenetur. Sic
 unius ejusdemque contractûs capita sin-
 gula, alia aliis inesse videntur per modum
 conditionis, perinde, ac si expressum es-
 set: *hæc ita faciam, si alter faciat, quæ pro-*
missit. Quod si alia contrahentium mens
 fuerit; pro cautela adjungi & exprimi
 conveniet, ut: si contra hanc vel illam
 partem quid fiat, cætera nihilominus con-
 tractûs capitula, rata mancant. Poterit
 quoque promissor, per compensationem,
 fidem promissionis explere. Sic: quod pro-
 missimus, poterit non præstari, si res pro-
 missa pluris non valet, quàm res nostra,
 quæ, sine jure, est penes promissarium,
 quàmque aliter consequi non possumus.
 Jure quidem Civili, quisque quod suum
 est, aut sibi debetur, per competentem
 actionis formulam, in judicio petere de-
 bet; sed jure gentium, & inter populos
 diversos, de plano proceditur; ubi scilicet
 alia juris sui obtinendi spes non afful-
 get. Idem dicendum erit, si is, qui pro-
 missum petit, non sit quidem promissori
 vicissim obligatus ex contractu, bene ta-
 men ex delicto. Pone: quod Titius Sem-
 pronio promiserit centum, & quod Sem-
 pronius cæcis arboribus, aut abactis pecu-
 dibus, tantundem damni intulerit Titio.
 En! tali casu Titius rectè removebit *Sem-*
pronium petentem centum.



CAPUT IX.


D E

P A C E,

E T

His, quæ Pacem concomitantur
ac subsequuntur.

S U M M A R I U M.

- | | |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1  Uid sit Pax;
2 Pax de se, perpetua
3 est ab armis cessatio.
Pax qualiter differat
à Treuga. Item à
fiedere?
4 Quis propriè pacem pangere pos-
sit?
5 Rex minorenis, mente captus,
aut furiosus, pacem facere non
potest.
6 An Rex captivus eâ gaudeat po-
testate? sub distinctione resolvitur.
7 In statu Aristocratico vel Demo-</p> | <p>cratico, quis, aut quoniam de pace
statuere queant?
8 Bellidux, injussu Regis aut populi,
facultatem non habet faciendæ
pacis.
9 Id quod verum, licet generali
mandato munitus sit.
10 Super brevibus tamen induciis
cum hoste convenire potest.
11 Pax, ad instar transactionis, pera-
gi solet.
12 Pacificantium conventiones adæ-
quatè ad duo reducuntur capita.
13 Amnestia quid importet?</p> |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

- 14 *Simplex indulgentia non restituit bona aut actiones pristinas.*
- 15 *Num paci naturaliter inest postliminium?*
- 16 *Quid, si pax cum Piratis, aut rebellibus inita fuerit?*
- 17 *Adversus rebelles justum bellum geritur, & bi, ut amissas possessiones recuperent, speciali Principis gratia opus habent.*
- 18 *Restitutio, quæ post pacem facienda, non tam ex jure postliminii, quam ex pactis, proficiscitur.*
- 19 *Quæ de rebus, ex pacto, utrimque restituendis, facienda sit interpretatio?*
- 20 *Restitutionis vocabulo, quid contineatur?*
- 21 *Quid, si res restituenda, fuerit consumpta?*
- 22 *Quatenus causa pacis sit favorabilis, & quousque favor iste prorogandus?*
- 23 *Quid, si pace dictum sit, ut restitutio fiat plenissima?*
- 24 *An, & quatenus, fructus cum ipsa re principali, veniant restituendi?*
- 25 *Ubi distinctio facienda inter male, & bonæ fidei possessorem.*
- 26 *Jure naturæ, facienda ea est interpretatio, ut unusquisque quantum fieri potest, indemnus reddatur.*
- 27 *Quid, si in pacis tractatu, nihil cautum fuerit de faciendâ restitutione?*
- 28 *In pace, facilius Reges aut populi censentur sibi mutuo quid condonasse, aut remisisse, quam privati.*
- 29 *Nomina Regionum, ex usu præsentis, temporis, in pacis instrumento, capienda sunt.*
- 30 *Regulariter contra eum faciendâ est interpretatio, qui conditiones posuit.*
- 31 *Proponitur status quæstionis, num scilicet, & quatenus Princeps pacem faciendâ, privatis præjudicare queat?*
- 32 *Regulariter, ne Principis quidem factio, quod nostrum est, nobis invitis adimi potest.*
- 33 *Causa pacis, ab hac regula exceptionem facit.*
- 34 *Salus populi, suprema lex est, cui cedere debet utilitas privata.*
- 35 *Æquitas postulat, ut his, qui pro communi bono res suas amiserunt, detrimentum resarciatur.*
- 36 *Quod limitandum imò: Si quid damnum passis privatim imputari possit.*
- 37 *add. Si desint media, unde privati damnum resarciri possit.*
- 38 *Si in pacificatione dictum: quod plenissima fieri debeat restitutio; tunc omnia redintegrandâ, & quantum fieri potest, in pristinum statum reponenda.*
- 39 *In Republica, prima cura est habenda circa Religionem.*
- 40 *Quatenus pacis causâ, Hæresis tollerari possit?*
- 41 *Respondetur ad Objectiones.*
- 42 *Fides pace datâ, omnino servanda est.*
- 43 *Fides hosti, etiam bello durante, datâ, servanda est.*


- 44 *Frustra tamen fidem quis ab altero præstari postulat, qui ipse perfidus est.*
- 45 *Subditi, fidem Principis sui infringere nequeunt.*
- 46 *Cujus sit resolvere dubia, circa pacis articulos orta.*
- 47 *Pacta cum subditis rebellibus inita, religiosè sunt observanda.*
- 48 *An, & quatenus Rex, contra-ctus à se initos irritare, aut semet à juramenti vinculo eximere queat?*
- 49 *Distinguendum est inter actus à Rege gestos.*
- 50 *Actus à Rege gestus contra leges fundamentales Regni, à populo irritari potest.*
- 51 *Actus à Rege tanquam ab homine privato gestus, per legum auxilium rescindi potest.*
- 52 *Refellitur Bodinus, qui contendit; Regem pro lubitu posse rescindere pacta à se etiam jurata.*
- 53 *Rex subditis jus etiam quæsitum auferre potest; aut in poenam; aut ex vi dominii eminentis.*
- 54 *Regnum, aliud est patrimoniale, aliud non patrimoniale.*
- 55 *In Regno patrimoniali, successor tenetur pactis & conventionibus Antecessorum, quod secus est in Regno electivo, aut legitimo, in quo successor tenetur observare pacta mediante populo.*
- 56 *Quid, Rex, restrictam habens potestatem, possit, vel non?*
- 57 *Refellitur Cabotii error.*
- 58 *Erroris istius fundamentum eradicator.*
- 59 *Conventiones, aut publicæ, aut privatæ sunt.*
- 60 *Publicarum conventionum subdivisio.*
- 61 *Fœdere interdum concluditur quid, quod alioquin est juris naturalis præceptivi.*
- 62 *Fœdera juri naturali aliquid ad-jicientia, aut æqualia sunt, aut inæqualia.*
- 63 *Fœdus, quæ ratione, æquale pos-sit esse?*
- 64 *An, & quæ ratione prohibitum sit, aut fuerit aliquando, in veteri le-gæ, inire fœdus cum exteris à Re-ligione alienis?*
- 65 *Quid nova lex, hac in parte no-bis præcipiat?*
- 66 *In thesi, & generatim, societas sive bellica, sive civilis, cum gen-tilibus vel hæreticis, non continet intrinsecam pravitatem.*
- 67 *Si orthodoxa non attingatur Re-ligio; etiam Christiani possunt o-pem ferre infidelibus, à Principe Christiano, sine legitima causâ, in vasis & oppressis.*
- 68 *Reinkingius, quod nobis negat, ipse concedit.*
- 69 *Rejicitur Boceri distinctio.*
- 70 *Expenditur, & largè, pro casuum diversitate, exponitur, quæ ratione Doctor Gentium Christianis in-terdixerit conversationem cum infidelibus.*
- 71 *Quatenus fœdera cum infidelibus sint prohibita?*
- 72 *Fœdus cum infidelibus, per se, seu intrinsecè, non est malum.*

- 73 *Iustitia etiam per homines improbos executioni potest mandari.*
- 74 *Qui duobus federatus est, cui nam opitulabitur, si isti inter se bellum gerant?*
- 75 *Qui summo gaudet Imperio, ad nihil tenetur, si sponsor absque ejus mandato quid promiserit.*
- 76 *Sponsor, qui factum alienum promisit, ad quid teneatur stipulatori?*
- 77 *Quatenus sponsor stipulatori teneatur ad id, quod interest, si factum alienum, quod promisit, non praestetur?*
- 78 *Num Principis scientis & silentis taciturnitas, ratam faciat sponsoris promissionem?*
- 79 *Promissor non obligatur ultra intentionem suam.*
- 80 *Regulariter, verba in proprio & usuali sensu, accipienda sunt.*
- 81 *Una vox duplicem aliquando habet significationem.*
- 82 *Quae in pactis deducuntur, aut favorabilia, aut odiosa, aut mixta sunt.*
- 83 *Regula, in odiosis, pro interpretatione observanda?*
- 84 *Regula altera, iidem in odiosis observanda?*
- 85 *Nomine Sociorum, an veniant Socii futuri?*
- 86 *An pacta cum Rege vel populo inita, sint realia vel personalia?*
- 87 *Quid, si Status Reipublicae cum quo pactum fuit, mutetur?*
- 88 *Ex quibus indiciis probetur, pactum esse reale?*
- 89 *Quid, si foedus sit initum cum Rege, qui regno sit pulsus?*
- 90 *Subditi, quatenus pro legitimo Rege suo, arma sumere possint contra invasorem regni?*
- 91 *Quid, si populus in potestatem venerit alterius illegitimi Principis?*
- 92 *Quae facienda sit interpretatio, si promisso praemio ei, qui primus ad metam pervenerit, duo simul edpertigerint?*
- 93 *Interpretatio alia fit per ampliationem, alia per restrictionem.*
- 94 *Mandatum, an impleri possit per aequipollens?*
- 95 *Interpretatio coarctans, unde petenda?*
- 96 *Verba, quando strictim sumenda?*
- 97 *Ex rationis cessatione, cessat dispositio.*
- 98 *Materia, de qua agitur, attendenda, ad faciendam verborum interpretationem.*
- 99 *Quae facienda interpretatio, si in pactis aut aliis dispositionibus, interveniat aliqua apparens contrarietas?*
- 100 *An, ad contractus subsistentiam requiratur scriptura?*

Quoniam non minùs circa Pacem, quàm circa Bellum, permultæ & disparatæ nobis pertractandæ sunt quæstiones; idcirco distinctionis gratiâ, sit.

SECTIONO PRIMÆ.

Quid sit Pax, & quis Pacis faciendæ habeat potestatem?

1.  *P*ax bene describitur, quòd sit: tranquilla libertas bello contraria, efusque finis & interitus. Pacis nomen sicut notissimum & dulcissimum, ita res significata cunctis jucundissima & saluberrima; aded ut Cicero *pro lege Agraria*. Et *Philippica* 2. & 13. dixerit: Pace, *testa atque agros letari*.

2. Pax est perpetua ab armis cessatio, & ruptæ amicitie redintegratio. Quòd, si fracta pace, rursus ad arma decurratur; id præter intentionem votumque sit eorum, qui primitus sese reconciliârunt, neque id evenit vigore pacificationis; sed ex causis de novo emergentibus, quas ominari triste est. De pacis perpetuitate, eodem modo discurrendum, sicut de nuptiis; quæ, licet de se, individuum vitæ consuetudinem contineant; equidem ob causas jure probatas, quòd *ad iborum* & *cohabitationem* per divortia, rumpi possunt. §. 1. *Instit. De patria potest.*

3. Differt itaque pax ab *induciis*, seu *Tregis*. Induciae enim sunt, bellicæ lætitiæ ad statutum tempus duntaxat cessatio; ita ut induciarum tempus, non tam paci, quàm bello annumerandum sit, docente Baldo, in libello. *De pace Constantie*. §. *sententiæ quoque*. Differt quoque pax à *fœdere*, quia

A. Hückirsben, Etbica Christi. Pars II.

fœderis vocabulum latius patet: cùm fœdus nedum cum hostibus, sed & amicis, pangi possit, ad societatem communionemve quandam contrahendam. Ex quibus intelliges; pacis vocabulum, propriè, *publicam* inter belligerantes conventionem importare. Dico *propriè*; vulgò enim & laxius loquendo, transfertur & hoc nomen ad privatas transactiones, singulariumque discordiarum sedationes & compositiones.

4. Pacem pangere, penes illos solum est, penes quos fuit bellum indicere. Proinde in bello utrimque publico, ineundæ pacis facultas, penes illos residet; qui summi imperii jus habent. Unde in statu *Monarchico*, Summus Princeps; in statu *Aristocratico*, Optimates; in *Democratico* verò statu; populus, pacis faciendæ potestate pollent. Ubi

5. Petes 1mò, Num Rex *minorennis* [qui scilicet secundum leges Regni, de quo agitur, ad administrationem, defectu ætatis, non admittitur] item: an mente captus, aut furiosus, pacem facere possit? Resp. *Negative*, idque ob iudicii debilitatem, aut mentis abalienationem.

6. Petes 2dò, An Rex *captivus* pangendæ pacis potestatem habeat? Resp. *sub distinctione*: vel enim Rex, huiusmodi regnum, ex consensu populi consecutus est; & tunc illo infcio, aut invito, nequibit pacem facere. *Ratio*: quia non est verosimile, quòd populus

Vv

populus eâ lege Principi contulerit imperium, ut ab ipso non lib. ro exerceri possit. Unde, capto tali Rege, non quidem totum Imperii jus, bene verò exercitium & tutela imperii, penes populum, aut eum, quem populus substituerit, residet. Aut: Rex captus, regnum habet in patrimonio, illudque sine concursu populi tenet; & tunc Rex obligabitur pactis in captivitate cum hoste initis, ac proinde pacem pangere poterit.

7. PETES 3^{id}. An in statu Aristocratico, optimates omnes & singuli, item: in statu Democratico, totus populus, in pacis articulos consentire debeant? RESP. In procerum aut populi imperio; jus pacificendi fore & residere penes majorem partem vel procerum, vel populi; adeoque pacta hujusmodi obstringere etiam eos, qui aliter senserint. Quia, quod majori parti placuit, omnibus placuisse videtur. Confer Grot. loc. cit. tit. cap. 20. §. 4.

8. PETES 4^{id}. An bellidux, sine Regis jussu aut scitu, possit pacem facere? RESP. Negative, exemplo & argumentò Procuratoris ad lites constituti, qui transigendi facultatem non habet. l. Mandato. ff. De procuratorib. Hinc apud veteres Romanos, quo tempore, penes populum, summa erat Reipublice potestas; paces, inconsulto populo, factæ, nullam vim habuerunt; quinimò, acriter reprehensi puniique leguntur, qui tale quid, ausu privato, attentârunt; sed

9. PETES 5^{id}. Quid, si non solum Belliduci, gubernandi regendique totius exercitus officium demandatum sit; sed etiam plena liberâque administratio ipsi, tanquam Summi Principis Vicario concessa sit? Anne tunc saltem pacem pangere poterit? Ratio dubitandi est; quod Procurator, cui libera administratio rerum, illimitatè commissa est, possit jusjurandum; quod speciem continet transactionis, alteri deferre,

ac pacificando, possit domino nocere. l. jusjurandum. ff. De jurejurando. l. Nam & nocere. ff. De pactis. RESP. Nec in tali casu, Belliducem, vigore hujusmodi mandati generalis, posse pacem facere. Ratio est: quod non sit eadem causa pacis faciendæ, quæ est negotiorum privatorum. Pacis enim negotium, maximi momenti est, & salutem, detrimentumve perpetuum totius Reipublicæ respicit. Proinde, hæc in parte, latius amplectenda est regula, quæ dicitur: in generali quantumvis concessione, non comprehendendi illa, quæ quis in specie non erat concessurus. Arg. cap. Quod translationem. Tit. Decretal. De officio Legati. Huc facit: quod nec Consulibus Romanis, nec Præsidibus Provinciarum; neque ullis aliis Magistratibus, quantacunque potestate prædici essent; liberum arbitrium fuerit pacis aut belli, præterquam paucis, quibus nominatim & specialiter permissum fuit, etiam bellum decernere, aut pacem facere. Itaque, licet nonnunquam Senatus, inconsultâ plebe, de pace statuerit; quia ob periculum moræ, populus universus convocari & rogari non poterat, Senatus verò sapientiæ & dignitatis nomine tantum valebat apud populum, ut hic ejus Decretis tacite & ultro assentiret. l. Non ambigitur. ff. De legib. Licet (inquam) exercituum Duces, de bello & pace, injussu Senatûs & plebis, aliquando statuisse legantur; præsertim, dum procul atque extra Italiam, bella gerebantur; aut: cum ipsi ab hostibus circumsepti tenebantur; equidem; quidquid egerunt Duces, non prius firmiter ratumve fuit, quam populus expressit vel tacite assensisset.

10. Aliud est de brevibus & paucorum dierum induciis, quas utilitas vel necessitas interdum exigat, puta: sepeliendorum cadaverum gratiâ, aut pacis præparandæ causâ; puta: ut interea nuntius ad Summum Principem mitti, & ejus voluntas explorari possit.

possit. Quod, si de diurnioribus induciis, quibus per annum v. g. aut plures menses, durante bello, ab armis seu pugna cessandum esset; ageretur; verior est opinio *Jansenii* ad l. *Conventionum*. ff. *De pactis* Ubi tradit: Belliducem, suo pro arbitrio, non posse hujusmodi inducias cum hoste concludere, exemplo Procuratoris, qui abique speciali mandato, non magis potest ad solvendum prorogare tempus, quam transigere. l. *Qui Romæ*. §. *Callimachus*. ff. *De verb. obligat.* Quapropter narrat *Thucydides*, quando *Argivorum* Duces cum *Lacedæmoniorum* Rege, quadrimenses inducias pacti erant, *Alibiadem* iussisse *Argivos*, ne eas ratas haberent; idemque à *Lacedæmoniis* factum, hōsque, eam ob causam, addidit in Regem suum fuisse iratos, ut lege lata, duodecim ei associaverint viros, sine quorum consilio, nihil hujusmodi ageret. Ubi Nota: apud *Lacedæmonios* receptum fuisse, ut Principes ipsorum, qui Reges vocabantur, summam potestatem non habuerint. *Dion. Halicarnossensis. Antiquit. Roman. lib. 2.*

SECTIO SECUNDA.

De conditionibus Pacis.

11. Belligerantium dissidia, pacificationibus terminantur, sicut privatorum altercationes, finiuntur transactionibus. Sicut igitur transactiones fiunt, aliquo dato, retento vel remisso. l. *Transactio*. Cod. *De transact.* Sic & pax sancitur, quibusdam datis, retentis, vel remissis, prout pactis convenerit. l. *in bello*. ff. *De captiv. & possim. revers.* Quemadmodum etiam, quæ in privatis negotiis fiunt pacta, alia sunt expressa, alia verò tacita; ita & in pacis tractatu, quædam etiam tacite convenisse intelliguntur, etsi nominatim de iis nil cautum fuerit.

12. Cæterum, pacificantium conventio-

nes ad aliquid ad duo reducuntur capita; videlicet: ad depositionem inimicitiarum, & ad restitutionem, retentionemve captorum. Illud ad animum, hoc ad res pertinet. Illudque refertur Profectis expeditissimum, imò unica pacis conciliandæ ratio, semper & ubique hæc fuit, ut deposita ex animis iræ & vindictæ cupiditate, præterita abolerentur, & injuriæ tam publicæ, quam privatim illatæ, remitterentur. Itaque, quia in *Amnesia*, seu præteritorum oblivione, præcipue & substantialiter pax consilii, idcirco, licet de illa nihil dictum nominatim fuerit, in pacis instrumento; nihilominus ea pacificationi inesse intelligitur.

13. *Amnesia* postulat, ut una pars nequeat alteri obijcere injurias aut malefacta; neque possit ulcisci præterita. Quod tamen intelligendum de remittendis & obliiterandis injuriis, quæ tempore belli acciderunt; vel: quæ causam bello præbuerunt; planè, sicut remissa injuriâ, cessat quidem ea unus actio injuriarum. l. *Non solum*. §. 1. ff. *De injur.* quanquam propter aliam disparatam injuriam, adhuc agi possit. *Arg. l. Prætor. §. si mihi*. ff. *ead. tit.* Ut rectè *Baldus* in libello: *de Pace Constantiæ*. ad verb. *recuperaverit*, intulerit; si quis eorum, qui Principi in festi fuerunt, feudum ab eo teneat, & culpam ante bellum commiserit, ob quam feuda amitti solent; culpam illam non censeri pace remissam, sed inspicere debere tempus nati delicti, nec referre; quòd durante bello, illud perduraverit. Porro, multò minus per aduersionem rei vindicationi, cæterisque actionibus, quæ non vindictæ, sed rei, damni que persecutorie sunt, renuntiatum intelligitur.

14. Quantum ad alterum pacis caput, restitutionem, retentionemve captorum respiciens; certum est (cum simplex indulgentia non restituat bona aut actiones pristinas. l. ult. Cod. *De gener. abolit.* l. 2. Cod. *De sentent. passis*) quòd in pacificationis tractatu

tractatu vel instrumento, discretè exprimi debeat; qui homines, quæve res restitui debeant, qui, quæve retineri possint? *Arg. l. Si quid bello. in fine. ff. De captiv. & postlim. revers.* Si igitur

15. ROGES: An, si id nominatim expressum non sit, tacite id actum censetur, ut captivi, & captæ arces, urbēque reddantur? Sive: num paci naturaliter infit jus postliminii? *Resp. Negativè.* Unde, nisi expressè convenerit, captivos reddi, seu dimitti debere; pro ipsorum redemptione *lytron* solvendum erit; & cum proportionē, eodem modo discurrendum est de rebus aliis captis. Non sequimur ergo hac in parte, *Accursii* sententiam, ad *l. in bello. ff. De captiv. & postlim.* ubi vult: in pace postliminium esse, dummodò in pacificatione non fuerit dictum, capta in dominio eorum, qui ceperint, manura. Neque pro sententia *Accursii* facit; quòd in pace contineatur postliminium, respectu illorum, qui bello repente exorto, apud hostes sic inopinatò factos, deprehensi & detenti fuerunt. Hi enim, cum non virtute militari, sed casu, in potestatem eorum devenerint, factà pace, postliminio gaudent, nisi fœdere expressè cautum sit, ut retineri possint. Unde, cum *Pomponius* in *l. Postliminii jus. §. in pace. ff. De capt. & postlim.* dixit: in pace postliminium esse datum; intelligendus est in casu, quo quis pervenerit ad gentem aliquam, cum qua neque amicitiam, neque hospitium, neque fœdus habemus; hienim, etsi hostes non sint; quippe contra eos bellum publicè à nobis decretum non est; hostibus tamen similes sunt; ita, ut, qui ex finibus ipsorum redit, quasi ab hostibus & in bello redire videatur.

16. Quid? si cum piratis, latronibus, aut rebellibus pax inira fuerit? *Resp.* Quandoquidem hi, ut supra dictum, nihil, belli jure, acquirere potuerint; consequens est; non posse quidquam rerum nostrarum ab

eis retineri, ac proinde postliminium aut pactum restitutionis supervacaneum fore pro rebus, quas nequaquam bello amisimus. *l. Hostes sunt. 24. & l. si quis. 21. §. ult. ff. tit. eod.* Unde improbi hujusmodi raptores, jus retinendi res nostras pro foro scilicet interno, tunc solum habebunt; quando pace ita conventum fuerit, quamquam, ut rectè observat *Baldus* ad *l. ult. Cod. De condit. ob turpem causam*, talis pactio, ut illi res, quas diripuerunt, retineant, vel dominus eas redimere cogatur; turpem causam continere videatur.

17. Quid econtra, de rebus rebellium, ex parte nostra, occupatis? *Resp.* Ut illi pristinas possessiones recuperent; pacione vel gratiâ Principis expressâ opus habent, prout anno 1183, post diuturnum & exitiosissimum bellum, à *Mediolani, Cremonæ*, aliarumque Italiæ civitatum, quæ contractâ inter se locierat, ab Imperatore desciverant, vastationem, à *Friderico Barbarossa* factum est in pace *Constantia. §. 1. & §. possessiones omnes.* Ratio: Quia, etsi rebelles, adversus nos, jura belli non habeant; nos tamen adversus ipsos habemus. Siquidem, qui cives, hostili animo, contra patriam vel Principis majestatem, insurgunt; pro hostibus habentur. *d. l. Postliminium. §. Transfuge. 4. & l. Amissione. §. 1. ff. De capite minutis.* Unde *Cicero*: *Philippica 8.* operosè demonstrat, justum fuisse bellum, quod inferebatur *Antonio* hosti Republicæ; econtra illegitimum fuisse, quod ipse *Antonius* gerebat, idèoque jura belli, quæ contra hostes statuta sunt, ipsi non convenisse.

18. Dictum, restitutionem, quæ fit post pacem, non præcisè ex jure Postliminii proficisci, sed ex pactis & conventionibus expressis, vel ex eo; quòd res adversariis, etiam jure Gentium, acquisitæ non fuerint. Si ergo in pacificatione cautum fuerit, ut res captæ restituantur; restituendæ erunt naves utrumque bellicæ, sed etiam piscatoriæ, &

& volupratis causâ paratâ; instrumenta item bellica, & cætera similia, in quibus alioquin jus postliminii denegatum est. *l. 1. § 2. ff. De captivis &c.* Redeunt autem res singulæ ad pristinos suos dominos, & non tantum ad solum Principem: hic enim cum hostibus pacificens, non sibi soli, sed toti Reipublicæ & singulis civibus suis pacisci intelligitur.

19. Notandum autem est, quod in pacificationibus, de reddendis rebus bello captis, primum latius sint interpretandæ illæ, quæ respiciunt restitutionem ex utraque parte mutuò faciendam; quàm, quæ tangunt restitutionem ex uno latere præstandam: dein; quod, quæ de hominibus relaxandis agunt, plus favoris habeant; quàm quæ de rebus; & inter eas, quæ de rebus; hæc, quæ de agris, quàm quæ de rebus *mobilibus*: & quæ de his, quæ penes publicum sunt; quàm, quæ penes privatos; ac porro inter eas, quæ penes privatos; plus illæ, quæ reddi jubent titulo *lucrativo* possessa; quàm, quæ titulo *oneroso*, puta: *emptione*, acquisita sunt.

20. Cæterum, restitutionis vocabulo, continentur non tantum bona & actiones seu jura, sed etiam ordo, dignitas, & pristinus status personæ. *l. Princeps. 21. ff. De V. S. l. 1. Cod. De Sentent. passis.*

21. Quid, si res alioquin restituenda, fuerit consumpta? *Rasp.* Si simpliciter in pacificatione dictum fuerit, ut capta restituantur, eò non spectabunt res in bello justo & solemnî capte, & bonâ fide consumptæ: neque eò referri debent bona, durante bello, alienata, seu in alium translata, ac quocunque modo, jam alteri quæsitâ, prout tradunt *Bartolus*, *Jason* & alii ad *l. Gal-lus. §. Si quid tantum. ff. De liber. & posthum.* Argumento: *l. 8. §. Si quis à Principe. ff. Ne quid in loc. publico.* Ratio: quia Princeps nunquam videtur velle jus alteri quæsitum auterre, nisi id expressè dixerit. dict. *§. Si quis à Principe.* cui consonat *cap. Quamvis. De Rescriptis. in 6.*

22. *Dices.* Pacis causâ favorabilis est, adeoque tam benignè interpretanda, ut plenissimam restitutionem contineat. *Rasp.* Satiùs esse, eam interpretationem facere, quæ quàm minimum alteri detrahat. Unde, tunc in pace, plenissima interpretatio capienda est; si in pacis articulis ad non obsecrè indigitatum fuerit. Alioquin sicut damnatus, ex gratia Principis restitutus, non recuperat bona sua jam alteri quæsitâ; prout rectè respondit *Jason* ad *cit. l. Gallus. §. Etsi quid tantum.* Ita, dum reitio vigore pacis faciendâ; non recuperantur bona amissa, jam tertio quæsitâ. Quod facit regula generalis, quæ dicit: quod restitutio *per gratiam* factâ, non tollat jus *tertii*. Diversum est in restitutione in integrum, quæ fit *per viam justitiæ*; hæc enim tantum importat, quantum abstulerat *lascio*. *Jason* & Doctores communiter ad *cit. §. Etsi quid tantum.* Ex quibus

23. *RESULTAT*; Hæreditatem ad alterum devolutam, aut res à Principe alteri donatas, factâ pace non recuperari ab iis, ad quos alioquin hæreditas pervenisset, aut res pertinuissent; quamvis hujusmodi acquisitiones profectæ sint *ex causa lucrativa*. Idem est de officiis vel locis, bello durante, alteri jam collatis. Aliud tamen erit; si non simpliciter quidem de restitutione convenierit, sed hoc pacto pax fuerit conclusa; ut restitutio fiat *plenissima*, & rerum etiam aliis quæsitarum; sicut factum est in dictâ pace *Constantiæ. §. Privilegia omnia*. Dum enim pacta, tam amplam præscribunt restitutionem; restituenda veniunt retrò bona omnia, actionesque omnes, & jura successionum, officia item & dignitates, quinimò & beneficia Ecclesiastica Clericis acquisita. *Jason* ad *l. Si tibi decem. §. Quædam. ff. De pactis. Rolandus à Valer. Consil. 45. vol. 3. Matth. De Affiliis. Decis. 361.* Non obstantè, quod Princeps secularis per hoc videatur in res per-

personâque Ecclesiasticas usurpare imperium; siquidem hoc non directè, sed per consequentiâ solummodò contingit, principaliter enim Princeps nihil aliud intendit, quàm quietem publicam procurare, in quo officio, ei, tanquam capiti, omnia membra Reipublicæ, ac proinde etiam Clericos parère oportet. *Anton. Corseus. De privilegiis pacis, n. 7. 18. Et seq.*

24. De fructibus quæsitum fuit: an & in restitutionem veniant? Id, quod de pendentibus adhuc in fundo, dubitationem non habet, hi enim quodammodò sunt pars fundi. *I. Fructus pendentes. ff. De rei vindicta.* De fructibus verò perceptis à Fisco, vel alio, ex re hostibus erepta, diversæ sunt sententiæ. *Jason* enim putat: hos, cum re, restitui debere factâ pace, si videlicet pactum sit, ut non simplex, sed plena fiat restitutio. *Baldus* tamen, in tract. *De pace Constantiæ.* ad Verb. *Succedere*, item *Alciatus* & plerique alii, ad cit. *I. Gallus. §. Et quod, si tantum.* Contra statuunt cum *Grotio*, lib. 3. de *J. B. Et P. cap. 20. §. 22.* ubi inquit: *Cui pace res conceditur, ei & fructus conceduntur à tempore concessionis, non retrò, quod restit. defendit Cæsar Augustus contra Sextum Pompejum, qui Peloponneso sibi concessâ, simul etiam tributa, quæ pro exactis annis debebantur, sibi vindicabat.* Ratio hujus sententiæ est; quod non sit par ratio fructuum & ipsorum corporum, ex quibus fructus percepti sunt. Hæc enim aliquando fuerunt ejus, cui facienda restitutio; fructus verò nunquam. Igitur corpora & fructus, sunt duæ res separate, quarum unam absque altera præstari, natura permittit.

25. Dices: Dum leges rem jubent restitui, verbum restituendi complectitur etiam fructus. *I. Videmus. 38. §. In Faviana. ff. De usur. l. Restituere. 38. ff. De Verb. signif. l. In condemnatione. 17 ff. De R.*

J. Ergo &c. Resp. Ut fructus, tanquam accessiones rei, quæ restituenda est, præstentur, locum habere in malæ fidei possessoribus & fraudatoribus; nec non, quoties nulla iusta causa fuit lucrândi fructus in illo, qui eos percepit, aut amittendi in eo, qui repetit: veluti: quando minor 25. annis, vel is, qui metum passus est, aut: qnî Reipublicæ causâ absuit; in integrum restituitur. *I. Quod si minor. 23. §. Restitutio. ff. De minorib. dict. l. Videamus. §. Item, si vi. ac universim, cùm iustitia restitutioni causam præbet, non autem, quando gratia vel indulgentia. I. Nec non. 28 & l. seq. ff. Ex quib. causis majores &c.* Confer interpretes passim ad *I. Gallus. §. Et quid si. De liber. Et posthumis.* & huc facit textus in *Authentica: Idem de Nestorianis. Cod. De Hæreticis.* quæ est Novella Constitutio 115. *Justiniani.*

Ratio ulterior suprapositæ resolutionis est; quod, sicut res, quas ab hostibus cepimus, nostræ, jure Gentium, factæ sunt; ita jus eis fruendi, seu fructus ex eis quærendi, consecuti sumus. *§. Item ea, quæ. Instit. De rerum divis. l. 4. ff. De Usu-fructu.* Igitur, fructus hujusmodi percepti, nostri manent, nec restitutioni obnoxii sunt, nisi expressa verba pacis, eos à nobis auferant.

Quod, si non justî hostes, sed rebelles occupaverint res honorum civium; non est mirum, quod hujusmodi homines improbi, unâ cum fructibus perceptis, res raptas etiam alienatas restituere debeant; quia, ut sæpe dictum, jus belli non habent, & per consequens, illo jure te tueri non valent; neque plus juris in alios transferre potuerunt, quàm ipsi habuerint. *I. Nemo. 14. ff. De R. J. Aliud obtinet, si boni cives, res rebellium occupaverint, visî tamen pacis necessitas, Principem adegerit sic pacifici cum rebellibus, ut ipsi res cum fructibus, & sine damno ipsorum, restituantur;*

tuantur, prout accidit in pace *Constantiæ*, ubi *Fridericus Enobarbus*, seu *Barbarossa*, plus tribuisse videtur rebellibus, quam suis. §. *Possessiones omnes.* & §. *Si quis ex parte.*

26. Circa interpretandas pacis conventiones, in memoriam revocandum est, quod infra dicemus, nempe, laxius id accipiendum, quam plus favoris habet. Generatim autem, si jus naturæ spectemus, maximus favor in eo esse videtur, ut suum quisque recipiat: unde ambigüe positorum verborum interpretatio, eò præprimis flexenda est; ut, qui iusta arma habuit, id consequatur, propter quod arma sumpsit; damna item sumptusque recuperet; non item: ut poenæ nomine, quidquam lucretur, id enim odiosius est.

27. Si in tractatu pacis, de restitutione facienda, nihil cautum fuerit; id actum conclusumque censi debet, ut nomine damnorum bello datorum utrimque actio non sit, quod & de damnis privatim acceptis intelligendum est; nam, & hæc belli effecta sunt. In dubio enim ita convenisse censetur belligerantes, ut neuter iniustitiæ damnaretur.

Nolim tamen inde inferas: condonata censi facta pace, quæ privatis debita fuerunt, aut deberi cœperunt belli tempore. Nam, hæc, belli jure quæsitæ non sunt; sed tantisper exigi vetita, flagrante bello. Itaque sublato impedimento, vim suam retinent.

28. Quanquam autem jus, quod ante bellum extitit, nemini privatorum regulariter per bellum censetur ademptum; in jure tamen Regum & populorum, facilius est, ut condonatio aliqua per pacificationem intelligatur facta, dummodò verba & conjecturæ non improbabilis suppetant, id quod maxime obtinet; si jus, de quo agitur, non fuerit liquidum, sed controversum. Satiùs enim & benigniùs

est credere, id potius actum, ut belli læmina evellerentur, neque ex bello bellum gigneretur. Nam, ut sapienter scripsit *Dionysius Hallicarn.* *Antiquit. Roman. lib. 3.*

Non tam cogitandum est de facienda in præsentis amicitia, quam id curandum, ne bello iterum implicemur: neque enim ad differenda, sed ad auferenda mala convenimus:

29. Si in tractatu, aut instrumento pacis; Regionum ditionum, aut terrarum fiat mentio; nomina accipienda sunt ex usu præsentis temporis, non tam vulgi, quam peritorum. Quòd, si quid statuatur relativè ad pactum antecedens & vetus, tunc repetitæ censetur qualitates, & renovatæ conditiones priore pacto expressæ. Si alteruter paciscentium, quid facere ipspondit; jam fecisse, & promissum præstitisse censetur; si facere volens, impeditus fuerit ab altero, quocum controversiam habuit, & in cuius gratiam, factum præstandum erat. Alioquin, si factum intra determinatum tempus præstandum erat, non admittetur moræ purgatio, nisi improvisa necessitas obstaculo fuerit. Nec obest: quòd Canonum jure, facile admittatur moræ purgatio. Nam sacri Canones eò collimant; ut Christianos ad ea promoveant, quæ mutuæ charitati conveniunt: verum, hic loci, de pactis interpretandis, non attenditur, quid melius sit, quidæ religio vel pietas exposcat; sed; ad quid quis jure externo cogi possit.

30. Quid, si verba pacti sint ambigua? Resp. Tunc contra eum facienda est interpretatio, qui conditiones posuit, (posuisse autem censetur is, qui in bello potentior aut victoriosior fuit, quique dat, non petit pacem) Ratio est, quod præterbens conditiones sibi imputare debeat, quod aperiùs non fuerit locutus. Itaque alter in dubio, illum sensum capere poterit, qui sibi fuerit utilior.

SECTIO TERTIA.

An, & quatenus Princeps cum hostibus paciscendo, possit privatorum iuribus præjudicare?

31. Quod in dubio, Princeps non censetur voluisse jus alterius tollere vel imminuere; certum est. Solum hic quæstio est: an, & qua ratione, id possit? De rebus subditorum, quas hostis bello cepit, non est difficultas; dum enim hæc hostibus acquisitæ relinquuntur, nihil ipsis de rebus privatorum donatur; quod & dicendum de damnis quibuscunque ab hoste illatis. Cum enim, ut supponitur, à publico hoste, jure belli illata sint; catenus particularibus damnificatis, non competit actio. Controversia igitur respicit facta Piratarum, aut rebellium, & res nostras ab iis raptas, quæ secundum dicta, in nostro mansere dominio, quarumque vel consumptarum, vel alienatarum, & publicæ præsertim accedente auctoritate, distractarum, vigore consecræ pacis, nobis interdicitur repetitio. Controversia etiam porrigitur ad res, quas justo bello cepimus, aut aliter acquisivimus, quasque per adjectam paci conditionem, pristinis dominis reddere jubemur; Quæstio inquam est: an Princeps tali conditione, subque tali subditorum suorum gravamine, pacem pargere queat?

32. Etsi, ut pluries dictum, Princeps supra leges civiles sit; jure tamen naturæ, prohibetur cuiquam suum subtrahere. Unde, quando legimus, quorundam privatorum possessiones, partim distractas, partim veteranis militibus, præmii loco assignatas; *l. Lucius. 11. ff. De evulsionib.* Id capiendum est de prædiis, quæ bello acquisita fuerant, & non tam domini, quam possessionis tantum temporariæ juræ, qui-

budum bene meritis concedebantur. Pro regula igitur tenendum est; ne Principis quidem facto, quod nostrum est, adimi nobis posse invitis.

33. Evidem, ab hac regula, exceptionem facit causa pacis, si videlicet pax aliter obtineri nequeat. *Ratio* est; quia res subditorum, sub eminenti dominio sunt Principis aut Reipublicæ; ita, ut hæc, aut, qui summo gaudet imperio, eorundem subditorum rebus uti, easque perdere & alienare possit, non tantum ex summa necessitate, quæ privatis quoque jus aliquod in aliena concedit; sed & ob publicam utilitatem, cui privatas res cedere, illi ipsi voluisse censendi sunt, qui in civilem cœtum coierunt. Quamobrem, propter commodum pacis, posse, Principe auctore, privatorum etiam non consentientium bona alienari, actionesque remitti; nedum tradunt interpretes juris ad *l. Conventionum. ff. De pactis*, sed & Theologi passim.

34. Neque Dicās hoc adversari juri divino & naturali, dictanti; unicuique suum esse servandum, neminique suum fore auferendum Nam, ut bene dixit *Tullius: lib. 3. De legib.* Salus populi suprema lex est, & nihil Deo acceptius, juriq; naturali convenientius, quam ut publica tranquillitas & utilitas procuretur. Ut evidentiùs percipias obmoti scrupuli inanitatem, *Observa:* Juris tum naturalis, tum divini, multas esse regulas, quarum alix sunt fortiores & superiores, alix debiliores & inferiores. En! Si has contingat eventus collidi; ita, ut omnes simul observari non possint; tunc inferiores superioribus cedunt, quin etiam ab his interpretationem exceptionemque recipiunt. Itaque in nostro proposito, lex seu regula inferior dictans suum nemini esse auferendum, cedere debet supremæ legi, quam ponit salus populi publica. Hunc enim ordinem

Deus

Deus naturæ parens, à quo Principes omnes, curam humanæ societatis & formam regendæ Reipublicæ acceperunt, constituit, ut privatis publica, & pretiosis pretiosiora anteferantur. Unde, etsi iustum sit, cuique suum relinquere, iustius tamen est, quibusdam res suas adimi, quàm ut alioquin pax & tranquillitas totius populi impediatur. Huc facit, quòd iustitia æstimanda sit ex omnibus circumstantiis. Quò respiciens *Thryphonius* in l. *Bona fides*. 31. ff. *Depositi*, hanc demum dixit esse iustitiam, quæ suum cuique ita tribuit, ut non distrahatur ab ulla majori iustitiæ ratione, seu alterius iustiore petitione.

35. Quanquam autem ob datam rationem, Princeps obtinendæ pacis gratiâ, possit privatorum bona actionesque condonare, nihilominus æquitas postulat, ut his, qui pro communi utilitate, res suas amiserunt, de publico damnum refarciantur. Vide *Ferdinandum Vasquez. Controvers. illustr. lib. 1. cap. 5.* Et huc facit exemplum *Legis Rhodæ*, quæ in toto orbe Romano, & ab omnibus populis, propter summam æquitatem, recepta est. Hac cautum fuit: ut, si levandæ navis causâ, merces sicutus vectorum, in undas projectæ essent; aut, si navis à piratis redempta; ut damnum contributione sarciretur: æquissimum enim est [inquit *JCtus*] commune detrimentum heri eorum, qui propter amissas res aliorum, consecuti sunt, ut merces suas salvas haberent. l. 1. §. 2. ff. *De leg. Rhod. de jactu*. Parili ratione, licet intermedia domus, sine injuria, deieci possit, ut vicini ab incendio liberentur. l. *Si quis*. 49. ff. *Ad leg. Aquil.* nihilominus, si id factum fuerit, damnum sarcendum est à vicinis, ad quos ignis erat perventurus.

36. Æqualitatis itaque conservatio, quæ & benevolentiam conciliat, & societatem civium tuetur, omnino jubet; ut

A Hochkirchen, Ethic. Christi. Pars II.

præjudicare possit privatis? 345
paucis compendetur damnum, quod pro toto populo, pacis consequendæ causâ, passi sunt.

EXCIPE 1^{mo}. Si quid damnum passus privatim imputari possit. Quod enim quis sua culpa damnum sentit, non intelligitur sentire, ut habet juris civilis regula 203. Hinc nil compendandum est iis, quorum ædificia in suburbii aut propè mœnia civitatis, hoc ultimo bello, jussu Magistratûs aut summi Principis, diruta fuerunt: Idque propter *Arcadii & Honorii* Constitutiones, quibus cautum, ne ædes extruantur mœnibus ita cohærentes, ut ex iis insidiæ reformidari queant; alioquin, si secus factum fuerit, ut temerarii ædificatores, futuræ quandoque demolitionis detrimentum expectent. l. *Ædificia. Cod. De oper. publ. l. Si cui. Cod. De ædific. privatis.*

37. EXCIPE 2^{do}. Si desit, unde damnum refarciaur: puta: ob multitudinem privatorum, qui res suas perdiderunt; & quia damna sunt infinita, quibus Fisci, aut principatûs bona vix sufficerent, Itaque, si æraria publica sint exhausta, vel causis necessariis reservanda; cunctique cives ad eò depauperati sint, ut nullum onus novæ contributionis, ex quo damna sarcirentur, ferre possint; aut verendum sit: ne novis oneribus impositis, exciteretur tumultus; tunc in tantis angustis, omitti poterit damnorum repensatio; sic tamen: ut, quæ nunc fieri nequit, tunc porro fiat, cum Respublica ad meliorem fortunam pervenerit; & quod pecuniâ rependi nequit, rependatur saltem immunitate, aliisque privilegiis. *Vasquez loc. cit.* cui consonat *Grotius. lib. 3. De J. B. & P. cap. 20. §. 7.*

38. Jam sæpius dictum; quòd non ipso jure, & ex natura pacis, profluat *Postliminium*, seu obligatio restituendi bona hostibus ablata; sed, quòd tota hæc res

X x

cx

ex pactationibus & conventionibus pacificantium dependeat. Unde, si dictum conventumque fuerit, ut plenissima fiat restitutio; tunc, sicut uni parti redintegranda sunt pristina jura; ita altera pars, quæ jure belli acquisiverat, retrocedere debet; proinde venditiones, locationes, & cætera, tempore belli, circa res captas aut possessas, facta, à die publicationis pacis, rescissa intelliguntur. Id tamen haud indistinctè intelligi debet; sed duntaxat de his, quæ facta fuerint velut ab hoste & hostili animo, vindictæ, nocendique causâ, seu occasione belli; non autem de iis, quæ illa pars, cui restitutio facienda, ipsamet de jure, sive ex contractu, sive ex quacunque alia causa, præstare debuisset. Sic: si hostis ante bellum cuiuspiam ex stipulatu, aut mutuo accepto, obligatus fuisset: aut: si villam alicui vendidisset aut locasset: Princeps verò, qui publicato bello, in locum hostis successit, solvisset, quod hostis debebat, vel tradidisset rem, quam is vendiderat, aut locaverat; solutio vel traditio, factâ pace, minimè in irritum recidet, sed, qui per pacem hostis esse desit, hæc omnia rata habere cogitur. Idem est de justis sententiis, quæ de jure, & secundum leges ac consuetudines, à publico & legitimo hoste, in civitate bello occupata, latæ fuerint. Dico: à publico & legitimo hoste. Sententiæ enim à rebellibus latæ, licet aliquin non fuerint iniquæ, nihilominus invalidæ sunt, quia rebellibus defuit jurisdictio; unde, ut ab his gesta robur accipiant, per expressum pactum ratificari debent, quod non requiritur in his, quæ à justis hostibus gesta sunt; hi enim, sicut cætera, ira & jurisdictionem, jure belli, acquirere potuerunt.

39. PRÆT. An Princeps pacis causâ quidquam de Religione remittere possit? Quod in Republica, prima cura & ratio

sit habenda circa Religionem; non tantum veræ fidei, sed & superstitionis cultores agnoverunt, teste Cicerone: *lib. 2. De legibus*. Veteres enim Romani gentilitatis tonebris adhuc immerfi, nil tam sedulò sanxerunt; quàm, ut Dii patrii perpetuò colerentur & retinerentur, novi autem & peregrini cultus rejicerentur. Quocirca, cum sine veræ fidei cultu, res prosperè succedere nequeant; Principis officium erit, veram Christi Religionem cunctis viribus tueri.

40. Sed, quid, Si multitudo hæreticorum eorumque potentia, in tantum excreverit, ut sine aliquali dispendio orthodoxæ Religionis, pax alioquin obtineri nequeat? Profecto, cum in Germania, in Gallia & aliis regnis, nulla per se alia ratio componendorum sanguinolentorum dissidiorum inveniri posset, quàm, ut hæretici in exercitio lætæ suæ, atque in possessione bonorum ab ipsis occupatorum relinquerentur, adhibito doctissimo tam Theologorum, quàm jurisconsultorum judicio, visum fuit, in tanta necessitate, pacis stabiliendæ gratiâ, non nihil de religione remitti posse, & intam misero Reipublicæ statu, ejusmodi pacta licita esse.

41. DICIS IMÒ. Hæresis est res mala & turpis; pactum autem de re turpi, nullius est momenti. *l. Pacta. Cod. De pactis*. Ergo. RESP. Exinde solum sequi, quod hæresis, utpote res mala & turpis, pacto nequeat laudari & approbari; non verò, quod nequeat merè tolerari, si non possit extirpari. Etsi igitur Religiosis libertas, pestis sit teterrima; ejus tamen passiva toleratio, mala non est. Sic majorum malorum evitandorum causâ, tolerantur meretrices & lupanaria; item: mensæ fornicatorum. Sic *Constantinus, Theodosius & Justinianus* pietissimi Imperatores (qui toties per disertas Constitutiones suas,

suas, se Christianos & sacrorum Canonum cultores esse, vitusque Paganorum execrari, palam professi sunt) toleraverunt divortia, usuras, concubinatum, & alia, jure tum divino, tum naturali vetita, quæ moribus Paganorum invaluerant, & tunc temporis, in orbe Romano penitus aboleri non poterant; quæ tandem Religionem Christianam crescente, penitus prohibita noscuntur. Huc facit; quodd, si multitudo sit in scelere, & singuli, salva pace Ecclesie, puniri nequeant; delinquentium delicta potius toleranda, quam puniendi sint, prout Gratianus, *causa 23. q. 1.* probat autoritate Divi Patris Augustini & aliorum Sanctorum Patrum.

Dices 2^{do}. Non tantum jure improbantur pacta, ut impune furta, rapinas & id genus maleficia perpetrare liceat; sed etiam, ne furti, vi bonorum raptorum, injuriarumve agere liceat, si tale delictum à quopiam commissum fuerit. Pacta enim hujusmodi, bonis adversantur moribus, & ad delinquendum invitant. *l. Si unus. §. Pacta. ff. De pactis.* Siquidem, ut bene dixit Tullius: *pro Milone. Spes impunitatis, maxima est peccandi illecebra.* RESP. Hujusmodi pacta utique damnari, ubi talia delicta per Magistratum puniri possunt: Si tamen Reipublicæ status non tam sit integer, neque Magistratus multitudinem delinquentium coercere queat; dissimulandum potius, quam evertenda, & rebellionibus concutienda civitas. Hanc ob causam, legimus apud quasdam nationes, propter ingenia hominum incorrigibilia, furta mansisse impunita, & denegatam fuisse furti actionem. Sic Diodorus Siculus, *lib. 2.* refert, olim apud *Ægyptios* viguisse legem; ut, qui furari cupiebant, Principem sacerdotum adire, nomenque suum profiteri debuerint: rem verò furto ablatam ad Sacerdotem istum deferre coacti fuerint: ac

in præmium quasi, quartam rerum furtivarum partem consecuti fuerint. Hoc inquam apud *Ægyptios* ideo receptum fuit, ut hac ratione, facile furta detegerentur, & qui rem amiserat, quarta parte, ob sociordiam negligentiamque suam in custodiendo, potius multaretur, quam totum perderet.

SECTIO QUARTA.

Pax contracta, quos & quatenus obliget?

42. Firmitas & pacis stabilitas pendet ex fide, quam sibi mutuo pacificantes dedere. Fides autem pace data, vel maxime à partibus pacificentibus servanda est. Tum, quia fide non tantum Respublica quælibet continetur, sed & major illa Gentium Societas; hac enim sublatâ, tollitur quod inter homines est commercium, imò homines redduntur feris similes, & perpetua inter se gerent bella. Tum, quia fides [quæ Ciceroni *De offic. lib. 3.* est: *dictorum conventorumque Constantia*] in negotio pacis, jurejurando utrimque sanciri confirmarique consuevit. Fidem autem pace datam tantò arctius & religiosius præstare & observare debent summi Principes, quantò cæteris impuniùs peccant, & fides per Principem violata, Regis & Regni facit viles cere auctoritatem. Ob hujus virtutis culturam & perpetuam observantiam, populus Romanus potissimum ex parva origine, ad immensam amplitudinem excrevisse dicitur.

43. Etsi autem, ut supra c. 8. n. 219. vidimus, quidam dubitaverint, an hosti data fides servanda sit; extra controversiam tamen modò est, quòd fides hosti, etiam durante bello, data servanda sit. Ut ut igitur stratagemata & astutia in bello liceant, minimè tamen perfidia licita est. *l. 1. ff. De dolo malo. Can. Dominus. caus. 23. q. 2.* Neque distinguendum est; an

fides hosti publicè, an privatim data sit. Nam ipsa lex naturalis generaliter jubet, ut quæ inter aliquos placuerunt, serventur. *l. 2. ff. De pactis*. Unde veteres scriptores etiam gentiles, summopere laudant factum *M. Attilii Reguli*, qui maluit ad Carthaginenses, quibus se promissione devinxerat, crudelem mortem appetiturus, reverti; quam Romæ, inter suos cives, cum perfidia manere. Confer hac de re Divum *P. Augustinum, De Civit. Dei. lib. 1. cap. 18*. Quod, si autem à privato fidei falli, grave est. *l. 1. ff. De constituta pecunia*, quanto vituperabilis erit, à Principe fidem violari, præsertim, cum hoc factò, omnia misceri perturbarique necesse sit. Vide *Duarenium, ad cit. l. 1. De pactis. Covarruviam, Epitom. lib. 4. Decretal. p. 2. cap. 3. §. 4. Balibazar. Ayalæ. De jure & offic. bellicis. lib. 1. cap. 6*.
 44. Cæterum, ut supra dictum; fœdera cum hoste inita, tamdiu firma manent, quamdiu fides ab altera parte non rumpitur. Frustra enim quis fidem ab altero præstari postulat, cui fidem datam ipse servare recusat. *cap. Frustra. De R. J. in 6*. Quo casu videndum est, uter eorum, qui pacti sunt, conditionibus fœderis non steterit? Is enim solus violati fœderis reus est, & pro perfido habendus. *l. Aut facta. ff. De penis*. Adde, quæ olim scripsi ad dictam Regulam.*
 45. Sicut autem summus Princeps, pro autoritatis suæ conservatione, pacis articulos ad amissum observare debet, ita & ejus subditi nil moliri possunt, quod paci adversetur, sed hi Principis sui pacta, velut leges suspicere coguntur; adeò, ut alioquin tanquam transgressores legum puniri possint, & in contrarium facta, nullius sint valoris. *Mattb. De Assis. decis. 43. Antonius Corsetus, De privilegiis pacis. n. 20*.
 46. Si circa pacis articulos, aut ea, quæ

inde dependent, dubium oriatur; perinde, ac de legum interpretatione dici solet; non est cuiusvis particularis hominis, aut judicis pedanei, sed supremorum judicum duntaxat, interpretari, aut sensum fœderis exponere; idque sine discrimine personarum, quæ ob eam causam conveniuntur. *Corsetus loc. cit. n. 18. & seq.* Siquidem, cum hæc res ad quietis publicæ conservationem, quæ Principi commissæ est, pertineat; in Clericos quoque, Principis, ejusque Magistratuum auctoritas, ex consuetudine & praxi, prorogata est, teste *Covarruvia, Practic. quæst. cap. 35. Junge Aufser. De potestate secularium super Ecclesiis. Regul. 1. & 2.*
 47. Porro, sicut pax cum hoste inita, pie inviolatèque servanda est; ita etiam supra ostendimus, pacta cum subditis rebellibus, aut aliis prævaricatoribus & perfidis conclusa, sanctè observanda esse, nec licitum fore, perfidiam perfidiæ ulcisci. Quanquam enim rebelles & perfido difficulter fides sit danda, & laudandus subinde sit, qui hoc non fecerit; eò quod semel malus, præsumatur adhuc esse talis. *cap. Semel malus. De R. J. in 6*. Equidem, si hujusmodi sceleratis hominibus gràtia facta, aut fides data, non modo magnanimitati Principis convenit; sed & veracitas & religio postulat, ut pactis & conventis stetur. Igitur, si necessitate suadente, rebellibus aut perfidis quid concessum, condonatùmve fuerit; quod alias minimè concedendùmve fuisset; pactio tamen hujusmodi, à Principe servanda erit. Si enim Princeps fidem sic datam explere non cogeretur, aut ad instar privatorum, qui per vim aut metum ad promittendum adacti sunt, exceptionem opponere, soluta repetere, absolutionem à juramento forsàn præstito flagitare posset; nunquam rebelles adduci possent, ut cum Principe suo paciscerentur;

tur; quinimò Princeps, in maximis angustiis & periculis, sibi & bonis suis subditis consulere & prospicere non posset. Unde remedia juris, quæ privatis vim aut metum passis concessa sunt, peræquè in Principis Majestatem non cadunt.

48. Gravissima quæstio est, an successores eorum, qui pacem, fœderaque pepigerunt, pactis & conventionibus obstringantur? Priusquàm ad hanc quæstionem discutiendam procedamus; præjudicialè aliam ruminabimus; an scilicet Rex contra propria gesta sua, semetipsum in integrum restituere, contractum irritare, aut à juramenti vinculo se eximere queat.

Bodin lib. 1. cap. 8. existimat: Regem, sive alienà fraude & dolo, sive errore deceptum, sive porro metu adactum, ex isdem causis, ex quibus subditus restitueretur; restitui posse: tum in iis, quæ ad jura Majestatis imminutæ, tum in iis, quæ ad privata commoda pertinent. Putat inquam author iste, ne jurejurando quidem teneri Regem, si ejusmodi sint pacta, à quibus recedere lex patiatur. Verùm, pro resolutione propositæ quæstionis.

49. NOTANDUM 1^{mo}. Actus à Rege gestos, alios esse *Regios*, seu gestos à Rege quâ tali, id est, nomine Regio, alios vero esse *privatos*, seu gestos quidem à Rege, aut non Regio nomine, sed quasi ab homine privato. Ex quo discrimine fuit, quòd primi generis actus legibus etiam Regis irritari non possint, quia Rex se ipso superior non est. Sicut ergo in statu *Democratico*, populus per leges à se conditas, proprios actus irritare non posset; ita nec Rex in statu *Monarchico* id potest. Proinde Rex non poterit semetipsum in integrum restituere contra actus à se, nomine Regio gestos; neque Regibus prodest exceptio adversus contractus à se in minorennitate celebratos. Restitutio enim

in integrum, & exceptio minorennitatis, venit ex jure civili, supra quod est summus Princeps.

50. NOTANDUM 2^{do}. Si populus Regem creaverit *non pleno jure*, sed additis legibus fundamentalibus, quibus Rex obstrictus sit, & quarum limites egredi nequeat; posse per ejusmodi leges, actus contrarios à Rege gestos irritari, aut omnino & in totum, vel ex parte; quia eatenus populus sibi jus reservavit. Idem dicendum de actibus Regis, pleno jure quidem ex consensu populi regnantis; non tamen Regnum tenentis ut proprium & patrimoniale. Si enim hujusmodi Rex Regnum aut Regni partem, citra populi consensum, alienaret; nihil ageret; seu actus ejus, utpote de re aliena factus, nullius esset roboris.

51. NOTANDUM 3^{io}. Actus Regis privatos, seu quasi ab homine privato gestos, communem regulam sequi: proinde leges, quæ actus quosdam aut simpliciter, aut, si is, qui lætus est, velit, irritos faciunt; etiam locum hic habere, quasi sub ea conditione gesti fuerint. Et hac ratione, quidam Reges adversus fœnebre malum [quando nempe urgente necessitate, sub excessivis usuris, ingentes pecuniæ summas mutuò acceperunt] sibi consuluerunt. Cùm tamen Rex peræquè suos, ac aliorum actus possit legibus solvere; ex circumstantiis conjiciendum est, an id hic & nunc fecerit? si de ejus voluntate constet; quòd scilicet actum suum, licet contra leges gestum, valere voluerit, res dijudicanda erit ex mero jure naturali. Si verò appareat, Regem, contrahendo voluisse se legibus conformare; eodem modo actus à Rege gestus irritari, vel retrò nullus declarari poterit, ac si ab alio privato gestus foret; nisi lex actum faciat irritum, non in favorem agentis, sed in *penam*: hujusmodi enim legi pœnali,

nali, aut alteri, vim coactivam importanti, Rex non est obnoxius. Quia puni-
tio & coactio non possunt procedere,
nisi à voluntatibus diversis; & inter co-
gentem, & illum, qui cogitur, debet
esse distinctio personarum, neque diver-
sus sufficit respectus.

§2. NOTANDUM quod. Quoddam etiam ex
legitima causa, juramentum à subdito
præstitum, à superiore irritari vel rela-
xari possit, eò quod hujusmodi juramen-
to inesse censetur conditio: *Si superiori
placuerit*; aut: *nisi dispensaveris &c.* Ne-
mo tamen ita quidpiam juratò promittere
queat, ut pro lubitu, juramento suo con-
trahere possit. Id enim per absurdum, &
naturæ jurisjurandi diametraliter repug-
naret. Quinimò, licet interdum ex jure-
jurando, alteri, cui quid promissum, ob-
vitiū personæ ejus, jus quæri non pos-
sit; nihilominus is, qui juravit, Deo ob-
strictus manet: Atque hoc non minus ad
Reges, quàm ad alios privatos pertinet,
quidquid obgannat *Bodinus loc. cit.* Im-
probanda quoque est eorum sententia, qui
negant Regem teneri his, quæ plenè &
absolutè, alteri promissionem acceptanti
sponspondit. Neque universaliter & indi-
stinctè verum est, quòd Jurisperiti passim
tradunt; videlicet: Regem ex contracti-
bus, quos cum subditis iniit, obligari so-
lùm *naturaliter*, nequaquam verò *civili-
ter*. Ut verum à falso discernere queas,
OBSERVA: quòd naturalis obligatio in-
terdum à jurisperitis, per abusionem,
sumatur pro eo, quod fieri, *naturaliter
beneficium est*, quanquam verè & rigorosè
non sit debitum: cujusmodi sunt: *legata
integra, sine detractione Falcidie, præstare,
solvere debitum, quo quis in penam credi-
toris, erat liberatus: vicem beneficium re-
pendere*: quæ omnia cessare faciunt condi-
tionem indebiti. OBSERVA inquam: na-
turalem obligationem alio sensu, accipi

pro vinculo conscientie orto ex justitia
interna. Adverte etiam, aliquem ex actu
suo, posse obligari, ex jure naturali, seu
in foro poli tantum; vel, *tantum ex jure
civili*, vel demum *ex utroque simul*; ita,
ut in foro fori, inde etiam actio nascatur.
His bene observatis, facile percipies,
quòd ex contractu, quem Rex cum subdi-
tis suis iniit, nascatur vera & propriè
dicta obligatio *justitiæ*, quæ det subditis
jus in Regem *quà talem*, licet subditi in
Regem, actionem exercere non possint;
quia actus Regii, nullius subduntur in-
terris judicio. Quòd si contractus à Rege
non quàm tali, seu velut à privata persona
celebratus sit; etiam leges civiles in eo
valebunt. Itaque in utroque casu, *per se*
nascitur jus creditoris, si subditi v. g.
quid vendiderit Regi, ipsique fidem de
pretio habuerit, sed coactio sequi non
poterit; quia subditi superiorem cogere
nequit: sed æqualibus in æquales, jus est
à natura; superioribus in subditos, etiam
à lege.

§3. Non prætereundum, quòd Rex
subditis *jus etiam questum* auferre possit
duplici modo; videlicet: vel *in penam*,
vel, *ex vi eminentis domini*; quanquam,
ut alias passim dictum, vigore domini
eminentis, summè imperans haud aliter
subditis res aut jura possit licitè auferre,
quàm intuitu necessitatis publicæ; & ut,
quatenus fieri potest, ipsis è publico fiat
compensatio pro rebus amissis. Dum enim
dominium aut jus, quacunque ratione,
partum alicui est; jus naturale postulat;
ut id ei, sine causa, non auferatur. Unde,
si Rex contra fecerit; haud dubiè tene-
tur reparare damnum datum; quia verè
violavit jus subditi. Porro; falsum est,
quod aliqui tradunt: scilicet: *contractus
Regum, leges esse*. Nam ex legibus, nemi-
ni adversus Regem, jus nascitur: & ideo,
si eas revocet, nemini injuriam irrogat,
quan-

quanquam peccare possit, si leges utiles & salutes sine causa aboleat. Verum, ex promissis & contractibus Regum, jus subditis acquiritur. Dein; contractibus ligantur contrahentes tantum; leges verò omnes obligant subditos. Etsi igitur contractus Regis cum *Publicano* factus, quid de lege participet; quatenus pro lege publicatur, & subditi tenentur se tali contractui conformare; generatim tamen dici nequit, quòd contractus Regum, naturam legum induant.

§4. Jam descendamus ad supra propositam quæstionem, & dispiciamus, an, & quatenus pacta Regum transcant ad eorum successores? Pro resolutione hujus quæstionis, ponderandum est: num successores, sint omnium omnino bonorum hæredes; ita, ut in regnum *Patrimoniale*, ex testamento, vel ab intestato, succedant: an verò succedant in regnum *non patrimoniale*, puta: per novam electionem, aut ex legum fundamentalium præscripto, aut alio *mixto* modo. Profectò, qui bonorum omnium & simul regni hæredes sunt, absque dubio, prædecessoris promissis & contractibus obstringuntur: ut enim pro debitis etiam personalibus bona defuncti obligata sint, æquitas naturalis dicitur. Ex quo fluit, quòd hujusmodi successores obligentur conditionibus pacis, quam prædecessores iniverunt. Ratio est; quòd pax sit conventio publica, id est: ad statum Reipublicæ pertinens. *l. Conventio. ff. De pactis.* quam ideo Princeps, non tam proprio, quàm Reipublicæ nomine, contraxisse intelligitur. Unde non solum Princeps pacem faciens, sed ipsum regnum, seu corpus Reipublicæ, obstrictum censetur, ut mirum non sit, quòd is, qui in regnum *patrimoniale* succedit, pactis & conventionibus pacis teneatur.

§§. Quòd, si quis alio modo, in jus

Regni succedat; *directè* quidem, & quæ talis non obligatur stare pactis per prædecessorem initis, quia, ut supponitur, jus non accepit ab eo, qui proximè præcessit, sed à populo; *indirectè* tamen obligatur, mediante scilicet populo, cujus nomine, pax facta, aut cædus initum intelligitur. Sicut enim cædus quilibet non minus, quàm personæ singulares, jus habet se obligandi, per se, aut per majorem sui partem; ita hoc jus vel expressè, vel per consequentiam necessariam, imperium transferendo, Regi contulisse censendus est. In moralibus enim, qui dat finem, dat & ea, quæ ad finem perduunt. Exinde tamen haud rectè intuleris; summum Principem à populo electum, omnia illimitatè posse facere; non enim indefinita potestas, ad imperium ritè exercendum, est necessaria, sicut nec ad tutelam vel curatellam debitè gerendam; alia facultas in Tutore vel Curatore requiritur, aut concessa intelligitur; quàm, quæ natura officii postulat. Siquidem, ut egregie dixit *Julianus: l. Qui fundum §. Si tutor. ff. Pro empto. Tutor domini loco habetur, cum rem administrat, non cum pupillum spoliat.* Quanquàm hæc res, ad naturam negotiorum gestorum, scrupulosè exigenda non sit, prout, post *Alphonsum à Castro, lib. 1. De legibus penalis. cap. 5.* scripsit *Franciscus Viñoria, in Resolution. De potestate Papæ & Concilii. n. 18.* quos secuti sunt quidam Theologi malè interpretantes Doctorem Angelicum, *1. 2. q. 93. art. 3.* Si enim tunc solum ratus esset actus à Rege gestus, quando in utilitatem Regni aut populi cederet; ad tantas angustias imperantis potestas redacta foret; ut vel ipse pacifici pertimesceret, vel nemo cum ipso pactum inire, vel contrahere vellet, quod Reipublicæ utique foret tam probrosum, quàm periculosum. Quare, populus tan-

toperè

toperè Regis potestatem limitasse non censetur: neque exitus hac in re, sed probabilis ratio rei gerendæ spectanda est; quæ, si ab initio adfuerit; populus ipse obligabitur, etiam in casu, quo *sui juris* esse inceperit. puta: si inducta fuerit *Democratia*; sicut è converso, si quid populus liber contraxisset; obligaretur is, qui postea regnum pleno jure consecutus est. Confer *Gail. lib. 2. Observat. practicarum. Obs. 60. n. 15.* Hoc equidem verum est, quòd, si contractus per Regem initus, inciperet vergere non solum in damnum aliquid, sed in perniciem totius regni & populi; ita, ut ab initio, hujusmodi contractus fuisset illicitus & injustus; tunc, & tali casu, non solum revocari, sed etiam declarari posset, eum non ultra obligare, quasi factum sub conditione, sine qua validè & justè fieri non potuit. Quid facit decisio, *cap. Suggestum est. De Decimis.* Confer *Marianam, lib. 10. cap. 16.* ubi agit de donationibus rescissis, quas *Ramirus* Arragoniz Rex fecerat.

56. Quæ de Regis contractibus, dicta sunt; parili modo intelligenda veniunt de aliis rebus, quas juxta leges regni, Rex alienare *ex legitima causa* possit vel non possit? Adhibenda enim est eadem distinctio, num scilicet probabilis donandi vel aliter alienandi adfuerit ratio, necne? Sanè; si contractus ad Regni ejusve partis, aut patrimonii regalis, quatenus id Regi permixtum non est, alienationem vergant; vires non habebunt, & nullum producent effectum, tanquam facti de re aliena. Parili passu discurrendum est de regnis restrictis, ubi videlicet certam materiam, aut certum genus actuum, populus sibi reservaverit, & à potestate Regis exceperit. Nam, ut tales actus subsistant; aut populus per se, aut alios à se electos & deputatos, consentire debet.

Observa & congruenter applica distinctiones supra positas, & rectè judicabis, an justæ vel iniquæ fuerint exceptiones Regum, qui prædecessorum suorum debita solvere, vel promissa, pactæ explere recusarunt; qua de re, multa exempla invenies apud *Bodinum loc. cit.* Adde *Curtium juniorem, Consil. 138. n. 4. & Consil. 157. n. 18.* Vide etiam *Baltazar. Ayala lib. 1. cap. 7. De jure & offic. bellicis.* Ex dictis

57. COLLIGES: Enormiter errasse *Vincenium Cabotium*, dum *Disp. lib. 2. cap. 13.* contendit, ista ab aliquo Principe fœdera, pro eo solum tempore ista videri, quo Regnum administraverit. Sicut enim Prælatò, ratione dignitatis, contrahente, Ecclesia ipsa, omnèsque in ea dignitate successores, tenentur; *cap. Edicti. De re scriptis.* Sicut, inquam, contractum Tutoris, dum tutorio nomine, servatis servandis contraxit, Curator in administratione succedens, nec non pupillus ipse major factus, observare coguntur. *l. Cum queritur. ff. De administr. tutor. l. 3. Cod. Quando ex facto tutoris &c.* Ita successores Principis, conventionem publico nomine initam (non solum, si sit Regnum seu Principatus, qui jure hæreditario defertur, verum etiam, si Principatus sit, in quem alio modo, & certâ lege succeditur, ut Regnum *Franciae*, in quod succeditur *ex lege Salicâ.*) observare tenentur. *Vide Ayala, loc. cit. sub finem.*

58. DICES: Pax & fœdera juratò pangi consueverunt: sed juramentum suapte naturâ personam jurantis non egreditur. Ergo successor non obstringitur pacis aut fœderis conditionibus, à prædecessore suo conceptis, & in pactum deductis. RESP. Nos non dicere obligationem præcisè ex vi juramenti in fœderibus, ad successores transire; sed ex vi pacti aut promissionis, cujus ea natura est, ut ad

suc-

successores transeat, prout Doctores tradunt ad *cap. Veritatis. De iurejurando*. Conventio enim est principalis causa obligationis, iusjurandum autem interponitur tanquam accessorium, quo arctius stringatur promittentium fides; non, quin absque eo, quoque fœdera consistant, atque perdurent. Quod, si partem illam, cui quid juratò promissum, respiciamus; certum est: quod is, qui promissit, non tantum *vi passii*, sed etiam *vi iurisjurandi* interpositi, teneatur præstare promissa successoribus illius, cui quid promissum est; & consequenter perjurus sit, si huiusmodi successoribus fidem non servaverit, quamvis nulla eorum in iuramento expressa mentio facta sit. textus in *cap. Veritatis. De iurejur.* Covarruvias ad *cap. Quamvis. De passis. in 6. parte 1. §. 5. n. 4. & seq.*

SECTIO QUINTA.

De Fœderum, Sponsionum ac Promissionum Interpretatione.

59. Conventiones, aut *publicæ* sunt, aut *privatæ*. Publicæ fiunt aut à summis imperantibus, aut ab his, qui imperium summo minus habent, veluti, cum belliduces quædam inter se paciscuntur. Ubi videtur conventiones publicas differre à contractibus *privatorum*; item: ab iis contractibus, quos Reges circa negotia privata cum aliis celebrant, & in quibus tanquam privati habentur, & pari jure censentur, ut supra dictum, *n. 49. & seq.*

60. Publicæ conventiones dividi possunt in *fœdera, sponsiones, & alias passiones*. Fœdera, per hoc propriè à sponsionibus discriminantur, quod non nisi iussu summæ potestatis pangantur, & in his, populus iræ divinæ obstringatur; si minus steterit diis & conventis: sponsio-

A. Hochkirchen, Esbic. Christi. Pars II.

nes autem fiant ab his, qui à summa potestate, promittendi causâ, mandatum non habent; equidem promiserunt aliquid, quod summum imperium, aut Rempublicam tangat. Sicut autem Magistratus, aut minor pars populi; populum universum obligare non potest; ita nec, qui populi injussu, aliis quid spondendo promissit, populum fecit obligatum. EXCIPE: nisi quid à sponsoribus promissum fuerit, ad quod populus aliunde ex juris naturalis dictamine, præstandum, obstrictus fuerit. Hoc, ut evidentius percipias;

61. Velim SCIAS; fœderibus interdum sanciri id, quod de se est juris naturalis; sæpe verò aliquid ultra adjici. Si fœdus pangatur, ut non solum iis, qui antea hostes fuerunt, sed nec iis, quibuscum specialis societas aut communio negotiorum fuit, detrimentum aut damnum inferatur; nil aliud pactum intelligitur, quàm quod juris naturalis dictat Synderesis, scilicet: nefas esse; alterum ab altero, sine causa, lædi. Ut idcirco culpandi sint, qui obliteratâ, perversis moribus, Regulâ istâ, latrocinari & prædas in exteros agere, nullò indictò bellò, licitum habuere. De Germanis, *Julius Cæsar & Tacitus* dixere: quod apud ipsos olim nullam invexerint infamiam, latrocinia, quæ extra fines cujusque civitatis fiebant: & de Lusitanis, *Diodorus Siculus* scripsit; quod olim apud *Hispanos* latrocinari, res pulcherrima fuerit habita. Id quod concordat cum Judæorum *enthusiasmo*, qui arbitrantur, se non teneri ad relarciendum damnum datum ei, qui judæus non sit, nec judæis fœderatus. Igitur, si cum extraneis, qui hostes non sunt, & cum quibus bellum non est, fœdus pangatur; ut utrumque sit jus hospitii & commercii, ac ab injuriis abstineatur; nihil, nisi quod juris est naturalis, pactum intelligitur.

Yy

62.

62. Fœdera, quæ juri naturali aliquid adjiciunt, seu, quibus aliquid sancitur, quod jus naturale *per se* non præscribit, sunt illa: quæ pacem inter belligerantes, aut inter pacatos populos, singularem societatem respiciunt. Atque hujusmodi fœdera, aut sunt *æqualia* vel *inequalia*. *Æqualia* pacis sunt; ut res captæ utrimque restituantur; ut omnia in pristinum statum reponantur &c. *Æqualia* societatibus; aut, ad commercia pertinent; aut: ad belli communitatem; aut porro, ad alias res. *Æquales* circa commercia partitiones, varia esse possunt. Puta: ne utrimque ullum vectigal solvatur, aut: ne vetus vectigal solvi solitum augeatur &c. Sic & bellica societas, eo pacto potuit esse conclusa, ut auxilia præstentur paria, scilicet equitum, peditum, navium &c. idque vel ad omne bellum; sive: ad bellum certum, aut contra certos hostes; aut in omnes quidem; sed exceptis sociis. Porro æquale fœdus, potest & ad res pertinere; veluti: si convenerit, ne in confinio alterius, alter arcis aut fortalitia habeat; ne subditos alterius alter defendat, recipiatve: ne transitum alterius hosti concedat &c.

63. Fœdera dicuntur *inequalia*, quibus ex una parte plus, & alterâ minus promittitur, aut præstandum venit. Id quod contingere potest: vel, quod pars dignior alteri auxilia promittat; nec restituetur sibi vicissim auxilia præstari; aut majora promittat: vel: quod pars minus digna, plus minusve alteri digniori promittat; id, quod rursus dupliciter fieri potest, scilicet: aut cum imminutione imperii, vel sine ejus imminutione. Primo modo fit; si pars minus digna promittat se sine dignioris consensu, v. g. nunquam gerere bellum; non restaurare urbis mœnia, non conscribere milites &c. Secundo modo fit; si se obliget ad quædam onera ferenda, v. g. ad solvendam

quotannis pecuniæ summam pro stipendio militum, ad diruenda mœnia, ad discedendum è certo loco; ad suppeditandas naves; ad non navigandum in certas oras &c. Hujusmodi autem fœdera contrahi possunt, non solum inter victores & victos; sed & inter potentiores & impotentiores, qui bellum inter se non gesserunt. Circa fœdera,

64. QUÆRI potest *imò*. An licite inean-
tur cum his, qui à vera Religione alieni
sunt? Ad hanc quæstionem supra *cap. 8. sect.*
5. n. 74. respondimus. Hic solum addi-
mus: quod hæc res, jure naturæ, dubita-
tionem non habeat; quia hoc jus ita ge-
neri humano commune est, ut religionis
discrimen non admittat. Præterea, juri
divino veteri, ante tempora Moysis; non
fuit prohibitum, cum alienis à Religio-
ne, inire fœdus, aliunde nil turpe aut ini-
quum involvens, unde patet in fœdere,
quod *Genes. 31. §. 44.* Jacob cum Laban
pepigit. Neque id per legem Moysis ve-
titum invenitur: ut liquet ex *cap. 23.*
Deuteron. ubi *§. 7.* Hebræi jubentur non
averfari Ægyptios, qui indubiè tunc e-
rant idololatræ: textus enim *ibid.* sic ha-
bet: *Non abominaberis Idumæum; quia*
frater tuus est; nec Ægyptium, quia adve-
na fuisti in terra ejus. Solummodo ex-
cepti fuerunt septem populi, divinâ sen-
tentia damnati, cujus sententiae execu-
tores erant Israëlitz: nam his in idolola-
tria persistentibus, & imperium detre-
cantibus, parcere vetantur, quibus iti-
dem justo Dei judicio additi sunt *Amale-*
cite. Nihil quoque obstat, quo minus per
legem licuerit cum profanis, id est, à fide
judaica alienis, commerciorum causâ &
communis utilitatis gratiâ, fœdus pange-
re, ut liquet ex conventionem, quam 2.
Reg. cap. 5. §. 11. David fecit cum Hi-
ran Rege Tyrionum. Licet autem *Levi-*
tici. cap. 19. Lex Moysus specialiter præ-
ceperit benefacere popularibus; inde ta-

men non evincitur, haud licuisse beneficere extraneis, aut id etiam laudabile non esse. Tameñ etiam in novi fœderis historia legamus; quòd Judæi ob rituum & morum diversitatem, averſati fuerint extraneos; ita, ut infociabiles effecti, cum nulla alia gente, vel mensam voluerint habere communem; sed cæteros pro hostibus habuerint; prout *Flavius Josephus*, in sua narrat historia; Ast nec hunc fuisse veteris legis sensum, Christus nos docuit, exemplo suo, dum legis ubique observantissimus, à muliere *Samaritana* non recusavit aquam accipere. Cæterum, ab hac Regula non tantum excipiendi populi supramemorati, sed & *Ammonitæ* & *Moabitæ*, de quibus ita facit textus: *Deuter. 23. v. 6. Non facies cum eis pacem, nec queras eis bona, cunctis diebus vite tue in sempiternum.* Quibus verbis, fœdera benefica cum illis impiis populis vetantur. Si de societate bellica loquamur, nec ante, nec post Moysis legem, saltem generaliter, reperitur hujusmodi societas cum profanis gentibus prohibita: prohibitio enim siqua reperitur, causas habet speciales; & Reges aut populos Deo exosos respicit, cum quibus Prophetæ dicebant non debere societatem bellicam contrahi. Vide textum *lib. 2. Paralip. cap. 14. v. 2. & 2. Paralip. cap. 25. v. 7.* Itaque prohibitio isthæc non descendebat ex natura fœderis, sed ex personarum peculiari vitiosa qualitate, cui argumento est, quòd *Josaphat* graviter increpitus fuerit, quòd cum *Ochozias* Israëlitarum Rege, commercii causâ, societatem inivisset, similem illi, quam *David* & *Salomon* inivère cum *Hiran* Rege, qui tamen propterea reprehensi non leguntur, cò quòd *Hiran* non fuerit adeo impius & abominabilis sicut *Ochozias*, cui Deus infensus erat. Porro ideo Judæis promittuè non licebat societatem bellicam cum

aliis gentibus contrahere, aut ab iis auxilium petere; quia *Deuter. cap. 28. v. 7.* & alibi, sub illo statu, disertas habebant promissiones victoriæ, dummodò legem observaturi essent; adeoque non habebant opus recurrere ad humanum auxilium.

65. Quòd, si legem Evangelii pendamus; tantum abest, ut Christianis interdictum sit, in justa causa, sublevare alios, à Religione orthodoxa alienos; ut econtra, hæc beneficentia præcepta sit. Nam exemplo Dei, qui solem oriri facit super bonos & malos, & pluviam utroque humectat; jubemus, nullum hominum genus à beneficiis nostris excludere. Esi enim Hebræi crediderint, in solos fratres, suæ fidei consortes, misericordiam fore exercendam; Christus tamen perfectiorem dans legem, in omnes omnino mortales, fraternæ benignitatis præceptum extendit, neminem excludens in miseratione, sicut nec in vocatione, salvâ tamen gradus differentiâ: puta: ut in omnes quidem simus benefici, præcipuè tamen in Religionis consortes. Quòd respiciens Divus *Ambrosius*, *lib. 1. De officiis cap. 3.* sic scripsit: *Perfecta liberalitas, fide, causâ, loco, tempore, commendatur; ut primum opereris circa domesticos fidei.* Id quod naturali lumine agnovit *Aristoteles. Nicom. 4.* inquires: *Neque enim par est, æqualem curam subiri pro exteris & amicis.* His præmissis

66. Dico: Cavendum quidem esse, ne ex nimia cum infidelibus aut hæreticis commixtura, contubernio, aut familiaritate, contrahatur contagium, aut infirmis in fide, detur lapsus occasio; aut porro vilipendatur orthodoxa Religio; equidem in thesi, seu generatim, non esse dicendum; quòd fœdus, societasve bellica aut civilis cum gentilibus vel hæreticis inita, de se, intrinsecam involvant pravitatem;

vitatem; ita, ut nec in summa necessitate illos in auxilium vocare, extra culpam sit. *Summam* autem, velim, haud putes necessitatem, quæ in augendis in imbecillum, ex opportunitate, opibus consistat. Hæc enim non tam necessitas summa, quàm inordinatissima, alienum rapiendi, sæpe cupido est, quæ tantò magis (quantum ad aliena rapienda) à Christicolis aliena esse debet; quantò evidentius ex Evangelio docemus, ne iustis quidem titulis, nimium bonis caducis inhiandum esse; nam, docente Aſſertore nostro *Matth. 6. 13.* primo loco quærendum est regnum Dei.

67. Si quis ergo, ut ut nominetenus Princeps Christianus, aliena habendi cupidine abreptus, contra naturalia & gentium jura, Paganam gentem, quæ suis finibus pacatè vivens, nec Christianos injuriis laceſſens, bello adoritur; non videtur dubitandum; quin Christianis [dummodò de Religione, aut veri Dei, falso cultu non agatur] permissum sit, armis etiam succurrere infidelibus iniquè invasis, ad reprimendos & coercendos improbi invaloris ausus. Jus enim gentium, quod quieti omnium studet, & audaciam contaminatoris tam sanctæ compaginis, communi auxilio reprimere jubet; nulum inter Christianos & gentiles discrimen novit. Ubi tamen præprimis observandum est; quòd injustitia armorum, ex parte Christianorum, debeat esse enormis atque indubitata; populo verò gentili non sit moris, ut oblata occasione, nos vi aut insidiis impetat; quemadmodum Christiano nomini offensissima gens *Turcica*, adeò erga nos perfida est; ut nobiscum, pro suo commodo, vel pacem pangat, vel fracto fœdere, bellum gerat; nos verò adeò desides, & à majorum virtute degeneres sumus, ut vix amplius hosti tam crudeli, neque tamen invincibili,

aut prorsus infrenuo, constanter obſectari audeamus; ingens etiam lucrum reputantes, si amissis aliquod Regni Hungarici urbibus, fortaliis, ditionibusve, pacem redimere possimus. Me Hercle! indignabundus quis mirari posset, quorsum Germanorum illa omnibus sæculis decantata virtus prolapsa sit? Majores enim nostri, suapte fortitudine & generositate, non Europam modò omnem, sed & Asiam & Africam sibi subjecere, atque in Galliam, in Italiam, in Hispaniam, in Angliam, & omnem omnino orbem, Colonias dimisere; nos verò superis etiam ingentes agimus gratias, si finibus nostris tranquillè vivere sinamur. Contra positam supra assertionem nostram, quam, defendit *Grotius De J. B. & P. lib. 2. cap. 15. §. 9. & seq. & Limneus, in Annot. ad art. 2. Capitulationis Caroli V. Verb. Aller Hülff &c.*

68. OPPONES cum *Reinkingio De R. S. & E. lib. 2. class. 3. cap. 3. n. 49. & seq.* Fœdera & auxilia infidelium sunt evitanda: 1^{mo}. Propter periculum perversionis & seductionis. 2^{do}. Propter scandalum & offensa in fide. 3^{mo}. Propter metum invasionis aut desertionis. *RESP.* His rationibus non expugnari nostram Thesin, quin potiùs affirmari id ipsum, quod nos dicimus. Qui enim asserit, fœdera cum infidelibus esse periculosa; is in effectu ait: hujusmodi fœdera absolute, pangi posse; sed cautelà opus esse; ne qui decipiatur. Unde, dum *Reinkingius* cum aliis præsertim Theologis contendit: ideo reprobanda esse fœdera cum Paganis, quia sunt periculosa, non resolvit quæſtionem propositam. Quæritur enim: an talia fœdera, de se sint licita nec ne? sive: an sint *intrinsecè mala*, & vitium in se habeant? non verò indagatur: an consultum sit talia fœdera pangere. Prima quæſtio est *juris*, & de jure

jure procedit, altera de consilio intelligitur. Qui primam negat quæstionem, & hujusmodi pacta de se dicit esse illicita, is defectum in principio agente, & vitium in effectu durans commonstrare debet; non verò pericula duntaxat adducere, quæ probabiliter suboriri possunt. Quia hæc non improbant fœdus tanquam intrinsecè malum, & moraliter turpe; sed solum dissuadent; propter causas externas, quæ rem per se non reddunt vitiosam. Igitur, qui omisso jure, de quo quæstio procedit, consilium aut cautelas adfert, nihil resolvit, sed respondet ad id, quod non quæritur, & aliunde facillè percipitur. Si

69. DICAS cum Bocero, lib. 1. De bello & Duello. cap. 8. distinguendum esse inter infideles, de quorum virtute, fide & constantia certò constet; & inter eos, quorum fides sit dubia. RESP. Ad facultatem agendi, seu contrahendi cum infideli, nihil facere dubiam aut certam fidem. Nam, si de se contractus cum Pagano, nil vitii continet; ob necessitatem, cum ipso contrahere licebit, licet sit dubiæ fidei; quanquàm cavendum sit, ne contrahendo cum illo, qui volubilis est fidei, decipiamur: quæ cautela non solum adhibenda est, si cum infideli; sed etiam, si cum Christiano, negotium habeamus. Verùm cautio ista, ad juris decisionem nihil confert.

70. INSTABIS cum Reinking. Si Divus Paulus Gentium Doctor, indecens & nefas esse putavit, Christianos homines propter lites & controversias civiles, coram infideli iudice litigare, & potius voluit tolerari injurias, quàm id committere; quantò magis nefas erit exortà dissensione inter Christianos, ad infidelium fœdera confugere, & adversus fideles, suppetias ab infidelibus efflagitare? RESP. Divum Paulum 2. ad Corinth. cap. 6. v. 14. loqui de illis, qui in idolis, id est fanis idolorum, convivabantur, atque ita vel idolo-

latrariam committebant, aut certè committentium speciem præbebant, id quod verbis sequentibus insinuat dicens: *Quæ autem conventio Christi ad Belial? aut: quæ pars fidei cum infideli? Qui autem consensus templo Dei cum idolis?* Clariùs id ipsum indigitavit Doctor Gentium 1. ad Corinth. cap. 10. v. 21. inquires: *Non potestis mensa Domini participes esse & mensa Dæmoniorum.* Præterea; Apostolus Christianis absolutè & penitus non prohibuit, ne coram iudice infideli litigarent; sed solum voluit, ut Christi fideles potius coram ministris Ecclesiæ, sine strepitu forensi, & absque scandalo aliorum, causas suas super rebus caducis tractarent, & amicablem convenirent, quàm, ut coram tribunali paganorum animosè litigarent. Voluit inquam Apostolus, ut Christiani, potius boni viri arbitrio, controversias suas componant, quàm, ut de rebus minoris momenti, cujusmodi sunt tunica aut pallium, coram iudice infideli, præsertim initio nascentis Ecclesiæ, ubi Christianorum nomen infidelibus exosum erat, altercarentur. Nequaquam autem Apostolus docuit, aut præcepit; quòd Christiani potius omnia bona sua amittere, aut extremas injurias pati debeant, quàm coram iudice pagano litigare, si necessitas premat, & spes affulgeat juris sui consequendi. Vetat igitur duntaxat Apostolus, ne subito & levibus de causis, non tentatà priùs amicabile compositione, injurioso atque virulento animo, ad gentile iudicium fratres nostros trahamus. Adde: quòd dispar sit ratio Regum & Principum, atque hominum privatorum, de quibus Doctor Gentium loquitur. Privatus enim facillè potest, amore pacis Christianæ, tunicam aut pallium violento raptori dimittere; quia, si nolit illas res retinere, abjicere, aut aliis donare eas potest, utpote illarum domi-

nus & arbiter: Rex autem, qui à subditis suis injuriam & violentiam propulsare, & ipsis iustitiam procurare tenetur, non perarque de ipsorum personis & facultatibus disponere potest. Porro; Divus Paulus, ut ut Christianis interdicit, ne ad Judices gentiles litigatum eant; nequaquam tamen inhibet ipsis, ne iis veluti sociis & defensoribus utantur contra aliorum improbas molitiones. Judicis arbitrium, super juridicundo imploramus; ast foedus inimus, aut foederatum advocamus, ut in necessitate aliàs insuperabili, atque in causa iusta, nobis praestet auxilium. Arctius, & litterali sensui textus supra citati inhaerendo; Die: Officium Christiani Principis, cui ab alio bellum imminet; esse; praepriis tentare amicabilem compositionis viam; quā nihil proficiente, si alterius Christiani Principis auxilium obtinere nequeat; non apparet, cur ad gentiles confugere, & ab iis assilientiam implorare nequeat; si alioquin viribus impar, hosti improbo & inexorabili resistere non posset; sed, sub injusta violentia, perire deberet. Tali certe necessitatis casu, neque Divus Paulus, iustæ & gravis causæ persecutionem, eorum profanis iudiciis, neque quisquam alius, miserrimè oppressum, ab auxilio cuiuscunque excludere vult aut potest. Et quis amabò magis culpandus? an is, qui gentilium armis, se ab alterius injusta invasione defendit? an: qui prava ambitione inebriatus, omne jus fasque pedibus conculcat, & barbarorum more, jus in armis collocat, & omnia licere existimat, quæ superioribus viribus quomodolibet fastidari possunt? Profectò, natura nos in mutuum condidit adiutorium; ita, ut potentiores, alios imbecilliores ab injuriis defenderent; quia catenus natura ipsa, inter mortales, amicitiam & cognationem constituit. Si autem natura jubet oppresso opem ferre;

quis vetet homini ab homine expetere suppetias?

71. Provocat quidem *Reinkingius* ad Concilium *Viennense*, in quo foedera cum infidelibus prohibita ac damnata perhibentur. Verùm, nec prohibita nec damnata ibi fuere absolutè & simpliciter huiusmodi foedera, sed solum proscriptus & anathematizatus fuit abusus, quem, prò dolor! Principes quidam (nominetenus Christiani) commiserunt; dum ex invidia & rancore erga potentissimam & Religiosissimam domum Austriacæ, nullà necessitate cogente, nullis affectu injuriis, nihilque sinistri metuentes, cum Turcis aliisque Paganis, foedera & societates, in perniciem populi Christiani inivisse convincuntur. Vide *Recessum Imperii, Spire*, tempore *Caroli V.* conclusi, anno 1544. §. *So achten wir.* Igitur Concilium *Viennense* nec voluit, nec potuit legitimum defensionis modum penitus à medio tollere, sed, cum jam Ecclesia satis esset dilatata, & pleraque, in Europa, Imperia salvatori nostro nomen dedissent; Patres istius Concilii meritò censuerunt, non amplius opus fore, gentilium uti auxiliis; eò quod per Dei gratiam, Christiani Principes ipsi, jam per se reprimendæ improborum violentiæ sufficient; & aliunde unus alterum fraterno amore prosequi, ac in discrimine constitutum, cunctis viribus juvare teneatur. Confer *Grotium, De J. B. & P. cap. 15. §. 12.*

72. REPLICABIS cum *Reinkingio*: Per talia foedera obscuratur laus & gloria Dei, Victoria enim à solo Deo speranda & petenda. Jam verò infideles victoriam neque à vero Deo petere, neque eidem, sed idolis tuis acceptam ferre constat: proinde Christianus, Paganus in auxilium adhibens, Victoria gloriæ soli Deo debitam idolis adscribere videtur. RESP. Si hæc sequela subisteret; eadem operâ con-

concludendum foret, neque exercitum conscribi, neque munimenta erigi; neque actiones bellicas exerceri debere; sed, victoriam à solo Deo sperandam & expectandam fore; donec omnipotens, vel igne de cælo immisso, vel aquarum inundatione, vel fulguris tonitruque scibus; vel aliis modis, hostem enervasset delivissète. Utique victoria à solo Deo speranda est; alit, ideo desides esse non debemus, eò quòd plerumque Deus nostrà operâ, ceu instrumento, utatur; & nobis prævic orantibus in adiutorium veniat; quanquam non ideo minùs fecerit, quòd instrumentum adhibuerit, sine quo solus totum efficere potuit. Non attribuant infideles soli Deo gloriam, sed victoriæ laudem suis adscribant idolis? Quid inde? Sufficit certè; quòd Christianus Princeps, victoriam soli Deo vero acceptam ferat; ut ut adjutores habuerit gentiles idolorum cultores. Planè, sicut bonus Princeps, non ideo impia bella gerit, quòd in ejus exercitu plurimi sint Christiani scelerati & impii. Unde, sicut Deus non rarò impiis utitur hominibus ad puniendam aliorum delicta; ita & impiis gentilibus in summa necessitate, Princeps Christianus uti potest, dummodò ipse in pietate & probitate perduret, & ita sit comparatus, ut Paganorum cæcitati indoleat, & illos mallet esse Christianos, quàm idololatrias.

73. Dices: Bella non minùs piè, quàm fortiter suscipienda atque gerenda sunt: Atqui, cum infidelium auxilio, bellum piè geri non potest. Ergo. Resp. Belli gestionem esse actum justitiæ *executivum*; justitiam autem tam per impios, quàm probos executioni mandari posse; quoniam nil ad justitiam refert, quibus instrumentis, dummodò ex ordine, fiat executio; præsertim in casu necessitatis, ubi illa per probos fieri nequit. Confer *Gro-*

tium, loc. cit. lib. 2. cap. 26. §. 5. ubi dicit; posse Regem, exemplo Dei, voluntate militum non tantum bonâ, sed etiam malâ uti; dummodò Rex ipse ad faciendâ mala non concurrat. Pietati enim & justitiæ convenientius est, ut innocens Christianus infidelium justo patrocinio sublevetur; quàm, ut ab altero Christiano (qui nomine quidem talis; reverâ autem & prædo & carnifex & tyrannus est) fratre suo, injustis armis trucidatur, aut prorsus conculetur.

74. QUÆRI potest 2dò. Si plures bellum gerant, utri potius opem ferre debeat, qui utrique est fœderatus? Resp. 1mò. Si unus fœderatorum justam foveat causam, alter vero injusta arma gerat; utique illi succurrendum est, à cujus parte stat justitia. Omnia enim fœdera, quibus auxilium ad bellum promittitur; hanc imbibitam habent conditionem: *Si bellum fuerit justum.* Promissio enim de re illicita & turpi, non obligat, quòd adeò verum est; ut is, qui etiam in societatem belli injusti consentit, non teneatur stare promissis; quia fidem suam nemo obligare potest, quando illa absque peccato servari & expleri nequit. Cæterum, Responsio data limitanda est in casu, quo ita pactum fuerit; *ut contra nullum confœderatorum auxilia mittantur*; tunc enim neque illi assistendum erit, qui justam foveat causam; nisi fortè is in extremam necessitatem, per injusta alterius arma, conjiciatur. Tali enim eventu, ex lege charitatis, contra quam pactum non obligat, confœderato, sicut cuivis alteri, succurrendum esset.

Resp. 2dò. Si fœderati belligerentur ex causis utrinque injustis; neutri parti auxilia erunt suppeditanda, quia nunquam ad effectum malum concurrere, aut cooperari licet. Resp. 3tò. Si fœderati iusta de causa, in alios bellum gerant; tunc

si utrique auxilia mitti possint, sive in milite, sive in pecunia; utrique assistendum erit. At, si ipsius, qui promissit praesentia, quae individua est, requiratur; ratio postulat, ut praeratur is, cum quo antiquius est foedus. *Excipe*; nisi posterius foedus, ultra promissionem, quid contineat, quod quasi dominii translationem importet; puta: *aliquid subjectionis*. Nam, sicut in venditione, dicimus primum emptorem praerferri; nisi secundo res simul tradita fuerit; sic & deditiois, quam societatis fides sanctior.

75. QUÆRI potest 31^{da}. In quid teneantur sponsores, si sponsio à Rege vel Republica reprobetur? Ante Responsionem *Suppono*: illum, qui summum imperium habet, ad nihil teneri, si sponsor absque ejus mandato, quid promiserit; teneri tamen jus reddere iis, quibus sponsor fidem suam addixit. Quemadmodum enim cuius extraneo, qui in subditum suum, actionem quandam juris habet; justitiam administrare debet; ita quoque contra sponsores, qui fidem Principis (ejus injussu) temerarie aliis obstringere ausus fuerit. Cum igitur Princeps ipse non teneatur praestare id, quod ipsum facturum, alter promissit; quaestio est: quatenus saltem sponsor, aliis, quibus spondit, obstrictus sit?

76. Regulariter quidem sponsor, qui factum alienum promissit, non tenetur ad id, quod interest; modo facere non omiserit, quod ex sua parte, ad id factum obtinendum, facere potuit. Id tamen non procedit, si verba, aut negotii natura, obligationem inducat strictiorem; cujusmodi est actus, de quo nostra procedit quaestio: Quoniam non solum sponsor promittit factum alienum, scilicet Principis sui, sed & simul aliquid ab altera parte accipiendo, se ad faciendum vel dandum obligat. Unde

77. RESPONDEO: Hujusmodi sponsores non liberari, si omnem diligentiam adhibuerit, ut tertius factum quod promissit, praestaret; sed, si tertius factum promissum non praestiterit; tenebatur stipulatori, quanti ejus interest promissionem non fuisse factam. Tamen autem maxime ejus interesse possit, ut res in eum statum reponatur, in quo erat ante promissionem; quia tamen id non semper in potestate sponsores est, & impossibile nulla obligatio; ideo morali necessitate, non ultra conveniendus, nec obligandus est; quam ad id, quod facere potest. Unde, si bona ejus non sufficiant, rædum corpore ab iis, quibus eum egit, apprehendi; sed & iisdem *dedit* poterit à Principe cujus fidem temerarie interposuit; ita, ut servus eorum fiat, quos secessit. Sed quid, si sponsor suo nomine, poenam seu multam sponsoni suae adjecerit praestandam à se, si Princeps factum promissum non expleverit? Tali casu, cum non nisi poena sit in obligatione, nil ultra exigi poterit, etsi sponsor caput & vitam suam, vel obfidem, obligaverit. Quanquam enim multa pecuniaria, loco incerti, quod interest, in stipulatum deduci queat; nemo tamen suam vel alterius vitam valide obligare potest, prout alibi dictum.

78. Hic QUÆRI potest 4^{ta}. Num Principis scientis & silentis taciturnitas, ratam faciat sponsores promissionem? *Resp. Sub distinctione*: Aut purè, aut sub conditione, facta est sponsio; si videatur à summa potestate ratiabatur? Certè conditio non impleta, nullam reddit sponsonem. Quod, si sponsio purè facta sit; considerandum: an præter silentium aliquid probabile argumentum ratiabationis accesserit? Siquidem, sine re aut facto aliquo, nuda taciturnitas, quæ ex aliis causis provenisse potest, non fat probabilem voluntatis conjecturam suppeditat.

rat. Sed, si actus aliqui acceperint, qui ad aliam causam verisimiliter referri nequeant; tunc rectè intelligitur actus rati habitus.

79. De interpretatione pactorum ac promissorum agendo; SUPPONENDUM est; promissorem ad id, & non aliud præstandum obligari, quod animo concepit & voluit; quia tamen actus interni, per se non patent; neque indulgendum etiam est, ut quis ad se liberandum, quem voluerit sensum verborum suorum effingere queat; ideo disquirendum; qua ratione, verba paciscerentium, aut negotia tractantium, ritè sint interpretanda?

80. Profectò, si nulla sit in contrarium conjectura, verba capienda sunt, in proprio sensu, non grammaticali, qui est ex ethymo & origine vocabulorum, sed usuali & populari, secundum morem Regionis. In artium autem vocabulis, quæ ultra captum plebis sunt, adhibenda erit artis ejusque prudentum definitio, Nam, ut dicit Divus Pater *Augustinus in Rhetoricis: Ut multa nova tam à technicis & Mathematicis, quàm à Philosophis cognominantur, accipere debemus non tam pro solito usu consuetudinis, quàm pro conditione præcepti.* cui consonat illud *Ciceronis lib. 1. Academicarum questionum: Dialecticorum verba nulla sunt publica: suis utuntur: & id quidem commune ferè est omnium artium.* Sic: si in pactis, de exercitu, quid dictum fuerit; exercitus ea militum multitudo intelligenda est, quæ palàm fines hostiles ausit invadere. Quia politici passim distinguunt inter ea, quæ furim, aut latrocinantium more sunt, & ea; quæ iusto sunt exercitu, qui ex hostium copia & viribus æstimandus venit. Sic & arx intelligitur locus iste, à quo, ad tempus, hostis arceri possit.

Si verba sint æquivoca aut ambigua; tunc ea antecedentibus vel subsequenter verbis, aut ex materia substrata, vel ex

effectu, aliivse conjunctis, conjectura voluntatis, & sensus loquentium hauriri debet. Sic armorum vox, quæ modò belli instrumenta; modò milites armatos significat; pro materia, de qua agitur; aut instrumenta, aut milites significat. Sic: qui homines reddere promissit; vivos, non mortuos reddere debet. Et: qui dimidiam navium partem promissit reddere; non explet promissum, dando naves dimidiatas seu in medio sectas. Confer *Everbardum, in loco: à subiecta materia.* Quò ad effectum quoque ea faciendæ est interpretatio, ne vox, ex ulu receptiore, effectum post se trahat à ratione alienum. In verbis enim ambiguis, is colligendus est sensus, qui vitio careat. *Everhard, in loco. Ab absurdo.* Ex conjunctis demum, sæpe probabilis hauriri potest conjectura voluntatis. Conjuncta autem esse possunt, aut origine, aut loco. Conjuncta origine sunt; quæ ex eodem animo proficiuntur, etsi alio loco, & alia occasione, dicta sint. Indubio enim voluntas censetur sibi fuisse consentiens. *Everhard, in loco: A conjunctione duarum legum.* Porro, ratio legis vel dispositionis, validissimam præbet conjecturam voluntatis, puta: si certò constet, aliqua ratione, tanquam causâ unicâ, voluntatem fuisse motam. Nam interdum sunt plures, quarum quælibet sufficit, aut movisse potuit legislatorem, aut alium agentem. Interdum etiam præter rationem, voluntas pro libertate sui, se ultro determinat; quod ad producendam obligationem sufficere potest; quia pro ratione stat voluntas.

81. Hic insuper OBSERVANDUM est modò. Quasdam voces, duas habere significaciones, unam scilicet strictiorem, alteram laxiorem: id quod ex diversis causis oriri potest; aut, quia uni specierum nomen generis attribuitur, veluti: cùm filius masculino vocabulo *homo* dicitur, licet & filia generis, seu, ut Philosophi dicunt, *specifi-*

co, homo sit. Aut: quia usus artis, latius patet, quam usus popularis: prout apud jurisprictos, mors, civilem quoque mortem, v. g. *deportationem* importat, licet vulgò significet separationem animæ à corpore.

82. OBSERVANDUM 2dò. Ex his, quæ in pactum deducuntur, alia esse favorabilia, alia odiosa, alia mixta, seu media. *Favorabilia* sunt: quæ gratiam, beneficiûmve important; aut, quæ communem respiciunt utilitatem, quæ, quò major est, atque latius patet, eò majorem inducit favorem. Sic illa, quæ ad pacem faciunt; majorem favorem continent, quam quæ ad bellum; & belli *defensivi*, seu ad tuitionem suscepti, favor est major, quam belli *offensivi* & ultro suscepti. *Odiosa* sunt: quæ aut alteram partem *santum*; aut plus alterâ gravant; aut: quæ pœnam in se continent; aut: quæ actus faciunt irritos. Item: quæ de prioribus aliquid immutant. *Mixta* sunt: quæ uno respectu quid favoris, altero quid odii seu gravaminis habent, adeoque, pro ratione magnitudinis, seu participationis, modò favorabilia, modò odiosa censentur, quanquam cæteris paribus, favor censeatur potior. His præmissis, circa normam interpretandi:

83. PRIMA sit Regula: In non odiosis, sumenda sunt verba, secundùm totam proprietatem usus popularis. Unde *indefinita* locutio, pro universali capietur, & masculinum, sub se continebit scæmininum. Sic: si cautum sit: *ne luminibus officiat*; humanius est indefinito luminum vocabulo, omne lumen significari, scilicet præsens & futurum. l. 23. ff. *De servit. P. U.* Sic quoque verba hæc: *Unde quis dejectus est*, etiam ad eum restituendum pertinebunt, qui vetitus est ad suum fundum accedere. Nam vox *dejectus*, latius sumpta, fert eam significationem. Ob eandem rationem, *in favorabilibus*, si is, qui loquitur, jus in-

telligat; aut jurisperitorum consilii utatur; verba adeò laxè sumenda, ut etiam prorogentur ad significationem, quam *ars* introduxit, aut lex dedit. Alioquin ad significationes planè improprias, non recurrendum; nisi alioquin absurdum aliquid, aut pacti inutilitas, vel *nullitas* induceretur. Econtrario autem, verba etiam strictius, quam fert ptoprietas, sumenda erunt; si id necessarium sit ad vitandam iniquitatem vel absurditatem. At, si talis non ad sit necessitas, sed manifesta æquitas vel utilitas in restrictione; substitutum erit intra arctissimos terminos proprietatis, nisi circumstantiæ aliud suadeant.

84. REGULA 2da In odiosis, etiam sermo figuratus aliquantulum admittitur, quò onus, pœna, aut gravamen vitetur. Sic in donatione & juris sui remissione, verba quantumvis generalia, restringi solent ad ea, de quibus verisimiliter est cogitatum. Hinc, etsi Imperator juret inter alia: *Des er wolle und solle in zeit seiner Regierung, fried- und nachtbahrlich sich gegen den anstossenden und Christlichen gewalten haben*; nihilominus ipsi licet in territorii hæreditariis, ad confinia, munitiones & fortalitia exstruere, licet externæ *Potestates* hujusmodi exstructionem in sui æmulationem fieri arbitrentur, aut sibi suspectam habeant. Cùm enim hæc materia sit odiosa, ubi Imperatori, quod ipsi alias, vi majestatis & juris superioritatis, peinde ac aliis Imperii Principibus competit, nequeretur; certè ad adimendum Imperatori tale jus, non sufficiunt verba, quæ videntur extra propriam significationem, tale quid innuere, sed potius [quia odia restringenda sunt] pro libertate interpretanda veniunt. Nam verba: *fried und nachtbahrlich sic halten*; salvâ etiam propriâ significatione, impleri possunt, licet Imperator in confiniis Regnorum suorum, fortalitia exstrui faciat. Nemini enim injuriam facit, qui re sua utitur: neque Principes con-

termipi,

termini, ex tali facto, jus suum læsum esse, querulari possunt. Unde oppositum sustinens *Lemneus*, *Jur. publ. lib. 4. cap. 8. n. 237.* non est audiendus.

85. Quæritur potest: an *sociorum nomine* veniant tantum ii, qui tempore fœderis, jam socii erant; an verò & *socii futuri*? *Resp.* Si de pace inter utriusque populi confœderati socios servanda, deque nemine ex his utrimque lædendo, gravando &c. agatur; ex supra posita Regula, dicendum est; & socios futuros, fœdere videri comprehensos, cò quòd favorabilia sunt extendenda; si verò quæstio sit de bello suscipiendo, vel rumpenda pace, adeoque de offendendis alterius partis sociis, non videntur socii *tempore fœderis non existentes*, tanquam consortes pacificentium, reputari posse, puta: si altera pars fractæ pacis arguatur, & ex hoc capite, contra illam & fœderis socios, vindicta suscipiatur.

86. Non prætereunda est quæstio: in pacta cum Rege vel populo inita, sint *realia*, vel *merè personalia*? Si enim sint *duntaxat personalia*, cum persona paciscente terminantur, nec ultra obligant; si verò sint *realia*, transeunt ad successores, eosque obstringunt. Pro resolutione hujus quæstionis. *Resp.* imò. Si cum populo libero actum sit, tunc id, quod ei promittitur, sui naturæ, *reale* est. *Ratio*: Quia populus, utpote subiectum, cui aliquid promittitur, est *res permanens*. Id quod adeò verum est; ut, etiamsi status *Democraticus* in *Monarchicum* mutetur, nihilominus fœdus integrum maneat; quia manet idem civitatis corpus, cui caput additur. Neque Imperium, quod per Regem exercetur, definit Imperium esse populi, saltem *in actu primo*.

87. Exceptio tamen facienda; si causa fœderis unice respexisset statum proprium, in quo populus pro tunc verfabatur; veluti: si liberæ civitates, libertatis tutandæ gratiâ, fœdus contraxerint, & postea desinant

esse liberæ. *Resp.* add. Si cum Rege contractum sit; non ideo præcisè fœdus mox est censendum *merè personale*. Nam, ut rectè à *Pedio* & *Ulpiano* in *l. Jure Gentium §. Pactum. ff. De pactis*, Observatum est; plerumque persona, seu vocabulum personale, pacto inseritur, non ut pactum sit, aut fiat *personale*; sed, ut demonstretur, cum quo pactum sit initum.

88. *Resp.* 3^{ta}. Si fœdus factum sit in bonum Regni, aut cum Rege & Successoribus; aut etiam ad tempus definitum, v.g. ad triginta annos; jam satis apparet, esse *reale*, & ad posteros transire. Idem dicendum: si ex verbis, aut materia subtrata, verisimiliter judicetur, fœdus ideo fuisse initum, ut continuè & semper duret. Quod, si pares sint utrimque conjecturæ; ex Regula æquæ interpretationis, pactum *favorabile* seu favorem continens, *reale*, *odiosum* verò *personale* credendum est. Hac ratione, fœdera pacis aut commerciorum causâ contracta, tanquam favorabilia, pro realibus & perpetuis reputantur, quæ verò belli *offensivi* gratiâ ineuntur, tanquam *odiosa* restringenda sunt, ut personalia reputentur. Dixi: *belli offensivi*; nam fœdera, se tuendi causâ, præcisè inita, propius ad favorem accedunt, ut censeri mereantur *realia*. Quòd, si quis cum altero tale fœdus pepigerit, ut ipsi consors, socius & adiutor esse velit *in bello, sive offensivo, sive defensivo* ita pactum interpretandum est: ut pacificens cenicatur habuisse rationem prudentiæ, justitiæ & pietatis ejus, quocum egit. Non enim id voluisse censetur, ut se obligaret in omnem eventum, sive justè, sive injustè alter bellum susceperit.

89. Quid, si fœdus initum cum Rege, qui regno sit expulsus à subditis suis? *Resp.* Sive idem Rex, sive successor ejus sit regno expulsus, equidem fœdus de jure, integrum manere debet: quia, ut ut possessionem corporalem amisit, jus tamen eo ipso non amisit,

amifit, nifi versemur in casu, quo Rex id commiserit, propter quod secundum præscriptum legum regni fundamentalium, regno privatus sit: quo equidem eventu, fœdus cum tali Rege initum non censetur expirare, si inutilitatem regni, populo saltem tacite consentiente, fuerit ictum. Nec vim ullam habet, quod vulgò dici solet; societatem morte socii finiri; id enim ad societatem *privatam*, quæ juris civilis est, pertinet, non ad *publicam*, Regio, aut populi nomine, initam. Falsum igitur est, quod *Bodinus lib. 5. cap. 1.* Pseudopoliticè assertit; scilicet: fœdera ad Regum Successores non transire, eò quòd juramenti vis, personam jurantis non exeat. Tameñ enim jurisjurandi obligatio, jurantis personam duntaxat obligat; ipsa tamen promissio, *de se* hæredem aut Successores obligare potest. Neque verum est, quod author ille, pro fundamento suæ opinionis, addert; videlicet: fœdera vim unicam habere *ex jurejurando*; quasi verò ipsa injurata promissio, cui majoris religionis seu vinculi causâ, juramentum additur, de se obligationem non induceret; id quod erroneum esse, nemo ignorat, qui vel nudâ utitur ratione.

90 **Q**UÆSTIO alia est: an subditi *Regis legitimi*, per injustum invasorem regno pulsi, item: an populus liber à Tyranno, Regni invasore, oppressus, inculpate arma reassumat contrainiquum usurpatorem Regiæ dignitatis? Profectò, nisi deferat aut desperata sit legitimæ Regis auctoritas (confer *Grotium De J. B. & P. lib. 1. cap. 4. §. 18.*) licitum videtur cuilibet ex subditiis, suâ & hortatu legitimi Regis, obsistere invasori, quem *Henniges* etiam occidi posse ait in *observationibus suis politicis & moralibus*, ad *Hugonem Grotium, loc. cit. pag. mibi 304.*

91. Cohærens est **Q**UÆSTIO; quid sit dicendum, si populus subactus, sub prætextu fidelitatis homagio, in potestatem in-

vasoris venerit? An populus oppressus, & in verba tyranni jurare coactus, vero domino præjudicet? An (inquam) datam fidem, coram Deo violet, si legitimi Principis & domini sui jussu, datâ occasione, aliud egerit? Hoc inter Theologos sanctum & communi calculo probatum est; subditum, extrema potius pati debere, quàm rejecto veri Regis obsequio, alteri jurare fidelitatem. Ut ut enim alteri fides sit data; nullius tamen roboris est promissio, eò quòd adsit vitium in causa efficiente, voluntate scilicet promissoris, & effectus inde provenire debeat vitiosus. Populari enim plebi peripectum est, quòd uno eodèque tempore, & ex eadem causa, duobus plenarium obsequium civile præstari nequeat. Jam verò, Rex exul, subditos obligatione fidei non solvit, adeoque hi nequeunt eandem alteri promittere; eodem fere modo, quo vinculo matrimonii ligatus, nequit valdè nuptias cum alia contrahere, propter defectum facultatis agendi. Unde, non obstante fidelitatis juramento, quod ob dictam rationem, nullius est momenti, poterit civis, hortiari Regis sui, illegitimo domino oblectari, imò ipsum, ut vult *Henniges*, trucidare. Dissentit quidem *Joannes Frid. Hornius. De civitate. lib. 2. cap. 11. §. ult.* existimans per ipsam veri Regis dejectionem, & actualem invasoris possessionem, imperium transferri ad invasorem, idque, sive taceat Rex ejectus, (quo casu, inquit, videtur imperandi facultatem invasori donasse) sive, bello petat invasorem, qui tam diu retinet imperium in subjugatos, donec illud pari vi, aut conditionibus amittat. Sed fallitur Author iste. Non enim qui populum sub jugum misit, eò ipsò, mox adeptus est imperium, quod non apud populum, sed apud Regem fuit, qui in fidem & potestatem invasoris necdum venit. Neque Deus censetur legitimum Principem, ante realem ejus subjectionem, voluisse privare

private imperio, & illud in violentum in-
valorem transfuisse. Ut ut igitur *facti* quan-
dam usurpationem, alieni regni invalor,
habeat; non tamen habet regni proprietatem,
seu jus imperandi in *actu primo*. Sicut
enim dominus servi (quem alius ipsi eripuit,
ita ut difficilis sit ejus persecutio) possessionem
quidem amisit, dominium verò retinet;
ita Rex est possessione regni *viâ facti*
ejectus, ejusdem dominium imperiûmve
adhuc retinere censetur. Profecto, nisi alia
voluntatis indicia accedant; sola, ad tempus,
Regis exulis taciurnitas non sufficit
ad præsumendum, quod regnum invalori
donaverit. Quid enim, si Regi exuli idoneæ
vires & auxilia necdum adsint? An
ideo mox invalori omne jus suum donasse
censebitur? Certè id neutiquam præsumendum,
sed potius credendum, eum expectasse
commodius tempus rependi regnum
suum. Idem dicendum, si v. g. mater
Regis infantis, injustâ vi est possessione Regni
vel Ducatus fuerit ejecta, & jus suum,
morali necessitate impedita, persequi non
potuerit: nihilo enim minùs filius Regni
hæres, si adoleverit, & vires habuerit, regnum,
ducatumve ablatum repetere valebit.
Aliud foret, si Rex ipse legitimus, in
potestatem invaloris venisset, tunc enim
Gentium jure (non tamen secundum justitiam
internam) servus fieret victoris;
adeoque imperium amisisse censeretur.
Aliud itidem foret: si populus antecesserit
liber, se submisisset invaloris imperio. Hic
enim, sicut Regem eligere; ita & regnum
in violentum invalorem transferre potest.
Confer *Grotium, De J. B. & P. lib. 1. cap.*
3. §. 12.

92. *PETUS*: Quæ faciendâ sit interpretatio,
si promisso ei præmio, qui primus ad
metam pervenerit; *duo final* eam attinge-
rint? Quæstio inquam est: an præmium
debeat utrique, an utrius? Sanè, vox
primus, ambigua est. Nam, aut cum signi-

ficat, qui omnes antecedit, aut quem nemo.
Differt autem is, qui omnes antecedit, ab
eo, quem nemo antecedit in hoc: quòd *ille*
parem non habeat, *hic* verò habere possit.
Quicumque omnes antecedit, eum antecedit
nemo; alii, quem nemo antecedit, is
non continuò antecedit omnes, cum duo
vel tres possint esse *pâri ordine & gradu*.
Ad quæstionculam *RESPONDEO* in *hypothesi*;
quòd duo insimul ad metam pervenerint
ex æquitate, aut præmium esse inter ipsos
dividendum, aut si aut si præmium sit re-
indivisibilis; veluti: si sequi sit promissus;
forte experiendum, cui cedat.

93. Aliud interpretandi genus profici-
ciur ex conjecturis extra significationem
verborum, eorum scilicet, quibus promissio
continetur: idque duplex est, nempe vel
amplians vel *coarctans*. Profecto, dum extra
verba promittentia, quaeritur conjectura,
ea valde certa esse debet, ut obligationem
inducat. Non enim rationis *similitudo* suffi-
cit, sed *identitas* requiritur. Quinimò, nec
rationis identitas ad ampliationem facien-
dam semper sufficit, ut ut enim ratione vol-
untas moveri solet; interdum tamen, *pro*
ratione, stat voluntas, quæ etiam pro exer-
cicio suæ libertatis, *sine ratione*, quid po-
tuit statuisse. Quamobrem, ut talis ampli-
atio, seu extensio, ritè fiat; necessum est,
ut constet, rationem, propter quam, ex-
tensionem facere volumus, ad causam verbis
hæud expressum; fore causam *finalem, uni-*
câ & *efficacem*, quæ promittentem moverit;
eâque rationem, in sua generalitate, fu-
isse consideratam, eò quòd alioquin pro-
missio fuisset aut iniqua aut inutilis. Huc
spectat locus ampliationis *per ratiocinationem*;
dum videlicet ex scripto deducimus,
quod scriptum non est. Et eò pertinent ea,
quæ Jurisperiti & pragmatici observant cir-
ca ea, quæ in fraudem, & captiosè fiunt.
Pone: quòd eo tempore, quo non erat aliud
muniendi genus, dictum in pactione fuerit;

ne locus muris cingatur. En locus iste, ne agere quidem cingi poterit, si constet, eam ob causam duntaxat, prohibitum fuisse muris cingi locum, *ne muniretur.* Sic: si testator quid deposuerit sub conditione: *si posthumus*, quem expectabat, *sit mortuus*; sententia disponentis producit etiam ad illum casum: *quo natus non fuerit posthumus.* Quia liquet, voluntatem disponentis motam fuisse consideratione *non existurae prolis.* Si hic

94. ROGES: An mandatum impleri possit non per *idem*, sed per aliud *equipollens*, æquè utile, aut etiam utilius, quam erat illud, quod mandans præscripserat? *Rasp.* Id demum licere: si constet, id quod præscriptum erat, non fuisse præscriptum sub speciali sua forma, sed sub consideratione generaliore, quæ aliter quoque obtineri possit? Sic: *Scævola*, l. ult. ff. *Mandati.* respondit: eum, qui fidejuberè justus est, *mandare posse creditori, ut tertio pecuniam numeret.* Alioquin, si præcisiuè, & in specie determinatum fuerit mandatum; mandatarium illius fines, prætextu melioris consilii, egredi non poterit.

95. Interpretatio *coarctans*, *limitans* aut *restringens* petenda est, aut ex originario voluntatis defectu, aut ex casu emergentis repugnantia cum voluntate, aut ex cessatione rationis, quæ plenè & efficaciter movit voluntatem, aut porro ex materiæ defectu. *Originarius* voluntatis defectus meritò colligitur ex absurdo, quod alioquin evidenter sequeretur. Calus emergentis repugnantia, ideo interpretationem coarctantem fieri suadet, quia calus omnes nec prævideri humanitus possunt, nec exprimi: adeoque opus est quadam libertate eximendi calus, quos, qui locus est, si adesset, exciperet: sed id temerè, & sine verisimillima ratione non est facitandum, ne quis sine rationabili fundamento & indicis sufficientibus, se dominum faciat

actus alieni. Certissimum autem indicium est; si sequi mandantis aut disponentis verba nudè & generatim accepta, illicitum foret; utpote repugnans naturalibus aut divinis præceptis. Talia enim, cum obligationem invchere non possint, necessariò excipienda sunt. Sic: qui promissit depositum gladium reddere, non reddit deponenti furioso, ne ipsi aut aliis innocentibus periculum creet. Sic nec res deposita ei, qui deposuit, sed domino comparanti & repenti reddenda est: & *hanc* (inquit *Tryphonius* in l. *Bona fides.* ff. *Depositi*) *justitiam probo, quæ suum cuique ita tribuit, ut non distrabatur ab ullius persone justiore repetitione.*

96. Præterea: licet verba sequi, non quidem per se & omnino sit illicitum; illa tamen restringi convenit, si illorum literalis observantia nimis grave & insupportabile onus induceret; sive *absolutè* spectatâ conditione naturæ humanæ; sive comparando personam & rem, de qua agitur, cum ipso fine actûs, qui intenditur. Hinc, qui rem alteri ad certos dies commodavit; intra illud tempus, repetere eam poterit, si ipse eadem re valde indigeat: quia actûs tam benefici, ea indoles est: ut non credendus sit quispiam ad magnum suum incommodum se voluisse obligare. Pariter, qui auxilium foederato promissit, excusabitur, quàm diu ipse domi periclitatur, in quantum suis copiis opus habet ad se tuendum. Item: concessio immunitatis vectigalium & tributorum, intelligitur *de quotidianis & anniversariis*, non *verò* de iis, quæ ob summam Reipublicæ necessitatem imposita sunt. Confer *Rosenthalium*, De *Feudis*, cap. 5. *conclus.* 88. n. 2. *Cosmannum*, *Consil.* 11. n. 31. *Henricum Bocer.* De *collectis* cap. 4. n. 12. Generatim verò non est concludendum; quòd toties non sint servanda promissa, quoties sint iis, quibus promiseris, *inutilia*; neque tunc

tunc servanda sint; si plus ex promissorum adimplerione damni aut gravaminis sentias, quàm alter commodi aut levaminis percipiat. Nam, an res utilis sit futura ei, cui promissa est, promissor considerare non debet, nisi fortè in casu furoris, de quo ante. Similiter, ut promissum, promissorem non obliget; non sufficit, ut qualecunque nocumentum exinde redundet in promissorem; sed tale debet esse, quod pro natura actus credi debeat exceptum. Sic: qui operas suas ad dies aliquot alteri promissit, non tenetur, si cum morbus lonicus patris aut filii detineat.

97. *Ex cessatione rationis* fit restrictio. Quia, ubi deficit ratio, quæ voluntatem movit, ibi deficit voluntas ipsa. Observandum autem, sub ratione, sæpe comprehendendi res quasdam, non præcisè secundum existentiam; seu: *ut actu existentes*; sed, *secundum potentiam moraliter consideratam*; quo casu, restrictio facienda non est. Sic: si cautum sit, *ne exercitus aut classis, aliquid ducatur*; non poterit eò duci, etiam animo non nocendi: quia in passione, non certum & actuale damnum, sed & damni periculum qualecunque, spectatum est.

98. Porro, cum materia substrata semper intelligatur obversari animo loquentis, & *tantum obiectum* consideretur ab eo, qui agit: hinc patet: quòd ob materiæ mutationem, quæ & per varias circumstantias & accidentia fieri censetur; verba de se latius patentia, restringenda sint & coarctanda ad rationabilem mentem, quam loquens habuisse videtur.

99. Quænam facienda interpretatio, si in prædictis legibus aut dispositionibus, quædam appareat collisio seu contradictio? RESP. In tali eventu, observandæ sunt Regulæ

sequentes. 1ma. Lex aut dispositio aliquid merè permittens, cedere debet alteri, quæ jubet aut præcipit. Plus enim roboris habet *Sanctio*, quàm *permisio*. 2da. Quod faciendum est certo tempore, præferendum est ei, quod quovis tempore fieri potest. Ex quo rectè colligitur; quòd plerumque *pactio vetans*, vincat *jubentem*, quia pactio vetans obligat *semper*; & *pro semper*, jubens verò, *semper* quidem sed non *pro semper*, nisi aut tempus sit expressum, aut jussio tacitam contineat prohibitionem. 3tia. Inter pacta, quæ pares habent qualitates, illud præferendum est, quod magis est peculiare, & ad rem propius accedit. Nam specialia solent generalibus esse efficaciora. 4ta. In prohibitionibus, ea præferenda est, quæ pœnam adjunctam habet: & si utraque prohibitio pœnam minetur; illa rursus erit magis attendenda, quæ graviolem pœnam intendit. 5ta. Illa sententia præstelligenda est, quæ causas habet magis honestas aut magis utiles. 6ta. Quod postremò dictum, vincit antecedenter disposita. 7ma: Si pactum *juratum* concurrat cum *non jurato*, præferendum erit illud, cui adest jurisjurandi religio.

100. PARS: An in dubio, contractus censeatur esse perfectus, priusquam redactus sit in scripturam, & antequam hæc sit extradata? RESP. Nisi expressè aliud convenerit, credendum est, scripturam adhiberi, ut monumentum contractus, ut is probari possit, reverà ita factus fuisse. Non igitur regulariter scriptura pertinet ad substantiam actus vel contractus: prout evincitur ex l. *in re*, & l. *Sires gesta. ff. De fide instrumentorum. l. Pactum quod bonæ fide. Cod. De Pactis*. Confer *Myrsingerum, Decad. 10. Consil. 91.*

En Candide Lector! habes hic pertractatas materias, quarum elenchum frontispicio Operis præmisit. Errata, quæ per inadvertentiam revisoris, irrepererunt; sequens pagella indicat, & tua facili observabitur eruditio; quin & ea, in contextu correctæ reperies, in secunda Operis editione, cui, Deo dante, præter Tractatum de *Sponsionibus, Pactis & Contradiis*, eorundemque *tuarum formularum, & licitis cautelis*; non inutiles adjiciam annotationes (siquidem, sæpe in una periodo,

iudo, etiam pertinentia, sine obscura digressione, exprimi non possunt] Non succensebo in-
terim tibi, quisquis es, & meliora nostri; si me charitative monueris, & tempestive erudiveris.
Haud enim crubescam, ad exemplum Magni Patriarchæ nostri AUGUSTINI, retrahere
singula, quæ forte inconsideratius, aut minus rectè scriptissem, quanquam nil omnino
vel attigisse sciam, nisi quod tum Romano-Apostolicæ, & *unicè salvificæ* fidei nostræ dogma-
tibus; tum Orthodoxæ, & ante Lutheri, vel Calvinii incunabula, canonizata orthodoxorum
Patrum doctrinæ moralis penitus consonare crediderim.

F I N I S.

E R R A T A

In libro primo corrigenda.

In libro secundo corrigenda.

		P. Col. N. L.			P. Col. N. L.
<i>Ipsummet,</i>	Ipsummet	3 2 5 1	<i>Exolera</i>	Exolera	8 1 12 7
<i>Libri</i>	Liberi,	5 2 11 9	<i>Relinquit</i>	Relinquet	13 2 8 8
<i>Decalogi</i>	Decalogo	12 1 30 21	<i>Quia</i>	Qui	14 2 11 4
<i>Sunt, quia</i>	Sunt speciei, ideo		<i>Dirimere</i>	Non dirimere	25 2 43 5
	justa & bona sunt,	16 2 42 4	<i>Si</i>	Sive	26 2 43 21
<i>Coperuntque</i>	Coperunt quoque	16 2 43 7	<i>Herodoxis</i>	Heterodoxis	36 2 75 41
<i>Sicinia</i>	Secura	16 2 43 9	<i>Patria</i>	Patria	42 1 83 11
<i>Anstippi</i>	Anstippi	21 1 1 17	<i>Quod</i>	Quos	42 2 89 15
<i>Quam</i>	Quam quod	22 2 3 16	<i>Debes</i>	Debent	44 2 96 20
<i>Justitia</i>	Justitia	24 2 27 2	<i>Suadendis</i>	Suadentis	48 1 3 31
<i>Non debere (ri</i>	Debere	35 2 43 11	<i>Vicariatus</i>	Vicariatus	57 1 10 16
<i>Major cedat mine</i>	Majori cedat minor	61 2 33 14	<i>Gentis</i>	Genti	69 2 5 8
<i>Atinri</i>	Agendo	63 2 37 1	<i>Oestreichische</i>	Oestreichische	100 1 33 5
<i>Probabilismus</i>	Probabilismus 66 in summo cap. 3.		<i>Andero</i>	Der andere	100 1 33 12
<i>Rebaptizatorum</i>	Renatorum	90 1 50 12	<i>Anfrembden</i>	Auf frembden	<i>ibid.</i>
<i>Rubinabimur</i>	Ruminabimus	129 1 21 23	<i>Dominium</i>	Dominum	109 2 70 2
<i>Exderunt</i>	Expenderunt	153 2 78 6	<i>Sido</i>	Fide	120 1 411 21
<i>Castor</i>	Castor	185 1 15 34	<i>Causò.</i>	Causà	128 in summ.
<i>Sramenta</i>	Sacramenta	205 1 53 10	<i>Ab intestato</i>	Ab intestato	131 1 2 19
<i>Movetur</i>	Movetur	223 2 100 7	<i>Brocardica</i>	Brocardica	136 2 23 8
<i>Profanare</i>	Profanare	231 2 15 26	<i>Demetrius</i>	Perseus	154 1 90 15
<i>Celebritatem</i>	Celeritatem	246 1 47 6	<i>Ab Ajo</i>	Ab alio	156 1 96 13
<i>Proxi</i>	Prolixè	252 2 in summ.	<i>Conditio</i>	Conditio	148 1 66 6
<i>Infirmam</i>	Infamiam	254 1 6 27	<i>Posti</i>	Post	158 1 103 35
<i>Gregoris</i>	Gregorius	263 1 28 5	<i>Minuifce</i>	Minuive	168 1 5 43
<i>Ita</i>	Ita ut	271 1 38 16	<i>Subiectum</i>	Subiectum	169 2 16 17
<i>Recognosce</i>	Recognoscere	273 1 38 25	<i>Menfurus</i>	Manfurus	184 2 19 17
<i>Parandi</i>	Parandi	299 2 45 28	<i>Superfitionis</i>	Superfitionis	188 1 50 24
<i>Obstringatur</i>	Obstringatur	318 1 47 7	<i>Decolaretur</i>	Decoloretur	190 1 56 9
<i>Hac</i>	Hac	317 2 63 1	<i>Lignido</i>	Liquido	218 1 89 43
<i>Illam</i>	Illum	317 1 63 5	<i>Spiritualem</i>	Temporalem	217 2 93 17
<i>Cruenda</i>	Cruenta	324 1 37 3	<i>Terrstres</i>	Cœlestis	217 1 94 43
<i>Consequencia</i>	Consequentias	342 2 18 3	<i>Exceptionem</i>	Exceptionem	232 1 4 5
<i>Eft</i>	Sit	145 1 25 3	<i>Perperfa</i>	Perpersa	248 1 45 5
<i>Lucat</i>	Luat	354 1 68 1	<i>Siniffo</i>	Siniftrè	265 2 94 15
<i>Suffocata</i>	Suffocata	355 2 71 16	<i>Traclum</i>	Traclum Rheni	280 1 119 2
<i>Honeste</i>	Honestè	356 2 73 19	<i>Cap.</i>	Cap. quanto	282 1 2 26
<i>Expulsiomem</i>	Expulsionem	358 2 86 4	<i>Expientur</i>	Expientur	301 2 168 15
<i>Comparaturum</i>	Compariturum	367 2 23 19	<i>Facinoris</i>	Facinoris	308 1 179 5
<i>Atrox</i>	Atrox	411 1 78 34	<i>Partibus</i>	Patribus	310 1 181 2
			<i>Concuffione</i>	Concussione	311 2 182 40

INDEX ALPHABETICUS

Rerum ac Resolutionum præcipuarum,
quæ in hoc bipartito opere
CONTINENTUR.

Numerus prior librum, posterior paginam indicat. Littera A designat columnam primam, littera B columnam secundam.

A



- | | | | |
|----------------------------------------------------------------------------------------|--------------|------------------------------------------------------------------------------------------------------------------------|----------------|
| Abdicari regnum, an possit? | 2 157 a | — Furti non datur in filiumfamilias, servum aut uxorem, quid respective auferentes. | 1 366 |
| Abdicatione regni, an primogenito vel aliis noceri possit? | <i>ibid.</i> | — Furti tamen datur in alios, qui ope consiliove ad hujusmodi furta concurrerunt. | <i>ibid. b</i> |
| Abigeatus, quale crimen? | 1 379 b | — Furti datur in eum, qui rem alienam alicubi inventam accipit, & retinet animo non restituendi eam domino comparenti. | <i>ibid. b</i> |
| Abrogatio legis, quid? | 1 53 b | Aktionen, quænam competant contra illum, qui bonâ vel malâ fide, rem alienam rei suæ adjunxit? | 2 119 b |
| Abusus rerum commoditati & delegationi servientium repugnat juri naturali. | 2 73 a | Acquirendi domini modi, alii sunt originarii, alii derivativi. | 2 91 a |
| Accessionis jus, quid & quod duplex? | 2 105 a | Acquisitio derivativa domini, quid? | 2 131 a |
| Accessione industrialis, quot modis acquiratur dominium? | 2 117 b | Acquisitio derivativa domini, quot modis fieri possit? | <i>ibid.</i> |
| Accusare, quis possit in causis Simoniacis? | 1 161 a | Acquisitio derivativa domini, quæ fit per legem, aut fit per legem Naturæ, aut Gentium, aut Civilem. | 2 144 a |
| Accusatores, nedum calumniando; sed & prævaricando & tergiversando delinquere possunt? | 1 405 b | | |
| Actio de signo juncto, quatenus ab usu recesserit? | 2 121 a | Aaa | Adore |

INDEX ALPHABETICUS

- A**ctore nihil probante, Reus est
absolvendus. 1 211 b
- A**ctore nihil probante, An locus juramenti
delationi? 1 216 b
- A**ctus conformis rationi erranti, non est re-
ctus. 1 31 a
- Ex objecto bonus, quandōnam simpli-
citer vitietur? 1 32 b
- In perniciem Reipublicæ gestus, non
tam revocari, quā ab initio nullus fuisse,
declarari potest. 2 150 b
- Jure naturæ prohibitus, an eō ipso sit
invalidus? 1 40 b
- Quidnam prohibiti diebus sacris? 1 239 a
- *Serviles*, quatenus illis diebus licite
queant exerceri? *ibid.* 240
- A**dām, si non peccasset, licet quis filiorum ejus,
v. g. *Abel*, *Cain* peccasset; peccatum origi-
nale non fuisset in alios propagatum. 1 7 b
- A**dām, an privativè à Deo primitus collatum
fuerit dominium totius universi? 2 73 b
- A**djuratio quid & quorūplex? 1 222 b
- A**djurari, an queant creaturæ irra-
tionales? 1 223 b
- A**doratio largè sumpta, pluribus modis exer-
cetur. 1 163 a
- A**dorationis nomen, duobus modis sumitur
in Sacra Scriptura. 1 162 b
- A**dulterantium Clericorum & Laicorum pec-
næ. 1 344 & seq.
- A**dulter factio divortio, tenetur redire ad in-
nocentem id postulantem. 1 349 b
- A**dulteri, de quibus interrogandi? 1 347
- A**dulterii iudex quis? 1 347 b
- A**dulterium quid & quorūplex? 1 341 & seq.
- Qualiter probandum? 1 346 b
- Viri, an gravius adulterio
mulieris? 1 342 & seq.
- Accusare quis possit? 1 346
- A**edificans in fundo alieno, ex sua materia,
quid juris habeat? 2 120 b
- In solo suo, ex aliena materia. *ibid.*
- Mala fide, quid Aristō jure, quidve ex
æquitate naturali, possit, si ædificium ab
alio vindicetur? 2 121 a
- A**edificatione, qualiter dominium
acquiratur? 2 120 b
- A**ffinium nulla ab intestato successio. 2 149 b
- A**ger, quando bello plenè captus intelliga-
tur? 2 314 b & seq.
- **Arcifinius**, quid? 2 106 a
- A**ggressor iniquus propinquorum, imò extra-
neorum occidi potest. 1 291
- A**gri postliminio recipiuntur. Vide *Postliminium*
— Quidnam dicantur illimitati? 2 106 a
- A**lendi liberi ex quovis complexu
nati. 1 267 & seq.
- Albinagii** ius in Gallia, quid? 2 150 a
- Alienigenis**, an competat libertas Matrimonii
contrahendi apud vicinas gentes? 2 84 a
- Alluvio** quid sit? 2 104 a
- Quando locum habeat? *ibid.*
- Alluvionis** ius, quo pacto privatis competere
possit? 2 106 a
- Alvei** mutatio, an fines territorii
mutet? 2 109 a
- Alveus** Siccatus, cui acquiratur? 2 108 b
- Amicis** singulariter assistendum in
bello. 2 255 b
- Amnestia** bellica, quid importet? 2 339 b
- Amotio** termini, quid? 1 381 a
- Amphibologiæ** & restrictiones mentales, quo
sensu damnatæ sint ab *Innocen-
tio XI.* 1 194 b
- Amphibologiæ**, quomodo differant à restri-
ctionibus purè mentalibus? *ibid.*
- Anabaptistarum** error circa jura-
mentum. 1 182 a
- Analogia** inter civitatem bene constitutam &
vivum corpus humanum. 2 65 b
- Anima** inficitur peccato originali, primo mo-
mento, quo unitur corpori. 1 7 a
- Animalia** mansueta, cui capta cedant? 11 96
- Quæ naturā sint fera, & quæ domesti-
ca? 2 97 a
- Animus**, cur sæpe in bivio hæseat in morali-
bus? 2 245 a
- Annatæ**, quid? 1 178 a
- Annatarum** usus antiquus. *ibid.*
- Annatarum** exigendarum ius, quatenus sum-
mo Pontifici reservatum manserit in Germa-
nia, post pacem Monasteriensium? *ibid.*
- Exactio ab omni labe aliena. 1 119
- Ansa** disceptationis inter *Grotium* & *Selden-
num.* 2 74 b
- Apes**, an & quatenus fiant capientes? 2 93
- Appanagium**, quid, quibus, unde, & quan-
tum constituendum? 2 151 & seq.
- Quatenus succedat in locum
legitimæ? 2 151 b
- An *Baillards* constituendum? 2 153 a
- Appellatione** civitatis, quid veniat? 2 107 a

Ap-

Appellare à Regibus ad Papam, an liceat? 2 218 a
 Aquas veneno inficere, an liceat in bello? 2 291 b
 Arbore frugiferæ in solo hostili regulariter non excidendæ, nec ædificia destruenda. 2 301 & seq.
 Archipelagus integraliter à nullo Monarcha vel populo hæcenus privativè fuit occupatum. 2 71 a
 Aristocratia, quid? 2 52 a
 Arma veneno inficere, est contra jus gentium saltem Europæarum. 2 159 b
 Astrologia judiciaria, an licita? 1 132 a
 S. P. Augustinus, cur duos libros scripserit, unum de mendacio, alterum contra mendacium. 2 310 b
 Aurum gemmis adjunctum, quando his cedat aut e contra? 2 119 b
 Autochiria, quid & quatenus prohibita? 1 315 & seq.

B

Atavi nunc aliter, quàm olim sentiunt circa maris & negotiandi libertatem. 2 73 & seq.
 Bellare, an licitum sit Christianis? 2 33 & seq.
 — An liceat die festo? 1 128 b
 Belli causa, sola est injuria vel facta vel verosimiliter facienda. 2 285 a
 — Non debet tantum esse *suspecta*, sed & *justificata* esse oportet. 2 284 a
 Bellidux, injussu summi Principis, facultatem non habet pangendæ pacis, licet generali mandato instructus sit. 2 338 a
 — Super brevibus induciis cum hoste convenire potest. *ibid.*
 Belligerantes, an, & quatenus à populo pacato, seu *Neutrali* annonam, pecuniam &c. exigere possint? 2 311 a
 Belli indictio, cur & quando facienda? 2 289 b
 — Indicendi modus. *ibid.* a
 Belli iusti causæ, quæ? 2 240 a
 Bello capta, jure gentium capientibus acquiruntur. 2 314 a
 Bello capti, quinam sunt capientium servi? 2 322 b
 Bello injusto alios damnificantes, restitutioni sunt obnoxii. 2 330 a
 Bello quantumvis iusto, non licet per *per se* & ex intentione directâ, occidere innocentes. 2 250 b

Bello solemnî, quinam impunè offendi vel occidi possint? 2 294 a
 Bello solemnî & iusto, illa solum sunt licita, quæ communis necessitas fieri postulat. 2 290 a
 Bello solemnî, quid licitum vel illicitum esse potest, aut ex bellantium conventionne, aut absolutè, ex naturali vel gentium jure. 2 290 a
 Bellum, quid & quotuplex? 2 230 a
 — Inconsultè haud suscipiendum. 2 449 b
 — Publicum, vel est solemne, vel minus solemne. 2 231 a
 — Solemne, quis gerere possit? 2 231 b
 — Aliud *offensivum*, aliud *defensivum*. 2 233 a
 — Ut sit legitimum & iustum, requiritur: 1mo. Summi Principis autoritas. 2 238 b & seq. 2do. Iusta causa. 2 239 3tio. Recta intentio ex parte belligerantium. 2 241
 — Anteverti, & impediti potest: 1mo. Per colloquium, seu conferentias. 2do. Per compromissum. 3tio. Per sortitionem, 1mo & per singulare certamen. 2 246 & seq.
 — *Panale*, quàm circumspiciendum? 2 240 a
 — Quodnam speciali titulo dicatur iustum? 2 287 b
 — An in imperio Romano-Germanico, solus Imperator indicere & gerere possit? 2 239
 — An à Principe Christiano geri possit sine consensu Papæ. *ibid.*
 — Quatenus Episcopis & Clericis prohibitum? 2 241 b
 — Quibus Clericis, & quàm graviter prohibitum? *ibid.* & seq.
 — An suscipi possit ob denegatum alibi conubium, & domicilium? 2 286 b
 — Pro sociis & amicis suscipi potest. 2 255 b
 — Suscipi potest pro quibusvis hominibus. 2 252 a
 — An licitè geratur in populum extraneum, qui in naturam delinquit? 2 276 b & seq.
 — An geratur licitè contra Paganos & idololatrias, propter delicta directè in Deum commissa? 2 265 b & seq.
 — An licitè suscipiatur ad servandum æquilibrium; seu, ad impediendam nimiam

INDEX ALPHABETICUS

- vicini potentiam? 2 277 b & seq.
- An dari possit utrimque
justum? 2 247 & seq.
- Etiam justum sæpe consulto; interdum
quoque ex iustitia, Principi
omittendum. 2 250 a
- Suscipiendum non nisi ob urgentem &
publicam necessitatem. 2 250 b & 257 a
- Suscipiendum prudenter & tempore oportuno. 2 250 a
- An sine denuntiatione geri
possit? 2 258 & seq.
- Purè aut conditionatè indici
potest. 2 259 a
- Uni Principi indictum, an indictum
quoque censetur aliis ipsi confederatis &
subditis? 2 259 b
- Si quod ab initio justum videbatur, pos-
tea injustum appareat; an damna innocen-
tibus illata sint reparanda? 2 248 b
- An pro alienis subditis geri possit, ut à
tyrannide proprii Regis liberentur? 2 256 a
- Ex solis causis *suaforis* suscipi non de-
det. 2 284 a
- Suscipi potest ob legatos vio-
lato. 2 278 a
- Rectè geritur contra rebelles, & hī, ut
amissas possessiones recuperent; speciali Prin-
cipis gratiā opus habent. 2 340 b
- Beneficia Simoniacorum** tanquam vacantia im-
petrari possunt. 1 161 b
- Beneficiorum Ecclesiasticorum** inæqualitas, an
in eorum resignatione & permutatione, pre-
tiorum temporali compensari possit? 1 149 b
- Beneficium Ecclesiasticum** simoniacè obten-
tum dimittendum est unā cum fructibus
perceptis, ante omnem iudicis
sententiam. 1 151 a
- Bestialitas** quid? 1 318 b
- Bestialitate** gravius crimen est concubitus cum
Dæmone incubo vel succubo. 1 359
- Blasphemia** quid & quodplex, & quomodo
punienda? 1 469
- Blasphemix** Iudex quis? 1 410 a
- Bodinus** perperam tradit: Regem posse pro lu-
bitu rescindere pacta à se etiam
jurata. 2 350 a
- Bona Legatorum**, an pro debitis detineri pos-
sint? Vide *Legatorum immunitas*.
- Bonitas operis** directè intendi debet, malitiam
sufficit intendere *indirectè*. 1 32 a

- Bonorum** primavā commnitione vigente,
quam facultatem habuerit homo circa res
tum necessarias, tum merè de-
lectabiles? 2 74 a
- Bovis** & asini vocabulo, quid in decimo Deca-
logi præcepto indigitetur? 1 416 a

C

- Calumnia** quid & quodplex? 1 403 a
- Calumniantium** pœna. 1 404 a
- Carneades** negavit dari iustitiam. 1 3 a
- Carneadis** error refutatur *ibid* b
- Carolus Magnus** fuit à Leone III. Pontifice
maximo *Roma* coronatus. 2 161 b
- Caroli Episcopi Antiochensis** errores referuntur
& funditus refelluntur. 2 201 & 209
- Castitas** quid & quodplex? 1 338 b
- Carnaliter** cognoscens compartem, quam scit
adulteram, nequit ex capite adulterii deinceps
negare debitum. 1 349
- Causalitas** fortuita vel casualis non potest ca-
dere in Deum, bene verò in Angelos tam
bonos, quam malos. 2 60 b
- Causa Simoniaci** spectat ad forum Ecclesia-
sticum. 1 161 a
- Causa efficiens**, impulsiva & materialis civi-
tatum, quæ? 2 48 & seq.
- Causæ à Missæ auditione excusantes**. 1 232 b
- Dispensandi in votis & ju-
ramentis. 1 222 b
- Arestitutione famæ excusantes. 1 418
- Certitudo** moralis sufficit ad rectitudinem con-
scientiæ. 1 97 & seq.
- In moralibus non est tanta, quanta in
Mathematicis. 2 244
- Conscientiæ, debet esse *subiectiva*, ut
possit dici Regula morum. 1 106 b
- Christiani** metu mortis adacti contra Christia-
nos remigantes, vel præliantes, an, & quan-
tenus peccent; & num fiant irregulares? *Item*: an sint immunes ab excommunicatione? 2 258 a b
- Christianis**, an interdictum defensionis occisi-
væ tueri vitam propriam, aut bona fortuna
2 311
- Christus**, quā homo, an fuerit Rex tempo-
ralis? 2 214 & seq.
- Duplicem errorem Hebræorum redarguit,
& genuinum sensum legis naturæ expo-
suit. 1 14 a

Qua

— Qua ratione, divortia & polygamiam abrogaverit? **1 15 a**

— Nihil contra jus naturæ instituit aut docuit. **ibid.**

— Qualem potestatem dederit Petro? **185 & seq.**

Circumlucio & inundatio, quid? **2 107**

Citatio judicialis, an die feriato, vel ad diem feriatum, valide fiat? **1 246 & seq.**

Cives, an & quatenus à civitate discedere possint? **2 57 & seq.**

Civis, quis & quotupliciter dicatur? **2 65 b**

— Innocens ad internecionem ab hoste postulatus, an deferri, aut hosti extradi possit? **2 254 b**

— An se tenetur hosti offerre? **ibid.**

— An se taliter hosti consecrare recusans, vi compelli possit? **2 255 a**

Civitas, quid? **2 50 a**

— In quem finem constituta sit? **2 47 a & 51**

— Primordialiter coalescit ex pacto expresse vel tacito familiarum. **2 52 a**

— Quàm diu duret? **2 60 b**

— Manet eadem, quàm diu manet forma essentialis regiminis. **2 61 a**

— Alteri unita, an maneat eadem. **ibid. b**

— An eadem maneat, si distrahatur in plures? **ibid.**

— Quando incipiat vel desinat subsistere? **2 288 a**

Civitatis origo adscribenda juri gentium. **2 47 b**

Civitates, aliæ sunt regulares, aliæ irregulares. **2 52 a**

— Qua ratione efficiantur irregulares? **2 53 a**

— Quomodo desinant esse? **ibid. b**

— Universum & mysticè loquendo, non sunt nisi duæ; terrena scilicet & coelestis. **2 46 b**

Clerici in bello alioquin justo, ex parte sua illicitè pugnantes, an fiant domini prædæ à se capta? **2 252 a**

— An cum licentia Papæ pugnantes, fiant irregulares? **ibid. b**

Clericis non est prohibitum bellare jure divino. **2 253 b**

Clericus homicida occultus, qualiter beneficium retinere possit? **1 285**

— Homicida iteratus, degradandus, & ultimo supplicio afficiendus. **ibid. & 286 a**

Clerus Gallicanus, quid sentiat de Monarchia Romani Pontificis potestate circa regimen universalis Ecclesiæ? **2 193 & seq.**

Cœlibatus, descendit ex jure naturali permittivo. **1 36 a**

Cœnubi impotentia, an, & qualis dirimat Matrimonium? **2 23 & 27**

Cogentes injustè ad Matrimonium excommunicantur. **1 43 a**

Coitus cum sponsa alterius *de futuro*, non ponit adulterium. **1 343 & seq.**

Collaterales remotiores, quomodo succedant ab intestato? **2 149 a**

Commentariensis filiam suæ custodiæ creditam violans, capite plectendus. **1 351 b**

Commercium quid, & cur introductum? **2 28 a**

Commerci libertas, an gentium jure cunctis competat nationibus? **2 ibid.**

Commixtio quid, & qualiter per eam acquiritur dominium? **2 123 a**

Compensatio occulta, an sit licita? **1 381**

Compensatio debetur subditis, quorum bona, occasione pacis, alienata sunt. **2 345 a**

& b. ubi ponuntur *limitationes*.

Compositio super fructibus beneficiorum non admittitur in Gallia. **1 161 a**

Concepti ex Dæmone incubo, contrahunt peccatum originale. **1 8 a**

Concubinatus, quid? **1 340 & seq.**

— Est hodie tam civilis, quàm canonico jure prohibitus. **1 341 a**

Concubitus conjugati cum soluta, de jure canonico, est verum adulterium. **1 345**

Concupiscentia non omnis à Deo vetita. **1 424 a**

Conditio furtiva, cui, contra quos, & in quid detur? **1 376 b**

Conditio servilis. Vide *Servitus*.

Conditiones sunt interpretandæ contra eum, qui eas posuit. **2 343**

Confessarius, an contra propriam opinionem possit absolvere poenitentem? **1 86 b**

Confusio quid sit, & quid juris circa eam? **2 122 b**

Confraternitatis pacta inter illustres Germanorum familias, unde trahant originem? **2 139 b**

Confraternitatis pactum, prout importat sui mutui succedendi, an, & quatenus sit validum? **2 140 a**

Con-

INDEX ALPHABETICUS

- Conjux innocens potest compari adulteranti
propria auctoritate denegare debitum con-
jugale. 1 349 a
- Consanguinitas & affinitas quid? 1 314 a
- Consanguinitas specie differt ab af-
finitate. 1 314 a
- An, & quousque jure naturæ dirimat
matrimonium? 2 19 b
- Dirimit certè matrimonium in primo
gradu lineæ rectæ. 2 10 & seq.
- In linea recta, verosimilius dirimit ma-
trimonium in infinitum. 2 33 & seq.
- In linea obliqua, nequidem in primo
gradu, jure naturæ, dirimit ma-
trimonium. 2 23 & seq.
- Consanguinitatis gradus in linea recta, specie
distinguntur à gradibus lineæ
obliquæ. 1 354 a
- Conscientia recta aliter obligat, quàm erro-
nea? 1 27 b
- Recta, quid? 1 28 b
- Debet esse moraliter certa. *ibid.* & 97
- Invincibiliter errans excusat ab omni cul-
pa & poena. 1 29 b & 200
- Propria, est proxima & particularis Re-
gula morum. 1 96 a
- Qualiter differat à *Synderesi*? *ibid.* b
- Vincibiliter errans, an & qualiter obli-
get? 1 101 b
- Dubia, quid & quotuplex? 1 102 b
- Probabilis, an possit esse sufficiens Re-
gula morum? 1 106 b
- Consensus parentum, an jure naturali requi-
ratur ad Matrimonii valorem? 1 41 b
- Matrimonialis, in quæ necessario ferri
debeat? 1 43 b
- Ut sit validus, quenam requirantur ex
parte agentis? 2 136 & seq.
- Constantinus Magnus, quas donationes fecerit
Romanæ Ecclesiæ? ubi contra Neotericos
probat; quòd Imperator ille donationes
illas, etiam de jure facere potuerit: itidem;
quòd à S. Sylvestro Papa reverà Romæ
baptizatus fuerit. 2 191 & seq.
- Contra decimum Decalogi præceptum, qui-
nam peccent? 1 426 b
- Contractus de jure prohibitus, quandònam ex
juramento vires capiat? 1 264 & seq.
- Controversia super Regni successione, à quo
dirimenda? 2 157 b
- Contumelia quid? 1 402 a
- Quomodo differat à convicio, & impro-
perio? 1 402 b
- Conventiones, aut publicæ aut
privatæ sunt. 2 353 a
- Con- vel dis-convenientia cum ratione natu-
rali, est primitiva & certa Regula discer-
nendi, quid sit jure naturali præceptum,
vel veritum. 1 23 b
- Conversus ex infidelitate, an non monitè
comparte, possit ad alias nuptias
transire? 1 18 a
- Cornelius Jansenius Ipresis Episcopus, licet
in aliis erraverit; coherentè tamen cum
S. Patribus docuit: Papam in definiendis
fidei & morum questionibus, esse infallibi-
lem. 2 211
- Crimen, de residuis, quid? 1 390 a
- Expilata hereditatis, quid? *ibid.* b
- sibi falsò impositum, nullà ex causa,
quis fateri potest. 1 395 b
- Alterius, nemo sibi imputare potest, ad
ipsum morte liberandum. 1 396 a
- Occultum alterius, an liceat
propalare? 1 410 b
- Notorium in uno loco, an ubique divul-
gari possit? 1 412 & seq.
- Alteri falsò impositum, absque injuria ne-
quit propalari. 1 414 a
- Occultum alterius, quando patefacere
liceat? 1 415 a
- Criminis oblitterati memoria, in alterius op-
probrium, refricari nequit. 1 414 a
- Cultus quotuplex? 1 122 a
- Dulce debetur sanctis. 1 162 a
- Dei externus, an sit jure naturali præ-
ceptus? 1 431 b
- Disparitas non dirimit jure naturæ Matrimo-
nium. 2 33 a
- Cultus disparitas, an in veteri lege, jure di-
vino passivo nuptias diremerit? *ibid.*
- Cupiditatis noxiæ incommoda. 1 425 b

D

- Debitori invito, an creditum vel debitum
extorqueri possit? 2 144 a
- Decalogi Author Deus. 1 110 b
- Ethymologia. *ibid.* a
- Lex perfecta, & ad eam cætera naturæ
præcepta reducuntur. 1 11 b & 110
- Lex semper obligavit universum genus
humanum. 1 13 a
- Lex

R E R U M &c.

— Lex, cur lapideis tabulis consignata? *ibid.*

— Præcepta, sunt juris naturalis dictata. 1 35 b

— Præcepta, quænam, in prima & secunda tabula, contineantur? 1 110

Decalogus, cur promulgatus? 1 11 b

Deditis & captis vita relinquenda. 2 198 b

Dediti recipiendi. *ibid.*

Defensio occisiva sui, & bonorum suorum, an, & quatenus licita sit? 1 297

Defensione talj occisivâ, nemo regulariter uti tenetur. 1 312 & seq.

Defunctus, si voluntatem suam non expresserit; censetur id voluisse: quod lex, aut mos populi habet. 2 182 & seq.

Delectatio morosa, quæ, & unde dicatur? 1 415 a

Delicta distinguuntur voluntate & proposito delinquentium. 1 365 a

Democratia, quid? 2 52 b

Denuntians malitiosè, parum differt à calumniatore. 1 403 b

Denuntiatio belli, an, & quo jure præmittenda? 2 283 b

— Quando & cur facienda? 2 289 b

— Vel purè, vel conditionatè fieri potest. 2 289 a

— Quibus cæremoniis olim fieri solita? *ibid.*

Denuntiatio belli uni Principi vel populo facta, an quoque facta censetur alijs ipsi confederatis, aut subditis? 2 289 b

Derelictio rei, ex temporis lapsu præsumitur. 2 104 a

Derelictum, quid censetur? 2 101 a

— Quod est, primo occupantis fit. *ibid.*

Derogatio legis, quid? 1 93 b

Descendentes ex Adamo, cur contrahant peccatum originale? 1 7 b

Detractio quid, & quot modis fieri possit? 1 399 b

— Est ex genere suo peccatum mortale. 1 400 b

Detractionem jubens, consulens, vel non impediens, quomodo peccet? 1 401

Deus est fons omnjs juris & justitiæ. 1 4 b

— Primo homini indidit jus naturale. 5 a

— Solus latenter adorandus. 1 162 b

— Qualiter mox ab orbe condito, contulerit homini jus in res sublunares? 2 71 a

— Est ultimus finis actionum nostrarum. 2 453 b

— Misit Filium suum, ut depravatam restauraret & erudiret naturam, per se & Apostolos suos. 1 13 b

Dictatores Romani, quam olim potestatem habuerint? 2 122 & seq.

Diebus Dominicis qualiter, & sub qua obligatione, Missa sit audienda? 1 228 & seq.

Item, an huic præcepto satisfieri possit in statu peccati mortalis? 1 230

Diebus Dominicis, an sit specialis obligatio elicendi actus fidei, spei, & charitatis? 1 231

Dies Dominicus, qualiter sanctificandus? *ibid.*

— Apud Christianos tenet vicem Sabbathi. *ibid.*

Diffusio quid, quando exorta, & qualiter nunc prohibita? 1 328

Diluvium, an præcesserint aliæ leges præter jus naturæ? 1 10 a

Dispensatio, quid? 1 53 b

— An cadat propriè in jus naturæ? 1 53 b

— Papalis, quid operetur circa Simoniam? 1 157 a

— Proceedit circa Simoniam juris purè Ecclesiastici. *ibid.* b

— Divina circa Polygamiam, probabiliter cessavit ante Christi adventum. 2 18 b

Divinatio quid & quotuplex? 1 125 & seq.

— quatenus prohibita? 1 127

Divortia, qua ratione olim à Deo permissa? 1 55 & seq.

— Prohibita nunc sunt per Christum. 2 14 a

Divortio causam præbet sodomia aut bestialitas; non tamen tactus, oscula impudica, pollutio, aut copula imperfecta. 1 349 & seq.

Dogma Ecclesiæ Catholicæ circa spirituales potestatem jurisdictionis externæ. 1 443 & seq.

Dogmata Christiana de Indulgentiis, de Exomologesi, de purgatorio &c. non adversantur juri naturali, prout calumniatur Puffendorf. 1 449 b

Dolus, alius bonus, alius malus. 2 305 b

— alius consistit in actu negativo, alius in actu positivo. 2 305 b

Domania bona, an Rex possit alienare? 2 141 a

Dominium quid? 2 70 a

— Quotuplex? *ibid.* & pag. seq.

— Jure naturali transferri potest absque traditione corporali. 2 222 b

INDEX ALPHABETICUS

- Quomodo acquiratur ædificatio? Vide verb. *Ædificatio*.
 — Qualiter acquiratur adjunctione rei alienæ, puta: intexturâ, futurâ &c. **2 119 a**
 Domus res sua restituenda, licet eam non repperat. **2 114 b & seq.**
 Domino, quid veteri jure licuerit in servum? **2 322 b**
 Dominus animalis parientis, sit quoque dominus animalis geniti. **2 109 b**
 Domus & agri vocabulis, quid indigetur in decimo Decalogi præcepto? **1 425 b**
 Dubia, quatenus in meliorem partem interpretanda? **1 398 a**
 Dubia circa pacis articulos orta, cujus sit resolvere? **2 348 b**
 Dubium conscientie, an rectè resolvatur allegando possessionem libertatis. **1 105 & seq.**
 Dubium & suspicio de malitia proximi, an & quale peccatum? **1 396 b & 397 b**
 Duellum quid & quodplex? **1 321 & seq.**
 — Quandonam legibus prohibitum committatur? **1 324 b**
 — An licitè suscipiatur ad probandum innocentiam? **1 326**
 — Quibus casibus licitè suscipiatur? *ibid. pag. 327 & seq.*
 Duplex potestas suprema, qua ratione statuenda in una Republica? **1 438 b**

E

- E** Brietas, ingluvies, item anthropagia, est jure naturali prohibita. **1 449 a**
 Ecclesia Christi, cujus forinæ & potestatis sit, juxta commenta *Puffendorffiana*? **1 433 b**
 ubi *pag. seq.* resutantur Hæreticorum, in hoc passu, errores.
 Ecclesia Christi elevata est in speciem Rempublicam sacram, à civili imperio prorsus distinctam. **1 441 & seq.** ubi latè refelluntur *Protestantium* argutæ.
 Ecclesiæ Christianæ regimen spirituale, est *Monarchicum*. **1 444 & seq. & 1 171 & seq.**
 Ecclesiæ supremum in terris visibile caput, cur debeat esse *unum & infallibile* in materia fidei & morum? **1 445 & seq.**
 Edere, bibere, solius voluptatis causâ est leve saltem piaculum. **1 448 b**
 Epiketa, quid sit? **1 13 b**
 Epiketa, an habeat locum in jure naturæ? **1 18 b**

- Error *probabilis* excusat à calumniâ. **1 404 b**
 — Circa nuptias, est quadruplex. **2 29 b**
 — Circa personæ individuum substantiam reddit Matrimonium jure naturæ *nullum*. **2 30 a**
 — Circa qualitatem aut fortunam personæ, an oblit Matrimonii valori? *ibid.*
 — Qualitatis, quando redundet in personæ substantiam. *ibid.*
 — *Conditionis*, quatenus obstat nuptiarum valori? *ibid. & pag. seq.*
 Ethnicorum quorundam libri, cur in usu? **2 271 b**
 Eva peccavit quidem *leshaliter*, sed non *originaliter*. **1 7 b**
 — Si sola peccasset, peccatum originale non fuisset in posteris transfusum. *ibid.*
 Exhæredari an possit filius Regis, aut alius regni hæres? **2 118 b**
 Exteris receptum querentibus, an habitatio concedenda? **2 83 a**
 — An solum sterile concedendum? *ibid. b*
 — An libera competat facultas vendendi sua, in diuione alterius Principis? *ibid.*
 Extranei, in necessitate, ejici possunt ex urbe. **2 83 b**
 — In alieno territorio existentes, impediri non possunt abactibus, sine quibus vita commode conservari nequit. **2 84 b**

F

- F** acultas emigrandi, an & quatenus subditis prohiberi possit? **2 18 a**
 Fama quid, & qualiter differat ab honore? **1 399 b**
 Fama, si hic & nunc, ob causam excusantem, restitui non debeat; an pecuniaria sit facienda compensatio? **1 418 b**
 Fatum, quid fuerit Ethnicis, & quid sit Christianis? **2 12**
 Fatum accipi potest *causaliter* vel *formaliter*. **2 60 a**
 Fatum *causaliter* est unicum, *formaliter* verò multiplex. *ibid.*
 Fera, quæ custodiam nostram evasit, an sit alterius capientis? **2 94 b**
 Fera ab uno vulnerata, & ab alio capta, cujus? **2 95 a**
 Fera contra Principis prohibitionem capiens, an fiat ejusdem dominus? **2 92 b & seq.**
 Fe-

RERUM &c.

Feras nocevas, an subditi in fundo proprio, occidere possint? 2 92 b
Ferari, quid sit? 1 235 b
Feris quid & quotuplices? & quales Princeps laicus queat instituire? 1 243 b
Feriarum tempore, an sententia judicialis ferri possit; & quinam actus queant expediri? 1 244 & 246
Feriarum tempore, an valeat *citatio judicialis*? *ibid.* & *pag. seq.*
Feris, uum litigantes renuuntiare possint? 1 245
Feripeta, an furtum propriè dictum committat? 2 95
 — Num supplicio mortis affici possit. *ibid.*
Festa quædam, præter Dominicas, ab Ecclesiæ incunabulis, noscuntur instituta. 1 235
Festa quædam, ex dimidio solum celebrantur. 1 242 & *seq.*
Feuda multa propius ad uisuram rei allodialis accedunt. 2 133 b
Fides etiam hosti data, seruanda est, sicut etiam bello durante, quàm factâ pace. 2 347 b
 — Perfidio, an seruanda? 2 348 a
Filiorum illegitimorum varia species. 1 265 b & *seq.*
Filius, an & quando patrem accusare possit? 1 214 a
Filius natus, antequam Pater ejus Rex erat; an præferendus fratri in regia fortuna nato? 2 159 a & *seq.*
Finis hominis considerati in statu merè naturali, in quo consistat? 1 429 b
 — Quando vitietur *ad simpliciter*? 1 33 a
 — Et circumstantiæ, qualiter concurrant ad moralitatem actûs? 1 32 a
Flumina, rivos & fontes veneno uon licet inficere in bello. 2 295 & *seq.*
Fluminis cursu mutato, an imperii fines mutantur? 2 109 b
Fœderatus duobus, cuiusmodi opitabitur, si isti inter se bellum gerant? 2 359 b
Fœdere interdum quid concluditur, quod aliunde est juris naturalis præceptiui. 2 353 b
Fœdus, aut est æquale aut inæquale. 2 344 a
 — An contrahi possit cum iis, qui à vera Religione alieni sunt? 2 354 b
 Et quid noua lex, hac in parte, præcipiat? 2 355 b & 358 b

— Cum infidelibus, non est *intrinsecè* malum. 2 358 b
 — Cum Rege initum, an expiret, si Rex iste regno suo sit expulsus? 2 363 b
 — Cum certis populis contrahere, olim vetitum erat Hebræis. 2 355 a
Fæturâ animalium nostrorum, dominum acquiritur. 2 109 b
Forma Monarchico-Aristocratica est hominum genio magis accommodata. 2 13 a
Forma Democratica propius accedit ad statum naturalem. 2 166 b
Fornicatio quid? 1 339 a
 — Est peccatum mortale. *ibid.* & *pag. seq.*
 — Nou est extra pœnam etiam temporalem. *ibid.*
Fornicarii, qualiter à iudice signanter Confessario, sint interrogandi? 1 341 b
Fortuna, quid sit Philosophis Christianis? 2 109
Fortuna quid fuerit Ethnicis? *ibid.*
Frates Germani, in feudalibus, non excludunt fratres *consanguineos* à successione. 2 147 b
 — *Germani*, alteri *germano* ab intestato succedentes, in allodialibus excludunt fratres tantum *consanguineos*, vel merè *uterinos*. 2 149 & *seq.*
 — *Germani*, *consanguinei*, *uterini*, eorumque præmortuorum liberi, quomodo succedant? 2 146 & *seq.*
 — *Consanguinei*, si in successione concurrant cum *uterinis*, an tunc obtineat *Brocardicum*: *Paterna paternis*: *Materna maternis*? 2 147
Fratribus germanis defuncti, eorumque liberis uon exstautibus, in allodialibus succedunt fratres *consanguinei* & *uterini*, eorumque liberi, absque distinctione bonorum. 2 148 a
Fratrum non solum *germanorum* sed & *consanguineorum* & *uterinorum* liberi, si soli sint; excludunt defuncti patrum, avunculum, materteram, aut amitam. 2 148
 — *Adoptiuorum*, qualis inter se successio? 2 148
 — *Naturalium tantum*, qualis inter se successio? 2 149 a
 — præmortuorum liberi succedunt ultimo avunculo in capita. 2 147 b
Fructus quid & quotuplices? 2 110 a
 Bbb
 Fru-

INDEX ALPHABETICUS

Fructus quinam restituendi à bonæ fidei possessore? [2 114](#) & [seq.](#)
 — Necessum percepti, sed adhuc pendentes, à quocunque possessore restituendi sunt domino. [2 114](#) b
 — Adscitici qui? & an ab ullo possessore sint restituendi? [2 110](#) & [seq.](#)
 — Qualiter à bonæ vel malæ fidei possessore restituendi? [2 112](#) & [seq.](#)
 Fugere tutâ conscientia possunt, qui ab injusto hoste capti. [2 323](#) & [seq.](#)
 Fnr., ad quid teneatur ante iudicis sententiam? [1 378](#) a
 Furo apprehenso, res furtivæ domino restituenda. [1 377](#) b
 Furis nocturni & diurni distinctio. & cur potius nocturnum, quàm diurnum furem occidere liceat? [1 300](#)
 Furta minuta, an & quando constituentur peccatum lethale? [1 372](#) b & [374](#) b
 Furti species. [1 375](#) & [seq.](#)
 — Adio, cui, & contra quos competat? [176](#) a
 — Adio pœnalis. *ibid.*
 — Reus est, nedum ipse rem alienam auferens, sed & auferri mandans: item furem cum re furtiva scienter recipiens. [1 365](#) b & *supra*: pag. 302 &
 — Reus est, qui rem furtivam scienter emit, aut in solutam, vel dono accipit. [1 365](#) b
 — Quoque reus est dominus, qui rem suam alteri oppignoratam, accommodatam vel depositam, fraudulenter aufert. [1 365](#) a
 — Definitio Theologica. [1 363](#) b
 — Descriptio juridica. [1 364](#) a
 — Gravitas unde? [1 363](#) b & [371](#) & [seq.](#)
 Furtum Decalogi lege prohibitum, quid importet? [1 362](#) a
 — Non repugnat juri naturali absoluto, sed hypothetico *ibid.*
 — Cur prohibitum à Deo? *ibid.* b
 — Non committi, qui rem nullius, aut pro derelicto habitam accipit. [1 365](#) a
 — In sensu juridico non committitur in re incorporali vel immobili. [1 365](#) a
 — Quatenus committant filius-familias, servus aut uxor respectivè quid auferentes à Patre, Domino, Marito? [1 366](#)
 — Quandonam sit peccatum mortale? [1 371](#) & [seq.](#)

— Variè dividitur. [1 378](#) b
 — Manifestum, cur graviter puniatur, quàm non manifestum? [1 376](#) b
 — An committat capiens feram in fundo alieno? [2 94](#)

G

G Allicum jus circa res naufragas. [2 102](#) a
 Generale Concilium non est supra Papam. [2 201](#) & [seq.](#)
 Generale Concilium nequit condere decreta, quæ Romanus Pontifex obstringatur. [2 202](#) a
 Gens, an genti mercatum, transivimque inhibere possit? [2 78](#) & [seq.](#)
 Gens una, an alteri populo libero inhibere queat, ne ad exterarum nationum commercii gratia transfretet? [2 77](#) & [seq.](#)
 Gens una per pacta se obstringere potest, ne ultra certam metam navigatum eat. [2 77](#) & [seq.](#)
 Gentium jure, multa permixta sunt, quæ jure naturæ sunt verita, & contra. [2 295](#) a
 Gentium jus, quid & quatuorplex? *Vide Jus gentium.*
 Gentium uni, an liceat pacifici cum alio populo, ut certi generis fructus sibi soli vendat? [2 84](#) b
 Geranii jus, in quo differat à jure Scapula? [2 82](#) b
 Geranium quid? *ibid.*
 Graduum differentia in eadem linea, non mutat speciem. [1 354](#)
 Gradus. *Vide: Conspargitur.*

H

H Abitatio, an exteris concedenda? [2 83](#) a
 Hæreditas ab intestato, primò defertur liberis. [2 144](#) & [seq.](#)
 — Liberos, qualiter ab intestato defertur parentibus? [2 146](#) a
 — Item aliis ascendentibus? *ibid.*
 — In defectu descendentiæ & ascendentiæ, ab intestato defertur primò fratribus defuncti germanis, aut eorum liberis, jure representationis. [2 146](#) b
 Hæresis, an pacis causâ tolerari possit? [2 346](#) b
 Hæ-

R E R U M &c.

Hæretici & eorum ritus, an & quatenus in
ditionibus Catholicis tolerandi? 2 271 *b*
 — Ob hæresin puniri possunt ultimo sup-
 plicio. 2 272 *a & seq.*
Hermaphroditii, quatenus Matrimonium con-
trahere possint? 2 29 *a*
Herus, quid possit vel non in servos, sive co-
actos, sive passivos. 2 44 *a*
Homicida efficitur irregularis. 1 287 *a*
Homicidii enormitas. 1 280 *a & 284 & seq.*
 — Poenæ. 1 282 *a & 284*
 — Qualificati poenæ variant pro criminis
 atrocitate. 1 290
Homicidium, quid & quotuplex? 1 280 *a & seq.*
 — Ex opere illicito secutum, an semper vo-
 luntarium in causa? 1 283 *b*
 — Mandans, quatenus revocato mandato
 immunis sit à poenis juris? 1 286 *a*
 — Mandans, an obnoxius sit poenis, si ipse
 mandatus occidatur? *ibid.*
 — Mandans, non subsecutus cæde, an immu-
 nis sit ab omni poena? *ibid.*
 — Efficaciter consulens, ad instar mandantis,
 subiacet poenis. *ibid.*
 — Mandans & consulens, quomodo differ-
 rant, si mandatum & consilium revocatum
 fuerit? *ibid.*
 — Non impediens, dum potest, & ex iustitia
 tenetur, efficitur irregularis. 1 288 *a*
 — Rati habens, an fiat irregularis? *ibid.* *b*
Homines, alii liberi, alii servi. 1 31 *a*
Homines liberi, alii ingenui alii libertini. *ibid.*
Homo hominem, & populus populum, absque
speciali fœdere ab iniuriis defen-
dere tenetur. 2 255 *b*
 — Secundum se, & extra civile imperium
 consideratus, naturaliter sui juris vindex
 est. 2 251 *a*
 — Quivis, est ab intrinseco pec-
 cabilis. 1 5 *b*
 — Quatenus jure naturæ tenetur animum
 excolere? 1 448 *b*
 — Qualiter corporis curam ha-
 bere debeat? *ibid.*
 — Tenetur cunctas actiones suas delibera-
 tas referre in Deum. 1 451 *a & seq.*
Honestum, aliud naturaliter, aliud civiliter
tale. 1 26 *a*
Hospites & advenæ in civitate hostili reperti, an
& quatenus spoliari possint? 2 292 *a*
Hostem, an ex improvviso liceat occidere, im-
missis clam percussore? 2 296 *a*

Hostes dediti, an occidi possint? 2 297 *a*
Hostes exarmati & capti, an prætextu talionis
trucidari queant? 2 298 *a & seq.*
Hostes fallere, an & quatenus liceat? 2 305 *a*
Hosti subministrans res, an pro hoste habend-
us? 2 294 *b*
Hosti data fides servanda. 2 331 *a*
Hostibus suppeditatæ res, quando & quatenus
intercipi possint? 2 287
Hostibus erepta, jure gentium sunt
capientium. 2 313 *a*
 — Quatenus id procedat jure
 naturali? *ibid.*
Hostiles res, ita jure gentium victoribus cedunt,
ut nequidem res sacræ, aut Deo dedicatæ
exciplantur. 2 320 *a*
Hostiles res, quo pacto auferri vel destrui pos-
sint? 2 301 *a*
Hostiles res, quandonam plenè capte censentur?
 2 314 *a*
Hostilis non est omnis res, quæ apud hostem
reperitur. 2 315 *a*
Hostium subditi, an hostes quoque sint, &
ubique, jure belli, offendi possint? 2 291 *a & seq.*
Hostium res, jure naturali & civili, cum mo-
deramine tractandæ. 2 304 *a*
Hostis, an ubique offendi possit? 2 294 *a*
 — Quis propriè dicatur? 2 295 *a*

I

Iansenista falsè se nominant discipulos SS.
Augustini, Thomæ Aquinatis, & Be-
nardi. 2 200 *a & seq.*
Iconoclastarum error damnatus. 1 169 *a & seq.*
Idololatria, quid? 1 122 *a*
Idololatræ, an indiscriminatim morte puniri
possint? 2 268 *b*
Ignorantia juris civilis, interdum
excusat. 1 69
 — *Invincibilis*, an & quatenus dari possit
 circa ea, quæ sunt juris naturæ? 1 70
 — An excuset ab omni culpa &
 poena. Vide: *Error invincibilis*.
Imago, quid, & quomodo differat
ab idolo? 1 169 *a*
Imaginum cultus, an prohibitus? 1 170 *b*
Impedimenta quædam, jure naturæ Matrimo-
nium dirimunt. 1 39 *b*
Impensæ, quotuplices? 2 121 *b*
Impensas necessarias, quivis etiam malæ fidei
pos-

INDEX ALPHABETICUS

- possessor deducit. 2 121 b
 — Deducere & tollere, quid? 2 121 b
 — Utiles, b. f. possessor deducere, malæ autem fidei possessor solum tollere potest. 2 122 a
 — Voluptuarius, quatenus b. f. possessor deducere queat? 2 122 a
 Imperator noster Romano-germanicus, an habeat dominium totius orbis? 2 121 a
 — An, jus habeat subjugandi sibi gentes exteræ, & eorum terras occupandi? 2 127 a
 — Num ipsi tale jus, à Romano Pontifice conferri possit? 2 127 a
 — Solus, an bellum indicare possit? 2 129 a
 Imperatoris & summi Pontificis Majestas, quatenus differant? 2 129 a
 Imperantium facultas, haurienda est ab origine & structura Rerumpublicarum, 2 134
 — Sive: potestas ipsorum, ex primævo populi consensu metienda est. 2 134
 Imperantium, non ubique par potestas. 2 134 a
 Imperia, in dubio, ad medietatem fluminis limitantur, vel alvei derelicti, sese extendunt. 2 109 b
 — Alienari possunt ab his, in quorum dominio sunt. 2 141 b
 — Alia sunt electiva, alia hereditaria. Vide: Regnum.
 Imperium Romano-Germanicum, hodie est Status mixtus. 2 12 & seq.
 — Habens summo minus, an eò ipso habeat jus circa fluvialia incrementa? 2 107 & seq.
 — An nullum fuisset in statu nature integrali? 2 180 a
 — An sit à jure naturali? 2 180 a
 — An destinat esse summum, si imperatorum, Deo aut subditis aliquæ promittat? 2 183 & seq.
 — Summum, an subsistere queat, sine exercitii plenitudine? 2 182 Vide: Monarchia.
 Inæqualitas juratæ contrahentium, non præstat exemptionem à juramenti observantia. 1 187 b
 Incestus, quid, & quandonam committatur? 1 352 a
 — Est crimen adulterio gravius. 2 352 a
 Incestuosorum poenæ. 1 352 & seq.
 Indictio belli. Vide: Bellum.
 Indocti peritiores consulere debent. 2 245 a
 Inducie, quid? 2 337 a
 Indulgentia simplex, non restituit bonas actiones pristinas. 2 339 b
 Infamans alium injustè, nedum famam, sed & damna realia inde exorta rescindere tenetur. 2 417 b
 Infideles tyrannicè agunt, dum causâ Religionis, torquent Christianos. 2 161 a
 — Armis compelli possunt, ne deserviant in Christianos; nè fidei annuntiationem impediunt. 2 161 b
 — An, & quatenus cogi possint ad audientiam Evangelii prædicationem. 2 162 a
 — Proprie dicti, non sunt armis, vel tormentis compellendi ad fidem Christianam. 2 169 b
 — A Principe Christiano compelli possunt, ut observent legem naturæ. 2 169
 Infidelitas, quotuplex? 2 169
 Infidelium infantes, invitis parentibus valide quidem, sed regulariter illicitè baptizantur. 2 162 & seq. ubi ponuntur casus excepti.
 Inhonoratio, alia negativa, alia positiva. 1 399 b
 Injuria, quanta esse debeat, ut ad movendum bellum sufficiat? 2 240 b & 248 & seq.
 — Parentibus illata, quàm gravis? 2 262 a
 Injuriam levem passus, an injuriantem ledere possit in infinitum? 1 311 b
 Innocentes, an occidi possint in bello aliquo iusto? 2 290 b
 — Qui sunt subditi Reipublicæ hostilis, an & quatenus bonis suis spoliari, aut in servitutem abduci possint? 2 291 & seq.
 Innocentium nomine, qui veniant? 2 291 a
 Insula & peninsula, quid? 2 106
 — Quot modis facta? 2 107
 — In mari vel flumine nata, cujus? 2 107
 Insula productio, est modus acquirendi domini, ratione prædii nostri fluvio vicini. 2 107
 Intentio, quotuplex? 1 450 a
 Interpretatio, quæ facienda circa res utrimque ex pacto resistentibus? 2 341 a
 — Taliter facienda, ut unusquisque servetur indemnis. 2 343 a
 Interpretatio dupliciter fit. 2 365 b
 — Coarctans, unde petenda. 2 366 a
 — Conformis esse debet materiæ sublatæ. 2 367 b
 — Qualis facienda in pactis, aut dispositionibus ambiguis? 2 367 b
 Interrogatio super crimine occulto, quatenus possit esse iudicialis & legitima? 1 399 a
 — In-

RERUM &c.

Interrogatoria Magis proponenda? **1 123 b**
 Inveſtitiva in Appellantes à Papa ad futurum
 Generale Concilium. **2 211**
 Invocatio Sanctorum, à calumniis Hæretico-
 rum vindicatur. **1 163 & ſeq.**
 Joci ex modo loquendi parentes, non ſunt
 mendacia. Idem eſt de locutionibus hyper-
 bolicis, figuratis, myſticis & iro-
 nicis. **1 394 a**
 Irregularitas incurri poteſt ſine culpa theologi-
 ca. **2 253 a**
 — Defectu perfectæ lenitatis, à quibus con-
 trahatur. **1 293**
 Irritio, quid? **1 406 a**
 Irritatio juramentorum & votorum, quotu-
 plex? **1 219**
 — A quo fieri poſſit? **ibid. 220 & ſeq.**
 — An ſine juſta cauſa valeat? **ibid. 222**
 Judeis, cur dies ſeptimus fuerit
 ſacer? **1 241 b**
 — cur itidem jumenta fuerint juſta quieſ-
 cere? **ibid. 242**
 Judæorum ritus, an & quatenus
 tolerandi? **2 269 b**
 Judex ſtante opinioſum probabilium æquili-
 brio, ſequi debet quod tutius eſt. **1 91 b**
 — Uſque ad prolationem ſententiæ, poteſt
 deferre juramentum. **1 211 a**
 Judicium temerarium, quid? **1 369 a**
 — Eſt mendacio aſſine. **ibid.**
 Juramenti definitio. **1 177**
 — Interpretatio, qualiter facien-
 da? **1 187 b & infra 189 a**
 — Violatio, an ſemper ponat culpam mor-
 talem? **1 217**
 — Obligatio, an tranſeat ad hæ-
 redes? **1 103 & ſeq.**
 — Litis deciforii falſitate detecta,
 quid juris? **1 207 & ſeq.**
 Juramentum, eſt actus Religionis. **1 178 & ſeq.**
 — Quotuplex? **1 178 & ſeq.**
 — Calumnia, quando, & à quibus præ-
 ſtandum? **1 179 a**
 — Malitia, & de veritate dicen-
 da, quid? **1 181 a**
 — Tres requirit comites. **1 184 a**
 — Judiciale, aliud eſt litis deciforium, aliud
 in litem. **1 181**
 — De ſervandis ſtatutis, an extendatur ad
 ſtatuta etiam futura? **1 190 b**
 — Homini præſtitum, neceſſario ſervan-

dum, quando ſervari poteſt abſque detri-
 mento animæ jurantis. **1 196 & ſeq.**
 — An per Procuratorem præſtari
 poſſit? **1 197 b**
 — An valeat, de non accuſanda uxore ſuper
 crimine? **1 198 a**
 — Servandi Capitulationes, quatenus obli-
 get? **1 200 a**
 — An teneat contra juris civilis prohibitio-
 nem? **1 201 & ſeq.**
 — Litis deciforium, quid? **1 205**
 — Ejus effectus. **ibid. 206 b**
 — Voluntarium, judiciale & neceſſarium,
 quatenus differant? **1 206 a**
 — Etiam merè conventionale prodeſt ad cau-
 ſarum decifionem. **ibid.**
 — Conventionale poſtulat ea, quæ requirit
 tranſactio. **1 210 a**
 — Litis deciforium, quandònam locum
 habeat? **ibid.**
 — Judiciale, quæ requirit? **ibid.**
 — Neceſſarium, quæ poſtulet? **ibid.**
 — Litis deciforium, an interdum expediat
 deferri in forma execratoria? **ibid. b**
 — Neceſſarium, citato adverſario præſtari
 debet. **1 211 a**
 — Suppletorium, quibus caſibus deferri
 poſſit? **1 211 & ſeq.**
 — Voluntarium & judiciale, in omni cauſa
 deferri poteſt. **1 212 b**
 — Sponte oblatum, non caret ſuſpicionem. **ibid.**
 — Suppletorium, interdum debet à judice
 deferri, exceptis quibuſdam caſi-
 bus. **1 213 & ſeq.**
 — Voluntarium, nec neceſſario præſtan-
 dum, neque referendum. **1 214 b**
 — Judiciale, quatenus recuſari poſſit? **ibid.**
 — Per falſos Deos, an teneat? **1 184 & ſeq.**
 — An liceat petere ab eo, qui creditur per
 falſos Deos juraturus? **1 186 a**
 — Metu extortum, an valeat? **1 198 b**
 — Dolo elicium, an obliget? **1 199 b**
 — Non ſolum hoſti publico, ſed & latroni
 aut prædoni præſtitum, ſervan-
 dum eſt. **1 187 a**
 — ſed quid, ſi alter fidem fregerit? **ibid.**
 — Promiſſorium, quas tacite complectatur
 conditiones? **1 189 b**
 — Promiſſorium, an ſemper inducat obli-
 gationem? **1 195 b**
 Jurare, an Chriſtianis permiſſum? **1 182 a**

INDEX ALPHABETICUS

- Jurare non tenetur, qui inavult probare? **1 216 a**
- Juratio promissa homini, non possunt eo invitò, in opus etiam melius commutari; quod secus est in promissione facta Deo. **1 197 a b**
- Juratio promissum, an præstandum non exi- genti? **1 218 k**
- Jurata promissioni, an satisfiat per compen- sationem? **1 218 b & seq.**
- Juris naturalis principium, aliud *essendi*, aliud *cognoscendi*. **1 26 b**
- Transgressio, illud non mutat. **1 62 b**
- *Finis*, in quo consistat? **1 63 & seq.**
- Transgressores acerrimè à Deo puniun- tur. **1 62 b**
- Quid sit, unde desumi possit? **1 71 a**
- *Ignorantia invincibilis*, an detur. Vide: *Error invincibilis*.
- Juris species universim tres. **1 18 b**
- Jus divinum, duplex. **1 16 k**
- Jus naturale, quid? **1 21 k & 22 a**
- Quotuplex? *ibid.*
- Quomodo differat à jure Divino *volun- tario*? **1 16 b**
- Quomodo differat à jure *Gentium*? **1 18 a & 34 k**
- Quomodo discrepet à Synderesi & con- scientia? **1 34 b**
- Est prorsus immutabile. **1 50 a**
- An patiatur *Epikesiam*? **1 18 b**
- Quatenus à priori & posteriori probari possit? **1 35 b**
- Aliud est *absolutum*, aliud *Hypotheti- cum*. **1 61 a & k**
- *Primum* nec ab impiis negari potest. **1 21 a**
- Duo habet tribunalia. **1 65 a**
- Jus naturale vim suam non haurit à legibus civilibus. **1 64 b**
- Jus naturale non est idem, quod *libertas natu- ralis*. **1 24 a**
- Jus naturale, & pudor differunt. *ibid. b*
- Jus naturæ, unde depravatam? **1 3 a**
- Jus naturæ, & jus naturale, in rigore diffe- runt. **1 24 a**
- Pro vario respectu, varit ac- cipitur. **1 35 b**
- Jus Gentium, quid? **2 7 k**
- Non confundendum cum jure naturali. **2 4 & seq.**
- Magnam habet affinitatem cum jure naturali. **2 7 a**
- Quomodo differat à jure civili? *ibid.*
- Quomodo probetur? **2 8 b**
- Quomodo dividatur? **2 8 & seq.**
- Circa quam materiam versetur? **2 8 & seq.**
- Cur introductum? **2 7 a**
- Quo pacto introductum? **1 18 a**
- Jus naturale, etiam *divinum* est. **1 16 a & 46 a**
- Jus naturale, vetustissima & primordialis lex est. *ibid.*
- Jus *Emporii & Stapule*, quid? & quis illud concedat in Imperio Romano- Germanico? **2 81 b**
- Jus *alluvionis*. Vide: *Alluvio*.
- Jus *representationis* in linea collateralis, quo- usque & quomodo extendatur? **2 149 k**
- Jus *voluntarium*, aut divinum aut humanum est. **1 61 k** Penes quos olim fuerit pote- stas juris condendi? *ibid.*
- Justitia *commutativa* naturaliter petit, ut id, quod debetur, in *specie* præstetur, aut aliud *aquivalent*. **2 144 a**
- Justitia etiam per homines improbos execu- tionis potest mandari. **2 319 a**
- Justum quod *in se* est, injustè fieri potest. **2 245 a**
- L
- L**æso *enormissima*, non tollit juramenti vin- culum. **1 200 a**
- Laus & gloria, quid? **1 399 k**
- Legatus, an jurisdictionem habeat in familia- res suos? **2 280 b**
- Si quid debeat, à quo compen- dendus? *ibid. a*
- Seu Nuntius Apostolicus, an & quate- nus in loco legationis sue, teneatur exhibere litteras suas *Credentiales*? **2 280 & seq.**
- Quis utatur jure Gentium? **2 178 a**
- An admittendus? *ibid.*
- Ob quas causas possit non recipi? *ibid.*
- Representat personam mittentis. *ibid.*
- Ipse, aut domestici ejus delinquentes, à quo puniendi? **2 279 k**
- An subiaceat *juri Talionis*? **2 280 a**
- Legatis, quatenus competat immunitas & in- violabilitas? **2 279 a**
- Legatorum immunitas extenditur ad eorum familiares, nec non ad res ipsorum. **2 279**
- Legatorum bona, an possint, ob debita con- tracta, detineri? **2 229**

R E R U M &c.

Leges, an & quæ fiteant tempore belli? 1 4 a
 Leges civiles non sunt iniustæ, dum parentibus dant facultatem exheredandi liberos contra ipsorum voluntatem nuptias contrahentes. 1 41 b
 Legitimitas per subsequens Matrimonium succedunt æqualiter cum aliis legitime natis. 2 148 k
 Legitimitas per Rescriptum Principis, an, & cui succedant? 2 148 k
 Lex una naturalis fortior, vincit debiliorem. 1 61 k
 — Aeterna Dei, est prima & universalis Regula morum. 1 95 b
 — Civilis, quandom obliget in foro poli? 1 201
 — Dupliciter mutari potest. 1 50 & seq.
 — Natura derogat cunctis legibus sibi adversantibus: & civilis dispositio debet esse conformis juri naturali. 1 47 a
 — Natura obligat universos. 1 48 & seq.
 — Vetus, an etiam in moralibus, à Christo mutata, correctæve fuerit? 1 14 a
 Liberi, qualiter teneantur petere & expectare consensum parentum ad nuptias? 1 42 k
 — An teneantur obtemperare parentibus nuptias cum certis personis præcipientibus? 1 ibid.
 — An teneantur in materia adiabola, aut alias, sequi placitum parentum? 1 262 b
 — Ab intestato parentibus succedunt æqualiter, nisi pactis dotalibus, vel alio modo, aliter dispositum fuerit. 2 145 & seq.
 — Qualiter parentibus succurrere debeant in necessitatibus tum spiritualibus, tum corporalibus? 1 256 a & seq.
 — Officia pietatis parentibus debita, antepone debent operibus consilii. 1 257 k
 — Ex quocunque complexu nati, à parentibus alendi, & tam spiritualiter, quam corporaliter educandi. 1 263 a & seq.
 Libertates Gallicanae, an combinari possint cum suprematui & infallibilitati summi Pontificis, in materia morum & fidei? 2 191 & seq.
 Licet quid potest pluribus modis. 2 292 a
 Linguae vitium commune. 2 389
 Litteras credentiales, an & quatenus Nuntius Apostolicus exhibere teneatur in loco suæ legationis? 2 282 & seq.

Locis sacris & piis, in bello parcendum. 2 292 a & 304 a
 Locupletatus ex re aliena, eatenus ad restitutionem tenetur. Vide Possessor.
 Loquelæ usus, cur hominibus inditus? 1 389 b

M

Magia, quotuplex? 1 123 a
 Magi, de quibus interrogandi? 1 123 k
 Majestas, quid? 2 164 a
 Circa quod objectum versetur? 2 130 k
 — An, & quatenus reperitur in statu mixto? 2 54
 — Alia sacra, alia profana. 2 165 k
 — Relatè, quò ad subiectum existentie, verosimiliter immediate proficiscitur ab hominum voluntate. 2 166 k
 — An rectè dividatur in realem & personalem? 2 169 b & seq.
 — Circa sacra, competit jure divino Pontifici Romano in orbem universum. 2 185 & seq. usque ad pag. 191 & pag. 195 & seq.
 — Sacra dari debet super terram. 2 185
 Majestatis subiectum, aliud commune, aliud proprium. 2 169 b
 Mala fide, qui possidere cepit, non solum tenetur rem domino indicare, sed & suis impensis restituere. 2 115 a
 Maledictum, quid & quotuplex? 1 406 k
 Maledictorum poena. 1 407 b
 Malefactores auctoritate publicâ, licet occidi possunt. 1 290 b
 — Quatenus humanitari, & à quovis privato occidi possint? 1 291
 Maleficium, quid & quotuplex? 1 123 k
 — Quo pacto, licet tolli possit? 1 124 a
 Mandans occidi, ad quid teneatur. Vide: occisi.
 Mandata Dei non sunt homini lapsu servata impossibilia. 1 111 ubi notantur Quæsiellistarum errores.
 Mandatum, an impleri possit per æquipolens? 2 266 a
 Mandatum generale in bello habens, an pacem facere possit? Vide: Pax.
 Manichæorum error. 1 280 a
 Mare, quot modis accipi possit? 2 75 a
 — Occupari potest ratione personarum & ratione territorii. 2 77 a
 Mares, cur in successione regnorum, feminis præferantur? 2 514 b

Ma-

INDEX ALPHABETICUS

- Maria minora, puta: lacus, stagna, freta; jure naturali *permissivo*, & gentium *positivo*, in dominium certi populi venire possunt. **2 73 b** Idem est de vasti Oceani partibus. *ibid.*
- Martius *Leno*, quomodo puniendus? **1 348 a**
- Quandonam *pro Lenone* habendus? *ibid.*
- Quale jus in uxorem & liberos habeat? **2 37 & seq.**
- Mas, in regno *indivisibili*, praefertur foeminae, & natumaximus praefertur aliis postea natis. **2 151 a**
- Matri insulse ab *Hobbeso* praecipua potestas in liberos, de jure naturae, adscribitur. **2 39 b**
- Matrimonium, an suapte naturā importet statum perpetuitatem? **2 14 & seq.**
- Ratum quo pacto sit dissolubile? **1 56 b**
- Ratum rumpitur per professionem religionis. **1 57 a**
- Consummatum, inter infideles, qualiter rumpi possit per conversionem alterius? **1 57 & seq.**
- An mutuo consensu rumpi possit? **2 15**
- Sine consensu parentum contractum, valet jure Canonico. **1 260 a**
- In *Gallia*, quid eatenus obtineat? *ibid. b*
- Quid in *Belgio*? *ibid. 261 a & b*
- Baptizati cum Pagana, non habet Sacramenti rationem, licet Ecclesia tales nuptias non irritasset. **2 32 & seq.**
- Haeretici cum Catholica, omni jure validum est, regulariter tamen illicitum. **2 33 & seq.**
- Inter fideles validè contractum, nec per adulterium, nec per malitiosam alterius desertionem; neque per ullum crimen, quo ad vinculum, dissolvi potest. **2 36 & seq.**
- Mendacium, quid? **1 389 b & 2 306 & seq.**
- Quotuplex? **1 390 b**
- Omne, est jure naturali prohibitum. **1 391 b**
- *Perniciosum*, est ex genere suo mortale. *ibid.*
- Eijam *jocosum* vel *officiosum*, non vacat culpa veniali. **2 309 & seq.**
- Mentiri non licet, nec ad fallendum hostem, nec ad salvandam viam innocentis. **2 308 & seq.**
- Mercatores alienigenae, jura *Stapulae*, aut *Geranii*, certis locis competentia, observare debent. **2 81 b**
- Mercatus, quis, & quatenus die facto prohibitus? **1 238 b**
- Merces amicorum reperta in navibus hostium, & e contra, an sint in praeda? **2 319 b**
- Meretrix, qualiter differat à concubina? **1 341 b**
- Metropolis, quid? & quatenus ad eam requirantur? **2 66 a**
- Metus & dolus, non equiparantur in omnibus. **1 100 a**
- Metus à vicino, an justa belli causa? Vide *Belli causam*.
- Metus, quando jure Ecclesiastico dirimat Matrimonium? **2 31 a**
- Metus gravis, facit, Matrimonium jure naturae, rescindi posse. **2 36**
- Miles, qui non est, non habet jus pugnandi cum hoste: imò, qui miles est, in iussu Ducis pugnare non debet. **2 312 a**
- Militi, an, & qualis praeda cedat? vide: *Praeda*.
- Militia mercenaria, sine delectu causae, improba censetur.
- An, & quatenus Clericis interdicienda? Vide: *Bellum*.
- Missae solennis*, an diebus dominicis & festivis audienda sit in Ecclesia Parochiali? **1 232**
- Moderamen inculpaem tutelae semper est observandum. **1 292 a**
- Quae ad moderamen istud requirantur? *ibid.*
- Moderator Reipublicae, finem debitum praeculis habere debet. **2 66 b**
- Modi acquirendi domini, aut originarii sunt aut derivativi. **2 91 a**
- Modi derivativi acquirendi domini, unde nascantur? **2 131 a**
- Modi transferendi domini à voluntate hominum dependentes, jure juris naturalis merè negativi. *ibid.*
- Modi speciales, quibus hac vel illà formà transferatur dominium, adscribuntur juri civili; sed obligatio inde resultans, rectè refertur ad jus naturale praecipuum. **2 132 a**
- Modus aliquis exercendae luminis potestatis, à populo eligendus. **2 168 b**
- Morbis, non solum, sed & omnis impudicitia, sexto Decalogi praeepto prohibetur. **1 338 a**
- Mollities, quid & quale peccatum? **1 358**
- Monarcha temporarius, an dari possit? **2 181 & seq.**
- Monarchia, quid? **2 82**
- Sim-

R E R U M &c.

— *Simplex* per se loquendo, est præstantissima Reipublicæ forma. **2 14 & seq.**
 — Summi Pontificis, an se extendat ad temporalia mundi regna? **2 213 b**
Monarchicum Ecclesiæ regimen non oppositur summo imperio civili. **1 446 b**
 Neque exinde turbatur pax & tranquillitas publica. *ibid.*
Monogamia, est juri naturali conformis. **1 39 b**
Monomachia. vide: *Duellum*.
Moralitas specifica & accidentalis, unde desumatur? **31 b**
 Morandæ licentia, an extraneis prætereuntibus tantisper concedenda? **2 82 b**
Moses, ob denegatum innoxium transitum, justè bellum intulit *Amoræis*. **2 79 b**
 Mulier, etiam consentiente marito, se alteri committens, committit adulterium. **1 343 b**
 — Quatenus subist viro? **2 37 & seq.**
 Multitudini, etiam in bello, parcendum. **2 299 b**
 Mutari possunt, quæ libertatis naturalis sunt. **1 60 b**
 Mutilians alium injustè in membro principali, qualiter puniendus? — Ad quid mutilato obstrictus sit? Jure Pontificio, sit irregularis. **189 b**
 Mutilians se ipsum in membro etiam minus principali, efficitur irregularis. *ibid.*

N

N *Atalis Alexander* falsò & improbè script de *S. Gregorio VII. Papa*. **2 197 b**
 Natus prodigiosè ex femore v. g. viri aut mulieris, non contrahit peccatum originale. **1 8 b**
 Natumaximus filiorum, cur in successione regni, cæteris præferatur? **2 154 b**
 Naufragii metu, res in undas projectæ, non sunt pro derelictis habendæ; nec cedunt primò occupanti. **2 101 b**
 Naufragorum bona, quibus cedant jure *Cæsareo*? **2 101**
 — Quibus jure *Gallicano*? *ibid.* **102 a**
 Naves bellicas propriis sumptibus extruentes, quatenus prædam faciant suam? **2 319 b**
 Navigandi libertas, pactis imminui potest. **2 77 b**

Navigium cum mercibus captum, sed à nostratibus recuperatum, cui cedat? **2 321 a**
 Navis ex alienis tabulis facta, cujus? **2 118 b**
 Navis per hostes capta, sed à tercio redempta, cujus? **2 321**
 Navis, quando belli jure, capta censetur? **2 321**
 Navis per nostros, Piratis rursus erepta, cujus? **2 330 a**
 Necessitas alia communis, alia *gravis*, alia *extrema*. **1 267 b**
 — *Communis* furtum non excusat. **1 368 a**
 — *Gravis* non facit rem communem. *ibid.*
 — *Extrema*, quatenus à furto excuset? *ibid.* **a b**
 — *Extrema* nedum permittit, sed etiam jubet ex alieno accipere tantum, quantum necesse ad vitam conservandam. **1 369**
 Quinimò tali casu, potest quis dominum resistentem vi repellere, & servato moderamine occidere. *ibid.*
 — *Extrema* petit, ut dominus non quidem ex iustitia, bene tamen ex charitate, rem suam indigenti offerat. **1 369 b**
 — *Extrema* facit, ut dominus absque injuria, extremè indigenti non possit subtrahere rem jam ab eo occupatam. *ibid.* **370 a**
 — *Extrema*, quatenus excuset ab onere restitutionis rei alienæ, si necessitas cesset? **1 370 a b**
 Nepos ex filio priore, an filio posteriori præferendus in regno? **2 119 b**
Neutrale, qualiter se gerere debeant cum utrimque belligerantibus? **2 312 a**
 Noe, cur cum paucis familiaribus præservatus in diluvio? **1 10 a**
 Nomen Dei, quid importet? **1 176 a**
 — Quot modis scitè assumatur? *ibid.*
 Nono Decalogi præcepto, quid explicitè prohibeatur? **1 424 b**
 Nonum Decalogi præceptum, cur Hebræis speciatim datum? **1 425 a**
 Nostra, quæ sunt, nobis invitis, ne per summum Principem, regulariter adimi possunt. **2 344 a**
 Notiones quædam de Deo, sunt universales & primæ cunctis perspicuæ; aliæ verò non ita sunt evidentes. **2 267 & seq.**
 Notorium quid & quodplex? **1 413 a**
 Nundinatio beneficiorum, ante conditos canones fuit vetita. **1 157 b**
 Ccc Nup-

INDEX ALPHABETICUS

Nuptiæ invitis parentibus non contrahendæ.

1 260 a

O

Obeſtum Maieſtatis, quod? 1 18c b

Obligatio eorum, qui invitis parentibus inſidelibus, liberos eorum baptizari ſecerant. 1 265 a

— Servandi fidem in pactis, deſcendit ex jure naturali. 1 40 a

— Erga fratres & ſorores, aliſque collaterales, qualis? 1 273 b

— Conjugum inter ſe. 1 273

— Ex ſacto vel delicto alieno, an & quatenus oriatur? 1 243 b & pag. ſeq. b

Obſides, an jure belli, occidi poſſint propter perſidiam Reipublicæ, à qua dati ſunt? 1 299 b

Oceani totius vaſtiſſimæ non cadit ſub dominium unius gentis. 1 67

Oceanus, quatenus dici poſſit res *interminabilis*? item *inoccupabilis*? 1 76 & ſeq.

Occidens cum juſto moderamine provocantem, nihil ei reſtituere tenetur. 1 129 b

Occidens injuſtum invalorem, dum abique gravi incommodo fugere poteſt; non ſolum peccat contra charitatem, ſed etiam contra juſtitiam. 1 310 b

Occidere, an extra bellum, alium liceat pro vitæ propriæ deſenſione? 1 291 a

An primus iſtus ſit exſpectandus? *ibid.*

— An alium liceat, pro deſenſione bonorum temporalium? 1 297 & ſeq.

— An pro deſenſione pudicitie? 1 295 & ſeq.

— An pro deſenſione famæ vel honoris? 1 307 & ſeq.

— Preventivè, an alium liceat? 1 293 b

Occidendi licentia à gentibus ſerocioribus in bello extendebatur etiam in mulieres & infantes captivos. 1 294 b

Occidi quiſnam in bello juſto poſſit, ſpectatà juſtitia internâ? 1 297 a

Occiſor vel mutilator injuſtus, cui, quid, & quantum reſtituere teneatur? 1 329 & ſeq.

Occultatio veritatis per reſtriſiones *non purè mentales*, ſubinde nedom permiſſa, ſed & præcepta eſt. 1 393 b

Occulta compenſatione, quandònam quis ſibi conſulere poſſit? 1 144 b

Occupanti, quænam animalis, jure naturali, occidant? 1 91

Occupatio quid & quotæplex? 1 91 a

Odiſa, *favorabilia & mixta* quæ? & quomodo interpretanda? 1 362 a b

Officia hominis *erga Deum, ſeipſum & proximum*, quænam pullulent ex jure naturali? 1 76 a

Officia pietatis parentibus debita, præferenda ſunt operibus *conſilii*. 1 216 b

— Quæ ſibi ipſi homo debeat; & unde illa proſuant? 1 447 a b

— Hominis erga ſe, circa quæ objectaverſentur? 1 448 a

— Hominis erga Deum, quæ? 1 410 a

Opera ſingularum virtutum, non ſunt jure naturalis *præceptiva*. 1 36 a

Opera alia ſunt *ſervilia*, alia *liberalia*, alia *communia*. 1 236 b

Opera ſervilia, quænam vetita diebus ſacris? 1 237

Opera noſtra in Deum, velut ultimum finem, referenda. 1 451 & ſeq.

Opinio *probabilis* quid? 1 77 a

Opinionem probabilem quomodo deſcribant *Probabiliſmi fabricatores*. *ibid.* & pag. ſeq.

Opinionem probabilem, an & quando ſequi liceat? vide: *Probabiliſmus*.

Opus ex ſe malum, ex ignorantia *invincibili* factum, non eſt *moraliter* bonum, ſed ſolum non malum. 1 30 b

Oratio, quando effectum habeat inſallibilem? 1 119

— Quando & qualiter adultis ſit neceſſaria? *ibid.*

— A quo, & pro quibus fieri poſſit? 1 120 b

Orbis totius dominus, an ſit Imperator *Romano-Germanicus*? 1 221 a b

Ordo Succeſſionis *ab inteſtato*, jure civili ſtatutus, poteſt mutari pactis, legibus aut moribus. 1 110 b

Ordo ſucceſſionis in regnis *legitimis*, conformis eſſe debet legibus fundamentalibus inibi vigentibus. 1 136 a

P

Pacis cauſa, an bona ſubditorum validè alienentur? 1 344 a

Pacis conſilia, in dubio, ſunt bello præferenda. 1 245 b

Pacem facere, cujus ſit? 1 337 b

Pacem facere quis poſſit in ſtatu *Ariſtocratico* vel *Democratico*? 1 338 a

R E R U M &c.

Pacem injussu Regis aut populi, Bellidux facere non potest, licet generali mandato munitus sit. *ibid.*

Pace cum Piratis aut Rebellibus facta, an & quatenus hi capta retinere possint? *2 340 b*

Pacificantium conventiones adaequae ad duo reducuntur capita. *2 339 a*

Pacis causa quantopere sit favorabilis? *2 341 b*

Pacta cum subditis rebellibus inita, religiose sunt observanda. *2 348 b*

— Aut *favorabilia*, aut *odiosa*, aut *mixta* sunt. *2 362 a*

— Cum Rege vel populo inita, an & quando sint *realia* vel *personalia*? *2 363 a*

Ex quibus indicibus eruatur, quod pactum sit *reale*? *ibid. b*

— *Confraternisatio* inter Illustres Germanorum familias, unde trahant originem? *2 139 b*

— *Confraternisatio*, prout important jus mutuo succedendi, quatenus sint valida? *2 140 a*

— Aut testamenta antecessorum, quatenus Princeps successor servare tenetur? *2 140 b*

Paganismus superveniens, non facit rumpi Matrimonium cum fidei contractum. *1 18 a*

PAPA potestatem summam circa sacra, immediate habet à Deo. *2 191 a*

— Non solum supremam, sed & *insubillibilem* habet auctoritatem in decidendis fidei & morum questionibus. *2 202 & seq.*

— Non habet directe potestatem merè temporalem in Reges & Regna. *2 217 b*

— Electus non indiget confirmatione. *2 191*

— An dispensare possit contra universalem Ecclesiae statum? *2 190 a*

— An valide dispense sine causa? *ibid.*

— An & quatenus possit deponere Reges? *2 219 a*

— An tempore vacantis imperii, succedat in jura imperialia? *2 219 b*

— Qua ratione sit Dominus mundi? *2 219*

— Est super omne Concilium.

— Quatenus dispensare possit super restitutione pretii simoniace accepti? *1 160 b*

Parentes carnales, cur praecipue honorandi? *1 253 a*

— Cogere non debent liberos ad Statum Religiosum vel Matrimoniale; nec illos ab eo retrahere. *1 259*

Parentibus, qualiter succurrendum in necessitatibus, tum spiritualibus, tum corporalibus? *1 216 a b*

Parentibus, qualiter obediendum? *1 254 b & seq.*

Parentum jus in liberos, quo sensu, sit naturale? *2 263 a*

Parentum nomine, qui veniant? *2 253 a*

& *ibid. pag. 257 ac pag. 268 & seq.*

Parentum obligatio erga liberos. *1 263 & seq.*

Parisiensis facultas, quid senserit de *Suprematu* & *insubillitate* *Pape*? *2 196 & seq.*

Pars populi aut imperii in populum, sine ejus consensu, nequit alteri in pignus dari. *2 143 a*

Pars, majus habet jus ad se tuendum, quam corpus ad tuendam partem. *2 142 a & seq.*

Pars territorii facilius alienari potest, quam pars populi. *2 142 b*

Pars terræ notabilis impetu fluminis, alterius fundo adjecta, cujus sit? *2 106 a*

Pars tutior, in omni dubio conscientiae, semper sequenda, idque non solum est *consilii*, sed & *praecipit*. *1 104 & seq.*

Pascbasii Quaesituli sectatores, *Jansenistarum* nomine gloriantes, nec *Divum Augustinum* nec *S. Thomam* imitantur. *2 206 & seq.*

Pater, jure naturæ, praecipuam habet potestatem in liberos, & familiam regendam. *2 32*

— An filium suum oppignorare, aut vendere possit? *2 42 a*

— Aut maritus, de jure Canonico non occidit impunè filiam aut uxorem, in flagranti adulterio deprehensam. *1 345 b*

Patria potestas, cujus juris? *1 39 b & 2 42 b*

— Unde oriatur? *2 42 a*

— Quid importet de jure naturæ? *2 42 a & 2 42 b*

— Quousque se extendat in personas liberorum? *ibid.*

Patri non competit jus vitæ & necis in proles etiam gravissimè delinquentes. *2 41 & seq.*

Patris imperium praerferendum est imperio matris. *2 39*

Paulus Apostolus, qua ratione par fuerit *Divo Petro*? *2 187 b*

— Qua ratione Christianis prohibetur conversationem

INDEX ALPHABETICUS

- versionem cum infidelibus? [2 337](#) *a*
 Pavones & columbæ, an fiant
 capientis? [2 96](#)
 Pax, quid sit? [2 337](#) *a*
 — De fe, perpetua est ab armis cessatio. *ibid.*
 — Qualiter differat à *Treuga*,
 & à *foedere*? *ibid.*
 — Ad instar transactionis peragi
 solet. [2 339](#) *a*
 Peccatum, quomodo sit nihil? [1 5](#) *b*
 — *Originale*, quæ mala attulerit & bona
 abstulerit? [1 8](#) *k*
 — *Originale* non coinquinavit *Deiparam*
Virginem. [1 6](#) *a*
 — *Originale*, quando contrahatur à cæteris
 ab Adamo descendentibus? [1 7](#) *a*
 — *Originale*, cur & qua ratione contraha-
 tur à descendentibus ab Adamo. *ibid. b*
 — Non fuisset à posteris contractum, si
 sola Eva peccasset. *ibid.*
 Peccatus quid? [1 379](#) *b*
 Pensio à Papa assignari potest resignanti bene-
 ficio. [1 149](#) *a*
 Pensio cum beneficio permutari nequit. *ibid.*
 Pensionis in beneficio legitime constitutæ vendi-
 tio, aut redemptio, an sapiat
Simoniam? [1 148](#) *a*
 Permutatio beneficiorum, quatenus fieri pos-
 sit coram *Ordinario*? [1 147](#) *b*
 Petrus *Apostolus*, qualem potestatem acceperit
 à *Christo*? [2 285](#) & seq.
 — Cathedralam Antiochiâ transiit *Romam*,
 ubi sedet 24 annis. [2 187](#) & seq.
 — Gessit figuram Ecclesiæ. [2 186](#)
 Plagium, quid, & quæ ejus pœna? [1 39](#) *b*
 Pœnæ adulterii, quandonam incur-
 rantur? [1 340](#) *a*
 Pœnæ in Simoniacos decretæ, locum habent
 in *Simonia occulta*. [1 111](#) *b*
 Quid, si *Simoniam* ab alio fuerit commissâ?
ibid. & pag. seq. Item: [1 379](#) *a*
 Pollutio *venerea* nullo casu licita est. [1 318](#) *b*
 Polygamia fuit primitus jure divino
 "prohibita. [1 13](#) *b*
 — Non est *directè* contra jus
 nature. *ibid.* pag. 37 *a* & 2 16 *b*
 — Est per Christum nunc omnibus prohi-
 bita, sed olim Deo dispensante permissa
 fuit. [1 38](#) Etiam gentilibus *ibid.* pag. 32 &
 pag. 55 ac 11 16 & 18 *b*
 Polyandria, juri naturæ profus
 adversatur. [2 11](#) & seq.
- Pontifex Romanus*, Majestaticâ pollet autho-
 ritate circa regimen totius Ec-
 clesiæ. [2 187](#) *a*
 — Est supra omne Concilium. [2 188](#) *b* &
 pag. 201 & seq.
 — Duplicem habet potestatem. [2 189](#) *a*
 — Dispenfare potest in omni jure Ecce-
 siastico. [2 189](#) *a* & *b* vide: *Papa*.
 Populus, qua ratione, à navigantibus vedigal
 exigere possit? [2 27](#)
 — Unus extraneus, an excludi possit ab
 exercitio ædium, quos *Reipublica*, vel
 Princeps, aliis passim indulsit? [2 85](#)
 — Subactus, an libertatis consequendæ causâ
 possit bellum suscipere? [2 286](#) *b*
 — Quatenus Regi contulerit potestatem se
 nomine *Reipublicæ* obligandi? [2 156](#) *a*
 — In dubio, de Principe, aut Magistratu suo
 bene præsumere debet. [2 171](#) *b*
 — An debeat debere creditoribus, si ab ex-
 traneo Rege victus & subactus
 fuerit? [2 61](#) *b*
 Possessor *bonæ fidei*, tenetur domino rei, ex
 cujus fructibus factus est locupletior.
[2 113](#) & seq. & infra 116 & seq.
 — *Bonæ fidei*, non facit fructus suos, quos
 post litis contestationem percepit, vel con-
 sumpsit. [2 114](#) *b*
 — *Bonæ fidei*, ad nihil tenetur domino, qui
 rei suæ consecutus est æstima-
 tionem. [2 115](#) *a*
 — *Bonæ fidei*, an rem emptam venditori
 possit reddere, ut pretium recipiat? [2 117](#) *a*
 — *Bonæ & malæ fidei*, in quo discrepent,
 quod ad impenarum voluptuariarum dedu-
 ctionem? [2 122](#)
 — *Bonæ* vel *malæ fidei*, quis
 dicatur? [2 110](#) *b*
 — *Bonæ fidei*, nedum fructus *industriales*,
 sed & *naturales* perceptos, facit
 suos. [2 112](#) & seq.
 — *Bonæ fidei*, fructus perceptos & necdum
 præscriptos, facit quidem tantisper suos, sed
 revocabiliter. [2 113](#) *a*
 — *Bonæ fidei*, labores & expensas circa
 fructus factos deduct; quod & de jure natu-
 rali procedit in *malæ fidei* pos-
 sessore. [2 113](#) *a*
 — *Malæ fidei*, quid restituere
 debeat? [2 111](#) & seq.
 — *Malæ fidei*, an teneatur domino præ-
 stare

stare estimationem rei, quæ sine nova culpa apud ipsum perit? *ibid.*

— Mala fidei, an fructus illicitè ex realitate perceptos, domino refundere teneatur? *2 112 a*

Postliminium quid? & illius vocis etymologia. *2 327 b*

— An pace contineatur? *ibid. & 340 a*

— An, & quatenus durante bello obtineat? *2 328 a*

Postliminio rediens, an & quatenus recuperet pristina jura sua? *2 328 b*

Postliminio recuperantur agri & coherentia solo. *2 329 b*

Postliminio, quatenus recuperentur bona mobilia bello amissa? *2 329 b*

Potestas laica non potest principaliter, festa instituire. *1 242 a*

Potestas spiritualis, jurisdictionis externæ, à civili imperio prorsus distincta est. *1 444 & seq.*

Potestas summa, rectè dividitur in *juram* & *profanam*. *1 432 a*

Potestas patria. vide: *Patriapotestas*.

Præcepta Decalogi in duabus tabulis continentur. *1 100 a & 252*

Præcepta Decalogi, alia sunt *affirmativa*, alia *negativa*. *1 113 a* Ubi adfertur discrimen inter præcepta *affirmativa* & *negativa*. *b*

Præcepta Decalogi omnia, charitatem pro fine habent. *1 252 a*

Præcepta divina, qua ratione differant à legibus humanis? *1 423*

Præcepta Decalogi etiam ante Moysen, omnes gentes obligabant. *1 113 b*

Præceptum de sanctificando Sabbatho, partim naturale, partim Divinum *positivum* ac *Ceremoniale* est. *1 226 a* — Quatenus ceremoniale, nunc lege nova antiquatum. *ibid.*

— Præceptum hoc, etiam *negativum* est. *ibid. pag. 227* — Quatenus *affirmativum*, ad quid obliget? *ibid.*

Præceptum quartum Decalogi, est virtualiter *negativum*. *1 253 a*

Præceptum nonum Decalogi, aliud est à Decimo. *1 423 b* — Præcepta hæc duo, sextum & septimum dilucidant. *ibid.*

Præda per hostes recuperata, sed eisdem per secundum manipulum rursus surrepta, spectabit ad secundum manipulum. *2 319 a*

Præda, an potius capientium fieri, quam in-

ter reliquos commilitones distribui debeat? *2 320*

Præda, an subjaceant res ipsorum, qui hostes non sunt; hostibus tamen aliqua suppeditant. *2 292 b*

Prædonum societas, quatenus fieri possit civitas? *2 288 b*

Præponens, quatenus teneatur ex facto servi *Infistoris*? *2 115 b*

Præscriptio *triennalis* adscribit bonæ fidei possessori dominium *irrevocabile* fructuum perceptorum. *2 113 b*

Prævaricator quis? *1 405 b*

Præveniri potest insidiator, si aliter periculum evitari nequeat. *1 293*

Primogenitus in Regno succedens, tenetur aliis fratribus constituitur *Appanagium*. *2 151*

Primogenitus, an acceptato regno, reliquam hereditatem, ob nimium æs alienum, repudiare possit? *2 155 b*

Princeps pacem faciendo, an & quatenus privatis præjudicare possit? *2 344 a*

Princeps supremus de rebus suis *allodialibus* sive *inter vivos*, sive *mortis causa*, liberè disponere potest. *2 133 b*

— Non potest testamento suo, auferre alteri jus quæsitum, nec quid statuere contra jus naturale, vel Divinum *positivum*. *2 137 b*

— Etiam in Regno *patrimoniali*, nihil in perniciem populi disponere potest. *ibid.*

Neque pro lubitu, jus populi, liberorum, vel agnatorum lædere valet. *2 138 a*

— Non potest disponere per testamentum de bonis, quibus per pacta familiarum, modus devolutionis præstitutus est. *2 139 a*

— Quatenus salvo summo imperio, possit se subicere alterius arbitrio? *2 184 a*

— *Supremus*, qua ratione fiat altero inferior? *2 239*

— Læsus, à bello desistere debet, si ipsi sincerè offeratur satisfactio. *2 240 b*

— *Catholicus*, an possit in auxilium belli vocare infideles, aut ipsos adjuvare? *2 257 a & seq.*

— An, quò ad modum acquirendi & exercendi imperii, potestatem suam sit immediate conlocutus à Deo? *2 167 & seq.*

Principes Christiani bellum indicere possunt sine consensu summi Pontificis, qui tamen arbitrium suum ad pacem interponere potest. *2 239 b*

INDEX ALPHABETICUS

Principia juris naturalis soliter indaganda. 1 69 a
Principium primum & fundamentale totius juris naturalis assignatur. 1 76 b
Principatus & Comitatus multi in Germania, pro *allodialibus* habentur. 2 133 b
Principum actiones, non sunt scrupulosè commensurandæ regulis, pro negotiis privatorum, receptis. 2 156 a
Probabilismus, est ars animas decipiendi. 1 76 a
Probabilissimi fabricatores laborant in elaboranda definitione *opinionis probabilis*. 1 77 b
Probabile, quid & quotuplex? 1 77 a
Probabilitas, unde oriatur? 1 79 a
Probabilis opinio quævis, oppositam habet æquè probabilem. 1 80 a
Probabilium opinionum medietas, falsis nititur rationibus. *ibid.*
Probabilis opinionis descriptio fabricata à *Joanne Ferrier*, articulatim exenteratur & refutatur. 1 81 & seq.
Probabilitarum resolutiones refelluntur. 1 89 & seq.
Probabilitarum sententiæ quædam damnatæ. 1 91 & seq. & *infra. pag. 93 & seq.*
Probabilissimum execrati sunt præcipui Galliarum Episcopi. 1 108 b
Probabilior sententia, an præferenda alteri probabili *moraliter certa*? 1 107 a
Probabilitarum argutiæ eliduntur. 2 107 & seq.
Probitas major, cur vigerit in primi ævi hominibus? 1 9 b
Profectio Religiosa, cur rumpat Matrimonii rati vinculum? 2 27 a
Profectio Religiosa, quam inficit Simonia, non est *ipso jure* nulla; & Monasterium retinere potest simoniacè accepta. 1 154 a
Proles adulterina, à quo alenda, si duo, eodem die, cum eadem commiserint adulterium? 1 348 b
Proles illegitimæ, qualiter à parentibus alenda? 1 267 & seq.
Prolebus illegitimis, quatenus dos vel alimentum negari possunt? *ibid. pag. 268*
Promissa in bello solemnī, pacis causā, reputantur jure gentium valida; etsi promissio per metum injustum extorta sit. 2 332 a
Promissor non obligatur ultra intentionem suam. 2 361

Promissum, quatenus sine perfidia possit non præstari? 2 332
Protestantica Religio sanguinolenta seditiones sæpe excitavit. 1 446 & seq.
Protoparentibus nostris in Paradiso, non nisi unica lex data fuit. 1 5 a
Provisionis irritatio, in penam Simonie investita, ad quæ beneficia se extendat? 1 153 b
Provocationes singulares, an in bello liceant? 2 360 a
Proximus, quis dicatur? 1 421 b
Proximimētio, cur fiat in decimo Decalogi præcepto? 1 426 a
Pseudopolitici perstringuntur. 1 3 a
Pudor qualis, sit juri affinis? 1 25 b
Pudoris species varia. *ibid.*
Pudoris & justitiæ causa & vis diversa. 1 25 b

Q

*Q*uesnelliste mentiuntur se Augustiniano Thomistas, 2 206 & seq.

R

*R*apiens sponsam suam de futuro ad exercendam cum illa libidinem, aut contrahendum cum ea Matrimonium; incidit in penas à Concilio Tridentino taxatas. 1 357 b
Raptorem fugientem, an occidere liceat? 1 302
Raptoribus & furibus, qui sint similes? 1 384 b
Raptores mulierum, quibus poenis plectantur? 1 35 a — An poenis subiacet scemina rapientem adolescentem? *ibid.* Item: An puella invitis parentibus, in sui rapum consentiens? *ibid.*
Raptus mulieris, quid? 1 356 a
Raptus virginis, solius libidinis causa, an dirimat nuptias cum ea contractas? 1 357
Ratione cessante, cessat dispositio. 2 367
Reges, unde potestatem suam habent? 1 140 a & 2 218 a
— Aut populi, facilius, pacificando quid sibi mutuo condonasse aut remisisse censentur; quàm privati. 2 343 a
— Veteris testamenti, an quæ tales, necessarii, aut semper habuerint jus circa sacra? 1 439

Re-

RERUM &c.

- Regia, & Sacerdotalis potestas, an in lege gratiæ, conjungi debeant in eodem subiecto? 1 436 & seq.
- Regimen *Democraticum*, si migrat in *Monarchicum*; num populi debita extinguantur? 2 61 a
- Regionum nomina, ex usu præsentis temporis, in pacis instrumento, capienda sunt. 2 343 b
- Regna Europæ, potius *per legitimis*, quam *Patrimonialibus* habenda sunt. 2 136 a
- Regium, aliud *Patrimoniale*, aliud *legitimum*, seu *non patrimoniale*. 2 132 b & 351 a
- An sit alicubi *Patrimoniale*, an *legitimum*; sæpe, ne Martis arbitrio, decidi potuit. Quid vero hac de re rationabiliter præsumendum? 2 135 a
- *Patrimoniale*, ex voluntate Regis, deferri potest filio secundò, aut ulterius natu; imò extraneo; adeoque in illo, non habet locum *jus primogenituræ*. 2 133
- Num sit pars hereditatis paternæ? 1 155 a
- Pleno jure possessum, aliter deferitur, quam illud, quod modum possessionis, à populo accepit. 2 151 a
- *Electivum* & *successivum*, quid? 2 53 b
- *Electivum* videtur præferendum *successivo*. 2 53 & seq.
- Si ex parte alienandum, an regnicolarum silius regionis, consensus requiratur? 2 141 b
- Rei vindicatio*, an competat pristino domino, pro arbore, alterius fundo, vi fluminis adjecta, & postmodum eruta? 2 106 b
- Religio trisariam potest accipi. 1 118 a
- *Naturalis*, quædam progerat præcepta? 1 430 a
- *Naturalis* suggeritur ex dependentia hominis à Deo, & ex cognitione quarundam divinarum perfectionum. 1 230 a
- *Naturalis*, importat etiam quædam officia *prædicta*. 1 431 a
- Religioni quædam vitia opponuntur *per excessum*, quædam *per defectum*. 1 121 a
- Religionis prima cura est habenda in Republica. 2 246 a
- Religionis libertas *Autonomica*, est omni juri contraria. 1 436 a
- Religionem, an ingredi possit silius, relicta in necessitate parentibus? 1 257 & seq.
- Religiosus, quatenus succurrere debeat parentibus egenis? 2 258 b
- Reliquiæ Sanctorum, quo cultu venerabiles? 1 172
- Renuntiare Rex, an regno possit? & num hejusmodi renuntiatio noceat liberis natis aut nascituris? 2 157 a
- Reo in opinionum probabilium consensu potius, quam Actori favendum, & cur? 1 92 & seq.
- Reo potius regulariter deferendum juramentum *suppletorium*, quam Actori. 1 212
- Repressalie*, quid, & quandonam licitæ? 2 242 a
- Non sunt per se injustæ. *ibid.*
- Non sunt ullo jure prohibitæ. *ibid.* 243 a
- An usurpari possint in vitam innocentium? *ibid.*
- Repressaliarum facultas, à quo impetranda? 2 243 b
- Repressalii obnoxii, qui sint? 2 243 a
- Repressalii non subsunt *Legati*, & res eorum. *ibid.*
- Repressaliarum jura, alia sunt juris gentium, alia juris civilis. *ibid.*
- Rerum publicarum origo & incrementa, unde? 2 63 & seq.
- Rerum divisio convenit juri naturali. 1 40 a
- Rerum communio, an modico tempore durare potuisset? 2 73 b
- Rerum prima divisio, juri naturali *permixtivo* adscribenda. 2 73 b
- Res hostibus surreptæ, cuinam determinatè in bello acquirantur? 2 315 Quid hac in parte moribus Hebræorum, Græcorum & Romanorum olim observatum; & quid nunc apud Christianos, moribus introductum? 2 315 & seq.
- Res hostilis capta in fundo pacato, an fiat capientium? 2 322 a
- Res hostium perdere, quando liceat? 2 303 a
- Res aliena, jussu titulo, licet concupiscitur. 1 426 b
- Res amicorum, quæ reperiuntur in navibus hostium, an belli jure acquirantur?
- Res, quæ nullius est, solâ visione non acquiruntur. 2 98 b
- Res consumptæ, quomodo restituenda? 2 341 a
- Res primitivæ quasi in medio positæ fuerunt. 2 73 a
- Res ab initio, pacto expresso vel tacito, in proprietatem venerunt. 2 72 b
- Res

INDEX ALPHABETICUS

- Res à Rheda currente decedentes, absque Menytri exactione, domino probè inquirendo, reddendæ. 2 102 a
- Res pro repressaliâ captæ, an jure domini cedant capientibus? 2 243 b
- Res inventæ, an domino non reperibili, pauperibus erogandæ? 1 367 a b
- Res sacræ, aut sacris usibus destinatæ, non sunt violandæ in bello. 2 303 & seq.
- Res in bello injusto captæ, in foro poli, sunt dominis restituentæ. 2 330 a
- Resignatio beneficii sub annua pensione. 1 146 a
- In favorem tertii. *ibid.* b
- Sub modo. 2 147 b
- Reciproca. *ibid.*
- Respublica, civitas, & urbs, quatenus differant? 2 66 b
- Restitutio ablatorum, cui faciendâ, si dominus non sit reperibilis? 1 373 b
- Quæ faciendâ sit à pluribus, qui communi consensu, ope, vel consilio, ad furtum concurrerunt? 1 374
- An faciendâ ab eo, qui suo exemplo aliis præbuit occasionem furandi? *ibid.* b
- An utrimque faciendâ in pace, si de ea faciendâ, nihil nominatim cautum sit? 2 343 a
- Plenissimè faciendâ, quid im- portet? 2 345 b & seq.
- Quæ post pacem faciendâ, an proficiat ex jure *Postliminii*? 2 347 b
- An, & qualis faciendâ iis, qui pro communi bono res suas amiserunt? 2 345
- An faciendâ à marito, qui dissipavit bona dotalia uxoris? 1 375 a
- An faciendâ ab uxore dilapidante bona mariti? *ibid.*
- Restitutionis vocabulo, quid veniat? 2 341 a
- Restituendi quatenus sint fructus cum principali? 2 342 a
- Restrictio purè mentalis non differt à mendacio. 1 391 a
- Reus illegitimè interrogatus, non tenetur jurare. 1 191 b
- Rex, unde potestatem suam immediatè habeat? 2 218 a
- An, & quatenus super regno *patrimoniali* vel *legitimo* disponere queat? 2 132 b
- In regno *Patrimoniali* potest, absolutè loquendo, filium adoptivum vel arrogatum insinueret hæredem. 2 133 a
- In regno *Patrimoniali*, limites juris naturalis transilire non debet. 2 136 a
- Circa regni alienationem disponens, præmissis liberè consensum suum explicare debet. *ibid.*
- An sine populi consensu, possit regnum suum alteri offerre in *feudum*? 2 143 a
- An partem populi possit, sine ejus consensu, alteri oppignorare? 2 143 a
- An sine consensu populi, possit aliis jure hæreditario, concedere *Ducatus*, *Marchionatus* &c.? *ibid.* a
- An alienare possit bona *Domanialia*? *ibid.* b
- Restrictam habens facultatem, quid possit vel non? 2 352 a
- Quatenus subditis jus quæstum auferre possit? 2 350 b
- An, & quatenus contractus à se initos irritare, aut semet à jurisjurandi vinculo eximere queat? 2 349 b
- Minorem, captivus, exul, mente abalienatus; an pacem facere possit? vide: *Pax*.
- Regno privari potest, vi legis *Commissoria*. 2 183 & 185 a
- Romanorum Imperator, an sit Dominus totius mundi? vide: *Imperator*.
- Romanorum imperium, an usque modo, permanferit penes populum Romanum? 2 62 & seq.
- Romanum imperium, hodie est status *mixtus*.
- Romanus Pontifex. vide: *Papa*. *Pontifex*.

S

- Sabbathi sanctificandi præceptum, qualiter differat ab aliis Decalogi legibus? 1 234 a
- Sacerdotalis ac Regia potestas, an semper conjuncta fuerit in veteri testamento? 1 439 & seq.
- Sacrilegium, quid & quotuplex? 1 136 b
- Reale variis gradibus & modis perpetratur. 1 138 b — Quomodo puniendum sit? 1 378 b
- Locale, quomodo committatur? 1 139 a
- Circa violationem personæ Deo sacratæ, quid? 1 354 b
- Sacris parcendum in bello.
- Sanctimonialem violans, qualiter puniendus? 1 354 & seq.
- Sanguis & Caro Christi miraculosè apparent, an absolutè adorari possit? 1 171 & seq.

RERUM &c.

Sata & alimenta hostium, quando destruere liceat? 2 303 a
 Sciens & tacens, quando consentire censetur? 2 102 & seq.
 Scopus duorum postremorum Decalogi præceptorum. 1 424 b
 Scriptura & pictura, an cedat chartæ vel tabulæ? 2 123 b
 Secretum proximi revelans, an & quatenus peccet? 1 410 b & seq.
 Secretum proximi, an expiscari liceat? *ibid.* 411 b
 Secundogenitus ex matre illustri, an præferendus primogenito ex matre plebeja? 2 153 a
 Sensus Parabolæ Lucæ 14. 2 261 a
 Sententia ex iuramento falso lata, num retractari possit? 1 215 b
 Separatio quod ad thorum & cohabitationem, ex capite adulterii, requirit sententiam iudicis. 1 349
 Sepulchri violatio, quid? 1 380 b
 Servi & ancillæ ab hostibus reversi, domino pristino reddendi sunt. 2 329 a
 Servi, alii proprii dicti, alii improprii tales. 2 30 a
 Servis à Domino beneficium præstari, & peculium relinqui potest. 2 327 a
 Servitus, alia *paucitia*, alia *legalis* seu coacta 2 43 a
 Servitutis propriæ dictæ origo, & occasio, seu causa proxima. 2 43 b
 Servus, quo casu aufugere possit? 2 328 a b
 Silentium, quando consentium probet? 2 102 & seq.
 — Quando valeat ad præsumendam rei derelictionem? 2 103 b
 Simonia, quid? 1 139 a
 — Est ex genere suo, peccatum mortale, nec admittit paritatem materiæ. 1 142 a
 — Alia prohibita, quia mala, alia mala, quia prohibita. *ibid.* b
 — Mentalis, conventionalis & realis, quid? 1 143
 — Conventionalis, non constituit distinctam speciem. *ibid.*
 — Purè mentalis non subjacet pœnis Ecclesiasticis fori externi. 1 150 a
 — Purè conventionalis non videtur etiam placenda pœnis juris positivi. *ibid.*
 Simoniaca, quæ sit præsentatio ad beneficium Ecclesiasticum? 1 145 b

Simoniacè obventa, quatenus dimittenda? 1 153 b
 Simoniacè promoti gesta, quæ sint ipso jure nulla? 1 154 b
 Simoniacè acceptum pretium, an, & cui restituendum? 1 154 & seq.
 Socialitas naturæ humanæ postulat jus quoddam commune, quod rectè jus gentium vocatur. 2 4 a
 Societas, sive bellica, sive civilis cum Gentilibus aut Hæreticis, non continet intrinsicam pravitatem. 355 & seq.
 Socii, clientes & amici, quatenus armis juvari & defendi debeant? 2 255 a
 Sociorum nomine, an & futuri veniant? 1 355
 Sodomia, unde dicta? *ibid.* 356
 Sodomitæ pœnæ. *ibid.* 355
 Solo cedunt inædificata. vide: *Edificatio*.
 Solum inculcum faciliè concedendum exteris, non autem ab his ausu proprio occupandum. 2 83 b
 Sortes, quid & quotuplices? 1 132 b
 — Consultoria, quid, & quandomam permissæ? 1 123 b
 — Divinatoria, quid, & cur prohibita? *ibid.*
 — Divisoria, quid, & quibus casibus licita? 1 132 b
 Sortilegium, quid? 1 129 a
 Spadones & Eunuchi, quatenus ad matrimonium sint inepti? 2 28 b
 Species nova ad pristinum rudis materiæ statum reducibilis, cedit materiæ domino. 2 118 b
 Speciem faciens malâ fide, ex aliena materia, non solum operam perdit; sed & pluribus actionibus materiæ domino obstringitur. 2 117 & seq.
 Speciem novam faciens, partem ex sua, partem ex aliena materia; dominus speciei evadit. 2 119 a
 Specificatio, quid? 2 117 b — Ad illam non sufficit figuræ tantum externæ mutatio. 2 118 a
 Sponsam suam invitis parentibus abducens, non committit raptum, si sponsa consentiat. 1 358 a
 Sponsor, qui factum alienum promissit, ad quid teneatur stipulatori? 2 360 a
 — Quatenus stipulatori teneatur ad id quod interest; si factum alienum, quod promissit, non

INDEX ALPHABETICUS

- non præstetur? 2 360 b
 Sponsoris promissionem, an ratam faciat Principis scientis taciturnitas? 2 360 b
Staple jus, quid? 2 81 b
 — Vocabulum, unde? 2 *ibid.*
 — Jure gaudentes, quid possint? 2 82 a
 — Jus, quibus civitatibus competat; & quid de illo dispositum? *ibid.*
Stapelbar-Güter, quid? *ibid.*
 Status hominis, quid & quotuplex? 2 13 a
 — Hominis *adventitius*, non reperitur extra societatem *ibid.*
 — Diversus, diversa postulat jura & officia. *ibid.*
 — *Conjugal*, est societas prima. 2 13 a
 — *Conjugal*, est à Deo institutus, adeoque licitus. 2 13 b — Non tamen singulis præceptus *ibid.*
 — *Conjugal*, ab incunabulis suis importavit vinculi perpetuitatem. *ibid.*
 — *Familia paterna*, quid? 2 42 a
 — *Herilis*, quid? 2 43 a — Est juris naturalis *permissivi*. *ibid.*
 — *Mixtus*, quid? 2 52 b
 — *Vita*, à quovis liberè est amplectendus. 1 259 a
 — Reipublicæ mutatio, an faciat delinere pactum cum illa initum? 2 363 a
 Sterilitas sola, non dirimit matrimonium, 2 28 a
 Stupra non sunt licita in hostium foeminas. 2 296 b
 Stuprum, an committat foemina à foemella, aut mas à masculo, virginittatis florem extorquens? 1 351 b
 Stuprum, quid propriè sit? 1 350 b
 Stupri poena. 1 351
 Stuprum rigidissimè acceptum, specie differt à simplici fornicatione. 1 352 a
 Subditi, quatenus pro legitimo Rege suo, contra invasorem regni, arma sumere possint? 2 364 a
 — Fidem Principis sui infringere nequeunt. 2 348 a
 Succedens in regno *patrimoniali individuo*, debet aliis hæredibus idipsum repensare. vide: *Appanagium*.
 Successionis ordo in Cathedra *Divi Petri*. 2 191 a
 Successionis in regno, an capaces sint filii *adoptivi*? 2 154 a
 Successionem talem in regno populus censetur ab initio elegisse, quæ maximè expedit. 2 153 b
 Successor in regno patrimoniali, tenetur pactis & conventionibus antecessorum: quod secus est in regno electivo aut legitimo. 2 351 b
 Suicidæ, quibus poenis subjaceant? 1 320 & seq.
 Suicidium *directum*, injussu Dei, nunquam licitum. 1 319 & seq.
 — *indirectum*, potest culpâ vacare. *ibid.* vide: *Autochiria*.
 Summa potestas, quatenus in regno etiam *Monarchico* vel *Aristocratico*, sit penes populum? 2 171 & seq.
 Summa potestas, quotuplex? 2 165 b
 — Profluit *immediatè* à Deo. 2 166 & *infra. pag. 179 b*
 Summum habens imperium, ad nihil tenetur, si sponsor absque ejus mandato, quid promiserit. 2 360 a
 Superior subditi cogere potest ad ea, quæ non solum ex justitia, sed & ex alia virtute, facere tenetur.
 Superioritas territorialis, quid sit? quid illà contineatur? qua ratione competere possit? & quis illam in imperio Romano-Germanico concedat? 2 65 a
 Supra omne Concilium, est Pontifex Romanus. vide: *Papa. Pontifex*.
 Supra naturam, quod est, non potest à jure naturali profluere. 1 438 b
 Sufurratio, quid? 1 406 a

T

- Tacens aut nihil agens, quondam censuisse, aut aliquid egisse censetur? 1 102 & seq.
 Tacens pro consentiente semper habendus, si legitima & rationabilis non detur in contrarium conjectura. 2 303
 Temporis lapsus, conjecturam præbent sumptæ derelictionis. 2 104 a b
 Tempus *immemoriale*, quod? 2 104 b
 Tentatio Dei, quid & quotuplex? 1 135 b
Tergiversari, quid? & quæ poena tergiversationis? 1 405 b
Termi motio, quid? 1 381 a
 Terras alienas, armis, sine causa *justifica* invadentes, summopere culpandi. 2 285 b
 — Testa

Testamenta de regnis non patrimonialibus, non valent, nisi ex consensu populi.
 Testimonium falsum, non solum octavo Decalogi præcepto prohibetur; sed & verum testimonium perhiberi præcipitur. 1 421 b
Talmudica Judæorum commenta, perinde ac libri hæresin continentes, meritò proscripta sunt. 2 271 b
 Theoremata quædam, ex quibus multæ conclusiones practicæ deduci possunt. 1 93 & seq.
 Thesaurus, quid? 2 99 a
 — Cur jure naturali *permissivo* totus cedat inventori? *ibid.*
 — Cujus fiat secundum jus *Justinianum*? *ibid.*
 — Cujus sit, inventus in loco sacro vel religioso? *ibid. b*
 — Inventus in cœmiterio vel Ecclesia, hodie non cedit Fisco, sed Prælati loci. 2 100 a
 — Inventus in loco *publico*, cujus fiat, secundum jus commune? *ibid.*
 — Alicubi inventus, cujus sit jure *Austriaco*? *ibid.*
 — Inventus in fundo *pendali*, vel *Emphyteutico*, cujus? *ibid. b*
 — Inventus à creditore in fundo ipsi hypothecato; cujus? 2 101 a
Thomas Aquinas, an sit author operis: *De Regimine Principum*? 2 216 a
 Titulus: *Dei gratia*, an soli competat Imperatori? 2 165 a
 Titulum istum sibi temerariè adscripsit *Lutherus*. *ibid.*
 Titulo inventionis, an gens una vindicare possit ea, quæ jam ab alia gente possidentur? 2 286 b
 Traditio, est modus generalis & derivativus acquirendi dominii. 2 131 a
 Traditio, quot modis fieri possit? 2 125 a
 Traditione, jure gentium acquiritur dominium. *ibid.*
 Transactio super beneficio, quatenus fieri possit? 1 143
 Transactiois causâ, quatenus pensio constitui possit solvenda ab eo, penes quem beneficium manet? 1 144 a
 Transitus *innoxius*, an armis vindicari possit? 2 80 a
 — Vel transvectio mercium, non solum armata, sed & inermis, quandoque à territorii dominis impediri potest. 2 79 Quod

tamen hæd dicendum de innoxia mercium in plagas exteras transvectione. *ibid.*
 — An, & quando ex metu transvectionis, denegari possit? 2 80 b
 — An censeri debeat *innoxius*, si transitum petens, non nisi lucrum ex mercatu intendat? 2 80 b
 — An concedendus populo undique cincto alterius Principis territorio? 2 84 a
 Triplex hominis officium. 1 429 a
 Tutior pars semper eligenda, si subsit peccandi periculum. 2 245 b
 Tutor pupillam suam stuprans, gravius puniendus. 1 351 b
 Tyrannus, quis dicatur? 2 178 b

V

Vana observantia, quid, & quor modis committatur? 1 134 a
 Vestigal, an mercibus imponi possit in mari, ratione transitus? 2 81 a
 Venandi jus, qua ratione Princeps subditis adimere, & sibi appropriare possit? 2 92
 Venatio, quid? 2 91 a
 — Quotuplex? *ibid. b*
 Verba intelligenda juxta materiam substratam. 2 367
 — Regulariter in proprio & usuali sensu accipienda. 2 361 a
 — Quando strictim sumenda? 2 366 b
 Verborum interpretatio, quæ facienda; si promisso præmio ei, qui primus ad metam pervenerit, duo simul eò pertigerint? 2 365
 Verborum interpretatio, alia per *ampliationem*, alia per *restrictionem*. 2 363 b
 Veritatem Reus fateri non tenetur, si legitime non interrogetur, aut necdum plene convictus in causis criminalibus majoribus, spem habeat evadendi. 1 192
 Veteris testamenti Reges æquiparari possunt Regibus novæ legis; sed non est idem de Sacerdotibus. 1 441 a
 Vexatio injustè mota, super nuda possessione Beneficii, aut fructuum perceptione; absque Simoniz vitio redimipote. 1 145 b
 Vexæ redimendæ causâ, an dari possit temporale pro consecutione rei spiritualis? 1 144 b
 Victis & captis mililibus vita relinquenda. 2 298 b

INDEX ALPHABETICUS RERUM &c.

- Victor, naturali jure, quid possit
in victos? 2 326
- Victor, bello victos, pro arbitratu suo, sibi
subjicere potest. 2 325 a
- Victor, quibus specialiter parcere
debeat? 2 298 a
- Victori, quid liceat in foro poli in hostem vi-
ctum & subactum? 2 297 b
- Vinculi conjugalis indissolubilitas, est valde
consona juri naturali. 2 16 a
- Vincenzii Cabotii error refellitur. 2 352
- Vindex quisque naturaliter non solum sui,
sed & alieni juris est. 2 254 a
- Vindicatio rei, cui, & contra quos
competat? 1 376 b
- Vinum ex alienis bovis factum, fit
specificans. 2 118 b
- Violenta captura, & deditio, parum differunt,
quò ad jus victoris. 2 325 b
- Vir locuples satisfacit officio charitatis, si ex-
tremè indigenti succurrat mutuum dando,
sub pacto restituendi, dum ad meliorem
fortunam pervenerit. 1 370 a
- Virginitas quid & quomplex, & quomodo
differat à castitate. 1 339 a
- Vis & metus etiam gravissimus, non dirimit
jure naturæ matrimonium; quod secus est
de jure Ecclesiastico. 2 34
- Vocabula: Rex, Princeps, an sint
synonyma? 2 180 b
- Usus scientia duplicis, quatenus differat à re-
strictione purè mentali? 1 394
- Usus promiscuus equivocationum, juri na-
turali adversatur. ibid.
- Usus rerum etiam commoditati & voluptati
moderatè servientium, à Deo concessus
homini. 2 72 b
- Utilis actio commodati, quatenus detur con-
tra pupillum? 2 115 b
- Uxor intra primum bimestre, à viro suo vio-
lenter cognita, potest eo invito, intrare
monasterium. 1 358 a
- Uxorum communio admissa à Stoicis &
Spartanis. 2 18 a
- Uxorum pluralitas nimia, potest esse juri na-
turali consona. 2 18 b
- Uxorum pluralitas non erat definita, dum
Deo dispensante, licita erat Poly-
gamia. 2 19 a
- Uxorum pluralitas, abrogata per Christum,
Polygamia, nedum fidelibus, sed & Paga-
nis, est prorsus prohibita. 2 19 b
- Uxor conditiuam habet actionem in rem, ex
pecunia sua marito donata, com-
paratam. 2 115 b

F I N I S.

APPROBATIO CENSORUM,

*A Reverendissimo Patre Magistro AUGUSTINO GIOJA Totius Ordinis
FF. Eremitarum S. P. AUGUSTINI Priore Generali Deputatorum.*

Hæc secunda ETHICÆ CHRISTIANÆ Pars, *Autore admodum Reverendo ac eximio P. Magistro Antonio Hochkirschen Aquis Ordinis FF. Eremit. S. P. Augustini, S. Theologiæ Doctore, ejusdemque, nec non juris Pontificii Professore absoluto &c.* Eximii Authoris sui studium & eruditionem non minus egregiè, quàm pars prima commendat: quippe quæ nobis eam attentè pervolventibus visa est ob rerum fecunditatem locuples, ob librorum de illis tractantium raritatem, curiosa; ob distinctiones suis appositè distributas sedibus, clara; ob rationum & omnigenarum autoritatum gravitatem, solida; ob facundiæ suavitatem amœna; tantumque abest, ut in ea aliquid sanæ fidei aut bonis moribus adversum deprehenderimus, ut contra, jure meritissimo, à fronte, hunc præferat Titulum: **ORTHODOXA JURIS NATURALIS ET GENTIUM PRUDENTIA.** Hæc quidem enucleatius *Gentium* exponit & elucidat placita, quod prior pars expressius circa *Juris Naturæ* præstiterat dictamina. Utraque sic sua cuilibet prudenter assignat munia, ut illud commune scholarum effectum: *distingue tempora, circumstantias, loca, personas, officia, materias &c. & concordabunt jura*, ad hocce utrumque Jus cætera omnia complectens, singulariter pertinere demonstrat. Ita sentimus, hac 12. *Novembris 1751.*

F. NICOLAUS ROLIN *S. Theol. Licentiatuſ & ejusdem Professor emerituſ ac Prior Generalis.*

F. LAMBARTUS DE HODEIGE *Ejusdem Ordinis Provinciæ Flandro-Belgiæ Definitor Exprovincialis*

APPROBATIO CENSORIS ORDINARI.

LEgi Librum cui Titulus ETHICA CHRISTIANA, Autore Rdo. *admodum & Eximio Patre Magistro Hochkirchen Aquis Ordinis FF. Eremitarum S. Augustini.* Nihil in eo reperi dissonum fidei aut moribus, quin potiùs omnia conformia principiis divorum Augustini & Thomæ. Datum Leodii hac 7. Julii 1751.

ANT. MEDARD S. T. L. *Canonicuſ Leodiensis: Seminarii Præſes & Professor à Sereniss. Eminent. Episcopo ad Examen Librorum specialiter deputatus.*

PERMISSIO ORDINARI.

Permittimus Impressionem. Datum Leodii hac 8. Julii 1751.

ED. STOUPE *Vicariuſ Generalis.*

AQ1

1453/27



